

釋宗金書



禪宗全書

語錄部十七

(52)

藍吉富 主編

北京圖書館出版社

圖書在版編目 (CIP) 數據

禪宗全書 / 藍吉富主編. — 北京: 北京圖書館出版社,
2004.12

ISBN 7-5013-2602-9

I. 禪… II. 藍… III. 禪宗—文獻—匯編 IV. B946.5

中國版本圖書館 CIP 數據核字 (2004) 第 103681 號

責任編輯: 王冠 于浩

封面設計: 許冬麗

ISBN 7-5013-2602-9



9 787501 326020 >

本書原名為《禪宗全書》，藍吉富主編，經北京版權代理有限公司代理，授權北京圖書館出版社獨家出版發行。

書名 禪宗全書 (全 101 冊)

著者 藍吉富 主編

出版 北京圖書館出版社 (100034 北京市西城區文津街 7 號)

發行 010-66139745, 66175620, 66126153, 66174391 (傳真),
66126156 (門市部)

E-Mail cbs@nlc.gov.cn (投稿) btsfxb@nlc.gov.cn (郵購)

Website www.nlcpress.com

印刷 河北三河燕郊古籍印裝廠

開本 880 × 1230 毫米 1/16

印張 4414

版次 2004 年 12 月第 1 版 2004 年 12 月第 1 次印刷

書號 ISBN 7-5013-2602-9/B · 108

定價 18000 圓



一、天寧法舟濟禪師剩語

二、湛然圓澄禪師語錄

三、天真毒峰善禪師要語

四、松隱唯菴然和尚語錄

五、愚菴智及禪師語錄

六、呆菴普莊禪師語錄

七、密雲禪師語錄

八、大瀉五峯學禪師語錄

九、三峰藏和尚語錄

十、晦臺元鏡禪師語錄



解題

編譯組

一、**天寧法舟濟禪師剩語**：一卷。明·法舟道濟撰，如淵、大芹編。天啟五（一六二五）年刊行。又稱「法舟濟禪師語錄」。集錄師之提唱、酬問、普說、頌古、讚頌、雜頌、偈等。卷末附嘉靖四十二（一五六三）年門人方澤撰「法舟濟和尚行狀」，以及圓信所撰之跋文。

二、**湛然圓澄禪師語錄**：八卷。明·湛然圓澄撰，明凡錄，丁元公、祁駿佳編。詳稱「會稽雲門湛然澄禪師語錄」。卷一收錄雲門傳忠廣孝寺結制上堂語等，卷二收錄徑山萬壽寺上堂語等，卷三收錄提語，卷四收錄小參，卷五收錄頌古，卷六收錄問答，卷七收錄請示、書問、佛事，卷八收錄讚、記、銘、序、跋、疏、引、偈、詩、辭、歌，卷末收錄塔銘二篇及行狀。

三、**天真毒峰善禪師要語**：一卷。明·毒峰本善撰，悟真編。明·崇禎元（一六二八）年刊行。又稱「毒峰善禪師要語」。為月溪惟澄法嗣毒峰本善的語錄，收有上堂、普說、示語、普說行脚等。

四、**松隱唯菴然和尚語錄**：三卷。明·唯菴德然撰，慧省編。明·崇禎二（一六二九）年刊行。係千巖元長法嗣唯菴德然的語錄。卷一收錄金華聖壽寺語錄、法語、頌古，卷二收錄偈頌，卷三收錄賦、吟、歌、銘、記、讚跋。

五、愚菴智及禪師語錄：十卷。明·以中智及（愚菴）撰，門人觀通等人編。明·崇禎二（一六二九）年刊行。又稱「明辨正宗廣慧禪師語錄」。爲大慧下元叟行端法嗣——以中智及的語錄。集錄師在隆教、普慈、淨慈報恩、興聖萬壽等禪寺的語錄，以及小參、頌古、讚語、偈頌、自題、書跋。卷末附宋濂撰的塔銘。

六、呆菴普莊禪師語錄：八卷。明·敬中普莊撰，慧啟等編。明·崇禎三（一六三〇）年刊行。又稱「敬中和尚語錄」。係臨濟下了堂惟一法嗣——敬中普莊的語錄。卷一收錄雲居眞如禪寺的上堂語，卷二收錄徑山萬壽禪寺的上堂語，卷三至卷八收錄小參、拈古、頌古、偈、詩、讚。卷末附塔銘。

七、密雲禪師語錄：十二卷。明·密雲圓悟撰，山翁道忞編。明代刊行。卷一——三收錄密雲禪師在禹門、通玄、廣慧、萬福、廣利、廣慧、景德等禪師的語錄，卷四——十二收錄上堂開示、小參、入堂、勘辨、問答機緣、拈古、頌古、偈、佛事、雜著等。卷末附行狀、塔銘、道行碑、年譜。

八、大瀉五峯學禪師語錄：一卷。明·五峰如學撰。清·順治九（一六五二）年序刊。又稱「五峰學禪師語錄」。係密雲圓悟法嗣——五峰如學的語錄。卷末附有行實及塔銘。

九、三峰藏和尚語錄：十六卷。明·漢月法藏撰，退翁弘儲編。崇禎十七（一六四四）年序刊。係密雲圓悟法嗣——漢月法藏的語錄。卷一——四收錄師在三峰清涼、北禪大慈、臨平安隱、鄧尉聖恩、龍山錦樹、南屏淨慈、水西眞如、索陵聖壽等寺的語錄，卷五——十六收錄廣錄、頌古、五宗原、雜偈、法語、書問、雜著。卷末附「三峰和尚年譜」。

十、**晦臺元鏡禪師語錄**：一卷。明·晦臺元鏡撰，覺浪道盛編。崇禎九（一六三六）年序刊。詳稱「建陽東苑晦臺鏡禪師語錄」。係無明慧經法嗣——晦臺元鏡（一五八七—一六七〇）的語錄。收錄師在建陽一枝山開堂的語錄、頌、真贊等。卷末附道盛撰「建昌廩山忠公傳」。

目次

解題	一
壹、天寧法舟濟禪師刺語	一
提唱	三
酬問	六
普說	一〇
頌古	一二
讚頌、諸經頌	一六
雜頌	一七
偈	一八
行狀	二〇
跋	二二
貳、湛然圓澄禪師語錄	二三
序	二四

原書目次	二五
卷一：上堂	二六
卷二：上堂	三三
卷三：提語	四五
卷四：小參	五六
夜參	六二
普說	六七
茶話	七三
卷五：頌古	七六
卷六：問答	八二
卷七：請示	一〇三
書問	一一五
佛事	一二三
卷八：讚	一二四
記	一二八
銘	一三一
序	一三一
跋	一三九

疏	一三九
引	一四三
偈	一四四
詩	一四六
辭	一五六
歌	一五七
塔銘	一五九
行狀	一六三
叁、天真毒峰善禪師要語	一六七
上堂、普說	一六八
示語	一七〇
普說行脚	一七四
肆、松隱唯菴然和尚語錄	一八三
序	一八四
卷一：金華聖壽寺語錄	一八四
法語	一八九
頌古	一九一
卷二：偈頌	一九三

卷三：賦、吟、歌、銘、記……………二〇一

讚跋……………二〇五

後序……………二〇七

伍、愚菴智及禪師語錄……………二〇九

序……………二一一

原書總目……………二一二

卷一：初住慶元路隆教禪寺語錄……………二一三

卷二：普慈禪寺語錄……………二一八

卷三：杭州路淨慈報恩禪寺語錄……………二二五

卷四：徑山興聖萬壽禪寺語錄……………二三二

卷五：再住徑山興聖萬壽禪寺語錄……………二三四

卷六：小參……………二四四

卷七：頌古……………二五三

讚語……………二五八

卷八：偈頌……………二六二

卷九：偈頌……………二六九

卷十：自題、題跋……………二八〇

塔銘……………二八四

陸、呆菴普莊禪師語錄	二八七
------------	-----

原書總目	二八九
------	-----

卷一：雲居語錄	二八九
---------	-----

卷二：徑山語錄	二九四
---------	-----

卷三：小參	三〇三
-------	-----

卷四：拈古	三〇九
-------	-----

卷五：頌古	三一四
-------	-----

卷六：偈	三二〇
------	-----

歌	三二五
---	-----

吟	三二七
---	-----

卷七：詩	三二八
------	-----

卷八：詩	三三五
------	-----

讚	三三七
---	-----

跋	三四〇
---	-----

塔銘	三四〇
----	-----

柒、密雲禪師語錄	三四三
----------	-----

序	三四五
---	-----

原書目錄	三四七
------	-----

卷一：住直隸嘗州龍池山禹門禪院語錄	三四八
浙江台州天台山通玄禪寺語錄	三五七
卷二：浙江嘉興金粟山廣慧禪寺語錄	三六二
福建福州黃檗山萬福禪寺語錄	三七三
卷三：浙江寧波鄞山育王廣利禪寺語錄	三七六
再住嘉興金粟山廣慧禪寺語錄	三七九
浙江寧波天童山景德禪寺語錄	三八〇
卷四：上堂開示	三九二
小參	三九五
晚參	四〇〇
入堂	四〇二
室中開示	四〇三
偶言	四〇三
卷五：入室	四〇四
勘辨	四〇四
問答機緣上	四〇六
卷六：問答機緣下	四一六
行錄	四二二

法語	四二五
卷七：書問上	四三〇
卷八：書問下	四四一
舉古	四四八
卷九：拈古	四五二
徵古	四五六
別古	四五八
代古	四六〇
卷十：頌古	四六三
卷十一：偈	四七五
卷十二：讚	四八八
佛事	四九三
雜著	四九六
行狀	四九八
全身塔銘	五〇一
衣鉢塔銘	五〇四
道行碑	五〇七
年譜	五一〇

捌、大滄五峯學禪師語錄……………五三九

序……………五四一

語錄……………五四三

行實……………五四九

塔銘……………五五一

玖、三峰藏和尚語錄……………五五三

序……………五五五

原書目錄……………五五六

卷一：住海虞三峰清涼院語……………五五七

住蘇州北禪大慈寺語……………五六二

住杭州臨平安隱寺語……………五六五

卷二：住蘇州鄧尉聖恩寺語……………五六八

卷三：住蘇州鄧尉山聖恩寺語……………五八一

卷四：住梁溪龍山錦樹院語……………五九二

住杭州南屏淨慈寺語……………五九五

住嘉興水西眞如寺語……………五九六

住蘇州寒陵聖壽寺語……………五九八

住蘇州鄧尉聖恩寺語……………六〇〇

卷五：廣錄	六〇三
卷六：廣錄	六一六
卷七：廣錄	六二七
卷八：頌古	六三八
卷九：頌古	六四九
卷十：頌古	六六〇
卷十一：五宗原	六六七
卷十二：雜偈	六七八
卷十三：法語	六八八
卷十四：書問	六九九
卷十五：書問	七〇九
卷十六：雜著	七一九
年譜	七二九
南嶽勒古自序	七五一
退翁和尚南嶽勒古	七五一
退翁自銘	七六一
南嶽勒古後序	七六二
三峰藏和尚語錄後序	七六三

拾、晦臺元鏡禪師語錄……………七六五

序……………七六六

語錄……………七六六

建昌廩山忠公傳……………七八三

天寧法舟濟禪師剩語

明
•
如法舟道濟
淵

等撰
編

天寧法舟濟禪師剩語

參學比丘如淵大芹編次

提唱

師自金陵回止天寧首座寮時方丈久虛衆請開法因就僧堂中設座拈座云曲象木牀寶華王座是恁麼人須怎麼坐喝一喝陞座拈香祝 聖罷次拈香云此一瓣香八面玲瓏全無縫罅受雨露不越今時歷風霜偏從劫外祇因貴重值娑婆佛祖不曾輕着僧且道不作賤不作貴一句作麼生發賣拈起香云供養前住香嚴臨濟二十五代古菴和尚貴圖恩怨

天寧法舟濟禪師剩語

一

分明不願續他宗派就坐乃云世尊爲開示一切衆生本來佛性故出兜于世三百餘會隨諸衆生根器所宜漸說頓說密說顯說直說喻說包羅該括無法不備若論本來佛性掉棒打月畢竟不曾着到譬如箇佛神相似雖傳得面目態度儼然如生而動作聲咳實不能也未後在靈山會上拈起一枝花的的相爲當時百萬人天一齊同拈唯迦葉尊者霍然領悟破顏微笑不措一辭世尊深慶本懷乃言吾以清淨法眼涅槃妙心實相無相微妙正法將付於汝汝當護持無令斷絕自後祖祖相傳師師相授西天四七

東土二三以至五宗鼎沸列刹悠分自古迄今凡據

師位荷擔佛法之士無有不是將這本來佛性離名離相絕思絕議直截指示令人悟入者也是法平等無有高下當知本來佛性愚人與哲人平等惡人與善人平等乞丐人與巨富人平等厮養人與尊貴人平等博地凡夫乃至蠢動含靈直下與三世諸佛歷代祖師無不平等但爲無明妄想種種顛倒積劫以來深埋厚障致有六道升沈千差萬別然而本來佛性未嘗不在各各當人應緣遇物處處堂堂出現也昔南天竺國吳見王嘗與波羅提尊者論佛性義乃問

支那撰述

天寧法舟濟禪師剩語

二

佛性作用幾處出現波羅提尊者對曰若出現時當有其八在胎爲身處世名人在眼曰見在耳曰聞在鼻辨香在口談論在手執捉在足運奔徧現俱該沙界收攝在一微塵識者知是佛性不識喚作精魂王聞說已心卽開悟且道作麼生是異見王悟處舉拄杖召大衆云見麼又卓拄杖云聞麼若向這裏會得大衆迷的便是異見王悟的異見王悟的便是大衆迷的突出無孔鐵鎚打破上牢漆桶更有甚事若道佛性在眼處耳處山僧運拄杖處正是業識茫茫喚奴作郎若道佛性不在眼處耳處山僧運拄杖處亦

是業識茫茫喚奴作郎且道佛性畢竟在甚麼處咄
待三門外土山倒卓時却向汝等說破

歲朝示衆茲辰日新月新歲新山河大地樓臺林苑
氣象皆新以至東街西市笙歌隱隱鑼鼓喧喧車馬
交馳衣冠雜遝雖遊童戲豎長衫大袖莫不皆新只
有衲僧家各各脚跟下本命元辰狼藉在無明妄想
之中塵封空裏雖則多方求覓勤苦施功祇增其垢
不能直下振動發揚斬新呈露盡是沉埋佛種孤負
已靈惜哉有志丈夫便從今日抖擻藏識中宿重舊
染諸惡習氣眼見耳聞諸陳腐語總作一束送放他

支那
撰述

天寧法舟濟禪師刺語

三

方世界猛將所叅公案斬新提起別作一種新年活
計不問一日二日一月二月一季二季乃至窮年祇
要這一句無義味話不生滲漏綿綿而叅密密而究
究得到這一念子斬新裂破時鉢盂踣跳杖子騰驤
南斗七北斗六天旋地轉徹底一番新去豈不快哉
雖然如是且衲僧門下非新非舊這一着兒作麼生
道喝一喝下座

佛涅槃日示衆世尊於雙林樹下示現涅槃天上人
間龍宮海藏均分舍利起塔供養且道是涅槃耶是
不涅槃耶若道是涅槃教中道常在靈鷲山及餘

諸佳處我時語衆生常在此不滅却作如何哩論
道是不涅槃卽今在甚麼處拈拄杖云世尊在拄杖
頭上放大光明現大神通了也若有人出來道和尚
這箇是拄杖世尊在甚麼處劈面便打也惟老僧不
得

清明示衆鶯語鶯啼桃紅柳綠風日晴和春光滿日
一般富貴江山却有兩般境界山僧雖則不管閒非
也與諸人說個閒架有的笙歌鼎沸羅綺鬪閨人醉
處玉樓窈窕馬嘶邊翠艸生煙有的向樵樵塚畔松
柏塋前呼孃叫子擗地號天縱喫個煩惱莫訴任憚

支那
撰述

天寧法舟濟禪師刺語

四

淚悲苦難宣這兩般人樂者樂徹心源苦者苦入骨
髓山僧這裏看來却好個如幻法門一相三昧且如
何是一相三昧卓拄杖云愁人莫向愁人說說與愁
人愁殺人

四月八日示衆遵布衲在藥山會中浴佛次藥山問
浴甚麼佛衲云浴這個佛山云只浴得這個且浴不
得那個衲云把將那個來山便歸方丈兩箇老漢境
風浩浩這個那個分別不少山僧卽不然待道把
將那個來便與葇頭一杓管教他布衲道是水水
劫不乾且置是事只如教中道如來法身淨身空

汝等諸人一杓兩杓擬向甚麼處下手若有下手處不妨舉起杓頭若是不堪下手莫道一杓兩杓一滴也無着處舉杓云且道這一杓向甚麼處下手便灌佛云智水湛然滿浴此無垢人

結制示衆諸方叢林三月安居萬緣澄寂把定重關銀山鐵壁無一法從內出無一法從外入逼虛空直使銷區捻秤鎚定教流汁山僧這裏功用雖同門風却別且道有甚麼別拈拄杖曰朝返三秦暮遊百粵要行便行要歇便歇一切處無結可解一切處無解可結把住也滿地冰霜放行也一天風月且道諸方

支那

天寧法舟濟禪師制語

五

是這裏是諸方與這裏事則不同要且法無二致雖然如是若要踏着本地風光須是將諸方與這裏的一齊拈却別作箇坐斷十方活計使得喝一喝下座

拈嚴寺佛開光示衆南寺佛點眼北寺佛放光若作奇特商量大似白日着鬼咄且置是事只如教中道佛真法身猶若虛空應物現形如水中月又云佛身充滿於法界且道這光明向甚麼處點卽是以拄杖作點勢云今佛放光明助發實相義

小參昨日有人從五臺來報道五百毒龍被蟪蛄蟲

一口吞却直得文殊大士措身無地虛空王旁觀不忿震威一喝大地山河一時倒走山僧聞了無言可辯無理可陳直是分疏不下今日衆中還有定乾坤的手段也無若有出來相見良久擊拂子云君子一言快馬一鞭

解制示衆三月同遵聖制來燈籠露柱漫相猜今朝剔起眉毛看贏得虛空咲滿腮諸上座九十日內以大圓覺而爲伽藍身心安居平等性智不必更論只如堂中僑陳如尊者終日口忉忉地說甚麼法舉拂子云莫是說這個麼諸上座旣與尊者同堂共夏應

支那

天寧法舟濟禪師制語

六

是同聞共見何不出來與山僧說看若道舌頭不動說個甚麼山僧今日忍俊不禁索性與諸上座說破以拂子打一圓相云厨庫走入僧堂中山門吞却佛殿脊

晚叅示衆精嚴寺裏撞鐘府譙樓上撞鼓同時顯大神通穿透千門萬戶大衆聞麼若道不聞爭奈鐘鼓分明人人有耳若道聞將甚麼聞卽今鼓絕鐘消聞的事作麼生速道速道卓拄杖云黃金自有黃金價終不和沙賣與人

秋雨示衆秋風浙浙秋雲作秋雨綿綿連夜落朝來

急雨忽傾盆驚起臺前睡石人石人喃喃說夢事側耳聽來無一字祇爲阿師性急一棒當頭打出忍痛走入虛空拍手連聲叫屈大衆還有爲石人雪怨者否且作麼生是雪怨的事櫟拄杖云明日天晴從頭說過

酬問

李大衆鹿泉問日常如何用功師曰飽時索飯冷便添衣泉曰此外別何所作師曰兎角杖挑潭底月龜毛繩縛樹頭風泉曰除却語言文字別道一句師以扇敲爐云這破香爐隨老僧多年在泉休去次日復至曰今日我在兜率宮來師曰兜率且置今日彌勒說甚麼法泉托起茶甌曰只是這個師亦休去諸芋村問如何得明心見性師拈起拂子曰這個是甚麼村罔措却問師何年得此道師曰莫謗山僧好又問畢竟還得否師曰不得不得

因羣鷄鳴有士問曰那一聲好那一聲不好師曰我這裏揔是觀音入理之門

問萬物各具一太極若見物時太極在物處在見處師曰太極且置你將甚麼見物士擬議師曰若然森羅萬象殺好疑在

楊祕圖問老師連日在此作甚麼師曰一物也無當何所作圖曰若然卽閒坐也師搖手曰不恁麼不恁麼圖曰如何是恁麼邊事師下禪牀立圖乃笑問曰道果有耶果無耶師曰說有說無二俱成謗曰何以思則得之不思則不得也師曰得個甚麼

問如何是道師曰滿口道不出又理前問師曰一番提起一番新

郡主平川郭公指壁間佛問曰此佛何不放光師曰光遍十方未曾間斷公曰我何以不見師曰又放光也

因鳥過有士問見的是甚麼師曰鳥士曰老師着物也師拈起拄杖曰這箇聲士罔措師曰却是汝着物因掃地次有士問曰下學何以上達師豎起筭帚曰見麼士曰見師曰下學而上達

問曰宗乘中只貴見道見道後有何利益師曰若不

見道

天寧法舟禪師語

九

見道千差萬別曰作麼生見師曰道若有見萬別千差

有上奕棋問曰如何下手方得恭妙師曰汝向黑白未分時下一着看士作下子勢師曰妙手妙手

師與王龍溪講次溪曰老師閉口師曰閉口且從且道鼻孔捺天作麼生閉溪曰多口阿師

問顏子何以聞一知十師曰十是滿數顏子天資明粹一處觸發無處不通譬如龍沾滴水便乃沛然洪

問人心何以悅義理師曰義理元是此心流出如母

見子自然愛

周大尹桃村問曰近日看書胷中覺有一物莫成礙否師曰無礙水中月影當體是水心中覺相當體是心公但於覺處深加體會自然觸處虛通感而順應王一山問一菴先生討真心之訓須如何討師曰須向討處明心不可向心上加討心只有迷悟元無得失討而有得亦非真也又論陽明知行合一之訓師曰知不差卽是行行不昧卽是知只是一事說個合已似費手脚了況他說乎

陸五臺問畫前元有易否師曰若無庖犧氏將甚麼

畫前

天寧法舟禪師語

十

畫臺曰畫後如何師曰元無一畫臺曰現有六十四卦何得言無師曰莫着文字臺曰請師離文字發一爻看師召臺臺應諾師曰這一爻從何處起

問聖人既生知何故亦有所不知師曰聖人氣宇清虛現行不能籠罩是以應用冷冷七通八達若生而知也乃擊杖曰獨有這一着不可以智知不可以識識耳又曰不知而知是諸聖不思議境界若也議而後知思而後覺卽外道矣

問至人無夢何也師曰常人於現前虛幻分別境界不知全體是夢認爲實有而以昏寐中想心繫念神

識紛飛境界爲實夢所謂寤寐俱夢夢中復作夢也至人於自心境界如實而知故於現前虛幻境界妙用泠泠通徹無礙而睡夢中亦自明明而知歷歷而覺所謂寤寐一如者也故至人無夢之說非是有無之無乃是無夢無非夢夢與非夢一而已矣又問夢裏須更何以涉歷萬里師彈指曰千里萬里總在這裏

陶鴈湖問聖人有妄念否師曰無湖曰旣無何用兢兢業業師曰兢兢業業故無妄也

有官人問爲政如何得無倦師曰榮辱得喪毀譽是

支那

天寧法舟濟禪師刺語

二

非一切不管但虛其心行其所無事便無倦矣

問終日喫飯何故不曾咬着一粒米師曰喫飯的人汝還曾見否

福州太守豹谷陳公問靜中有動動中有靜得見性否師曰動中有靜靜中有動如何得見性谷又問師曰非動非靜處看谷行師門送谷曰莫外走師曰這裏有甚內外谷見修船者問曰旣是法舟何用修補師曰那一隻不漏谷以手敲別船師曰漏也漏也問二乘涅槃何以爲不了義師曰爲伊有涅槃相一向住着是以不了如來涅槃出不沒應用縱橫而

無所住

二守師泉劉公至拈拄杖問曰這箇是誰的師曰是貧道的泉曰旣是師的因甚在我手中師曰將拄杖來卽向公說泉度拄杖師接杖云公的在甚麼處泉以手整冠師曰別道別道泉咲而起少頃泉指几上草問傍僧碧潭曰這草名甚麼潭曰吉祥泉曰還有吉祥者否潭以足按地曰此處最吉祥也泉曰師子窟中果無異獸

居士指達磨像門曰達磨面壁意旨如何師曰何不問取達磨士曰達磨何在師轉身面壁士曰何不答

支那

天寧法舟濟禪師刺語

三

話師曰劍已去矣

問何名如來師曰無所從來亦無所去故名如來曰爭奈理會不來師曰理會不來亦無所去

問如何得不被酒困師曰知被困者元不曾困曰只如范文正公酒後愈加嚴謹如何師曰亦被酒困施靜齋問一切法從這裏流出是否師喝曰一切法且置如何是這裏齋以扇擊椅師曰居士曾到這裏麼齋拂袖便出自無起禪師是也湖州別駕熊南沙問設有人將劍來取師頭師還躲避否師曰若有不眨眼底將軍便有不怕死底和尚

沙作揮劍勢師放身便倒沙曰好個阿師死在劍下師起來呵呵大笑曰作麼作麼

居士問四方上下有窮盡否師曰公試返觀自己心量有窮盡否士良久曰實無窮盡師曰世界亦然又問地獄是實有否師曰凡作了惡歷歷自知雖經久遠憶持不忘便是業鏡自心明知是惡不能自釋便是閻羅法王心地不空地獄實有心若空了地獄隨空

眾少衆問諸法從不思議流出不思議從甚麼處流出師曰惜大家問怎麼事作麼又問師曰不辭答汝

聖止

天寧法舟濟禪師刺語

三

恐涉言詮

問此心何以能辨是非師曰心無取捨能辨是非如鏡無塵能彰白黑

海道劉公舉茶甌問曰此是甚麼茶師曰謾公不得劉再後之師喚侍者接茶甌去

唐司寇一菴問如何是本覺師曰昨離甚處菴曰湖州茶至師拱手菴便接師曰恁麼分明猶更問在菴點首

張樵溪曰設遇驚恐之事心還動否師曰動溪曰何以驗修行之力師曰若不動使人枯禪唯其觸着便

知撥着便動而禍福利害漠然如浮雲之過太虛便是修行之力

問無眼耳鼻舌身意意旨如何師曰父母未生前道得一句卽答

僧問如何是佛師曰三十二相八十種好僧曰此是報化佛如何是法身佛師曰莫着相又問如何是法師曰玉軸琅函非是法闍黎問處太分明曰不會師召闍黎僧應諾師曰又道不會又問如何是僧師曰衲衣擁雪千山外錫杖拖雲四海中曰還有向上事否師曰向下也無說甚向上又問如何是道師曰天

文耶
禮述

天寧法舟濟禪師刺語

西

下衲僧行不到曰還有到者麼師曰錯曰乞垂方便師便打又問如何是和尚家風師曰竿木隨身逢場作戲曰請師拈出師便喝又問如何是本分事師展兩手良久曰會麼曰不會師曰爭解恁麼道又問如何是祖師西來意師曰近前來向汝道僧近前師曰添香着僧添香了又問師喝曰這漆桶又問達磨未來時如何師曰古鏡分明含萬象曰來後如何師曰萬象分明古鏡中曰用來作麼師曰祖師若不來埋沒古鏡又問四大離散時如何師豎起拳曰這箇不屬四大又問佛佛授手祖祖相傳不審傳箇甚麼師

曰蘇盧蘇盧悉利悉利

沙彌問如何是不立文字的佛法師召沙彌彌應諾師曰涉甚麼文字彌曰不會師曰賴汝不會汝若有個會處文字紛紛

溪上坐次僧問如何是隨波逐浪句師曰兩岸春風香不斷一溪流水落花新僧曰爭奈學人不曾師曰蜻蜓飛尚緩蝶舞偏忙僧曰和尚將境示人師震威一喝僧禮拜師曰未在更道僧無語師曰啼得血流無用處不如絨口過殘春

文耶
撰述

天寧法舟禪師刺語

五

普說

大凡參學之士盡謂無常迅速生死事大不覺勤勞參尋知識決擇正因圖脫生死往往多被逆順境界因循流轉不知不覺過了二三十年業識茫茫無本可據一旦火風分散宛轉漂零依前混在生死海中頭出頭沒人天鬼畜都無自由却與不曾參學之人等無有異其故何也病在最初爲生死之心不真不切而所遇師德不青不黃不問學者如何若何況將平生任在冊子上記持的相似言語向伊胡說一上學者既無切心復不具眼以心意識一時領會便道佛

文耶
撰述

天寧法舟禪師刺語

六

法不過如此不復知有本分鉗鎚縱使遇之他亦不識一向在意根下思量卜度扶籬摸壁禾莠不分金鋤莫辨有認昭昭靈靈六塵緣影以爲本命元辰呈拳豎指揚眉瞬目不自知其非者有認黑山下鬼窟裏閉眉合眼冥冥蒙蒙以爲靜勝三昧而耽味者有馳騁文字漁獵見聞將他先聖糟粕之餘咀來嚼去意識依通不更求妙悟者有的見祖師門牆高峻不能鑽仰以自見處引他世典理性諸文漫證宗乘非思議法外以重附儒紳內以輕印徒屬使人天諸乘皆無定趣而祖道西來番爲孟浪縱有悔悟之時業

已不能改者有的認無明現量爲卽心自性有的認放曠不拘爲隨緣無礙以至破律儀毀禁戒無忌憚者又有多少焦芽敗種被邪師外道毒氣所傷不堪救者嗚呼佛法到此豈不深可悲痛也哉山僧今日事不獲已引古人見道因緣與大衆證據去也昔道明禪師赴及六祖將奪衣鉢因提掇不動乃曰我爲法來非爲衣也唯冀開示祖曰汝但歛念善惡都莫思量自然得入清淨心體明稟語祖曰不思善不思惡正恁麼時阿那個是明上座本來面目明當下大悟徧身流汗泣禮數拜曰如人飲水冷暖自知百丈

支那

法華經疏

七

大師侍馬祖行次見一羣野鴨飛過祖曰是甚麼丈曰野鴨子祖曰甚麼處去也丈曰飛過去也祖遂把丈鼻搗負痛失聲祖曰又道飛過去也丈於言下大悟大珠禪師參馬祖祖問來此擬須何事珠曰來求佛法祖曰自家寶藏不顧拋家散走作麼珠曰阿那個是慧海寶藏祖曰卽今問我者是汝寶藏一切具足更無少欠使用自在何假外求珠於言下頓悟自心不由知覺水潦和尚參馬祖問如何是西來的的意祖曰禮拜着水潦纔禮拜被祖當腳踏倒遂大悟起來拍手呵呵大笑曰也大奇也大奇百千三昧無

量妙義祇向一毫頭上識得根源去也敢問大衆如何是四位尊宿悟處眉橫鼻直人人是同不可謂古人別有奇特事也卓拄杖云拄杖子恐俊不禁爲大衆說破了也且道拄杖子說個甚麼咄若於山僧喝下見得便見四尊宿悟處便踏着本地風光不被一切賢聖熱瞞便不墮如上種種惡知見窠臼中如其未委須是參取個方便法門始得千七百則葛藤俱是古人入道方便之門近來真師隱遁宗社寂寥唯是念佛一門直截簡易諸方衲子參禪念佛者蓋十人而九矣教中道人身難得中國難生佛法難遇現

支那

法華經疏

太

前緇白大衆以丈夫身生太平世仗佛餘光熏聞大法非可容易人生百歲七十者稀中間修短不齊報緣多故一息不返便是來生無常卒然難可預定今以非容易之身處難預定之日豈不深可憂懼而猛省乎哉諸仁者正好趁四大強健衆苦未到之時直將一句阿彌陀佛把做一件天大的大事頓在面前南無阿彌陀佛隨又追云念佛的是誰如是逼拶之時念念不間斷念念無異緣一切苦樂逆順境界千態萬狀現在前時此念佛心無少轉動無少退屈如握一柄金剛王寶劍相似諸貪嗔癡妄想顛倒虛偽

習氣盤據六根門首內牽外應爲賊媒者不問過去現在未來一齊斬斷單單只是個念佛之心如大風輪如大火聚一切物存着不得一切物向傍不得山河大地都盧是阿彌陀清淨法身明暗色空徹底是念佛人普光明藏如是念時孜孜兀兀尔念來念去日久月深驀忽間懸崖失脚和個念的啐地斷去便見淨穢兩邦無異無別高低九品無欠無餘十萬億土不隔毫端諸上善人常相圍繞金地寶池徧在微塵刹土風林水鳥深譚不二圓音阿彌陀佛從來奉觀達磨祖師一場懽懽到這裏佛祖尚且不可奈

支那撰述

天寧法舟濟禪師判語

尤

何何處更有生死可得生死不可得則涅槃不可得生死涅槃不可得則衆生不可得諸佛不可得淨土穢土亦不可得沒量大人不妨於不可得處熾然往生成就佛道他方此界廣度含生雖然如是須知向上更有三世諸佛盡力道不得的句在且道作麼生是三世諸佛盡力道不得的句擲拄杖云諦聽諦聽

頌古

世尊初生一手指天一手指地周行七步目顧四方云天上天下唯吾獨尊頌曰

日生月落古乾坤錦繡常明劫外春分手一時輕攬動二千年後尚煙塵

世尊陞座文殊白椎云諦觀法王法法王法如是世尊便下座頌曰

寶王陞處真風露百萬人天方快睹可憐表裏舊山河都向文殊椎下破

世尊因外道問云不問有言不問無言世尊據坐

支那撰述

天寧法舟濟禪師判語

于

外道讚曰世尊大慈開我迷雲今我得入作禮而去後阿難問佛外道有何所證而言得入世尊曰如世良馬見鞭影而行頌曰

外道雙埋陷虎機恰逢師子振全威干戈不動山河定無限盲人穩步歸

梁武帝問初祖曰如何是聖諦第一義祖曰廓然無聖帝曰對朕者誰祖曰不識帝不領悟頌曰

廓然無聖絕機輪打破重關百萬門雨過落花紅滿地行人猶自不知春

三聖問雪峰云透網金鱗以何爲食峰云行汝出

網來向汝道聖云千五百人善知識話頭也不識
峰云老僧住持事繁頌曰

透網金鱗已俊哉漁人猶自下鉤來金鱗插羽驚雷
外鼓掉翻從別浦回

子湖云子湖有一狗子上取人頭中取人心下取
人脚擬議卽喪身失命頌曰

子湖堂前一狗子渾身劒戟爲牙齒多少銅頭鐵額
人來到子湖門下死咲倒東村王大哥伎倆全無不
奈何

興化因後唐莊宗幸河北詔化問曰朕取中原獲

支那

天寧法舟濟禪師制

三

得一寶未曾有人酬價師曰請陛下寶看帝以兩
手舒幙頭脚師曰君王之寶誰敢酬價頌曰
中原至寶果然收一段清光咲幙頭不是親遭興化
老至今高價有誰酬

趙州因僧問狗子還有佛性也無州云無僧曰上
至諸佛下至螻蟻皆有佛性狗子因甚麼却無州
云爲伊有業識在又僧問狗子還有佛性也無州
云有僧曰既有爲甚麼入這皮袋裏來州云知而
故犯頌曰

趙州狗子無束壁挂葫蘆趙州狗子有面南看北斗

未能一鏃破雙關多少痴人隨語走

南陽忠國師一日喚侍者者應諾如是三喚者三
諾國師曰將謂吾孤負汝却是汝孤負吾頌曰

國師三喚響如雷侍者連聲亦俊哉却憐杜宇空啼
血一片春光喚不回

馬祖不安院主問和尚近日尊候如何祖曰日面
佛月面佛頌曰

日面月面飛星掣電前溪一陣回風流出桃花萬片
監院却負馬祖馬祖不負監院

德山擔金剛疏鈔出蜀至澧陽路逢一婆子賣餅

支那

天寧法舟濟禪師制

三

山息肩買餅點心婆指擔問云何物山云金剛疏
鈔婆云吾聞經中道過去心不可得現在心不可
得未來心不可得未審上座點那箇心山無語遂
指往龍潭問曰久嚮龍潭及乎到來潭又不見龍
又不現潭引身曰子親到龍潭頌曰

德山老漢獨行無伴婆子一撥通身流汗當時點處
卽翻身何須更到龍潭畔

百丈每上堂有一老人隨衆聽法衆退老人不退
丈問汝何人也曰吾非人過去迦葉佛時曾住此
山因學人問大修行人還落因果也無某甲對云

不落因果遂五百生墮野狐身今請代一轉語貴

脫野狐身丈云汝但問老人問大修行人還落因果也無丈云不昧因果老人於言下大悟作禮曰某已脫野狐身頌曰

不落不昧莫生忌諱師子敲人韓盧逐塊夜半蒼龍吸海乾天吳海若俱逃避野狐身野狐身從來墮脫皆三昧

南泉因兩堂爭貓兒爭起貓曰道得卽救取貓兒道不得卽斬却也衆無對泉便斬之趙州自外歸泉舉前話州乃脫草履安頭上而出泉曰汝適

支那
撰述

天寧法舟濟禪師判語

三

來若在却救得貓兒也頌曰

提起霜刀正令行兩堂有眼只如盲趙州特地呈高手爭奈來提陣後兵

百丈再參馬祖祖於禪牀角取拂子示之丈曰只遮箇更別有祖乃放舊處曰你已後將甚麼爲人丈却取拂子示之祖曰只這箇更別有丈以拂子挂舊處祖振威一喝丈後謂衆曰佛法不是小事老僧昔日被馬大師一喝直得三日耳聾黃蘗聞舉不覺吐舌頌曰

江西一喝定綱宗三日非唯百丈聾直得鐵圍山倒

走至今消息不教通

洞山冬夜果子次問泰首座曰有一物上挂天下挂地黑似漆常在動用中動用中收不得且道過在什麼處座曰過在動用中山云侍者撥退果卓頌曰

挂天挂地黑如漆動用之中收不得首座當時失却眸堂堂大路生荆棘

洞山示衆云夏末秋初兄弟或東去西去直須向萬里無寸草處去始得又云萬里無寸草處且作麼生去後有僧舉似石霜霜云出門便是草僧回

支那
撰述

天寧法舟濟禪師判語

三

舉似山山云大唐國裏能有幾人頌曰

出門道路正迢迢踏着山蹊禍便招若是脚跟親點地從教萬里盡蓬蒿

牛頭栖石室有百鳥銜花之異四祖付法後百鳥不復銜花頌曰

昔年家富盡來親今日無親祇爲貧自是主人行處別非關百鳥不知春
逼得優曇劫外開宗師密語似驚雷菴前風月依然在百鳥銜花不更來

湧泉欣因唐武宗廢教在院看牛疆德二禪客於

路次見泉騎牛不識乃云蹄角甚分明爭奈騎者
不識泉驟牛而去二禪客憇樹下煎茶泉回下牛
乃問二禪客近離甚處云那邊泉曰那邊事作麼
生禪客提起茶甌泉曰此猶是這邊事那邊事作
麼生二人無對泉曰莫道騎者不識好頌曰
漫道騎牛不識牛茶甌能放不能收雖然蹄角分明
在野草青青滿地愁

疎山聞大瀉安和尚示衆云有句無句如藤倚樹
特入嶺到彼值瀉泥壁便問承聞和尚有言有句
無句如藤倚樹是否曰是曰忽然樹倒藤枯句歸

文部
發述

天寧法舟濟禪師語

重

何處瀉放下泥盤呵呵大笑歸方丈曰某甲三千
里賣却布單特爲此事而來何得相弄瀉喚侍者
取二百錢與這上座去遂囑曰向後有獨眼龍爲
子點破在後聞婺州明招謙和尚出世謙時徑往
禮拜招問甚處來曰閩中來曰曾到大瀉否曰到
曰大瀉有何言句遂舉前話招曰瀉山可謂頭正
尾正祇是不遇知音師亦不省復問樹倒藤枯句
歸何處招曰却使瀉山笑轉新師於言下大悟乃
曰瀉山原來笑裏有刀遙禮悔過頌曰
大笑呵呵放下盤家珍盡底付君看却憐未具仙陀

眼猶更栖栖說布單
笑裏吹毛快露鋒遭逢還似不遭逢黃金爪下翻身
轉賴遇明招獨眼龍

藥山采薪歸僧指腰下刀曰鳴剝剝的是箇甚麼
山拔刀作斫勢僧忽悟頌曰

鳴剝剝兮都漏泄霜刀元是并州鐵斫着堂前露柱
腰石人頂上流鮮血

六祖風幡因緣頌曰

不是幡兮不是風扶桑夜半日輪紅都緣輕把家私
廢落賺兒孫箇箇窮

文部
發述

天寧法舟濟禪師語

重

讚頌

釋迦讚

四十九年三百餘會口海滔天雷音震地直至于今
猶鼎沸剛道不曾談一字贏得兒孫滿大唐脫空箇
箇無巴鼻

文殊讚

電眸炯炯雲髻垂垂賺善財飽經煙水瞞文僊特舉
玻瓈是文殊非文殊金毛師子奮全威稽首如空七
佛之師

普賢讚

支那

天寧法舟濟禪師創語

三

大行願王全無神變念念攀緣新新不倦普眼在紅
蓮座畔惟底難逢善財行毛孔剎中驢年可徧君不
見象王迴處好風光物物齊彰菩薩面

觀音讚

金剛三昧普門圓通極三際小彈指頃括沙界一微
塵中熱惱邊灑天甘露冤苦處吹吉祥風是謂以大
悲幢無碍解脫現一切衆生喜見慈容爲舟爲楫於
生死瀑流之中而響應無窮者也

達磨讚

六宗電掃渾渾遊戲東來要展撩天鼻抵圖平地活埋

人不知觸忤梁皇諱從此摧弓棄箭斬檣滿面相照
神光雪中覩見白日常青天拖閃電安心一句雖方便
惹動于戈連赤縣千載餘風猶未殄

諸經頌

華嚴經頌

毘盧遮那佛華藏十處十會一際法一會含攝一切
會一切法入一法中不起于座徧十方十方覺到同
時徧一一塵中諸佛剎清淨衆會莊嚴海會如陀
羅網珠重重無盡互合入過去無始劫波前盡未
來劫後際相續無間熾然說文字句義悉平等如是

支那

天寧法舟濟禪師創語

天

廣大法界經具足在一微塵內如一塵內法界經一
切塵內經悉然是爲佛華毗盧藏一切衆生成具有
妄想顛倒所覆纏全身在中自不覺汝今景彼功德
山生死洄流屹然住此法界海修多羅過去多生已
熏習今於如來法末世建立無畏法寶幢頂受兩肘
兩膝輪現前禮拜毗盧藏當其任運禮拜時諸根諸
塵徧法界根等周徧法界時此毗盧藏隨周徧一身
徧禮一切經一切身禮經無盡出過諸天供養雲咸
從汝身五輪湧十住十行十回向十度十地及等覺
徧法界海普賢門一禮拜中盡融攝何況日月歲數

中念念敬禮曾無間念念開顯毗盧門悲智行網恒
無盡海印三昧汝當入游泳無邊妙香水妙香水海
思議我說其義如蚊飲

讀般若經妙相品

妙相是相僧繇莫狀妙相非相森羅萬像佛祖從來
無伎倆八字眉毛橫眼上

讀寶積經

衆生在煩惱諸佛證法寶彼此不差殊悟迷分醜好
清風匝地來白日明杲杲於此若生疑東村問王老
一字奇特經

天寧法舟濟禪師刺語

无

一字何曾有今披一字經柳中鸚鵡語雪裏鷺鷥行

諸法本無經

諸法本無此經元有不落言思作師子吼今朝拈起
貝多看頗覺如來面皮厚

閱大藏經完滿

龍藏五千篇佛法全無有祇這爛葛藤多少人遭手
六六三六七七四十九總爲手中筌鯉魚當面走

雜頌

華藏世界圖

百千香水海萬億蓮華藏一一相攝入如光如影像

二十重於何有邊量重重盡在一塵中廣大細
微同一相

太極圖

量含太虛理圓性覺彌滿混融寂寥昭廓多少名人
錯下註脚

堅密軒

堅密軒中事佛祖說不出非堅非不堅非密非不密
見者眼拍盲入者身命失借問是何宗九九八十一
恕堂忠禪師像

欠應世緣有超方略氣貌安閒風情洒落曾參朴實

天寧法舟濟禪師刺語

天寧法舟濟禪師刺語

辛

頭禪慣用龜毛兔角莫輕這箇阿師鼻孔無人摸索

梅谷墨禪師乞語

形山有一寶尋常多不識梅花谷裏人一咲知端的
能呈鎮海珠解獻荆王璧拈却九聖心掃空真妄跡
大地無一塵大海無一滴今我說伽陀龜毛添數尺

偈

有嘲予好談以偈自解

終日喃喃無可說萬像森羅同曲折朝來石女唱伽
陀惱得虛空面門裂全提句子更誦訛早是山僧懶
饒舌

贈王左江居士

默默無言意若何不知何處自盤窩若將無事為無
事無事還如有事多

答西丘笑菴竺源諸子問

道本無為豈屬修有修頭上更添頭虛空若使還加

支那
撰述

天寧法舟濟禪師刺語

三

柄野草閒花正好愁

將謂表中有寶珠衣穿方信寶珠無前年尚有無珠
說今日無珠說也無

內不尋思外不求大千沙界一毫收塵塵刹刹蓮華
藏認着依然是外頭

人人心上古彌陀末法人中不信多念念他方求佛
去不知念念是彌陀

閒居四首和墨林

活計只隨緣山邊與水邊問余何所作叉手向君前
小小一菴居心寬自有餘夜來江月照內外抱空虛

細草堪敷座垂羅便作門雖無車馬客長對聖賢文
頭白骨稜嶒重崑崙杖登有人山下望應道石梁僧

潔山一宿辭去

永嘉一宿覺潔山一宿禪聖凡無異法今古亦同然
水月明虛相風林領妙詮莫言傳有法無法是真傳

示雪洲坐禪

坐禪祇為明心性不明心性坐何禪坐若便為禪道
了石頭成佛已多年

工夫不間四威儀聽板聞鐘好下疑打破未生時面
目却來爐畔受鉗鎚

支那
撰述

天寧法舟濟禪師刺語

三

節堂辭去

子今辭去勿塗糊佛法從來徹底無但得無無亦
掃閒忙逆順抱工夫

示冬谿牧牛

諸緣放下一心休好看瀉山水牯牛倘有犯人苗稼
處只須輕把索頭收

收來放去着心情生處調馴熟處生鼻孔熱熱和索
斷平田淺草任縱橫

橫拈寶劍凜生秋說甚瀉山牧甚牛騎牛騎青歸去
也將軍端不為封侯

山居

山僧疊水潺湲小構茅菴學住山火種刀耕能稍
給不須持鉢到人間
白雲非是有心期冉冉相隨過小溪歸到菴中雲亦
到數聲啼鳥夕陽低
山迴林深月到遲雲出聲響定同時一篇佛法無人
爲剛破松間子鶴窺
誰許成門翠不開深林曲徑少人來晚來風起雲飛
的無數松花點翠苔
竹爐火暖茶初熟兩子敲門飯正香自喜同聲無異

曾不將佛法更商量

不羈相將一杖藜偶逢樵客立移時憑君莫向人間
說此處多應世未知

示宜興金剛經

汝來求我法我法但隨緣生執經行處無非祖佛禪
非空非是有非正亦非偏的的真頭面冷冷日用邊

示學者誦金剛經

金剛般若波羅蜜都從性海中流出若將文字認爲
經恰似盲人看白日

和雲東詠雨

雨聲歷歷敲窻急好片虛空不沾濕音聲自性不思
議剛把虛空盡收拾

雨聲歷歷敲窻急舜若多神耳通濕從教日炙與風
吹有甚工夫去收拾

陶侍御見湖論知字

知知知是妄妄在豈真知知到無知後心花吐夢時
弔谷泉禪師

分手忽多時淪亡更可悲行孤縑素仰詩好縑紳推
陽羨龍何在龍淵塚漫遺祇應名不死長作後人師

聞董蘿石計

數年不見寄詩篇此夕聞君了世緣想得去來心已
斷藤蘿依舊石門前

示璇月溪

自性天真佛還從自性求諸根施妙用要自一機抽
有法非爲法無修乃是修始終無退轉定入聖賢流

焚香

數日無人過焚香獨自居敝裘遮幻妄粗飯補飢虛
北里笙竿動南鄰鼓樂餘若論真受用應是不如予

樂閒誦心經有省

之子工夫密用中閒不露一針鋒今朝咲裏通消

息熨斗煎茶銚不同

過古溪禪師塔院

道人遷化後花落寺門閒人見聽經鹿如今在別山

贈靜愛山

愛山愛水未須誇寂靜心中吐妙花一炷定香飄几案數聲清磬發煙靄

睡覺

月轉星移睡正濃誰家知天吹茅叢分明只是西風響將謂人來在此中

示老者

支那

入夢

五

身體龍鍾雪滿頭貪生世念不能休如何四大將離散前路漫漫却未憂

示少年

學道還須年少身每因年少誤青春若言年少堪憑仗荒塚應無年少人

示洽萬川

萬派都從一派流萬川還到海中收看得真源無滴水青大港湛月輪秋

語溪後學比丘明開攷訂

天寧法舟濟禪師刺語

法舟濟和尚行狀

師諱道濟字法舟生思賢里張氏少失授未嘗入鄉校而義辯宿成爲里中所異年十八忽猛省曰父母求出俗勿許遂日夜坐不事生產又三年潛入天寧寺爲行者時默堂宣禪師受寶月和尚法印歸自紫昌法筵龍象踰躚濟濟師服勤之餘多所諮訪久之請東禪依昂公難漆昂法叔吉菴祚禪師者默堂子也知見精確而道行清苦師折節事之吉公入道因緣朝夕參叩以爲不至古人休歇田地不止偶行廊廡間聞佛殿磬響豁然契悟尋趨方丈菴坐見笑曰

支那

入夢

一

子著賊也師曰賊已收下曰賊在甚處師振坐具曰狼藉狼藉曰這掠虛漢狼藉個甚麼師喝一喝便歸衆菴喜印可之繼謁古印雲峰諸師日益深奧至長安覺王寺受請爲第一座室中秉拂橫機無所談武林還挂錫龍淵景德寺寺當杭蘇要衝於是歲秋米飯十方衲子言出響從檀施傾委師應機演化雷動電激章縫緇素諸乞言者憧憧然川陸並臻殆無虛日開三年徙鹽官俱胝故院尋徙武康復嘗師菴嘉靖初中貴人張永請出世金陵安隱僧問如何是

安隱地師曰三山半落青天外二水中分白鷺洲又問如何是安隱家風師曰石虎山前闌泥牛水底眠僧曰不會師曰用會作麼上堂舉拂子召大眾云見麼又擊拂子云問麼既是衆起便見擊著便聞妙真如藏非思非議應用冷冷奇哉奇哉汝諸人自不丈夫額乃傍人門戶求知求見韜晦家珍其爲寒乞將謂諸聖別有奇特事也廣額屠兒颺下屠刀便云我是千佛一教豈有曲折作知見耶丈夫子何不恁麼便擔荷去其指法徑要大都類此由金陵抵陽羨堵司城館諸園參承之士磨從景附戶外之屨恒滿由

卷一

天寧寺集禪師行狀

二

陽羨還楊李雲寄天寧暨靈光諸刹所至倡率同志爲國覺期諸有緣者觀感興起而鐘錘之間築著鼻孔者時有之矣經又買舟南湖信風而舵不決攸往舟之所向欲聲載途舟之所背罔不自失舟三年棄去入湖之弁山居之復自弁山歸天寧禪堂遂終老焉師爲人氣韻疏逸而禮度閑雅律身之謹造次瑣屑動循規檢祈寒盛暑操執無少替蔬果錢帛之入必以均同居同居之人春風披拂不自知其意之消也性恬靜未嘗誤于謁隨緣遷轉前後二十餘所解包之後不更出門戶處大眾析大疑無礙之辭波騰

雲涌夜以繼日曾不少倦而燕閑之日泊然危坐若不解語者此其大凡也師持祕章旦晚嚴甚先是俱胝院廢有井故其美又利浴蘭偶孕婦就洗致震雷墜石以覆且百年矣師至慨曰院破可完井石不可起非食所也以呪禱之試一撼石走以側再撼之不可復走因得半井至于今里人誇之其居雙髻以堂濱池也每晨夜誦有蛙跳池上及窻而息若注聽者經止咯咯跳入水如是者逾月居天寧堅密軒時有梵僧來師假榻相與禪寂夜二鼓見三神人義冠緋衣雍雍而入師恠問之皆曰吾伽藍神也以二師入深

支那

天寧法舟集禪師行狀

三

禪定故來謁耳已遂不見其之弁山弁山泉故竭將他徙旦視之泉滿矣感通類又若此倭之變所居堂客兵喧湏堂左有隙地諸士友爲構別室以棲之自是任真而放雅同流俗嬉咲怒罵縱橫自調而人不能測矣庚申之秋寢疾且革或勸起坐或請說偈師曰此皆文飾非無事也以手搖曳而逝年七十有四坐五十二夏迺寶月至于臨濟師爲二十六世緇白受教蓋千餘人入室弟子如淵大芹輩僅數十人耳茶毗後塔其骨于別室中南嚮別室今廣爲禪悅堂而塔如故所說法語偈頌等若干言門人正甫輩今

亦鉞梓於乎師言與行事蓋無忝於禪宗昔之能振
禪宗者言有述行有銘率假重於當代聞人故能施
於後世今吳聞人甲天下而門下未有能致片言之
榮以謨不朽則門下之罪也或曰琛大師終身不言
姓氏而其光逾熾何哉由是言之則吾儕謨報先師
以垂不朽者蓋有在矣蓋有在矣
嘉靖四十二年秋朔門人方澤和南謹狀

天師

天寧法舟濟禪師行狀

四

直隸蘇州府吳縣 佛弟子朱亥奉
先考衍禧泰軍 先妣徐氏孺人捐貲敬刻
法舟和尚語錄一卷
饒雲丘淨孝助板長洲金日升書全茂莊成榮刻
天啓乙丑僧自志日 姑蘇覺華園 識

宗門一著子惟貴眼正殺活一機
如舟放狂浪中從橫自在又如獅
子王良獸了無剩肉若也悟處
不真入處不正未免傷風犯手得
不思豈法舟和為向落聲人還摸得

法舟刺語跋

此子如龍得水便興波作浪活卓無
依應機撒脫猶春風入在花柳
轉見新鮮彼時雙鬢峰安頓何
國土中不識曾見此志一面否

徑山千指蒼園信跋



湛然圓澄禪師語錄

明
•
丁元公
明湛然圓澄
凡撰
等錄
編

會稽雲門湛然澄禪師語錄序

萬曆天啓時兩浙之間有湛然圓澄大和尚發大願起大慈握大機轉大用以匡濟乎末流一語一嘿一動一靜凜若電掣霜威纖翳泯絕然而煦和春燁悅可衆心亦若鼓棹揚帆瀆浴等戲然而覆艇驅瀾咸歸海岸數十年間不知幾千萬人皆令無餘涅槃而滅度之矣抑知其源乎按菩提達磨七傳青原思十一傳至洞山价權開五位善接三根于是洞上一宗始盛行于世爲青原之第五世也九世傳梁山觀十二世傳芙蓉楷十六世傳王山體三十世傳慈舟念三十一世傳至雲門其勘驗之精明磨煉之微密若萃從來諸祖祕奧家法而運之指顧間者故智與行到行與智符也亦知其時乎按石頭遷時當唐德宗貞元年藥山儼當文宗大和年雲巖嚴當武宗會昌年而洞山价當大中之中末至懿宗咸通年也雲居膺當昭宗天復年同安丕同安志至梁山觀太陽立乃當宋仁宗天聖年也投子青當神宗元豐年芙蓉楷當正和年丹霞淳當徽宗宣和年長蘆了當宋高宗

五言作王

紹興年也若天童玉雪寶鑑天童淨石林秀青州辨
大明寶玉山體雪巖滿萬松秀雪庭裕靈隱泰還源
遇拙才淳松庭殷凝然改無方從月舟載大章書大
千潤慈舟念至于雲門之時當

國朝神宗熹宗間洞山一派亦如膏盡之燈矣和尚
忽于明滅之際灼焉普昭頓令數百年陰昧一旦消
除雖身沒之後至今猶愈明盛也抑知其源之正乎
按雲居膺至今雲門澄直從洞山正宗傳脈蓋以雙
眼圓明之謂正傳也余敬慕之深且久矣茲有法嗣
弟子寶壽大師廣會法顯示以和尚語錄全臺編
爲八卷請序于余嗚呼和尚之道言語之所莫宣知
解之所莫測即今所錄之陳言故事亦未足以見和
尚之萬一余亦安能指虛空作讚頌以仿佛之哉雖
然虛空之體非言可詮而不拒余序言之也夫續佛
慧命于末法之時開示一切悟入佛之知見知見正
而和尚之大願至矣是則一言一行永住世間即爲
應世之資即爲究竟之地不然身逝聲沉未有不捨
正而趨邪者矣余嘗慨今之人心邪汙日甚幸有是

錄爲眞語爲實語爲如語爲不誑語爲不異語蓋實
洞達源底不思議中流出故能絕彼摠襲鉛華思
惟識解之路也則所爲書上與諸祖並行于世陰禪
皇圖光贊佛乘於聖教豈曰小補之哉是爲序
賜進士出身通議大夫資治尹南京太常寺卿前通

政使司左通政署司事侍

經筵講尙寶司卿奉

命典試山西正主考持

節冊封

衡藩正使奉

勅提督福建學政布政司參議兼僉事奉

勅提督湖廣學政按察司副使南京禮部祠祭司郎

中錢塘葛寅亮頓首拜撰

會稽雲門湛然澄禪師語錄目次

第一卷

上堂

第二卷

上堂

第三卷

提語

第四卷

小參

晚參

普說

茶話

第五卷

頌古

第六卷

問答

第七卷

請示

書問

佛事

第八卷

讚

記

銘

序

偈

詩

辭

歌

塔銘

行狀

明海門弟子
明覺八卷
本然錄此
慶仍採此錄

會稽雲門湛然澄禪師語錄卷第一

門人 明 凡 錄

吳興 丁元公

山陰 祁駿佳 編

上堂

萬曆甲寅二月吉日衆請師開法於雲門傳忠廣孝寺結制上堂拈帖子云有目皆見有耳皆聞公驗分明更無藏覆大衆未委仰煩維那對衆宣讀讀竟指座云這段因緣乃雲門老人一千年前斷不了的公案。煩山僧與他結款及到此間已有須彌燈王如來與大衆真實說了也不可更要山僧納敗闕好還會麼如不會莫謂山僧相瞞去也。陞座拈香云這一瓣香遇賤卽貴逢疆卽弱無明林裏栽來煩惱場中湧出特伸供養十方常住三寶本師釋迦牟尼萬德世尊靈山會上諸大菩薩緣覺聲聞西天東土歷代祖師護法天龍並仗此香普同供養惟冀一音圓演隨類各聞法雨普霑於沙界慈雲廣布於大千再拈云如天普蓋似地普擎四域八荒均霑化育端爲祝延

日
必煩作今

必感應作歌

必方下繼入
實界二字者

今上皇帝萬歲惟冀風以時雨以時人民感有道之君巍巍乎蕩蕩乎在處樂無爲之化再拈云一生辛苦半世殷勤撞著沒眼睛的老和尚授我折脚鐺子特爲拈出雖然家醜不可外揚也要人天證據供養北京大覺堂上嗣曹洞正宗第二十六代清涼天和尙用酬法乳之恩次伸供養雲棲堂上蓮池大和尙用報授戒之恩惟冀生生恒作度人師世世常爲善導者斂衣就坐云香已拈了若是佛法不敢說個元字脚何也不見經云是法寂滅相不可以言宣諸佛榜文證明更教說個甚麼雖然如此事無一向今日結制之辰不可杜口去也山僧直以十方總作一個大伽藍使一切人行住坐臥盡在裏許動靜云爲著衣喫飯屙屎放尿待客迎賓也在裏許止靜放參也在裏許甚是縱橫甚是自在無可不可豈不謂無礙大解脫門若是初心學者既無如是威光且向三條椽下七尺單前放下身心牙關敲定各將本參話頭頓在面前如靠須彌山相似直教心心無間念念無虧行住坐臥也如是屙屎放尿也如是著衣喫飯

也。也下。應入。
到此時。第四
字見。

也如是動靜忙閒也如是打成一片不較多也正好前進若不前進正所謂墮在死水古人所棄若是活水神龍定向洪波浩渺處興雲布雨今有一等將個阿彌陀佛記在懷中昏沉散亂打作一團不分皂白虛度一生或有強作主宰半昏半醒坐得一兩炷香喚作坐禪得定或有向方冊中記得名相謂之通教或有向古人方便語中記得兩句謂之悟道謂之通宗如是等有一百二十種疑禪如永明所論爾今槩天下莫能逃其所斥若是真正爲生死的決定不入此邪見叢中更有一般參禪之流從善知識邊領個萬法歸一一歸何處口雖提持心不綿密大似春禽晝啼有甚用處予勸兄弟各將自己本參話頭著實參去定有下落若肯相委從今日始挺起脊梁抵死挨拶必無相賺如未卽信更有一偈奉勸偈曰挺起脊梁生鏤鑄放下面皮莫回顧直如香象絕金鎖若不如是何劫悟

觀音示現日上堂今此婆婆國聲論得宣明初心易成就實以聞中入已過關者各安本位未過關者新

雲門與你發機拍尺云問麼諒非耳聾決定是聞既聞已作麼生說個入的道理會麼若也不會山僧用老婆心引葛藤去也經云初於聞中入流忘所所入既寂動靜二相了然不生如是漸增聞所聞盡盡聞不住覺所覺空空覺極圓空所空滅生滅既滅寂滅現前大眾看看此是菩薩所說爲什麼出山僧口若是山僧所說爲什麼說是菩薩事兄弟不得作山僧看亦不得作菩薩看各人貼向自己鼻尖上仔細體究還推得到菩薩分上麼還推得到山僧分上麼正當恁麼時說是山僧却是菩薩說是菩薩却是山僧說是山僧菩薩與你料掉沒交涉說是你與菩薩山僧料掉沒交涉若恁麼觀得破觀世音菩薩即今年今日今日今時降生亦卽於此時成道放大光明現大神變轉大法輪於一一手結無量寶印一一口宣無量密呪狀似湧泉利益無量衆生以正眼看來猶是一場大夢何況西禮白華東朝普怛一向推在他入分上自己脚跟下一段光明蹉過不知若作如是見解菩薩豈在今日降生已於無量劫前滅度了也

拈拄杖云。菩薩降生也。見麼。良久云。是處是彌勒。無門無善財。

上堂。雲門。扇子。踣跳。今日拈來好笑。云。何露柱懷胎。生個兒子。高叫大衆。且道是何音響。還有人知消息麼。若無人知。山僧代通去也。作哇哇聲。復云。諸人若還解笑。一切不曾欠少。若欲更問如何。驢年去也。未了衆中。還有問話的麼。若有出來。祇要打草驚蛇。僧纔出師。云。真是一場業地。捉拄杖下座。

上堂。維那白槌云。法筵龍象。衆當觀第一義師。云。木上座未舉已。前早是漏泄了也。既舉已。後也有爲人處。不教人舉心動念。牽眸側耳。何也。你若舉眼則瞎。却汝眼側耳。則塞却汝耳。動念則塞斷汝意根。這個木上座。有如是英勇。如是威光。如是自在。如是力用。時有僧拈蒲團出外。師云。且喜若真正恁麼釋迦牟尼佛。是諸人左右的。奴達磨老臊胡。是通事。舍人三乘十二分教。是破故紙。一千七百則公案。是著故破草鞋。大衆。適來有人問恁麼舉已。領出門外去也。教山僧更說個什麼。卽得還會麼。若也未會。不妨山僧

向十字街頭說書去也。清明時節。雨紛紛。路上行人欲斷魂。借問酒家何處有。牧童遙指杏花村。這孩子錯指人路也。不知若是問山僧。借問佛法何處有。但向他道。陶公嶺在面前存。

衆檀越。請上堂。九十日春將過。光陰暗裏度。浮生何事忙忙。這個從來未悟。悟不悟。且放過。老僧無半文。要稱敵國富。大衆且道。憑何節目。敢爾大言。予知其間無有少法。可得時中。不將元字。脚誑說。諸人尋常阿碌碌地。不顧人情。隨分去也。雖然。卽今城中善友。得得入山。豈可緘口不言。聊向古人方便門頭。權引數言。影響佛事去也。大衆。人身難得。中土難生。佛法難聞。道場難入。你諸人。旣已入山。四難已越。所謂人身難得。今已得。中土難生。今已生。佛法難聞。今已聞。道場難入。今已入。旣出四難。越超常類。宜當自慶。更有一難。所謂生死。只這一事。無論在家出家。共是一樁。無難得難的大事。因緣也。從上古人。莫不繇此超出。以其具大智慧。大力量。擔當如是大事。頓然割恩愛。別家鄉。棄名利息。貪嗔。然後捨所難捨。忍所難

忍行所難行。故得證所難證。超出人天之上。故稱大勇猛世尊也。然這一著子。羣生等有但不能如聖賢用心。故成差別。若能直下承當。心佛衆生三皆平等。要見從上已來。曾甚麼人。恁麼來。不見龐居士。把百萬家財。沉向湘江。專心在道。問馬祖曰。不與萬法爲侶者。是什麼人。祖曰。待汝一口吸盡西江水。卽向汝道。士便禮拜。噫。老龐佛法爲重。把百萬家財。棄如弊帚。則其所問。不與萬法爲侶。宜其然矣。馬祖看孔著楔。但道一口吸盡。可爲今古一人而已。以山僧公論。則老龐佛法有餘。世法不足。爭似此間衆友入山。供衆。非惟衆僧安心行道。其種福德於劫劫生生。乃至成佛。莫可窮盡。較他擲於無用。江水又何如耶。你諸友。則世法有餘。佛法不足。何也。未能如老龐這漢。不與萬法爲侶。若能直下自信。我也許你吸盡西江去。若未得如是。且把個生從何來。死從何往的話。頭顱在手。面前朝暮提持。倘得一念回光。必然與老龐把手。千古之上。如不相委。不免葛藤。自收去也。良久云。啼得血流無用處。不如緘口過殘春。

上堂。春夏秋冬四季分。爾今一分往前過。禪和日用事。如何今日不了。何劫悟大衆。纔說進堂。又是兩月矣。若已透關。不在限內。如未透關的。也須著些精彩。始得不可只麼度時。便當參禪也。蓋此事不屬文。言不因工夫。在活路上。觸著磕著。自己曠劫事。乃名了事。昔者藥山參石頭。問曰。三乘十二分教。某甲纔知。但祖師西來意。不明。乞和尚開示。頭曰。恁麼不得不。恁麼不得。恁麼不恁麼。總不得。山不契。往問馬祖。祖曰。有時教伊揚眉。瞬目。有時不教伊揚眉。瞬目。有時道伊揚眉。瞬目的。是有時道伊揚眉。瞬目的。不是山豁然大悟。便禮拜。祖曰。汝見個什麼道理。便恁麼。山曰。我在石頭處。大似蚊子上鐵牛。直得無下口處。祖曰。汝會也。兄弟。他既稱三乘十二分教。纔知到這裏。無下口處。豈言語道理可到也。又一日。石上打坐。石頭問曰。子在此作麼。山曰。一物不爲。頭曰。恁麼則閑坐。耶。山曰。閑坐卽爲也。兄弟。既云閑坐。卽爲。豈是工夫所到耶。爾今兄弟不能悟道。病多在此。或有不信。用工祇向冊子上記些閑言刺語。抵對得人。便謂了。

事不知正是所知障。或有不信。直下領會一著子。執住工夫。終日死堆堆地。古人目爲黑山鬼窟。或有不信。直下休歇。定謂有悟。日久成狂。或有不信。有悟。將個現前無明身心。認爲自己。終世疑惑。或有身雖入堂。而心在世緣。或有隨爾上下。而無一心。參扣如是等。皆名邪見。若是真正參禪的。定不向這裏安身。將個本參話頭。頓在面前。久久緣熟。自然開悟。切不得於自心中。起閑伎倆。塞却悟門。所以德山云。毫釐繫念。三途業因。譬爾情生。萬劫羈鎖。聖名凡號。總是虛聲。殊相劣形。俱爲幻色。但有毫端許言。及本末者。皆爲自欺也。兄弟見山僧。恁麼舉揚。不可便謂了事人。也若能迴光返照。則我不汝欺。若謂我已悟道。則汝失却一隻眼。大衆山僧到此。弄鬼眼睛。且不悟道。諸方目爲折脚法師。上講堂。我謂女黎園搬貞節記。這個正是抱賊自首也。良久。捉拄杖卓三下云。未明有說。皆成謗。明了無言。亦不容下座。

雲門廣孝寺。秋日結制上堂。縱橫全在我。殺活豈絲他。秋到梧桐落。春來樹樹花。若能圓會得。何必問周

遮。所以古人或時現獅子王。哮吼直得百怪千妖無地潛藏。或時弄野狐精伎倆。任他四聖六凡各稱奇特。雖然如是。不可被拄杖子瞞却。驀拈拄杖云。看看拄杖子。能縱能奪。能殺能活。有如是奇特。大衆且道。拄杖子奇特在什麼處。不見道。喚作拄杖子。則觸不喚作拄杖子。則背不得。有言不得。無言不得。轉機不得。著語你諸人。還知落處麼。時有僧出。師卽打云。你欠伶俐。僧無語。復云。凡所聽法。當審來歷。向你道不得。轉機不得。著語你。欲呈閑伎倆。耶。今時人見恁麼舉。便豎一指。或喝一聲。或禮一拜。或拂袖出衆。謂之不落圈套了。也何故。見山僧恁麼舉。你便弄閑伎倆。尋常聞鴉鳴鵲噪。時爲什麼不豎指禮拜。只如你豎指禮拜。還當得生死邊事麼。若當得我許。你都是如當不得。且莫掠虛也。須仔細看看。

上堂。十方坐斷。凡聖不通。把住要津。千差路絕。直得孤迥迥。峭危危。壁立萬仞。全身擔荷。有如是氣岸。具如是伎倆。然後可以氣吞佛祖。白眼諸方。作個了事人也。若不得恁麼地。也不得草草當自知時節。昔者

德山老人嘗云。般若若有相無相。惟我知焉。千劫學佛。細行萬劫學佛。威儀尙不得成。佛南方一類。魔子敢言。直指人心。見性成佛。我當撲其窠穴。絕其狐種。報佛深恩。繇是擔䟽出蜀。路逢婆子。買點心。婆問曰。擔上什麼文字。答曰。青龍䟽鈔。曰。講何經。答曰。金剛經。婆曰。我有一問。若道得。施與點心。若道不得。且請別買。曰。但問婆云。過去心不可得。未來心不可得。現在心不可得。上座點那個心。德山不知所答。這漢蜀中開海一般。大口只消一個婆子。死去十分了也。指見龍潭。向吹滅紙燭處。豁然大悟。次日於法堂上。燒䟽云。窮諸玄辯。似一毫置於太虛。竭世樞機。如一滴投於巨海。休休。自後盤結草菴。呵佛罵祖。今時兄弟。見恁麼簡易。便不肯做功。夫祇向古人建化門頭。東窺西看。學一兩句活語。便欲罷參也。曾不知德山在蜀中。便云般若若有相無相。惟我知焉。其用功亦多矣。及到龍潭。得悟。始知從前所學。如一毫一滴。今日之悟。如太虛滄海。始酬他一生所學。兄弟你們都稱悟道。能如德山一生所學。混入靈源。如太虛滄海也未。

能如他這樣坐得斷也未。二六時中。真得恁麼相應也未。宗教融通無礙也未。若不得如此。切不得自棄。我多見兄弟行動之間。都稱無礙。纔坐起來。便昏沉了也。魔王佔舍了也。只個昏沉。尙然如此。何況臨命終時。五陰將離。四大分散。要敵他生死也大難。大難兄弟。還肯山僧恁麼舉麼。若也不肯拄杖子爲你截斷去也。拈拄杖云。柳栗橫擔。不顧人。直入千峰萬峰去。

上堂良久云。這個笑具。世尊於二千年前。曾恁麼來。當時靈山聖流。尙似依稀。稀幸有文殊老人白槌云。諦觀法王法。法王法如是大衆。且如世尊陞座。你諸人也陞座。世尊默然。你諸人也默然。於中還有法王法也。無具通方眼的。看看切不得。推在世尊分上。文殊老人分明道出。你諸人跌坐默然處。一著子道理。自是你諸人不會。一向推在聖賢分上了。若真實如你諸人見處。則使他諸佛坐也。坐不得。臥也。臥不得。行也行不得。住也。住不得。何也。蓋爲你諸人作佛法商量。致使他無容身處也。山僧到此。無可分訴。聊伸一

偶布施大衆去也。行住坐臥本尋常。何必將心起較量。爭似扁舟垂釣客。蕭然一曲在滄浪。

上堂。幾遊城廓幾歸山。酷熱猶知行路難。寄語林泉無事客。衣單下事莫顛顛。頂默默深究重重。細參直待冷灰荳爆。方可隨處安閒。山僧自愧道乏聖賢。未能脫然入纒。無累爭似你諸人。三條椽下七尺單。前身放下滿擔承。當湛湛澄澄凝然一片。似超山僧一百萬倍也。未審你諸人還有這利益也。無曾到遮個境界也。無兄弟且道這個境界。當時有什麼人。恁麼舉不見洞山解制云。秋初夏末。兄弟家或東或西。直須向萬里無寸草處去。良久云。只如萬里無寸草。作麼生去。衆無對者。有過劉陽遇石霜。混跡茶坊問云。什麼處來。答曰。洞山來。曰。有何言句。僧舉前話。霜云。何不道出門便是。草僧舉似洞山。山云。劉陽有古佛。汝等應知。山僧扭轉機關。向你諸人道。直教不出門。亦是草你。諸人還有緇素。得出分辨清濁的麼。若有定得。雖然不出娑婆界。管取全身入帝鄉。

上堂。五月五日天中節。赤口白舌盡消滅。桃符艾虎

滿頭插。雄黃菖蒲和酒哈。酩酊不知歲月移。千妖百怪皆驅殺。誰管他魔來佛來。一齊都按著。大衆何故如此。不見道護生須是殺。殺盡始安居。要知殺的道理麼。趁此良辰。以艾葉爲旗。以菖蒲爲劍。以猛利心。挺英雄膽。不管他是耶非。耶得耶失。耶聖耶凡。耶佛耶魔。耶乃至貪嗔癡所構世出世間一切諸煩惱。賊提起一刀兩段。直得淨裸裸。光燦燦。圓陀陀。活潑潑。作一個世出世間無好得好的大丈夫也。兄弟還有這個人。真得恁麼地麼。若不得恁麼。山僧有個護身符。相送大衆去也。拈拄杖云。看看太上老君急急如律令。勅問答。次復舉昔者西天大耳三藏。自稱得他心通。肅宗詔南陽忠國師驗之。問曰。說汝得他心通。是否。答曰。是。國師良久問曰。汝道老僧。今在什麼處。藏曰。和尚是一國之師。何得向天津橋看弄胡猴。良久又曰。汝道老僧。今在什麼處。藏曰。和尚是一國之師。何得往渭河看競渡。良久又問。汝道。今在什麼處。藏罔措。國師叱曰。野狐精。他心通在什麼處。諸方皆謂前二度是他受用。身三藏得見後一度是

自受用身三藏不見。惟山僧見處不然。且如國師向渭河看競渡。是國師不是國師。還有會得的麼。若也會得。拄杖子爲你證明。若也不會。三十棒自領出去。何故如此。不見道。相罵饒你接嘴。吐唾饒你潑水。上堂。集衆良久。乃曰。從來不恁麼。如今始恁麼。已被世尊先道破了。不可更要撒尿撒屎。汗汝諸兄弟。心田所以不煩。維那白。鼈也。天災珍重。下座。上堂。南山鼈鼻蛇。雲門拄杖子。長慶解推倒。立沙却扶起。休教看脚下。切莫揣懷裏。一併與拈來。噫。難瞞拄杖子。大眾且道。拄杖子有甚長處。敢爾這般開得大口。還會麼。若不會。新雲門與你下些註腳。只爲拄杖子有炤。有用有縱。有奪有收。有放有殺。有活。你若上前來。他能拒你。你若退後去。他能勾你。你若立住。他能打你。正當恁麼時。山僧向東邊一點。西邊一點。中間一點。且道。那一句是炤。那一句是用。那一句是縱。那一句是奪。那一句是收。那一句是放。那一句是殺。那一句是活。若也簡點得出。許你參學。事畢。其或未。然。閑言及刺語。緘口最爲強。

卷第一

會稽雲門湛然澄禪師語錄卷第二

門人 明 凡 錄

吳興 丁元公

編

山陰 祁駿佳

上堂

萬曆乙卯年五月十一日。衆請師開法於徑山萬壽禪寺。上堂拈帖子云。碑文刊白字。當道種青松。雖則公驗分明。人天衆前。不可瞞昧。仰煩維那爲我拈出。看宜疏畢。乃云。這段因緣。幸有黃面瞿曇。先我一著。與諸人轉根本法輪了也。更教山僧陞曲木弄鬼眼睛。說個甚麼。雖然國無二主也。少他做個通事。舍人不得攬衣登座。拈香云。指天指地。大似掘地討天目。顧四方無乃挖瘡好肉。今日拈來。端爲供養。本師釋迦牟尼。如來萬德世尊。又拈云。成雲成蓋。爲瑞爲祥。仁慈遠被於八方。道德廣播於四海。端爲祝延。今上皇帝萬歲。又拈云。正偏挾帶。搞唱同時。父子相逢。君臣道合。端爲供養。

曹洞正宗第二十六代北京大覺堂上清涼大師聊
翻法乳之恩。又拈云。止持作犯。定共道共。明如日月。
皎若冰霜。端爲供養。

平當作淨

雲棲堂上蓮池大師用報受戒之恩。斂衣就座云。香
已拈了。佛法則不敢舉揚。何也。你諸人一段光明。亘
古不昧。不可平地撒屎。雖然如此。既爲衆兄弟所邀。
不可杜口。略舉題目。以爲影響。且道如何。是題目。今
日豈不爲結制上堂耶。然諸方結制。皆四月十五日。
爲定規。新徑山這裏。以五月十一日爲准的。雖然遲
早不同。要且得旨爲准。譬如行船。早發遲發。不同到
岸同也。大衆要知到岸消息麼。不見經云。一念普觀
無量劫。非去非來。亦非住。如是了知三世事。超諸方
便。成十力。若向這裏自會得意。自然超三世。成十力。
以大圓覺爲我伽藍。身心安居平等性智。既平等已。
直以十方微塵刹土。總是一個道場。過去無量劫不
曾結未來無量劫不曾解。生死也在裏許。涅槃也在
裏許。乃至是非得失。邪正聖凡。解脫不解脫。輪迴不
輪迴。總在裏許。於中還有你用心處麼。有你計較處

麼。咄。其間有個漢出來道。新長老。今日請你舉揚宗
乘。緣何引經據論。廣布葛藤。是何心耶。山僧到這裏
無言可對。只得聊借古人行徑。以圖塞口。祇如先徑
山舉竹篋子云。這個不得喚作竹篋子。不得不喚作
竹篋子。喚作竹篋子。則觸。不喚作竹篋子。則背。山僧
效顰舉拂子云。這個不得喚作拂子。不得不喚作拂
子。喚作拂子。則觸。不喚作拂子。則背。不得有言。不得
無言。不得轉機。不得著語。中間有一句是山僧的。有
一句是諸人的。有一句山僧的。即是諸人的。有一句
諸人的。即是山僧的。也有主也有賓。也有炤也有用。
衆中還有分辨得出的麼。有一僧拂袖出去。有一僧
云。請和尚下座。師云。適來自起。而今自倒。
僧月泉請上堂。昨日雨。今日晴。都緣時分不相應。虛
空本是無增減。何故時人起愛憎。須領略。莫瞞人。
人眼在眉毛下。鼻孔從來搭不上。唇衆中兄弟還有直
下頓領的麼。若無徑山不妨打葛藤去也。經云。欲於
一切法度至彼岸者。當學般若。若波羅蜜。世間修行般
若波羅蜜。多諸菩薩摩訶薩。一切世間若天若人阿

素落等皆應供養恭敬尊重讚嘆守護令於般若波羅蜜多精進修行無障無礙而不知般若何法而讚嘆如此蓋般若者智慧也假如財帛是同用處有異造世出世間無邊惡業也是財帛成就世出世間無盡功德也是財帛惟智慧善知出要用處有宜豈不爲最上之功德只如諸方師德見徒弟略有英俊之資關門養八哥一般不許出門何也恐其去則不返不親於我又恐學業勝我日見輕慢故也惟我月泉師則不然爲伊徒特修供供養大眾其存心欲弟子超凡入聖可謂賢師矣較彼諸方不啻天淵乎大眾弟子學般若師尙修供何天龍之不擁護耶山僧直見其一身作無量身一食爲無量食偏供十方各極佛刹微塵數諸佛菩薩賢聖以及天龍八部人及非人並爲饒益可謂施者受者各獲其福矣但愧山僧不會說法報恩記得古人現成話柄舉似大眾證明良久曰細切嶺頭雲薄剌潭底月將取無底碗滿盤堆頂出取則不可取喫則從君喫高聲召大眾云莫謂山僧將常住物當人情好

上堂維那白槌師一喝乃云大眾會麼若也會得省煩許多嘮叨若也不會徑山與你解說適來木上座以音聲輪與諸人轉圓滿修多羅一一修多羅有無量修多羅以爲眷屬一一眷屬中具無量法門一一法門具無量差別一一差別中逗無量根機所謂上中下於中深愛法者不與多說不愛法者不與少說平等逗會各各滿足作如是無量無邊佛事已破山僧一喝直下影跡不存於中還有纖毫可得麼釋迦老子道一人發真歸元十方世界悉皆消殞彼以一人例多人我以多人例一衆卽如適來維那白槌是聲透入各各耳根皆緣三緣和合乃有所謂緣人緣槌緣鐘山僧一喝三緣已散正當怎麼時還有世界可得麼還有根身可得麼有則把將來看時有二僧出一將布單作圓相擎兩手一從西過東師云兄弟似則也似是則未是何也出言須會旨勿自立規矩只如山僧一喝聲慮全消能聞所聞皆不可得還有你弄伎倆處麼還有你著計較處麼有則再用些神通若無各將本參話頭頓在面前行也如是參坐也

如是參乃至迎賓待客。屙屎放尿緊緊扣住。直得心無間斷。始名得力處。話頭脫落處。頗似到家。猶欠因地一聲。如擔子斷直得恁麼地方有話會分在。

上堂承言者。喪滯句者。迷直饒不承不滯。正好落在第二。且道憑何節目。恁麼舉不見昔者石霜棄世衆中。欲推首座爲住持。侍者九峰云。未可待某甲勘過。始得。若會得先師意。然後乃可座。云。先師有什麼意。峰云。先師道一念萬年去。古廟香爐去。寒灰枯木去。一條白練去。且道明甚麼邊事。座云。明一色邊事。峰云。恁麼又爭得座。云。若老僧不會先師意。則香烟起處去不得。繇是脫然坐去。峰撫其背云。坐脫立亡。則不無先師意。未夢見在。繇是諸方承虛接響。遞遞相傳。皆謂首座未會先師意。以徑山簡點將來。却是九峰未會先師意。何也。置枯木堂做死工夫。豈不是石霜意。承言者。喪滯句者。迷豈不是洞下宗。見首座恁麼道。便謂不會先師意。尋常鴉鳴鵲噪。豈不是聲。何不也恁麼道。首座見他不會。便乃盡令而行。正恁麼時。還是一色耶。非一色耶。縱饒九峰渾身是眼。鑑不

之下當作上

及滿身是口。辯不得九峰強作主宰。道坐脫立亡。則不無先師意。未夢見在。當時雖然自得便宜。爭奈千年之後。有個徑山長老。冷眼難瞞。與他雪屈大衆。且道作麼生是雪屈處。是他古人一賓一主共作一番廣大佛事了也。你諸人徒向舌頭底下覓是非。分得失。便覺遠矣。只如山僧如是理論。亦未曾向紫羅帳裏撒真珠。諸人徒勞出出入入。欲覓臘月扇子。縱覓得。又堪作何用。大衆。山僧如是批判。你等還甘麼。若也不甘。且將個本參話頭。頓在面前。有日悟去也。未可知。山僧自愧不能談禪。記得古人兩句現成言句。舉似大衆去也。良久云。莫將閑學解。埋沒祖師心。下座。

上堂。維那白。鼃竟雪庭出衆禮拜。起。欲問師曰。大衆珍重下座。

上堂言無展事。語不投機。承言者。喪滯句者。迷直是非思量分別之所能解也。所以古人道。閉門打睡。接上上機。顧鑒頻伸。曲爲中下古人爲中下展其所悟。權設機宜。繇是門人各師其說。承習規矩。故有五家

之派別統其所要莫不皆指人人自性爲急務也。故凡有舉揚設施皆不壞其源流如百丈因馬祖一喝三日耳聾黃檗纔聞卽時吐舌。如是大機挺直無諱。故臨濟纔問佛法大意便與六十痛棒待伊自知痛痒。以此徑庭之機人多濫擬復設四料揀四賓主三玄七事用防邪謬。大瀉從百丈撥火開悟。仰山聞落井明心。繇是父子相投機關互用以九十七圓相分作六門百丈示衆云六句外會取三句中用得所以臨濟唱三玄瀉仰演六義共成百丈之一家矣。石頭參同契云事存函蓋合理應箭鋒挂所以雲門推而廣之義唱三句函蓋乾坤句截斷衆流句隨波逐浪句法眼承一言問在答處答在問處如箭相挂毫爽也是伊創立共有源流非如今時亂統一無淮據奈雲門尊貴語不虛發法眼徑庭機不亂施瀉仰嚴密難構語脈是以竟絕其後。臨濟以棒喝家風間有濫接非惟師家莽鹵抑且學者增嘆其間七事三玄賓主料揀絕不明了。可痛惜哉石頭又云當暗中有明勿以明相遇當明中有暗勿以暗相觀。明暗各相

對比如前後步而我洞山老人承習其言以明暗表於正偏以君臣辯於體用以事理配於父子不承言不滯句不傷鋒不犯手以金針玉線家風於賓主盤桓之際有理可則有事可憑辨邪正揀混濫故諸方所尊門庭施設以此權接內要且祇明今時挾帶邊事據其正要以父母未生前事爲緊務耳。所以道夜半正明天曉不露但形文彩卽屬染汚大衆祇如父母未生前還有事理體用麼還有得失是非麼還有彼此問答麼還有聖凡生死麼所以欲承習其宗者如是一切二邊之法所謂得失是非聖凡事理生死涅槃迷悟取捨一切斬斷如提利劍斬一握絲相似一斬一切斷更無不斷者自然孤迥迥峭巍巍坐斷聖凡報化路絕故老人三十年住洞山土地神不得一見豈非真得恁麼地也觀其承接授受亦無他旨昔者雲居膺在洞山後室住每日隨堂粥飯忽數日不赴洞山詰之膺曰自有天神送供來洞山怒責曰將爲汝是個人猶作這個去就耶膺卽懇求旨決洞山曰汝當不思善不思惡只恁麼去彼路自絕於是

天神不至。兄弟諸方只說參禪。徑山明明舉似如青天白日。更無藏諱。未審兄弟家。真得恁麼地也。無若直得恁麼地時。掉臂度時。更有何事。若未得恁麼相應時。且將本參頭在面前。他時後日。有人悟去也。未知除此之外。徑山一無所識。

中秋上堂。告心比秋月。秋月有圓缺。世間無比倫。教我如何說。噫。寒山老人云。是文殊化身。何以口門窄。說不出。徑山不敢與古人爭衡。也要效顰。說兩句。伽陀。吾心非秋月。秋月有盈缺。萬物有無常。這個不生滅。大眾會麼。若也會得。不消徑山更說。勞叨若也不會。不妨徑山牽藤引蔓。從頭說起。自今日始。逆數去年八月十五。也是這個。前年八月十五。也是這個。前年八月十五。也是這個。如是乃至威音王那畔。空劫已前有八月十五。日皆不異這個。復以今年爲始。來年八月十五。也是這個。後年八月十五。也是這個。後後年八月十五。也是這個。順數乃至千佛出世。未來無量劫。所有八月十五日。皆不外這個。所以道。古今天地古今日月古今人事古今物理。上至諸佛下

至含靈。求一毫差別了。不可得。兄弟衆中若有承當的。須要辯清濁。識好惡。凡所出言。必須絕滲絕漏。若一毫不盡。則未免後人簡點。且道如何簡點。不見東坡居士訪佛印元禪師於金山。先日以書約曰。當學趙州故事。次日往叩元公出門迎之。居士曰。昨以約之。何以還作這個去。就元公答以詩曰。趙州當日少諱光。不出三門見趙王。爭似金山無量相。大千都是一禪床。當時諸方共美。今日徑山簡點將來。不無滲漏。何也。若云沙界一禪床。則居士未出房門。已踏碎元長老觸體了。也何故到。他跟前被念一遍陀羅尼。瞞過了也。山僧當時若見恁麼舉。把個漢拋在揚子江裏。何故如此。且道這個是禪床。不是禪床。下座。萬曆乙卯年閏八月二十五日。衆請師開法於嘉興福城東塔寺上堂。拈香云。此一瓣香。功高二儀。價重五天。賣者於十字街頭。高聲大喚。不遇一人買者。踏遍天涯。難得其樣。山僧今日於人天衆前。拈出供養本師釋迦牟尼佛。又拈云。同天地之蓋載。等日月之昭臨。秉四海之威權。均萬姓之賞罰。端爲祝讚。

當今皇帝又拈云學博古今洞纖悉以無疑。曾懸寶鑑。察是非而不惑。端爲嘉興府主洎及兩縣尊官。惟冀福壽爵祿增進。村落誦五禪之仁。朝堂受借寇之請。又拈云源遠流長根深蒂固。受靈山之付囑。爲四衆之金湯。端爲現前檀越姚岳李黃等一班信官。成鍾等一班居士。惟冀生生爲菩薩友。世世作如來使。就座云香已拈了。若是佛法。山僧口門窄說不出。如論真實。這一著子。你諸人腳根下。這段光明。炤天炤地。亘古亘今。現前具足。不借他人。所謂萬象不能掩其輝。三光不能並其耀。若欲省易會去。向山僧未渡江時。會得猶名鈍置。若待山僧鼓兩片唇皮。擬欲領略。早是差了也。雖然須知佛法有時節。因緣大衆且道作麼是時節。因緣豈非今日是坐禪結制之時。若是上上根人。以法界爲大伽藍。以剎那際三昧融之。無三世性。如此則過去無量劫。非結末來無量劫。非解現在二六時。無住生死也在裏許。涅槃也在裏許。無佛道可成。無三塗可墮。巍巍乎蕩蕩乎。直下是個自性天真佛。法爾如是不假強爲。略著思惟。卽已不

是故曰是法非思量分別之所能解也。兄弟家還得恁麼地麼。未得恁麼地。且依如來三期結制。以上中下。限其身心。所言結者。結其同道之友。同期出生死。同願成佛道。志同趣同。爲友若志趣不同者。非所結也。制者。制自身心。直教灑落落地。寬廓廓地。靜悄悄地。冷水冰地。以百日爲期。不爲世法所牽。不爲名利所奪。不爲家懷所繫。不爲是非所間。眞得恁麼自然。虛而靈寂而妙。亦爲大丈夫能事了。畢也。若也未能如是。且將個本參話頭。頓在目前。直下壁立萬仞。如一人與萬人敵。相似不教斯須差錯。自然有日妙悟。兄弟且道如何。是你本參話頭。你等豈不爲生死出家耶。爲生死坐禪耶。旣爲生死。生死不明。何暇別尋道理。求玄覓妙。何不把個生從何來。死從何往。直下決去。只如父母未生前。本來不曾有此身。敗壞後復是何物。前後旣無此身。豈不同於水上之幻泡也。旣同幻泡。體本無常。何可定執。若向這裏明得。何差別而不了。何生死而不出。若眞正得恁麼地。則知山僧適來許多。嘮叨大似惡水潑汗。人心田扯下地去。痛

與一頓爭怪得他。雖然恁麼也遲了一著。若要直截會讓拂子。有大神用。他却無許多伎倆。以其無伎倆。故却能坐斷一切人舌頭。還肯麼。若也不肯。且向堂中默默簡點看。下座。

上堂。三玄三要事難分。得意忘言道易親。一句明明該萬象。重陽九日菊花新。汾陽老人真爲臨濟直下兒孫出。語尖新。超今越古。後來有尊宿。將三玄三要逐句解說。所謂體中玄。句中玄。玄中玄。今日以東塔長老看來。此解非惟埋沒祖宗。抑且賺誤後學。何也不見百丈云。六句內會取三句。外用得若一句。作一句說。長老自墮地獄。不干學人事。若三句作一句說。學人自墮地獄。不干長老事。如此則汾陽真得古意也。耶。焉拈拄杖云。若喚作拄杖。是人天有句。若不喚作拄杖。是聲聞無句。亦有亦無。非有非無。是菩薩中道句。若如是逐句指點。則拄杖子入地獄。如箭射然。拄杖子還向你諸人道也。無以其無恁麼道。穿過你諸人髑髏。透入你諸人眼睛。你諸人各各起一種知見。作一種見解。如此則何止三句。乃至千句萬句圓。

應自在。一念具足也。拈起云。看看仁者見之謂之仁。智者見之謂之智。百姓日用而不知。良可悲。夫大衆見色聞聲。了然不昧。何謂不知。還會麼。然聖人說無定方勢。難取信何也。如云。人莫不飲食也。鮮能知味也。與此極同。深哀其不知日用也。將何以明之。山僧今日且作鹽鐵判官。還以書判之。若日用麤淺之知。夫婦之愚。可以與知焉。若以性真微細之知。及其至也。聖人有所不知焉。若恁麼做個教學先生的奴也。還欠三分。安敢人前稱長老。豈祖師意旨。祇如是乎。兄弟意旨。有異乎。是有不異乎。是知見是同受用。是別。只如道生從何來。死從何往。聖賢了了。知其落處。汝等忙然。不知所向。若知得二字落處。便與聖賢不異。若也不知。焉得不名愚癡。百姓乎。澄長老無可說。今日是重陽節。大家往烟雨樓登高望秋色。此猶是小知見。且道作麼。是大知見。欲窮千里目。更上一層樓。

上堂。俱胝和尚一指禪。三十年來用不殘。自謂天龍相授。與看來冷眼總顛預。大衆且道何故如此。焉豎

指云祇這個指頭盡十方世界有情之類。阿那個無有。而云從天龍和尙得之。此可信耶。不可信耶。且天龍俱胝同在一時。或有秘授。爾今去彼一千餘年。只如諸人指頭各各具足。從阿誰得。所以肇法師云。昔物自在。昔不因今。以至昔。今物自在。今不因昔。以至今。不因今。以至昔。自知今物之不住。不因昔。以至今。自知昔物之不來。不來不往。故知物各住一際。大好言語。惜人之不盡解也。所以道。古今天地。古今日月。古今人事。古今物理。如此。則三世諸佛。乃至天龍俱胝。以及你諸人。同一鼻孔出氣。一舌根談論。人人頭頂是天。腳踏是地。熱則普天下熱。寒則普天下寒。平等具足。阿誰欠少。而欲起心動念。求理捨事。作二邊見。是豈智人所爲也。雖然。只如父母未生前。這個指頭落在什麼處。此身敗壞後。這個指頭又何處。有未過關者。也不得草草放過。好餘句不錄。

上堂。今朝又是十月半。不識流年暗裏換。脚跟下事未能明。只恐閻羅把飯算。欲透生死。除是鐵漢。挺起脊。莫收伊。咬定牙關。誓與斷大衆要。明這個須看他。

從上榜樣。且道有何憑據。不見世尊初生時。便乃隻手指天。隻手指地。週行七步。目顧四方。乃云。天上天下。惟我獨尊。兄弟是他大人分上。具大氣岸。與衆不同。今日山僧分作三等相見。若上等的。向世尊未生前。會得猶較些子。中等的。向世尊當生之時。便乃領得。亦是好漢。下等的。且把本參。擲在面前。有日悟去也。未知餘句不錄。

上堂。今朝十月十七。錯認彌陀誕辰。若能將錯就錯。諸佛時時降生。豈拂子召大衆云。諸佛降生也。還會麼。會即便會。莫落意地。擬議思量。即已不是。擊禪床云。還聞麼。聞即便聞。非是休分。直下領略。磕碎崑崙。大衆若向山僧二轉語。明得則山僧辜負諸兄弟不少。若也不明。則諸兄弟辜負山僧也多。還有不辜負者麼。要得不辜負。須看他古德。始得現成受用也。昔華嚴隆從石門遊。後嗣廣慧。或問曰。和尙隨石門爲什麼。却嗣廣慧。答曰。我聞他機子詩。所以便肯他。曰。機子詩若何。乞爲我舉。答曰。我當時行脚到彼。和尙令我剃我頭。時舉。機子至和尙曰。道者。我有機子詩。

你爲我和我曰願聞和尚曰放下便安穩我時深肯他。是以嗣他大衆祇個放下便安穩。三歲孩子也解得。及其至也。八十歲老人行不得。且道作麼生是行得的時節。如有擔千百斤擔子。已經千萬里路。一念放下。其間無有用心。亦非計較。自然慶快平生。若是如今兄弟聞恁麼舉。便欲用心。遏捺怒眼。撐睛喚作放下。所謂將心用心。豈非大錯。兄弟山僧不會說法。祇記得古人現成偈。舉似也。撮得髻根牢。便休何須一日三梳頭。大抵還他肌骨好不搽紅粉也。風流下座。

上堂朔風凜凜。正隆冬。棄落園林。露本容。凋盡繁柯。眞實在何處。殷勤問主翁。物理循環。復枯必然榮。目下雖然窮徹。骨來年依舊笑春風。大衆你們若作冬景會。許你具一隻眼。若作佛法會。打破你頭。未快山僧意。且道何故如此。蓋這一著子。亘今亘古。非去非來。饒他四序循環。這個會無變易。你諸人現前日用。現成具足。所以山僧不敢將個佛法二字。礙你心田。你諸人還肯山僧恁麼舉揚麼。若也不肯。你須自看要。

見利害在什麼處。爲復山僧舉揚不當。耶爲復你自己未會耶。若是山僧舉揚不當。諸方自有具眼者。箇點若是你自己未會。必須微細勘驗。始得祇如這一著子。我今爲甚麼不明。爲是昏沉所奪。耶爲是妄想所間。耶爲是求玄覓妙。而向外馳求。耶爲是不信自己。而別求成佛。耶如是等無量因緣。時時簡覺。簡到無可簡處。遽忽回頭。便同本得。始知從前不曾移易一絲毫。祇是自迷也。昔者靈雲和尚於深山中默究三十年。忽然大悟。乃曰。三十年來尋劍客。幾番葉落又抽枝。自從一見桃花後。直至如今更不疑。兄弟將謂古人有多少奇特。原來無多子。祇說個自從一見桃花後。直至如今更不疑。下座。

阿彌陀佛。誕辰上堂。淨土周沙界。云何獨指西。但能從此入觸處。是菩提。豎拂子。召大衆云。見麼。阿彌陀佛在山僧拂子頭上。示現降生也。於世自在王如來前發四十八種大願。一一願中必云。十方世界若有衆生。聞我名號。乃至盡動含靈。不生我國。誓不成佛。緣是卽於此拂子頭上。示現成道。坐金剛寶華王座。

放頂上肉髻光明。炤無邊佛刹極微塵數世界。復於光中現無數化佛。及化菩薩異口同音。說不二圓滿。多羅一一修多羅。有無量差別。乃至或說四諦。或說十二因緣。或說六度萬行。或現神通。或入三昧。作如是等無量無邊佛事。已師喝一喝云。被山僧一喝。渾如夢覺。直下見山是山。見水是水。色空明暗。事事仍舊。且道阿彌陀佛在什麼處。莫是山僧誑唬人麼。莫是你自己不會麼。且莫草草。也要著些筋力。然後不被諸方所瞞。餘句不錄。

上堂。雲門舊公案。山僧重與斷要。識一千文。兩個五百貫。雖然公案現成。也不得丟在無事甲裏。須知一句中具三玄。一玄中具三要。有玄有要有權。有實有船。有用始得不負已宗。若不如是盡是墮身死漢。還會麼。若也不會。山僧有個三玄三要句。布施大衆去也。良久云。玄沙謝三郎。元是釣魚漢。

天啓癸亥十月。衆請師開法於會稽雲門顯聖禪寺。上堂拈香畢。乃云。放下貪瞋癡。露出本來事。修學戒定慧。埋沒天真佛。所以經云。居一切時不起妄念。於

諸妄心亦不息滅。住妄想境不加了知。於無了知不辨真實。老漢不會解說。還依古人說。頌。荷葉團團團似鏡。菱角尖尖尖似錐。風吹柳絮毛毬走。雨打梨花蝶蝶飛。看他一經一頌。不曾加減半個字。極是現成。爲甚麼不解。蓋緣這一著子。無你著力處。無你安排處。無你用功處。無你計較處。故曰是法非思量分別之所能解。既不許思量。有甚麼不是。爾今諸方例云。定要坐禪。用功。定要起疑。參究。如斯等類。皆名顛倒。隨語生解。有甚麼了日。若是真正道流。不教你經典上留心。不教你昏散上著脚。但教冷水冰地。一切是非思量。恩愛名利攀緣。一齊放下。亦不住定。亦不散亂。亦不厭凡。亦不忻聖。除了著衣喫飯。阿屎放尿。若加一毫伎倆。總名魔業。兄弟老僧不甚解道。但以小知見記得。古人現成話。舉似大衆。若是上根之人。見鞭影便行。若是中下之根。直饒設盡山雲海月。情依然不會。徒惆悵下座。

上堂。舉拂子。召大衆云。會麼。阿彌陀佛在山僧拂子頭上。現普覆法界身。放大光明。網發四十八種大願。

舒金色兜羅綿手接引衆生同歸淨土。重舉拂子云。汝等遠見麼。諒有眼的定見。不是盲的。雖然見則定見。但是普覆法界。身未必是個拂子。若喚作拂子。則不見矣。且道有何憑據。不見經云。白毫宛轉五須彌。紺目澄清四大海。且一毫兩目已佔許多世界。你諸人各各都在阿彌陀佛眼睛裏。阿彌陀佛普覆法界。身穿入你諸人眼睛。內彼非縮大入小。此非張小合大。一人如是多人。亦然重重涉入。小大該融。此實法爾如是。是非強言。因甚麼拈來。諸人面前。皆云不會。喝一喝云。爾今山是山水。是水乃至香爐几案。色現前。且道阿彌陀佛在什麼處。良久云。雪裏鷺鷥飛。始見柳藏鶯。語方知。

上堂。師纔就坐。忽聞鷄鳴。乃云。呀。金雞上座。先爲汝等轉第一義諦。根本法輪了也。更要討什麼消息。若也不會。重新再舉。揮一尺云。這個是聲。有耳皆聞。定非羣漢。舉拂子云。這個是色。有眼皆見。定非瞎漢。更無絲毫瞞昧。不見道。頻呼小玉元無事。只要檀郎認得聲。便下座。

上堂。老儂不識元字脚。強出人前要說法。錯讀曾參作魯。參合堂大衆皆笑。殺這一笑。中有妙。若還悟得。其中意。點破當頭這一竅。大衆如何。是這一竅。良久云。動容揚古路。不墮悄然樓下座。

上堂。天際日出。月沒。檻前山深水寒。光景分明。說破無有半字相瞞。大衆常不輕菩薩來也。且道。向你諸人。道個什麼。他道。我不敢輕於汝等。汝等皆當作佛。雖然巧妙。還未道盡。山僧則不然。改換一字。直言汝等皆已成佛。到此田地。當不因山僧鼓臭舌頭皮。而便喜。何以故。是你諸人自己的。喜甚麼。亦不因不得而生憂惱。何以故。曠劫不曾失却憂惱。甚麼諸人。若也不會。還有末後句。舉似大衆拈拄杖云。徒見六龍爭鬪舞。豈知丹鳳入青霄。下座。

會稽雲門湛然澄禪師語錄卷第二

會稽雲門湛然澄禪師語錄卷第三

門人 明 凡 錄

吳興 丁元公

編

山陰 祁駿佳

提語

提楞嚴經

把住也黃金失色。放開也瓦礫生光。釋迦老子無端。被你諸人勘破。觀世音菩薩將錢買餅。放下手却是餛飩。你諸兄弟。若也不會。老僧禮你三拜。若也會得。我有三十棒。領出門外。自打爲甚。如此正令。欲行明賞。罰龍蛇場內決輪贏。

舉不願。卽差互擬思量。何劫悟。舉起拂子云。雲門大師來也。還見麼。見卽便見。不得回頭轉腦。揮一尺云。還聞麼。聞卽便聞。不得停思卜度。良久云。會麼。若會出來。與老僧相見。若不會。則老僧當面瞞諸人去也。正月又過今二月。請衣下事。猶未瞥杜鵑。忽向上林。啼一聲。兩聲都漏泄。不漏泄。踏著秤鎚。硬似鎮靈利。衲僧不消老僧一捏。捏不捏。放一著。向第二門頭慢

慢與你解說

宿雨連綿落不休。途人若個不懷愁。老僧室內無閑慮。只看韶陽六不放。召大衆云。且道韶陽老人道個六不收的。意落在甚麼處。莫是一六俱忘麼。莫是六合不收麼。莫是無事生事。閑言刺語麼。咄。且莫錯會。好須知。玄關一路千聖不傳。直須自己悟去。方始欺君不得。

昨夜雨霽。烹打倒蒲桃棚。諸行人力撐的撐拄的。拄撐撐拄。拄到天明。依舊可憐。生召大衆云。此圓通訥和尚示衆語。當時咸謂其說平實。頭禪因此學時。大衆改觀。山僧效顰也。有一偈。學似大衆。昨夜雨。兵雷轟天地。鳴幸無虧心事。所以不喫驚。不敢望你改觀。只要應個時節。且道應時節一句作麼生。道良久云。未過驚蟄一聲雷。四十九日雪花飛。可憐蛇蟲窮性命。不知幾個受災危。

佛手驢脚生緣對。衆舉猶未全。石女呵呵大笑。北斗却向南。看召大衆云。黃龍和尚在山僧拂子頭上坐寶華王座。喜動于顏。乃云。此三關語。老僧三十年勘

驗學者未有可意。經今一千餘年。無人舉著。你見個什麼。敢爾相舉。山僧對云。只曉得頭頂是天。腳踏是地。日間三頓飯。夜來一覺眠。中間不曉得什麼。這老漢見我。恁麼抵對。懨懨而退。兄弟還有分得失的麼。如有不妨。伶俐如無。也不得放過。

今朝過了。有明日。明朝又有明日。在自從曠劫被他瞞。直下頓明。始痛快。不痛快。不可央。庠作麼休。須怕。

飯債

熏風時至。解寒襟。滑滑山禽啼上林。好個圓通消息。至只是時人不解聽。

山僧不會說法。只好應個時節。無端抹過那頭一切聖賢。都殺曾記得。又和尚無多言句。時中只持一條木叉。道道得也。又下死道不得也。又下死一日。被人藏過。便以雙手托空。張口因地。這老漢將謂多少奇特。元來離却叉子。便伎倆已盡。山僧即不然。借得人一把拂子。東拈西弄。今日已被討去了。遂豎起指云。幸有這個不從人借的。甚是現成。而復人人有分未證的。證取去好。

春農作生

九九八十一犁耙。一齊出一。年春計在此時。不論貧富貴賤。大家齊著力。召大衆云。且道著力句。作麼生。道不見。道交互。明中暗。功齊轉。覺難力。窮忘進步。金鎖網。鞵鞵還有竿頭進步。簾外翻身者也。無如無且聽楞嚴經。

今朝二月十五個個成佛。作祖釋迦老子。唱言涅槃。一切人天。以樂爲苦。傍邊有個漢。呵呵大笑。且道笑個什麼。

自地登空。易從空放下。難此中須著眼。莫作等閑看。已過關者。掉臂便行。未過關者。看看。

殺活縱奪。把住放行。威風岸岸。有必行之令。氣宇堂堂。有莫犯之威。或時呵佛罵祖。不怕天雷霹靂。或時較因論果。却懼閻羅大王。且道托膽的是小心的。是有定當得的麼。如無老僧定去也。戴角披毛。扶正令。渾身泥水。有誰知。

有句無句。如藤倚樹。樹倒藤枯。句歸何處。卽五陰六入。是有句。非五陰六入。是無句。離此兩途。作麼生喚作五陰六入。

今朝二月十九處處堤垂綠柳春禽漏泄圓通令人
各各知有召大眾云觀世音菩薩遠辭普陀洛伽來
我拂子頭上示現降生放大光明照耀天地一處如
是一切處亦如是一世界如是一切世界亦如是豎
拂子云還見麼擊卓云還聞麼既見且聞且道觀世
音菩薩在甚麼處良久云處處綠楊堪繫馬家家有
路透長安

提燈籠入山門來移山門向佛殿裏雲門恁麼道奇
特甚奇特太煞費功夫爭似我這裏將禪堂安在大
殿上喚作禪堂却是大殿喚作大殿却是禪堂可謂
一舉兩得極是現成還有共相證明者麼

盡十方世界拈來只是個拂子海神以萬斛真珠相
配不起古今未有一人酬價獨有韶陽乾屎橛猶較
些子山僧另討便宜只這個拂子從人借得的若被
討去則光赤赤圓陀陀脫體無依滿盤托出還有人
酬價也無如無則賤貨自收去也良久云運退黃金
失色時來瓦礫生光

喚二作一指七爲八手秉太阿聖凡盡殺却憶東村

黃大姐倒戴西村李公禮無論貧富貴賤見者聞者
都笑殺且道山僧今日解何宗噫嘻噓阿喇喇

萬代金輪聖王子只這真如靈覺是菩提樹下度衆
生度盡衆生出生死召大眾云要見聖王子麼這拂
子便是要見真如靈覺麼香爐燭臺是且如拂子是
借得的香爐燭臺是常住的既然物各有主不可把
他的認作自己還識自己麼山僧與你添些註脚萬
代金輪聖王子夜半花猫趕老鼠只這真如靈覺是
廣劫至今不移此菩提樹下度衆生海底泥牛睡正
濃度盡衆生出生死赤脚趕過三千里分付諸人切
須珍重逢人不得錯舉

若人識得心大地無寸土不信女媧氏天缺煉石補
召大眾云且道山僧今日登此寶座有何所補良久
云舉意碎鐵鉢無心射石虎

正月二月又三月一年四季佔一截饒他暗裏流年
換惟有真心不生滅大眾正當生滅時還有不生滅
者麼猿抱子歸青嶂裏鳥啼花落碧巖前

入荒田不揀草信手拈來不值乾癸棗召大眾云只

如逢強即弱遇賤即貴時又作麼生良久云踏破鐵鞋無覓處得來全不費工夫

陽和布澤大地春子規啼處是深林聲聲勸道歸去好不識渠儂何處人召大眾云你諸人曠劫來主人公喚甚麼名字

宿雨連綿奈若何滿堂僧衆念摩訶老天若肯生慈悲散浮雲見大羅召大眾云且如紅日麗天時作麼生道草木遂生花發笑村庄是處唱堯歌

雲居不會禪洗脚上床眠冬瓜直儂個瓠子曲彎彎雖則奇特太煞露鋒芒山僧也敢效顰顙呈一個非敢與古人鬪勝祇要兩般一賽散木不會禪人說只要錢喫飽白米飯百事無可言

中興云應作上堂

工部陳靜臺居士至師云春光蕩漾春風和堤柳開顏鳥唱歌粉蝶翩翩過牆去祖師心印事如何召大眾云只如楞嚴會啓龍象筵開國士登臨如何舉唱昔日不忘親付囑今朝猶向此中來

若人欲了知三世一切佛應觀法界性一切惟心造召大眾云只如阿難遭淫術而生慌怖見勝相而即

修行且道這個是心不是心若道是何故如來咄云此非汝心若道不是一切惟心還定當得的麼如無山僧自道去也是則龍女頓成佛非則善星生陷墮咄

學不顧即差過擬思量何劫悟雲門大師拈山門入佛殿裏即且置還知移須彌納芥子中的且道是甚麼人

禹門三級桃花浪神魚莫教遭點額一躍直須萬丈高自有風雲贈霹靂召大眾云且道透龍門句作麼生道三級頭超逞奇特一生方顯自英豪

隨緣成辦事如何赤脚波斯渡汨羅三閭大夫施一問直教石女眼懷懽懽召大眾云且道問個甚麼老僧眉毛長多少

春風吹遍園林好一夜殘紅落多少真個光陰暗裏去時人聞者皆懷懽懽懷懽但聽子規無別語聲聲勸道歸家好且道家在什麼處

滿然老精瞎禿倒挂三千年何曾傾出一點墨雖然如此尋常無半個低錢要稱敵國富路中拾得乾屎

概對人說是返魂香。是這等討便宜漢。誰能如之。不似雲居羅漢披襟處。且做羣縣茶瓶接嘴時。

緣滿園林翠欲流。子規啼血正綢繆。紙灰堆滿三千塚。哭到斜陽恨未休。召大衆云。爲人一世收成結果。不過如是而已。何似大千世界爲丘塚去。來生死總在裏許。直教長河爲酥酪。祭獻此人。他亦不受。且道是甚麼人。

召大衆云。拂子昨夜作怪。化作龍吞却三千大千世界。許多六道四生。都向什麼處安身立命。還知落處麼。水向石邊流出。冷風從花裏過來香。

前山頭鴉鳴。後山頭鵲噪。祇這是圓通。沉思卽不妙。妙不妙。啞子喫黃連。有口不解道。

毗盧遮那佛。願力週沙界。一切國土中。恒轉無上輪。所以應說刹說。熾然說無間歇。山河大地一齊說。如此更教山僧說個什麼。卽得良久云。一般奇特處。料得少人知。

盡大地撮來。如粟米。大打鼓。普請看。漆桶都不會。雪峰老人眼界。忒無人爭。似我這裏盡。能新地見山是。

山見水是水。乃至鶯啼鵲噪。色色了然。要個不會的也難得。

若論此事。三乘膽喪。十地魂驚。直饒等覺菩薩。見性如同繇月。召大衆云。且道。請僧有甚過人處。敢爾大言不見道。如將梵位。直授凡庸。非常之旨。人焉能哉。未達境。惟心起種種。分別達境。惟心已分別。卽不生。召大衆云。卽如現前山。明水。綠鵲噪。鴉鳴。是分別。不是分別。試斷看。

燈籠昨夜笑哈哈。云何露柱也懷胎。天明生個白頭子。至今遊蕩不歸來。好歸來。黃花與翠竹。早晚爲誰栽。古人道。處雖則尖新。未似我這裏。明明舉似大衆。且道。作麼生是明明舉。似長長一個矮子。光下領一個鬚嘴。

天得一以清。地得一以寧。君王得一天下平。只是請僧分上用。不著何也不見道。萬法歸一一歸何處。三十頭頂紋生。定同顯子五十子。宮肉滿難學商瞿。盡謂澄長老。是個入天法師。原來是個設帳先生。只如五行具足。四大完全。則從汝說富說貴。說貧說賤。

倘有無面目漢。且道是凡是聖。

第一句薦得與佛祖爲師。第二句薦得與人天爲師。第三句薦得自救不了。山僧舉揚的是第三句。拂子是第二句。作麼生是第一句。有人縊素得出。管取一念無生。前後際斷。自然超彼魔境。其或未然。且來聽楞嚴經。

怎麼也不得拈過一邊。不怎麼也不得放過一著。怎麼不怎麼總不得。且道作麼生。如有人定斷得出。管取五十種陰魔。一念頓超。如未能得。且看作麼生。分解。

諸佛不曾說法。汾陽略宣一字。不是紙墨文章。亦非維摩默地。汾陽太煞孤硬。只如山僧今日上堂。對衆舉揚。還是維摩默地耶。且道還是紙墨文章耶。咄。都盧是個辯魔篇。

一念不生。挺露堂堂。直下頓了。非是不及明歷歷常的。祇在當人日用中。要且日用收不得。大丈夫應須目下自成。莫待當來問彌勒。大眾會麼。如或不會。但看石頭問六祖。教你只好尋思去。

舉一明三目機鋒。兩是稱僧本分。尋玄摘妙。依疏解經。乃聖主家風。雖則頓漸成差。要且同歸一致。爾來宗教相攻。彼此矛盾者。是不達本也。所以山僧二邊一齊拈出。是耶非耶。任他諸方卜度。

提思益經

依經解義。三世佛冤。離經一字。卽同魔說。這不得。那不得。且道如何通個消息。良久。云。香從花裏來。水從石中出。

召大眾云。雲門大師來也。向你諸人道什麼。但說拂子。昨夜變作龍吞却三千大千世界去也。你諸人向那裏存住。知麼。如或不知。山僧代他通個消息。良久。云。無風荷葉動。必定有魚行。

大眾見麼。釋迦牟尼佛在山僧拂子頭上坐寶華座。轉大法輪。說光明種種名號。力用上根利智者見則頓證自心。立地成佛。若是中下之根。莫謂山僧一例說夢好。

昨夜泥牛耕破月。波斯怒眼恨不徹。石人撫掌笑呵呵。木女悵惶淚成血。且這是何宗旨。我亦不識。只要

拈來應個時節。且如應時節。句作麼生道。薰風醉倒西湖客。莫把杭州作卞州。

錫和布。滿上林春艸。色青青。柳眼萌。要識本來真面目。東風偏意。醉遊人大衆。山僧舉來。只要作個山門標榜。若作佛法商量。三十棒打碎你頭也。怪他不得。直下承當。猶名鈍滯。如何若何。堪作甚麼。若向山僧未出法堂。諸人未生一念時。會得略較些子。其或不然。且聽思益經。

儒者秉燭苦讀田。者帶雨耕鋤。雖則勞逸有異。要且同是功夫。只如沙門輩。仗佛光明。不田而食。不蠶而衣。畢竟成得個什麼事。還知報恩句麼。良久云。雨滋三草秀。是處唱堯歌。

春風淡蕩春氣和。擲柳黃鶯弄錦梭。造化織成何所用。不如靜念薩婆訶。大衆若作世俗會。許你具一隻眼。若作佛法會。帶累老僧入地獄。如箭。

老僧沒能奈。行動少自在。缺齒不關風。心直兼口快。昨夜撞倒須彌山。直得帝釋天尊龍床寶座去了半塊。大衆且道。山僧恁麼舉揚。是何道理。良久云。我亦

不知是何道理。祇似三江人唱曲。

綽約桃花映水紅。靈雲繇此顯家風。年年一度常如此。何必從他問主翁。大衆這是山僧直下舉來。祇要應個時節。你諸人莫作春意會好。

噫唏噓阿喇喇。提不起這一著。放得下快活殺。昨夜觀世音菩薩化作夜叉。闍羅大王化作菩薩。且道何以如此。不見道善人無惡心。惡人無善念。善惡不相到。祇如前後步。若向這裏會得。個個分明。如或未會。且聽下文分解。

衆宰官請提法華經

拈來無不是。用處莫生疑。昨夜泥牛鬪踏殺。老波斯大衆衆中還有證明者也。無如無且聽山僧講弘傳序。

海底泥牛含月走。巖前石虎抱兒眠。鐵蛇鑽入金剛眼。崑崙騎象驚鷺牽。此四句內有一句能殺能活。能縱能奪。若人簡點得出。一生參學事畢。噫。古人奇特甚奇特。只是太顛預生。爭似我這裏直截。無可瞞昧。諸人還樂聞麼。良久云。是法不可示。言辭相寂滅。

一光東炤智境全彰。半句未吐。真心斯在。釋迦老子。竭力提持。祇得一半。若要完全。直得南山起雲。北山下雨。石女懷胎。木人擲掌。路較些子。衆中還有會得的麼。良久云。會得的。端坐念實相。若也未會聽。老僧下文分解。

老饑不識字。錯讀己巳。已去問大人。答道彌是彌。且道識字的是不識字的。良久云。若是獅子。終不逐塊。

取不得。捨不得。不可得中。只麼得。老僧胡亂且拈來。上一橫下兩直。任君持去問達磨。達磨只好道不識。何以故。止止不須說。我法妙難思。

光非炤。境亦非存。光境俱忘。復是何物。豎起拂子云。大家看看。老僧拂子放眉間。白毫相光十方各炤。萬人千土。具大神通。有大利害。你等諸人舉眼則睹。却汝眼若欲側耳。塞却汝耳。若欲起念。則觸碎汝心。直欲眼不得而見。耳不得而聞。心不得而念。正當恁麼時。老僧與你通個消息。良久云。黃鸝上樹。一技金。白鷺下田。千點雪。

金襴尊者

對一說倒一說。拂子大轉。廣長舌遍覆三千大千世界。超度百億須彌日月。直得塵說剎說無間。歇山河大地。一時說甚至釋迦老子種種譬喻種種因緣。無數方便廣演言教。未得這個老漢一截。大眾且道這漢有甚長處。敢爾如是大口。只爲他說法不容思量分別。

眼若不睡。諸夢自除。心若不異。萬境一如。衆中還有知時護節者麼。若無不得。舞舞放過大家時中。箇點看。

諸法從本來。常自寂滅相。以方便力。故爲五比丘說。豎起拂子云。看看這個是方便。撫尺一下云。這個也是方便。何以故。不見古人道。向聲色裏透過。始是實際。只如離却方便。作麼通個消息。良久云。不因柳毅通消息。怎得家音到洞庭。

一拽石。二挨磨。日用云爲莫踈過。玄沙本是謝三郎。休向前村覓李大大衆。如何是不踈過的事。良久云。只見六龍爭鬪舞。豈知丹鳳入青霄。

春夏秋冬迭相遷。個中真實不堪言。若教悟得空王。

旨願足。龍胸。叫阿天大衆衆中還有悟得空王旨者。也無若無老僧與你說破。良久云。我不敢輕於汝等。汝等皆當作佛。

諸法從本來常自寂滅。相春到百花香。黃鸝啼柳上。似則也。似是則未。是何以故。爭奈冬行春令。老僧今日拈來也。改頭換面作一偈。諸法從本來常自寂滅。相冬至朔風寒。獸蟻添白炭。不敢與古人。關巧也。只好應個時節。

秋老園林。蕭索朔風。何似偏憐惡。爛紅吹盡樹頭空。這個絲來不凋落。都道枯不如榮。豈知法華會上。恰用得著。何以故。不見道此衆無枝葉。惟有諸貞實。三界無安。猶如火宅。若知出要。當下心息。絕承當處。無煩氣力。老僧說破。任汝自擇。

須知火宅內。總是長者兒。逐愛隨憎。嫉所以自成癡。豎拂子云。還會麼。若也會得。饒他羊車鹿車大牛之車。都是閑家具。

癡子漫奔波。臺山卽土坡。文殊祇這是何處。覓彌陀。古人太殺慈。悲分明道了也。若也會得。更復何圖所。

以道但向家中自合轍。何愁門外不通車。西風正威惡。萬籟俱蕭索。枝葉盡凋零。露出這一著。大衆且道。那個是這一著。良久云。夜來何處火燒出古人墳。

一不得放過。二不得住著。三要著眼睛。四要知下落。若肯一念回光。超然使出火宅。咄如識得這個咄字。管教十方利海。冷沉沉一切聖賢。如電拂門外。鈴鐺子何意事。閑遊家財無可付。長者日添愁。噫。爭似酒樓聽歌妓。你若無心我也休。要識長者子。站踰路上。徒甘爲傭作客。志氣一心無。噫。大丈夫漢。頂天立地。何不直下承當。也省許多心力。

萬代金輪聖王子。只這真如靈覺是菩提。樹下度衆生。度盡衆生。出生死。般若又道。若有衆生。如來度者。如來卽有我人。衆生壽者。一佛一祖。兩般拈出。未免有訛。山僧特與他和會。秋深山露骨。天冷水交清。觀面無回避。噫。他是何人。我是何人。

殺盡始安居。護生須是殺。盡大地拈來。無有不是藥。

無論心病身病服者見者斷盡命根十有七八且道何以如此良久云題目分明

知病不知藥羣生俱夭死知藥不知病神醫無治理藥病兩皆除可達無生旨大衆且道作麼生是無生旨良久云南山起雲北山下雨

有相無心相隨心滅有心無相相逐心生所以善人無惡心惡人無善眼只如藤蛇入口鄧通以之餓死香山還帶裴度位致三公且道還是授記使然還是因果致得未證據的分別看

西風何太惡園林盡蕭索非但江湖客商受禁持吹得室內禪師也七零八落雖然恁的無情也有爲人好處大衆且道如何是爲人的好處不見道此衆無枝葉惟有諸貞實

十方無壁落四面亦無門直得圓陀陀光燦燦展轉轉活潑潑喚作大通智勝得麼良久云竹密不妨流水過山高豈礙白雲飛

內外絕行蹤通身無影像閬內不聞名深宮不標嬌未會者參大通智勝去

有向無中得無向有中求要識其中意韶陽六不收聲和自然響順形直必也影端什麼成佛不成佛授記不授記都是閑話柄古人道拾得一文錢買個饅饅喫當下不肚饑

鼓寂鐘沉托鉢回巖頭一拶語如雷果然祇得三年活莫是從他授記來此是張天覺一夜不眠渾如夢醒當場撥出堪於人天衆前作個標榜且道作麼是標榜無風荷葉動決定有魚行

一棒一條痕一掌一握血未是性燥漢直得棒如雨點喝似雷奔始有參學分大衆且道如何是參學的句良久云若知燈是火拍手哭蒼天

寂寂直言寂寂惺惺真是惺惺泥牛空裏翻筋斗木女崖前也喫驚且道是何宗旨我亦不識是何宗旨祇是安樂行

不懼子湖狗好顯曹山酒撞著劉鐵磨顛倒兩頭走若向這裏會得可與論安樂行

從天降下貧窮從地湧出富貴中間有個漢無國土可居無世界可立還是貧窮耶富貴耶看看

不了於自心云何知正道彼絲顛倒慧增長一切惡大衆且道如何是自心未會的且聽壽量品

未達法惟心起種種分別達法惟心已分別即不生只如此經分因別果較量功德且道是分別不是分別請論量看

一念信解價勝七珍須臾受持功超沙劫云何得法麼尊貴也豈不見勇士迷之而轉闕龍女獻之而成佛

連朝宿雨淋漓途人無不攢眉老僧無別剎語畏寒更欲添衣大衆若會玄中的須明上上機

毛端現剎塵轉法輪芥內須彌藏世界冷眼看來未是本分事且道如何是本分事良久云惟獨自明了餘人所不見

含珠報德按劍者自癡抱璞呈君則足者不智衆中還有知恩報恩者麼若有不得辜負常不輕菩薩

拂子昨夜逞神通毫光直透三千界其間鐵圍大海諸佛衆生共轉法輪各證解脫天明起來都是一場大夢且道是何境界良久云夢裏明明有六趣覺後

空空無大千

老僧室內猶嫌冷路上行人奈若何莫道釋門多澹泊須知檀信受奔波衆中還有知恩報恩者也無良久云挺起脊梁休放過靜中須念薩婆訶

貪瞋煩惱病定慧力解脫二者正相等拈來都是藥無論心病身病二乘病服者嗅者皆安樂只恐不解忌口大衆且道如何是解忌口良久云寧可截舌不犯國諱

了此作等

洪音大轉沙界同聞一語發揮羣生了解既然如此新羅不打鼓此間不上堂又作麼生

金風似箭撲頭撲面好個圓通時人不薦且道薦後如何直如急水打毛毬著眼看時尋不見

老僧畏寒懶向火裯被幪頭背風坐曝日開懷摸個虱私謂宰相不如我雖然恁地風光也要挨過五九四十五大衆且道四十五日後如何東風齊至蟄草萌陽和運轉大地春

性本具足聖凡無差一念回光便同本得衆中還知一捨邪心即登正覺者且道是什麼人

舉一明三目機錄兩收來太促放去較略若向個中明解得何須門外覓三車

撒幔天羅網布遍地葛藤收羅四海英豪接引諸方作者冷眼看來是大不得已作死馬醫爭似如今揭却羅網收起葛藤使有目皆見有耳皆聞更無藏躲處諸人還知麼若不知且聽第二場

下座有
馬字

會稽雲門湛然澄禪師語錄卷第三

會稽雲門湛然澄禪師語錄卷第四

門人明凡錄

吳興丁元公

編

山陰祁駿佳

小參

冬至小參夏至至日短冬至至日長否極還泰來陰消復陽長大衆此天地自然之化情與無情莫能逃其一齊之令所以道古今天地古今日月古今人事古今物理今年冬至也十二個時辰去年冬至也十

二個時辰前年冬至也十二個時辰如是乃至窮盡過去劫也只有十二個時辰增一毫不得復窮來年冬至也十二個時辰來來年冬至也十二個時辰如是乃至未來無數劫也只有十二個時辰減一毫不得兄弟汝等與他古人差別在什麼處各各自成觀而欲好肉挖瘡起模打樣殊不知動念便差了我大覺老人於悟道時便云奇哉衆生皆有如來智慧德相良緣妄想執著不能證得緣是以種種因緣種種譬喻廣演言教無數方便引導衆生令離諸著無別有旨人根鈍滯將謂有著可離石霜大師又與打破道一念萬年去寒灰槁木去一條白練去古廟香鑪去這等說話雖則作死馬醫依而行之大有好處在餘句不錄

小參雲門大師來也道什麼他道拄杖子化龍吞却三千大千世界你諸人向什麼處蹲坐雲門老人忒煞無情直下教人無立地處山僧拄杖子即不然坐便倚壁行便扶持亦不變作龍亦不吞三千大千世界你諸人坐立儼然且道向甚麼處著眼還會麼若

也不會更與你添些註脚。只這拄杖子。喚作拄杖子。則觸不喚作拄杖子。則背不得有言。不得無言。不得轉機。不得著語。正當恁麼時。且道作麼。通個消息。爲復奪却。拋向地下。得麼爲復。折作兩橛。得麼爲復。豎一拳喝一聲。得麼爲復。禮三拜。拂袖東行。西行。得麼。若如此弄閑伎倆。被拄杖子收却了也。所謂莫將閑學解。埋沒祖師心。大衆這個諸方爲之舉話。你諸兄弟。進堂半期。諒必知其落處。定不爲拄杖子瞞却。若也不知也。須著些精彩。不可今日明日。只麼度時。以當平生行脚。須知光陰易度。歲月難留。恍惚之間。便成蹉過。禪和家用工夫。大似行路。一日一日。要知程途。若也不知。將何所教於後人也。兄弟。你們時中。應自簡覺。我自進堂已來。昏沉得漸輕。不妄想得泯絕。不用功。覺得力。不見地。覺明白。不如人飲水。冷煖自知。若不得恁麼地。大丈夫何得自欺。因山僧舉。從今日爲始。既往不咎。以後決不可如此。差過決定。要知落處。誠有如是決志。有如是猛烈。可謂彼此不相辜負。如不相悉。啼得血流無用處。不如緘口度殘年。

小參。烟雨盜將山色去。溪風送得水聲來。本來佛法。皆如此。莫教心識強安排。兄弟。衆中若作境會。許你具一隻眼。若作佛法會。打破你頭。何故如此。我王庫內。無如是刀。雖然如此。要了世法。向佛法中。會要了佛法。向世法中。辯蓋佛法。世法文字詮表。有二。其實性則無二也。無二之性。卽是佛性。苟悟如是佛性。則古今人事。古今佛理。古今世界。古今日月。曾不教你起心動念。然後得也。近有不識方便者。疑欲驅昏敵。散遣妄求。真或取靜功。學死灰禪。看話頭。覓義解。取捨既經於心。是非定干於念。可謂唐喪光陰。於理何益。珍重。

小參。目前無法。意在目前。不是目前法。非耳目之所到。大衆既非耳目所到。何有是非逆順之可得也。然則雖非目前。要在目前。以驗其實。經中所謂行於非道。通達佛道。何爲非道。卽目前一切逆順中。轉身而過。無障無礙。是故提婆達多是佛。積劫惡友而云我。因提婆達多善知識。故令我疾得阿耨菩提。乃至證得三十二相八十種好。又云一切衆生聞提婆達多。

品受持讀誦不復墮於三惡道也。如此則豈非觀逆成順。繇非道而通達佛道耶。而今多見兄弟發心坐禪。因師友警策昏沉勃然動其瞋心。以致靜論。似不如無情之木頭也。何則。木頭者爲良匠多方彈削。始成梁棟。如彼木頭忽作嗔云。我在山中大塊載我。雨露滋我。何等自在。爾無端取我回來。多方薄我。如是則非惟不能成器。抑且爲怪物矣。故曰。生我者父母。成我者師友。假如衣冠不正者。卽路人亦須相勸。何況僧稱和合。和合則無靜論。既已結制坐禪。則和最和者同結其心。共期出於生死。彼得卽如我得。我失卽如彼失。欲不使一人警策可乎。不可乎。

徑山小參坐禪已一月。那事曾未徹。不肯自承。當從教眼出血。且道何故如此。不見道佛爲你不得。天爲你不得。人爲你不得。父母爲你不得。師友爲你不得。必須自己解作活計。乃得有等兄弟。見恁麼理論。便不信有妙悟。不肯做功。夫向冊子上學些現成話。湊合幾轉語。以當自己平生事。豈不云大錯也。何也。古人等閒出一語。句擲地作金聲。透過一切聲色關竅。

一切文字義理。皆洞根源。不爲障礙。七通八達。羅籠不住了。也。你這一轉語。果得恁麼地相應麼。於生死中真得解脫麼。若也未得。且不可掠虛。須要老實。做功。夫始得。又有一等兄弟。更作種種計較。乃云。必須做靜功。靜功做不去。乃云。動亦何嘗不是。或云。念佛自然心靜。或云。念佛顛頂。不若參禪。箇點昏妄。根源根源。披露自然。昏妄自除。或云。參禪。備伺不若看教。有文字可。則有義理可憑。豈彼無義味話頭。而能自了。或云。教惟文字。互立互破。曾無實義。若不參禪了。悟自心。終不濟事。作如是等種種計較。可謂徒喪光陰。於理何益。徑山不會禪。禪祇可點病。是病非病。諸兄弟各自知時。若還點著痛處。各各自求對治。若也無病。切勿好肉挖瘡。珍重。

小參秋雨足。年穀熟。處處唱堯歌。人人咸鼓腹。大眾只如太平無象。人表歸降。直得鎗兵器爲農器。改旌旗爲酒旗。不動干戈而坐。見勝負者。且道是什麼人。曾恁麼來。昔者鼓山赴闔王請雪峰。云。雪峰門下好一隻聖箭。射入九重城裏去也。孚上座云。不然。待某

甲勘過始得乃自趕至中途問云師兄向什麼處去。答曰九重城裏去。問曰忽然三軍圍繞時如何。答曰他家自有通霄路。曰恁麼則離宮失殿也。答曰何處不稱尊。孚卽拂袖便回。舉似雪峰。云他有語在孚。云這老凍儂猶有鄉情。在峰便休去。這公案諸方少有定。斷徑山不惜眉毛爲你諸人作口業去也。一人死中得活。好手手中呈好手。一人半路抽身得便宜。處失便宜。雪峰道好隻聖箭射入九重城裏去也。不知早是拋鉤擲釣孚。云待某甲勘過始得。豈知盲龜跛蟹已納敗關了也。回來學似大如把髻投衙峰云。他有語在。須知也不是好心孚。云老凍儂猶有鄉情在。祇識貪前不覺錯。後他也未必要顯勝負。只爲圓成前話。豈知家賊難防。所以祇似個赤土塗牛奶。是伊雪老無齒大蟲傷人不知痛。所以便休去。若是龐公少這一句不得。大衆徑山恁麼批判你諸兄弟還肯麼。若是久參上士。是伊定知雪峰做賊處。若是新學初機。切不得一向在他三人分上著脚。直須自己打開。曾禪方始知他落處。今日徑山不會譚禪。一向

依門傍戶。布滿地葛藤。我今還以古人現成偈句舉似良久云。善哉三下板。知識盡來參。旣善知時節。吾今不再三。

小參俱胝和尚一指禪三十年來用不殘。冷眼看來猶未是。後人不可被顛預。大衆諸方盡傳俱胝和尚初住山持呪時。有尼名實際來戴笠子執錫。邀師三匝。曰道得卽下笠子。如是三問。師皆無對。尼便去。師曰。勢稍晚。何不且住。尼曰。道得卽住。師又無對。尼去後。師歎曰。我雖處丈夫之形。而無丈夫之事。不如棄菴往諸方參尋知識。去其夜山神告曰。不須離此。將有肉身菩薩來爲和尚說法也。逾旬果天龍和尚到菴。師乃迎禮。具陳前事。龍豎一指。示之。師當下大悟。自此凡有學者參問。惟舉一指。別無提唱。有一供過童子。每見人問事。亦豎指。祇對人謂師曰。和尚童子亦會佛法。凡有問。皆如和尚豎指。師一日潛袖刀子問童子。曰。你會佛法。是否。童子曰。是。師曰。如何是佛。童子豎起指頭。師以刀斷其指。童子叫喚走出。師召童子童子回首。師曰。如何是佛。童子舉手不見指頭。豁

然大悟大衆這一著子若是指在頭上爲什麼童子斷去指頭纔悟若不在指頭上爲什麼和尚豎一指更無別語你們若能真實悟去則知山僧所云不可被順頑非爲故抑也餘句不錄

爲刑部陸西源對靈小參大丈夫秉慧劍般若鋒兮金剛焰非但空摧外道心早曾落却天魔膽大衆且道般若有什麼奇特得恁麼猛利不見經云一切有爲法如夢幻泡影如露亦如電應作如是觀且道如是作麼生觀所以云若以色見我以音聲求我是人行邪道不能見如來是知一切色聲到般若分上都用不著故曰般若如大火聚四面不可入且道有什麼憑據不見世尊敷座而坐未嘗開口說個元字脚而空生便云希有世尊古人所謂待他開口成得個甚麼只這個讚歎處便見他父子共秉金剛王寶劍當頭一揮直下無你用心處無你思惟處無你分別處無你計較處圓圓無一些縫隙可得天魔外道欲何爲耶空生見此奇特一切無敢近傍而未審如來以何爲護念以何爲付囑後世發菩提心者應云何

住云何降伏其心而世尊無他辭但曰應如是住如是降伏其心如注水似空合空一部般若六百卷不消如是二字已週足了也昔者空生於巖中打坐釋梵散花問曰散花者誰答曰天曰何以散花答曰尊者善說般若故我散花曰我無言語何爲善說答曰尊者無說我等無聽惟無說無聽是名真說般若噫帝釋大似以賊枉誣而不知空生反受其益既親從此中來見世尊默然便云希有所謂曾爲浪子偏饒客大凡處世有所作爲者未有不本過去曾向個中來者矣茲者吏部尙書五臺陸公受佛付囑秉護法心現宰官相遊娑婆界所以嘗聞往阿育禮舍利而舍利放光若五車輪故浙西東一帶佛法莫有不蒙其力者其子刑部西源居士克肖乃父稟性仁慈爲人心切日持金剛一生不易敢於有爲惟善是從所以朝野莫不稱其爲善人也若非真正克家之子安能不遵乃父所教如是切耶茲者捐館以來已及一年乃弟季君請山僧對靈敷揚法旨山僧自愧無能且將就依經傍教引一二句用赴所懷經云妄認

四大爲自身相。六塵緣影爲自心相。譬彼病目見空中花。及第二月。善男子。空實無花。病者妄執。世人聞此。莫不驚疑。未能卽信。惟我西源居士。卽今四大分離。六根不有。於大寂定中。親證這個境界。回顧舊日所爲。一一不然。還肯麼。若能自肯。便乃優游。亦華藏世界。出入於寂滅場中。見聞覺知。旃檀林裏。見如來俯仰。折旋。菡萏花中。瞻聖像。仰煩大衆念彌陀經。送他一程。

爲太守楊五參夫人吳氏對靈小參。一念普觀無量劫。非去非來。亦非住。如是了知三世事。超諸方便。成十力大衆。此是華嚴經三天偈文。蓋此經頓彰法界圓演妙性。直下無生死。可出無涅槃。可證無聖凡。可分無輪迴。可免性眞如是。非爲強言。若能契旨。生不足忻。何以故。生如寄。故死不足畏。何以故。死如歸。故今人不了。忻生畏死。是不知生死。也有一等強作主宰。便云死不足畏。此又不然。是他聖賢了達無生無死的道理。乃可如是。今人於一毫利害。便覺觸心。可不畏乎。茲者五參居士。特爲貴楊夫人吳氏五七之

之書一作圖

辰請山僧對靈說法。山僧自揣道非眞悟。學失師宗。於人天衆前。說個甚麼。卽得雖然。法本無法。遇緣卽起。山僧據古驗。今略爲較量。昔者舍利弗問天女曰。汝何不轉女身。天女答曰。我十二年來求女身。相了不可得。當何所轉。於是天女以神力化舍利弗爲女身。自己化爲舍利弗。問曰。汝何不轉女身。答曰。我亦不知。當何所轉。是知佛性無差。見處有異。譬如梨園。本一男子。以女飾裝之。而見者聞者。咸謂女人。本一女人。以男人衣服飾之。而見者聞者。咸謂男人。一身無異。衣服成差。肉眼好瞞。聖心非昧。若能這裏著眼。男也。女也。生也。死也。眞如幻影。未能如此。聖人有現量。凡夫可。比知何謂。比知卽如吳夫人在世之日。也有恩愛。也有是非。廣大家財。衆多眷屬。件件是放不下。捨不得的。到爾今來。恩愛割斷。家財不顧。眷屬相拋。單單有個色身。尙不相保。除此之外。更有何物。而不修省。大凡死者。爲生人之鑑。生人當越此色力。強健將彼。比我。彼既拋之。我此四大。爲同金剛。常住不朽。耶。爲復變壞。不常耶。若復變壞。不常。急須猛省。萬

緣放下。只將生從何來。死向何處。頓在目前。日也如是。參夜也如是。參參來參去。一念妙悟。則知楊夫人不曾死。我等不曾生。出出沒沒。同在太虛空中。如大圓鏡。照了萬有。都如夢幻也。山僧更有末後句。舉似大眾。鴛鴦夢斷。錦床空。四大分時。却好會。若能於此發明。心便見彌陀親授記。

夜參

夜參。舉拂子云。會麼。不見古人道。萬象之中。獨露身。惟人自肯。乃方親當。初謬向途中覓。今日方知火裏冰。大眾要知。萬象之中。獨露的身麼。若也未知。山僧與你說個譬喻。譬如剝笋。剝一層。又一層。剝至無可剝處。可爲獨露得麼。經云。如是八種諸變化。相各有所還。汝見八種見精明元。當欲誰還。諸可還者。自然非汝。不汝還者。非汝而誰。卽如剝笋。諸可剝者。自然非肉。不可剝者。非肉而何。似則也。似是則未是。祇可信他一半。那一半是衆人自家分上。比也比不著。喻也喻不及。經云。是法無比。離對待故。自家體究。始得。山僧以慈悲故。有落艸。談權引佛祖。言教與你商量。

必看他二字
似剝

若諸方具眼者。聞此必惡心嘔吐。真正參學人。決定不向這裏死。却須是向上人參。向上事不見石鞏和尚。初爲獵人。路經馬祖菴。過問祖曰。和尚見鹿過去麼。祖曰。汝是什麼人。曰。獵人。祖曰。既是獵人。解射否。曰。解射。祖曰。汝一箭射多少。曰。一箭射一個。祖曰。汝不解射。曰。和尚解射否。祖曰。解射。曰。一箭射多少。祖曰。一箭射一羣。曰。彼此都是性命。何必一箭便射他。一羣。祖曰。汝既如是不自射。曰。若教某甲自射。直得無下手處。祖曰。此子曠劫無明。從此斷盡大眾。這個獵人看他本不參禪。亦不念佛。初不做工夫。亦不看話頭。一聞怎麼舉。便云。無下手處。這豈不是直截的樣子。若這裏構不及。且將個本參話頭。左看右看。一看看破。與古人契合也。未知無事珍重。

夜參長沙。老虎咬殺紫湖狗。臨濟饅頭可配曹山酒。古人各各顯家風。不意聞者皆奔走。休走這裏。雖則難領。却也省力。若能擔荷。管取與古人把手踏碎毗盧頂。顚其或未。然且胡亂說些家風。大眾進堂。一月有餘。於中或得或失。或進或退。當自知分齊。不可

央央庠庠只麼度時。便當參禪也。兄弟既到這裏。須生難。遭想難。遇想此事在上古。雖則爲難。尚可云。易何也。彼時叢林多知識。多同心。兄弟亦多。所以動輒是一千五百。這邊參請那邊求問。時中商量。浩浩地頗有發明。亦云間世有者。今則不然。予走遍天下。叢林所見知識也多。其間上等教人念佛求生西方。其次聽經學。嘴頭其次誦經作福。這一著子罕有提持者。間有提持不過商量古人舊公案。去古轉遠。可謂自救不了。古人所棄。今時喚作極則事。爲可惜者也。卽如越中冬間坐禪。頗多要真正悟明。我三十年來未見一人做首座的。不過辦幾堂齋持念佛。喚作話頭。不語抵作口實。無甚開示。學人進堂並不請問。如小豬撞乳相似。撞過一冬。喚作坐禪。遮個都是薄福事。有甚利益。兄弟我忖己是不當弄鬼眼睛。但惜佛法滅在此時。故不懼地獄。呈此笑具。衆中還有問話的麼。

夜參惺惺寂寂。是無記寂寂。非寂寂惺惺。是亂想惺惺。非此古所謂料揀語。似有句。祇是兩種所謂藥病。

今人不善方便。莫有不中其病者。不知向背。猶且可知。而故犯堅執。不捨乃云。豈有二心。然則惟聖與凡。無可分別矣。殊不知亂想乃狂。無記乃愚。總是無明別號也。諸佛破無明。故出生死。凡夫著無明。故受輪迴。可不辯乎。今時有等稱悟道者。纔上單。做不得主。了祇這昏沉。尙做不得主。臨命終時。這個大昏沉。如何作主。既做不得主。你所言悟道者。豈不自誤也。大凡做功夫。自己不能。所以入禪堂。結大衆。併力排遣。默默分付昏沉哥哥。你且暫退人面前。讓些他。日出堂來。與你敘舊情也。此是第一等誠廉耻的好漢。子復有一等不懼大衆見笑。不欲與他惡識。無論坐時臥時。常在一處。斯須不離。欲望悟道。其可得哉。若是皮下有血的漢。見山俗。怎麼學。便冷地裏自己簡點痛處。猛著精彩。把個話頭一提。提起直下。如一人與萬人敵。相似。驚忽醒去也。未可知。不爾則休得暗箭傷人。背地念大悲咒好。

夜參安思危。樂思苦。此古人之至言。所以有終身之無一。朝之患。爾今兄弟家共住。此一會實非小緣。

此事在古猶難不悟。且置。卽如大悟之後。尚依叢林三二十年。今時人纔出家。便住小院。或守山坐關。或住菴堂。廟宇規矩有所不聞。道業曾不之辨。縱自在。貪饕千名。竟利光陰。暗去。曾不知覺。無常卒來。曾何得知。除有智慧之人。密密觀察。念念提持。始不爲其所瞞。此外更無出得者。兄弟我輩。學道多爲衣食所忙。不能成辦。今此雲門。雖非大廈。頗可容身。雖無美供。粥飯盡足。正好猛利修行。夏間酷熱。首座規矩。稍縱。你等自宜簡點。不可依例度時。當如父子上山。各自努力以求決了。若只恁麼度時。竊恐臨命終時。眼光落地。無可把柄。終是一端大患也。故余謂安思危。樂思苦。正今日之要語矣。

夜參。喫一交長。一智經一事。識一徹。世間事。尙且如此。豈有坐禪不知分齊耶。譬如行路出門。一步要知一步境界。出門十里。要知十里境界。如是乃至百里千里。亦復如是。兄弟家進堂已經三日了。其間還有識進退好惡的麼。不可憫侗度時。虛閑歲月。有甚麼益。大抵修行人。最初要知所擇。以佛性乃無爲之法。

用有爲身心。湊泊其事。大似方木投於圓竅。轉見其乖矣。必須外絕攀緣。所謂名利好惡。是非得失。一切斬斷。內泯心識。直使如虛空。寬廓無一物可寄。放教閑閑地。如有氣死人相似。或可當其少分。若也心標二境。發心坐禪。早是差了。何況更要驅昏散。取是捨。非離動求靜。欲返無爲之鄉。不亦難乎。故祖師云。非是相爭。是爲心病。兄弟家於中。還有識利害的麼。有則出來說個明白。

夜參道遠乎哉。觸物而眞。聖遠乎哉。體之卽神。不可以知知。不可以識識。所以古人道開口成雙。擡揚眉落二三。舉心爭萬里。動念隔千山。兄弟爲什麼。此事這樣難。爲人蓋這一著。子在人本分上。親切得緊。所以動念便乖。也不見瑞巖問巖頭云。如何是本常理。答曰。動也。曰。動時如何。答曰。不是本常理。巖繇是豁然大悟。後每自喚自應云。主人公。嚶惺惺。著以後。莫被人瞞。諾諾。諸方謂其弄精魂。以東塔長老卽不然。祇這個瞞字。有許多喫緊。爲人處。盡大地莫有逃得。兄弟還知麼。若也不知。山僧爲你們說破。所謂一切聲。

色是瞞人處。一切語言是瞞人處。一切文字是瞞人處。如是乃至世間一切是非物欲利名恩愛總是被瞞處。而我出家之徒既已跳出復有生死可出涅槃可證如是乃至神通三昧禪定解脫光明相好凡有名相礙於瞞中總被其瞞也。直得灑落落。地虛廓廓。地無一物挂於瞞中。然後時節因緣到來一念發明。疑情頓斷。始不受其瞞也。兄弟還有問話者出來衆無出者師曰。如此則你等都是佛長老瞞不得也。下座。

夜參秋老園林全體露朔風猶與贈寒威頻添棹櫓團團坐黃獨權將糞火煨食既足不愁衣心不負人樂有餘寒涕交頤君莫笑詔書何必苦相催大衆山僧不會談禪且說篇鵲鵲辭爲供養也若是本分禪流且學他上流如懶贊和尚住南嶽唐太宗欽其名遣中使入山請之詔書三宣始起撥糞火捉煨芋寒涕交頤曾不之顧天使笑曰請和尚拭寒涕贊曰那有功夫與俗人拭涕耶使學似帝益加欽敬兄弟他古人不說什麼坐功參禪而日用中事事合道爾今

兄弟誠有這等操略有這等履踐可謂不動干戈而坐致太平也

夜參曹山白酒紫湖狗臨濟饅頭趙州茶自來門風各各別會而歸之總一家大衆既是各別爲什麼又云一家衆中還有具通方眼分縑素辨得失的出來商量看僧問古人道離心意識參只如心意識作麼生離師曰把將心意識來我爲汝離曰不知師曰要離作麼僧問文殊出女子定不得網明出得未審文殊過在甚麼處師曰文殊且置卽如網明還出得也未僧無語師抽身入方丈

夜參大衆急須會取好莫教山僧開口若開口後便奔流度何過捺不住了也所以古人道開口神氣散舌動是非生若未開口已前這一著子在你諸人分上甚是省力甚是現成你等還肯麼若肯出來商量看

燃塔燈夜參是燈不自照非燈不照他是非都去了皎潔永無差大衆此人人頂門上這一著子大事輝今耀古無欠無餘本來現成的爲甚麼都云不會爭

此字疑類

似性泉等一班店土各出已資共轉大用。來此福城寺燃點塔燈。直得巍巍乎若須彌之時。大海煌煌然若火樹之開。鰲山自一燈而至千萬燈。燈燈無盡。與星斗奪其光輝。從一級而至六七級。級級騰空。與太虛爲其伴侶。此不礙彼。彼不礙此。復能周遍互融。彼卽是此。此卽是彼。故得重重無盡。孤明朗照。毋論人類鬼類。地獄類畜生類。一念便超諸佛地。燦破昏衢。不管事障理障。所知障煩惱障。利那消入妙菩提。如斯勝利讚莫能窮。簡點將來。猶是莊嚴邊事。若論人。人。人。人。又目。然這一著子。非明。非暗。非也。非空。實謂千日不足。並其耀萬聖不能掩其輝。亘古亘今。曾無間然。苟能一念知歸。便同三世諸佛。較前功德。百分千分。萬億分百千萬億分。算數譬喻皆所不及。汝等兄弟還肯承當麼。若也不肯。山僧引咎自歸也。良久云。祇這無明種。高明朗太虛。

雲門已漏泄人。且道雲門大師作麼漏泄。良久云。胡餅也不記得。夜參未明。出世潑天豪富。總虛花若了。自心赤骨貧窮也。快樂大丈夫。須猛煎割世網。斷狂業急省取牢把捉。曾中蕩蕩地。時內惺惺著。見聞與覺知及早尋下落。天堂與地獄。皆是自心作。諸行無常。一切空卽是如來大圓覺。夜參依經解義。三世佛冤離經一字。卽同魔說。所以奄提遮女問文殊師利云。明知生是不生之法。爲什麼却被生之所縛。答曰。其力未充。昔者進山主問修山主曰。明知生是不生之法。爲什麼却被生之所縛。答曰。筆畢竟成竹爾。今作篾使得麼。進曰。將謂你是個人。見解如此。修曰。某甲祇如此。老兄又如何。進曰。此是監院房。彼是厨庫房。修不肯問地。藏藏答曰。此是知事房。彼是常住房。二人禮謝。大衆修山主參得文殊禪。不依經不離經。如同一模脫出。爲什麼地藏父子不肯他須知。祖師門下別有長處。衆中還有人道得出來。伸氣如無老漢。自道去也。良久云。壺中有

世界別是一乾坤

夜參學道無他術。只要心真實。遠離虛妄緣。與佛爲等匹。若也指東不著西。喚南却作北。如此修行者。云何免地獄。諸佛與菩薩。捫心常痛哭。呼喚不回頭。悵然摩胷腹。若得一個肯。千足與萬足。

夜參千兵易得一將難。求斬將破關立地封侯立地封侯。卽不問還有斬將破關者麼。若有絲毫瞞你不得。若無不妨瞞你諸人去也。今日維那煩請老朽上堂。我道不上堂。卽上堂義何以故。若待老漢登曲案。木床鼓兩片唇皮弄鬼眼。瞞成得什麼邊事。所以古人道。閉門打睡。接上上機。顧鑑。噯呻曲爲中。下今日有僧舉黃侍郎問雲棲大師。昨夜老鼠唧唧說盡一部華嚴經。雲棲云。貓兒突出時如何。黃無語。雲棲白代云。走却法師留下講案。我聞堂中有僧著語云。拄杖頭上灰厚一寸。是何言歟。未審這一轉語點黃侍郎點雲棲耶。凡所發言須與公案合轍。豈可儻侗若問山僧卽不然。貓兒突出時如何。直向他道這畜生老僧不識佛法。但爲諸方點病而已。

普說

佛涅槃日普說。今朝二月十五處處敲鑼擊鼓。報道釋迦如來今日涅槃。一切人天以樂爲苦。何故如此。不見經云。如來證涅槃。永斷於生死。若能志心聽常得無量樂。且道作麼始得。古云。心佛衆生三無差別。佛所以異衆生者。洞知生死根元。無生死可斷。故稱永斷衆生。所以異於佛者。爲生死所轉。枉受輪迴。是以六道全不知有生死。可出二乘執有生死。可出有涅槃。可證於無取捨中。妄與取捨爲佛所訶。惟有諸佛生死涅槃平等。勘破是稱世尊。無與等者。噫。大丈夫漢這一坐具地。阿誰無分。讓他古人不見世尊。初生便乃指天指地。周行七步。目顧四方。曰。天上天下。惟我獨尊。兄弟將個惟我獨尊貼在額角上看看。還推得到世尊分上麼。雖然也不得草草。卽如來捨王宮往雪嶺修行。苦行豈不爲垂範後昆耶。不知今時兄弟一出家來。不行一日行。不看一句經。不見一個知識。不參一日禪。不用一時工夫。便乃現成受用。自稱悟道。誑嚇男女作地獄業。新雲門敢曰。你所悟。

的從何因緣是何道理從誰印許世尊成道於塵點劫前尙藉悟繇乃云奇哉衆生皆有如來智慧德相。良繇妄想執著不能證得是後東西兩土祖師證悟分明授受不亂各有源流莫不爲闢除邪慢使眞燈不斷者也。兄弟若欲眞正期脫生死繼彼慧命不消別求方便只將永斷於生死話頭頓在面前但看父母未生前是何面目從何處來以不知來故名生是一大事此身敗壞向那裏安身立命從何處去以不知去故名死是一大事卽此一大事目爲佛知見如來以之開示衆生以之悟入悟入卽是永斷生死不悟卽是枉受輪迴其間有個兄弟出云澄長老將謂別有長處元來依經教引葛藤繫縛人只如眞實分上曾有所謂生死涅槃耶。老兄你且說得極是眞實分上元無這話經云妄認四大爲自身相六塵緣影爲自心相身心既是妄認何處更有生死涅槃耶又云如夢中人夢時非無及至於醒了無所得眞得恁麼地也無且如夢中所見山河大地草芥人畜喜怒哀樂乃至身心與覺何異譬如夢中殺人事露被捉

◆此處作是

拷逼萬端求脫無計苟得一醒了不可得非遣之不可得非用功不可得是畢竟不可得非惟苦樂之境不可得乃至夢中身心亦不可得兄弟如今覺時能如夢覺否若不如是切不得言語抵釋好古云毋自欺也實是個自欺不得無常到來無人相替如相委悉直下提持如未卽信山僧有末後句舉似大衆拈拄杖云會麼會卽便會不會到方丈來問雲岫菴回泉師請普說通玄峰頂不似人間心外無法滿目青山韶國師不妨爲一代宗師發言吐氣盡事盡理合宗教萬古之下莫有繼其跡者山僧到此雲岫菴中事事有別何也羣峰環拱大海汪洋城市烟村盡目所收森羅萬象一印無異水現琉璃之色山呈金碧之輝黃龍現於畎畝白米堆於倉廩堯風蕩蕩村落聞擊壤之聲舜日輝輝稚子鼓謳歌之舞太平之治無可加焉何須更覓玄妙互相是非以心逐心是爲心病還有不動干戈而坐致太平者麼若有則四恩三有一齊報足若無出家兒父母甘旨不供國王差役不及恰好趣此無事之秋把個父母

未生前這一著子。頓在目前。朝參暮扣。肩膊上擔子。折腳跟下紅線。斷作灑灑落落的褸子。也不枉此娑婆世界裏走一遭。亦不枉離親割愛。出家行腳志氣。雖然此是世間第一等好事。須是好漢。得而爲之。舉大明國。僅得一二而已。其次則根機未逮。力量未充。不若向萬行門中。老實行將去。所謂人所不能學。我當學。人所不能行。我當行人。人所不能忍。我當忍。人所不能捨。我當捨。更把一句阿彌陀佛。牢牢把住。不令斯須放空時節。到來功夫純熟。導師爲你說破。也未知山僧本爲遊山至此。而回泉老師挽我登此寶座。演揚法要。山僧自忖。無甚奇能。只可借他古人現成語句。代爲舉揚。若論本分上事。你諸人只好自參全靠山僧不得。還有自解承當的麼。若無不妨我遊山好。更有一偈。舉似大眾。山海田園。一目呈不教心外覓無生。圓通自是超聲色。忽聽鴉鳴三四聲。普說兄弟。山僧無甚長處。但以強記。祇記得古人現成話。你諸人或曾看教。或參公案。記得些閑言刺語。人前問答時。便有閑居靜坐時。便無是名活了不得。

死此病最重。若欲治者。必須把從前惡知惡見。盡情放下。把個死話頭。頓在面前。直待冷灰豆爆。方始痛快。或有一等漢。終日死堆堆地坐。恰似三家村裏土地。相似動也動不得。古人目爲黑山鬼窟。這個喚做死了不得活。此病亦難治。若欲治者。必須把個話頭。玲玲瓏瓏提將起來。左看右看。一念看破。始知從前都是錯用。也或一等不死不活的。却無病痛。正好用工。如廣額屠兒。文殊石鞏之輩。一聞便悟。蓋其無病故也。大眾山僧所學。並是真實。如能相委。決不相賺。普說難難。難是遣情。難情盡。圓明一顆寒。方便遣情。猶不是。更離方便。太無端。大眾遣情。猶易。惟做長老。爲是非主人。更覺其難。所以智者大師云。我不匡徒。領衆位在六根清淨。以領衆。故祇在五品。噫。聖人猶有此言。況凡夫乎。只如我此一狂弟子。甚爲不作法。動大眾念。欲留之。有違大眾欲遣之。有缺慈悲。倘彼失志還俗。卽我損其善根也。故我世尊。攝授調達。善星出家者。恐其爲輪王衆受害。故方便護持耳。此事在長老分上。極爲難。在衆兄弟分上。亦是一樁良緣。

也何則若是真正用工的。凡於善惡境上。少形念慮。已覺白雲萬里。何況於中。論是別非。說好說惡。然這等說話。猶是初心分上事。若是大乘人見處。又且不然。煩惱現前。則菩提成觀。逆常順。猶如蓮花。故云。高原陸地不生。此花淤泥。濕汙泥乃生。此花所以菩薩自敘我五百劫。修此忍辱。未知忍辱爲王。割截心無嗔恨。乃知忍辱。我成佛時。當先度汝。豈非因逆而成順也。提婆達多是佛親世惡友。經云。我因提婆達多善知識。故疾得阿耨多羅三藐三菩提。豈非因逆疾證也。實猶亂世取封。如反掌。非太平之可比耳。這個猶是佛對衆生說。不對佛說。若對佛說。有所忍的。境有能忍的心。烏得名爲佛也。昔者黃龍南公行脚至積翠爲書。記慈明爲住持。初見其少叢林。心頗輕之。聞其陞座呵貶諸方。一一皆其病處。絲是投誠懇入室。慈明辭之再三。乃云。汝是雲門下人。必解雲門禪。當時洞山參雲門三頓棒。還有喫棒分。無喫棒分。南曰。有喫棒分明。曰。恁麼則終日鴉鳴鵲噪。皆應有喫棒分。南公禮拜退。是後屢次請問前話。必以詬罵南曰。

罵豈慈悲耶。明曰。爾作罵會耶。南豁然大悟。兄弟祇這是逆順一著子境界。古人不作罵會。作什麼會。還有悟處也。無看看未透關的人。有甚麼閑工夫。因他閑事長無明也。更有一偈。舉似大衆。觸目不分人道。蠢兒機而作。又言。奸不知那樣教人。做爲人難。做做人難。也不難。不見拄杖子。無心到處閑。拋下拄杖子。云。不得動著。動著即打折你腰。普說龍得水時。添意氣。虎逢山處。長威靈。從來乾道無私曲。大地年年一度春。大衆且道。衲僧憑何節目。便乃高挂鉢囊。拗折拄杖。笑傲雲山。放心自在。還知麼。若也不知。且不得草草。須知生死是無大得大的一段大事上。至人天下至蠢動。皆同這一著子。直須透金剛圈。吞棘栗蓬。始得恁麼。豈不見阿菟樓駄。性好打眠。世尊見而訶曰。咄咄何爲。睡螺螄蚌蛤類。一睡一千年。不聞佛名字。絲是激發。七日不眠。失其雙目。得半頭天眼。噫。古人有語云。養子不教。父之過。訓導不嚴。師之惰。教而不受。如之奈何。觀他世尊父子。一激便發。獲益如是。可謂嚴師賢弟矣。昔者黃龍南

公與僧爲友。其友好睡。南公好坐。其友反責云。爾終日恰恰地。像三家村裏土地相似。學坐禪耶。南公起身躬自謝過。復坐如故。識者知其爲美器。以後南公名蓋天下。後世聞者莫不敬畏。而彼友絕不聞之。佛說不放逸功德。不如是乎。如此則執坐非無益也。故智者云。四威儀中。惟坐爲勝。四祖一生脇不至席。今人不然。將個坐禪爲兒戲。不得已隨例上單。不敷三寸香。大似水搖芭櫓。相似有勸之者。乃云昏沉。又不是那苦哉苦哉。如此見解。欲期聖道。不勝其難矣。豈不謂教而不受者乎。若是有氣魄的。見恁麼舉。便向單上挺起腰骨。撐拄眼睛。默默分付昏沉的。嫡親哥哥。你須迴避我。斷不與你相狎也。把個本參話頭。頓在面前。如靠須彌山相似。不悟不休。誠能如是。縱不能如樓駄現成。因果纔彼南公高躅。也不爲難。苟不如此。有歲月兮促君。壽有鬼神兮妬君。禍他日閻羅大王算飯帳。且道合哭不合哭。

夏至日普說。冬至至日長。夏至至日短。陰極則陽生。陽消則陰長。大衆此是天地一年去來增減。是名生。

滅而虛空。還有恁麼事麼。然天地爲一大天地。人爲一小天地。既等天地。寧有不等於生滅耶。要見何者。是人身中的生滅。只如六根所對六塵。不出見聞知覺。絲兒聞故。於中緣塵分別。作是非逆順得失。取捨如是等種種名相。皆名生滅。若一念不生。回觀常住真心。還有生滅也。無所以。古人目爲無陰陽地。既非陰陽。上至諸佛。下及含靈。等皆具足。現前受用。奈衆生爲無明所覆。煩惱所纏。雖然具足。不獲受用。所以勞他諸佛。東西兩土。諸大和尚。出廣長舌。運無礙辯。以種種因緣種種譬喻。種種言辭。種種方便。調護衆生。無非欲令衆生一念不生。全體顯現而已。兄弟發心出家。心標二境。祇欲離非。取是捨動求靜。牽纏意識。擾動心海。欲望其一念復歸圓覺。其可得哉。如是擾動。不但不得靜功。縱饒獲得。非非想定。猶名凡夫。豈靜功之可得乎。何也。蓋此事非功行所至。故佛云。如我所說法。定慧力莊嚴。假如羅漢得八萬劫大定。以及漏盡神通。無不畢備。猶未見性。祇目小乘。阿難積劫多聞。以未見性。不能免離摩登伽。難是知見性。

一著子定慧有所不及也。兄弟還有見性者。未若也未見。則不得草草打哄度時。以當平生從曠劫來不知有多少夏。至去來增減。勘有知者。如今日不能了去。乃至未來。又不知有多少夏。至猶未能解脫。於中受不可說苦樂昇沉。乃得到頭。若真正了得的。於中求去來今生死了。不可得。既知不可得。則知古人云。有物先天地。無形本寂寥。能爲萬象主。不逐四時凋。未過關者看看。

普說大衆人信。我不信。非我不信。不足信也。我信人。不信。非彼不信。信不及也。憨山老人語句。甚是尖新。超今越古。爭奈未曾註破。祇可自知。山僧今日不惜眉毛。爲你諸人註破也。人之所信。信於世間。所謂有我有人。有身世。有眷屬。有田產。有金帛。有名利。有恩愛。如是之法。皆名幻有。有而不真。其猶水上之泡。鏡中之像。陸地之焰。空中之花。可見不可取。而凡夫之人。迷情所執。妄信爲有。以聖智所鑒了。不可得。故不足信。道人所見不同了。達真空本無。所有所謂無身。世無是非。無得失。無冤親。廓同法界。纖毫不得。故世

人信不及也。且聖賢有現量。凡夫有比量。世間之法。若是有者。何故一息不來。便同隔世。毫不可得。何止奄息合眼。入夢彼此不知。如此則凡夫所信是假。聖賢所信是真。然有四種料揀。若信世間不信出世間。者是凡夫。信出世間不信世間。者是二乘。二俱不信。者是愚人。二者俱信。是菩薩。然於初心。菩薩勢難兩兼。當先務其急。譬如攫金者。不見人探珠者。不見水。一直勇進。得其金珠。然後可以利己。利人。苟顧危亡。較利害。付得失。思前後。則終莫可得也。修行之人。亦復如是。家鄉名利得失。恩愛必須一割。割斷危亡。利害一切不顧。斯可直進。復須識病。所謂捨動求靜。驅昏散。厭事。忻理。乃至六度萬行。禪定解脫。以及佛之阿耨菩提。凡有大小名相。纖悉有重於心者。皆名障礙。故須一切斬斷。直使臂中常閑。閑地像個有氣死人。相似。管教有日。保任去在。不能如此。將個生死二事。頓在面前。如手握太阿寶劍。相似。毋論是非。好惡。提起一揮。莫留朕跡。自然有入頭日也。餘不瑣瑣。各各珍重。

普說今人猶如螻蟻入穴。疑爲不是。又走出了。善知識說。言此原不是。何時得到穴中去。

普說今人胡喝亂喝。殊不知古人下一喝時。如舉烽火。諸侯皆至。如放號炮。伏兵齊起。不是容易的。若是紂王因媚姐。已喜笑漫舉烽火。後來真正有事。所舉烽火。諸侯亦皆謂是妄作。而不至矣。

茶話

雲門結制茶話。大衆大凡。衲子一動一靜。一出一入。俱要辨明題目。題目分明。則修道不致混蓋。何名題目。只如辦茶名。爲結制。夫結者。結同志之友。制者。制伏狂心。假如在家之士。無論善良。縉素有異。非在所結之內。便如出家師友。攀緣名利。涉獵俗務者。亦非所結之內。惟有發上上志。同期出世。以生死爲苦。以道德爲懷。得失不動其心。名利不干其慮。如是千萬中。難得一二者。與其結之。是爲生死之友也。其猶亂世結盟。以拒羣盜者。一苟得其友矣。若不立誓制伏其心。雖結奚爲。故須制其貪心。瞋心。癡心。名利心。是非心。得失心。罣礙心。疑惑心。狂亂心。一切制伏。不令

再起。如一刀斬一握絲。一斬一切斷。更無不斷者。如是用心。不假功程。便同本得。天然自性。豈假強求。求得之者。得亦不真。說個用功。早遲八刻。苟無如是利根。且把本參話頭。頓在面前。晝夜挨拶。以悟爲期。忽爾開明。不枉今日之結友也。故茶猶齋齋者。齊也。齊心。辦道。以茶爲制。春秋歃血立盟。實有倣於道人之意耳。

茶話。凡學道者。猶如種禾。日日要見工程。以至收割。已竟。方始放心。若是應種不種。當耘不耘。失其時序。欲望其收。蓋亦難矣。今時兄弟。家徒見古人一語之下。心地開通。半軸之中。義天朗曜。便向門頭戶底。學一轉兩轉語句。以富平生。參學便乃放心自在。笑傲雲山。更不加功。詢法不亦難乎。未悟之人。且置而勿論。只如已悟之人。豈肯便放其心。故曰。大事已明。如喪者。妣故有牧牛之說。所言尋牛者。卽參扣話頭也。見跡者。初見靜功也。見牛者。卽開悟見性也。放牛者。斷習也。牛馴者。習氣薄熟也。牛睡者。忘功也。忘牛忘人者。證二空也。返本還源者。得正位也。經云。十劫坐

道。佛法不現前。卽此位也。此乃猶是因心法身。未說報身。若論報身。歷劫熏修。相好方乃成佛。故梵語廬舍那。此云福智圓滿。所以南泉石鞏等諸大老。有牧牛之說。豈是如今這等容易。經教不明一卷公案。不透一則出語。大似醉人一任便宜。自在規矩。不循威儀。不整於止靜時。強坐一炷香。坐香纔罷。便乃出外閒遊。乃云無罣無礙。纔上單來。便被昏沉。及與散亂。適相困擾。却不奈何。卽起寄心放逸。不知不覺。把好光陰差過了也。山僧不解佛法所說的。都是老實事。若肯相悉。不枉同住。若不相信。莫謂山僧不說好茶話。古人於朔望前一日。住持備茶者。謂之普茶。普會大衆。敘半月之程。用考功績也。今時叢林。徒有備茶之禮。曾無考績之說。徒費檀信供奉之心。住持營辦之念。於事何益。且天下億萬之中。曾得一二出家。既出家。已千萬之中。得一二發心修行。既發心。已千萬之中。得一二坐禪。我等既已坐禪。不可因循度日。昨日已是差過。今日不可更踏其筭。須猛著精彩。此生決要了辦。不爾則誓不休也。堂外者自作念云。佛

會難逢。福田難遇。大衆難值。我等盡心供給。不令乏少。倘彼得道。我等可作得度。因緣此只是中根所見。若是上根。卽不然。觀他瀉山典座。雪峰飯頭。百丈開田。雲峰化主。皆不壞日用。而心契真乘。彼既丈夫。我亦爾。好事豈可都讓別人做了。我等亦當晝夜竭力。參扣。倘或發明。不空出家也。大衆山僧。不解說法。但所舉的俱是真實。如肯依行。必不相賺。徑山馮秀才請茶話。念地獄苦。發菩提心。不知者以爲離地獄。別有菩提。安知菩提云。覺覺知爲苦。發心求道。是名菩提。無別有也。如世人無知。五欲所繫。名利所拘。恩愛所纏。冤憎所縛。無絲出期。蓋不知爲苦。不求出離。是則爲迷。苟一念覺知發心。解脫便乃棄恩愛。遠名利。斷五欲。離冤憎。撇家鄉。拋妻子。抖擻塵勞。逕身獨脫。可謂菩薩。一念發心。便登正覺。也不意到出家地位。反認菴堂廊宇爲家。以施主爲親。以徒弟爲子。多方繫縛。如欲坐禪參學。不勝其難。是昧其初心也。更有一等兄弟。發心參學。爲惡知識所誤。或自緣經教。心標二境。祇欲離動求靜。捨妄取真。除昏

敵散。致使終其身而不能見道者。無他。蓋緣心緣二法故也。豈不聞經云。識心達本。解無爲法。故號沙門。豈無爲法。中有如是等閑名相耶。故我本師爲斷如是過故。說常樂涅槃。故曰一切法趣涅槃。是趣不過者。夫涅槃者安樂也。惟安與樂。是人所欲。然有大小。佛及菩薩。永捨二死。是大安樂。聲聞緣覺。已盡分段。更不受生。是小安樂。譬如世人。負千百觔。擔不勝勞。苦一念放下。便覺慶快。是名安樂也。如此則佛及菩薩。如擔擔到家者。聲聞緣覺。如中路放下者。小大雖異。安樂是同。故山僧常教人放下。諸兄弟猶以爲未盡。反致狐疑者。無他。但求道不真。厭苦未切耳。若兄弟家。或看教者。名相煩心。葛藤纏繞。或坐禪者。昏散作對。非是成敵。一念放下。便覺痛快也。譬如世間人有極苦事。一念解釋。便知安樂。如不苦不樂。人雖終其身不能自知。修行人亦復如是。有極難。故然後知其爲易。若疑信相半。悠悠自適。莫知所反。望其安樂。不亦難乎。

天寧寺茶話。世亂始知烈士志。事難方顯丈夫心。所

以此法華經。如來在世猶難。況濁惡世中。受持演說。耶。然受持演說。不以爲難。施主捨所難。捨常住辦所難。辦是爲甚難。然施主割其餘分。其難猶易。常住求人之難。求又覺爲難矣。況三五百衆同居。無分田寸土。皆出心力。經略而得之。寧非難之至難耶。初非爲已先欲成人。念佛法之將湮。痛慧命之斯絕。故不憚勤勞。建盂勝會。眞菩薩之運心也。然我在堂。安享大衆當思報恩。可爾所謂恩有多種。諸佛捨淨妙土。而示生惡國之恩。諸聖賢輔佐助宣之恩。諸祖捨萬死一生。求教翻譯之恩。國王大臣匡護之恩。檀那捨所難。捨供養之恩。會首常住辦所難。辦之恩。恩德極多。不能備述。欲報無他。惟在精勤學道而已。兄弟家進堂兩月餘矣。未審有解報恩者也。未若有則無論佛恩。君恩。親恩。施主常住一齊報足。所謂一念歸眞。日用斗金。非分外若未報得。實謂時食粒米也難。消然根基利鈍。亦有不等。未可槩言。但不可少其退省。假如今日常住辦茶。是爲考功茶也。老其半月中間。得何功業。解得幾句佛法。麼誦得幾部經麼。作得幾件

好事麼。或豁然開悟麼。或念佛純熟麼。有則自生歡喜。無則痛加鞭策。前半月已差過矣。向後不可仍前差過也。若如是者。亦可云報恩也。已若是喫閑飯。斷是非。造謗書。揭惡款。損行止。如此修行。實爲魔業。所謂滴水難消。尙不免於地獄。何能望成聖道哉。何也。儒門有隱惡揚善之句。佛氏有護善遮惡之戒。若彼有過而謗者。律名有根。波羅夷。若彼無過而謗者。律名無根。波羅夷。是梵語。此云棄。有犯此者。永棄佛法邊外。不復更有沙門名字。夫有根無根。謗人皆得波羅夷罪。今時學者。思不及此。無論師徒道友。一有觸忤。便寫揭帖。捏造惡款。曲盡小心。沿門投遞。縱彼有過。寧不思梵網經云。說四衆過。戒謗三寶。戒學者。豈不讀耶。諸方惟尙玄解。而論不及此。余一有聞。不覺痛心切齒。所謂師子身中蟲。自食師子身中肉。非餘外蟲。而能食者。繇是而推佛法。皆因自破。豈三武而能破耶。我輩受施主供養。負大衆殷勤所圖何事。作此行徑。既往不咎。向後切不得如此。若不循諸佛之誡。有歲月兮。促君壽。有閻王兮。妬君福。甚可

寒心珍重

會稽雲門湛然澄禪師語錄卷第四

會稽雲門湛然澄禪師語錄卷第五

門人 明 凡 錄

吳興 丁元公

編

山陰 祁駿佳

頌古

世尊初生

獅子初生。便異羣等。閒哮吼。好驚人。韶陽冷眼難瞞。過打殺。擬圖天下平。

世尊陞座

坐臥行藏。本自然。文殊特地逞顛顛。預阿誰。日用不如。此何故。人人作話參。須領略有交關。山河莫向鏡中看。

世尊拈花

拈起人天。盡失措。頭陀解笑。樂爲苦。承虛接響。謾流。

傳賺殺兒孫無盡數

女子出定

相逢不拈出舉意便知有更欲問如何金毛變作狗

南泉斬猫

是彼是此起論端幸有公心鹽鐵官提起利刀這一剎不知此外幾何般欲顯克家子公案要伊圓豈識趙州解機變草鞋頭戴把人瞞

狗子佛性

佛性有佛性無不許重重唱鷓鴣脚底若教紅線斷達摩元是老臊胡

臨濟參大愚

牛身喫跌馬身始信婆心非等閒多口自招三策驢風頭絲是弄顛預

曹山好顛酒

獅子出窟恣游戲自在縱橫絕諱忌野干狐狼漫飲隨等閒啼吼驚天地

北斗藏身

問得希奇答亦巧言前應得看運了人皆愛月夜眠

遲我獨惜花春起早

雲門對一說

對一說休辯別踏著秤鎚原是鐵沼陽靴裏動脚指宗門教門同話月

雲門倒一說

倒一說六月紅蓮飛片雪昨夜海神怒不已一鞭擊碎珊瑚月

法眼指簾

當場撥出膠盆子沒眼韓獹逐塊來若解言前這一著清涼無地可藏埋

德山托鉢

無言音韻語如雷逼塞胸襟祇自迷已得巖頭傍著眼得便宜處失便宜密啓意絕施爲攔頭把把共維持後來祇得三年活引得兒孫逐隊疑

若見不見自然非彼不見之相

愁腸百結事難別啞子喫苦向誰說有語只可訴東風相知爭解心中屈

洛浦云雖在寶闌裏要且無人識

大隱居塵小隱山。休將心識欲逃難。天書天子簡點作。誰識簡點趙大郎。

臨濟云。我當時得黃檗三頓痛棒。爾今更思一頓又安得。

三頓直如蒿子拂。一喝從教三日顰。黃河水是源頭濁。此道方知異別宗。

善財參德雲比丘。

渺然雲水路。途窮進退無。尋沒影踪依稀似。曲方堪聽又被風吹別調中。

宋太祖問僧。如來六年成道。成得箇什麼僧。無語。雪竇著語云。將謂陛下忘却。

皇帝面前不造次。權將柳絮喚狐裘。豈知逐語尋言者。翰墨從教入御樓。

京寺回祿。太宗問僧。白馬壇上放光爲什麼。這裏却遭回祿。僧不對。後有著語云。陛下不
忘付囑。

寶壇放光。京寺火爍。正眼看來。兩皆是錯。只有金輪聖天子。不昧靈山親付托。

瑞巖主人公

容谷步虛聲。一問還一答。覓之無形影。音聲又非別。求之不可求。撒之不可撒。思量惱殺人。悶悶疆自歇。

婆子燒庵

撲面來時無一物。明眼禪僧莫輕忽。觸體一喝三日。響直下須彌踏出骨。

馬祖三十年不少鹽醬

一尺水一丈波。知恩方解報恩多。法堂高叫悔悔。悔恨不當時兩踏何。

劉賓國王斬尊者首。因緣雪竇著語云。作家君王天然猶在黃龍新。和尚云。既是作家君王。因甚臂落大慧和尚云。孟八郎漢又恁麼去也。

公案參差較不多。擬思量處轉誑訛。老僧無力資譚柄。只向人前念佛陀。

臺山婆子

一指點二勘破。彼彼商量都話墮。鍊牛自是爛雙眸。擬意思量却差過。

鼓山赴請

中途折箭有因緣。不是安排非偶然。句裏若知虛實意。蚩尤雖勇怯軒轅。

黃龍參慈明

若有喫棒分慈明。不合恁麼道。若無喫棒分雲門。不合恁麼道。兩頭如不解。中間空懊惱。若人認得聲哩哩。蓮花落。

清淨本然云何忽生山河大地

有口道不得。有眼見不及。報汝解空者。不許離聲色。

五位正偏

正中偏。啞子喫苦向誰言。開口已招人。貶笑祇應肚裏哭蒼天。

偏中正。物物頭頭行正令。信手拈來用得親。擬欲求玄俱是病。

正中來。云何石女也懷胎。天明生箇白頭子。九月楊花遍地開。

偏中至。狹路相逢不須避。線去針來本自然。目擊道存兩會意。

兼中到。動靜不分真箇妙。著衣喫飯本尋常。却似大蟲裹紙帽。

靈雲見桃花

以下四則俱無擇師請

幸哉尋劍客。眼睛清且直。手提炤妖鏡。識破玄沙賊。

臺山婆子

青草當路出。特地成荊棘。觀面有何故。却云好不識。

三玄三要

老儂不識字。錯讀已巳已。去問大人答。我渠似你。

貓兒偏愛捉老鼠

磁石不吸鐵。眼見水晶瑕。彼彼不相到。和尚是僧家。

黃龍三關

佛手驢脚生。綠虎實兩般。並拈不教徐六擔。板各自看做一邊。昨日前村下雨。今朝火內生蓮。石女呵呵大笑說。破值甚低錢。

高峯無夢無想

四大無我心。如風箇中誰是主人。公廓然撲落元無物。始悔從前錯用功。

師示衆云。天童和尚頌臺山婆子。可謂只解。

推倒不會扶起乃作三頌

趙州婆子作用通天用而不用談而不談聖莫能測
鬼莫能宣便是諸佛口掛壁間且道何以如此若知
燈是火拍手哭蒼天

同道方知路坦夷莫教脚下意遲疑欲從舌底求消
息辜負先賢不借機

是賊識賊當行識行傍觀者咽知味者甜臺山路直
何用商量欲問如何北斗南看

世尊陞座

打鼓弄琵琶相逢兩會家既有知音者下座脫袈裟

大顛扣窗

寰中端坐定龍蛇扣窗一般兩樣價半是文公半座
元一寶拈來同一賽

孚上座勘鼓山

口行人事探頭過便乃翻身入賊窩不是雪峯知的
確雙雙跳入是非窠

德山托鉢

托鉢無言方丈去諸方慢謂失便宜不是殿頭傍著

眼從教後代逐狐疑

九峯侍者不肯泰首座

元座功成一炷香豁然脫去現空王九峯縱有渾身
口欲問無門論短長

婆子燒庵

刻城周九
寶求頌

撲面來時無一物明眼衲僧莫輕忽屈屈若是臨濟
描出骨

德山棒臨濟喝這箇婆子與並列堪笑韓獩逐塊徒
浩浩商量無盡歇

明得目前事老婆賊已敗打出虛空髓莫教尋內外
撲頭撲面機如閃電擬欲相酬卽已不使

長水問瑯琊清淨本然話頭

騎賊馬奪賊鎗於中無事可商量不知長水何緣故
留得清名萬古揚

瑯琊不曾言長水無可悟八字如打開兩手相分付

宋太祖托鉢問丞相王隨曰大庾嶺頭提不起今日爲甚麼在朕手裏王無語

貧人思舊債美曲換新聲切勿隨他語休論鉢重輕

臥雲深處不朝天

一眞法界本無方。南北東西個裏圓。舉意已知千里隔。若欲凝然墮聖顏。

漢月問再參馬祖。因緣黃蘗云。因師舉得見馬祖大機之用。又仰山云。此是顯大機大用。請問如何是大機之用。師云。一喝分賓主。炤用一時行。以下十七頌俱漢月請

一棒一條痕。一掌一握血。語下便知人。看孔方著。槪如何是大機大用。師云。棒下無生忍。臨機不

讓師

句裏藏機作者。知不教野干逐狐疑。三日耳聾猶是鈍。饒他吐舌也名遲。

機用則不問如何是大的道理。師云。石女兒

生子。卽向你道。

舉意便令三界窄。無心凡聖總包含。泥牛昨夜狂心起。觸碎須彌跳出欄。

既有大機之用。如何是大用之機。師云。入門便棒。不名性。廖

霸陵橋斷數張飛。百萬曹兵箇箇疑。多智張遼雖識破。劉君早已渡江西。

進云。更有問頭。今世所略。請和尚慈悲具答。問馬祖而下賓主。句具在再參公案中。請問何處是賓中主。師云。擬欲買草鞋。

隨流認得性。何喜復何憂。逢場去作戲。不必起閑愁。何處是主中賓。師云。著衣與喫飯。

使婢呼奴出現成。隨緣成辦任天真。若人識得東風面。萬紫千紅總是春。

何處是主中主。師云。舌頭短三寸。

朝堂獨坐無人問。四海馳名天下歸。善理萬機隨意轉。龍牀懸臥許誰知。

主中主。從那裏得來。師云。骨年不出戶。

本是深宮養聖軀。自始繇終步不移。富處湛然來去絕。欲求解會喪全機。

興化悟契棒因緣

觸著碰著知痛。識癢爺死娘。堊全無伎倆。雪峰是什麼。

有語無語總是關。擬思量處隔千山。同生同死緣他。說漢語胡言當等閑。

有句無句

開口咬著舌。不待他人說。舉意便知親。活驚殺好笑殺。

道吾捺倒

逐他言句覓疎親。電光石火解翻身。記得古人曾有語。不知誰是我般人。

鐵牛過關

千斤擔子人嘗放。這箇疑情脫下難。若解竿頭重進步。脫盡廉纖方始閒。

華嚴上堂

說過單刀直入何緣。賊來不識若知諸法如夢。於中何有得失。

鹿門問楚和尚

解收不解放。就地轉身難。若識其間意。前三三與後三三。

婆生七子

呈機舞棹出蘆叢。活計扁舟送順風。不識老婆何似者。聖凡直使兩無踪。

疎山造塔

旱地雷聲青天霹靂。兩箇古錐都來是賊。

工部石帆岳居士室中四壁皆書太極圖師

與一頌云

六九繇來別兩儀。分形設象示羣迷。爭知太極前前事。尼父猶云莫我知。

會稽雲門湛然澄禪師語錄卷第五

會稽雲門湛然澄禪師語錄卷第六

門人明凡錄

吳興丁元公

山陰祁駿佳

編

問答

僧參師問你行脚事作麼生。僧畫一圓相。師畫破圓相。僧敲卓三下。師畫一圓相。僧又敲卓二下。師又重

畫三圓相。僧以手抹却。師云。離此之外。別道一句。僧擬議。師便喝。

僧問。如何是差別。一著。師云。當斷不斷。僧無語。傍僧云。某甲斷得。師云。作麼生。斷。僧云。適來肚饑喫飯。如今甚飽。師云。亦未斷得。僧云。和尚莫瞞人。好。師笑之。雲棲大師舉高峯海底泥牛話。問師。師將傍僧推出。乃云。大眾證盟。

師問雲棲大師。婆子燒庵。這僧何不將錯就錯。大師云。將錯就錯。豈非大錯。

鶴林詣五臺參達觀大師。盤桓夜深。大師云。你信得及麼。林云。信得及。大師云。既信得及。可將法華經拋入尿桶內去。林如所言。諸方疑駭。後師特往問林。有此事否。林云。實有此事。師曰。你當時見何道理。便恁麼來。林曰。我當時聞大師語。忽憶善財參勝熱婆羅門因緣。便乃如此。師曰。如今還有疑否。林曰。此是地獄之因。豈得無疑。師曰。我今問你。你須實答。汝信得及否。林曰。信得及。師曰。汝真信得及否。林曰。真信得及。師曰。既信得及。割取頭來。林不知所措。師便喝。後

舉似達大師。大師驚云。阿耶阿耶。鶴林萬劫地獄。湛然一轉語已出之矣。大司馬吳本如云。不然。如荆軻刺秦王。須得樊將軍頭。將軍與之。倘鶴林與之。師作麼生。師曰。誰是其人。本如罔措。大師云。司馬又輸却了也。

雲棲大師問衆亡僧遷化後。向什麼處去。衆下語皆不契。師云。多謝和尚。鑒念一衆收容。

若虛問百丈在扭鼻處。已領自己云。何後來耳。聖三曰。師曰。末後一著。始到牢關。曰。請師落草。師曰。此是他家極妙處。今時人多只認自己爲極。則不信。向上一著。子語次。偶聞雷若虛指鉢。孟師云。如何是末後一著。始到牢關。曰。不會。師曰。不但降龍。亦能伏鬼。僧問。如何是異類中行。師曰。輕打我。輕打我一客云。我會也。我會也。師云。你作麼會。客作驢鳴。師休去。喫芋次。問客。天是禪地。是禪。且道芋頭是禪。不客拈起芋頭。師曰。未在。客云。師意如何。師拈起芋頭。摩面便擲。神珠參問。不恁麼問時如何。師曰。是戲論。問恁麼問。

時如何師曰也是戲論問怎麼不怎麼問時如何師曰亦是戲論問不怎麼怎麼問時如何師曰總是戲論曰還有不戲論事否師曰有曰如何是不戲論句師曰這箇是戲論曰和尚忒欺壓人師曰也有怎麼人肯怎麼來

神珠問卽此用離此用某甲極看得妙師曰此是甚麼人語曰是百丈師一喝珠曰師是曹洞宗何以如此師便打趂出

僧問萬法皆我爲什麼轉得轉不得師云牆外是什麼僧擬議師曰又道萬法皆我

師同大司成陶石簣無念師向火次石簣曰無念師在阿師得力句乞爲舉似師曰向火背猶寒

李次公問老師還驗得某甲麼師曰你是箇無主孤魂陶石簣曰他是有主的師不答次公云老師安知某甲無主師曰好箇有主的

麥浪問和尚百年後向什麼處去師云山下檀越人家作頭水牯牛去曰只恐不能拖犁拽耙師曰你肯承當我便休曰帶得這些人去麼師曰帶得曰作麼

生帶得師曰大家衛取一莖草

麥浪舉黃中丞訪少林和尚未下轎便問世尊生下一手指天一手指地雲門大師云若被老僧看見一棒打殺却趙州狗子賣圖天下太平我今日要一棒打殺和尚和尚還作麼生少林無對彼時若問和尚和尚作麼生道師云待中丞脚跟點地却向他道問古人道鴛鴦繡出從君看不把金針度與人三乘十二分教一千七百公案俱是鴛鴦如何是金針師拈起淨瓶云這箇是淨瓶云這箇亦是鴛鴦不是金針師云却被汝道著

六馬問和尚未到此間大衆未集法會是何境界師曰門對陶公嶺如何是法身師曰背倚秦望山如何是法身向上事師曰開口道不得曰道了也師曰好狗不逐塊又問世尊拈花是敗闕和尚上堂不惟拈槌豎拂抑且說長道短是敗闕不師曰被汝勘破曰如何得無敗闕師曰喫三頓飯曰猶是敗闕師曰喫飯又怎麼去也乃曰師僧家不解歇心只管於自心起種種異見若是坐得斷的佛來也三十棒魔來也

三十棒進曰。既云坐斷爲什麼佛來也。打魔來也打。師曰。只爲喚作佛。喚作魔。所以不得不打。

師至杭州。聞谷師慧聞師等諸知識法師及縉紳護法各命侍者持柬迎師。慧聞法師柬內云。今日大眾欲與和尚作家相見。和尚若來已。塵情識和尚不來。猶缺慈悲。師閱畢。即將衆簡一齊扯碎。正色厲聲云。這些客作。漢敢於老僧處納敗闕耶。師至卽陞堂。正立。慧云。和尚莫要般門弄斧。師與一掌云。速道。速道。慧面赤。無語。師云。死漢。聞谷師遂率衆作禮。師同達觀大師月川和尚大司成陶石簣大中丞左心源內翰黃慎軒中允曾仲水朱友石嘉熙寺玩月。次慎軒問馬祖南泉百丈玩月因緣。乞師一語。師曰。你睡我立。不得爲說。慎軒重起謝過。二師皆云。吾下語不如此人。

卷之四
南泉

吏部袁六休問南泉斬猫意旨如何。師曰。莫謗趙州。曰。如何是謗師。曰。蒼天蒼天。

巡漕蘇雲浦問鴛鴦繡出從君看。不把金針度與人。如何是金針。師曰。我在京都走一遭。未曾遇著一個。

人。蘇擬進言。師曰。古佛過去久矣。僧問禮拜是問訊。是師云。隨汝顛倒。僧便喝。師曰。成個什麼僧禮拜。

推府黃橋海問。梵志與世尊論議。梵志拂袖而去。中途有省謂弟子曰。我義兩處負墮。是見若。受負墮處。驢是見。不受負墮處。細如何是負墮處。驢負墮處。細師曰。連我也不會。黃無語。

推府李九巖問。何故衆中無一人發問。師云。他們都是佛。曰。何謂也。師曰。問卽落第二門。僧問曰。除却門風。方便外。別有爲人處麼。師曰。我不如一切人。曰。何故不如師。曰。他無方便。

進士黃石思問。如何是殺人刀。師曰。布鼓當軒。誰敢擊。曰。如何是活人劍。師曰。雖然後學也。堪爲又問。教中云。懺者懺其前愆。悔者悔其後過。且如中間事作麼。生師曰。只可自知。又因福城寺山門回祿。問曰。盡道金剛不壞身。這四個漢那裏去了。師曰。壞者不是。金剛曰。這個懺師。曰。不可以色相見。如來。

海眼問。和尚到城中。穿得幾箇衲。師曰。兩三個。海。

伸手索云。將來與某甲看。師曰。從人索者。不是好手。僧問某甲。二六時中。不念佛。不參禪。不看教。不斷妄想。不取真如。但饑來喫。困來打眠。任性自在。可合道否。師曰。彼圓覺性。非任有故。說名為病。曰。如此則一切皆出四病。不待如何修行。師曰。一切衆生。皆證圓覺。

問有情化無情。佛性甚麼處去也。師曰。有情化無情。曰。佛性。濟師云。什麼處去也。曰。有情化有情。因什麼為變化。師曰。有情化有情。

問佛法。即不問和尚。作麼歸方丈。師曰。不歸方丈。曰。為什麼不歸。曰。衆生病故。

方伯沈東華問。宗作麼生。講師曰。山僧從來不曾舉口。曰。這句就是宗了。師曰。我也不知。

問乍會時。有賓主否。師曰。賓主歷然。問還分別否。師曰。兩眼對兩眼。

問性宗與相宗。是同是別。師曰。番手覆手。

問睡快活。講經快活。師曰。都快活。曰。快活在內。在外。師曰。窮則獨善其身。達則兼濟天下。曰。不要把我們。

儒書用。師曰。我是尋常語。居士自作書會。

問性宗內緊要處。乞示一二。師曰。性宗無怎麼緊要處。

問周海門相會否。師曰。嘗會。曰。他是道學耶。禪宗耶。師曰。道學曰。怎麼則不合也。師曰。在天而天。在人而人。

晉陽張翰林問。世尊幾時陞座。師曰。未審居士什麼處。聞世尊陞座來。居士擬議。師曰。處尚不知。要問幾時。

師與王進士持論。金剛不壞身。傍僧曰。怎麼舉唱。則佛法掃地而盡。師曰。若是師子。定不恁麼。曰。亦有野干。肯恁麼唱。師曰。正是。正是。曰。肯承當好。師曰。你承當我承當。速道。速道。僧擬議。師喝出。

問脚不踏枝口。含樹枝下。有人問。如何是西來意。若答他。則未免喪身失命。未審和尚有何方便。通個消息。師曰。我定是無命的。

問央偈摩羅持佛語云。我從無量劫來。未曾殺生。女子為什麼便生下。師曰。何曾生下。曰。怎麼則在腹中。

好沒奈何。師曰：生下則不復更怎麼也。

師一日嘆曰：處世若探湯，不如歸去。好僧曰：到什麼處去？師曰：知得的是我同參。

僧問：祖師禪如來禪，是同是別？師云：古越是杭州，曰怎麼則同也？師曰：長江分彼此。

僧問：此身敗壞後，向什麼處安身立命？師曰：問這等大事，更禮三拜，不與你說。僧禮拜，師云：止。止是什麼處安身？僧擬議，師咄之。僧復跪求示。師云：去。佛也奈何，你不得。

僧問：門外人還許入否？師曰：你幾時在門裏？僧禮拜，師曰：好話問不盡。

僧問：本來面目作麼生得見？師曰：你是無面目。漢曰：某甲何獨無面目？師曰：若有面目，何更求見？

火頭問：灰塵滿天，何時得清淨去？師云：且燒火。抱朴參禮拜起，便問：此間多衆，不知有幾個師子？師云：人人都是佛。抱擬進語，師搖手止之。

南明求作不齋務侍者，師曰：老僧這裏無卓錫之地。南擬議，師搖手止之。

麥浪指南侍次，師召指南老僧四大不和，汝能療之乎？南云：蒼天蒼天，召麥浪汝能療之乎？麥云：嚙語作麼？師云：不如這個不識字的。

雪庭參禮拜起，便問和尚在此作麼？師云：殺人。雪云：有這等手段？師云：五六年不見，只道你鼻孔向上。了元來猶作這般去，就出去。

問：如何是吾無隱乎爾？師翹足云：你看我腳底下有多少紋路？

問：如何是萬法歸一，一歸何處？師拈絲絛云：此是杭州六分銀買得的。

師與俗人言論，次有居士云：和尚如何恁般說？師曰：他不要佛法的。他若要時，以手插入襟內，勢云：恁麼了。

師輪數珠，言論次問曰：師手輪數珠，口與人說，爲是念佛，爲是說話？師拈起數珠云：手中若是一把刀，你便道我殺人也。

弋陽張弘所居士問：如何是放過一著？師曰：且請餅。曰：猶在這裏？師曰：山僧自來不恁麼。曰：如是則超越。

令師也。師曰：居士莫塗污人好。

問虎生七子，第幾個無尾？巴師曰：祇這無尾巴。僧求頌。師頌曰：問答總無差，如將扇子遮來人。須覲面莫看扇中花。

僧問：如何是一老師？云：昔人猶在昔，人自是兒童。見不真，問如何？一不老師云：除却幻身見端的，不知誰是白頭翁。問如何是親人？不得度師云：一念生心成望礙。問如何是渠不度親人？師云：全身放下孰爲親。問如何是不借別人家裏物？師云：有語還成妄，無言未是真。擬欲求玄旨，直是眼中塵。復有一偈總答云：去年此日見荷花，此日今年人事別。總是自心生，巧計欲分兩人無一舌。

舉九峰勘首座因緣。問僧：休去歇去則且置，如何是一條白練去？僧云：錫杖掛牛頭，袈裟包狗骨。師云：不然。他若問我，我便喚他禮拜著。待他禮拜起，向他道：你作得我侍者。

柳鴈田居士舉張天覺頌本因緣。師問曰：如何是頌本？士復舉頌。師應聲一喝云：喚作頌本得麼？

問和尚要作菩薩麼？師云：不要。進云：爲甚麼不要？師云：你若要頭目髓腦，我將個什麼與你？

同麓亭居士子韶格物妙事物格意旨如何？麓云：無邊剎海，自他不隔於毫端。師曰：此是文，言要會古人意，未在傍客。曰：克己復禮是物格，否？師搖手。

問僧：如何是劫火吹海底，山鼓風相擊？僧掀倒禪床，師呵呵大笑。

僧問：路途之樂，終非到家，如何是途路之樂？師云：開口成雙，掀揚眉落二三。如何是到家之事？師云：要頭截取去。

問大千沙界海中漚，離却水如何是漚？師云：如何是你離的水？

師輪數珠，次僧問和尚：何不放开，猶乃捏聚？師曰：騎馬用拐挂，問如何是遠途挾帶？師舉數珠示之，問如何是妙挾？通宗師亦舉數珠，問挾帶妙挾是同是別？師亦舉數珠，問莫遮個便是麼？師曰：是則斬取去，問如何是圓相？師曰：大燒餅，問如何是暗機？師曰：凌霄峰，問如何是義海？師曰：半山亭，問字海與義海是同

- 88 -

是別師曰。別則兩箇不別。一雙問。如何是意語。師曰。師子呪人。問。如何是默論。師曰。溫伯見孔子。問。如何是同。互師曰。孝子謹爺。

師乘涼次。嘆云。如今祖師禪。却被諸方混亂。我今只說如來禪。僧問。祖師禪如來禪。是同是別。師云。一點水墨。進云。意旨如何。師云。兩處成龍。

問。德雲常住妙高峰。善財如河參不見。師云。對面不相識。進云。如何別峰。又見師云。舉意便知有。

問。如何是通玄峰頂。不是人間心。外無法。滿目青山。師云。若要我說。滿面慚惶。云。某甲不會。請和尚落草。師云。莫向聲色上會。

僧問。情與無情同一體。如何是一體。師云。併却咽喉唇吻。你道將無情的來看。

僧問。如何是空手把鋤頭。師云。有口不能道。

問。如何是生死中不生死。的道理。師云。舌頭短三寸。

僧問。如何是本分事。師曰。穿衣喫飯。

僧問。古鏡未磨時。如何。師正色厲聲。數其往事。僧作瞋告辭。師曰。汝問未磨時。如何。且磨此一點。僧復住。

僧問。明知生死是不生之法。為什麼却說生死之所流轉。師云。只個是數珠。曰。某甲不會。師云。不會却好。僧舉鶴林素因。僧敲門。素云。是誰。云。是僧。素云。非但是僧。佛來也不著。今問和尚。為什麼不著。師云。當面被瞞。又云。我當時若在。但云。謝和尚慈悲。

僧問。祖意教意是同是別。師云。一輪明月。炤姑蘇。

僧問。古云。我若一向舉揚宗乘。則法堂前草深一丈。和尚又如何教人。師良久。曰。道什麼。傍僧復理前問。

師曰。我若一向舉揚宗乘。則法堂前草深一丈。

僧問。一路涅槃門。乞指個路頭。師曰。那個是御愛峰。

僧問。自心取自心。非幻成幻法。不取無非幻。如何是不取無非幻。師不答。別與傍僧言訖。却問汝適來問甚麼。僧舉前問。師云。你欠伶俐。

僧問。萬法歸一一。歸何處。稍覺純熟。但不能廓爾無礙。未審如何進向。師曰。趙州道我在青州。做鎮布衫。

重七斤。你作麼生。會曰。不會。師曰。不會會取好。

師至半堂。訪無念。師問云。古人道。如紅爐上飛片雪。相似。且道。古人還具透關眼也未。念曰。我不見有什麼。

麼古人師急指曰背後。懺念休去。

僧問。維摩與文殊。譚不二法門。是默然。不是默然。若是默然。文殊則爲剩語。若不是默然。則維摩一場空。設意旨如何。師云。他與你做奴也不殺。

僧云。念佛不斷頭了。師云。放進云。教某甲如何放。師云。再放。僧再求方便。師揭起裙云。卵在。

僧問。清淨本然。云何忽生山河大地。師云。是你這聲問。

問諸法如義。乞師一講。師云。講的不如。

師入堂。勸衆一僧以手指作二圈相置眼上。師搖手云。不是一僧彈指。師搖手云。不是一僧出未開口。師搖手云。不是一僧近前。師搖手云。不是不是。僧卽禮拜起。師云。我與你說甚麼。你便禮拜。時有病僧拋出蒲團。師作驚駭勢云。一堂人不如這個病僧。有瞽者求開示。師拽其手指云。此是椅。此是桌。瞽卽禮拜。師云。一堂人不如這瞽者。

一時雷擊。八人僧問。八人被雷擊。意旨如何。師曰。大作用。進云。天不蓋地。不載造什麼罪。師云。大地黑沈。

沈

僧問。如何是父母未生前。師顧傍僧云。他悟了也。進云。畢竟如何是父母未生前。師云。化緣。進云。化緣後如何。師曰。獻果去。

僧問。如何是向上事。師云。體露金風。進云。如何是向下事。師云。驢前馬後。進云。如何是驢前馬後。師云。奴見婢殷勤。進云。如何奴見婢殷勤。師云。拖泥帶水。進云。如何是拖泥帶水。師云。七手八脚。進云。七手八脚。如何。師云。三十痛棒。

師入城。見一瞽目僧端坐街側。師向僧禮數十拜。復撫其背云。莫忘却。僧合掌云。阿彌陀佛。時市衆圍繞。問曰。此是何人。師曰。此是一尊古佛。

陶石簣遺師。屢帶有俗士擬騙試問云。和尚是大修行菩薩。當受我禮拜。師云。我不是修行菩薩。不必禮拜。進云。和尚豈不是修行菩薩。師云。我若是修行菩薩。汝等魔王皆來割肉。士皆慚色而去。

居士問父母未生前。請師道一句。師曰。不可全靠老僧。又問如何是直下見性。師曰。這問也不少。曰。不少。

個甚麼師曰問我即不得

麥浪問如何是善財參遍處黑豆未生芽師曰不答曰何故不答師曰答即芽生

僧問如何是妙性圓明離諸名相師拈拄杖云這個喚做什麼曰拄杖子師曰又道離諸名相

僧問智不到處作麼生宗師曰切忌道著曰拈拄杖拂言談語句都是智如何是不到處師曰此是甚麼人語我不記得汝試舉看曰此是智如何是不到處師曰汝欠伶俐何不審他來歷良久曰汝更欲問那僧擬進語師推開入室

僧問既是獅子兒爲什麼却遭狐狸咬師曰被汝一問直得口塞曰爲甚如此師曰若是獅子決不逐塊寶林講法華經師偶入寺衆請師請金剛經師曰你們已講法華經了又要我講金剛經那衆再三請師曰你們走開乃打一筋斗衆大笑問云老老大大如何打筋斗師云我只要你們笑一面

明翻問亘古亘今我信無有第二人爲甚麼公案透不得師云汝有甚麼公案透不得舉來看翻擬開口

師云去汝不是好人

周華頂居士問今日別去後何處相見師曰途路要珍重

僧問頻呼小玉原無事祇要檀郎認得聲如何是聲師曰這個不是聲

僧問不落生滅時如何師曰不答曰豈無方便師曰方便即生滅也

問僧南泉斬猫意旨如何一僧呼名一僧推蒲團下地一僧云二人已道了教我道個什麼師曰可惜許曰何謂也師曰一語下徐州

僧問馬師一喝百丈三日耳聾爲復明大機爲復明大用師曰一般米麵日意旨如何師曰繇人造作僧問某甲看個無字話頭不曾得個入處乞和尚方便師曰難得個不入頭的

僧問某甲昨日洗浴得個境界祇是說不出師指童子曰是伊也知得麼曰他也知得師曰若是知得決定不隨人所轉

僧問無夢無想處如何是某甲主人師云你名什麼

僧云大化師曰你且去

僧問木叉和尚道道得也又下死道不得也又下死當時若問和尚作麼生師云這野狐精又云我定是沒有性命的

僧問離心意識參絕凡聖路學且如心意識作麼生離師曰將心意識來我爲汝離曰將不得來師曰既將不得來要離作麼

僧問無夢無想時主人公在什麼處師曰即今主人公在什麼處僧擬議師喝僧禮拜師曰這一喝本該你喝

僧問如何是超然不借借師曰我聽不清你再問看曰學人不肯在師曰這個是借僧喝師曰猶是借僧又喝師曰猶是借僧曰蒼天蒼天師曰百喝後作麼生僧禮拜云推散大眾去也便歸衆師曰伎倆祇如此

首座問未有之言請和尚道師曰寧犯國諱不可斷舌

僧問如何是大用師曰打殺千萬人不名性燥漢

麥浪問如何是無住本師舉起拂子麥云無住還有本麼師云汝適纔問甚麼麥云無住本師云還有本麼麥禮拜

麥浪問如何是三界唯心萬法唯識師云汝年多少麥云與和尚同條生不同條死師云三界唯心萬法唯識

童秀才問弟子心中如有一件道理只是說不出師曰是說不出那日說不出師曰瞞我耳聾

僧問四大脫落更有何物師曰我聽不清再舉看僧擬再舉師曰是無那

鮑性泉問如何是脫生死的句師云兩眼對兩眼曰兩眼對兩眼後如何師云你不說我不問曰不說不問怎麼脫得生死師曰正恁麼時把將生死來與汝脫

方浪如問如何得不以緣心聽法而得法性師曰一從自己胸中流出方乃蓋天蓋地曰如何是自己胸中流出句師曰石女慣弄無針線木偶能斟不濕羹

僧問明知遮一著子却又承當不來病在何處師曰擬欲求玄旨還如值木盲

僧問達大師問雙寺住持遍大地是佛身且道佛身在什麼處住持無語意旨如何師曰却被住持靠倒曰爲甚麼大師打住持師曰這個是屈棒曰何謂也師曰合是大師自喫

師觀水次麥浪問天人見爲瑠璃魚龍視爲窟宅和尚見作甚麼師云水麥云恁麼落在人見中師云好聰明

僧問從緣薦得相應疾古云從門入者不是家珍如何得相應師云豈不聞從門入者永無退失問就體消停得力遲若消停云何不得力師云擬尋思處轉着訛問營起本來無處所既是無處所向什麼處營起師云你也問不到我也答不到問吾師暫說不思議既不思議將何暫說師云因不思議故問南泉云還鄉自是兒孫事大慧云末後輪他弄一場如何師云憐兒不覺醜問南泉大慧是同是別師云一條拄杖兩人舁

問三世諸佛爲什麼不知有師云太尊貴生問狸奴白牯爲甚麼却知有師云太貧賤生

僧問云乞和尚指示心要出離生死真實的義師曰從來無一字與人僧禮拜

僧問如何是萬象之中獨露身師豎一指僧云此是境師曰又被雲遮却了也

僧問因正果正爲甚麼調達於地獄中受三禪天樂師云這個不屬因果僧求項師云這個不屬因果鑊湯爐炭裏坐剛道衆苦不到佛眼何曾識我

曹源與凌虛自金粟來師問曰昔者三佛辭五祖祖曰汝去向後患一場熱病始憶老僧在後果病自知從前所用不得力還復祖山汝病中作麼生源曰我祇是病無作麼師曰我卽不然源曰和尚又如何師曰祇看不病的源曰蝦跳不出斗師曰你要藥與你一帖大黃源曰蒼天蒼天師曰芭豆最好

僧問弟子遠來訪道求和尚開示師曰不離當處常湛然覓則知君不可得僧曰見人訪道我亦學訪師曰不可隨人脚跟轉好僧禮拜

馮居士問南宗鐘聲有相無相。宗答東風東響。西風西響。宗就問和尚鐘聲是有相的是無相的。師云鐘已鳴矣。風已過矣。說甚有相無相。進云鐘正鳴。風正生時如何。師云徒勞側耳。

雲南僧圓明問大事未明如喪考妣。大事已明如喪考妣。意旨如何。師云總不繇別人問。那吒太子析骨還父。以肉還母。然後於虛空中現身爲父母說法。如何是那吒本身。師云休認娘生皮袋子。問劫火洞然大千沙界俱壞。未審這個壞不壞。壞即不問如何。是不壞的道理。師云四大間白鷺下田。千點雪。黃鸝樹上一枝金。是何境。相師云莫作境會問。境繇能境。境逐能沉。能境俱忘。復是何物。師云不得喚作心。問若能轉物。即同如來。且道須彌山如何。轉師云喚作須彌山。即不得問。依經解義。三世佛冤。離經一字。即同魔說。如何是經。師云如是我聞。問六祖明鏡非臺之語。透關久矣。三更遮回。不令人見。此必有所授受之事。非謂說經學者可以默喻。且道授個甚麼。師云之子相逢處。不許外人知。

師問石雨如何。是一口道不盡的句。雨云早晚禮拜和尚。也是尋常事。

復問石雨。趙州道無字意。作麼生。雨云和尚喜著棋。某甲粗知。師曰。道有又作麼生。雨即頌。家家有幅遮羞布。放下便能當雨露。獨怪當年老趙州。擲却頭巾頂却褲。師復問三宜宜。呈偈。佛性無佛性。無秤槌。落水不曾浮。知得趙州端的意。拍手終朝唱鷓鴣。

漢月問興化在三聖爲首座。嘗云我向南方行脚。一遭拄杖頭。不曾撥著一個會佛法底人。坐云。具個什麼眼。便怎麼。道化便喝。聖云。須是你始得。後到大覺。覺問。聞你道向南方行脚。一遭拄杖頭。不曾撥著一個會佛法底人。你憑個什麼道理。便怎麼。道化便喝。覺便打。化又喝。覺又打。明日相逢。覺云。我昨日疑你這兩喝。化又喝。覺又打。化再喝。覺亦打。化云。我在三聖師兄處。學得個賓主句。總被師兄折倒了也。願與某甲個安樂法門。覺云。這瞎漢。來這裏納敗闕。脫下納衣。痛打一頓。化於言下。薦得臨濟先師於黃蘗處。喫棒底道理。請問如何是三度痛棒的道理。師云。觸

著不知疼。問雪峰見僧來。雙手托門。放身出云。是甚麼僧云。是甚麼峰。低頭歸庵。僧到崑頭。過夏後。問頭頭曰。雪峰與我同條生。不同條死。欲識末後句。祇這是。請問同生同死。與同生不同死。長處何在。師云。翦張三黑李四。問有句無句。如藤倚樹。樹倒藤枯。句歸何處。潯山呵呵大笑。歸方丈。圓悟曰。相隨來也。請問如何。是相隨來也的道理。師云。爾今口雖不言。文字已形。問道。吾捺倒爛泥裏。有判者云。也只是館驛裏撮馬糞。漢請問如何。是馬糞。師云。不可咬名嚼字。問古人云。鍤牛過窓櫺。頭角四蹄都過了。惟有尾巴巴過不得。頭角前蹄俱不問。如何是後蹄。如何是尾巴。巴如何過不得。師云。過問守廓侍者到華嚴。值嚴上堂曰。大眾今日若是臨濟德山。高亭大愚。鳥窠船子兒孫。不用如何。若何。便請單刀直入華嚴。與汝證據。廓出禮拜起。便喝。嚴亦喝。師又喝。嚴亦喝。廓禮拜起曰。大眾看這老漢。一場敗闕。又喝。一喝拍手歸衆。請問華嚴敗闕在甚處。師云。杓卜聽虛聲。前言何在。問守廓到鹿門。見楚和尚與僧話。次門問楚曰。你終日披披

搭搭作麼。楚曰。和尚見某甲披披搭搭。那門便喝。楚亦喝。各休去。廓云。你看這兩個瞎漢。隨後便喝。門歸方丈。請問廓云。老僧適來與楚闍黎賓主相見。甚處敗闕。廓曰。轉見病深。門曰。老僧自見與化來使會也。廓云。和尚到與化某甲爲侍者。記得與麼時。語門云。請舉看廓遂舉與化問。和尚甚麼處來。尚云。五臺云。還見文殊麼。尚便喝。化云。問你還見文殊麼。又惡發作麼。尚又喝。化不語。和尚作禮。主明日教某甲喚和尚。和尚早去也。化上堂云。你看這個漢。擔條斷貫索。向南方去也。已後也道見與化來。廓云。今日公案恰似與麼時。底門云。與化當時因甚無語。廓曰。見和尚不會賓主句。所以不語。及欲喚和尚持論。和尚已去也。門特煎茶告衆曰。參學龍象。直須仔細。請問如何是斷貫索。如何是不會賓主處。師云。羶羊掛角處。獵人徒自疲。復總答以偈曰。佛祖機關無一言。擬存迷悟隔千山。爾今大地舒長舌。石女拋梭最後關。僧問法華經中。光明普遍。炤河沙。如何眉間白毫相。光畢。輝東方萬八千土。師云。舉一隅不以三隅反。

問日月燈明佛還入暗黑地獄也無師云入

問知法嘗無性佛種從緣起既是嘗爲什麼又道個

無既無性爲什麼道個從緣師云開口成雙槩

問惟有一門而復狹小門在什麼處師云天無二日

人無兩心

問法華經藏深固幽遠無人能到如何是法華經藏

師云止止不須說我法妙難思

問多寶佛塔云何容二如來師云開口便覺多

問佛塔示現何必化身還集師云脫盡廉纖始到不

知

問諸佛問訊何以獨遣侍者師云也須得傍人著眼

問龍宮示化單標女子意旨如何師云爲他閒事長

無明

問龍女具什麼巴鼻便解獻珠師云那裏聞他消息

問十劫坐道場佛法不現前古人謂回互不回互之

旨作麼生會師云要會去轉遠

僧問楞嚴奢摩他三摩禪那則不問如何是妙師云

不妙

問舉金色臂不知此臂是三觀中那一觀攝師曰逐物生心

問維摩經云惟留一床寢疾而臥未審是何疾症師

云舉心隔千里

問文殊普賢還落諸業習氣也無師云墮

問金剛云若見諸相非相卽見如來未審諸相與非

相是同是別師云是

問香水海中還容乾屎橛也無師云却是微塵內世

界

問維摩默然不知正恁麼時侍者在什麼處師云隨

來也

問如何是曹洞門下賓句師云走盡千山及萬山問

如何是主句師云獨坐壺中無伴侶

問起信論云不依形色不依氣息不依於空不依水

火風不依見聞覺知畢竟依箇什麼師云三個胡孫

弄播箕

僧問如何是學人本分事師云四季皆有月秋來分

外明

問婆子燒菴已後三年復造得個什麼師云清風度竹林

問前三三與後三三請問和尚多少數師云脖子長三尺

問海底泥牛。唧月走岩前。石虎抱兒眠。銀蛇鑽入金剛眼。崑崙騎象驚。驚牽其中有一句。能縱能奪能殺能活。未審那一句是師。云你自領去也。

有僧問某甲從五臺來。求和尚開示。師云五臺山寒。寒冷。冷老僧不敢觸脚。進云某甲離五臺已久。師云各自領出去。僧禮拜云和尚亦如是。

僧問某甲從淮安來。求和尚開示。師問云汝鎮江來麼。僧云是。又問汝從蘇州來麼。僧云是。師云一路說得分明。如何又求開示。僧云不會。師云好個不會。僧又問參禪與念佛是同是異。師云自己。尚不會管他閒事。僧無對。

師問僧曰。嘗用心處。僧曰。若問用心。只得無開口處。師云。你瞞我。僧曰。終不敢誑。和尚師云。好。你且這等去。師復云。山河大地。明暗色空。塵說刹說。熾然說無。

學人
白刃
作

問歇何處不是開口處。你又道無處開口。進云和尚又恁麼道過也。師云你若是啞的。便不與說。僧無語。僧問兩口一無舌。意旨如何。師云與汝說破了也。進云求和尚再通方便。師云方便已竟。

問如何是鎮海明珠。師云昨日被人索去了也。直得無言可對。無理可伸。

問如何黑月。即現白月。即隱。師云汝即認得一半。

僧問學人信得自己。本來是佛。不假造作。不用安排。為何不得轉身吐氣。師云汝信得自己作麼。生信得。僧無語。師云還是不曾信得及。在所以經云。若人識得心。大地無寸土。僧云和尚教人放下。學人於放下處。有省。師云汝作麼生放下。進云大地無寸土。師云汝還未識放下在。

僧問白刃劈面來時如何。師便掌云。這是劈面來時的事。僧無語。

僧問至道無難。惟嫌揀擇。但有言句。俱名揀擇。未知和尚以何示人。師云至道無難。惟嫌揀擇。

僧問恁麼也不得。恁唎娑婆訶。不恁麼也不得。蘇羅。

娑婆訶。怎麼不怎麼。總不得。唵。喇。蘇。魯。娑。婆。訶。和尚教學人放下個甚麼。師云。優鉢羅花三千年開一遍。僧禮拜。問云。古德說大疑大悟。小疑小悟。不疑不悟。和尚如何教人放下。師云。古人教人疑。老僧教人放下。僧云。本來無有放下。個甚麼。師云。放下。擔了去。僧問云。是法非思量分別之所能解。和尚在這裏又說什麼。法師云。是法非思量分別之所能解。僧問古人云。生也不道。死也不道。如何得道。師云。生也不道。死也不道。僧云。和尚也不道。師咄之。僧禮拜。

僧問某甲。欲識佛未審。佛在何處。師云。遠。天下問其僧。速禮一拜。師云。你這一拜。被人家活壅了也。進云。一向聞名。今日親相。師云。還是聞名好。進云。也須親見。始得。師云。不得以色見。我不得以音聲求。我你作麼。生見僧一喝。師云。是聲。僧又喝。師云。是聲。僧云。和尚作麼。生師默然。僧便禮拜。

僧問。如何是佛法大意。師默然。進云。老老大大說這個話。師云。你見我說個什麼。僧便出。師云。你却會逃走。

僧問。如何是青州女三棒鼓。師云。趙州臆子如驢大僧禮退。

僧問。萬法歸一一。歸何處。離了古人言句。請和尚別道。師云。韓文公進云。如何是韓文公意旨。師云。晝夜一百八。

僧問。本來無迷。亦無可悟。不落言詮。法爾如是。和尚如何開示人。師云。你費多氣力作麼。

僧問。亦不惺惺。亦不寂寂。求和尚開示。師云。如何是你主人。公僧默然良久。師云。死水不藏龍。傍僧出問。如何是活水裏的龍。師云。正是時。僧禮拜。

僧問。父母未生時。有十八個兄弟。阿那個是主人公。師云。你是無主孤魂。進云。作麼見得無主。師云。有主不須問。

師茶話次。有僧禮拜了。起云。昨日偏衆解制了。特來謝和尚。師合掌云。恭喜。恭喜。進云。和尚不得謗某甲。師云。如何是解制的道理。曰。仲冬嚴寒。請和尚萬福。師云。似則也。似是則未是。再道一句來。曰。請和尚且喫茶。師云。不是。不是。進云。大衆散去。遂和聲歸衆。師

乃笑

又僧就卓拈碗問曰放下個甚麼師云擎起來僧舉起師云又道放下

又僧伸手問曰放下個與我看看師云擔取去僧舉手示之師云放下

僧問古人不出山門向莊上喫油餛爲是神通三昧爲是法爾如然師云你那裏見古人進云今日見和尚爲人師云若是獅子決不逐塊進云甚麼則撮土焚香去也師云老僧無骨頭軟么憑你咬嚼僧無語

傍僧出云一堂大衆被你老漢弄得七顛八倒將爲別有長處元來只如此師云什麼如此進云明日上堂舉似師云何不現前拈出僧即吹滅燈火師云不見鬼僧擬對師便打云你若向古人一切公案三藏十二部教典隨舉則劈口頌得靚面轉得我也許你進云某甲不曾看過語錄師即舉手上座勸鼓山折箭因緣你頌看僧無語師叱僧退即頌曰口行人事探頭過便乃翻身入賊窩不是雪峰知的確雙雙跳

入是非窠

僧云承和尚賜我寶劍已得天下太平特來禮謝和尚師云如何是太平的句僧云如金鐘相似師云是不是僧無語師云你問我僧理前問師云石女生兒僧禮拜

僧問祖師遞代相承還別有麼師云有進云如何是別有師云得我檀越人家作水牯牛即向汝道進云某甲亦同異類中去也師云又向古人舌頭上咬嚼僧無語

師輪數珠次僧問即此用離此用如何師云馬祖來也進云馬祖來作麼師云直得你三日耳聾

僧問奄提遮女問文殊云明知生不生義如何又被生之所轉殊曰其力未充此語還是義路麼師云義路進曰請和尙道師云那是禪堂此是方丈僧禮拜僧問有一物明歷歷佛祖覷不破大地無人識常在舌頭尖盡力吐不出請問和尙吐出也未師云你吐出了也進云百年三萬六千朝翻覆元來是這漢如何是這漢師云欲問這樣道理也須禮拜始得僧便

心堂堂應作
禮

拜師笑曰正是這漢

僧問金殿堂堂即不問驢胎馬腹事如何師云你是其人進云恁麼則任物逍遙去也師云切莫強作主宰僧禮退

西堂瑞白問大衆齊齊燈燭輝煌請和尚指示師云有眼皆見進云恁麼則個個成佛去也師云你眼不瞎又問萬竹林中事即不問石叢峰頭意旨若何師默然瑞禮拜又問祇如萬竹林中事又作麼生師云三莖四莖斜七莖八莖曲瑞云萬竹林中與石叢峰頭是同是別師云三莖四莖斜進云如何是向上事師云七莖八莖曲瑞禮拜起云佛法已蒙師指示正偏不落有無機師云不落正偏你作麼生道瑞便問訊歸位師云去

僧問疎山恁麼道意在什麼處師曰龜毛長數丈進云羅山恁麼答意在什麼處師曰錯過撐天柱僧問云黃龍南禪師三關語隆慶閉答後再無人轉語請和尚再轉一語師曰天下無一人答不得進云某甲不會請和尚方便師云萬兩黃金難買個不會

若將個不會答他無有不是僧曰真個不會望和尚

答師曰若如此一一問將來我爲汝答問云人人有個生緣上座生緣在什麼處師曰我是越州人問我手何似佛手師云草枯鷹眼疾問我脚何似驢脚師曰人老不知心有頭緣頭古卷中

僧問父母未生前本來無有色身山河大地爲什麼忽生色身山河大地師曰卽今那個是你色身僧擬再舉師咄之僧禮拜

師問六休袁居士云德山托鉢因緣張無盡居士頌曰鼓寂鐘沈托鉢回巖頭一拶語如雷果然只得三年活莫是遭他受記來既不因授記爲什麼只得三年活居士還有疑不士曰有疑師又舉疎山造塔完問院主云爲復將一錢與匠人爲復將兩錢與匠人爲將三錢與匠人衆不能對羅山代云若將兩錢與匠人和尙與匠人共出一隻手若將三錢與匠人和尙此生決定不得塔若將一錢與匠人帶累匠人眉鬚墮落居士又作麼生士云如此則公案所疑甚多師曰譬如盡大地都做了個問頭來問時你又如何

對士拍掌兩下。師曰：適來的齊居士有省。

客問：壇經云：不是風動，不是旛動，仁者心動。且道此心爲是真心，爲是妄心？師云：汝還識心麼？客無語。師云：心尙不識，說甚麼真心？妄心？客又問：如何是極則？師云：却被汝道著。

又問：五識相分色。師云：色聲香味觸眼耳鼻舌身。冤家自有對，何須問別人？又問：仁者心動，因緣？師云：風動與旛動，休言未是真，不識心何物？於中有主人。又問：黃蘗吐舌，因緣？師云：聞時富貴，見面貧窮。纔聞吐舌，三日耳聾。問悟之境，界師可方便？師云：姑姑問嫂嫂，哥哥偏汝親。嫂答姑娘道：他時自識真。又問：讓公答馬祖打車打牛，因緣？師云：打車與打牛，親疎自須辯。錯認四大者，更須著方便。又問：梁主問誌公安樂？師云：渾身是病，疑求藥，薰口塞個熱鐵丸，吞吐未能，心痛快，全身跳入裏頭看。又問：大通智勝佛十劫坐道場，因緣？師云：權時得個破帽子，眨眼須知用掉。却若還守住，不解放，錦繡夜行誰省著？又問：有大人力，爲什麼擡腳不起？師云：那羅自謂力無敵，百戰

場中逞奇特，眉毛眼上無多子。盡力猶云道不識。

僧問：溪山仰山摘茶次，一日得體，一日得用，爲是虛爲是論實？師曰：擔板漢。僧問：如何全體大用？師默然良久曰：我欲與你說，恐失妙用。僧禮拜。

僧問：和尚嘗教人識取頭，請問如何是頭？師云：你且知有，問如何是尾？師云：知有，到不知有，問有頭無尾時如何？師云：大虫變老鼠。問有尾無頭時如何？師云：乞兒誇富貴。問頭尾相稱時如何？師云：國王修布施。問無尾無頭時如何？師云：盲人爲導師。

師在雲棲代講戒疏，發隱至不敬師友，戒引韓退之見大顛，因緣時有座主聞之，斥曰：爾江南禪和子，專要弄嘴頭，講甚麼宗？前者勝期如此，我已斥令不敢。爾何等人，輒敢爾耶？師曰：汝乃雲棲堂上法師耶？我有一問，若道得，則可。若道不得，莫道我講宗好。經云：若以色見我，以音聲求我，我是人行邪道，不能見如來。汝適來見我講宗者，謂復言談語句是講宗耶？謂復拈槌豎拂是講宗耶？若以言談語句是宗者，則汝以聲見如來；若以拈槌豎拂是宗者，則汝以色見如來。

於此二處見如來則汝是邪道。離此二途則何處見我講宗來座主。不能對傍僧云。請上座代轉一語。師徐步入禪堂。衆云。原來只學得問人自己。也道不得。西堂云。他向汝道了也。師拍掌云。原來有人在。有僧誤將七佛偈爲廁紙求懺悔。師曰。此不須懺。料汝再無第二紙。只將你早間懺了。晚間又作的來。懺懺僧慚色而退。

有僧觸怒師。師持杖趨逐至僧床前。僧倒臥叫喚云。病痛饒饒。師云。你將手來。我看看脉。看隨與贖藥。衆俱失笑。

俗人問色欲難戒奈何。師云。你戒酒否。云。已戒多年。師云。戒後曾犯否。云。不曾。少犯。師云。如是則戒色亦當如戒酒這等戒去。

一日師入菜園捉菜蟲。一握傍僧問云。是甚麼。師卽兩手擦殺蟲云。這業障。這業障。進云。和尚爲何殺生。師云。你償命。你償命。

僧問如何八幅羅裙著地拖。師云。只因他腳長。師入堂示衆。若論此事。如糞堆裏一顆夜明珠相似。

首座進云。只如不識明珠者。當作麼生。師云。是汝不識座云。謝師印證。師云。莫塗污老僧。

僧問如何是學人安身立命處。師曰。問這等大事也。須禮拜僧禮拜起。欲問師曰。是汝不知安身處。那僧欲再問。師低頭隱几。

僧問。殃掘摩羅救產難。意旨如何。師曰。佛也不曾爲人生得下。僧云。某甲不會。請師一頌。頌曰。陽和無意轉人間。萬卉千花盡放顏。不識文殊何所謂。前三三與後三三。

幻有舉古人須將惡知惡覺并奇言妙句一切放下。空空然放一話頭。參取問師。師聞舉至一切放下句。處便連聲云。好阿好阿。及舉至放一話頭句。未竟時。便應聲云。又被風吹別調中。

博山僧道開問云。世尊拈起迦葉微笑。笑個什麼。師云。喫茶。僧云。喫茶後如何。師云。逼殺人。僧云。麻谷參章敬道。是是處如何。師云。拈一放一。不是好手。僧云。南陽道身心一如。心外無餘。在和尙分上如何。師云。心外無餘。僧云。此是忠國師的。與和尚何干。師云。

既是忠國師的。因甚麼在我口中。出僧云。和尚可布施學人。師云。我耳聾。僧云。趙州道狗子。無佛性。當真是有是無。師云。趙州止得一個牙齒。僧云。當時這僧已到什麼田地。十二類衆生。都不問緣何。只問個狗子。師云。汝作奇特會麼。僧云。此事在和尙分上如何。師云。我比趙州多兩個牙齒。僧云。和尚今日著賊也。師云。算家事。漢有什麼長處。僧云。適來南陽公案。請和尚頌。師云。擡頭不見天。低頭不見地。前之後之。左之右之。噫。對面無他語。你是何人。我是誰。次早進方丈。師云。博山開堂示衆。試舉似看。僧云。夫子欲寡其過而未能也。師云。此是他本分爲人處。僧云。誰的是。和尚。師云。我這裏教人化緣。僧云。德山臨濟都拈却。子胡家風。試道看。師云。不必重宣。此義。僧云。請和尚道。師云。道過了也。僧云。再道。師云。拏繩來。僧云。毫釐有差。天地懸隔。全眞法界作麼生。師云。毫釐有差。天地懸隔。柳鴈田居士問世尊上堂意旨。爲復是陞座處。爲復白槌處。師應聲與一掌。士云。分明拘賊破家。師曰。還

要第二頓解

柳居士呈偈曰。是什麼是什麼。對著家尊莫問爺金不換金。隨處使從來常御白牛車。師覽畢問曰。且道趙州勘破婆子。甚麼處是勘破處。士曰。壁外葢茅屋。師曰。不是。更道。士曰。雷聲甚大雨點全無。

會稽雲門湛然澄禪師語錄卷第六

會稽雲門湛然澄禪師語錄卷第七

門人 明 凡 錄

吳興 丁元公

山陰 祁駿佳

編

請示

僧參云。求和尚開示。師曰。菩薩初發心。便登正覺。汝發足處。早已開示。更教我說個甚麼。

翰林王聚洲居士問曰。某亦嘗於楞嚴留心。頗有透處。但於一人發真。歸元十方世界悉皆消殞。未能痛快。比如來豈非發真歸元者乎。既發真已。世界何

不消殞。若消殞。則大地衆生無立脚處。何更云如來與諸天人同在祇桓精舍而說法乎。若不消殞。則如來誠實之語。豈有不足信耶。師曰。如來且置。只如公於大明之下。驟然走入暗室之中。還能見有許多世界也。無曰。若驟然走入。惟見暗黑。別無可見。師曰。若諸不入者。還見世界否。曰。見。師曰。何以彼見而公獨不見乎。曰。繇明入暗。暗生明滅。故惟見黑暗。而不見山河大地。彼不入者。明相宛然。故無不見耳。師曰。一人發真。例如一人入暗。與相類否。曰。是正相。類。師曰。如此。則何疑一人發真。而世界不消殞乎。又如十人同作一夢。間或一人獲醒。一人世界全消。彼中九人受用如故。十人同醒。則十人世界全消。不可以一人之醒而撥九人之有。亦不可以九人之寐而疑一人之無。惟證乃知。難可測也。曰。如師所論理。固頗通。何以世尊亦倚靈山說法耶。豈有如來未曾發真者乎。師曰。如來者。無所從來。亦無所去。故名如來也。住靈山者。逗應羣機。猶水中之月。豈實有耶。狂獫無知。妄心欲取。而且不知水中無月耳。衆生以肉眼觀佛。以

爲佛住靈山。若以慧眼觀。則證諸法如義。不知何者是佛。何者非佛也。雖然。又般若經云。無眼耳鼻舌身意。無色聲香味觸法。無眼界乃至無意識界。三者既無。則自己尙無處所。何處得有世界山河大地。故云十方世界。猶如手中所持一物。返觀父母所生之身。猶彼空中吹一微塵。若存若亡。以此而觀。明若日星。而公於此處。豈不爲痛快哉。所以不能痛快者。但於文字著脚。而不返照自心。致使分別成謬也。故肇法師云。會萬法歸於自己者。其惟聖人乎。僧問某甲。用功似有箇見處。祇是有疑。師曰。見箇甚麼。僧云。見自心。包含世界。師曰。自身。僧云。亦在自心中。師曰。若恁麼。見我顯聖寺。卽今做甚麼。僧云。身中總一片。無所隔礙。師曰。還見隔壁事麼。僧問。見聞知覺。是心不是心。師曰。若是心。云何叫做見聞知覺。知若不是。心應同外物。云何知是見聞知覺。知而終不云他見他聞。於此正好著力。參久自有悟處。師復云。一不得別求玄妙。二不得希望證聖。三不得怕怖生死。四不得撥無因果。

僧問和尚教人不思善不思惡只恁麼去三十年不出山我稱是人真善知識學人一聞此語疑信相半信者信今誠實之言疑者古云草木食若不思立異於深山野人者幾希又云大事未明如喪考妣大事已明如喪考妣何故和尚教人不思善不思惡只恁麼參不惟不敢承當亦難使人信受師云汝信我言不能盡記古語疑信不能不半耳昔者能大師向道明曰不思善不思惡正恁麼時阿那個是明上座本來面目繇是明公豁然大悟汗流夾背既悟便不同於深山野人吾言非爲謬矣如云大事已明未明皆如喪考妣者良繇道力未充命根未斷故於已明未明生疑若向父母未生前看破則無此問矣

僧問和尚嘗言昏沉卽解脫散亂卽清淨但於學人分上恰有不相應處昏則忘懷散則浪蕩既昏散不妨於道何故經云除睡嘗攝心能生諸禪定師云風雲雷雨天之妙用昏散運用人之嘗情執風雲而昧天體執昏散以迷真心自成顛倒若悟本心一切皆名妙用教有明文非吾臆語苟未見性妄認假名自

成迷背所以勞他古人多方抑揚隨時破立故曰無有定名阿耨菩提汝真有意於此當力窮見性一念開明但有言說俱無實義思之勉之

問悟道之人還假修行否師云正好修行何也法身乃證得報身從修得曰恁麼有兩個耶師曰我不說有兩個亦不說一個法身者卽自己也經云譬如有人百骸調適忽忘我身微加針艾卽知有我知證義報身者猶如衣服實從辦得若說是我身如何又脫得著得若非我者被人盜去云何又云被人盜去僧問某甲卽今如何用心則是師云無所用心處是汝用心以無所用心是真用心義又云汝是讀書人豈不聞有所好樂則不得其正比如行路人有拄杖子則不得自在若有所擔負則不得自在要自在者豈不是空手行也又云無言是天地之至言故曰天何言哉春到則普天匝地皆春可不信乎

僧問某甲欲修行不知把柄求和尚開示師云汝要把柄做甚麼譬如人之眼睛可外求得麼縱汝外求可得的卽是可失的

岳石帆居士云。雲棲和尚。度許多好和尚。好秀才。在會下。我所以不肯他。師曰。聖賢嘗受屈。士云。何謂也。師曰。莫我知也。夫子欲無言。蓋因無當機之人。自摩其背。發此長嘆耳。士曰。此是方便遮護語。師曰。是非相諍。他總不起。須是我爲後學者發其蘊奧。士云。我非強抑。昔時曾親與他諍論。師曰。昔時諍論。今須嘆。始見居士有天神不測之妙。士云。你是雲棲和尚。那師曰。我是弟子。士云。讚嘆你。卽是讚嘆雲棲也。師曰。居士莫塗糊人。好士又指大眾云。你等當看這個和尚。師曰。他終是不信你。祇是看自家。士云。當今佛法寥落。須盡力爲之。師曰。天地間自有時節。因緣非某能爲也。居士唯唯。

問西方是有。是無。師曰。無。曰。經云。從是西方。過十萬億佛土。有世界名曰極樂。既有方所。那得言無。甚違經意。師曰。不道事中無。祇是理上實。無經文分明。是你錯解。佛者覺也。士者覺知之也。也十者圓足之數也。今言十萬億佛土者。蓋言超數量覺。炤之地。有極樂世界阿彌陀佛也。然何以要超數量覺。炤耶。蓋纔

有動念。便屬數量。纔有數量。卽受煩惱。不名極樂矣。纔有覺。炤卽取捨。有取捨。卽受生死。不名本性。無量壽佛矣。是故禪門直指一念未生前。又云。父母未生前。乾坤混沌。時洪濤未判。時也只說得數量覺。炤不及之地。豈別有旨也。法華經曰。塵點佛剎。前有佛號大通智勝。如來且塵點佛剎。豈容思議哉。苟容思議。惡得名爲大通智勝乎。如是一大藏教中。莫不指歸數量覺。炤不及處。是自性天真之佛。無別有佛待你成也。故或曰。不可說。不可說。劫前有佛號某。或恒河沙劫。或不可思議劫。或無量阿僧祇劫。前有佛號某。一皆以超數量離覺。泯炤爲是也。汝何得循文背旨。失佛本懷。是則爲滅佛種也。曰。然則超數量離覺。泯炤何者是。本性無量壽佛。師曰。恩。大難酬。速禮三拜。曰。若然者。則古人例有證驗。豈虛說耶。天樂迎空。或異香滿室。或化佛現前。或蓮標姓字。將謂邪魔所作乎。師曰。非謂虛說。亦非邪魔。此乃慈父勝方便門中之事也。蓋謂三乘厭苦。菩薩說此淨土之門。實爲權誘。漸漸引歸一乘。故有佛來迎。有我生去。

彼此歷然淨穢迥異。是佛權門。豈爲實教。故法華經云。是諸佛世尊更有異方便。助顯第一義。異方便者。卽淨土三乘等教是也。第一義者。卽一乘實教是也。故經云。十方世界中。唯一乘法。無二亦無三。旣云一乘。豈有去來淨穢之可間耶。故華嚴經始終一際。因果同融。微塵刹土。總一法界。會六道四生。同入佛乘。故論曰。十世古今。始終不離於當念。無邊刹海。自他不隔於毫端。信實則善財一生頓證。滯權則身子多劫難成。故予前所論者。非爲杜撰。出是實。宗子所難者。亦非謬問。依佛權設。然予非實人。但知教道可宗。與子稱性而論也。

雲鶴居士問念佛得生西方否。師曰。得。曰。何以得生。乎。師曰。予亦不知。何以得生。汝但念佛。不患不生也。佛如最上醫王。撮略羣書。合就靈丹。誠能服之。自然療病。不必究其方之是非也。曰。卽如丹藥。修合必有原。蘇念佛。豈無因。耶。師曰。譬如甘草解毒。大黃發瀉。或有人問。大黃何以發瀉。雖醫王有所不知。而大黃實能發瀉。故予亦曰。念佛不知何以得生西方。而念

佛實能往生西方。雖教中云。阿彌陀佛。因中願力所致。亦三乘權誘之言。要非大乘稱性之語。何也。譬如箭穿石虎。竿發寒林。未審誰假願力使之然也。若無自心之誠感。而欲究其所以然。吾不知其然而然矣。鴈田柳子問。經云。如來一音演說法。衆生隨類各得解。爲是身變耶。爲是語變耶。若是身變者。則如來應默然如不默然。何緣得解。如牛犬之有聲。如來亦應具嚙吠之聲。如不嚙吠。何緣得解。如其不然。何以稱隨類也。師曰。如來非身變。身相如故。亦非語變。語相如故。以其不變。故能隨類各解也。何也。如其有變。則在天非人。在人非天。豈能各應也哉。譬如世之演戲者。豈有變也。然羣聚而觀之。仁者見之。謂之仁。智者見之。謂之智。風流者見之。謂之風流。闊諍者見之。謂之闊諍。乃至禮義廉耻。孝悌忠信。善善惡惡。是是非非。各適其適。莫不稱益。退謂人曰。此戲唯孝。唯悌。乃至惟風流。惟闊諍。不仁不義。豈戲者有異乎。實乃觀者各解其自心耳。雖然。須知有不變而變。變而不變何也。卽如戲之於戲也。謂其有變。則戲者安有二心。

謂其無變則觀者何能各解一幻戲如是法亦復然而況於佛乎是以耳聰者善聞琴瑟之妙眼明者特辨玄黃之精然琴瑟不爲聾者所移玄黃不爲盲者所惑而聾盲自異其猶大海汪洋莫能窮隨力大小取之有多寡而海不爲之增減佛法浩翰終不能利鈍解之淺深而法不爲之是非各解繇人佛豈爲親疎哉

居士又問眞卽是妄妄卽是眞眞妄既不有二何以令人除昏遣妄而集於定慧也譬如水不離波波不離水寧有離波之水不濕之波乎今云斷妄證眞便同離波求水非惟不能證眞愈且增其虛妄故曰斷除妄想重增病也若認妄想卽眞不必斷除經又云妄盡覺圓又曰衆生皆有如來智慧德相良繇妄想執著不能證得楞嚴經中十因六交莫不皆繇妄想而受輪迴斷者不是縱者亦非如是難明之義惟師決之師曰眞本不有因妄顯眞妄本不生依眞而起故曰因迷迷覺不生迷凡聖人設教猶良醫用藥豈執其方先欲破妄而眞妄對破故曰妄盡覺圓次

欲破執眞妄俱卽而亦妄眞俱非故曰斷除增病也蓋欲自契本心耳如能悟旨則非是勿經於口眞妄空自有名矣今時儻侗之師強欲以名言自得執此卽妄卽眞而自負不知舉意卽乖其宗矣而人或詰之復引卽水卽波之句以強釋是豈達方便之門乎且如水果是波也耶水果非波也耶夫水本無波繇風所作狂風所吹曰濤大風所吹曰浪嘗風所吹曰波微風所吹曰紋其悠悠漾漾千名萬狀莫不皆繇風使之然也水果是波則無風之時恬然清淨波相不有波相不有應非有水水果非波則陸地無波之處凝然不動不動皆應是水如此則水陸無分世界不成安立夫眞本無妄繇境所作順境所感曰喜逆境所感曰怒違境所感曰哀美境所感曰樂其紛紛紜紜莫不皆繇境使之然也眞果是妄六根不到之處泯然無知境相不有境相不有應非有眞眞果非妄則日用交錯之際杳然忘返念相遷流念相遷流眞應是斷今推其波有時有繇乎風作有時無繇乎風息作息既繇其風則水體凝然不動矣如其有動

則水具心識。如其有心。則水應自言。我能動耶。我能靜耶。我能生波耶。波非我是耶。波即是我而我即是波耶。而水不能自言者。以其無情耳。無情則無動。無動則無所不動。故曰江河競注而不流也。吾心與真妄雜出而不能辨者。亦猶波之作息。濫於水而不能分者也。波既作息。絲風非關於水。則此真妄亦皆絲境。而豈關於心乎。然則波耶水耶。真耶妄耶。不分而分。分而不分。惟宛轉消歸自己而已矣。不然則不能免其隨言生執。又安能自了哉。

問無明即佛性。何謂也。師曰。無明佛性同出根本。知中各無自體。以佛性無體。迷爲無明。無明無體。悟爲佛性。非佛性外有無明。亦非無明外有佛性。惟迷悟使之然耳。猶如日明夜暗。同住虛空。循環往復。各無自體。苟知無體。則無明即明。若執有佛性。則明即無明。不著不拒。則超然自得也。故曰功德天黑暗女有智主人。二俱不取。義可泮然矣。又問煩惱即菩提。何謂也。師曰。梵語菩提。此云知覺。若煩惱異於菩提。則煩惱菩提各不相知。若菩提異於煩惱。則菩提煩惱

各住一際。各住一際。則菩提自菩提。誰住菩提。各不相知。則煩惱自煩惱。誰知煩惱。以菩提不異煩惱。迷菩提爲煩惱。以煩惱不異菩提。知煩惱即菩提。蓋知之爲言覺也。故曰知則不爲冤。雖然若將個和即菩提。蘊在懷中。便名煩惱。故曰知見立知。即無明本直。饒知見無見。斯即涅槃。猶未脫略何也。蓋此事直須妙悟自心。不在言宣耳。

陶石簣居士問師在此作麼答曰。看華嚴合論。曰師在室中著此小小境界。當看是論曰。不然。却是室外者。更當看也。曰何謂也。曰居室者。必知室外有空。室外更有空。可謂小不迷。小大不著。大內外該融。小大相入。只恐在室外者。迷此六合一總之空。不復知空外有空。界外有界。豈知華嚴法界中。十方各具不可說不可說。佛刹微塵數世界。外更有不可說不可說。佛刹微塵數世界耶。故當看也。居士曰。多知多知。太史又問曰。師於禪門用力久矣。而夢昧爲有。無耶。如或有之。何方以制之。師曰。世稱無夢者。有三焉。一者七住已還。想陰已盡。此乃定力所持。故得無夢。證

者之事。經云。想陰盡者。夢昧俱息。猶如晴空。二者用功真切。寤寐恒一。信力所持。故得無夢初心之事。如服丹藥。壽千萬年。非是本有三者。倦勞之極。或無明濃厚。失憶爲忘。妄謂無夢。非實是無。深成不覺。愚者之事。予於三者。未有取焉。何則。世之人。徒以夢爲夢。覺爲覺。而不知覺卽夢。夢卽覺也。若覺是實。則無入夢。若夢是實。應無有覺。居覺非夢。居夢非覺。猶明暗相傾。何有自性。別有國土。夢五十日。乃得一覺。彼得不爲夢。是而覺非者乎。如是。則我世界中。曷嘗非夢。而曷嘗非覺乎。以此而推。則彼定力所持。是名假惺。惺信力持者。是名強作主。諸佛成就夢中佛事。所謂說夢法度夢衆生。開夢方便。坐夢道場。現夢神通。入夢涅槃。菩薩修夢。萬行獻夢。供養聲聞緣覺。得夢解脫。入夢禪定。人天三途。夢受果報。入夢生死。爭夢人我。說夢是非。造夢惡業。轉夢輪迴。居士與夢。問山僧起夢。答縱之。亦夢制之。亦夢止之。亦夢作之。亦夢說。到此間。忽見那吒太子。執降魔杵。當頭一揮。雖覺腦門磕碎。猶未醒在。

魯豫樁朱交蘆諸子過訪問曰。經云。世界山河大地。皆因妄想結成。是否。師曰。然。日和尙爲我想得一錠金。否。師曰。得。曰。何不與我一見。師曰。子嘗於閒寂之時。也想杭城。否。曰。想。曰。正當想時。彼處樓臺殿閣。人物街道。皆儼然。否。曰。然。曰。既然如是。何不拈出來。與山僧一看。曰。然。則然矣。只是拈不出。曰。若然者。子尙拈不出。爭教山僧又能拈出。與子看。子如一想。則有一城景。儼然在目。若干想。萬想。則有千城萬城景。致各各儼然在目。彼亦不來。此亦不去。不來故彼城非無。不去故此想非有。以非有非無。故各住一際。各住一際。故一人想。則城現。一人想中。若干人萬人想。則城現。千人萬人想中。曾無定體。不因一人想。而城爲之一。不因多人想。而城爲之多。故曰。非如非異。非實非虛。非如故。非一非異。故非多。非虛故隨想成。辨非實。故想處不眞。子如一念不生。山河大地。當下泯絕。何處更有山河大地。來是知一切皆隨想念建立。故云。三界惟心。萬法惟識。豈虛語哉。有新戒欲募緣造寺。謁師。師誡之曰。大抵出家人要。

以生死爲本。福緣次之也。昔者楊岐老人親總十年院事。及住錫岐屋頽壁敗。門人欲修飾之。老人誠却之。蓋老人親從此中過來。艱辛備歷。乃有此語。可謂曾爲浪子。偏憐客矣。今之人不聞如是之訓。纔出家來。把個脚跟未穩。話未向一邊。祇欲幹辦緣事。以消歲月。倘因果一差。失脚三途。經劫罔返。此事且置。祇如因果正。福享人天。何曾不云。迷中倍人。何也大。凡人都被善惡二種因果輪迴六道。自己佛性終成迷背。故曰。作善則善現。作惡則惡現。真心則隱沒。豈不見梁武帝問達磨云。弟子造寺度僧。有功德否。磨云。實無功德。功德在自性中求。豈外求耶。如此則我出家人不以生死爲念。向自性中求可乎。曰。然。福德亦不可少耳。如某某修營寺宇。曠怒無當。人不爲過。豈非福力所持耶。師曰。實非福力。乃魔持耳。聚柏曰。一念曠心。起百萬障門。開修菩薩行者。慎勿起曠。苟有一毫曠念。則有一分曠怒。魔增其勢力。捨命之後。繼有福德報爲大力鬼王。并修羅夜叉之類。福消報盡。還墮三途。曰。起曠如是。未審修道。還有加勢力也。

無師曰。有華嚴經十住十行十向十地菩薩。各有如來威力。加被說當位法門。是其義也。曰。若然者。佛與魔果何物耶。而能與人勢力。若是師曰。本非外物。皆自心之力量。爾如然故也。譬如世人燔燒屋宅。亦用火蒸羹飯食。亦用火燒煉丹藥。亦用火凡用火之時。各有一分自然風力。與之俱發成熟。其事燔屋邪也。羹飯正也。煉丹道也。風火皆無分別。而能隨事得失。亦猶佛魔無有分別。而能隨心是非。藉風發火。因事成事。皆不得而異也。良繇真如不守自性。隨緣成熟。今人不了自心。嘗隨境轉。魔得其便。牽入惡道。皆繇未明佛性。自無作主使之然也。豈魔佛云乎哉。如此則子所言福德亦不可少。其可信諸不可信諸。有客游禹陵。過訪問曰。彼中有窆石甚異焉。師曰。何謂也。曰。始吾於無心之際。推之則動。其後著意推之。則不動。其故何也。師曰。破色心論云。佛說心力最大。水無香。故動作勝地。火無香味。故動作勝水。風無色香味。故動作勝於三大。心非四大。故動作勝於諸大。是知無心之力。無有限量。其量能轉天爲地。轉地爲。

天大中現小小中現大一爲無量無量爲一故淨名以不思議目之夫不思議豈容有心乎心思一萌則屬分限矣昔者鳩摩羅什年七歲時隨母往燒香寺中有鉢鉢可受石餘什卽置之於頂乃作念云鉢甚大我年甚小得無重耶不覺失聲鉢尋墮地母問曰何也什曰我始無心置鉢於頂不覺其爲重無端分別鉢大我小寧無重乎卽覺甚重力不能戴故失聲耳是時羅什卽悟萬法皆惟自心無有他物以此而推子之始也無心故能動石次也有意故不能動耳是以箭穿石虎非人力之能爲酒勞三軍豈麴蘖之成就是皆本乎無心神而應之略著思惟卽已不堪也吾知諸佛凡夫本不相隔但十二時中其神機注發不能自知耳

只立居士問格物物格意旨如何師彈指三下曰某甲特來禮拜求脫生死師云居士未發足之前會得方脫得生死於今開口已錯了也不見古人道望州亭與汝相見了也烏石嶺與汝相見了也僧堂前與汝相見了也一念發心是汝脫生死處一路而來是

汝脫生死處士禮拜而出師喚云來來我再向汝道士回首師云我向汝道了也士擬議師云去明日來僧問離心意識參絕凡聖路學某甲無奈心意識混擾不能直進乞師方便師云還識心意識麼曰不識師曰識尙不識欲離何物譬如世人結冤而欲遠離必先知其結冤之繇然後與之遠離

僧問古人道離却心意識絕却凡聖路然後有參學分某甲欲離心意識未能何也師曰心意識作何形狀有甚冤尤汝欲離他送至何方僧曰恁麼則無心意識耶師曰汝適來要離心意識如今又怕他無那汝知之乎夫心意識者聿起名心思惟曰意分別曰識名雖有三其體惟一惟一之體其性無生無生之性應用有別故立三名能一念不生前後際斷尙不名一何況有三學者循言背旨起心動念皆歸迷悶若不妙悟真源終無自濟之曰故古人多方提唱無非欲令人忘心頓證誰知反起心識牽動前塵致使醍醐翻成毒藥可悲也夫

明融問某甲看個拂子放下因緣只是教人休歇去

莫是化城事否。師曰：不是。你看他古人問如何是法身。豎起拂子。如何是法身。向上事放下拂子。豈可作放下論耶。若真正悟明。放下不放下。總是閒話。所以道末後一著。始到牢關。絕後再甦。欺君不得。

僧舉趙州狗子。還有佛性也。無州云：無。某甲看經數年。並無入處。未審和尚有何方便。師云：汝疑向有無處著脚。那曰：某甲不向有無處著脚。師曰：你豈不曰蠢動含靈皆有佛性。狗子何謂無佛性耶。作此疑否。曰：然。師曰：不然。要會這些。須向此老未開口已前會得。始獲安樂。若向他舌頭下會取。直饒千萬劫。並無會時。何以故。此事不在語言上。故也。

僧問丹霞劈佛和尚。鑄佛是同是別。師曰：丹霞劈佛和尚鑄佛。僧擬再問。師曰：似欠伶俐。首座曰：是便是。只是與古人相違。師曰：前人已納敗闕。你不可復踏。故穿若要安樂。直似嬰兒相似。始得恁麼。所以寶鏡三昧云：如世嬰兒。五相完具。不去不來。不起不住。哆哆有句無句。終必得物。語未正。故到恁麼地。始獲大體。更得大用。始可爲人。

內翰黃慎軒侍御左心源給諫蕭九生尙寶劉自明同會於白雲觀。慎軒問古人云：學道之人不識真。只爲從前認識神。無始劫來生死本。凝人喚作本來人。只如真與識神作麼生分別。師曰：此極易耳。但未獲一番妙悟。似難辯白。且如教中云：有分別是識。無分別是智。卽此一語得失相半。何則。蓋所謂但落言思早已不是。實惟親到一番爲妙耳。只如山僧在超之時。有人問予上京之程。予嘗答之。所謂北關而至於蘇州。鎮江。淮安。濟寧。臨清。以及張家灣。進海岱門。雖與人說實未曾到。而心中未免惶惑。今也既已來。此始知前之所說不謬。惶惑之心不待制而除之矣。人或問之所答如前。祇我一人名同境同言同句同其間一真一假不待辯而明矣。是知前之所說似是而非。所以不能自盡其疑也。今之所說親到了。然所以是非不能及也。故古人石火電光之機。接於人者。蓋欲其親證之也。苟能親證所謂真耶。識耶。亦不待辯而明矣。

司業傅商榷問曰：某於禪門用力久矣。亦嘗有悟對。

機問辨之次未能痛快。不知過在何處。師曰：公之所難，難在爲人而獨不知難於自爲也。故吾嘗以二事驗人而未見有透之者。何爲二事？一者驗於文字，夫文字卽諸佛言說法身也。汝云：「悟者悟自心也。」自心卽是佛心。既悟佛心，當解佛語。既解佛語，便能於諸佛所說經教諸祖差別機緣一見了然，無有疑惑。如或有疑，則所言悟者未必然矣。二者驗於自心，於日用應酬之際，似有一分作主爲物所寄，是誠不覺。此且置。只如離物寂靜之時，跏趺坐禪之際，中間似有一物上下往還，所謂是是非非，得得失失，疑疑惑惑，惑取捨捨還得安帖否？如或安帖，則盡世間所有草木盡化作人，一人具無量舌，一舌具無量問難，一一問難具無量差別，非前非後，一時問來，只消彈指一下，悉皆答之矣。可謂得大無畏，具大自在，問或未得安帖，何必云對機應酬之際未能痛快？當然無事之時，早已諸訛了也。故曰：人許我易，我自許難。又曰：惟人自肯，乃方親公，宜勉諸。

太常趙石梁問曰：吾家新喪二孫，不覺心動欲歸一

是非
是非
一作

探師曰：公有靜功，可持云何？心動曰：雖有靜功，遇境不能不動。未知過在何處？師曰：譬如琉璃乃世間之至寶，有人持之不捨，孜孜護惜，是人豈無食時睡時？屆時倦時，當是時也，釋之不可，持之不可，何也？持之妨事，釋之防碎，於是取捨惶惑，有不勝言者。爭如不貴琉璃，手不持物，於一切時縱橫自在，任運施爲，無往不可，較彼寶琉璃者又何如耶？所以諸佛拔凡夫五欲亂心，但以方便言說而教導之，使之發心，拔二乘偏空定心，必以不思議神力而激動之，然後發心。故迦葉云：五欲凡夫於無上道而有返復，我等皆無。又云：一切聲聞聞是不可思議解脫法門，皆應號泣。聲震三千大千世界，我等何爲永絕其根於此大乘？已如敗種，以此而觀，則知公有靜而有不靜。若凡夫者，無靜則無不靜，故曰：一切凡夫本來圓覺，易曰：百姓日用而不知，莫不皆言本來如是，擬心趨向，則非是相乖矣。太常曰：這個意趣畢竟如何？師曰：如來臨滅度時，大衆不勝其哀，是諸菩薩天人國王後宮夫人并婆羅門各各以上妙供，倍倍增勝，持以上佛而

皆不受純陀者。工巧之子。無一物將來。何以如來受其最後供養。記彼滿足檀波羅蜜。蓋如來極唱最後之微意耳。且如來入滅度者。根身器界。正報依報。一切盡捨。乃名滅度。而諸菩薩。既有以持來如來。欲何受乎。設有受之。欲置何所。故純陀無物將來。正適如來無受爲正受矣。般若云。須菩提。若有法如來得阿耨多羅三藐三菩提者。燃燈佛卽不與我授記。汝於來世當得作佛。號釋迦牟尼。以實無有法得阿耨多羅三藐三菩提。是故燃燈佛與我授記。作是言。汝於來世當得作佛。號釋迦牟尼。以此類彼。如合符節。故香嚴曰。去年貧。未是貧。今年貧。始是貧。去年貧。無卓錫之地。今年貧。連錫也。無類而推之。則知香嚴老人非無原矣。

嚴印持居士問曰。今人參禪。皆有錯認者。過在何處。師云。如人失却一包銀子。左尋右尋。忽然尋著一包珠子。也不認。尋著一包金子。也不認。畢竟尋著自己這一包方纔說是了。士云。倘渠尋著金珠時。便認了如何。師云。除非是渠欺心。要他的纔認。

書問

答德王

客歲重蒙頒賜垂念山禪。何以克當。又承下問。愧不能深慰聖懷。聊裁寸忱。諒大王已洞鑒之矣。山僧向欲上京請藏。特謁聖顏。面陳衷曲。余爲南北衆友。苦留兼聞。遼警故中止耳。茲者。蘊真來重蒙慈賜。感荷無已。惟炷香佛前。祈祝洪福。萬安。壽固天地。道德彌高等。泰山之偉。羅見知朗。豁似滄海之淵。深位齊不退心。契真如總法界。以爲家。視四生若親子。此卽山僧之所禱也。蘊真回先肅此。啓餘容面報。承問生死到來如何。預知時至此。則不難。若能念念了達。目前生滅。凡起一念。凡滅一念。俱要了知。則生死不待預期。自然瞞不得矣。故古人有言。死時應盡終須盡。坐脫立亡。唬小兒。酪出乳中。無別法。死而何苦。欲先知。但時中不可差過也。二問。死後杳無踪跡者。譬如大王睡熟時。亦嘗做夢。不四體調適。不動與死何異。然則夢中所有善惡。是非苦樂。得失了了。不昧。豈盡無踪跡耶。但他人不見。以之爲無。自己則未

嘗無也。三問善知識。臨終有病者。此所謂異熟業也。夫知識。祇此一生。則永出三界。所有曠劫積集業債。於此畢。耐不待再來也。如人遠去。不返。所有陳債。俱要索還。如不遠去。債主不急索。此必然之理矣。凡夫無病而有預知者。有二種。一謂多生所積戒殺功成。二爲報其現生無事真實。必非詐謀多事者能之也。四問枯骨埋塋。有吉凶者。教中所謂名言習氣也。諺曰。一人傳虛。萬人傳實。況人身四大共稟五行。順則爲吉。逆則爲凶。豈特枯骨爲然。架屋造船。皆有休咎分焉。五問坐禪。閉眼閉眼。皆不論祇要念念不昧了。嘗知自然寂不失。炤作得主宰。故曰。不論禪定解脫。祇要見性。此之謂也。六問雜念紛飛。如何作觀。古人有言。以紛飛之心。窮彼紛飛之念。窮之無處。彼紛飛之念。自然無矣。此乃還源之妙觀。非彼觀動觀靜觀。彼觀此之可比也。七問身中果有三魂七魄。不知有魂管尸骨。不此皆聖賢指凡夫迷一眞性。枉受輪迴。不了自心。作一多解。故曰。原是一精明分。成六和合。如能獲悟。則一根若返源。六用成解脫。又云。尙非

其一何處有六。一六既非三七。何有不可以迷爲解。自起深疑也。八問身中十二宮辰。此本玄門外道執色身爲自己者。作此說也。不聞老子云。吾有大患。爲吾有身。若能了悟。能依之色身。不有則所依之十二宮辰。何在。亦不可執。無有身。落於斷見。何則。人人有法身常住。不生不滅。備之在我。終不繇他。儒云。未知生焉知死。又云天開於子。地闢於丑。人生於寅。究之於未分。已前混沌。已後惟一虛空。何有十二宮辰。天地可譬人身。虛空可譬法身。迷成兩途。悟惟一致。所謂三魂七魄。十二宮辰。不可執其定有。定無也。拙禪管見如此。惟大王鑒之。於文字語言之前。自知曠劫已來。無有一物。一名可稱。外有直下孤明。獨立無物當情。縱橫去住。豈讓於佛。諒大王早見及此。爲愍末世衆生。故作此問。發明向上大事。示彼苦海舟航。眞菩薩之再來也。柰貧道智淺才疎。不能少副所問。爲慚爾。

再答德王此在初答

丙辰之秋。續眞過訪於嘉禾之福城。備道大王歸向

三寶廣修福德。山僧已知非今世之事。皆緣曩劫修來。不則皆爲富貴所迷。五欲所戀。罔知返本矣。今卽此不忘之心。便是大王本來面目。自己主人公也。山僧特以拙刻并書數語呈覽。諒大王亦已悉知。今者復蒙施金。顧問意欲辨明真僞。山僧讀之汗顏。未敢加答。然亦不敢違背聖意。但以平日所學所見者。少歎數辭。以慰來問。念佛不能開發聰慧者。第恐心不誠。誠則明矣。譬如水濁失鑒。清則毫髮不可昧也。然大王心志勇猛。直欲向洪波浩渺白浪滔天處。奪驪龍之珠。截犀兕之角。故以明心見性爲問耳。所言心性者。一身之主。謂之心。心能變化。謂之性。以心能成佛。心能成凡。心能造善。心能造惡。造善者則生天堂。造惡者則墮地獄。心起邪見。則落外道天魔。心修四諦十二緣。乃至六度萬行。則名三乘。若能圓見自心。則法界皆我。自心曾非他。有故謂之佛。以覺自心。故也。昔者異見王欲滅佛法。宗勝往勸不能。波羅提救之乘雲而至。時王愕然問曰。乘空之者是正是邪。提曰。我非邪正。而來正邪王心。若正我無邪。正王又問。

曰。何者是佛。提曰。見性是佛。王曰。師見性否。提曰。我見佛性。王曰。性在何處。提曰。性在作用。王曰。是何作用。我今不見。提曰。今現在用。王自不見。王曰。於我有否。提曰。王若作用。無有不是。王若不用。體亦難見。王曰。若當用時。幾處出現。提曰。若出現時。當有其八。王曰。其八出現。當爲我說。波羅提卽說偈曰。在胎爲身。處世爲人。在眼曰見。在耳曰聞。在鼻辨香。在口談論。在手執捉。在足運奔。徧現俱該。法界收攝。在一微塵。識者知是佛性。不識喚作精魂。王聞偈已。心卽開悟。以是而推。則知大王從曩劫來。出生入死。不知其幾千萬也。而大王之佛性。未嘗有生滅去來。大王之色身。又何嘗有生滅去來。能知於此。則是大王本來面目。亦卽大王之佛性也。以人不能直下自信。故如來權說三乘。修有爲行。善根調熟。信心自許。然後直下承當。是知三乘曾非別旨也。所言有爲虛妄者。其猶渡河用筏。非筏則不能渡到岸。則筏成棄具矣。人之欲渡生死此岸。河者必假有爲有相之法。以渡涅槃彼岸。非此則不能渡。渡至彼岸。則有爲之法皆虛妄。

非未渡者可以棄之也。別有一等不自信。自佛自淨。自土。故如來別開勝方便。門令人念佛求生淨土。見佛則見自心。自佛會無別佛。所以教載佛語。禪示佛心。實無別法。不識後代之徒。宗教相非。過於水火。所以古人於方便門中。更開方便。令人用功。參扣久久。純熟自信。自心自知。下落處也。如云一靜之中。無人無我。而不知一靜之中。無文。無字。無聖。凡無用工。無參扣。無西方。無東土。何處更有許多疑情也。故曰。但有言說。都無實義。又曰。文言道斷。心行處滅。而大王之肯心。自許則羣疑自釋。不必資僧叨咀也。所問不知何爲性命者。此不知自性本然之理。謬執色身妄心。以爲自己。故有此論。山僧逐一配明。心猶大海之水。性猶水之能成泡者也。色身如水結之泡。命猶幻泡所住之時也。水因風擊而成幻泡。心隨境轉而就色身泡之不能久住。猶身之不能久住也。而彼外道欲使色身常住。謂之曰修命。目曰長生。猶欲使幻泡之不滅。烏可得哉。如或可得。彼修長生者。今在何處。彼既不能長生。而人之冀長生。雙修性命者。不亦謬

乎。故我佛示人本有之心。此心不生不滅。非去來今。實不同於戲論也。若悟自心。則一亦不有。故經云。實無少法可得。名阿耨菩提。豈三魂七魄十二元辰之有也。彼等亦依無常色身。作此邪說耳。如不能卽信。惟大王所云一靜之中。人我尙無。何處更有魂魄可得耶。又有道與無道異者。其猶二人同睡。其一人心清昏。薄安然穩睡。逍遙自適。其一人心亂昏重。魂夢顛倒。呌喚狂亂。所睡是同。受用各異。有道無道。受用亦復如是。要知身後模樣。須知見前作略。若現前作得主。則身後亦作得主。無別模樣也。所言老子教無爲。教默養。冀生於天。而後有陰陽煉度。閨房戰勝等術。七十二家。彼呼爲旁門。皆昧自身心。外求道總名。外道圓頓教者。卽吾教諸大乘經。是達磨教。卽禪門直指。自心見性成佛者是。二祖三祖代代相承。源流有據。非彼外道僭稱者也。金光教乃玄門圖報。禍福冀求衣食者也。淨空無爲。俱是俗人口說。空無身染。俗累妻子產業。與人無異。言行相乖。撥無因果。卽如羅道人現受天牢之報。甚非可信。歸家認祖。偈都是

邪人謬造除明自心之外更有何加以不能自明其
心故勸方便念佛功成見佛引歸西方佛當開示邪
正自知分齊也山僧所見如此特以進答惟大王詳
鑒之

答德王

承問身性之異者雖則常所知實非常所見。非不
證也。蓋以自背故謂之迷。豈其皆無而修得之也。
道卽以現前指出可使日用親證焉。身猶萬象性
虛空萬象去來生滅不停皆爲虛空之所容受。而虛
空亘古亘今凝然不變也。身之動靜生滅莫不皆現
自性之中。而自性能知去來動靜生滅寧不如虛空
亘古亘今不受生死者乎。若能一念不生身心當下
無有處所何處見有生有死。來所以資道人常住無
念自然前後混淨卽此無念頓入大光明藏總法界
都是個自己法性。從上佛祖都向此中安住何必臨
終求驗也。昔者有鬼逼禪師橋上打坐。隱聞衆鬼相
語云。今日有替代來也。他鬼問曰。替代者何人。曰。戴
鎖帽者卽替身也。至晚天兩岸上人頂鎖鑰入河灌

足禪師急止之語其故其人卽回鬼嘆曰。何等禿物
敗吾好事。我當報之。繇是鬼皆圍遶欲害。僧卽歛
念不動。鬼曰。好一座塔。人從那裏去了。少時鬼散。僧
作念云。鬼去也。鬼復聚云。來也。來也。僧復歛念。鬼云。
又不見了。如是者三。豁然大悟。時人號爲鬼逼禪師。
當其念動鬼得以見之。此卽生死宛然。念歛則鬼尙
不見。更何能害之。鬼所得見者皆繇我心生滅故。或
有或無。然我自性若存若滅。若去若來。皆現知中。湛
然常住。更求方所。似差一著也。敢問大王。此中用力
已久。亦有片時入寂不倘亦有入寂時。還見有身心
不若有身心。不名禪寂。若有禪寂畢竟沒有身心。既
無身心寧有方所歸乎。此時無身可得。無心可起。臨
終有何異焉。若無異者何不當下使其無心而乃俟
臨終求驗耶。

答方眉子法名大源歎縣人

足下所述甚有來歷。但學道之人一人所在也要到
半人所在也要到此語。雖淺近於今時極有好處。何
也。心本寂靜。佛出世時。莫大聖流。尙懷畏怯。而佛

猶秘之四十餘年末後拈花始露消息是知非易易言者矣故如來於一乘而開作三乘展轉調護苟得開悟者世出世間宗乘教乘廣大差別悉皆通達辯才如海問一知十承當此事可謂如水注一瓶水更無少欠非惟人信抑且自許者也邇來諸方大有不然於教乘中一無所據但於古人機緣暗地湊插或下一轉語或作一偈頌以當平生直恐爛泥裏有刺極須簡點予觀足下偈頌極有相應但不知足下於三乘十二分教展卷釋然無惑不祖師機緣一一議其來處意不行住坐臥之間得坦然無罣礙不觸境逢緣一一自在不所謂自在者非謂於善惡不動爲自在要卽惡以成利益始名自在也若不得恁麼地極須仔細不得草草若得恁麼地而足下云人嘉禾恐熟識踪跡之卽爲有礙矣故古人云一切處不明面前有物是光不透脫此亦是病大丈夫漢頂天立地直須竖起金剛脊放下鐵面皮初無畏怯始稱得無礙道人也山僧一無所知以足下問及故以實語相覆惟足下一一自己評勘是非皎然如欲深造將

如來了義大乘願在目前如臨寶鏡妍醜自彰切不可以古人語爲病棄置佛語而一味弄無義味話頭是棄其師而重其徒諸方病患皆在於此當時藥山大滂百丈諸大老凡所出言與修多羅合皆緣宗教兼暢故得光垂萬古而不泯也今足下真正要擔當此事所謂一人所在也要到半人所在也要到當盡心焉

答李借假居士名化龍粵東南海人

三復來書知老居士宿承願力來此末世現宰官身求出世道爲衆生作軌範也不則妙年何能不爲富貴所沈而知有此事耶相似知解或者有之何能決然長齋若曰非再來人吾必不信矣蒙示依疏論淨土話頭等語皆是途徑之說可信不可執何以故無真實立故徒使人終日取捨勞心費力無益也公何不體取六祖之言不思善不思惡只恁麼參自然心入無生湛然常寂此語何等徑直遠離途徑直下自信所謂成佛無尙於此矣貧道自慚無德空爲海內所知荷蒙玉翰遙頒下情愧汗不敢以繁詞穢耳僅

以所知錄呈若能擔當則一念相應卽一念佛百念千念亦復如是切勿墮隨言執見說有禪可參便作禪解見說有淨土便作淨土解說有經論便作經論解說有戒律便作戒律解如是等皆是隨言作計被他所轉迷背自心終無了日如云未悟者公初不知有出世事緣經論乃知知卽悟也若云不能修行此一念長齋已是修行若推以廣之則萬德萬行作福方便皆從此一念發起也若云未明大事但看不思善不思惡兩頭坐斷中間自虛此祖師之言公能不信乎若信則大事已明不須更明貧道所知如是而已

答推府王橋海

來翰云悟了還同未悟實如所論但此事非懸料可了必須實到這個田地始得如某昔讀荔枝賦時中遙想滋味或人問之亦與疆說終不得無疑前歲雖則已嘗猶未知其深趣茲者備悉種類滋味盡嘗較前看書與略得滋味時豈不天淵乎是故若能真正向這裏歇心自然無邊差別一念頓斷更要覓個疑

之間或作本

處了不可得諒居士已到這個境界非下情所知今且問父母未生前阿那個是居士本來面目乞道個消息

又

問儒釋不壞權實者凡有施爲皆不出權將謂實者離一切施爲也三乘人所見皆如此惟大乘人所見不同斬貓刈蛇皆是滿盤托出非常境界全體昭然但人不能解耳雖然未到這箇田地切不可妄擬昔玉泉皓禪師嘗製犢鼻褌書歷代祖師名字乃云惟有文殊普賢略較些子且書於帶上故叢林目爲皓布褌有鄉僧亦效之師見而詬曰汝具何道理敢以爲戲事嘔血無及也其僧竟如所記故吾謂不可妄擬昔者丹霞燒木佛院主呵之而鬚眉墮落所以不識此境界斥之亦不可故曰如人飲水冷暖自知以是故知南泉歸宗之輩高提祖印直示向上機關非撥無也若不是他說破沒世之人安知有這箇時節惟居士明知此事假與諸問作末世法眼奈某智短不副所問爲慚耳

又

居士垂問二段。直如銀山鐵壁。山僧不知所措。苟非日用真正留心。個中安能造詣如是之細也。然欲通其難。不外自己捨已而別求。是不得其計矣。何則。佛說如幻六祖云。不思善惡。皆所謂撥塵見佛。譬如有人流浪他鄉。知識教其回家。必曰路中不可游蕩。莫管是非。一直到家。既到家已。不妨治生產業。皆要用幻與非幻。不必言矣。如此則在路不顧開非。實爲歸家之正法。何無記之有。到家自有分外消息。不必預防無記而生疑也。又極樂人壽無量。佛壽亦無量。云何彌陀觀音有泥洹。此有二義。一者佛對衆生說。不對佛說。故曰衆生病。故菩薩亦病。若衆生病愈。菩薩亦愈。二者佛有二身。一者法身不屬生滅。二者報身修因報得。衆生之壽無量者。對此方百年之說。如立門稱千萬年爲長生者。對短說長。故報身之無量。非同法身之無量也。要而言之。佛爲度衆生。故示生三界。既有所度之機。機盡則應亡。是爲泥洹。夫泥洹者。不生不滅之謂。非永滅不生也。又娑婆與極樂無垢。

亦發覺或作
長久

短長較量者。此皆約報境而言。非真境也。境既屬報。其長短自不能同矣。吾以義推之。娑婆之名堪忍。以能忍苦故。極樂反此。總名對待而不若無垢者。以其苦樂兩忘故也。又云。勢至不泥洹者。彼大菩薩願力持故。若云彌陀滅後。觀音勢至相次紹位。亦未有不般泥洹之說。但後後耳。所言彌陀化身多者。亦衆生心數念念出生。有何數量。如此則三十六萬億。猶是對機之數。況藏中無文。故雲棲大師斥之。吾謂但恐不能實悟耳。如能真悟。則佛及衆生大小數量。此界他方皆是迷頑妄想。安立若悟菩提。本無所有。故曰。但有言說。都無實義。管見如此。諒居士有格外之識。非下情所知爾。

答張少尹

承示未有佛時。先有某甲。此言雖則近理。恐未盡善。不見道聖名凡號。總是虛聲。殊相劣形。皆爲幻色。又云。用棒用喝。時皆是以無情劍斬斷。是非似則也。似是則未是不可背地裏說兵書也。且如現前尊夫人有病而足下便云。累不能脫。此豈不是德山棒臨濟。

喝耶正怎麼時不知作麼生。斬況日用縱橫是非關。鎖總是個德山臨濟大須著眼不可說了。便休。至囑。

答陳麓亭居士

接手書。知足下用心非泛泛者。比但此事極易。日用現前。舉心動念。便覺雲山萬里。苟非真得一回汗出。要脫生死。恐未能耳。何也。蓋此乃不思議境界。略涉思惟。則已不是了也。其過在乎當人不貴妙悟。祇欲將文字湊合。容易明白。不知這個容易。却是大病。若真正發明。一切差別。因緣當念永消。更無疑滯。猶演若之得頭。狂怖頓除。何處更容疑惑。如欲更問于人。是我頭耶。非我頭耶。其狂未省耳。繇是而推。敢問足下。只此一偈之外。一切差別公案。得釋然無疑否。於生死分上。得脫然否。如或未能。則此偈未必然矣。愚末無知。敢爾直言。諒居士個中人。必不我罪。

佛事

雪夜爲達觀大師茶毗

達大師。達大師。生前好惡相半。滅後是非兩忘。天人

已失依怙。四衆永沒舟航。大地一時變白。松濤徹夜顛狂。吹散許多障礙。豎起無上法幢。大師來也在什麼處。却在山僧筆尖頭上放光。那知音的。搥胸叫屈。那不知音的。徒自悲傷。偈曰。石火光中著脚。電光影裏翻身。當場燒却皮袋。踏碎毗盧頂額。露出本來面目。千聖莫有知名。只解自問自諾。休言無見無聲。

爲瀾日華侍者舉火

祇望曾參養曾皙。誰知顏路泣顏淵。他日音書報慈母。哭聲兒子叫聲天。華侍者聽我宣。若欲脚下承當。須悟父母生前大衆。父母生前卽且置。只如四大敗壞後。你一靈真性。向什麼處安身立命。還會麼。若也不會。須得山僧痛下毒手。與汝槌拶。不比臨濟棒德山喝。直下要與諸方別。提起一把無明火。燒得觸體頂門裂。頂門裂。露出當先那一著。擲火把云。猶如大夢。獲醒時。心縱精明。向誰說。

爲信侍者封關

揭却拄杖。頭封却布袋口。分付主人公。心猿莫外走。信侍者。還肯麼。匙鑰在山僧手裏。繇不得汝也。直教

一千日後與汝相見。封竟乃云。鎖則鎖矣。封則封矣。未審還有人解得轉身通氣句也。無若無山僧自道去也。竹密不妨流水過。山高豈礙白雲飛。

妙峰和尚舉龜

寶棺說法。特爲末世不孝兒孫。金槨雙趺。示彼將來可信之法。世尊一片婆心。現此未曾有事。爭似我今日先師大和尚放下身心。一切不管。懺此大衆喧繁。忻彼青山空寂。所謂此處不安身。自有安身處。

爲松巢林上座舉火

萬里神光頂後相。著眼時看不見。若教火內翻身。後打破虛空無兩樣。林上座還會麼。須領略放四大。莫把捉你須證你。須覺忽然踏著來時路。始信從前都是錯。須知淨土有蓮胎。不戀娘生這軀殼。這軀殼與燒却。若也會得當下安樂。其或不信。老僧與你下個毒手。毒脚全憑一把無明火。燒得大千無好惡。

會稽雲門湛然澄禪師語錄卷第七

會稽雲門湛然澄禪師語錄卷之八

門人 明凡 錄

吳興 丁元公 編

山陰 祁駿佳

讚

釋迦佛

蒲團箕踞。默有所思。佛不念佛。如意施爲。伴閑度日。審衆生機。

出山釋迦佛

舉足下足。無非道場。指眞自語。不許思量。森羅萬象。全無伎倆。這個如是。莫論青黃。

雪山修道

撇却王宮。甘守空寂。食柏喰松。一麻一麥。歷盡艱辛。大事了畢。雲月溪山。共轉十力。

自在觀音

巍巍獨坐。默無言聲。色場中展妙玄觀。面不教觀。自在反聞。聞性却安然。

水月觀音

明月波心寧有意寂然不動兩相容去來自在如如
體略著思惟墮幾宗

矮彌勒

肚皮寬濶沒星星拄杖橫肩大步行三十丈身三尺
相不知那個是真真

睡彌勒

放憨肚皮提個布袋榮辱不驚安然忍耐笑臉難買
人不瞋閉眼方名觀自在

浴彌勒

世人不識背後眼這漢因拋一片心枕头子夜間曾摸
著誰論通身與遍身

觀音

大蟲被犬咬驚人又好笑觀面別無瞋沉思即不妙

觀音達觀大師索頌

滿耳非聲何音可觀滿眼非色若個自在非色非聲
不內不外片月長空落大千界孰是圓通須彌內芥
落盡皮膚這個不壞

又

細草蒲團終日坐觀面相呈祇這個神筆僧繇道不
會不會應問破竈墮

又

東一筆西一筆幻出色相稱奇特若言此是觀世音
莫怪達磨道不識

又

儀容挺特端嚴自在踏躡蓮花風流體態金沙灘上
度馬郎至今還不盡慈悲債

又

不是聲不是色聲色叢中現奇特若人逼迫求救者
勸君但念觀音力

又

水墨逞神通良工略施巧何者是觀音大蟲被犬咬

觀音陶石簣請頌

抽却腦楔拔却眼釘歷歷明鑑不絲前塵六根圓泯
孰是觀音綠水青山此清淨身

又

百花叢裏現神通徹底掀翻處處同不解鷓鴣鳴底

事幾番錯恨五更風

跋陀婆羅沐浴圖達觀大師索頌

四大無主萬法無性塵不因洗體非染淨觸著便知
了無遺剩是十六人同行同證

達磨

熊耳山前客相看過我廬久思甘露味何故一言無
莫言無天花滿地鋪不知春到何言語萬姓咸皆換
舊符

又

坐破蒲團圖個什麼斷臂安心始酬其價

準高僧事蹟

難思神力實非凡一衲無多蓋九山滾滾木從水底
出喧喧人作異端傳皆從曠劫修行得豈是尋常容
易看試問準公何所爲引臂長舒過刹竿

楚石琦禪師衣蓋

衣蓋八百里蓋覆三千界毒龍業火滅清涼得自在
羅刹盡其力莫能揭其蓋學心重若山忘念輕如芥
佛佛相授受佛祖曾無外隨身三百畝得者不窮敗

遇賊不爲劫入火不爲壞遺作子孫計永教紹饑餒

達觀尊者舍利

緣生之法無有因無因又因白業生衆生緣熟舍利
現無緣對面如目盲非色非心亦非我無形無相無
方所堅剛一片虛空身擬涉思惟卽話墮五色新鮮
眞靈異八斛四斗無窮計或得灰壤或雨烟隨所知
量不思議老人行履無他方一味時中毗舍胝了得
身心本性空歷諸患難如平地往往勸人受持者坐
脫立亡等兒戲亦嘗限數脫狴牢自利利他終不二
舍利舍利曠劫修豈比尋常好容易若得見聞供養
者卽時布種無生位

鷹窠頂雲岫菴無壞關主題景師請

昔日聞名未見伊今朝容貌尙依稀天涯海角尋相
似若個眉毛不下垂眞衆生父爲人天師凜然風彩
仍如舊留與諸方作範儀

雲棲和尚

五雲山下壁觀峰前規模如在此話未圓噫玄音落
落兮寂若不聞妙相巍巍兮光被大千

無瑕上座

磊落大人相威嚴不可測求之不可求議之不可議
霽靄扇慈風沛然被八極形超象數先名載無生籍
末後一著子文言收不得淨名高舉不二門空生巖
畔花狼藉

古卓和尚

一個蒲團一罍寶香兀然而坐無可思量謂其是也
頭上添頭謂其非也何曾兩樣他年欲問和尚真祇
這却堪留供養

月軒旻禪人

萬年一念一念萬年堂堂如在默默無言是歟非歟
俱休問到底輸他一著先

靜峰初禪師

千年嘗在偶爾不識恐昧將來記之於筆古今歲月
常如此落花滿地無人拾

會慶寺血書經

大千經卷藏一微塵破而出之用示羣萌至人妙解
善運其神瀝乾十指書此一乘語言文字共露全身

一點一畫與華藏等其深敬之讚之盡吾力莫能竭
其誠

吏部袁六休居士

提不動的拄杖舉不起的拂子鎖似硬的脊梁雞皮
樣的臉臂我今一一拈來試問大眾且道是伊不是
伊

自題畫像

似我又非我開口便話墮畢竟是阿誰六月火邊坐

又

對面不相識莫是山中客依稀似欲言又覺長年默

又

倚巖打坐傍家行脚窮年失伴堪寂寞一段身心絕
逗留長嘯孤雲與野鶴

又

揮塵獨坐欲譚何事終日無言示第一義

又

數竿修竹下一片鷹石間獨坐思前古忘懷祇面山

又

柳標橫擔。鍍鞋踏破。以心取心。圖個什麼。逢人尋覓。走徧天下。眉毛眼上。鼻孔下。大喫粥。喫飯。休更差過。

又

難入頭好相識。易見面認不得。微塵有刹。虛空逼塞。這個無知老漢。只好拈來挂東壁。

記

四明鄞山阿育王舍利塔記

聞之古德云。欲滅罪愆。無如親近舍利。欲集福樂。無如舍利。欲成妙道。無如舍利。昔如來入城時。有童子聚石爲塔。以供養佛。佛爲授記。此童子者。我滅百年。當作輪王。而有神力。大興我教。于是阿育王。應記而生。獲佛舍利八分之一。造塔八萬四千。維時耶舍尊者。五指放光。召飛羽鬼。送四天下。一時安布。晉太康三年。獵人劉薩訶者。并州離石人也。死見閻王。閻王告曰。汝乃智積菩薩。一迷至此。造極重業。罪當地獄。我憫汝愚。示汝出罪之方。凡汝中國舍利寶塔。浮江石像。悉阿育王所造。汝能求現舍利。汝罪可滅。緣是獲返陽世。徧禮一十二年。南行會稽海畔山。陬苦莫

能得。忽聞天樂。隱隱從地底發。標利爲識。曰。舍利不遠矣。竭誠七日。夜寶塔涌出。今寧波鄞山。所稱阿育王寺。卽此舍利塔所藏。八吉祥地也。薩訶從茲出家。尋復得道。號慧達國師。塔紺青色。高一尺四寸。方廣七寸。而有四欄。舍利中懸金鐘。覆之旋轉不定。窻楞雕刻。殆非目力所及。四方觀者。或見如珠。五色不同。一多大小。莫識分齊。或現光明。或現聖像。或現金銀琉璃世界。或現宮殿樓臺。隨所見。心應所見。量其真神物。不可思議也。耶嘗聞國初三請大內三度飛回。是知佛子。東南緣復不淺。我東南人。泯然不知此。豈善信之過。實爲僧者不善讚揚之過也。夫薩訶獵人以舍利。故非惟宿業頓消。抑且現生證果。何況具有福德之人。以石壘塔。尙得轉輪王位。何況廣廈大木。以覆此塔。木雕漆布。一瞻一禮。尙獲福利。何況舍利真身。老朽近見大殿將頽。發願修理。所費不貲。自越入閩。廣此勝因。述茲緣起。告諸來者。

重興顯聖寺碑記

茲山者玉笥山也。茲寺者雲門寺也。以馬祖高弟大

珠和尚於此住持。故有是額。樂天有石路雲門裏花宮玉筍前之句。寺廢後。周顯德間。僧重耀建顯聖懺院于雲門之故址。宋乾德元年。勅改今額。理宗皇帝祖吳宣。憲王陵寢在寺。後勅改顯聖陵院。隣有六寺。二菴。謂淳化。雍熙。長慶。壽聖。淨聖。餘皆廢。惟茲寺獨存。陵爲胡元所毀。寺僧維之。僅存故蹟。而術士家傳有佳穴好事者多垂涎。屢興訟。嘉靖間。住僧景詮上本克復。萬曆間。復認縣姑蘇翁公愈祥。宰其事。獲妥太史陶君石簣。太學張君濬元。請予住持。寺產舊頗多。今皆廢。僅頽屋三楹。田四畝。山五畝。地十二畝。予用價二十九兩。從龍華贖回。協力二十餘年。始得大殿禪堂僧室一新。幾五十餘間。復置田四十餘畝。予朽矣。年逼風火。恐後來者不知。前人艱苦。認爲己物。恣意盜賣。故備述往事。以爲求鑑云爾。

濟溺記

人之難遠者好色。亦復難行者仁義也。古曰如好好色。是知好色者不易。言其遠離矣。而又安知有過者焉。嘗聞光祿顏君客吳門。有程氏二女。爲仲姬所

逼。欲自溺。舟子得之以售。商人商人將轉鬻於妓。顏君怒曰。良家女。敢爾耶。遂白巡司。程覺欲贖。以歸。二女有難色。顏君卒然憫念。乃云。本欲活之。反致死地。是豈得計耶。遂捐金以贖。此人所難能者一也。當其艾年。同載以歸。而心不迷。亂人所難能者二也。倍與奩資。擇婿以嫁。人所難能者三也。人有三難。君得并之不期仁義而仁。義著焉。寧不爲丈夫所爲。皆出人一頭地。非耶。余遊歷諸省。未見好德濟艱者。若顏君矣。惡世荒淫。能凜然卓然。屈指曾有幾人乎。故余筆記永貽云爾。

白蓮寺放生社記

夫地水火風乃人物共稟之體也。見聞知覺亦人物等具之性也。性體既等。寧有好生惡死之心。而不等乎。宋儒以爲人靈物蠢。當供人享。此逆天理。損仁德之語也。莊周有云。子非魚。安知魚之樂。答云。子非吾。安知吾不知魚之樂。如此。則人尙不知人。又安知物盡蠢而當供人之享耶。若以宋人之言爲然。則惻隱之心。體物之念。又何施焉。上古之世。未有五穀。飲血

茹毛習以成俗。春秋之時。君臣父子。尚不相保。況及于物。故於賓朋交際。禘祭之禮。未能盡絕。而聖賢何嘗不痛心哉。觀夫聖人却子路之禱。大賢創聞聲之誠。寧不爲啓人之微意也。惟佛大聖人。爲四生慈父。恩沾沙界。澤及昆蟲。使人明罪福。識因果。彰報應。殆盡體無遺之道也。然人黠慧。籍宋人之言。資克饒口。非特來生之冤對難逃。抑且惻隱之心喪盡矣。茲者許居士與白蓮寺諸師友共結放生社。於寺首每人日出錢一文。無繁費也。遇生卽放。不定時日。無殺戮也。所用微而所積大。實得聖賢之深意矣。余嘉其德而立之記。若夫先聖賢好生之德。憫物之情。余不得而盡知之。但請考諸方冊。可以備云。

梁湖卜士記

西域大耳三藏至。稱得他心通。帝詔南陽忠國師勸之。國師曰。你得他心通。是否。曰。是。國師良久問曰。且道老僧卽今向什麼處去來。藏曰。和尚是大善知識。何得向西川看就渡國師。復良久問曰。且道老僧卽今向什麼處去來。藏曰。和尚是一國之師。何得向天

津橋看弄湖。孫師復良久又問曰。且道老僧卽今向甚處去來。藏罔措。不能答。古今商量者云。國師前二度現他受用。身三昧。以心緣物。故藏得而知。之後一度現自受用。三昧。以心不緣非惟三處不可得而知之。便是三世諸佛。無摸索處。昔有隣人陳姓者。語予曰。梁湖有一術士。凡買卜者。至但執其課筒。對天禱祝。不必顯言其事。術士一一知之。予往試問。執課筒對天空。祝不言某事。術士曰。汝尙未禱教我。斷個什麼。今之人例云。自受用三昧。皆在聖賢分上。所具不知塵勞。凡夫悉皆具足。何也。彼陳姓者。乃塵俗中人。豈知爲自受用三昧。他受用三昧耶。但心不緣物。則彼鬼眼睛不能覲耳。聖人曰。百姓日用而不知。良可悲夫。

隱嶺崇記

鴻山偈曰。未達法惟心。起種種分別。達法惟心。已分別。卽不生。吾推惟心之旨。百姓於日用之中。猶空之涵物。而無物非空矣。惜乎癡狂之輩。或擎空遠餉。或掘地討天。或遠趨問覺。安知循身上下內外四方無

非空乎。夫云惟心。非有外物。則眼之所見。耳之所聞。鼻之所嗅。舌之所辯。身之所觸。意之所思。莫不皆心。然猶無明所醉。而執爲色聲香味觸法焉。昔嘉靖間。倭寇作業上虞之隱嶺。有人被賊所殺者。日出作祟。來往之人皆苦之。有識者云。此必賊所殺者。以後若見之。但云倭來矣。彼當自退。其人一依言者。祟不復現。魏將張遼。唐時王彥章。皆有威名。村裏有小兒啼不止者。其母曰。王將軍來矣。兒啼卽止。吾謂啼兒得非爲其所殺者耶。夫六根爲六塵所寓。今已四大敗壞。而猶能作祟。豈六根之所及也。六根尙無六塵。何有非惟心。而何物使之然也。況隔世而猶怖。威名是知惟心之妙。豈身世之可隔耶。

銘

龍居菴普同塔銘

夫莊周以天下無藏。特據器界。肇公了四大本空。別示根身。雖則各就其長。未若雲居有言。青山有限。白骨無窮。吾生不離大衆。而死豈能異乎。繇是造普同塔。而處十方師友。非惟根身器界兩相混融。抑且生

死去來。曾非離背。是真得佛之心者矣。所以諸方梵刹咸倣其範。以行之。茲者阜亭山之東。黃鶴峰之下。古有永慶寺。爲元兵燹廢。故址已屬民間。一濂眞公訪求復得。謀於文谷印師。里人共相畫計。改寺爲菴。署曰龍居。蓋取龍象共居之意也。眞公辭世。餘願未果。囑諸弟子曰。此菴當與十方共。選有德者主之。毋令甲乙相承。於是共議擇一江湘公代領其事。弘廣眞公之業。前後一新。內外肅如。衆盈百數。勝出他刹矣。復於東崗之下。建普同塔三。其中則本山眷屬東十方雲水。西諸優婆塞。使生死不相離。親疎不相混。是真得佛祖之遺意也。予繇東魯回湘。公迎余至龍居。再三誠懇。屬余以銘。因序其事。而爲之銘曰。空生大覺。大覺依身。身依器界。器界依空。各不相到。彼此互容。本無生死。何有始終。法性法爾。事理融通。繇迷眞性。成此妄計。五行相克。分彼同異。猶如水泡。大小成勢。消泡復水。非一非二。若色身者。自他一隱。惟有智人了法。如是會彼同異。入無生地。

序

般若經敘品偈論都敘序

夫般若無知而無所不知。雖無所不知。究其所以知。則未嘗知也。般若無爲而無所不爲。雖無所不爲。究其所以爲。則未嘗爲也。蓋緣般若淵深若海。窮之莫究其底。巍峩如山。登之莫達其頂。故云不可以知。知不可識。識諸佛之慧命。諸菩薩之達道。諸衆生之安宅。實乃十界之棲托。莫不緣之也。故知是經以常見論之三乘二時所說。大根會通融九會。皆是初成而後世有聞。此不生信心者。皆緣宿世不種靈根故也。或曰般若乃方等之後。佛欲帶小說大。而諸子未明父旨。雖云領知衆物。猶住門外。止宿草菴。不敢希取一食。豈同法華面付家財。聞成佛記。何得頓類大乘。而過贊若此耶。答曰。旣云帶小轉大。寧不欲付家財。若曰廢權入實。成佛何非前法聲聞。不悟徒自愚癡。落後發明。方知本有。蓋得失在人。豈法有大小耶。所以法華會三歸一實。乃卽小之六。無別有大涅槃義。一名五。晉非一外。別有五名。故曰般若涅槃。佛性金剛三昧。首楞嚴定。皆一義也。是知般若一法。徹始徹

終。盡凡盡聖。皆緣此一門。成其出入階降之差。諸佛之所以諄諄教誡學者。當深窮其旨趣矣。奈六百卷浩瀚之文。小聖尙非其分。豈凡下之能易窺哉。所以古人深慨未來根鈍難堪。刪削定制。放光光贊。摩訶等經。雖多少不同。莫不皆緣大經之所流出。而龍樹菩薩內懷祖印。兼闡教乘。因念後世於諸部般若。若彼此不能會歸。小大不能通貫。緣是註大智度論若干卷。冀開其迷。惜乎經簡論繁。猶莊子之註郭象亡羊泣岐。開悟須得其要門。何幸時常末季。至人再來。有大沙門蘊空。曉禪師者。慨大藏之重繁。參考再四。較南北之本。類明重單之譯。撮其大意。緊要之言。會成一部。題曰。彙目削智論之餘文。錄其最要名曰。箋釋前代哲人如生。肇慧遠等諸大法師所作放光光贊般若等經之序文。大經五十五卷。九十品之題目。撮彼品內之大意。註於題下。稱曰。撮錄使後來見者。一藏之奧典。示如指掌。六百卷之大義。曉若日星。嘔心血二十餘年。成部帙數十餘卷。撮大經人於微塵。一多並現。擲須彌於芥內。小大何妨。圓融無礙。自在縱

橫此恩。此德世莫加焉。苟非龍樹之再來。必是靈山之受囑者矣。不爾則何能忘疲倦。入藏海。處龍宮。搜至寶。刪繁文。撮要義。無非皆爲佛之慧命也。可謂道越羣情。思超過半其猶獅子之哮吼。無畏勇猛。作決定說。亦如象王之遊步。縱涉恒河。直窮其底。如是作略。如是大用。欲知其深奧者。請觀數帙之文。則知如來一代之教。如探囊取寶。使大小是非皎然。莫隱邪僻。戲論難逃。其跡眞所謂擲大千於界外。移妙喜於此方。若非淨名之流。應居童壽之亞。功侔上古。利及將來。經云。足動大千。草入劫火。未足爲難。如來滅後。能持此經。是則爲難。此如來之明證。故予無得而贊焉。天啓六年丙寅仲春日序。

受生幻智二法門序

夫道無方也。行無門也。無方則隨時破立。無門則惟利是從。此古今不刊之格也。世有無知者。不善所擇。多諸僞謠。惟智者之所慨焉。且時人作預修還受生錢者。經教無文。不根若此。若云人之受生。必於曹案假借。使用閻君豈贓盜之徒耶。若云死後無可使用。

必須預寄獄庫。吾未見世人先將財帛寄司獄以備入監之費。恐智者弗爲爾。人能修德。則天人欽仰。心希聖賢。則國家褒寵。刑憲地獄。豈有二焉。復謂婦人生產。必入血湖。遙指目連爲證。且地獄者幽冥也。幽冥也者。無識無知。無識無知而云羽州追陽縣。不知何省所屬矣。夫有陰陽。則有夫婦。有夫婦。則有產育。產育者。必入血湖。豈閻君不繇產育而生于木石耶。如亦繇之。則伊母在獄。而子何治乎。曰。若然。則血湖之說不足信也。曰。非不足信。間爲一種婦人不生敬慎者之所設。非施之一槩也。予每私議如此。豈知有同音者焉。嘉禾鹿園居士葉君儒門白足。藝苑高奎。初則淹貫六經。今也闢閑釋典。慨此二謬。刻此二門。望轉其習。一曰。妙德夜神說菩薩受生藏。二曰。摩耶夫人說大願幻智解脫門。懇予作序。余愧幼不讀書。又兼學淺。安能與大方鬪。巧然其用心。正合愚意。聊爲解說。夫受生者。以法界無礙自在力。於一切處受生。非一人道。其猶月行霄漢。影落百川。然非心意思議所及。豈錢帛囑託使之然乎。誕育者。以真心無性。

三昧門於一切處。誦育非一如來。其猶虛空體。非萬象而不拒。萬象發揮。尚非鐵圍石壁所障。豈血湖地獄使之可拘乎。統三世爲一際。生即不生。十世古今。始終不離於當念。閻君云乎哉。徧十方爲幻腹。無生即生。無邊利海。自他不隔於毫端。血湖云乎哉。苟能如是。則未離兜率。已降王宮。未出母胎。度人已畢。直下承當。即名佛子。信心一念。已越諸流。如斯妙利。非棄君其孰能知之。

金剛三昧經註解序

夫真心獨露。若皓月之朗於太虛。法性無虧。似驪珠之耀於滄海。了了不昧。日用明明。無生即生。以真如不守自性。而變現隨緣。生即無生。以實相本來無物。而一塵不受。求之叵得。如木中火。決定是有。而方處無憑。體之即神。比鏡內花。儼然可見。而取不能得。無方妙用。猶映色之摩尼。影雖移而體實不變。具足本來。若迷家之貧子。身雖困而寶未嘗無。嗟夫。我輩沉埋曠劫。迷背日深。本有家財。致生難認。良緣不逢。善友開悟。何從故我。如來離兜率降王宮。捨富貴逃雪

本問難問

嶺。苦行六年。觀明星成道。作衆生之慈父。爲九界之師。宗三七思。惟法輪大轉。蓋爲利鈍難齊。所以教分漸頓。四十餘年。欲說不能。說權實互覆。涅槃時近。欲休不能。休聲示一心。其猶握金剛劍。用斬羣疑。豎正法幢。破諸邪惑。革小乘而純入一乘。會百川而同歸大海。真救病之良藥。運寶筏以濟人。是故世尊無問自說。既甘露而普救。沉疴伽陀說偈。贊揚鼓琵琶而相席。打令解脫。發廣問之端。知六度皆歸。無相心王。間無生之義。識三行惟一。自心無住。示法身非來非去。大力啓果德。有證有修。身子重聞一偈之因。緣達真空。具含四德。梵行守真。修之一昧。即俗諦頓具四緣。地藏騰七品之餘疑。阿難請一經之名字。始末究竟。祇是一心。前後辨明。寧逃法性。惜乎澆漓末世。妙典難逢。茲得無瑕師夢。祈神授刻。此流通旨。與文奇讀者。彷彿絲是不揣愚庸。伸此管見。若夫昔人片言而擲地金聲。一語而大千廣被。余何敢言。但心慕大乘。鄉希贊嘆。奈聖言莫測。凡智叵思。倘或諸訛願施懺悔。

玄沙備禪師語錄序

聞夫不落階級。囑云好去。尋思洞貫金剛。不意中途折擔布單。纔展乃云不敢自欺。凡聖剷除。方向胷中流出。磕著足指處。頓悟苦樂無生。當場盤詰時。報道非干西土。自知宗乘有據。血脈相傳。所謂黃河水從源頭上濁來也。近來多見諸方唱導者。師法無憑。談禪者出世無准。自稱悟道。妄意爲人。詰其來源。無可指的。豈能如玄沙大師。遠傳鸞嶺。近接曹溪。爲石頭之親。孫作雪峰之眞子。心印列祖。教貫楞嚴。對境無心。遇虎恰似家猫。現前大用。斷蛇猶如握土。故諸碩德。多就決疑。余生末世。恨不能面稟嘉猷。法道澆漓。無繇見其全錄。昔年入閩。特訪故踪。牌坊如昔。石圈尙存。奈大殿墾作山田。僧房改爲民舍。捫心無地。欲住焉能。茲得林居士萬容。聿興此志。重建賢坊。偶得全錄如獲衣珠。念此將來。卽已付梓。專人走越。乞余題辭。自惟膚學。何敢與大方闢。巧博地凡愚。未能與聖賢接語。少伸大槩。用慰遠來。其玄風妙旨。盡在錄中。若能入目。便知昔人如在其或。循文背義。覲面猶

迷雖得之在我。何關文字。然悟必繇緣。少他不可。凡具通方眼者。諒必不以文字爲病。爾

趙州語錄序

竊惟破家蕩產。於十八上而善舞太阿。縱賓奪主於聖賢前而逢場作戲。一物不將來。直教放下著不起。一念時向道須彌山。鎮州蘿蔔頭。諸方謾云卽是師承。青州布衫子。學者休向言中取實。拈一莖艸而作丈六金身。惟一個箇而盡知滋味。時常老實頭殺活。臨機頓超。他用棒用喝。三寸綿軟。舌縱橫自在。未嘗用怪語奇辭。其齋水上按葫蘆。看他東捺西轉。室中懸寶鏡。任教凡來。聖來。南泉之眞子。馬祖之嫡孫。拈提向上宗乘。善解拖泥帶水。其惟趙州一人而已。惜其語不能盡傳。僅獲一帙。學者如逢至寶。眞如嘗御鼎一鑊而盡知衆味。飲大海一滴而備諸百川。但舊刻不佳。亦且板殘字滅。今發心重刻。利益將來。深恰老朽之心。聊題數語。以冠篇首云爾。

天宮寺放生會序

夫生生爲不生。勿謂不生爲不生。須知生是不生之

生不生。乃是生之不生。達此者。可以語無生之道也。流水長者。深知及此。所以見十千游魚。水涸命盡。爲誦金光明經。諸魚是夜盡脫。魚報生帝天。靈山會上。皆授佛記。故余謂欲度生者。必先自得無生。然後利生。接物無不如願。若流水長者。可爲放生之良範也。吳中天宮寺禪者。身住應門。不爲常習所障。志結二十餘輩。聚放生會。繼長者風。請余決疑。故以生不生之意。語之。令彼先於自度。然後度生。此萬古不易之規也。譬夫救溺者。先自備船筏及竿索之類。然後自他。可以並濟。苦不知方便。自無所仗。赤身入水。自他俱溺。此必然之勢也。子當以是語告諸同會。須知自己生死爲重。若能自出生死。不憂衆生不能度也。至囑。

序祖師來原序

諸方各祖其祖宗教相攻。過於水火。而祖師堂唯以達磨配享。不列教祖者。似忘其本也。或曰。非忘本也。達磨以代代相承教祖。則瀚漫無據。故唯設達磨耳。此語未盡善也。苟非摩騰竺法先以白馬西來。登空

說法降伏五嶽道士。四衆發心。達磨雖祖。突來東土。有何憑據。孰解信受。予知達磨所指。指彼二人所傳之經意。豈有他哉。是知功亞於佛。而不設享者。忘其本也。若別論之。則禪不忘其祖。而教忘之也。合而論之。則兩家皆忘之矣。故予同年設祖師位。初曰東土傳經第一代摩騰尊者。次曰東土弘宗第一代達磨尊者。三曰建立叢林規矩百丈大智禪師。四則本山開山和尚。未知是否。伏望四方尊宿。不廢公論。者有以教之云爾。

心經大意序

眉毛挂劍。血濺梵天。水按葫蘆。略著便轉。圓融活潑。巧發機宜。無出般若。心經歟。所以非文字。而即文字。何妨四六鋪舒。即語言。而非語言。豈礙熾然言說。故曰般若如大火聚。四面不可入。般若如清涼池。四面皆可入。非偶然之語也。經標智慧。渡彼岸者。非謂菩薩更渡彼岸也。觀自在者。欲令衆生自觀自在也。以自在故。於一空。中雙遮。則非空。非色。非根。非塵。乃至無智。無得。雙炤。則即色。即空。不增不減。以及不滅不

生誠能。如是。何苦厄之不度。涅槃之。不究竟乎。友答。師深得般若。旨趣。言文之表。註釋此經。題曰大意。與旅泊居士。過訪。出以示余。片時數過。不忍釋手。屬余著辭。自愧識淺。何敢措語。但師爲雲棲白足。叨忝同參。不可無片言隻字。代資鞭影云爾。

涅槃經會疏序

夫大般涅槃經者。乃如來顧命之言也。蘊成曠劫。而久秘不談。方便調機。而待時方說。所以大小對帶。半滿開宗。頓漸偏圓。初中後唱。唯此奧旨。最後極談。猶庫內之珍財。臨終始付。海中之神寶。劫盡乃亡。大哉世尊。慈悲莫並。精求竭力。等救沉淪。伺機四十九年。本懷未罄。唱滅二月十五。盡吐肝腸。故得十外皈依。闡提亦悟。昆蟲草木。悉以沾恩。象馬蛇虺。咸皆被澤。內凡外凡。而功超曠劫。天類人類。而果證無生。能事既畢。卽告涅槃。於是日月無光。山林變白。大地震動。鳥獸哀鳴。是凡是聖。盡失所天。情與無情。誰非號泣。是知此經一唱。無復遺餘至矣。盡矣。他莫能尙舊經四十卷。譯辭繁贅。靈運刪削。言理簡直。開宗判教。五

七八家。灌頂精詳。互存得失。緣是重參。至理註此。立文惜乎。陳隋兵亂。疏未入經。彼此分張。勢同吳越。況復藏中久匿。學者罕窺。末世澆漓。盡疲至道。致使法眼朦朧。佛日沉埋。哀哉痛哉。實傷心腑。故予不揣愚庸。而輒敢效顰。欲會此經。而發心有日。再三披閱。宗趣顯知。奈旨奧文深。有做郭象錯綜。前後多苦亡羊。於是不懼闡提之罪。甘負謗法之愆。爰繁錄實。貴在貫通。罪福懃並。伸懺悔。

重刻正法眼藏序

正法眼藏者。難言也。請以喻明。譬如眼之洞見。森羅萬象。取之無窮。用之無盡。故名曰藏。夫藏者。含藏最廣。邪正相襍。涇渭難辯。甚至邪能奪正。正反爲邪。故泉眼不通。泥沙立壅。法眼不正。邪見層出。剔抉泥沙。而泉眼通。剪除邪見。而法眼正。自非至人。其何擇焉。昔竺乾有九十六種。背正趨邪。二十八人。摧邪持正。逮我東土。白馬西來。正教始興。於濁世名相。尋陷於邪宗。緣是達磨大師。掃除繁蕪。直示本心。嗣後五宗分派。各別門風。會其樞要。卓乎純正。詎意人根淺劣。

法久弊生。或承虛接響。以瞎瞶盲。棒妄號通宗。或守拙抱愚。以一味不言。目爲本分。彷彿依稀。自稱了悟。或搖唇鼓舌。以當平生。如有百二十家。癡禪自賺。人淪溺狂邪。故我大慧老人。承悲願力。運無畏心。決擇五家提挈。最正者。凡百餘人。哀以成帙。目曰正法眼藏。是書也。如懸白澤。裘精妖。喪魄秉金剛。劍魔外潛踪。四七古錘。宗眼二三老漢。家珍不涉程途。一覽具足。知爲後學指南。無加此矣。時有普善菴沙門慧悅居士。春門徐弘澤。自慶奇遇。嗟彼未聞。冀報佛恩。募資重刻。屬余爲序。以貽同志。而參學者。即使游法界無邊之門。融古今刹那之念。猶是功勳邊事。若能了悟。則自心何知。自眼何見。非見非知。是眞得正法眼藏者矣。

無趣禪師語錄序

夫祖道不可絕繼。風穴於法堂痛哭。克家之子難得。仰山自記再來。莫不以諸佛慧命爲懷。度生爲急務者。也。所以獅子有罹難之憂。預傳法髓。達磨忍服毒之苦。得嗣方休。是皆深體祖佛授受之志矣。惟無趣

老人幼專魯誥。壯博禪宗。道聞雞聲而悟。學得野老傳心。開托臨濟。棒喝之宗。光揚馬祖。磨磚之用。慈悲密用。權實並施。承接從上正源。流成就克家眞師子。實爲人天大樹。末世津梁。寧不爲仰山再來之儔乎。某自恨生此象季。不遇至人。每嘆前朝豪盛。近代絕聞。茲得南明禪者。持老人語錄。相示不覺忻喜。何期濁世遇此希聲。片言隻字。盡吐諸佛肝腸。豎拂拈槌。極唱諸祖骨髓。開卷則疑。惑潛消。再玩則勇猛頓發。實爲明時之盛典。釋氏之法幢。將來學者。體而行之。非惟已事可辦。抑且佛祖之慧命有望矣。

車溪禪師語錄序

聞夫一光東亘。五葉花開。密運羣機。千差競入。所以諸方各宗。其宗門風自是不同。共學所學。知見曾何有。二車溪禪師。乃臨濟直下兒孫。實無趣克家之子。默籌七事。妙協三玄。播黃檗吐舌之風。顯高安壓拳之用。掌殺活機。權衡學者。秉吹毛劍。勘驗諸方。遐邇咸推。獨步古今。屈指一人。苟非承夙願之再來。寧不爲多生之根熟耶。某生不遇時學。無所附屬。輕罪重

不能面稟嘉猷。道聽途傳。歲月徒增。渴想茲因。南明禪者持錄相示。焚香頂讀。自覺潛神。再玩淵微。初心頗愜。何期不出。蝸居而聞。所未聞生。逢斯世而遇此難遇。如展智囊。始知己見之朦朧。似入大海。方信江河之狹淺。自慚無德。莫可讚揚。略敘數辭。聊申翹致。

跋

重刻華嚴經跋

一葉落天下。秋不言而信。一陽復大地。春不令而行。故能無量爲一。若百川之歸大海。一爲無量。似皓月之印百川。圓融自在。活潑難思。其惟大方廣佛華嚴經歟。是經也。如來指明衆生自性。日用具足。非因修得。而衆生爲無明所蔽。迷背自心。故於初成正覺之時。乃云。奇哉衆生。具有如來智慧德相。良繇妄想執著。而不證得。繇是頓響華嚴圓示一乘無外之法。指明法界發揮。凡聖不二之宗。淨穢交徹。非是該羅。重重相映。猶帝網之傳輝。彼彼互融。若干燈之合影。內外無礙。如芥子之納於珍瓶。大小相收。如微塵之遍含大地。既非思議之境。寧容意識所到。嘗聞翻譯則

天童蔡香誦持。則修羅敗。覬註疏。則夢感金像。造論則齒放白光。蓋以是經不可思議。故其利益亦不可思議也。中菴鶴林二師。自念時當末世。恐或堙沒。發心重刻。欲冀遠傳。不意泥洹時至。中道而止。茲得炤雙融法。無說諸友。繼起罄心。竭力遍募四方。克成其事。可謂善繼人之志。善述人之事者也。予主福城目觀其績。心竊嘉焉。故書數字。誌於部末云爾。

疏

興善寺重修大殿舍利塔疏

夫佛法有三時焉。謂正法像法末法也。正法者如來現在面稟嘉言。一念發心。便證果也。像法者如來滅後。碎身舍利。流布十方。造寺建塔也。末法者。稟前二法。薄與供養。而信心去古遠矣。茲者興善寺去嘉禾東南治三十里。後周坦法師所建。法師道行精嚴。華夷所重。寺建二舍利塔。得得航海乞二鎗石。以爲其頂。至國朝千有餘載。殿宇幾經興廢。而二塔儼然獨峙。人因異之。故興復之不難者。咸塔之力也。余於今春過石佛主期。學徒鷲羅峰。乃房僧也。邀余登覽。

見大殿狼藉二塔將圯乃語衆曰大殿工繁殊難修理今此二塔若或不修則塔頂毀墮欲再復之不亦難乎答曰村居荒僻鷺等德薄人不取信雖欲修葺不勝難甚余領之回東塔有善人廣恩余勸之卽施十金爲發心始尙有見聞生信則衆手可成山也因記本末告諸來者且遠方旣施而近境不可無心凡往來隨喜者但百十分文隨力隨量共成勝事福攸歸矣

徑山古千僧閣募造禪堂疏

夫無佛作佛無法說法是諸佛之常儀諸菩薩之弘願也自我佛滅後千年正法始來其時也宗於理行昧於自心競執言教多陷牛跡繇是達磨得得遠來直指人心見性成佛道至六傳宗風大振廣播四方其間得旨者不可數記其叢林哄然當時若論綿亘流遠唯我雙徑爲天下魁所以國一開山之後代八十八人其爲王侯所重者如護國法濟等班班有之大慧杲公高廟所重衆盈三千道冠天下於大殿之北建千僧之閣以延之至我 國朝寺改古向以故

募刻淨諸業障經疏

賢能隱避寥落難言先年得無邊師僉同衆議改復古向繇是四方羣集賢者復來茲髻峰院主與衆禪友得得過越邀余入山建立長期安禪衆衆蓋望祖道之重興也奈久廢難以卒興衆廣無以安措於是禪友虛舍聿起大心欲於千僧閣後別建禪堂五間傍增僧舍工程浩大僧力難爲遍叩大檀方能了事伏惟運神於插標之頃梵刹已竟垂手於布金之際寶殿完成大心承紹功不浪施但肯相悉便請標名余聞福事雖多要知所擇是以十善修行報感生天半偈隨喜功超沙界其優劣如此能無擇乎故善勝則福勝緣輕則福輕此必然之事也假如造橋砌路究竟果報利益人天供佛齋僧較量功德祇完一己孰若價踰七寶功勝小乘直使片言隻字四方流聞萬世廣播以大乘經書刻流通用廣其傳未聞者聞未見者見非惟佛慈無窮抑且令受持者斷輪迴出生死證涅槃成菩提本有不本於此者矣若以其功德較量直以虛空喻之而勿能齊焉向余簡閱大乘

律部見淨諸業障經菩薩戒本經并揭磨儀軌真後學之津梁渡世之寶筏也是以抄錄佩帶日課有年矣禪友微泉過石佛見予躬讀欣然發願募諸四方刻以流通余時合掌加額曰豈期濁世有知音若是禪友者因喜而授之其間文旨精妙功德淵深如來自讚展卷當見能遵此志必會龍華少助片緣非同浪施謹疏

徑山千佛閣募齋僧米疏

華嚴經曰假使頂戴經塵劫身為床座遍三千若不傳法度衆生畢竟無能報恩者夫所謂報恩者非特山僧登曲朶木床揮塵學論爲然卽檀那捨供大衆輔翼以及負勞運力者皆名傳法也所言報恩者非特大士捨身比丘成道者爲然卽衆信修檀度學忍辱以及持戒精進莫不皆名報恩也猶如幻戲登場缺一則不能成其戲矣邇來末世諸方教乘頗演直旨趨聞惟雙徑國一開山相傳八十代代不乏人自月林禪師歸寂之後經百有十載宗風堙沒智者泣途里境相傳謂寺改其向以致寥落近得髻峰廓菴

二上人僉同衆議復其初向自戊申創起今始落成於是四海英賢爭赴稍觀舊規可謂弘法報恩兩兼其美矣奈因衆廣日給難敷特持短疏徧告十方惟冀體同體之仁秉護法之念捨庫藏中有餘貫粟成出世間無盡福田實爲福慧兩全共成勝事謹疏

徑山大殿募米齋僧疏

夫西方遠十萬億刹土以念佛爲資糧雙徑高三千六百丈以粥飯爲要事若也棄靜入羣未免率於塵累歸山遠市將何度於饑倉雖欲笑傲雲山超然自適寧能日吸於清風如欲安心在道四事無虧必仰資於檀信今我雙徑兩浙名山四海所宗巍然獨峙於羣峰傑兮道魁於天下御墨屢頒高宗以之駐驛名人時詠蘇老以之題碑莊嚴壯麗有誇於兜率無爲寂靜迥出於人間所以昔人有言曰百萬松杉雙徑香三千樓閣五峰合邇來寥落迥異昔時騷人弔古過客興悲歲月綿延難以復振向得無邊師重新大殿繼有觀院主復構禪堂於是雲水絡繹不斷龍象濟濟來歸一時失欸有缺賓主之情欲待無能必

藉植那之力因佳其事代爲疏言

重修阿育王大殿緣疏

夫福緣起緣因境就境得人成此古今不易之論也。所以緣興在手境勝地傑然後人靈惟阿育王寺神乃天中聖人也。地擅吉祥之號兼此二美爲天下冠實勝功德處也。夫阿育王者昔爲童子見佛入滅聚石爲塔以爲供養佛卽記云過後百年當作輪王大興我教果符佛記得佛舍利八分之一碎七寶以造塔八萬四千遣飛羽鬼送天下有八吉祥地可以置之所以大明境內有十九處此當其一餘皆貯塔莫睹眞蹟此居塔外人皆可以手持目見夫劉薩訶者西川之獵戶也死至陰司閻王告曰汝乃智積菩薩何故造業如此當墮地獄吾憫汝故示出罪之處若能求見舍利汝罪可滅緣是得返陽世禮拜一十二年至于甬東鄞山天樂鏘鏗七日不歇舍利從地涌出非惟滅罪抑且現世成道號慧達國師國初三取三度飛回是知此地名八吉祥我信之矣邇來年久大殿幾頽故予發心修理緣是特持短疏徧

告信施大檀善男信女各發誠心共成勝事所謂衆手移山不難成就獨力撐天諒可得哉是疏

募刻華嚴經疏鈔疏

夫心源湛寂智海汪洋攝凡聖以同歸融事理而莫利者其惟大方廣佛華嚴經歟此經上中下三部義趣淵深信住向五位後先並入其猶芥納珍瓶而內外歷然塵含法界而大小齊至者無礙自在之謂矣具斯妙利憫世絕聞緣是龍樹於龍宮簡閱知凡輩何堪特簡下部十兆餘言傳流西竺譽世稱奇目如意寶流我東土十分之一賢首竭苦行幾載遇文殊而勸讀發明清涼秉宿願多生作疏鈔而廣伸妙義復得主峰繼弘斯道聞之者焚身捨臂思報佛恩吾觀古人之用心精誠竭力通相傳持無非爲慶已之奇逢恐後世之絕續爾邇來末學鬬靜堅固俗家以安適自居公府以左道爲禁舉世不聞名字何能少解眞乘佛祖于大寂定中寧無悲愍哉茲者嘉禾鹿園居士葉君少游執苑爲貴門之白足晚究心宗典義學之參頭閱大小之教探性相之微還源復性惟

尙華嚴義博文豐無出大鈔概古板之將湮欲新刻而繼世奈何刻資須假衆緣予美其誠讚歎不已聊書數字用題薄首少助影響之功共成莫大之德凡我同志各出隻手

引

募刻涅槃經會疏引

大涅槃經者乃世出世莫大之妙典實如來最後之極談所以四十九年不聞盡迷佛性二月十五特唱一衆知皈六念三修直趨菩提之路五行十德頓超方便之門十外歸依二子攝伏若凡若聖安住祕密藏中情與無情總收大涅槃內功超日月德勝乾坤炤大地以無虧育群有而不剩者也所以如來顧命之際天人魔外之僞偈僵無雙尙悔心而戀慕蜂蠆毒蛇之類愚癡無比亦含淚而歸依無情若大地山林亦已變白蠢動如蜚蠊白蟻悉以悲鳴蟲獸尙知報德爲人豈無深思奈是經緣奧點慧何知故灌頂老人難歷百城運神思而註疏荆溪尊者深體父意再精治以完文惜乎經疏兩處致使學者探吳而失

起余故釐會庶學領以知綱起筆於辛亥之春告成於壬子之夏不能刻藁未遂初心茲遇定凡居士會首化諸同志冀今世以及後世一燈而傳萬燈法身何限慧命無窮可謂眞報佛恩不忘付囑者矣

募造東塔天王殿引

聞夫四十八願而願願度生五十三參而參參見佛所以清涼大師演華嚴性海於此地闡法界一乘於多門福慧雙修猶星天之行布禪教兩學若萬派之歸宗圓融自在大小共緣故茲山爲嘉禾生福之地行善之場也近因山門回祿四天王無處安身發願重營老比丘無能幹辦緣是置簿五十三冊人領一冊冊化五十三人人出一錢合計五兩三錢或一人獨出或鳩衆共成隨緣皆可積少成多猶爲山之始于一簣合力共謀若掬水可爲巨海勝會難逢良緣休蹉予言如是各出隻手

募造鏡臺山大師菴引

事逢時會緣得因成非偶然者也鏡臺山大師菴者卽高峰大師藏衣鉢處也吾徒夢浪隨予雲門以夏

簡禪宗或問。後見雲棲大師。以高峰海底泥牛話。相詰。予時以傍僧推出。乃云。大眾證盟。夢浪一見。似有所得。至今十餘年矣。入苕溪爲卓海幢居士。所知識就武康。開向上事。感徒衆剖心。以訓法。恩道士捨邪而趣正。見使狂者獲醒。惡者從善。絲是遠近歸依。就思甘露。故卓君等爲卜古址。以彰大師之遺踪。建禪室。以棲十方之龍象。刀耕火種。鑿石栽蓮。池中得二龜。一藏佛影。一藏衣鉢。體質雖朽。而顏色尙鮮。時節雖遐。而因緣不爽。昔雲棲舉話。夢浪傳虛。居士結菴遺踪。復證此因緣會遇。不謀而然者也。凡我在會之衆。寧非大師之遺塵乎。故根椽片瓦。各發自心。粒米文錢。隨力喜捨。可謂良會難逢。爭先莫讓。

偈

淨土偈

西方元不遠。眼底盡黃金。白鳥鳴峰頂。頻伽繞樹林。拈來非逆順。用處莫沉吟。但見彌陀佛。華開自在心。

又

欲觀琉璃地。須看心境微。風聲鳴雅樂。雲動散天衣。

鳥簪如來。德花開大士。樓舉頭紅日。近元是住居西。

又

塵念永消處。心珠自放光。洞明今古事。了證法中王。有物元非物。無常却是常。彌陀若個是。開口便成雙。

又

西方好。西方無煩惱。衣食自然來。珍寶砌街道。平等無貴賤。長生無老少。彌陀寄信來。勸我歸去早。

又

西方好。蓮池側。瑪瑙鬚哥。宣佛法。行樹巖。七寶勢至時。響。觀音。傷懷抱衆生。不肯去。何其自迷倒。

又

西方好。襯足皆瑤草。念佛與念法。念僧皆仙鳥。六時聞其聲。合掌共行道。勸我須早去。免受閻王拷。

又

西方好。得到自然了。身冷散天衣。肚饑有神藥。浴池純寶砌。羅網行樹繞。脫此煩惱服。著彼無生襖。

又

百行無如念佛好。念佛之人少煩惱。忙閑不廢用工。

夫他日免受閻王拷行也。念住也。念行住之中。著方便。法法頭頭本現成。何須更問娘生面坐也。念臥也。念散亂昏沉。打一片圓淨明珠。炤大千此界他方。都踏遍我。歎世人不少。省念念常逐塵勞。境守財夷虜。妻子奴役。役那能一念靜。我嘆世人纏五欲身心。日夜事勞碌。碌到頭萬事總成空。若個能生極樂國。極樂國去不遙。目前一念可頓超。落花流水演空色。有情妄謂隔雲霄。七寶樹寶間錯。琉璃爲地黃金閣。香風吹體適溫。和飯食訖已作天樂。我將極樂比婆婆。婆婆世界有八苦。世人不信聽我宣。一一爲君從頭數。一生二老三多病。愛別離。分不長。命冤憎。會分人。怎逃求不得。分五陰盛。此之八苦。亘古今。欲免除。是悟無生。不爾饒住。非非想。那能逃得生。死侵我將婆婆比。極樂二者相較真不若。此土事事屬無常。彼方法法皆正覺。九品蓮黃金臺。曠劫彌陀發願來。若有衆生稱我字。一念花中長聖胎。生極樂無他方。彌陀切勿論閑忙。工夫純熟心華發。大地山河盡放光。念佛好須及早。勿使光陰暗棄了。屈指低頭論古今。英雄雄

多少埋青草。君不見居士王龍舒。一生爲人念阿彌。臨終立化顯靈驗。筆尖頭上產神珠。又不見荊夫人。時同婢妾誦真經。身雖不出娑婆界。上品蓮中標姓名。

自號沒用

溪邊一腐塊。其形若沉檀。取之無所用。刻之無所長。棄水不之去。付火不之然。能死盜賊心。善却世人貪。日夕三光下。優游天地間。都云沒用物。我道得安閑。

又號散木

商丘有喬木。其木濶百圍。其頂冲霄漢。其年不可知。全身佩荆棘。到底皆虬枝。嗅氣令人狂。嚼味爛唇皮。世人不之諳。識爾者子期。多能復多役。致我長相思。

示朱交產

山河大地廣長舌。明暗色空熾然說。瘡癰盲聾最便宜。聰明靈利反成拙。一言要勸老維摩。三個證龜喚作鱉。欲識西來真實旨。踏著稱鍾元是鐵。

緣生偈

法從緣生。法從緣滅。生滅皆緣。自性直截。不了直觀。

認彼問答問答不週。刹那遷流。爾問我答。爾默我休。
無住之者。一二不收。一本不二。一亦非一。二既非
緣。豈爲實。以其不實。萬法所出。晝夜迭興。互成寤寐。
二者相違。何辨真僞。當其覺時。了知夢非。當其夢時。
安知覺是。既不相知。胡可憑據。見覺聞知。其義相次。
不了幻興。執成迷昧。苟能達此。到如來地。

詩

述懷

道人一意學。凝慾世事空。空無所關。權製荷衣。遮病
體。傍家行。脚傲雲。山腰包未解。心先唯。拄杖纔拋意。
自閑。枕石溪邊時。假睡。靜聞流水響。潺湲。

途中

爲客千里出。渺然萍藻心。回頭綠樹隔。問路白雲深。
慕直無容議。狐疑似欲尋。夕陽也投宿。淡影隱疎林。

舊路嶺

屹崢陟雲磴。迢迢翠影低。山城隣古寺。天漢接前谿。
怪石玲瓏處。奇松俯仰西。隔林清磬響。知是近招提。

途中二首

辭京已半月。客路幾盤桓。谿峻浪花逆。山高風色寒。
馬蹄輪石磴。鳥道渡雲端。絕頂如窺到。方知身世寬。

其二

屈曲臺山路。崢嶸霄漢齊。谿聲近聽好。山色遠看低。
旅況隨時度。風塵逐馬蹄。日闌嵐氣擁。設宿問招提。

山行口占

坐久忽勞生。携筇門外行。好花山徑滿。細草暮烟輕。
虎蹟新泥印。風聲襍雨清。遙看猿落澗。著意抱枯莖。

登西臺

覓險尋奇不覺勞。層層石磴響風颿。懸崖萬仞鳥不
度。峭壁千重雲卷濤。回首却教群岫小。擡眸又見遠
山高。幽林獨坐疑求伴。忽見猿猴挂樹梢。

古清涼

精藍恰近碧溪邊。聽得谿聲日夜傳。數鳥群呼隔林
去。兩山排出白雲前。厨中熟煮連根菜。室內唯參五
味禪。倚檻漫吟詩興遠。仰看只剩一絲天。

上西臺過清涼橋

西時將隣頂。崎嶇路轉彎。人行彩雲裏。心入畫圖間。

谿水穿空去。石橋依寺還。松前題實跡。消得半時閒。

中臺

萬山寂寂護高臺。四顧風情面面開。一路天河憑險渡。幾行秋雁傍時來。太華有意留星斗。淋雨無心長石苔。直是道人生計少。破衣曾把白雲裁。

北臺

劣削高巖馬不前。委蛇散步入霞巔。凌虛乍讀無多地。仰面唯餘尺五天。星月傍簾疑散雪。風雲渡壑似鋪綿。渾忘身世知何處。唯見臺山巖朶蓮。

東臺

望海峰前望轉遙。擬從海外駕雲飄。狂心不識高千里。癡眼猶疑上九霄。匍匐江山如有意。低昂草木似相招。紅霓應是文殊遣。雨過山腰布錦橋。

那羅洞

鐵壁崖心通小竇。聖賢居護宅神龍。五王寺伴天城跡。望海峰前第笠踪。有意漫勞窺縫罅。無心何所不從容。文殊滿目君知否。變化林邊幾處逢。

再登北臺

崔嵬復崔嵬。再登此高臺。五月名花發。六月寒水開。忽爾烟雲合。凜然風雪來。長年無暑色。爽彼幽人懷。

與普門社三際

青嶂有緣堪憩足。白雲是處可藏身。道人放意馴麋鹿。睡擁麻衣枕石根。

其二

白雲與我最相知。我住山時他亦隨。侵早和風辭嶂外。晚來依舊護柴扉。

其三

山中潦倒事尋常。明月憑他自轉廊。獨坐夜深隨去住。却來煨個芋頭嘗。

其四

黃葉隨風度竹籬。看看堆積滿牆墀。呼童旋掃烹黃獨。瓦甕強將篝火煨。

其五

風來吹我竹籬響。錯謂禪流叩草蓬。起坐相迎看端的。數堆黃葉聚庭中。

同春坊傅商盤過渾沱河訪戒菴

鐘山界白練。沱水遶僧家。危閣一吟眺。長空見落霞。
淒淒兩岸草。德德數聲蛙。南畝禾時熟。應知足歲華。

雲印老人千佛寺講法華經

如來有使者。千佛與相儔。舉念天華落。聞言石點頭。
真空無一字。權說有三週。門外亡家客。玲峤亦自繇。
有感

孰謂蒼天不負賢。幾多豪傑困林泉。藉劉豈是無知者。
沒世村庄學種田。

又

有學何如有福彊。蠢然却得坐高堂。詩書滿腹成何事。
空抱琵琶對月光。

示遊客

客來索我詩。迅筆敘衷曲。說與行路難。歸家無榮辱。

端陽卽事

堪笑世間人物命。當人事祇識我取歡。安知命所係。
現前眷屬和去後。冤家對我勸急省。取三途莫兒戲。

思鄉

辭越三千里。思鄉十二時。逢人問豐熟。敘話多別離。

朝起清雲下。暮觀玄斗移。羈身無所事。歸去故人疑。

上元後日與馬中丞誠所過蓮花菴

春風吹上苑。草色青階除。楊柳萌金穀。梅花綻玉糝。
愛蓮因鑿沼。結社構深居。索偈應無說。談心論有餘。
季春同錢月童朱劍石諸友遊安化寺登毗盧閣望白家庄義塚

平明出東郭。勒馬訪幽居。綠樹遮鶯語。熏風解客裾。
登高一眺望。千古恨無餘。彼此離鄉客。空教記玉魚。
送傅司業商盤歸定襄四首之一

若過臺山路。休參無著禪。粥餲獅子現。拍手哭蒼天。
送黃庶子慎軒歸蜀

相逢不久話離別。正值中秋月皦潔。把盞問君蜀道難。
吟詩惠我西來訣。旨深不識論入微。夢惺應知口莫說。
脫履歸山雖是樂。朝廷有念君當出。

贈陶鶴洲

不作千年松頂夢。却來洲上事春潮。他時沖翮飛空外。
任意搏風度九霄。

寒食弔古

土堆做就肉餿餒。不到渠邊誓不休。一陌紙錢辭志極。問君此外復何求。

贈王新建越衝

種性天然貴。生成獅子身。應隨龍作伴。不與兇爲隣。畫戟懸雙日。幃門祇一人。治衝明世界。閒爾靜邊塵。

初夏思鄉

攸攸夏日長。讀易在北窓。窓外千行柳。陰陰生微涼。默然觀造化。評論知其詳。樹上有黃鸝。聲聲似有情。以其忘彼此。向我分外鳴。我有離鄉念。彼將天地輕。豈日不如物。祇爲各有因。廢利我受托。離辜擅越心。身雖住北地。夢寐南山岑。

自警

今日期明日。恍然誤白頭。道心在疑惑。世事空悠悠。名墮聖賢數。行同凡夫儔。高談與濶論。返省自生愁。

苦熱

盛夏日作威。行人汗如浴。林間鳥不飛。室內僧知足。但念盤中食。農夫何桎梏。能消五熱煩。惟有六月六。

過安化寺望白家庄義塚

君是離鄉客。我亦背井人。彼此既相關。其誰不動神。姓名詮竹簡。白骨露風塵。日望鄉關信。愁聞歲月新。紙錢孰爲送。來往唯浮雲。鬼死狐何悲。亦知爲同羣。同鄉無異土。傷悼何殷勤。屈指祇自知。衷腸難訴君。

行路難

行路難。路難不在登高山。愚癡盡道盡無用。靈利猶嫌心事好。上古人皆重淳樸。而今一味尙輕薄。事人直道還見疑。素性那堪更雕琢。蠶蠹衣稀稀粥。意無非是樂有餘。心不求人便是福。因把往事細思量。量往事空勞碌。數卷書。一林竹。園蔬野果皆天祿。不求榮。不招辱。出入無拘馴麋鹿。有時拽杖傍溪游。自覺身心無所求。倦依芳草睡。一覺浮雲流水兩悠悠。醒來抖擻疑歸家。夢眼摩沙見藤花。因採藤花入深塢。蕨芽仙草無窮數。只知富貴在眼前。那識人間有萬戶。旋轉松門遇佳客。話濃就地坐磐石。涼風率至。綠我襟。爽然自慙汗乾額。問我懷中是何物。報言世上不之識。道人懶意擇精靈。一一拈來皆可食。客又問我行路難。路難不在登高山。

送陶鶴洲還越

君同越中去。寄我越中思。徂歲曾栽柏。今春活幾枝。
水田當小滿。僧衆值忙時。致問吾徒輩。艱辛知不知。

越中書至

纔接越中信息。鄉轉覺深開。書識遠意。問客知近音。
欲住恐無事。要回似有心。躊躇兩難便。所以自沈吟。

和邢秋部乾陽臥佛

赴緣已訖。守林泉無事。攤書白晝眠。百萬人天呼不起。
懶將名利涉人間。

顯聖寺二首

幽興憑誰寄。携筇傍竹吟。徑苔留虎跡。溪水雜人音。
怪石藏深曲。飛禽度水岑。野僧無活計。獨坐自披襟。

其二

獨坐竹林幽。超然得自繇。微風聲瑟瑟。雛鳥語啾啾。
土列笋頭出。苔斑石汗流。祇知林下樂。安識有王侯。

和白法齋

一段身心鐵石堅。連城價重未爲妍。爭如與世無爲者。
種得西方幾朵蓮。

又

十里方圓一掩關。聊將鋤鑿斷青山。白雲欲護幽人意。
帶鶴和風傍夜還。

又

懶僧終日懶。擡眸與世浮。沉過了休。一個話頭忘記。
却任他柳絮換狐裘。

又

竹林有精舍。愧無賢者居。殘僧六七輩。琪樹兩三株。
伴座頭頭石。聞經乞命魚。飛飛庭際鳥。頻索飯廚餘。

又

奇哉焦冥虫。其體若隣虛。肉眼不可見。天眼始知渠。
肚子涵滄海。眉角納須彌。以其最小故。包含無有餘。

同陶石簣伯仲諸友夜遊

霜夜月明白如畫。清酣乘興遊山曲。小橋溪澗水無聲。
遠岫雲迷峰不綠。徐步相邀覓上方。遙指精藍似朝旭。
漫同學士話無生。無奈更闌寒更促。

又

我詩無奇特。一味老實頭。下得一簾種。秋成三擔收。

客來分煮粥米少熟熬油清澹雖云苦人前省告求

又

我詩無造作素性懶穿鑿有漏卽筌籬大乘是井索
吉凶可判然何用求龜灼問我西來意儒龜研木杓

又

熏風度竹林戛戛吹我襟閑坐無所事靜聽流水音
踟躕不循禮放蕩空人心異鳥莫能辯來我頭上吟

又

門前一溪水屋後一林竹三莖四莖斜七莖八莖曲
白日無空閑清風常自足老僧俗氣多糞火煨蘿蔔

訪古雲門

尋幽陟雲際深處萬峰連弔古興長歎吟詩借舊聯
烟炊香米飯石瀉響山泉贏得雲遊鶴赤松時往還

其二

乘興訪古寺黃流憶舊遊花香迷去路鳥語勸歸休
溪淺時閒釣林深分外幽渾忘來處樂祇意守林丘

和陶石簣遊雲門

若耶溪源似天墮片片鱗紋孰爲剡溪上翁眼空四

海窮年適足釣磯坐水心澗滄何堅剛一任古今風
雨磨西子漫誇傾國姿從來贏得虛名大

和徐霍桐

閒伴二三子時同造物遊雲過山錦繡松引徑清幽
碑古停殘照節聲渡碧流當年全盛日應不讓瀛洲

仲春寫懷

憂憂竹有聲熏風滌我襟罷書北窓下閒步南山岑
問彼名利客誰思泉石心仙禽解隨後聽我逍遙吟

又

淋淋三月雨颼颼東北風落梅堆滿地凍木長新容
最苦畚田父開懷思蛰龍老儂何所似襦被煖烘烘

又

雲門六座寺幾個無事僧披杖勤登眺狂心懶誦經
前村梅吐萼北嶺鹿羣行拍手供長嘯眇然天地輕

咏大參朱雲崢居士玉炤樓

越王城伴山水佳大夫求靜厭喧譁買園構室遠朝
市采藥尋薇却驕奢三徑種菊復種柳一泓鑿石栽
蓮花東臯西峙分突岬蒼松茂竹兩相誇竹聲奏瑟

下秦女松韻鳴琴擬伯牙路僻不堪受車馬溪深亦
頗通輕艇耶溪遶砌傍樓出古蹟人傳謝敷家山水
豈減晉時美文章獨顯明世華不慚東坡賦赤壁骨
惜太守咏瑯琊瑯琊若耶一山水清濁高低不相似
秦望嵯峨鑑水清白泉涓涓流石藥溪嵐多半香爐
烟歌聲應是采蓮女蓮女妖嬈無比並纖手摘菱弄
清泚澄潭皓月兩相涵麗珠走入晶盤裏魚龍不知
水爲命誤隨老儂踏山徑山徑迂迴轉若邪逶迤偶
到長者家朱門白壁天地別云是朱君開別業架上
詩書幾千卷樓上青山有萬疊修竹陰陰圍百畝羣
峰磊磊座之右主人好俠不倦客金杯滿斟對飲酒
不學池飲樹飲與席飲只要吟詩一首酒一斗酩酊
不覺月吐輝笑尋歸路始分手

過范雨亭別館

携筇信步出東郭正當日午度樵風范君別業在何
處人指格竹清溪東芙蓉燦燦兩岸映籬槿叢叢覆
幽徑金菊正肥長霜葩萼荷消瘦老秋莖轉入池亭
興展跡洞天深處野人家四山排闥非裝點萬嶂千

巖若正邪迤邐次第登高樓凭空一眺豁胸眸野田
千片飛白鷺耶溪數道繞清流至人能覓佳山水臥
龍金谷豈相似一一皆堪入畫圖村庄處處清烟起
金風陣陣響林麓盡是蒼松與茂竹下彼衛樂賽天
韶大者鳴鳴小嘒嘒主人好飲懶用杯酒缸對酌醉
如泥狼藉杯盤三灶烹石牀斜臥如箕踞夕陽西去
尋歸路兩手扶筇懶擡步路人笑我何猖狂我笑路
人不悟

登香鑪峰

短筇獨上香鑪峰逍遙不與人世同壯哉天地一芥
子廓落孤身等太空逸翮如飛上霄漢顧狂誤謂游
壑崑倦行跌坐就磐石玉樹奇花多玲瓏石崖萬丈
不見底蒼蘚磷磷清風起小禽羊角入雲端老儂衣
薄寒毛豎烟嵐忽爾滿山谷四面平鋪擬袒褥仰看
紅日麗天心人說雷雨過山腹濃雲乍散續還斷翠
靄欲流芳草綠瀑布飛飛簾幕珠山禽滑滑啼林麓
鹿麋知我忘機者馴遶左右伴幽獨伴幽獨咿咿如
訴還如哭中心要見出世因可惜時人不知福

月夜卽事

明月白如畫。偏爽幽人懷。朗然一吟賞。整衽幾徘徊。
溪聲清且寂。松影合還開。列坐青山伴。當空瀑布來。
石橋牽枕睡。游夢入天台。時逢二三叟。形古貌恢偉。
談玄洞肺腑。開我積生迷。攜手道宿契。徐往不思回。
持筇渡石澗。點破溪中苔。直上絕峰頂。頂上有瓊臺。
名花與茂竹。玉樹珊瑚柴。珍寶砌樓閣。瑤池珠翠培。
仙桃大如斗。神棗尺一枚。異味世無識。瓊漿琥珀杯。
高歌復長嘯。其樂真奇哉。欲別不忍去。又被鳥聲催。
醒來在橋上。再四自疑猜。不意此是夢。依依空抱腮。
尋思不可再。還想何崔嵬。人事亦如此。得喪胡欣哀。

題石女峰

壁立無情似有情。不嫌風雨妬紅裙。從來無限風流
處。豈肯輕身托與人。

老僧崖

補衲崖前立。絲來不計年。任從滄海變。終不爲君傳。

聞吹桐

昨爲尋梅出。今來採白萸。草生鋪綠砌。花發滿空庭。

應律灰猶在。吹桐聲已聽。春情何太薄。不肯片時停。

山居雜咏

山居無長物。清風四時有。繩床和齋睡。不讓華山叟。

又

我詩有便宜。終不費心機。信口道長短。適意無是非。
如來釋迦老。孔子是仲尼。問我如何者。回他囉囉哩。

又

捫風茅簷下。昏昏不舉頭。披衣仍曝日。白眼看王侯。

又

山居有何趣。幽獨勝塵寰。麋鹿常爲伴。龍蛇辨不難。
舉槌呈覲面。搖拂過千山。問我西來意。酬他只指彈。

又

春到梅知早。因開隔歲花。暗香和月白。清影弄窓紗。
枯幹瓊枝發。騷人國色誇。此心無外慕。素質厭繁華。

又

東隣誰喧嘩。云是王大宅。昨夜生個兒。邀朋廣設席。
家私數百萬。靠托有所得。初觀似恩主。細看還是賊。

又

聞有烏先生。狀元十七八。翰林排位次。門第書科甲。
四十登三公。閻王已發帖。窮通在眼中。富貴如電爍。

又

西隣動哭聲。謂是母哭兒。兒方念三四。母已六十餘。
徒以兒可惜。安識自己癡。少年既已逝。老大欲何爲。

又

丈夫志氣欲冲虛。纔有施爲便不如。祇有山田堪屈
節。不妨腰膝軟如泥。

又

山居何所有。貧病老俱全。白髮嫌頻剃。緇衣恨易穿。
鍋炊無米粥。竹筴自來泉。抱病未爲苦。清閑卽是仙。

又

老儂一味懶。去住總無心。著轡不知倒。披衣失整襟。
閒來陟峰頂。足倦坐松陰。世事渾如夢。憑高望遠岑。

又

題詩寄寥寂。乘興步前廊。明月如有意。篩金落草堂。

又

欲入雲門路。沿谿一徑通。休教傍顧問。指點亂峰中。

又

芟草街除下。閒吟幾句詩。看心當動處。著意在忙時。
惜菊勤澆水。梳花摘故枝。子規聲太切。連叫我何如。

又

去古何其遠。山僧事迭迎。清貧猶有辱。濁富且無驚。
佛祖尊王位。公卿重世名。先生五斗粟。下我水雲情。

又

開池不待月。蓄水備澆蔬。抱甕雖云拙。消閒不可無。
天緣隨分足。物欲自相疎。不意夜來月。如同信使符。

又

我詩無巧句。摸寫實功夫。鑿得一段地。種成兩樣蔬。
不栽蔥與韭。多半是葫蘆。擬學趙州老。譚禪只說無。

又

豬羊當用食。不食無冤讐。啞骨察其味。潛心觀所絲。
昔時食我肉。今世以身酬。兩足不肯避。四足欲何修。

又

自身如泡幻。常懷千載憂。妄心不能足。日夜思經求。
起屋七八透。買田千萬坵。神枯心思盡。病作臥床頭。

兒女滿堂屋。誰爲展憐眸。分分皆力置。件件安可休。
雖死不能捨。願作護家狗。趨富拒貧賤。波波顧前後。
一朝筋力竭。歎我已老朽。將我烹之食。辜恩世無有。
隔生不復認。對面如千秋。父子情義絕。徒增兒女仇。

又

金風乍作。征人悲野老。朝陽補破衣。剪得浮霞修直。
襖袈裟。又半逐雲飛。

又

簷前卒卒墮黃葉。窓裏貧僧愁更切。寒暑催遑不覺。
停未明。大事空叨呷。

又

水面優游意興多。何方漁曲暢婆娑。移舟棹打天邊。
月品笛聲沈水底。歌失宿江維空露脰。逃鉤燒尾背。
浮波形容萬一無能補。難把餘情仔細哦。

又

聞道春郊多秀色。山翁拽杖印蒼苔。住觀繞岸楊初。
綠。忽見平江鳥夜來。風捲濤頭珠散雪。山浮水面碧。
莊臺龍魚跳躍烟波外。風雨相從笑滿腮。

又

野老山中但學孩。柴門終日未嘗開。地爐火盡重增。
炭瓦礫穢疎間雜。諒軒臥夢魂常自在。忘緣名利已。
成灰破衣懶向朝陽補。每把浮雲漫剪裁。

幽燕懷山中

山中多樂事。迥然異城郭。長年少閒事。白日多寂寞。
所樂無他伎。所貴無拘束。散步時獨吟。縱曠絕稜角。
爲客樂不少。何意生煩惱。受用勝常時。未似山中好。
不見寒山子。願言寒山老。永無塵累牽。自謂可長保。
菓熟猿摘多。山深客過少。水清茶有味。葉墮風自掃。
携手招拾得。共返來時道。

偶述

獨住孤庵野水邊。顏儂爛倒一枯禪。身貧無裨爲寒。
計亦體難遮却自然。

汎舟

獨向滄溟汎小舟。飄飄頭舞類狂鷗。道人活計隨時。
度。那得塵寰萬斛愁。
數聲漁笛蓼花洲。撲面波瀾不自繇。唯我乍同蘋草。

白耽尋佳句滯中流

漁家樂

家計一生非別有。孤身隨處甚逍遙。江魚村酒無餘味。酣醉橫眠待日高。
綠楊蔭下攬孤舟。拳枕鼾眠萬慮休。醉醒移櫓隨分去。更無名利惑心頭。
柳絲桃紅映碧波。清閒無事且高歌。光陰有限休虛度。慢酌寬懷學護鶯。
夜宿蘆汀。畫出湘人間。浮利懶思量。直鉤不釣貪生者。負命希求度渴腸。
虛利浮名久已休。禦寒不已蓋羊裘。時人不識漁家樂。却謂呈身銜漢侯。

龍山

偶然無事步高峰。極目雲山千萬重。隱隱村歌疎樹裏。漂漂漁泊澣波中。
苔莊恠石龍形古。露滴蒼松鶴髮濃。爲笑皤翁活計少。窮崖獨坐究心宗。

懷白公故墓

夕陽西下水茫茫。流落江湖不記年。旅雁年來垂弔

淚。游人時至問先賢。新碑有字應難識。荒草無端到處延。不是聖朝留寵錫。幾無寒食憶飄錢。

村暮

牧童吹角過前溪。已覺殘陽墜隴西。野霧橫郊籠樹色。哀猿尋穴遶山啼。
滄浪漁曲沈波底。霄漢游禽歸路迷。我向村墟閒步裏。却將天氣晚來題。

題廬山池寺四仙亭

撒手懸崖上。崢嶸似接天。迥然名利外。不與世相連。

題虎谿橋

昔年曾慕虎谿橋。千里驅馳不憚勞。莫謂靜修能却死。也輪溪水到今朝。

辭

擬歸去來辭

歸去來兮。未知曠劫之何依。恨無始之不悟。失善友之提携。認色身爲自己。執幻世爲安居。虛生浪死。枉受輪迴。縱貪嗔而造業。逐名利而空馳。苟悟榮華之不實兮。棄朝堂而早歸。未諳身世之非眞兮。猶繫縛於子妻。縱逍遙以自適。樂田園兮娛嬉。豈其無常之

卒至歲月之相催。紛紛兮霜雪堆。身漸漸兮容顏
頹。不覺五陰之前逝。豈識四大之分離。業識紛紛兮
不可得。而主持泉路茫茫兮。知何處可依棲。家財縱
有兮。焉帶兒女。雖孝兮。何知業隨身而自受。魂獨逝
以孤悽。胡爲乎而不預覺。急發心而歸依。悟真如之
不變。何身世之可羈。識安心之。不有了夢境之原虛。
達法界平等兮。豈聖凡之可間。觀真性無生兮。寧自
他之有殊。不去不來兮。涅槃卽是生死。不垢不淨兮。
煩惱胡非。菩提如是乎。若菱花之瀉影。歸去來。猶日
月之東西。吾何知焉。惟知是而無疑。

歌

良知歌

良知非是有知。知良知亦非無知。知知得有無知。斯
在直向有無中薦取。若謂有知見不圓。執著無知又
一偏。有無疊成六十二。欲了除是悟言前。悟言前透
心法。日用了了惺惺著。待客迎賓出現成。何須百計
求方。略入斯門得自在。神通應現週沙界。縱橫妙用
總無方。答話不須揀內外。饑便食睡便臥。行住坐臥

祇這箇。柳綠花紅三月天。世界拈來如許大。有等道
人。彊作主。只管人前弄死語。顛拈倒用。總不知徒把
良知作規矩。有等道人。恣彊辯。何曾夢見娘生面。出
語茫然。混正邪。徒事規模。執方便。不知性迷自心無。
始劫來。認識神。若教火內翻身後。未審那個是天真。
解天真。識通變。入門便討公文驗。虛懸寶鑑定龍蛇。
慧劍高提。光焰焰。不用思不用算。鳶飛魚躍道一貫。
良知良知。若個知。知得良知金不換。

溺女歌 王雲來請

人間溺女自有因。非謂性僻殘親生。張家有女貌如
神。自幼護惜如珠珍。長大嫁與李家。去金箱連步珠
裝身。悶悶只嫌嫁資少。兄弟相看猶生嗔。歸來日夜
惟啼哭。父母不安倍。珠玉餘財使盡。又無多賣田賣
地。兼賣僕。只要女心歡。喜賣僕。又恐女不足嫁。得
女家如石崇。不識自己已賣。屋滿得女。意自身空。家
中大小。吸清風。大怨小怨無日了。擬向女家養身老。
冷眼相看冷面打。茶飯三食不甚飽。思量往日錯用
心。還是兒子是真親。天下無有不是父。兒子雖嗔不

甚怒溺女還是溺女招天神宜鑒溺女過前人墮甕
後人防致使溺女無控訴

補孝歌有序

余曾祖千身長九尺父爲虎擒隣人報知驚往救
父打虎三拳虎怒爪傷祖面去時陶君世芳聞於
府縣幾旌表有隣人王姓者爲府吏索銀于祖祖
曰有銀買孝子不若買田遺子孫孫是吏隱匿不
行陶君有孝子歌隣人徧誦年久稿遺不可得予
因作補孝歌以誌其事

聖世天下平人物忘彼此白晝虎臨村咆哮喧天地
虎無傷人心人起逐虎意人驚虎亦慌吾祖不知避
子聞父危難竭誠忘生死見父不見虎顧親不顧己
猛力石虎拳怒爪傷身體逐虎出牆外負親歸家裏
祇知父可救不識脣露齒服藥未有方殷勤拜天地
心誠佛亦靈此際有神明天賜父子全共享有餘齡
時有陶長者具聞乞旌表司府曾申文吏弊不消繳
長者歌徧傳年久無尋討我生何其晚竟不得遺稿
因作補孝歌後代因我識若有知我心續之不可失

旅泊歌贈沈定凡號旅泊居士

君不見身心如幻復如電蜉蝣天地若寄居旅泊人
間無拘戀明識娑婆不我家安身自有空王殿空王
殿拈來一一有方便縱橫逆順任施爲見聞知覺本
成現兀兀騰騰總自然好惡是非都不辨天真自是
絕安排略著思惟不可見承願力受付囑示身此界
混愚俗有財布施不憂貧無事牽心便是福富貴處
之如浮雲妻孥爭礙空王腹直將煩惱當菩提誰羨
無生極樂國行便吟倦便坐醉飽餉餉只貪臥懶將
名利掛胷襟夢中猶想陳搏做脫巾露頂絕嫌疑跳
足鬚頭無禮數或時白眼空四海或時壓腹誇高大
拄杖橫挑日月肩眉毛牢把虛空鎖乾坤振來芥子
安倒用顛拈無不可嗟世人識不破橫搏四大成自
墮夢眼睜開仔細看父母未生誰是我若教火內再
翻身試問其間是甚麼我將天地比此身去來長短
無定眞或時一夢更三世或時七日已千春似有似
無似恍惚誰生誰死誰昇沉優游三界如旅泊世間
若箇是知音

會稽雲門湛然澄禪師塔銘

曹洞二十六世傳至慈舟舟得一人曰澄公是爲湛然和尚師生有異徵長而大目哆脣直腸信口顯悟無礙志求無上初投玉峰卽做勸晝夕期參悟大事復見隱峰峰示行住坐臥但參念佛的是誰三日夜有省而師自念彌勤一切處精苦疑嘿時年二十矣及往妙峰剎染諸決心要脅不就席者三年而難行苦行實於此時行之乙酉偶聞僧論傳大士法身偈便能記持經書始解一切義理然或數日不粒而坐參不倦自誓必得乃已因閱雪竇與僧論柏樹子話有行者頌曰一免橫身當古路蒼鷹才見便生擒後來獵犬無靈性空向枯椿舊處尋師便能對機著語及憶乾峰舉一不得舉二話乃大發明從此於一切公案了了出語縱橫不存軌則而猶自謂所詣未極又三年庚寅夜坐凝寂忽若虛空震絕須臾而甦師時年已三十矣性根洞朗言語契機拈經示人源派洋溢於諸佛事不思而應世共推之以爲大辯才焉慈舟說法於止風塗師至舟曰止風塗向青山近越

王城伴滄海遙時如何師曰月穿潭底破波斯不展眉舟又問洞上宗旨師呈偈曰五位君臣切要知個中何必待思惟石女慣弄無針線木偶能提化外機井底紅塵騰靄靄山頭白浪滾飛飛誕生本是無功用不覺天然得帝基舟曰語句綿密不落終始眞當家種草也遂付法偈曰曹源一滴水佛祖相分付吾今授受時大地爲甘露咄五乳峰頭無鏃箭射得南方半個兒師之授受若此師嘗歎末世佛法大乘旨趣無聞著書若干篇曰宗門或問曰慨古錄復著楞嚴臆說法華意語金剛三昧經注涅槃會疏思益梵天所問經解語錄八卷盛行於世山東德王刺血寫書請師至府問道受戒讚歎敬服初時師詣雲棲蓮池授具池舉高峰海底泥牛話師傍推出一僧云大眾證明池領之其機用電捷若此壬寅至都中隨達觀應劫禪林有嚴色師以平易簡亮傾重一時嶧縣汝登周公初請師就剡谿明心寺說法翰林輝黃公用先吳公魯唯張公諸達官皆執弟子禮請問法意翰林望齡陶公舜鼎王公秉齡陶公承燠祁公承事

尤加敬切時月川澄達觀可憇山清聞谷印諸知識
皆修敬讓諸宰官請師重修阿育王殿市木闔還航
海遇寇聞師名尋卽懺罪且授號矢護送請築江塘
而相力音聲悉稱佛號夷夏感悅皆篤信禪宗云時
人共爲之語云師現肉身渡生方便善巧應物時宜
隨機映徹無上摩尼全體直示解與行符名聞蓋不
虛也師名圓澄嘉靖辛酉生會稽姓夏氏年六十有
六僧臘四十有三天啓丙寅臘月初四日化于紹興
府之天華寺門人及遠近來者哭師甚哀山林震動
奉全身塋于顯聖寺南鉢孟山之陰而塔焉後十年
崇禎丙子春正月居士丁元公持師行狀見懿典求
銘刻之山中懿典拜而言曰

聖朝尊尙佛法至矣而禪學之弊今且以合頭棒喝
爲佛事而視理義文節爲不足爲以支離偏見爲無
上悟門而視三藏大典爲蠹淺言句以杜撰無理語
錄爲向上真詮而視天下古今爲可欺誑以私通賄
賂爲師資道合而等授受於販漁以資緣達官爲門
庭而列寶座于權位唯師嗣佛正傳末法標榜大振

洞宗綱維後學其卓絕不羣遇人本色實德實行化
理嘉猷東南一人而已銘曰

明星在宮 山中大雄 有口無舌 三際真空

嵩巖雪月 震塞驚忽 惟茲宗乘 香雲地罕

大哉慈舟 廣運海秋 龍搏金鳥 截纜泥牛

湛然清天 旃檀布烟 絕學無學 馭航卽安

波風浩浩 注溢匪造 深壑委冥 毒鼓震焯

惟月之明 枯木華芳 亦如鍊師 金成火忘

弘願所現 大覺如起 肉身利行 慈雲若水

若水在天 是爲澤美 和風

帝前 永師峙年

賜進士第通議大夫協理詹事府少詹事兼翰林院
侍讀學士前翰林院侍讀學士掌南京翰林院事右
春坊諭德中允贊善兼本院侍講修簡討直
起居注纂輯章奏管理文官

誥敕

正史纂修官陳懿典薰沐頓首拜撰

會稽雲門湛然禪師塔銘

師名圓澄字湛然別號散木道人會稽東關夏氏子。祖千打虎。採父邑中推爲孝子。師生而穎悟具辯才。觸事解了。性不羈。雖人所苦難。賤簡事。率躬親。無所諱。憚父時產落。徙居蔣家山。爲郵卒。自活。老且病。師年纔十一。二卽代其役。持檄往來數十里。間不避風雨寒暑。夜穿虎豹之羣。亦不懾也。親沒。乃求度世。往臥僧寮。中有鬼撼其床。榦累囑之不肯去。師曰。山鬼伎倆止此矣。遂鼾睡達旦。去依玉峰。師始習文義。次依隱峰。師時祖庭荒寂。越中衲子初未有問。祖師西來意云何者。峰稍通其旨。見師應對敏捷。乃曰。是兒似可參禪。師忽聞參禪字。如逃虛人。聆親舊警。歎其側身心踴躍。不能自己。每欲置問而苦無下口。恍惚經七日。猛入室叩請峰。曰。但看取念佛是誰。師於是刻刻提持。寢食俱廢。經三日。方禮經次。頓覺有省。趨似峰。峰曰。似則似是。則未是。師懼懣而退。一似有物礙膺。茹吐不得者。行坐惆恍。衆謂其疑如是者三年。萬曆甲申時年二十四。乃詣天荒山投妙峰師。峰爲

祝髮圓僧。相時冬月寒甚。體無複襯。而通昔參叩。未嘗就枕。明年採茶於葉家山。聞僧誦傳大士法身偈。於是礙膺之物爲之脫然。然能茹之不能吐也。入郡城分衛。受戒於雲棲。還以高峰海底泥牛話叩南宗。師宗越所推爲宗門老宿也。舉未竟。宗厲聲一喝。師點頭而已。掩關於天妃宮三年。閱雪竇與僧論柏樹子因緣。自是始解下語。又掩關寶林寺三年。憶與錦堂師論乾峰舉一不得。舉二話始豁然。無復疑滯。乃頌曰。舉一舉二。別端倪。個裏曾無是。與非雪曲調。高人會少。獨許韶陽和得。齊二老何曾動舌。諸方浪自攢眉。擬意鷄過新羅。刻舟求劍。原迷又頌雲門十五。日話。自是出語皆能脫去窠臼。不存軌則矣。住止風庵。與南宗晨夕。究竟時。慈舟師自少林來。爲南宗同門友。因請憩錫。師以所悟求證。兼聞洞下宗旨。呈偈相印。可遂定師資之禮焉。至京。師與達觀月川諸大老分道揚鑣。未嘗少讓。諸師亦歛衽稱歎。生平不爲律縛。脫略軌儀。從前所爲。一不覆藏。腸直如弦。舌快如矢。遇人無貴賤新故。皆以本色語相鉗錘。雜以諧

調未嘗有所揀擇。諸方頗有少叢林之譏。然識者自貴。尚之不以率。故貶其道價也。中年以來耳根幾斷。而應機迅捷。受命如響。所交縉紳。皆當代名士。而與余兄弟特善。所以獲管窺茲事。得師力爲多得。法後踞講席者。凡四十餘開堂說法。凡六其嗣法者。六人爲明懷明。孟明。方明。液明。有明。雪皆能舉揚宗乘。爲後來眼目。所著有宗門或問。概古錄若干卷。思益簡註。楞嚴臆說。法華意語若干卷。會涅槃疏。金剛三昧註若干卷。及門人所記法語若干卷。皆行於世。晚年頗崇有爲。見人卽勸行。施曰。吾將究竟檀波羅蜜。具足功德法財。然後已。余見每調之師。厲聲曰。子一毛尙不肯落。乃欲開大口。瞞人天耶。余笑曰。昔黃龍設三關。不若吾師一關之難度也。所修大利。凡五治石塘。自西陵至嶢曹二壩。爲里凡一百六十建亭橋。凡幾凡可利濟有情。無不從事。末復欲修鄧山阿育王寺。資已具屬。順世乃已。弟子明敬始克成之。師於嘉靖辛酉八月五日。生於東關。兒時常游戲天華寺之廢址。時其地已歸勢人。師每發願恢復。既得法。已游

行於四方。未暇及也。余兄女。女章氏者。早娶捐貲。贖以爲寺。寺成。以奉師。天啓丙寅秋。講法華於華嚴寺。十二月四日期畢。至天華爲衆小參。因示微疾。遂逝。豈昔人所稱棄落歸根者耶。享年六十。有六僧臘四十三。門人迎遺蛻塔于顯聖寺南山。師手所定也。其弟子明懷。譜師遺事。請銘於奕齡會。奕齡方宦游嶺南。久未屬草。泊歸而懷亦順世。適明方繼主天華法席。明雪分化。弁山復以塔銘爲請。因以平昔所聞。攷諸年譜。敘而銘之。銘曰

森羅萬象	一法所印	孰佩其符	以揚正令
大末緣火	蝶螟巢空	往寧有至	來亦無從
曹源一滴	巨浪滔天	卽心卽佛	語直而圓
窮其變相	千七百則	如開武庫	滿貯矛戟
試拈寸刃	便可殺人	束而不御	徒手逡巡
堂堂澄師	隆頂秀目	周雲四垂	詎階尺木
曹溪耶溪	異流同源	寄跡洞下	非有專門
跋難陀龍	無耳而聽	師之圓通	於是乎證
玉筍寥寥	花宮四敷	透東南岡	吉祥所儲

慧日既匿 靈炬俄隕 庸庸攸灼 緒弗其燼
後千萬年 不替引之

崇禎癸酉歲佛成道日柴桑居士陶奭齡謹識

會稽雲門湛然澄禪師行狀

師名圓澄字湛然別號散木道人會稽夏氏子也父名世瑞號鏡軒母顧氏宋英公竦之裔南渡有安奇駙馬者所自祖也母夢僧而娠十有四月生七日啼不止有僧過之囑云自誓不昧止宿於此啼作麼遂不復啼長而大目昂鼻哆脣露齒直腸信口年十七喪父十九喪母竄甚充郵卒因錯投公牒被攝懼辱自投于江漂流數里漁者救行澤中遇一僧目之云是能出家有大用師卽求度出世往臥僧寮中有多鬼撼其牀榦屢囑之不肯去師謂山鬼伎倆止此竟鼾睡旦去投玉峰師充間頭始習文義一日入方丈求授經玉叱曰丁字不識不作苦行求甚麼經師曰尙求參悟大事何況區區文字玉異之付法華經曰此諸佛骨髓珍重熟讀自有得隨訪隱峰師隱器之

對衆云此子可參禪師遂求示隱曰行住坐臥但參念佛的是誰三日夜有省知法不假他求趨似隱隱曰似則也似是則未是且一切處疑嘿著時年二十矣壬午往天荒山妙峰和尚處剃染懇求要訣峰唯指念佛多無複視而通宵參究未嘗就枕三年充間頭行難行苦行乙酉葉家山聞二僧論傳大士法身偈便能記持經書解一切道理往北塔寺不納遜居荒廟中五日不粒坐參不倦詣雲棲求蓮池大師授具還訪南宗師入門便問曰海底泥牛脚月走是甚麼意宗一喝師不能答遂憤然曰不悟不休卽於天妃宮掩關三年不發一語偶閱語錄至雪竇與僧論柏樹子話有行者頌曰一免橫身當古路蒼鷹才見便生擒後來獵犬無靈性空向枯椿舊處尋師便能轉機著語又因燈滅隔窓取火有省隨頌一首令呈南南曰我道他是個人猶作如是去就耶師聞復令請益南曰不思善不思惡正恁麼參師於此漸入一日憶乾峰和尚學一不得學二話遂豁然無疑頌曰學一學二別端倪個裏元無是與非雪曲調高人會

少獨許韶陽和得齊二老何曾動舌諸方浪自攢眉。擬議鷄過新羅刻舟求劍元迷又頌雲門十五日話。日日犯土黃日日是好日鐵漢黎兮無孔笛分付。禪和莫近前擬議須教性命失從此于海底泥牛話。及諸請訛公案一切了了出語皆脫窠臼不存軌則。矣啓關參錦堂和尚錦大賞曰宗門寥落極矣再振。之者非子而誰時戊子歲也又二年一夜靜坐凝寂。忽若虛空霹靂聲震大地須臾而甦遍體汗釋如脫。重擔此庚寅七月二十一日也時師年已三十矣性。根洞朗言語契機於諸佛事不思議應於諸經旨玄。會徹微詣雲棲蓮池大師一日舉高峰海底泥牛話。師推出傍僧曰大眾證明大師領之又火浴僧回大。師問亡僧遷化後向甚麼處去衆著語皆不契師出。云謝和尚望念大師休去既還越日乞食暮宿塔山。金剛神脚下時大學士金庭朱公太史石簣陶公太。學濟元張公同游應天塔下寶林寺至天王殿聞軒。勦聲使覺之問曰何人師曰無事僧也諸公與醜問。數語相謂曰語淡而味永高人也揖師問依止何所。

師曰饑則化飯喫倦則此地打眠耳諸公共葺靜室。以居師一日靜坐忽如冷水潑身詩偈如泉涌自念。曰此聰明境耳時已丑春也自此囊錫漸露賢士大。夫爭重之萬曆十九年辛卯慈舟和尚謁普陀回至。紹興慈大善寺幻休和尚子洞宗嫡嗣也黃兩高居。士請於止風塗說法師趨座呈所見求證舟問曰止。風塗向青山近越王城畔滄海遙時如何師曰月穿。潭底破波斯不轉眉舟又問洞上宗旨師呈偈曰五。位君臣切要知個中何必待思惟石女慣弄無鍼線。木偶能提化外機井底紅塵騰靄靄山頭白浪滾飛。飛誕生本是無功用不覺天然得帝基舟曰語句綿。密不落終始真當家種草也遂召入室印證復曰汝。後鼓兩片唇皮截斷天下人舌頭有分在即付法偈。曰曹源一滴水佛祖相分付吾今授受時大地爲甘。露咄五乳峰前無鏃箭射得南方半個兒師始匡徒。說法稱人天師也師生而頓悟具大辯才觸事了。性不羈滯雖人所苦難賤簡事率躬親無所諱憚生。平所爲一不覆藏遇人無貴賤親故皆以本色語相。

鉗。鍾中年以來病患耳根幾斷而應機迅捷受命如響壬寅入京值達觀大師應劫禪林有嚴色師以平易簡亮推重一時黃袁陶諸公卿皆及門請教冠蓋傾都市而師絕不以爲意一日達觀大師同月川法師陶石簣黃慎軒兩太史左心源曾仲水米友石諸公嘉熙寺翫月次慎軒臥問馬祖翫月因緣師曰汝臥我立不得爲汝說法慎軒亟起謝過月師云內翰錯過了也達師云我下語不及此公又僧鶴林參達觀大師大師曰你信得及麼林曰信得及大師云既信得及可將法華經拋在尿桶內得麼林如所言諸方疑駭後師特往問林林云實有此事師曰你當時見何道理便恁麼來林曰我忽憶善財參勝熱婆羅門因緣便乃如此師云如今還有疑否林曰此是地獄之因豈得無疑師曰我今問你你須實答汝信得及否林曰信得及師曰汝真信得及否林曰真信得及師曰真信得及割取頭來林不知所措師便喝尋還起請開法者日益盛已未山東德王刺血寫書請師至府殷勤修敬問道受戒師至杭州聞谷師慧聞

師等數員知識法師及諸縉紳護法各命侍者持東迎師慧聞法師東內云今日大衆要與和尚作家相見和尚若來已墮情識和尚不來猶缺慈悲師閱畢即將衆衆一齊扯碎正色厲聲云這些客作漢敢於老僧處納敗闕耶師至卽陞堂正立慧云和尚莫要般門弄斧師與一掌云速道速道慧無語師曰死漢聞谷師遂率衆作禮丙寅臘月於顯聖寺呼大衆前作付囑語初四日至天華寺上堂明智出衆禮師白往九華師曰汝去老僧卽今起程語畢復爲衆語至夜分丑時右脇示寂門人迎全身至顯聖寺龕三年丁卯塔於寺南鉢盂山之陰師生於嘉靖辛酉歲八月五日寅時住世六十有六臘四十有三上堂開法會六初壽興寺次雲門廣孝寺次徑山觀音殿卽古千僧閣次嘉興東塔寺次雲門顯聖寺次紹興天華寺講演經論會四十餘初周海門居士請於剡谿明心寺次顯聖寺次張太學宅中次山陰壽聖寺次梅墅彌陀庵次上虞百官陽草偃次下心壩次寶林寺次秀水石佛寺次海鹽天寧寺次嘉興東塔寺次顯

聖寺次蕭山關王廟次顯聖寺次紹興大善寺次顯
聖寺次顯聖寺次南京圓覺禪院次延壽寺次崑山
一宿庵次紹興天華寺次湖州道場山次紹興華嚴
寺等處師頌五位偏正曰正中偏啞子喫苦向誰言
開口已招人貶笑祇應肚裏哭蒼天偏中正物物頭
頭行正令信手拈來用得親擬欲求玄俱是病正中
來云何石女也懷胎天明生個白頭子九月楊花遍
地開偏中至狹路相逢不須避線去鍼來本自然目
擊道存兩會意兼中到動靜不分真個妙著衣喫飯
本尋常却似大蟲裏紙帽又三玄三要頌曰老儂不
識字錯讀已已已去問大大人答我渠似你師管歎
末世佛法大乘旨趣無聞著楞嚴臆說法華意語金
剛三昧經注涅槃會疏思益梵天所問經解陶太史
請注又宗門或問慨古錄等語錄八卷行世付法弟
子指南明徹夢浪明懷石雨明方三宜明孟爾密明
渡臺茂李黃葉具足明有瑞白明雪無學能幻居士
雁田柳湏參學如天倪明聞香幢明海柱石明梁等
其餘印心者林下水邊繼起未艾洞上逆流汪洋無

既復有久依法席去而嗣臨濟稱雄彼宗者亦皆受
法乳恩知所報者也師于一切利益之事無不具行
若築石塘自西興抵曹娥二百餘里若剡谿南下至
濠而勢逼流沙停漲水勢日西齧會稽日受築塘之
苦師白當事者令剗去沙洲水乃漸伏若修阿育王
殿市木閩還航海遇寇聞師名即懺罪且授號矢護
送若越城戒珠寺鐵鑄佛像尊前殿若徑山造彌陀
佛若山陰修柯橋融光寺并佛菩薩像若修東關大
石佛殿若長慶寺造羅漢像若錢塘江湄建茶亭并
渡船若餓口施食水陸放救生命又若爲夏氏置饗
祀田等不可悉紀不肖丁元公奉教有年備聞行事
敢述斯錄冀名達手銘筆傳馨謹狀

天真毒峰善禪師要語

明・
悟毒峰本善
真善

編撰

天真毒峯善禪師要語

參學門人悟深編集

上堂

諸大德既來這裡相從貧道參禪究明生死須依貧道家風行持他後決不相賺各各俱要屏息身心諸緣一心向道追復百丈已前釋迦老子所行頭陀之行是謂家風此之苦行頭陀經中具載請自檢看然雖今人難比古人且請於中行得一半庶亦得沾頭陀苦行之少分矣不可似今時學者全不問着甘作無慚愧人佛法驢年會得只如世尊當時饑則領衆

支那

天真毒峯善禪師要語

一

持鉢入城乞食歸則各處岩穴之間後趙州諗和尚三十年不開口告人不雜用心區擔山和尚唯食橡栗過日丹霞然和尚一生只個布衲更看芙蓉楷和尚不發疏簿不請化主一生唯事澹泊此諸尊宿俱是行頭陀行家風所以一箇箇魁壘秀出於當時而千古之下爲世所尊諸大德若依此苦行行持久之不移不易則僧問如何是佛雲門道乾屎橛管取呵呵大笑時有僧問如何是和尚家風荅曰前江潮急魚行溢後嶺松高鳥泊難下座

上堂僧問昔高峯和尚示衆云海底泥牛脚月走岩

前石虎抱兒眠鐵蛇鑽入金剛眼是等語家語爲甚此四句內有一句能殺能活能離能奪若人檢點得出許你一生參學事畢不知是那一句師云待你悟卽向你道會麼僧云不會師云不見道你有拄杖子我與你拄杖子你無拄杖子我奪却你拄杖子下座

普說

徒悟權等焚香年跪云弟子德深等實爲生死事大無常迅速特來禮拜和尚請益如何修行得脫生死輪迴師云諸大德既來相從惟我此間又非明導之師建立門戶爲人處無非平實商量做工夫捷徑處

支那

天真毒峯善禪師要語

二

彼此相依於三間茅屋之下草衣木食追慕百丈已前真風不學今時體態只貴真參實究證到古人田地而後已捨此非吾之所爲也今日事不獲已只得將自己昔年親證底一則無字公案開示諸大德子果欲脫生死輪迴先須發大信心立弘誓願拚從今身未悟之先莫退菩提道心莫改修行節操若不打破這則所參公案洞見父母未生已前面目半斷微細現行生死誓不中途而廢放捨本參話頭遠離真善知識若放達此願當墮惡道受無量苦此大頭防護其心然後

支那

領荷公案昔日東普師翁并先

師尚初發心時俱發大誓願云若我退失道心遠離諸頭生害脫皮癩現諸人眼目死墮無間地獄受無量苦因作此願勉勵身心精進不怠所以到得這地位現前大眾還肯發願麼衆發願已乃付公案云曾問趙州狗子還有佛性也無州云無趙州意含靈皆有佛性因甚狗子無佛性因甚道無趙州意作麼生無咩若是宿有靈骨者聞此開發便是撞着牛死冤家相似就與肩毛厮結憤憤不休直下便明白倒斷誠有如是操畧於此九旬之內必定被你捉趙州看破他家好惡處則是入門端的也此則公

人與教書師要語

三

古人喻如倚天長劍塗毒鼓聲觸之則屍橫萬里則之則鬼散九霄雖佛祖到來亦不敢以正眼覷着五祖云趙州露刀劍寒霜光談談更擬問如何分身作兩段子昔聞此語便疑三十年不敢開口乃有問示偈云寶劍全提日用中高揮大休肯從容卷今竟猶迴風喪針也獨機偏地橫萬死萬生渾不顧一鎗一戟便收功趙州性命分明也血刃奈天不露鋒雖然如是猶是半途在若以小爲足決定不得到他佛祖大休大歇田地諸大德既爲生死事大豈是說了便休亦非知了便休須是始終切切拳拳兢兢業

業如喪考妣廢寢忘餐提持此事方有少分做工夫氣象所謂生死大事者自我山僧知有此事行脚已來目擊耳聞無數箇爲人天師範說法如雲如雨臨終末後一着脚忙手亂如落湯螃蟹不曾見一箇半箇似古人出生入死之自由者豈非生死事大而何縱饒精通三藏教背讀五車書到這裡都用不着也山僧雖說到此猶恐潛在可畏可畏有志之士得聞此說便着精彩看他古人做工夫得何三昧臨行如是自由自在不可只似鴨聽雷鳴而已山僧從初學道以至於今三十餘年單單在此事上用心尋常東

支那

天與善書師要語

四

考西究窮盡幽微深知弊病乃吾苦口叮嚀汝等後來若得入頭處切忌草草便去弄虛頭爲人之師誤已誤人爲害非小須效古人且向水邊林下保養聖胎待時龍天推出方可爲人則自利利人無往不可也至囑至囑且做工夫提話頭一着或看無字要緊在因甚狗子無佛性因甚道無趙州意作麼生無畢竟意作麼生無咩這兩句子上着力或看萬法歸一要緊在一歸何處一歸何處畢竟一歸何處咩這兩三句子上着力或參究念佛要緊在念佛底是誰念佛底是誰畢竟念佛底是誰咩這兩三句子上着力

回光返照染下疑情惺惺中却須寂寂寂寂中却須歷歷若能如是用心不墮昏沉掉舉四魔之中而有日益日損之效也或若話頭間斷不得力須抖擻精神還提前公案以至末後句子使首尾一貫方始有頭緒可致疑也若得疑情不斷便好切切用心如猫捕鼠四肢順向首尾一直則不怕甕中走却驚也初做工夫之人若非做工夫警策語言一切佛祖玄妙機緣文字且未可看古人謂滲漏工夫不得成片非學道正因所以道莫將閒學解埋沒祖師心又不許向意根下卜度又不許向舉起處承當又不許作有

妄邪
撰述

天真義峯言禪師要語

五

無之理和會又不許作世法佛法之義搏量又不許向一切文字中尋討等閒唐喪光陰到老不得成辦唯貴棄捨身世向所叅話頭上廝挨立身於萬仞崖巔着脚於千尺竿上不覺舉步翻身打個懸空筋斗歸來呵呵大笑那時方可再來喫山僧痛棒久立珍重

示五羊深禪人

若了自心本來是佛者一切惟假名況復諸三有倘爾於斯直下不能領畧別無方便但將吾所付之念佛公案用心提撕單單叅究以期徹悟精進不懈勇

猛無怯務要討個明白而後已欲上叅時先須持念世間思愛利名等事使身心灑落虛融澹泊切切以了生死大事為己重任抖擻精神看這念佛底是誰要在這誰字上着倒深下疑情疑這念佛底是誰謂大疑大悟小疑小悟不疑不悟良哉言也你若纔有切切之心疑情重也話頭自然現前綿綿密密淨念相繼疑定身心回光返照執而持之勿令間斷一念不生前後際斷目前空牢牢地胸中虛遍遍地澄澄湛湛卓卓巍巍到此喚作生滅滅已寂滅為樂正好再見真善知識掃除悟跡別立生涯不受天下老

妄邪
撰述

天真義峯言禪師要語

六

和尚舌頭瞞然後水邊林下保養聖胎待時天龍推出方可為人也

示本空禪人

夫欲免生死輪迴須是成佛若不成佛欲免生死輪迴無有是處汝若成佛問家老子尚無奈你何生死輪迴云何哉誠有如是操志先與汝等傳授菩薩戒法此為成佛之基本然後付與一則叅究念佛公案須知因戒生定因定生慧禪定智慧持戒為本故戒經云衆生受佛戒即入諸佛位諸佛位者即成定慧也誠能全身放52冊體承當得去成佛即不難也不

見道道念若同情念成佛多時誠哉斯言盡之矣但將無始劫來習熟底世間之事放教生疎却將出世間未聞之事行持得純熟自然成就向一切時中提起所參話頭念佛三五七聲却返問念佛底是誰念佛底是誰畢竟念佛底是誰昨前問念佛底是誰徹骨徹髓見瞻見心正是就窠打劫當處發機又問畢竟念佛底是誰却似痛上加鞭一如喉下一捏便要斷人命根若是命根不斷則見理不明須是深下疑情疑這念佛底是誰綿綿密密挨拶將去如撞着生冤家相似直下不能解交憤憤地逼拶得他情窮理

選述

天眞毒茶善師要語

七

極意識不行却似老鼠入牛角底時節一念不生全體是佛雖然亦是暫時岐路相逢若便認着則與昨日之迷無有異也直待久久純熟打成一片行亦如是坐亦如是東西不分南北不辨通宵不寐寢食俱忘做到這裡只喚作塵勞暫息寂靜輕安之境亦名解脫深坑未爲極則切忌認着山僧昔年做到這裡歡喜無量自不知是定力現前工夫亦是前塵喪偶境界雖得此定而慧光未發故於佛祖無義路話都不曉得故古德誠云有佛處不可住無佛處急走過乃自知非發願云若我得悟之後誓不以少爲足不

求寂滅安樂不求生天富貴求佛智慧求佛辯才求佛知見深知法界打破諸祖重關事理貫通法法圓融妙用自在然後水邊林下保養聖胎待時龍天推出扶持末運接續祖燈自然從空放下於無下手處重下手驀然信手摸着鼻孔团地一聲元來祇是舊時人只改舊時行履處似這般說話未曾悟道的人但看得教典熟箇箇說得只是盡餅不能充饑說永不能禦寒亦不能爲人解粘去縛到這裡正好順性增修潛行密用廣行萬行興大悲心遇愚癡邪見者痛心哀愍勸令修行正法不犯條章陰翊王度報答國

選述

天眞毒茶善師要語

八

思邈來僧俗中有等邪見魔種未學道先要知道未參禪先要會禪蓋是夙無修行正因所以今生不具正知正見遇着一等邪魔外道不能辨擇便去拜他爲師聽他謬說念佛底便是我便是自己佛性又無入道悟由又不敢去見明眼宗師妄稱善知識誑惑愚癡要人恭敬一盲引衆盲相牽入火坑苦哉苦哉正是無始時來生死根本却乃認爲自己佛性昔有竺尚書謁長沙岑禪師師喚尚書竺應諾師云不是尚書本命竺云不可離却卽今祇對底別有第二箇主人公也師云喚尚書作至尊得麼竺云與麼不抵

對時莫不是弟子主人公否師云非但祇對不祇對時從無始劫來是箇生死根本汝等於此句下知得着落許你具得一分擇法眼長沙乃示偈云學道之人不識真只爲從前認識神無始劫來生死本癡人喚作本來人自有佛祖以來便有四衆弟子在家男女二衆持齋念佛亦不拋家失業乘戒俱急者臨終化佛接引往生淨土蒙佛授記永不退轉乘戒俱緩者亦不失人天福報又有一等邪魔外道自己妻子火坑未脫業識忙忙爲貪財色故妄言見性悟道更不禮佛敬僧換無因果夜聚曉散暗傳邪法謬言七

支那

天眞集卷之四

九

日悟道教他一類無識男女隨類認自己是佛不用燒香禮佛修行懺悔此等喫錢棒邪魔今時極多汝等宿有正因今遇老僧特爲苦口說破汝等倘或不幸逢着速便知非不可親近楞嚴經佛授記云徒弟與師俱陷王難死墮無間地獄受無量苦無有出期又云如素平人妄稱國王自取誅戮汝還知否古今師德無柰學者之迷何不得已而教他看則公案以楔出楔相似你看中峯祖師偈云心中有佛將心念念得心空佛也空撒手歸來重檢點花開赤白間青紅至其究竟處實無能念之人亦無所念之佛汝還

知否妄計有念卽是能所那得不迷亦名邪見隨見生解卽隨生定明見之人則不然雖終日念佛而未曾有念求其念處體相了不可得只待數珠墮地之時則知惟心淨土自性彌陀非外物也珍重

示徒悟玄

誠哉此事見則便見擬思則白雲萬里泥如之若何汝欲決要明此一件大事須着做直捷工夫能向二毫頭上安身立命做教久久則便得一念不生前後際斷矣若得真到此地則曠劫不明之事當下分明猶如啞子夢見親娘與人說不得亦復如人飲水冷

支那

天眞集卷之四

十

暖自知方可水邊林下保養聖胎待時天龍推出扶持末運接續祖燈廣化衆生同成正覺其或未然只將我所付念佛公案貼在鼻端上不許執在一邊須向一切處常目在之勿使須臾失其照顧疑箇念佛底是誰於這一句上綿綿密密直教首尾一貫遍按將去如不得力再加箇畢竟念佛底是誰倘被散亂昏沉之魔攪擾或有間斷莫容滯久如雞抱卵若冷却其窠子無出頭期矣工夫綿密之喻無如此也倘宿有靈骨得箇覺觸處切不可自許須見本色宗匠入他爐鞴受他烹煉出來真箇深淺一一得知更不

存其悟跡做箇無事無爲底自在道人所以道金屑眼中翳衣珠法上塵已靈猶不重佛祖是何人到這裡但有纖毫悟理未忘佛法玄微去之未盡皆墮法塵見刺之圈圍誠哉此事乃無大極大底大事真能欺賢壓聖豈可輒作容易想而不慎乎至囑至囑

囑大川關主

欲作吾家真種草要須直下坐斷聖凡情量不守靈鑑虛明廓亡自他當體不顧亦不作無已知解自然本體露現如大日輪昇於虛空無處不照正恁麼時若有箇承當底人則不能與郵事相應此是佛祖自

支那

天眞毒峯善禪師要語

十一

證三昧比比不相知各各不相到喚作大事因緣空生身子睥睨不着三賢十聖只爲聖心未忘見性如隔羅縠饒你才並馬鳴解齊龍樹亦只得一生兩生不失人身此是根思夙淨聞之卽解去道逾遠況小智薄德浮淺之學者乎又如慧可大師無書不解無經不通到初祖面前一詞不措方覓安心從斯一切放下心如牆壁至於立雪斷臂猶不肯可及乎瞥地一下則禮三拜依位而立始曰汝得吾髓此豈造次近世學者心粗認指爲月天地懸殊自既錯解將此印證後昆一盲引衆盲爲害非細或者謂我已坐禪

天眞毒峯善禪師要語

得箇安樂處身心輕安更無異念直是靈靈不昧了常知於生死岸頭已得不疑只未會古今差別公案是何言歟蓋因邪師法眼未明妄擬師位以方便爲真實是非不辨認箇湛不搖處作空却那邊事豈非認奴作郎殊不知湛入合湛是識邊際永嘉云損法財滅功德莫不繇斯心意識古德云諸佛說心爲破心相令知心相元是虛妄今人認心是道深違佛意又增戲論殊乖大體或者云一切皆空有甚正悟處此是斷見外道或者云一切無着自然無礙此是掩耳偷鈴自尿不覺臭或者云齋戒明白清淨無染

支那

天眞毒峯善禪師要語

十二

自然不墮惡趣此是住相布施三途業因或者云大悟不拘於小節任意浮沉隨處騰騰便是快活道人此是常見外道闡提癡漢或者云但一切時如死人去更有甚事此是白日寐語誇談馬角豈不見道那伽常在定無有不定時或者云某人雖不會道柰何死得好有堅固于此是夢中說夢僧問古德云大死底人却活時如何荅云不許夜行投明須到且無你用心處你若古今見盡迷悟情消則常轉法輪一切時出生一切時滅度貧道痛以慧命危甚若一絲九鼎觀今玄紹之徒槩似兒戲之所爲耳但要誑得入

普說行脚

手則已豈知吾祖有行解相應名之曰祖之誠乎亦是爲師不審學者之才器堪否而苟圖收拾門人之私致招法門之辱累也如子順大川禪人自捨緣入道於真定金臺二處掩關下得定力之功而本地風光未發故南詢師匠決擇懷香禮余呈似功夫次第余知做到湛不搖處猶未出他識陰區宇此是靜想不脫所以已見不明殊知勞慮永斷得法界靜即彼靜解爲自障礙要知得在神靜失在物虛錯認定盤星且喜沒交涉此是太解脫門自在三昧須是塵勞不染靜妙不收步步活潑潑地宛轉無窮闊浩浩處

支那撰述

天真善學禪師要語

十三

識得方始八面玲瓏七穿八穴子更下卽一步功夫一日如桶底脫則知如上葛藤盡是爲蛇盡足雖然要作大法器建立門庭直須久依我住再向那邊更卽邊打數百箇懸空觔斗歸來始得智過於師方堪傳授豈不見道雪後始知松柏操事難方見丈夫心

普說行脚

僧成凱等請益云某等實爲生死事大無常迅速特望和尚大慈開示修行之訣我等依師修行脫生死苦師云余聞諸佛未曾出世無一法與人但隨病施方遂有十二分教如將蜜果換苦葫蘆淘汝業根都無實事靈利之士纔聞舉起便知下落任運隨緣饑來喫飯困來打眠更有甚麼禪道可參可學而謂生死無常者是甚幾碗鳴聲不特正令當行抑且宗風未墜所以先德只教人自信得及便了不教人信佛信祖故云昔本不生今亦不滅若知自心如此諸佛

支那撰述

天真善學禪師要語

十四

亦然汝等衆中莫有知者麼知則出來舉似老僧爲汝證據其或不然須當諦聽老僧拄杖子爲汝指示端的拈拄杖云適來提汝口款既曰生死事大無常迅速誠非說了便休直須明明白白得知這生死事大無常迅速從無始劫來隨業升沉輪迴六趣今生若不參教徹去決無自了之理然亦不是怎麼知了便休直須辦箇真真實實決要了這生死無常之片心憤箇勇猛精進之大志拚捨身心不顧得失今生不了決定不休生與同生死與同死誠有如是操畧方可領取公案如卅問趙州狗子還有佛性也無州

云無疑云蠢動含靈皆有佛性因甚狗子無佛性因甚道無趙州意作麼生無咩畢竟意作麼生無咩倘爾先受萬法歸一要在一歸何處上深下疑情或自肯信心念佛者須看念佛底是誰要在誰字上着倒此是話頭也自此領去從朝至暮從暮至朝念念不忘心心無間孜孜而參兀兀而究如雞抱卵常令暖氣相接發大誓願莫退初心抖擻精神勿使觸途成滯苟有如是志氣不患其不發明也假饒宿業障重根器狹劣今生不發明猶勝人天有漏之因只貴直下大起疑情大疑大悟小疑小悟不疑不悟先要堅

支那
撰述

天眞聖學師要語

五

持禁戒是以尸羅清淨佛境現前亦是因戒生定因定發慧若無戒定慧甘伏生死門然須知工夫做到極則處於自身心必有種種諸魔境界若得戒定慧力及志願力更得話頭純熟力或得一時一霎之間靜相現前之力則魔軍易遣出身有路也此余三十年前經過險路故以告報汝等好自提持勉慎護念無自易也成凱等再展拜云惟願將師生緣出處及昔年發心行脚做工夫次第得力處說示我等我等依師修行必不辜負平生師曰本善祖貫鳳陽人隨任生於廣東之雷陽父吳姓母鍾氏稚小好以佛事

爲見戲性惡腥羶幼時入學四箇月日至今猶不其識字但稟得箇誠信決烈孤硬之資心意質直作事忽畧似無思算計較之執情十七歲幸得出家因我天稟頗異根性雖鈍聞皆信解初遇源明和尚卽辨虔誠渴仰請益話頭蒙師開示無字公案當夜便學上參提起無字迴光返照下疑之間便就理會得疑箇蠢動含靈皆有佛性因甚狗子無佛性趙州意作麼生無咩於此反覆而疑便覺有些頭緒可致疑也其時卽覺這老趙州似無迴避處也次日舉似源明和尚和尚云你也奇怪我二十餘年看箇無字也如

支那
撰述

天眞聖學師要語

六

蚊子叮鐵牛相似並無下嘴處你今纔方學做工夫便有許多知解快便掃却不許卒便開口無受用也良哉言乎臨別囑云觀你根器有異於人他日後必有悟道之日切莫中途被人哄去做長老棄却修行誤你生死大事須發大願以自護持我便發願若我生死未了大事不明輒便拋棄修行貪着名利當墮阿鼻大地獄中受無量苦有時坐禪常有雜念紛飛不可遏捺無計奈何一日忽然檢點將來原是自己無始染習成性底一切世間五陰乃至親里等事執爲我所直下知非生大慚愧乃舉起金剛王寶劒如

斬一握絲盡情一斬一切俱斷更不存一毫頭許於其間自此以來話頭自然省力時中覺得胸次中空蕩蕩地正如發船開岸至大海洋相似無罣礙忽爾前塵熟境現前之時即覺了不可得縱要思量亦不及矣一坐便有靜相現前話頭綿綿密密不見間斷鼻息微細不見出入身心輕清脊梁挺直目不交睫只是憎喧愛靜到處只要尋閒靜處住凡見經教中義理便有信解如獲舊物一一會歸自己不作他解因無際老師初學做工夫四指大帖見也不願看只是拍盲做鈍工夫後來乃得大徹大悟我即深信

支那
撰述

天真壽聖善師要語

七

其說亦不願看經教念念只要做箇出世好人正統八年入川參見無際老師從貴州至四川途中見數輩修行老僧其時我自箇主宰了見其說得是處則信而不忽其不是處則執而不讓其年二十五歲矣自要習學好人行止於四威儀中不因勉強而自然超卓傑立不隨時流轉動雖未登壇受具其習性信樂毘尼一切時處專以坐禪爲先常於坐中正看話頭定相自然現前澄澄湛湛空空半半兩耳寂寂相似蛩鳴脊梁挺直骨節相拄自不動搖身心洒落一念不生坐不知勞行不知倦真光孤迥六門齊

應萬行同敷在我得之矣雖然只得一日或半日之間又間斷了但用力提撕便有不提撕即無逆順境界不止萬端不及盡舉蓋其定力畧不現前種種之魔便就乘隙而入正統九年無際老師奉詔起程我即隨追沿路發願加起精進務要工夫入手到京印證至荊門州其時暄熱看定話頭行路身輕不覺如飛徒衆趕我不上遇陰涼處歇下一坐便定即覺渾身骨頭疼痛如火燒熱便覺得盡虛空徧法界總是一箇無字無內無外無自無他東西南北都無分辨混然成片起身便行不覺忘却腰胞拄杖

支那
撰述

天真壽聖善師要語

八

至晚到僧正司投歇僧官一見如法安頓溫顧僧官夜起添馬草三次見我巍巍坐定不倒身乃異之天明辦齋款待留住三日寫書差人送至當陽縣清溪寺入關於路亦似這等忘却身體節次過水遺却草鞋腰包等物如今乃知前塵喪偶得盡身相離徧計執證人空智之境界也善念長老原是先師維那雖無工夫却曉邪正及堂中有普無方道極中寶金山數輩衲子都是無際師爺會下來皆具正眼見我形儀落魄乃爭問緣由我舉似這般境界彼皆讚云你工夫做得甚諦當了只欠悟在我當時聞說如龍得

水似虎靠山心安無量普無方便來問如何是祖師西來意我聞他說全無畏怯直言道盡大地是箇祖師意奈何未悟答你不得縱使錯口道着你亦不知問他作甚麼方即無言一日寶金山來問如人上樹口啣一枝手無所攀脚無所踏樹下有人問西來意開口即喪身失命不答違他所問你作麼生我亦直言道若不悟道開口問答俱不免喪身失命你我只貴做拍盲工夫一日悟了道自然會得開口如今乃知是內懷聖胎發言殊異也我當時便求關房入關蒙念長老便送入關當即發願奮起勇猛精進之志

文耶
撰述

天眞善學善禪師要語

九

壁立萬仞無少寬容關中不設臥床唯安一櫬而坐晝夜禮佛一千二百拜哀求懺悔先罪每至中夜必然臂香一炷克行自立打七煉磨誓不倒身以悟爲則因輟夜眠睡魔沉重忽垂頭睡着不覺半夜醒來惶愧知非懺悔待到天明除去坐櫬立誓不坐以悟爲期晝夜只是經行倚立一夜靠着屋柱睡着覺來恐懼知非懺悔又發願不近牆壁遶空經行勞倦之甚昏睡愈加沉重乃對佛前號泣懺悔發願務要發明這件大事誓不退轉身心拈捨性命盡將所有衣鉢之物罄散與僧堂大眾止留一箇空身在關房中

即請堂中十數僧會茶相助打七當時即告大眾曰不勞諸公手扶但煩看顧倘我昏沉重來煩舉話頭云狗子還有佛性也無或不醒則任從打罵不敢生嗔若生嗔當墮地獄於是逼拶捱過二七日了衆人因憐我亦不要勞煩於人唯自行自立後覺輕清仍坐而參凝定身心惺惺歷歷只在這箇無字上着倒一日忽猛力盡這口氣逼拶去豁然却似鑽入這無字裡相似覺得從下身麻木起至上身乃過頭頂如脫去一重皮相似當下身心如坐一箇大圓寂光中話頭純純不間目前空牢牢地了無一法當情卓卓

文耶
撰述

天眞善學善禪師要語

十

巍巍脊梁狀如鐵板鼻息全無出入坐之甚久孤迥迥地無意無思乃放參經行輕清又加百倍到此一切時中絕思絕慮無念無爲如在一絲頭上安身立命相似古人喻如秋潭月影靜夜鐘聲隨扣擊以無虧觸波瀾而不散亦在我得之也如是約十數日間通宵不寐寢食俱忘眼睜瞪得酸酸地眼睛乾曝曝地不肯交睫其時喜懼交懷忽起念云這般境界唯我自知無人與我證據亦不知是邪是正恐做箇精靈鬼神去也因萌此念放身閉目而睡睡中亦不知此身着於床上似醒不醒之間如淨琉璃中含寶月

光相似內外明徹了無一點塵翳其塵勞妄想都無影嚮矣正是身心客塵透漏無門我又得之矣常於睡中寂光之境忽自觸覺似醒不醒湛湛寂寂如在大寂光中圓陀陀光燦燦不覺有身心及其處所凡一切聲響雖聞而不分辨但有一箇靈知而已覺來歡喜舉似道極中他舉手加額讚嘆不及卽令我說箇頌子看我連說數首無平仄頌一曰心空法界寬圓明非內外蕩蕩絕縱橫騰騰無罣礙衆僧看了皆讚歎不已我恐障礙工夫盡情掃却忽一夜睡着又被熟境牽轉作不得主宰覺來痛自責云還有這箇

支那
撰述

天真嘉善善禪師要語

三

在耶卽抖擻精神兢兢業業務要決斷切切用心勤勤佛前懺悔坐中看箇話頭還似這等綿綿密密看時也不有不看時也不無既無能舉之人亦無所舉之法騰騰任運似箇養熟狗子左右相隨還尚有些憎喧愛靜之病時時着驚一夜坐中話頭自然現前密密久之微微細細不覺寂然定了半夜時分忽地如霹靂響喇喇之聲這四大色身如分散了忽卽返照內外瑩徹幽幽隱隱靈靈不昧了了常知不見一法當情唯是一箇自知而已非世間境界可比直下前後際斷縱觀虛空萬象有情無情等覲體混融欲

覓一毫自他之相了不可得自亦不知是何境界因聞長沙亡僧偈云目前無一法當處亦無人蕩蕩金剛體非妄亦非真乃豁然悟其旨今乃知是得離依他執證法空智之相我又得入手了也那時元來晝夜放光動地常在面門出入奈何自家不知從此一切響動之聲俱無礙矣常處那伽大定其輕安寂靜之境非言可述一日見高峯禪要曰到得這箇田地只喚作生死岸頭得大自在之一步爾若曰生死向上事須知更在青山外我當下得家鄉實信了也我彼時常發般若禪師四願若我得悟之後誓不以少

支那
撰述

天真嘉善善禪師要語

三

爲足不求寂滅安樂不求生天富貴求佛智慧求佛辯才求佛知見深入法界打破諸祖重關事理貫通法法圓融妙用自在然後水邊林下保養聖胎待龍天推出扶持未運接續祖燈廣度衆生同成正覺一檢點將來雖有契證未全出手正如楞嚴經云窮諸行空於識還源已滅生滅而於寂滅精妙未圓若生住着背涅槃城迷佛菩提忘失知見所以參禪須求妙悟乃又知非不昧此輕安寂靜之樂念念發憤向無下手中重下手無進步處更進步精進研窮以求妙悟一朝聞鐘聲不由說一偈云沉沉寂寂絕施

爲觸着無端吼似雷動地一聲消息盡翻粉碎夢初回到此冰消瓦解凡見一切經書文字義理如推門落日始得頭頭上顯物物上明古人喚作無師智自然智如今看來彼時雖得如此宗門還只喚作如來禪亦云涅槃心易曉差別智難明果於宗門無義路話衲僧沒巴鼻句子又却不全曉會其時因聞荊州府有箇蒙隱和尚是妙峯門人越關去見行至豪林寺投宿夜坐不倒睡着忽看見天上星月及寺中殿宇竹木等物覺來且驚且喜不知是何異境如今乃知是神光湧出之相蒙隱一見便問曾見何人看

撰述

天眞善學善禪師要語

三

甚話頭我舉似了隱云如何是無字荅云卽心是隱云你喚甚麼作心荅云我滿口是語却道不得隱云如何道不得荅云我若道得則靈山當時不祇微笑而已連問數語荅了却云你做底工夫也不差你所見處也的當只是還欠懸崖撒手一步在若得絕後再越四天下人奈何你不得留住盤桓數日臨別囑曰再去精進做那步工夫始得大了大當汝還知否那一步工夫從來不屬第二人知如人到家自會做家裡活計我卽點頭而別我請念長老商量要去北京見無際月溪二老師印證工夫念云你要出關我

且問你兩轉語荅得客你出關不然且在關中保養只如靈雲見桃花悟道偈云三十年來尋劍客幾迴葉落又抽枝自從一見桃花後直至如今更不疑玄沙云諦當甚諦當敢保老兄未徹在你道是許他不許他荅云不知念云如何不知荅云知則不許也念云只如世尊初出母胎一手指天一手指地周行七步目顧四方云天上天下唯我獨尊雲門道我當時若在一棒打殺與狗子喫貴圖天下太平你道是謗佛耶報恩耶荅云不可以智知念云且畢竟作麼生荅云你我俱未徹悟不許開口大家且信雲門去念

撰述

天眞善學善禪師要語

三

云如是則任你出關去逕造北京不期無際老師方示寂遂到廣恩寺見月溪老師我先聞老師門風陡峻禮拜了不敢開口便執弟子禮侍立於傍老師見我這等動靜只以平實問我來歷了便教領下安歇去雖然如是不得呈似工夫心中放不落至晚對通衣鉢說本善實爲生死事大初學做得有些工夫自不能決不遠數千里路特特來求印證通覆云今日新到關主要求印證工夫老師云憨子他今日入門來我便識他了何用他來說工夫且去佛法不是鮮魚那怕爛却於是時中雖得親近侍立常感東菽西

擊暗垂勘驗之機我亦見機而作不墮惛然之壘一日通承鉢見我欣然滿面喜曰老師昨夜在室中多讚老兄好箇真實的當衲子堪紹宗乘恭喜恭喜我等他日都來你會下喫飯也我道本善福薄何敢當也一日老師在園中乘涼而坐我侍立次問你原來看甚麼話頭荅云無字云如何是無字荅云弟子一向只隨人道是箇無字今日看來是口金剛王寶劍云如何是金剛王寶劍荅云寒霜焰焰耀古騰今云還我劍來荅云擬動卽犯他鋒鋒云橫按當軒時如何荅云佛來也殺祖來也殺云老僧來譚荅云亦不

支那撰述

天眞義學善禪師要語

三

相饒云殺敗後如何荅云且喜天下太平云如何是無字義荅云賊賊分明云賊且置還我賊來荅云六六三十六云未是再道荅云夜短眠不足日長饑有餘師云古人有鐵牛過窓櫺之喻且頭角四足都過了因甚尾巴過不得荅云弟子看來只是他習氣難忘云此是微見未脫在荅曰了無一法當情瞥爾通身露地云你卽今在甚處安身立命荅曰何處不稱尊師慕喚侍者請出祖衣展令隨喜看了乃云此衣是唐朝宮主所置今八百餘年矣白雲度老祖付與古拙師祖祖付與東普先師師付與我老僧若是克

支那撰述

天眞義學善禪師要語

三

家種子方堪紹荷狐假虎威焉敢希異我卽禮拜謝師云侍者且收起待行則付與他去表信歸山涵養我又再拜蒙師正擊傍敲明抽暗換方便提携嘗舉百丈侍馬祖祖侍南嶽讓讓侍曹溪六祖皆是久久親炙磨光剡銳乃能豁徹重開羈鎖掃盡玄微窠臼然後乃能深得大機大用爲人天眼目你今候我久住一會方去決不負你我卽拜諾一日因事不獲已而回杭州登壇受戒畢思古德云但有纖疑在不到絕學安能七縱八橫天迴地轉乃上天目萬峰蒼掩關至景泰三年先師蒙

上賜回南京太崗輒遣可信齎書來取行李至蘇州遇楚山長老問云久聞杭州有箇善菩薩是公否荅云不敢又問蒙山三關語有連湖橋爲一切人直指你道如何是直指荅云不知云如何不知荅云知則曲了也師云我也不會又問中峰頌堯率悅第三關眼光落地向甚麼處去偈云鐵狗銅蛇正奮噴風刀火鋸肉成塵茫茫大夜幾經劫舉眼無親怕殺人你道中峯如何這等頌出耶荅云中峯太煞老婆相爲人爭奈錯會者多云我到這裡都不會荅云師叔莫瞞人好云善首座你今到太崗去我且未與你向紫

羅帳裡撒珍珠甚不易你到這地位只是你未脫得
情見在蒼云師家無閒語云你不見瀉山道凡聖情
盡體露真常事理不二即如佛如今始知悟跡除
之不盡即屬情見皆名理障礙正知見畢竟悟理不
聞既到太崗拜起先師云往往人來皆說你在杭州
人間燒鑪好施惡辣鉗你豈知他人盡作無明會
也盤桓月餘每入室但說火爐頭話先師以大衣拂
了法語寫畢將及發行被可洪長老稟先師務必請
我去廣東化漆用漆佛殿供桌等我即堅却不肯去
彼也將衣拂藏却我不辭先師下山先師臨委息時

增

天眞善果善禪師要語

三

迦喝可權云你速遣人送衣拂到杭州與本善雖蒙
送來私謂傳佛心印豈細職哉但到處唯掩室思所
以稱其職也余在蘇杭泊天目山等四十餘年曾住
十餘處所皆幻居而已嘗效古人雲行鳥飛初無留
礙但視其有理便住更不躊躇可否無理便行再不
回頭顧戀佛法世法打成一片今憶四十餘年之間
於其觸着磕着大小省悟及其潛通暗證之效不計
其數雖不甚識字隨自胸襟流出所成文句義理聯
屬自然有法文人見之而皆讚美一夜禮佛作觀云
能禮所禮性空寂感應道交難思議當下隨觀而入

天眞善果善禪師要語

至不思議處能觀之人所觀之佛雙忘雙泯伏地良
久身心寂滅即契無生法忍到這裡始知大地無寸
土矣因看法華經至無上兩足尊知法常無性佛種
從緣起是故說一乘遂留心於中反復沉潛默體其
甚深祕要之處誠有日益日損之感正是一句當機
八萬法門生死路絕余平生所欲知其佛法細大處
總在茲而得矣今日始知脚跟點地也正是我放身
命處了也有法因山居降菩薩請益空谷隆和尚教
他空心靜坐認箇無生久久自然悟去切莫依今時
人看死話頭乃依他空坐數年一切處俱無住着只

支那

天眞善果善禪師要語

三

空心莽莽蕩蕩一日着風魔了救得醒來到底祇是
箇癡癡呆呆底苦哉苦哉法屬演公等請余上山究
竟余問其故隆所舉開示之做法余迅指云謬之甚
矣即從頭舉古驗今開發一遍隆等及衆聞說所示
皆號慟震於山谷俱云未曾聞也遂留余山中掩關
隆執弟子禮請余爲衆普說其畧曰寶劍全提日用
中高揮大抹肯從容卷兮竟膽迎風喪舒也獨礙獨
地橫萬死萬生渾不顧一鎗一戟便收功趙州性命
分明也血刃參天不露鋒拂一拂云虛空廓徹無消
息萬里無雲天碧碧授得須彌入藕絲彌勒釋迦齊

叫屈倒騎鐵馬逐西風驚得泥牛從海出諸仁者若作奇特勝妙會正是辜負已靈不作奇特勝妙會又是抱賊叫屈且作麼生會不見道解藏天下於天下始見林梢掛角羊古庭老師到杭州因見普說全章乃問紫雲義菴主云善公端的是何人法嗣義云太崗臨終遣徒送衣拂來師云若如受者祇喚作承虛接響他後如何壓得天下人舌頭一日相看一見針芥相投遂以大衣牙拂重付偈曰祖祖相承豈再疑不存元字果堪奇緘唇豎脊寒岩下便使人間十二時命義菴主領衆送來余再三不受義等僉曰古庭

支那撰述

天真善學善禪師要語

无

老師曰祖命在躬不可固讓余卽受之每思初祖偈云悟佛心宗等無差互行解相應名之曰祖歷觀古人皆是秘重大法深自韜晦余又何人每每痛慕祖道不振乃潛行密用積功累德隨處掩關常處耶伽大定不盡有爲不住無爲因行掉臂兼修淨業常行法華三昧懺法以資淨行常自思曰今幸到此地位如人常在家愁甚家中事不辦也茲爲汝等要聞我做工夫次第得力驗效處不覺說盡四十年前錯用其心之許多露布以示汝等汝等果能依我修行須要具我如是誠信決烈如是守戒行持如是勇猛精

進如是打七煉磨如是尅期取證如是禪定解脫如是次第覺觸如是信解悟入如是尋師印可如是涵養淘汰如是待時爲人還有一重如是直待案山點頭卽向汝道卽今案山點頭也未速道速道誠有如是修行正因萬一可中紹繼門風若不如是下死工夫做得來縱饒說得簇花簇錦到我這裡都無用處今雖一期事不獲已稱實方便而說猶增我法之罪不許汝等作實法解會故謂若將實法與人士也消不得雖信其說嘗聞古德云與人實法土難消道火何曾口被燒拋出秦時轆轤鑽突密如斗兩頭搖余

支那撰述

天真善學善禪師要語

手

亦以之耳珍重

吳門梵率園比丘明聞校

高興南秀水縣報忠寺比丘道恒同徒孫法霞
損資技刻
壽峯善禪師要錄一卷
金陵陳起書
自文道人蔣成傑刻
崇禎元年
佛誕生日姑蘇飛率園

天真善學善禪師要語

松隱唯菴然和尚語錄

明
•
慧 唯
省 菴
然

編 撰

唯菴然和尚語錄序

余所居隣縣有五雲山山勢回環若青蓮華然中聖壽禪寺其廢已久大善知識曰千崑長公居焉四方學者雲臻川赴遂化樵翳之場以爲金碧之區當時叅扣道要者座下恒數百人其入室弟子唯菴禪師蓋傑然者也禪師早歲入道力抵諸方未有所契及謁千崑聞其提唱豁然有所悟入舉目之頃日月星辰風霆雨露飛潛動蟄皆演如來大乘妙法於是聲光聳起叢林間遂補千巖故處說法度人逾年退歸華亭之松隱其信向者益衆雖自被衲袍日食糗飯

支那

唯菴和尚語錄

一

不啻天厨之珍錦綺之華也或人之稱但見其杜德機爾忽學子童微持其語一編來徵余序凡讀之數過顧與二三子曰唯菴真誠有道之士哉觀其語言峭拔如銅開鐵壁利劍長矛豈唯不可湊泊亦無鑿隙之可乘吁可畏哉余素與千巖游既序其語鏤梓行世今觀唯菴斯錄又獲厠名編端豈般若之緣實有在於父子間乎然而大圓覺海無物不照亦無一法可得此心若萌卽墮第二義禪師諱德然字唯菴生雲間張氏其行業備著於松隱菴記茲不復贅洪武丙辰翰林學士金華宋濂序

松隱唯菴然和尚語錄卷之一

徒弟比丘 慧省 編次

金華聖壽寺語錄

山門未跨龍門腳踏實地已跨龍門腳踏實地驟步云一聲霹靂風雲起

佛殿法報化身總是這箇畢竟以何爲驗泥多佛大

土地堂正直聰明聰明正直顯正摧邪憑誰之力喝一喝

祖堂你者一隊全無巴鼻六耳同謀有甚良計

支那

松隱唯菴然和尚語錄卷一

一

據室拈拄杖云縱也在我奪也在我鐵額銅頭也須按過卓拄杖指法座云進一步高一步路到上頭全身獨露掣手云須彌燈王過那邊去遂陞座拈香云此香熱向爐中端爲

今上皇帝祝延

聖壽萬歲萬歲萬歲次拈香云此一瓣香大眾還知來處麼今日不惜眉毛熱向爐中奉爲開山佛慧圓鑑普濟禪師千巖大和尚不圖酬恩報德且要通和熱瞞遂就座東白和尚白槌罷師云垂鈎四海慣

釣鯨鯨衆中莫有不顧性命者麼出來道一句看時有僧問云遠離松水來據龍峰海衆臨筵請師祝聖師云萬年松在祝融峰進云祝聖已蒙師指示列祖宗風事若何師云冬到寒食一百五進云莫便是和尚爲人處也無師云斧頭是鐵做進云恁麼則龍門無宿客也師云早已點額進云若不登樓望焉知滄海深師云你道老僧眉毛有幾莖進云一堂風冷淡千古意分明師云蹉過不少進云承古有言向上一路千聖不傳還端的也無師云何處得這消息來進云賣金須遇買金人師喝一喝進云金屑雖貴落眼

成賢又作麼生師云好向繡湖湖上看月明夜夜散金波進云三十年後此話大行師云杜撰禪和如麻似粟進云大衆證明學人禮拜

師乃云第一義諦已被東白和尚一槌擊碎了也未免向第二義門露箇消息山僧數年撻得一條龜毛索了今日拈來將二世諸佛西天四七東土二三天下老和尚鼻孔一串穿却了也且道山河大地草木叢林森羅萬象有情無情甚處得來良久云莫將問學語埋沒祖師心

復舉三聖道我逢人則不出出則便爲人與化道我

逢人則出出則不爲人師云這二老漢同門出入風世怨家一人向孤峰頂上臥月眠雲一人向十字街頭揚塵簸土點檢將來二俱漏逗各與三十拄杖且道龍峰與麼提持是賞伊是罰伊葛拈拄杖卓一下云天上有星皆拱北人間無水不朝東

當晚小叅二十年在吳淞江上冒雨衝風拋綸擲釣雖無躍浪錦鱗且得去留自在今日被業風吹向千峰頂上隈巖傍整直得四顧家家清風滿座見前莫有同生同死底衲僧麼出來相見如無然上座自起自倒去也乃拈拄杖云山僧拄杖子無端變作智者樓約國師走入玻璃瓶裏澡浴驚得雙林傅大士擲下擊門槌乃說偈云空手把鋤頭步行騎水牛人從橋上過橋流水不流諸人還見麼若也見得不妨橫行海上獨步乾坤其或未然拄杖子依前還作拄杖子見山是山見水是水上是天下是地所以道是法住法位世間相常住乃卓一下

復舉西天異見王問波羅提尊者何者是佛性者云我見佛性王曰性在何處者云性在作用王曰是何作用者云今見作用王自不見王曰於我有不者云王若作用無有不是王不作用體亦難見王曰若當

作用何處出現者云若作用時當有其八在胎曰身在世曰人在眼曰見在耳曰聞在鼻嗅香在舌談論在手執捉在足運奔徧現俱該沙界收攝在一微塵識者喚作佛性不識喚作精魂王問是言心卽開悟後來大慧和尚拈云若道在八處卽是精魂若道離八處却喚甚麼作佛性師云諸方盡道異見王問法開悟殊不知波羅提尊者被王一拶直得伎窮力盡進退無門妙喜老人盡平生力也救他不得龍峯今日路見不平等爲古人出手去也乃喝一喝云適來異見王波羅提尊者老妙喜盡向這裏掃蹤滅跡了

文部

松隱唯然和尚語錄卷一

四

也更說甚麼佛性精魂作用見聞盡是陽燄空花不勞把捉且歸家穩坐一句作麼生道太平天子朝元日五色雲車駕六龍

上堂曰可冷月可熱衆魔不能壞眞說有來由無途轍六月炎炎撒冰雪文殊無處著渾身普賢特地呈醜拙是眞說非眞說若無閒事掛心頭便是人間好時節喝一喝卓拄杖下座

開山和尚忌日拈香云巴陵三轉語未足酬恩揚岐作女人拜深爲負德然上座總不恁麼何故字經三寫烏焉成馬

歲旦上堂元正啓祚萬物咸亨驀拈拄杖云拄杖子昨夜抽條今朝吐蕊花開五葉香徧大千且道當得新年頭佛法也無卓拄杖喝一喝

官員至上堂舉昔日朗州刺史李翱慕藥山和尚道風屢請不赴乃肅襄客禮直造座前山默然殊不顧視李乃云見面不如聞名拂袖便行山召李李回首山云何得貴耳賤目李遂禮拜起問云如何是道山以手指天復指淨瓶云會麼李云不會山云雲在青霄水在瓶李因有省乃呈偈云煉得身形似鶴形千株松下兩函經我來問道無餘說雲在青霄水在瓶

文部

松隱唯然和尚語錄卷一

五

師云我這裏則不然今日若問龍峯如何是道但云國正天心順官清民自安且道與藥山還有優劣也無靠拄杖下座

結制上堂九十日包三大劫諸人直要徹根源會須檢轉當頭舵覺海乘風駕鐵船鷺拈拄杖云杓根在這裏鐵船在甚麼處喝一喝

謝藏主維那上堂天無門地無戶俊快衲僧一任來去藏裏摩尼照徹十方洞裏桃花千葩競吐假劫外之春風應今時之律呂海神夜半看鮫珠眼光掛在扶桑樹喝一喝

開爐上堂煖氣相接正在斯時深深冷灰裏撥着星兒之火向死柴頭上發機燎起亘天烈燄燒却舜若多神面皮敢問諸人作麼生回避擲拄杖下座

臘八上堂明星一見出山來剛道娘生已眼開不是觸髅乾得微爭知春色上桃腮

上堂不是心不是佛不是物是個什麼道得天下橫行便下座

松隱唯庵和尚語錄卷一

六

藏蹤遁跡浸爛鼻孔要且耐氣不得個事且止只如諸人日用二六時中畢竟作麼生履踐良久云不因

旗子運爭到葛洪家

上堂今朝是初一龍象如稻麻有事與無事歸堂去喫茶

上堂達摩西來不立文字直指人心見性成佛大衆作麼生說個見性成佛底道理良久云幸自無瘡勿傷之也

上堂真不立妄本空有無俱遣不空空二十空門原不着一性如來體共同薦拈拄杖云只者拄杖子你

諸人若不喚作一性如來便喚作二十空門直饒總不恁麼也是塚根漢擲拄杖下座

端午上堂黃米粽喫一鉢菖蒲茶喫半甌個是衲僧好時節大家相見飽餉餉縱橫自在自樂自由說甚仰山開畬瀉山牯牛禾山打鼓雪峰峰覬總是小兒裸刺且非先德宗猷只如端午掩殃一句又作麼生目前無恠異不用帖鍾馗

上堂德山棒臨濟喝拈放一邊諸人脚跟下道將一句來以拄杖劃一劃云毗婆尸佛早留心直至如今不得妙

松隱唯庵和尚語錄卷一

七

解制上堂舉翠巖夏末示衆云一夏已來與兄弟說話看翠巖眉毛在麼保福云作賊人心虛師云好事不出門長慶云生也師云惡事傳千里雲門云關師云錯者一隊漢只解護惜眉毛不知打失鼻孔龍峰今日直要與伊據款結案大衆還委悉麼暑氣盡隨雲雨去清風透入戶庭來喝一喝

上堂舉瑯琊覺和尚僧問清淨本然云何忽生山河大地瑯琊云清淨本然云何忽生山河大地其僧於言下有悟師云騎賊馬趕賊瑯琊固是作家者僧如珠走盤一撥便轉可謂主賓互換箭鋒相拄雖然如此

檢點將來猶欠淘冶在今日或有人問龍峰清淨本然云何忽生山河大地劈脊便棒且道與瑯琊是同是別有眼衲子試辨看

松隱上塔頂寶索上堂鈎鎖連環連環鈎鎖觀體全彰眼眼相顧其橫也穿却虛空鼻頭其豎也鎖住須彌鐵柱親從惡辣鉗上煅煉得來豈比尋常麻纏紙裏個是谷瑤居士壯觀浮圖騰今亘古底作也雖然如是且道高懸倒掛一句如何舉似四簷平定香雲繞萬世光華佛日長

上堂眾集師顧左右云分明記取便下座

文那

松隱唯慈然和尚語錄卷一

一

上堂將此深心奉塵刹是則名為報佛恩拈拄杖云這個是深心那個是佛恩喝一喝

上堂江月照松風吹永夜清宵何所為永嘉大師滿口道了也大衆還知落處麼卓拄杖云劫石有消日黃金無壞時

端午上堂諸方盡喫菖蒲茶唯我自酌青原酒龍龕閑閑發顛狂打落南辰連北斗擲拄杖下座

開爐上堂十月風高作寒色今朝正值開爐日長途多少未歸人祖父田園俱喪失何如白鷺鷥翹足溪邊立毛長骨瘦歷風波那論有食與無食諸兄弟也

要大家知此消息且道是甚麼消息歸堂喫茶

上堂舉僧問投子同禪師云不斷煩惱而入涅槃時如何同云者發殺業底師僧師云真不掩偽後問國清機和尚機劈脊便打師云曲不藏直投子只解裁長不能補短國清只解補短不能裁長今日忽有人問龍峰不斷煩惱而入涅槃時如何只對他道有水皆含月無山不帶雲靠拄杖下座

結制上堂臘人為驗始於今日九十日終推功辨的黃面老瞿曇結住布袋頭百萬人天咸皆受屈松隱結制總不恁麼以手作拄櫓勢云山僧即今駕無底

文那

松隱唯慈然和尚語錄卷一

九

鐵船普請大衆同入大圓覺海遊戲去也喝一喝云看取定南針

冬至小參羣陰剝盡一線新添祖令當行十方坐斷拈拄杖云拄杖子得者體用臨機縱奪殺活自由有時先照後用有時先用後照有時照用同時有時照用不同時以此點鐵成金以此超凡越聖以此恢拓宗綱以此續佛慧命乃喝一喝云山僧盡情撒向諸人面前了也個中直饒有個皮下有血頂門有眼底出來掀倒禪牀喝散大衆也只作得半個衲僧且佛祖向上一句作麼生道若無舉鼎拔山力千里烏騷

不易騎卓拄杖啜一喝

復舉德山云今夜不答話問話者三十棒時有僧出禮拜山便打僧云某甲話也未問因甚便打山云你是甚處人僧云新羅人山云未跨船舷好與三十棒師云你諸人且道者僧合喫棒不合喫棒若道合喫棒者僧過在甚麼處若道不合喫棒爭奈德山令不虛行要會麼良久云不是李將軍徒勞射石虎上堂舉僧問雲門如何是超佛越祖之談門云餬餅大慈和尚拈云雲門直是好一枚餬餅要且無超佛越祖底道理師云大慈和尚一手擡一手搥未免話

作兩極既是好一枚餬餅又道無超佛越祖底道理諸禪德且道大慈和尚還有爲人處也無參

法語

示生禪人

古者道不得動著動著三十棒又道切忌生心動念纔生心動念便不是了也先德發一言半語如利劍長矛動着便傷鋒犯手擬議則斷却命根直是無你迴避處無你湊泊處若是個漢那肯承虛接響滯殼迷封要須直截根源腳踏實地盡力捫將去日久月深打成一片也無生的心也無滅的心生滅一如動靜無二到這裏不覺不知打失眼睛鼻孔在大洋海底及乎撈攬歸來眼睛依然是眼睛鼻孔依然是鼻

支那

松隱唯蒼然和尚語錄卷一

十二

孔到此始可上人門戶剖露真情求大宗匠決擇明白方名真參學者却於四威儀中隨緣飲啄不失其宜或孤峰獨宿或隱逸林泉或垂手入廛作饒益事三二十年保養充足忽出一言半語聲名腥香文彩發露天龍推出模範後昆不爲分外公古之學道之士參到大休大歇大安樂地方爲了當嗟今時輩行脚纔趕得些野狐涎唾相似語言便去眩惑他人堪作甚麼有一般底將古人公案何情識上卜度文字上引證蘊在胸中便爲了事結半閭茅屋以爲死關滯寂沉空昧於安逸開大口說大話弄虛頭惑其後學

誠可憐敗焉然撞着個本色宗師漆桶依然不快豈不念雪山大沙門棄王宮夜半逾城六年苦行臘月八夜覩明星豁然大悟只如二祖可大師少室山前立雪斷臂得安心竟方堪爲人榜樣生禪人你既居關理合大忘人世力進此道空一切相何以又起佛見法見瞥興妄念遠遠資香求我無義味語以爲居關之談柄此之見解大不啻啗古云真淨界中纔一念間浮早已八千年豈虛語哉你且道我這一絡索是發揚關中事關外事若檢點得出不妨廓大千沙界爲一關一開容納大千沙界那時始好扶豎濟北

支那

松隱覺然和尚語錄卷一

十三

三玄鑒開人天眼目激揚佛祖向上宗乘去也殊不知我天目佛日老祖避世逃名於萬峰之巔設個死關垂三轉語以爲關鍵要斷學者偷心亦乃偶爾一期方便豈意靈龜曳尾欲隱彌露生禪人思之勉之

示真禪人

真禪人你叅乃師萬峰和尚父母未生已前那個是我本來面目一句子此是老盧在黃梅五祖會下夜半受衣法渡江至大庾嶺頭被明上座隨後趕逐無處躲避臨危設個脫身款子乃云不思善不思惡正當與麼時那個是明上座本來面目當時明上座只

支那

松隱覺然和尚語錄卷一

十三

知蜜甜豈知中了毒喪却一條窮性命縱使耆婆扁鵲亦乃救之不得此話流傳到今鈍置後學仍不知當人十二時中四威儀內本來面目未嘗少間自是根思遲鈍不能深領以致昏時散時靜時動時忘古人大安樂田地造之不得坐之不穩若欲決了此事便從脚跟下將平日所叅得底和個四大五蘊盡情放下然後併起勇猛志豎起精進幢開兩眼緊捏雙拳如兩將爭鋒胸中憤憤舉起本叅話頭直向疑不到處起疑方是真疑真疑既發恰如急水灘頭坐在一葉舟中順轉逆行浮逼逼地如月華透水蕩之

不散如毗嵐風卷海水直教徹底無涓滴到此之際自然塵消業謝靜極光通那時爬得搆也切莫移睛動目凝定身心善巧方便不知不覺一拶拶透豁開已眼方知本來面目不從他得若要作大法器建立門庭更須向那邊更那邊打數百個懸空筋斗却來喫我痛棒何故不見道雪後始知松栢操事難方見丈夫心

示明禪者

端的究明生死底人自然孤迥迥地不掛寸絲二十年三十年換轉面皮討個分曉便是千手大悲也互

損你不得此乃過量的人也若是隨漏轉漢喚東向東喚西向西脚跟下浮逼逼地豈肯向他古人真實田地上行只管貪程那知爛泥中有刺轉得脚來未免通身泥水你且道孤迥迥地底是隨漏轉底是參

示禪者

佛是衆生界中了事人衆生是佛界中不了事人若欲決了此事只消向十二時中四威儀內折旋俯仰與人酬酢處看是甚麼道理忽爾妄想滅知見忘突出自家一段光明洞徹十虛無絲毫隔礙始知佛與衆生本性平等一身清淨多身清淨一世界清淨多

文那

松隱唯庵然和尚語錄卷一

十四

世界清淨無一塵不是真如境界無一刹不是解脫道場所以永嘉云一月普現一切水一切水月一月攝諸佛法身人我性我性同共如來合斯言豈欺我哉

頌古

世尊成道

六載雪山空冷坐面如黃蠟骨如柴縱然親覩明星現也是街頭破草鞋

世尊未離兜率已降王宮未出母胎度人已畢出得驢胎入馬腹六六係然三十六淵明固是不知歸重陽耽着離邊菊

達磨大師初至金陵見梁武帝帝問云如何是聖諦第一義師云廓然無聖帝云對朕者誰師云不識帝不領悟師遂折蘆渡江至魏後帝舉

文那

松隱唯庵然和尚語錄卷一

十五

問誌公公曰陛下識此人否帝云不識誌云此是觀音大士傳佛心印曰當遣使詔之誌云莫道陛下召闔國人去他亦不廻

脚頭未跨帝皇畿早已全身陷鐵圍漁父只憐釣上餌不知簑笠墮魚磯

雲門因僧問如何是諸佛出身處門云東山水上行

秋林落葉擁闌干砌下蛩聲枕上寒最是月明風定夜溥溥玉露滴金盤

趙州因僧問狗子還有佛性也無州云無

出匣吹毛光灑灑一番用了一番磨鋒頭削落三斤
鐵始信將軍血戰多

萬法歸一一歸何處

萬法歸一一何歸正是冰枯雪老時改管灰飛消息
好隴梅開偏向南枝

趙州因僧問萬法歸一一歸何處州云我在青
州做一領布衫重七斤

一度拈來一度愁風前月下幾時休絲來線去渾閑
事添得娘生兩鬢秋

高亭隔江見德山山以手中扇招之亭乃橫趨

支那

松隱唯慈和尚語錄卷一

六

而去

隔江招手橫趨去端的渠儂眼有筋打麵還他州土
麥唱歌須是帝鄉人

五祖演和尚云譬如牛過窻櫺頭角四蹄都過
了只是尾巴過不得

牛過窻櫺尾過難將軍活陷在重關當時不得難傳
曉直至而今去不還

趙州因訪一菴主問云有麼有麼主豎起拳州
云水淺不是泊船處拽下簾子便行又訪一菴
主云有麼有麼主亦豎起拳州云能縱能奪能

殺能活便作禮

賣扇婆子手遮日賣油婆子水搽頭大底還他肌骨
好不施紅粉也風流

倩女離魂

數聲羌笛最關情去路迢迢恨不勝彷彿暮雲歸未
合遠山無限碧層層

不生不滅

虛空一劈成兩片妙在逢緣不借中黑漆崑崙騎白
象藕絲竅裏舞春風

睦州示衆云大事未明如喪考妣大事已明如

支那

松隱唯慈和尚語錄卷一

七

喪考妣

山邊水邊待月明暫向人間借路行如今還向山邊
去祇有湖水無路行

有無俱遣

明頭來明頭打暗頭來暗頭打南海瞎波斯眉毛生
額下

一花五葉

一花開自少林春五葉流芳徧刹塵無限香風吹不
斷紫金山聳玉崑崙

臨濟三玄

第一玄霹靂震堂前裂開露柱腹產下個奇男

第二玄陸地駕鐵船木人齊拍手解唱囉哩哩

第三玄泥牛吼上天驚得虛空碎大地血湯湯

三要

第一要機先離用照一條折火叉打破嵩山竈

第二要石女呵呵笑拈起沒絃琴彈出無生調

第三要山門金剛懺努目與伽藍佛也難解教

黃龍三關

我手何似佛手蝦蟇那能出斗金剛腦後拔丁不知

脫落兩肘

松隱唯菴然和尚語錄卷二

我脚何似驢脚動步早錯一着豈知昔日襄王倒被

坐山迷却

生緣畢竟人人有獨我從來道是無昨夜坑頭糞蛆

子無端咬落黃門鬚

松隱唯菴然和尚語錄卷二
徒第比丘 慧省 編次
自開道人蔣成榮刊
歲次己未歲辰道日姑蘇電報局

松隱唯菴然和尚語錄卷之一

松隱唯菴然和尚語錄卷之二

徒第比丘 慧省 編次

偈頌

送天界真藏主

潛宮正脉出梅洲夜夜潮聲撼石頭以字不成入不

是護龍河上鐵船浮

送蓮禪人回武林

好山只在屋簷頭何必千巖萬壑遊十里湖光烟柳

外畫船不是採蓮舟

送整禪人歸揚州觀音閣

松隱唯菴然和尚語錄卷二

功德山頭觀自在巍巍坐斷鐵牛機大人境界無人

到門外長江映落暉

次韻送天界玉藏主

颯颯西風撼樹庭飄飄桂子落黃金五千餘卷從頭

說潦倒瞿曇無二心

送道者叅萬峰和尚

你儂莫是盧行者還我新州柴擔來轉向洞庭那畔

看萬峰門戶潑天開

答觀維那

寄來佳句玉玲瓏三復窮吟意萬重獅子巖前春日

暖仗熬獨立倚晴空

送圓藏主之靈隱

午夜白須啼皎月重重華藏顯全機
吾儂說話無憑據去問靈山老古錘

送天禧深知客

繽紛花雨講經時主伴機忘合化儀
千古長于春意在一甌白雪漾玻瓈

送澤源深禪人歸少林

一派流來空劫前洗清魔佛見根源
到家句子如何舉熊耳峰頭浪拍天

少卿

松隱唯忘然和尚語錄卷二

二

送靈谷原維那

金槌影裏轉身來頂額堂堂正眼開
二月皇州春似海鍾山雨過碧崔嵬

送端藏主之靈隱

五千餘卷鉢羅娘潦倒東山舌欠長
後夜鷺峰重揭示猿啼松頂月蒼蒼

示慧玉范百戶

揮來三尺吹毛劍凜凜光芒射斗牛
鐵額銅頭俱倒退太平寰宇任遨遊

示龍興如禪人

支那撰述

松隱唯忘然和尚語錄卷二

三

月千古無生話又新

示慧慶道者

菩提無樹鏡非臺蕩蕩乾坤絕點埃
一夜櫓聲搖落月水盂傳得嶺南來

示善寶居士

風絮煙絲春復秋莫將情解混常流
海門空闊銀濤靜好看天垂月一鉤

次韻答天目明長老

方處方今圓處圓水光山色兩相便
老來慵下蒼龍窟萬仞峰頭泊釣船

寄醫士何慧芳

雪山大樹世醫王香氣纔沾病自忘溪月松風無限意不妨來與話宗綱

寄寶陀原長老

一曲絃調師子筋伯牙聞着膽魂驚子期不用黃金鑄小白花開滿四明

寄湧泉無證和尚

棺材頭畔行糧瓶我父臨行付與兄淚滿雙溪腸寸斷至今流水有哀聲

化燈油

文那
筆述

松隱唯蒼和尚語錄卷二

四

劫初一點光明種猛烈工夫拶出來瀉入碧琉璃裏去百千諸佛笑顏開

送雲南榮侍者之萬壽

萬八千里雲南路鐵鞋踏破脚生胝鉢囊高挂北山寺對月長吟小艷詩

送禮藏主

少室門風運未衰西峰又見祖花開攜筇別我驚秋暮黃葉庭前積滿堆

送靈隱源藏主回天龍

演出何妨還演入鷲峯口縫未嘗開家山只在錢塘

上夜夜潮聲吼怒雷

雪澗

六出徧遮千嶂色翩翩釣艇竟忘歸夕陽影裏東風暖添得寒泉漲滿溪

雲菴

一片一片復一片重重疊疊覆青山有時飛入松關裏占我尖頭屋半間

曉堂

金雞拍翅闌干上六戶當陽盡豁開驚起階前石師子倒嚙玉兔去投胎

支那
筆述

松隱唯蒼和尚語錄卷二

五

示慧昭侍者

個事昭昭心目間盡情放下見何難南方五十三知識眼上眉毛八字安

上伏龍和尚

羊腸鳥道絕行蹤日出三竿睡正濃因憶祖翁田契券夢魂長繞伏龍峰

示天目禪人

翻身摸着虚空鼻信手推開佛祖關鴻鴈數聲秋色老西風黃葉滿千山

船居十首

拋散家私徹骨貧乾坤等是一閒身水深不必篙竿
探舵轉何妨手眼親千尺絲綸潭底意一輪明月眼
中塵掀翻棹從頭看誰是船兮誰是人
船不疎兮我不親兩相交處兩無心水光碧處天光
碧帆影沉時月影沉隔岸藕花香冉冉傍溪楊柳綠
陰陰個中一段真消息知有誰人會此音
船無定止舵無根船舵於吾若第昆舉棹自然身有
影停舟依舊水無痕和雲宴坐閒神識對月高眠絕
夢魂任爾打頭風浪惡不妨左右自逢源
不問前程淺與深只憑一隻定南針翻蓬掉搶皆由

支那

松隱雜著和尙語錄卷二

六

我轉施推板總在心千頃浪翻千尺雪一枝櫓動一
江音滿懷風月難分付斜倚蓬窗獨自吟
任從世諦自紛紛獨處舟中絕見聞順水行來船性
穩逆風撐出浪花分漏蓬斜透波心月壤衲橫披浦
上雲千尺絲綸忘未得只緣潭底有金鱗
輕舟一葉樂無窮八面縱橫路路通不必湖中尋范
蠡却從灘畔訪誠翁櫓聲搖出輪迴轍帆葉搶歸逆
順風更有一般奇特處危頭常浸水晶宮
梗跡萍踪任去留往來灘畔懶拋釣帆修有漏還無
漏船逐邪流入正流四海煙波蓬脚下五湖風月眼

晴頭當陽唱起胡家曲不染人間半點愁
一葉孤舟下激湍逆行順轉似龍蹻開蓬未覺乾坤
闊打棹方知湖海寬兩岸柳拖金色線一江風憂玉
綸竿捲帆且泊斜陽外謗洗砂鍋煮月團
老來甘與世相違今古乾坤一釣磯畫漿一條全祖
意鐵篙三寸截流機飯炊芡實香偏好羹煮蓴絲味
更肥此樂祇應同道者莫教俗客等閑知
生涯隨分復何爲只個船兒自住持衝雨衝風青箬
笠禦寒禦暑綠簑衣煙汀破曉數聲笛月渚橫秋一
釣絲萬頃滄波真活計天荒地老不知歸

支那

松隱雜著和尙語錄卷二

七

送北平了禪人 昨在夫日
煙霞老我事如何覲侍御嚴嚴窄堵波燦燦祖竿開石
罽寥寥古月掛松蘿自吾東海來歸隱有子北平方
見過好把兩莖眉剔起看他烈焰發冰河

次韻荅安藏主

老來懶打禾山鼓一榻巖房聽雨風謗有閒情思古
道且無餘力起先宗白雲鎖斷三關路碧澗分開兩
乳峰獨倚蘿牕宣妙偈瀑花飛雪灑空濛

送雲南歎西堂

三千九百丈天目秀色遙連全馬峰錫杖六環鳴夜

月衲衣兩袖舞春風堂堂顯露半邊鼻着着全超向
上宗領下眉毛三尺雪莫將容易蓋雙瞳

送雲南證西堂

合頭語是繫驢轂此話傳來非等閒風煖巴江開曉
凍梅香庾嶺露春顏海神撲碎黃金彈石女分開碧
玉環拈却却初茅草令重來峰頂闢玄關

送大川順首座

道人何事下臺山惹得虛空展笑顏口縫未詢末後
句脚跟已踏上頭關大川浩浩春波闊少室寥寥夜
月寒重振宗綱當聖世金毛師子大家看

支那
撰述

松隱叢書和尚語卷三

八

送慧振郭百戶之江西堊母

劬勞欲報貴真誠一顆明珠耿耿明陰壑三冬抽石
筍長江六月結寒冰抱琴玉女朝天闕步月祥麟出
鳳城最是酬恩親切處楚天空闊曉風清

示童福宗居士

二千年事至於今驚嶺拈花示此心火在石中仍用
擊眉橫眼上不須尋珠還合浦風波靜鐘動玉樓星
斗沉莫謂空王無實相骨頭節節是黃金

送慧吉侍者徑山禮祖

凌霄秀拔羣峰外子欲登臨莫等閒胸次剗除元宇

脚機先授透上頭關劍痕床在腥風泐石巖高祖
道還千載欽師靈骨在巍巍一塔白雲間

送祖禪人之姑蘇

西來祖意本無傳自是常人見處偏可煞馬師無定
策累他南岳苦磨磚春回澤國開冰鎖風轉松林奏
玉絃一吸太湖三萬頃却來叅我句中玄

送徒弟慧照叅雙林和尚

金華重疊皆靈境獨有雲黃山最高七級浮圖層落
落兩條溪水浪滔滔天燈燦爛朝精舍花雨繽紛點
毳袍方丈老禪爲人處揭天棒喝起風濤

支那
撰述

松隱叢書和尚語卷三

九

送四川琛長老

海寶千般先求如意琛也奇珍絕乎倫比了無瑕玷
來先天光華燁燁騰大千迥然超出萬象表當陽揭
示玄中玄個事明明誰辨的翻笑卞和徒費力只因
喪却目前機三獻由來仍受屈昔年地藏驗法眼塊
石發機何太簡兩益乾坤今玉振金聲超越古今今
裁長就短子若于斯見得親揚起真風未爲晚

送性海真長老

性海無風金波自湧撼倒須彌大千籠倒澄寂寂
涵青空森羅萬象難逃踪鐵船浮動不浮動總在一

莖毛孔中有時徹底無涓滴蓬塵輒起三千尺翳却阿那律眼睛直至如今開不得

贈雲巢隱士隨所寓

隨所寓隨所寓任運騰騰無定處泛宅浮家老此身水雲影裏無生路往來游戲一浮漚宛如碧玉壺中住逆風駕上須彌巔背手扳得珊瑚樹咄哉玄真子不識吾真趣老倒鴟夷翁風月無今古典來一口吞長江金波洶湧充饑腸化作無邊香水海八萬四千毛孔皆清涼或寓東西或南北傍梅待月無遲速片帆不覺過滄洲欸乃一聲山水綠紉草爲衣狎鷗心

松隱

松隱唯慈和尙語錄卷二

十

機飯有雕胡羹有蓴絲唱紫芝於花汀月浦歌白雪於蓮塘柳堤梗跡萍蹤無所依高風千古寄漁磯隨所寓隨所寓煙波歷盡無寒暑老我乾坤雪一頭滿懷風月難分付

示智戒主

戒如瓔珞珠亦如淨滿月汝當力堅持慎勿暫時瞥一念若遲疑生死無休歇光陰能幾何子自宜甄別吾家種草不易做貶起眉毛須薦取百尺竿頭解轉身脚底何妨草鞋破便甚麼會石女唱巴歌不甚麼會跛驢拽鐵磨囉囉哩黃頭碧眼知不知玉兔踏折

珊瑚枝

送虎丘統藏主

拈得鉢囉娘一句絕毫絕釐沒巴鼻古木寒岳月色新統攝大千歸自己蘇州有也常州有劔池夜半蒼龍吼驪珠扶得本無心一任猛風翻石曰五臺山上隔塵氛雲蒸飯熟香氤氳驚倒生公點頭石當機說法教誰聞

送大龍興澤監寺

大用現前滿眼滿耳纔墮見聞埋没自己石牕漏燈蓋喪盡宗猷楊岐三脚驢全彰玄旨似火燒冰道人

松隱

松隱唯慈和尙語錄卷二

十一

行履澤禪澤禪莫忘此理

送玉禪人歸天台

格外之機石中韞玉渾渾淪淪命不受磨琢當陽忽剖開光明照幽谷靚體絕瑕痕誰能強名邈得來不費纖毫力翻笑卞和三度泣邁古超今也大奇驚倒豐干與寒拾

示印禪人

文彩未施全彰實印信手搭來頭正尾正印空印水及印泥鼓聲咬折撞鍾槌羅襪羅也竟同措聞根喪盡洩真機印水印泥還印空脚頭到處忘西東金毛

哮吼大千震身在蟪蛄眼孔中印泥印空復印水高峰頂上波濤起撼倒上天三十三舜若多神汗如雨一二三兮三二一六合茫茫誰辨的筆描八臂那吒神倒把秤鎚捏出汁

送四川明禪人禮補陀

明明百草頭明明祖師意直饒道得親猶是半途底此理灼然原自別海底泥牛嚼生鐵三峽銀河天上來夜深浸爛峨眉月明禪明禪知不知江南江北徒纍纍白華巖上頻伽語不是西川啼子規

大龍興由俊上人求語住山

支那

松隱唯蒼然和尚語錄卷二

士

一由一有一亦莫守俊快衲僧不存窠臼頂門正眼明如日轉轆轤今明歷歷等閒照破却空前不是心今不是佛保福有願不撒沙古也今也徒矜誇第一山頭割得脚何妨處處開呈華

示壽典座

佛祖向上事急着眼睛看機先見得真方堪救一半栗棘蓬金剛圈端的從來吞透難若是吾家真種草等閒一鏃破三關驗人自具驗人眼活路通身有何限淨瓶踢倒笑呵呵堪與後昆作師範

次韻示澤知客

脫略衲僧家動轉如飛豹不墮有無功自然離用照無星秤上沒論說半斤八兩何須較與麼也一盞清茶醉不醒不與麼也耆婆妙藥難求效鷲直臺山路不差夜行不許投明到爛炒浮漚當飯噉切忌鑿却煎茶銚

示現禪人

現成公案不必提撕塵塵刹刹顯露真機脚尖踢出西來意泥團土塊生光輝寒山拾得擔枷過狀普化臨濟疥狗泥猪風流出當家還他師子兒忽地青天霹靂震驚起洞庭湖水立光福山頭浪拍天舜若多

支那

松隱唯蒼然和尚語錄卷二

士

神面皮溼

送山藏主

道由心悟理緣事有提起破沙盆打殺子湖狗抹過太虛空法身藏北斗扶桑人種陝西田鐵牛耕破崑崙巖夜行人自愛明月不知脚底芒鞋穿阿呵呵囉囉哩三春依舊鶉鴉啼

送目侍者禮補陀

機中有句句中有機不是圓通法門亦非向上提持磬陀金剛石大海碧琉璃紫竹旃檀林八面香風吹白衣仙人識不識見時須是超聲色拍天大浪撼潮

音夜半團圓紅日出

送在禪人

伶俐衲僧行藏自別在在處處頭頭合轍金鎖玄關
信手開銀山鐵壁難遮截一機拋出絕商量碧眼黃
頭俱結舌越山青兮吳水綠今古遊人觀不足觀得
足六六依然三十六

次韻送皓首侍者

萬法本來空一心何悄悄石人打鐵彈還破虚空腦
血憑須彌盧腥風四邊繞吹綻優曇花香噴必芻草
今古絕遮藏昭然明了了脚尾與脚頭總是長安道

送泥水

不勝惜事和句語錄卷二

古

送泥水

一任山青黃誰管歲月老如意自家珍楚壁原非寶
水泄不通那一着八臂那吒摸不着道人兩眼見得
親正好虛空中着脚虛空中着脚良可奇絕躋攀處猶
坦夷脚底水泥無半點手中泥水何嘗離施為動轉
何超邁老蒼龍脊從空駕頭角崢嶸宇宙間縱使毗
嵐吹不壞轉身句子無滌漏逸量神機碎窠臼旁提
正按常住磚片片光生絕塵垢個樣從來本現成未
動手時功已辦丈六金身草一莖一莖草上黃金殿

示慧本居士

欲了生死因先淨心爲本一念若遲疑便落魔市并
直須提起話頭參於一切處休顛預慕地黑漆桶底
脫萬象森羅七骨寒爪籬拈向風前舞有口不說無
生語一吸西江徹底乾瑞世優曇開鐵樹

松隱唯晏然和尚語錄卷二

古

古

古

江蘇 佛弟子九部註法名大
法名大 第二卷 重二西法名大
吳門之章朱來對稿 余校
崇禎二年己巳歲佛成道日始
藏

松隱唯菴然和尚語錄卷之三

徒第比丘 慧省 編次

幻隱歌爲靈隱明長老賦

世間萬事付一幻道人依幻而自住百千三昧在其
中只把莖眉以爲準幻隱那分優劣隱幻何曾有
生滅是幻全超曠劫前是隱不落今途轍有時依幻
顯幻宛同大海一漚發大千小千俱包括有時從隱
入隱轉向蟪蛄眼孔中一身多身潛無踪離幻身心
自平等離隱全彰大同鏡離無離處離復離繁興永
處那伽定我歌幻隱荒蕪詞珍重靈山老古錫三百

松隱

松隱唯菴然和尚語錄卷之三

一

餘會說不盡於幻從頭闡化機

古音歌爲東陽諸長老賦

羲皇之先有一曲音韻豈落平平仄彈來不在十指
端屋角松風相彷彿非絲竹兮非笙簧非角羽兮非
宮商高山流水和不得鏗金戛玉聲琅琅極升沉之
源微離微之根衆樂百千徒勞競奏師子一絃聊
比倫有眼者覩之不見無耳者則乃親聞知音更有
知音知音何獨鍾子期

破屋歌爲華禪人賦

道人性僻無拘束好屋不住住破屋寥寥四壁蕩然

空明月清風常自足其中棲泊知幾年頓空世慮忘

生緣不撥萬象身獨露曲肱一枕恣高眠阿呵呵不
弄乖生涯隨分絕安排豈是甘心受窮苦只圖賊不

打貧家

托鉢吟

我有鉢盂一隻圓如日黑如漆瑩然內外絕纖塵口
大向天吞八極大庾嶺頭笑翻身七百黃梅徒費力
德山親手托將來代代相傳到今日有時獨弄春風
前萬象森羅俱失色有時蹀躞跳躑率天驚倒當來老
彌勒有時降却老蒼龍總有神通逃不得有時滿給

松隱

松隱唯菴然和尚語錄卷之三

二

上方香積飯三萬二千龍象饑腹皆充塞管甚東山
鐵酸醢子豈論楊岐金圈栗棘會須盡底盛將歸來
一任衲僧橫吞豎喫直得天台五百一十六位聲聞
僧從定起來合掌念個摩訶般若波羅蜜

船居吟

我泛扁舟活鱗鱗四海五湖間快活一篙撐出愛河
來笑看漚生與漚滅漚生全體現其中漚滅是形如
電掣漚生漚滅本來空自是道人心路絕三界茫茫
底用休塵勞迥脫何干涉利名畢竟是虛花白玉黃
金眼中屑南北東西任去來春夏秋冬無異別任他

寒任他熱道人自是心如鐵
陋身蓬底一天秋壞衲
枕邊三尺雪黃蘆白鳥共忘機
道人快活無可說碧
潭深處放絲綸等閒一掣滄溟竭
翻起銀濤似雪山
極目江天無限闊這回不怕八風吹
了然截斷輪迴
轍一聲欸乃歸去來空船滿載千江月

月海歌

長空萬里無雲翳蕩蕩碧天竟如洗
萬象森羅影莫
逃一色洞然無彼此昨夜金風輕漏泄浪花翻作千
尋雪冰輪輾折珊瑚枝大海總是白銀闕海兮海兮
何其清月兮月兮何其明海月交光兮照古今寥寥

支那

松隱唯楚然和尚語錄卷三

三

宇宙今贏得其高名

洞玄歌

洞徹玄微歸至理剎剎塵塵無不是分明玄牝見端倪
倪十二瓊樓眉睫裏蕩蕩乾坤闔還闔霜天青鳥無
消息玉童倒跨天麒麟蹉跎踏折虛空脊竄今冥今
精何精恍兮惚兮物何物廓開洞門三十六清虛一
片凝寒碧真汞真鉛共一爐真液真精同一埽產出
嬰兒姪女來綠鬢朱顏更殊絕三尺雲璈十二徽琅
琅玉韻徹離微瞥然翻作無生曲白雪陽春和不齊
我作洞玄歌寄與洞玄子記取洞玄時火龍動天地

洞玄子知不知眼上何曾不帶眉
碧玉壺中天地窄
別有芥子藏須彌

懶菴歌

道者機關如木石此生不願循規則一物時中更不
爲世上萬緣俱泯息頽然兀坐茅堂中灰頭土面何
形容百鳥啼花無覓處天神獻供徒西東擁轍看山
今簾不舒卷生苔撒地兮路任苔封一個蒲團閒靠
壁從教兩耳吹松風

頭陀歌

磊直頭陀能脫略胸次蕩然古標格恰似明珠走玉

支那

松隱唯楚然和尚語錄卷三

四

盤轉轆轤地無所着衲衣下事何足誇雲霞片片穿
斷麻生苔不借春風力猶勝確菴開天葩拄杖翻皺
頭髮髭掌耳能着水眼能着沙終不拈長柄舀溪之
杓換雪峰剎刀更不露傾湫倒嶽之機涇梁山袈裟
笑俱抵受用天龍一指惟飲光微笑漏泄鷺嶺拈華
一味落洛魄魄醺醺自是風流出當家阿呵呵
歸去來倒着一緇鐵鞋踏破千丈蒼苔東風西嶺謾
徘徊

萬山歌送榮維那之番易

萬山道人蒙見過索我爲作萬山歌太虛從來沒涯

岸層峰疊嶂何其多眼力到處未極則秀色嗟峨鎖
寒碧迢迢古澗來切初源頭一派其中出青黃不改
日月老屈指數到九千九百九十九朵之危峭別有
一峰聳出縹渺煙雲間勢壓匡廬真絕倒道人從此
而得名十分氣宇開懷抱鳥啼花笑自春風寥寥超
出古皇道萬山萬山知不知見道忘山未是奇

坐禪銘

參禪的的非細事貴在常人發真志真志不發願不
堅決定莊莊墮生死古德垂慈何太切教人參玄要
直截話頭一則重千鈞盡力提持須猛烈進前退後

松隱唯菴和尚語錄卷三

五

知幾迴恰似冰爐煉生鐵冰爐煉鐵真個難竭盡精
神豈容歇驚然一撥火星飛面皮迸破通身熱鉗鎚
妙密始見真手分眼今用處親就中煉出吹毛利干
將鏤錫爭比倫耿耿寒光耀空碧在在處處興家國
外道天魔盡喪魄鐵額銅頭俱失色古今庫藏無爾
珍天上人間何處覓殷勤爲報叅玄人趁此後生當
努力

桂菴歌

颯颯西風動林麓炎歊散盡秋氣肅姮娥開却蟾宮
門當陽散出黃金粟湯空積地盈四簷靈葩不許羣

芳妍道人久住忘處所直疑此境是先天昔年山谷
不知此却恨晦堂無直指鼻端驀地來香風洞徹吾
無隱乎爾子今桂菴兮爲名索我再歌兮奚憑晝寂
寂兮花鳥無聲夜寥寥兮月落空庭

方竹杖歌

靈苗異種天然別豈與凡竹同途轍內則虛圓外則
方四稜凜凜凌霜雪炎歊拂散露清標歲寒歷盡全
高節昔年爲竿釣東海六鰲二山等閒掣今日以爲
拄杖子動轉施爲活鱗鱗曉穿碧嶂雲夜鳴寒嶠月
有時伴君行探深探淺何縱橫有時伴君住劃斷從

松隱唯菴和尚語錄卷三

六

前閒露布有時伴君坐孤根一任莓苔裏有時伴君
臥冰床石枕成清墮或向高高山頂相扶進一步或
向萬仞崖頭通個轉身路這竹杖絕比倫君子林中
何處尋雖然自家屋裏人相忘無如汝無心

送雲南妙書記

道人雲南來訪我於雲間脚頭未跨門一鏃破三關
吾家種草師子兒翹尾全奮金毛威機奪機也放兩
拋三全賓全主境奪境也添多減少無欠無餘百城
煙水都抹過信口橫吞鐵蒺藜叅方須具叅方眼莫
道吾儂太擔板看取精金躍冶時普利人天有何限

空處閒人歌爲清禪人賦

空處閒人閑趣多索我空處閒人歌我儂亦在空閒
處聽他塵世徒奔波信知空處閒人好空處從來少
人到個中別是一乾坤六月冰霜寒悄悄空處空
空四壁空處長年自空寂閒人偏愛空處居動轉施
爲無朕跡個事明明觸處真雙忘人法始方親閒人
原不異空處了知空處即閒人阿呵呵囉囉哩好把
雲山舊衲衣拂乾滄溟直教徹底蓬塵飛

黃花翠竹歌爲空禪人賦

重陽九月霜花濃芳英堆金東籬東靈根不假陽和

支那
撰述

松隱唯蒼然和尚語錄卷三

七

力自是先天造化工四簷市地清風起林薄有聲來
不已枝枝宛若老龍鬚葉葉渾同蒼鳳尾虛心耐歲
寒兮衆木森森豈能比滿屋生清香兮群葩簇簇難
同委一地所生二俱美宇宙寥寥自終始黃花翠竹
誰辨的灼然不許淵明識却羨香巖老凍儂洞徹根
源消一擊古也今也絕覆藏二三四七徒誇張真如
般若只者是知音何必重商量

十二時歌

十二時幾人知眼上何曾不帶眉一口吹毛無背面
寒光凜凜七星飛

半夜子一忽覺來猶懶起湯婆子怒竹夫人一拳一
脚打落地

雞鳴丑錯認南辰爲北斗採寶波斯去路長愁聞海
底泥牛吼

平旦寅耳不聾兮眼不昏金烏拍翅天大曉畫角一
聲消夢魂

日出卯目前總是長安道張三李四驀相逢一老元
來一不老

食時辰活計從頭又斬新平地波濤千萬丈從教淹
殺弄潮人

支那
撰述

松隱唯蒼然和尚語錄卷三

八

禺中巳成家須是敗家子寸絲不掛赤条条天地之
間唯一已

日南午香積瑟瑟打齋鼓大家飯飽肚膨脝坐看須
彌盧作舞

日昃未三尺竹篴無向背鞭起生蛇作活龍崢嶸頭
角青雲外

晡時申剎剎塵塵不用論阿修羅王鬪戰敗藕絲竅
裏去藏身

日入酉伸出一雙窮相手當陽把定鬼門關灼然不
許行人走

黃昏戌也無禪今也無律萬派聲歸海上消大地湯
湯黑如漆
人定亥閑却從前舊兵鎧寥寥宇宙古風清皎皎寒
蟾飛出海

公隱集卷三

九

讚跋

魚籃觀音

籃裏錦鱗鮮且活遠天索價孰商量拖泥帶水歸來
晚添得馬郎愁斷腸

羅漢圖

人間天上無心住多在山邊與水邊彈指一聲龍虎
伏脚跟不費草鞋錢

龐居士

慕富却忘貧苦日一時拋散了家私無端道個空諸
有波及妻兒賣瓜籬

天部
推述

公隱集卷三

十

達磨祖師

九年面壁接得神光一花五葉徧界流芳蘆葦悽悽
暗度江

天目山高峰和尚像

主羈死關入易出難千古萬古西天目山

禮高峰和尚塔

狗舐熱油鐺一句集雲峰下四藤條拈來擲向乾坤
外贏得稜層塔影高

聖壽千岳和尚

這個老大阿師太煞爲人儼侗手握黑漆竹篴打人

不知輕重二十年前在錢塘江上發無明火燒却慈雲嶺頭石佛兩道眉毛二十年後向伏龍峯頂涌智慧泉浸爛師子巖中幻翁半邊鼻孔個般籠撻得人憎大似白拈賊種

師子寺常住請贊師真

有口若啞有耳若聾佛法不會世法不通握條捧打雨敲風瞪雙目滯寂沉空且無巨靈手擎太華之峰豈布湯天網張蠅螟之蟲三十年枯坐船子釣灘之東如何起得西峰已墜之宗

丹陽吉祥菴雪澗淨長老請贊

松隱唯奄然和尚語錄卷三

十一

面冷如霜口甜似蜜一味虛頭全無真寶胸襟曠蕩今千山堆裏橫條雪澗生涯拙鈍今九曲河邊栽蓬栗棘指東話西拗曲作直丹陽郭外吉祥菴那裏着得這個賊

福建振禪人請贊

這個瞎漢不屬造作撞着冤家將錯就錯三十年吳淞江上撐無底船賣明月買清風二三載伏龍山頭坐曲朶牀振金聲搗木鐸使盡福州人肚腸一任諸方貶剝

慧藏沈氏請贊

面皮凜冰霜佛祖也不識橫按黑竹篋虛空驚戰慄恠底臺山婆逢人道驚直未按指已前頓起膏肓疾縱使耆婆扁鵲那有這般奇特咄留與兒孫爲法則

慧本居士請贊

從來個漢無思筭一住茅菴三十年白日打眠空過了如何有口會談玄

普首座請贊

揮黑竹篋掃空觸背雖不露師子交人之機要且不一是韓盧逐塊敲出金剛腦後釘顯發普光明三昧煙策擁膝坐漁磯等閒超出威音外

松隱唯奄然和尚語錄卷三

十一

明首座請贊

誰向虛空添五彩分明覲面不相瞞蒲鞋踏破華亭月萬象森羅徹骨寒

金山百戶張慧志請贊

妙在一機通身活路擒縱自由佛祖罔措吹毛影裏覺華開海上好山青朶朶

百戶龔慧衡請贊

手中三尺竹篋狀似吹毛利刃勦除邪見稠林蕩却佛病祖病一片真風挽得廻千古倒行摩竭令

慧覺居士請贊

滿目青山一溪流水不是桃源古今天地兀坐茅廬
春晝長堂堂獨露自家底自家底綠樹重陰萬疊雲
金香爐下鐵崑崙

慧賢居士請贊

心不是佛智不是道白雲重重紅日杲杲揭開不二
法門驚倒嵩山破竈一牀獨坐淨名老

慧銘居士請贊

竹篋黑漆漆眼晴明歷歷敲碎太虛空趺出金剛骨
抹過二三并四七

慧山居士請贊

推述

松隱唯菴然和尚語錄卷三

三

者個老漢着甚來由磊磊直直豈識宗猷少年騎竹
馬恣意逞風流當場衝破龍蛇陣縱橫自任樂悠悠
長大牧水牯耕徧劫初疇疊疊高低風景好笑看黃
雲萬頃秋拈得龍峯飼猫器無端放在松溪頭止有
一條龜毛線釣盡江波卒未休

姑蘇兜率園比丘明聞閱

一長洲縣 第五子王明聞
陳元瑞 范以明 捐資刊
惟賢禪師語錄第三卷 吳門九章朱衣對信
金陵諸 耕書 自開道人將成榮刊
崇禎二年己巳歲佛成道日見蘇兜率園
松隱唯菴然和尚語錄卷之三

松隱唯菴然和尚語錄後序

唯菴和尚語錄蓋直指單提一心上乘之法超出古
人蹊徑驚其若銀河瀉天莫知其極真所謂能繼千
巖之緒而大其家世者也何其偉哉覽是編者又豈
無如古塔主之讀雲門語而契其機者乎昔
洪武四年春三月南屏住山懷渭撰

推述

松隱唯菴然和尚語錄卷三

二

愚菴智及禪師語錄

明
•
觀 以
中
智
及
通
等 撰
編

徑山和尚愚菴禪師四會語序

或問於濂曰。世間至大者何物也。曰。天與地也。曰。至明者又何物也。曰。日與月也。曰。然則佛法亦明且大也。其與天地日月齊乎。曰。非然也。曰。其義何居。曰。天地日月寓乎形者也。形則有成壞。有限量。雖百億妙高山。中亦百億兩曜。百億四天下。以至于恒河沙數。皆有窮也。皆有止也。此無他。囿乎形者也。若如來大法。則不然。既無形體。又無方所。吾不爲成。孰能爲之。壞。吾不爲後。孰能爲之。先。吾不爲下。孰能爲之上。芒乎忽乎。曠乎漠乎。微妙而圓通乎。其大無外。其小無內。眞如獨露。無非道者。所以超乎天地之外。出乎日月之上。大而至於不可象。斯爲大矣。明而至於不可名。斯爲明矣。是故以有情言之。則四聖以至六凡。或迷或覺。佛法無手不具也。以無情言之。則水火土石。與彼草木。或洪或纖。佛法無乎不在也。三乘十二分教。不能盡宣也。八萬四千塵勞門。不能染汙也。嗚呼。假須彌山以爲筆。香水海以爲墨。書之以不可說。不可說。阿僧祇數劫。其能盡贊頌之美乎。然而佛法固

之類

之類

明且大也。其靈明之在人。也。萬劫雖遠。不離當念一念。不立即躋覺地。亦在夫自勉之而已。濂雖不敏。每遇學佛者。喜談而樂道之初。不以其證入淺深。而有間。其意頗有見於斯也。徑山住持愚菴禪師。得法於元叟。端心四據。名藍敷揚佛法。以聳人天。龍鬼之聽。縑素相從。如雲歸岫。其弟子觀通等。會粹成書。介吾友用堂樸公來徵文。以題其首。濂懸燈而孰讀之。其解人膠纏。如鷹脫條。旋摩雲而奮飛也。其方便爲人。如慈母愛子。一步而三顧也。其全機大用。如大將臨陳。旗鼓動而矢石集也。誠一代之宗師。而有德有言者。歟。雖然。不二門中。一法不立。何況於言。覽者當求禪師言外之意。使意見兩忘。而忘忘亦忘。方近道矣。嗚呼。佛法超乎天地之外。出乎日月之上。豈細故哉。人患不求之爾。今極其贊頌。而書于此錄之。端實欲起人之敬信也。繪畫虛空。非愚則惑。濂蓋無以遠其實矣。洪武八年二月二十一日。翰林侍講學士中順大夫知制誥同脩國史兼太子贊善大夫金華宋濂序。

嚴菴及禪師語錄總目

第一卷

隆教禪寺語錄三十條

第二卷

普慈禪寺語錄三十九條

第三卷

杭州淨慈報恩禪寺語錄三十四條

第四卷

徑山興聖萬壽禪寺語錄一十一條

第五卷

再住徑山興聖萬壽禪寺語錄五十九條

第六卷

小參一十三條

第七卷

頌古五十五首

讚語三十五首

第八卷

付頌三十三首
長短句

一百七首
五七言

自題五首

言吹十二首

附

塔銘宋源襄

嚴菴及禪師語錄總目終

愚菴和尚語錄卷第一

初住慶元路隆教禪寺語錄

門人 觀通 等編

師於至正壬午十月十日。奉行宣政院疏。請入寺指山門云。峯巒海湧樓閣天開。是處是彌勒。無門無善財。

祖堂祖祖相傳。佛佛授手。日午打三更。面南看北斗。據室顧左右云。這裏無密室。傳授底法。諸人簇簇上來。討個什麼。拍禪床便起。

陞座拈香云。此香天地萬物同體同根。至尊至大本支百世無壞無雜。彌高彌堅。度蘄寶鑑。端爲祝延。今上皇帝聖躬萬歲萬歲萬歲。陛下欽願山如礪。河如帶。不萬世太平之基。車同軌。書同文。廓四海無爲之化。次拈香云。三世諸佛無傳授歷代祖師。無傳授天下老和尚。無傳授隆教。今日此香。蘄向鑑中供養。前住杭州路徑山興聖萬壽禪寺第四十八代慧文正覺佛日普照禪師元叟端和尚諸人。且道畢竟。

天或大教

爲個甚麼。以香扣鑑三下。便燒燄。就坐吉祥。和尚白。椎罷。僧問。釋迦不出世。達磨不西來。佛法徧天下。談玄口不開。和尚今日出世。畢竟爲什麼。邊事師云。蛇無頭不行。進云。既是釋迦不出世。爲甚四十九年說。師云。法久成弊。進云。達磨不西來。爭奈少林有妙訣。師云。年老成魔。進云。佛法天下徧。不徧談玄之口。開不開。則不問和尚。爲國開堂。皇恩佛恩。憑何報答。師云。有眼者見。有耳者聞。僧禮拜。師乃云。海日高明。海天空闊。峯巒海湧樓閣。天開頭頭無上妙門。在在金剛正體。諸佛出世。以訛傳訛。祖師西來。將錯就錯。一大藏教。誑謊閭閻。明眼衲僧。自救不了。但能無心於事。無事於心。便見堯風蕩蕩。舜日熙熙。天清地寧。民康物阜。山僧道薄。人微。遠承院命。三江九堰。航海梯山。爲國開堂。舉揚宗旨。無一絲毫瞞諸人。諸人亦無一絲毫瞞山僧。冀各存誠。共相委悉。

復舉僧問。百丈如何。是奇特事。丈云。獨坐大雄峯。僧禮拜。丈便打師云。大小百丈。只解無佛處。稱尊。今日忽有問新隆教如何。是奇特事。只對他道。汝等皆當。

見刹竿便回去。又作麼生。師云。蟻子不食鐵。進云。寶

移易一絲毫不得。東頭賣貴西頭賣賤。三十年後破

草鞋向甚處著

上堂寒暑迭相催。今朝臘月旦滴水一滴凍。莫道且緩緩便下座。

上堂舉玄沙因光侍者道。師叔若參得禪。小姪當打鐵船下海去。沙住後令人持書問光去。打得鐵船也未光無對。後汾陽昭代云。只見錐頭利。不見鑿頭方。玄覺云。玄沙也是貧兒思舊債。師云。大小玄沙光侍者人我未忘。互揚家醜。千載之下。遭人點檢。翠屏終不學他古人。一切只是如常。昨承靈隱天童侍者相訪。寒溫纔罷。燒香喫茶罷。送歸客位。自然主賓道合。叔姪情忘。今日陞堂。略此敘陳。伏希道照。

佛成道上堂舉趙州問南泉如何。是道泉云。平常心是道。州云。還假趣向否。泉云。擬向即乖。州云。不擬爭知。是道泉云。道不屬知。不屬不知。知是妄覺。不知是無記。若真達不疑之道。廓然蕩豁如太虛空。豈可強是非耶。師云。王老師過犯彌天。將釋迦世尊六年雪山。千苦萬辛。所得無上大道等閒。花擘殆盡。合與二十拄杖。當時趙州眼光燦破。四天下面被熱瞞。則且

置今日衆中。莫有爲世尊拔本底麼。如無隆教。不是爲它閒事。長無明。忝爲遺教。遠孫未免出隻手去也。拽拄杖下座。一時越散。

眞泯二上座。火眞如淨境界。一泯未嘗存。能隨染淨緣。遂成十法界。師火云。泥捏金剛水底走。筆描菩薩火中行。

上堂舉東山演祖示衆云。祖師說不著。佛眼看不見。四面老婆心。爲君連一線。便下座。師云。若教頻下泪。滄海也須乾。

上堂僧問。不與萬法爲侶者。是甚麼人。師云。十字街頭石敢當。僧擬再問。師云。又要第二杓惡水。在乃云。時維三月。節屆清明。不寒不暖。半陰半晴。落花啼鳥一聲聲。鶯沾拄杖穿却。解空鼻孔。敲瞎達磨眼睛。踏破草鞋。赤脚走好山。猶在最高層。

師一日盥手。次僧問。如何是祖師西來意。師以水洒之。僧便走。師喚來來。古人水潑挺逐不去。汝因甚便走。僧却以手作洒水勢。師云。汝作道理會也。僧便喝。師亦喝。僧復喝。師便打。僧云。和尚莫錯打某甲。師云。

汝但喫棒我要者話行

上堂舉古者道色聲爲無生之禍毒受想是至人之坑穽又道直須向聲色裏睡眠聲色裏坐臥擊拂子喚作聲得麼豎拂子喚作色得麼離却分別心誠意慶言句外道將一句來

●慶言

佛誕上堂良久云釋迦老子生也蝦蟆蚯蚓同證法身露柱燈籠共相慶賀雲門大師道我當時若見一棒打殺與狗子喫成人者少敗人者多擊拂子下座上堂水母目鰕瑣玷腹蟹眼在鼻上脚在肚下下座元太初藏主至上堂舉阿難尊者問大迦葉云世尊傳金襴外別傳何物迦葉召阿難阿難應諾迦葉云倒却門前刹竿著師云阿難如是問迦葉如是答且道世尊當時有所傳耶無所傳耶這裏著得隻眼一大藏教五千四十八卷半滿偏圓權實空有無不透頂透底拈拄杖卓一下打麪還他周土麥唱歌須是帝鄉人

上堂顧大眾云老僧已爲諸人和盤托出了也飢逢王饍不能飡莫錯恠人好便下座

上堂僧問馬祖陞堂百丈席意旨如何師云不是苦心人不知進云龍袖拂開全體現象王行處絕狐踪還得相應也未師云萬里望崖州乃舉洞山道五臺山上雲蒸飯佛殿塔前狗尿天刹竿頭上煎餿子三箇胡孫夜播錢石霜道風吹石臼爭哮吼泥捏金剛水底走踏翻海月亂波生驚起土星犯南斗道吾道三面狸奴腳踏月兩頭白牯手擎烟戴冠碧兔立庭栢脫殼烏龜飛上天保寧勇和尚云此三頌一頌堪爲佛祖爲師一頌堪作人天榜樣一頌堪驗衲僧眼目具眼者辨取師云保寧與麼道奴見婢殷勤翠屏不惜眉毛與諸人說破字經三寫烏焉成馬解制謝都寺辦齋藏主秉拂上堂咬破鐵酸餚百味具足演出大藏教一句該通三脚驢子弄蹄行萬里無寸草下座

秋日示衆叨據名藍海上州慚無道福繼芳猷宗綱委地方堪憫聖德如天未易酬好把靈符縣肘後莫將閒事澆心頭金風昨夜飄梧葉地北天南又早秋師一日入園見典座割瓜師問刈得幾個祖師頭座

云三十個師云那個皮下有血座云和尚何得重重相戲師云好心不得好報

八月日開堂請監收并謝雨上堂今朝八月初一天外雲收日出夜來灌門龍王見大神變降注大雨盡大地草木叢林稻禾菽粟皆得沾濟隆教寺裏普請監收個個得人一年三百六十日管取粥足飯足江南兩浙春寒秋熱下座

育王石堂和尚遺書至并入祖堂上堂五十三年弄巧成拙踏破虚空赤脚行萬象森羅咲不徹大眾個是育王石室和尚末後爲人底句子明如果日寬若太虛權實照用俱備擒縱殺活皆全可以津濟四生可以梯航九有蚊子上鐵牛無你插觜處卓拄杖這裏見得無一處不略慈容無一時不聞說法苟或未然少間下座普請諷經莊嚴品位香烟起處一任觀瞻

師到千巖莊衆請觀海次師問大海不宿死尸魚以水爲命因甚死在海中代云怕爛却那又云性海無風金波自湧忽遇旋嵐偃嶽時如何代云湛湛地

回至莊中喫茶次師云邪心是海水煩惱是波浪毒害是惡龍塵勞是魚鱉諸人日用現行作麼生免得有僧拈茶餅師前傾茶便行師云正是亂瀉僧回頭師便喝出

九日上堂僧問如何是賓中賓師云君向瀟湘我向秦進云如何是賓中主師云常在途中不離家舍進云如何是主中賓師云常在家舍不離途中進云如何是主中主師云橫按鐵耶全正令太平寰宇斬擬頑進云賓主已蒙師指示向上宗乘事若何師云三年一閏九日重陽復舉大茅示衆云欲識諸佛心但向衆生心行中識取欲識常住不遷義但向萬物凋落處會取師云古人言不虛發發心全真衆生現行無明煩惱業識茫茫作麼生說個諸佛心秋變冬凋春生夏長萬物榮謝無有停息又如何說個不遷義三玄三要事難分得意忘言道易親一句明明該萬象重陽九日菊花新拍禪床云汾陽和尚來也切忌錯下註脚上堂頤左右云千年田八百主郎當屋舍沒人修火

官頭上風車子咄

上堂二月仲春漸暄村村花柳爭妍唯有衲僧拄杖長時無變無遷卓拄杖云上乘菩薩信無疑中下聞之必生恠

愚菴和尚語錄卷第一

愚菴和尚語錄卷第二

普慈禪寺語錄

門人 潭震 等編

師於至正乙酉十月初一日受請入寺

佛殿燒香云前三後三日面月面急須著眼看仙人莫看仙人掌中扇

祖堂昆明池裏失却劍曲江江頭撈得鋸須彌峯頂浪滔天大洋海底蓬塵起大小祖師口門無齒

陞座祝禱罷僧出問云隆教適間搥退鼓龍峯又見踞阮床出群標格天然別不比諸方孟八郎正恁麼

時時節因緣則不問四衆臨筵願聞法要師云山僧剃頭五日一次進云和尚與麼答話莫不得麼師云好人不肯做直要屎裏臥進云三聖道我逢人則出出則不爲人意旨如何師云枯葉知天風進云興化道我逢人則不出出則便爲人又作麼生師云海水知天寒進云和尚今日逢人則出出則爲人豈不出它古人一頭地師云莫亂統進云世尊出世梵王前引帝釋後隨和尚爲甚麼不許學人讀嘆一句師云向汝道莫亂統僧禮拜歸衆師乃云道業無成愧昔賢行藏去住謾隨緣自憐宿債難逃避又向滄溟駕鐵船其奈大法陵遲時當象季新長老用禱神通又且如何施設敢請文殊普賢爲普慈打篙搖櫓勢至觀音張帆把柁見前勝流交相唱和但能同德同心自然無可不可不住此岸不住彼岸不住中流直教盡十方塵毛刹海愚癡下劣貧苦疲乏穢惡不淨衆生任運流入薩婆若海爲依爲怙正與麼時且風恬浪靜共樂清平一句又作麼生道豈拂子云天高群象正海闊百川朝

上堂拈拄杖云。十地驚心。二乘罔測。卓拄杖云。子承父業。賺殺多少人。靠拄杖下座。

上堂舉雲門道。若說菩提涅槃。真如解脫。是燒極香。供養你。若說佛說祖。是燒黃熟香。供養你。若說超佛越祖之談。是燒餅香。供養你。歸依法僧下去。師云。雲門氣宇。如王却作座主。見解普慈道。若說菩提涅槃。真如解脫。是將黑豆換你眼睛。若說佛說祖。是將木楔子換你眼睛。若說超佛越祖之談。是將魚目換你眼睛。歸依法僧下去。

上堂僧問。衆生爲解礙菩薩。未離覺和尙作麼生。師云。天寒日短。兩人共一碗。進云。如何是清淨法身。師云。月色和雲白。松聲帶雨寒。乃云。時節不相饒。又逢臘月日。昨日地搖六震。今朝天雨四花。你諸人只管瞌睡。冬行春令。則不問。西南看北斗。一句作麼商量。上堂僧問。樂山示衆云。我有一句子。待特牛生兒。卽向汝道。未審是那一句。師云。千手大悲提不起。進云。時有僧出云。特牛生兒也。只是和尚不道。山喚侍者。將燈來。僧便抽身歸衆。意旨如何。師云。一對鴛鴦畫。

不成。乃云。今朝正月十五。開却千門萬戶。斬新舊日風規。掃蕩陳年露布。良久云。春暖畫堂多富貴。夜深燈月兩相宜。

上堂僧問。釋迦已滅。彌勒未生。正當今日。佛法委付何人。師云。老僧打退鼓。進云。前無釋迦。後無彌勒。還有參學分也。無師云。風不來樹不動。乃云。目前無法。心外無機。皇風蕩蕩。民物熙熙。花霏霏。日遲遲。高下林巒。錦綉圍却。恠長時。杜鵑子。春山無限好。猶道不如歸。

燈都寺火舉。火把云。漏燈。鷺子。照破歷劫生死昏衢。盡十方世界是個大涅槃。盤門。頭左右。夜來何處火。燒出古人墳。

一日新到僧參師。問甚處來。僧云。補陀禮拜觀音來。師云。觀音菩薩。將錢買胡餅。放下手。却是饅頭作麼。生會。僧云。學人乍入叢林。乞和尚慈悲指示。師驚拈拄杖云。東海鯉魚打一棒。雨似盆傾。會麼。僧擬進語。師便打云。若到諸方。不得錯舉。

祈雨看經。上堂舉睦州看華嚴經。次有僧問。是甚麼。

經州云。大光明雲青色。光明雲紫色。光明雲那邊是甚麼雲。僧云。南邊是黑雲。州云。今日定有雨。師云。睦州將錯就錯。瞞這僧則易。瞞普慈則難。山門今日看經。設有僧問是甚麼經。只向這扇子跨跳上三十三天。築著帝釋鼻孔。東海鯉魚打一棒。雨似盆傾。豐年野老謳歌。甚在處嘉禾合穗。生下座。

上堂。趙州道個洗鉢去。其僧豁爾知歸。鳥窠吹起布毛侍者。當下得旨。呵呵。囉囉哩。達磨老臊胡。打落當門齒。

上堂。舉南泉示衆云。自小牧一頭水牯牛。擬向溪東放。不免食他國王水草。擬向溪西放。不免食他國王水草。不如隨處納些些。總不見得有僧舉似雲門。門云。南泉水牯牛。隨處納些些。且道在牛內。納牛外。納直饒說得納處。分明我更問你。索牛在。師云。王老師道十八上。便解作活計。只個水牯牛。也不解牧得。累他雲門。騎牛覓牛。普慈這裏。自小牧一頭水牯牛。不免食他國王水草。只是不曾犯人苗稼。有時牽梨拽杷。有時臥月眠雲。飢則加飡。渴則就飲。數十年來。但

恁麼過。且道與南泉相去多少。召衆云。千頭萬頭。但識取一頭。

上堂。廣尋文義。鏡裏求形。息念觀空。斬頭覓活。總不與麼。無孔鐵鎚。劃拄杖三邊。不用安戈甲。萬里歌謠。賀太平。

普請栽松。上堂。僧問。記得臨濟在黃檗。栽松次。檗云。深山裏栽許多松。作什麼。濟云。一與山門作境。致二與後人作標榜。道了。以鎚打地。三下。意旨如何。師云。今日普請栽松。進云。可謂峻硬。不得問著。師云。少神作麼。進云。黃檗道雖然如是。子已喫吾三十棒了。也不知臨濟當時過在什麼處。師云。你道臨濟合喫棒。不合喫棒。進云。喫棒且置。濟以鎚打地。三下。作噓噓聲。畢竟明什麼邊事。師云。明鎚頭邊事。進云。黃檗道吾宗到汝。大與於世還端的也。無師云。一句合頭語。萬劫繫驢。擬禮拜而退。師復舉臨濟在黃檗。栽松公案。乃云。諸人要做臨濟兒孫。則且置。只如黃檗道雖然如是。子已喫吾三十棒了。也。且道臨濟當時過在什麼處。應菴云。養子之緣。固當如是。扶強不扶弱。

濟以鐙打地三下。復作嘯嘯聲。爲是啐啄同時。爲復別有道理。普慈向這裏擬著個眼。也要諸人瞥地。卓拄杖雪後。始知松栢操事難。方見丈夫心。

出莊歸。請知客上堂。昨日過南莊。今朝又東郭。動靜與去來。何曾有間隔。然則動則涉塵勞之境。靜則沉昏醉之鄉。動靜双泯。則落空亡。動靜双行。則瞞頂佛性。七十三八十四。途路之樂。不如在家。喝誰在。畫樓沽酒處。相邀來喫趙州茶。

上堂。山田脫粟飯。野菜澹黃羹。喫則從君。喫不喫任東西。知恩者少。負恩者多。

上堂。僧問佛法禪道相去多少。師舉手云。展則成掌。握則成拳。僧禮拜。師云。狂狗趨塊。乃舉保寧。勇和尚示衆云。風鳴條雨。破塊曉來枕上。鶯聲碎。蝦蟇蚯蚓。一時鳴。妙德空生。都不會。都不會。三個成群。四個作隊。窅窅窅窅。飄飄搖搖。向前村後村。折得梨花。李花一佩。兩佩。師云。右軍筆畫入石三分。李杜文章光燄萬丈。老保寧可謂盡善盡美。點檢將來。未免咲破衲僧鼻孔。何故要且無佛法道理。普慈又作麼生。乃云。

蒲團上端坐。針眼裏穿線。西風一陣來。落葉兩三片。上堂。道遠乎哉。觸事而眞。望遠乎哉。體之卽神。雲門乾矢橛。洞山麻三斤。罕逢穿耳客。多遇刻舟人。

上堂。舉僧問乾峯。十方薄伽梵。一路涅槃門。未審路頭在什麼處。峯拈拄杖。劃一劃云。在者裏。雲門拈起扇子云。扇子踳跳上三十三天。築著帝釋鼻孔。東海鯉魚打一棒。雨似盆傾。師云。涅槃心易曉。差別智難明。乾峯雲門。雖則各資一路。瞞者僧卽得點檢將來。等是行於邪道。普慈今日設有僧問。十方薄伽梵。一路涅槃門。未審路頭在什麼處。只向道家家門首透長安。

解夏進退兩序。上堂。有進有退。有結有解。左之右之。風流儒雅。鐘樓上念讚。床脚下種菜。勝首座道猛虎當路坐。卓拄杖。一雨普滋三草二木。

上堂。凡夫實謂之有二。乘析謂之無。緣覺謂之幻。有菩薩當體卽空。雲門道。衲僧見拄杖。但喚作拄杖。行但行坐。但坐。總不得動著。師云。一切賢聖皆以無爲法。而有差別。便下座。

中秋謝開口普舊上堂僧問白丈示衆云汝爲我開田了我爲汝說大義有僧開田了便問開田了也請和尚說大義丈展開兩手且道是說不說師云一舉四十九進云恁麼則天人群生類皆承此恩力師云汝分上作麼生進云和尚今日開田功昭百世學人請和尚說大義畢竟如何展演師云爛泥裏有刺僧禮拜師乃云百丈開田說大義大舒兩手龍峯開田謝主事豈可空然擊拂子一片月生海幾家人上樓上堂世尊三昧迦葉不知迦葉三昧阿難不知阿難三昧商那和脩不知普慈三昧諸人不知諸人三昧各各不知所以道譬如河中水川流競奔逝各各不相知諸法亦如是又如大火聚猛焰同時發各各不相知諸法亦如是喝將謂合有與麼說話

上堂僧問竺土大仙心東西密相付如何是密付底心師云九秋黃葉亂飄金進云和尚莫將境界示人師云老僧罪過乃云靈時斂念是處是彌勒無門無善財分爾有心土山河瓦礫荆棘不是神通妙用亦非法爾如然萬象之中獨露身唯人自肯乃方親昔

年謾向途中覓今日看來火裏冰喝一喝下座

上堂舉藥山久不上堂院主白云大衆久思和尚示誨山云打鍾著主聲鍾衆集山便歸方丈主隨後云和尚許爲衆說法因甚一言不措山云經有經師論有論師又爭恠得老僧師云藥山老漢常斷不斷反招其亂當時待他道大衆久思和尚示誨拽拄杖劈脊便棒非徒截斷者僧舌頭要且不失爲天下宗匠請首座歸監寺并謝監收上堂舉五祖和尚道四五百石麥二三千石稻好個休糧方者婆不得妙五祖老人等閒拈出無上命世真丹地向諸人面前一任橫吞豎嚙可以起死回生可以轉凡成聖若不具人天眼目直是無下口處何文明明百草頭邊事不比楊岐栗棘蓬

祖忌拈香對梁王廓然無聖此地無金二兩坐少林九年面壁俗人沽酒三升無影樹花敷五葉無烟火焰續千燈太平本是將軍建不許將軍見太平上堂舉教中道假使滿世間皆如舍利弗盡思共度量亦復不能知師驚拈拄杖云釋迦老子與天帝釋

向中庭裏相爭佛法甚開。各與二十拄杖。貶向二鍾圍山卓拄杖云。好把一枝無孔笛。夜深吹過洞羅簾。因雪上堂。僧問。雪覆千山爲甚麼。孤峯不白。師云。別是一乾坤。進云。九天垂瑞雪。萬國盡懽心。師云。片片不落別處。僧禮拜。師拈拄杖卓一卓云。乾坤大地一時粉碎了也。十方諸佛六代祖師。天下老和尚直得瓦解冰消。獨有普賢菩薩具大神力。見大神變。歡喜踴躍。喃喃說偈云。雪子落紛紛。烏盆變白盆。忽然日頭出。依舊是烏盆。忽有個漢出來道。長老。老。此是雪詩。被僧分上合作麼生。只向道。三冬多瑞雪。鼓腹樂堯年。

涅槃上堂。衆生畢竟無生死。諸佛何曾有涅槃。一把柳絲收不得。和烟搭在玉欄干。

上堂。僧問。擬心卽差。動念卽乖。不擬不動。還有過也。無師云。有進云。畢竟如何。則是。師云。莫認自己清淨法身。乃云。時節不相饒。又逢三月。且拈却佛祖機。與君通一線。棕櫚葉散夜叉頭。芍藥花開菩薩面。上堂。舉德山和尚因僧問。從上諸聖以何法示人。山

云。我宗無語句。亦無一法與人。雪峯從此有省。有問。雪峯和尚見德山。得箇什麼。便休去。峯云。我當時空手去。空手回。東山演祖拈云。白雲今日說向透。未過者。有兩個人從東京來問他。道甚處來。他却道。蘇州來。便問伊蘇州事如何。他道。一切尋常。雖然如是。瞞白雲不過。何故。只爲語音不同。畢竟如何。蘇州菱邵伯藕。師云。老東山可謂長於譬喻。詞不迫切。雖然如是。要且只說得德山雪峯影子邊事。若是齊眉共闔前。駕齊驅。未敢相許。何故。閩蜀同風。肚裏有蟲。結夏上堂。護生須是殺殺盡始安居。是真實語。是不誑語。喝差之毫釐。謬以千里。

上堂。願左右云。彼自無瘡。勿傷之也。歸堂喫茶去。上堂。臨濟喫六十拄杖。高安灘上知歸。輿化於大覺。棒頭深明黃檗意。旨。這般說話。諸方喚作殘羹餽飯。然美藜藿者。難與道太牢之滋味。是汝諸人合作麼生。不覺秋深夜又長。重陽上堂。舉紅淨和尚云。九日無白醪。飽餐黃栗糕。十日有黃菊。僮人打禾穀。五更鐘未鳴。隣雞已數聲。

相逢不下馬。各自奔前程。師云。逸格風流通身文采。老雲菴美則美矣。若約衲僧分上。猶欠勦絕在山僧。効顰亦有一偈。舉似大眾。非圖適古。超今且要應時。應節。九日無白醪。萸茶滿碗。澆十日有黃菊。涼颼動林。薩五更鍾未鳴。過鴈兩三聲。更欲求玄旨。迢迢十萬程。

上堂。金佛不度爐。木佛不度火。泥佛不度水。真佛屋裏坐。趙州眼光燦。破四天下。未免錯認驢鞍。槁作阿爺下。領畢竟如何。覓佛不見。佛討祖不見。祖甜瓜。徹蒂甜。苦瓠連根苦。

上堂。譬如牛過窓。觸頭角四蹄都過了。唯有尾巴過不得。且道。請訛在甚麼處。良久。虎咬大蟲。蛇吞鱉鼻。上堂。舉趙州和尚道。老僧除二時上堂粥飯。是雜用心處。師云。趙州有年無德。錯下名言。燒香禮拜。是雜用心。看經講教。是雜用心。參禪學道。是雜用心。了生達死。是雜用心。成佛作祖。是雜用心。唯二時上堂粥飯。是善用心。何也不曾咬破一粒米。上堂。僧問。如何是毗盧師。師云。斷跟草鞋進。云。如何。

是法身主。師云。尖簷席帽進。云。學人不會。師云。見成行貨。有什麼不會。僧擬議。師便喝。乃云。春雨如膏。春風如刀。春光似箭。斷不相饒。卓拄杖。龍峯拄杖。無遷變。又見鵝黃上柳條。

上堂。知見立知。即無明本。知見無見。斯即涅槃。無明涅槃。是一是二。一夜落花雨。滿城流水香。

上堂。十五日已前。覓甚文殊。普賢十五日已後。釋迦老子。不知有正當。十五日天上無彌勒。地下無彌勒。時有僧躍出。問。天上無彌勒。地下無彌勒。未審誰與安名。師云。我行荒草裏。汝又入深村。

解夏上堂。四月十五日。結却布袋頭十字。縱橫底有甚數。七月十五日。解却布袋頭無繩。自縛底有甚數。喝。結也不可得。解亦何曾。有解。結二圓。離面南。看北斗下座。

上堂。僧問。至道無難。唯嫌揀擇。不擇擇時如何。師云。遇飯即飯。遇茶即茶。僧禮拜。師云。放汝三十棒。乃云。纔逢解夏。又見中秋。看看白盡少年頭。驀拈拄杖。旋嵐偃嶽而常靜。江河競注而不流。野馬飄鼓而不動。

日月歷天而不周卓拄杖有時乘好月不覺過滄洲

愚菴和尚語錄卷第二

愚菴和尚語錄卷第三

杭州路淨慈報恩禪寺語錄

門人 正除 等編

師於至正戊戌七月二十日承行宣政院領院官太尉丞相達識帖穆爾差宣使九曜奴馳驛於蘇州受業海雲院敦勸入寺據室云刮龜毛於鐵牛背上朝打三千截兎角於石女腰邊莫打八百指東劃西鼓唇搖舌耳居門外擊石火閃電光冰稜上度過九隄劍刃上拾得全身若帶柄聊與三十總不與麼來時如何拈拄杖吽吽

指法座云盡十方世界是普光明藏師子之座諸佛衆生同起同坐因甚山僧今日特地高陞只恐諸人昧其所自便陞座敎衣就坐上坐和尚白椎云法筵

參差直道

龍象衆當觀第一義師云若論第一義法筵未啓法鼓未鳴山僧未陞座已前薦得早落第二了也設使起模畫樣作意商量問一句來答一句去未免落七落八今日衆中莫有天然氣槩底麼不妨相見僧問保壽開堂三聖推出一僧壽便打意旨如何師云蚊子上鐵牛進云三聖道恁麼爲人非但瞎却這僧眼瞎却鎮州一城人眼去在壽使歸方丈又作麼生師云鶴子過新羅進云只如和尚今日開堂相君堅請湖海交歡四衆臨筵如何指示師云但把片心窮浩劫蕩雲深處祝堯年僧禮拜師乃云皇皇南岩勝覺場奕奕永明高廣座山僧才踈德薄豈敢躋板然遇緣卽宗難爲辭讓湖光激盪山色空濛廓示眞如境界宗鏡高懸慧日朗耀恢張少室風規一一騰今煥古頭頭玉轉珠回眞得釋迦彌勒共樂堯年文殊普賢同傾舜日雖然如是猶未撥動向上一竅在喝干戈才偃息四海樂昇平復舉富山智覺禪師示衆云欲識永明旨門前一湖水日照光明生風吹波浪起師云諸人還見祖師麼卓拄杖要識是非面目見

在

開堂閱藏經上堂終日看經經頭一字因甚不識長年喫飯千粒萬粒從一粒生因甚不知卓拄杖云打破兩重關泗洲人見大聖

上堂天不能蓋地不能載細入無間大絕万所黃連甜甘草苦焦螟蟲吞却虎明眼衲僧休莽鹵

謝齋秉拂上堂舉五祖和尚示衆云結夏無可管顧諸人未免作一家宴遂擡手云邏囉招邏囉搖邏囉送莫恠空疎伏惟珍重南屏冬至叢席荒涼直是無可施設賴有庫司都寺與堂中首座前日作那一場佛事不同小小離四句絕百非攪酥酪醍醐爲一味鏝餅盤叙釧爲一金令我現前一衆三世諸佛歷代祖師五百十六大阿羅漢均飽禪悅法喜眼裏也飽耳裏也飽不覺手之舞之足之蹈之歡喜踴躍向宗鏡光中同聲贊歎云希有希有奇哉奇哉於食等者於法亦等於法等者於食亦等山僧只管端坐受供養且道與五祖相去多少良久云其施汝者不名福田供養汝者墮三惡道

上堂僧問蓮花未出水時如何師云寒則普天普地寒進云出水後如何師云熱則普天普地熱進云如何是佛法大意師云門前一湖水乃云一九二九相喚不出手三九二十七樹頭吹簫樂四九三十六夜眠如露宿時節不相饒朱顏日漸凋你衲僧家寒則向火熱則乘風各自照鏡看面皮厚多少

上堂舉僧問鏡清新年頭還有佛法也無清云有僧云如何是新年頭佛法清云元正啓祥萬物咸新僧云謝師答話清云鏡清今日失利又僧問智門新年頭還有佛法也無門云無僧云年是好年日是好日爲什麼却無門云張公喫酒李公醉僧云老大大龍頭蛇尾門云智門今日失利師云新年頭有佛法鏡清合喫二十拄杖新年頭無佛法智門合喫二十拄杖何故老大大不合說有說無喝道無不是無道有不是有東望西耶尼面南看北斗元宵上堂人人自有光明在看時不見暗昏昏既是自己光明因甚看時不見驚拈拄杖敲燭臺云一燈發千光千光一燈見

佛涅槃上堂。湖光潋滟晴偏好。山色空濛雨亦奇。淨法界身無出沒。不須惆悵怨芳時。

清殿主火琉璃殿。上荆棘。參天腸。熱門頭。清風匝地。師云。郎當屋舍沒人修。火官頭上風車子。

佛誕上堂。僧問。淨法界身。本無出沒。因甚釋迦老子。今日降生。師云。知而故犯。進云。遵布襪浴。佛次藥山問你。只浴得這個。還浴得那個。麼。遵云。把將那個來。如何。是那個。師云。擔枷過狀。又僧問。心佛及衆生。是三無差別。還端的也。無師云。的進云。不是。心不是。佛不是。物是個。甚麼。師云。不識。又僧問。佛身無爲。不墮諸數。因甚有千百億化身。師堅拂子云。你道這個是第幾身。僧擬進。師便喝。僧退。後師云。身口意清淨。是名佛出世。身口意不淨。是名佛滅度。三文錢娶個黑老婆。頭不梳。面不洗。知他是凡是聖。

一日供羅漢達。議帖穆爾。丞相到寺。問師云。長老。今日供羅漢五百尊者。俱來應供也。無師云。活佛降臨。羅漢安得不來。相云。施主設齋。得何果報。師云。種穀不生。豆相云。恁麼則功不浪施也。師云。賴遇丞相證。

明相云。三輪空寂。畢竟如何。師云。空相云。功歸何所。師不答。相云。長老。何不轉語。師云。且請方丈喫茶。丞相到方丈。又問。淨名丈室。容受三萬二千師子座。淨慈丈室。容受多少。師云。一塵不立。相云。得與麼觀體。相違。師揭起簾云。請丞相鑑相呵。呵。大咲云。作家。宗師不勞再勸。師便供茶。

上堂。教中道。見見之時。見非是見。見猶離見。見不能及。願左右召大眾云。還見麼。一等共行山下路。眼頭各自看風烟。

上堂。僧問。古人拈椎。豎拂。意旨如何。師堅起拂子。進云。畢竟作麼生。師云。待汝一口吸盡西湖水。只向汝道。乃云。譬如琴瑟笙篴琵琶。雖有妙音。若無妙指。終不能發。橫按拄杖。以手作撫琴勢云。發則發了也。諸人還聞麼。佛以一音演說法。衆生隨類各得解。不見祖師道。幽寒角發孤城十里山頭。清杳其一種。是聲無限意有堪聽。有不堪聽。

上堂。古德道。一處不達。兩處失功。兩處不通。觸途成滯。雲門舉了拈起拄杖云。山河大地。三世諸佛。盡在。

拄杖頭上有甚滯礙。一切衆生只被色空明暗隔礙。便見有生滅之法。師拈起拄杖云。拄杖子吞却山河大地色空明暗。何處有也。生滅之法了不可得。諸人每日著衣喫飯。行住坐臥。有甚麼滯有甚麼礙。

上堂。僧問。真空不壞。有真空不壞色。作麼生是真空。師云。山河大地。連云。治生產業。皆與實相不相違背。如何是實相。師云。無明煩惱。進云。便恁麼去時如何。師云。笑破虚空。乃云。撥草瞻風。只圖見性。即今上人性在甚處。識得自性。方脫生死。眼光落地時。作麼生脫脫得生死。便知去處。四大分離。向什麼處去。大衆不得孤負兜率。不得孤負老僧。不得孤負自己。

上堂。何物苦求而不得。何物不求而自來。何物鐵椎打不破。何物夜食而盡。開滿地落花春已過。綠陰空鎖舊莓苔。

祖忌拈香。双耳帶金環。兩眼如墨突。行脚不逢人。九年空面壁。破却師大宗。異見亂世英。雄傳上乘一心之印。太平奸賊。隻履翩翩何處歸。一花五葉成狼籍。願左右云。淨智妙圓。體自空寂。

嗣隆藏主。火宗風欲翻虎丘。隆藏教掀翻氣吐虹。二十七年全體現。南山燒炭北山紅。

千秋節冬至上堂。千秋令節今朝是。九九陽生第一爻。四海陰靈俱解駁。岩雲深處祝唐堯。

平山林和尚入祖堂。召大衆云。亭亭石塔東峰上。此老初來百神仰。福源浩浩起富湖。千巖岩頭飛白浪。宗鏡高懸二十年。不啻焰光高萬丈。翻身靠倒靈鷲峰。双樹悲風撼穹壤。撲碎磁砂益滅却。正法眼動靜絕行蹤。去來無影象。是謂眼空佛。祖道重王臣。年逾八秩五處住。山平山老和尚指牌云。湖光潋灩山空濛。觀體全彰大人相。

上堂。僧問。元正啓祚。萬物咸新。如何是新年頭佛法。師云。日日香花夜夜燈。進云。蒲團靜倚無餘事。永日寥寥謝太平。師云。知恩方解報恩。乃云。元正啓祚。須彌椎打虚空鼓。萬物咸新。普天和氣轉洪鈞。恭惟首座大衆。藍田美玉。丹山鳳。各各起居多福。永日寥寥。謝太平。一湖春水當門綠。

江湖省丞相。達識帖穆。衡脩設水陸。普度大會。陞座。

拈香云此香毓乾坤之正氣真柱國之長材擢鉢舒
光匝祥芬於龍樓鳳閣分枝布葉騰瑞藹於栢府薇
垣拈來價重連城蔡處恩覃沙界奉爲某人虔熬寶
燭供養十方常住三寶法界幽顯聖凡平等資熏普
皆饒益出生功德祝延今上皇帝聖躬萬歲萬歲萬
萬歲陛下欽願政教立而姦邪止八方銷兵革之憂
陰陽調而風雨時萬姓樂耕桑之業遂就坐僧問大
丞相揮金建會普濟群生名尊宿據令提綱顯聞極
唱師云且喜天下太平進云與麼則八方銷兵革之
憂萬姓樂耕桑之業師云重言不肯吃進云教中道
釋迦世尊以一大事因緣故出現於世欲令衆生開
示悟入佛之知見莫不便是者個道理麼師云休將
鶴唳誤作鸛啼進云大丞相方面東南翊贊中外廣
修勝會保國安民所獲福德其量幾何師云虛空可
量風可繫無能盡說佛功德僧禮拜師乃云釋迦世
尊以一大事因緣故出現於世種種譬喻演說諸法
欲令衆生開示悟入佛之知見所以道我此法印爲
欲利益世間故說唯此一事實餘二則非真有道是

法非思量分別之所能解在斯際方勿妄言傳啟問
諸人且如何說個一大事因緣豈拂子云雖却拂子
道得則大丞相脩設水陸普度勝會一期事畢山僧
不必高陞此座鼓兩片皮諸人不妨各自散去其或
未然向第二義門與諸人打葛藤去也良久云譬如
虛空具含衆象於諸境界無所分別又如虛空普遍
一切於諸境界平等隨入如天普蓋如地普擎如日
普照如風普吹不可以智知不可以識識諸佛出世
以之成等正覺津津濟眾生梯航九有祖師西來以之
建法幢立宗旨開甘露門廣度群品當今聖主以之
統御金輪調和玉燭九重端拱無爲萬國咸歸至化
故我大丞相以之方面東南股肱王室拯生民於水
火保社稷於安危展皋夔稷卨之許謨樹伊傅召周
之大業見前勝流以之治生產業作諸佛事乃至今
辰結集勝會同音僉誦法華妙典說戒放生重修懺
法悉使見聞莫不回三毒爲三聚淨戒轉六識爲六
波羅蜜回煩惱爲菩提轉無明爲大智以之保國安
民則國安民泰以之禳災弭盜則盜息災消以之懺

罪則罪垢。獨除以之。萬亡則亡。沒解脫以之。普度水陸。會內顯聖。凡則同駕。顯輪俱登。覺岸可謂理無不偏。事無不周。殊勝中殊勝。奇特中奇特。如寶月之行空了無朕迹。如蓮花之出水不染淤泥。喝便以此爲一大事因緣。切忌錯認驢鞍。橋作阿爺下。領要耳。未摸著他釋迦老子脚根下一莖毛。在直饒離言說。相離文字。相離心緣。相大似癡狂外邊走。亦未夢見他釋迦老子。腋下汗臭氣。在鑿石火閃電光淨保。保赤洒洒。沒可把。也是蝦蟇窟裏作活計。畢竟如何。蘸拈拄杖。釋迦老子穿過諸人鼻孔。卓一下云。拄杖看却釋迦老子。又卓云。釋迦老子吞却拄杖。舉起云。喚作拄杖。又是釋迦老子。喚作釋迦老子。又是拄杖。擲下云。拄杖不可得。釋迦老子不可得。諸人鼻孔在什麼處。且喚什麼作大事。因緣一切智智。清淨無二。無二分。無別無斷。故遂合掌。顧左右云。看看十字街頭。石敢當醉中驚覺起來。倒騎拱北樓。奮身虛空。歡喜踴躍。普告大衆云。日暖風和。二月天。同脩勝會。結良緣。黎民永息三災。劫聖壽延鴻億萬年。喝一喝。

復舉天台智者大師普昇南嶽讀法華經。至是真精進。是名眞法供養。如來見一會靈山。儼然未散。敢問大衆智者。自是陳隋時。人與釋迦老子相去二千餘載。因甚却見一會靈山。儼然未散。爲復是神通妙用法爾。如然這裏縑素得出。便見大丞相。卽今與智者大師釋迦老子把手並行。不異靈山一會。其或未然是眞精進。是名眞法供養。如來更須仔細熟讀。始得拍禪床下座。

上堂。願視大衆云。會麼。山門前金剛是泥。做便下座。上堂。林泉涼夏日長。頭頭顯露。初物昭彰。雨過六橋。楊柳暗。風來十里。菱荷香。

上堂。今朝五月半。舉則舊公。按普請諸禪流。大家著眼看。暮拈拄杖。喚作南屏拄杖。唉。倒五百羅漢。

乘提點火。十方國土中。唯有一乘法。劫火洞然。世界俱壞。唯金剛圈不壞。莫不便是這箇法麼。舉火把云。道得也是火焰上添草。

七月日。請侍者諸山客。至上堂。一葉落。天下秋。法身須透。聞啾啾。定光金地遙招手。管者江陵暗點頭。薦

喚侍者云三界唯心萬法唯識一句中具三玄一玄中具三要且道與上來說話相去多少良久若也不會問取諸山和尚

上堂僧問如何是本身盧舍那師云不離閤梨所問進云如何保任師云彼自無瘡勿傷之也乃舉僧問安國師如何是本身盧舍那國師云爲老僧過淨餅來僧取淨餅與師師云却安舊處著僧安舊處又問如何是本身盧舍那國師云古佛過去久矣雲門云無朕迹師云雲門好個無朕跡畢竟如何是本身盧舍那乃云花發雞冠媚早秋誰人能染紫絲頭有時風動頻相倚似向堦前鬪不休喝一喝

上堂十方諸佛是個爛木橛三賢十聖是個茅溷頭籌子汝等諸人總來者裏作麼琅琊與麼告報可謂恩大難酬諸人若也未知報恩更爲頌出十方諸佛爛木橛十聖三賢茅溷籌無事晚來湖上望白蘋紅蓼滿汀洲

寂照忌拈香今朝八月初四日一句明明道不得合國人追不再來千古萬古空相憶徑塢雲深西湖水

碧蘂蒼松古栢作栴檀牛首之香。攝蘊藻蘋繁爲酥酪醍醐之食。聊旌遠譯。斯臨倍覺。感懷疇昔。非關義重恩深。只貴眼橫鼻直。一度秋風。一度愁地。久天長有何極。

請昌國吉祥亨子元元首座上堂。臨濟建立黃檗宗旨。普化盡力成禪。無端仰山道此人。有頭無尾。有始無終。也諦觀佛祖。各各出與隨。方化導。莫不全賓全主。全主全賓。大用齊彰。大機普應。流通正法。眼藏顯示。涅槃妙心。直得雲行雨施。水到渠成。還他過量人。堪任過量事。卓拄杖。龍得水。時添意氣。虎逢山。色長威聲。

開爐上堂。火爐頭話無賓主。無主無賓話。亦無潦倒。丹霞燒木佛。却教院主墮眉須。

赴徑山退院上堂。備員南宕。恰三年。又向凌霄闡化權了。却先師舊公案。飢來喫飯困來眠。且先師公案作麼生了。拍禪床下座。

卷第三

愚菴和尚語錄卷第四

徑山興聖萬壽禪寺語錄

門人 希顗 等編

師於至正辛丑十月十七日承奉行宣政院官疏請入寺指山門云天下徑山天下龍門吐吞日月函蓋乾坤

佛殿願左右云插一莖草建瓊樓玉殿拈一莖草作丈六金身山上有鯉魚井底有蟭塵

陞座祝贊問答罷乃云通上徹下迴絕羅籠匝地普天了無朕跡識不可識智莫能知一自拈花微笑面壁安心便見五葉流芳千燈續焰體究將來總是強生節目直饒上無扳仰下絕已躬當光見前壁立萬仞何異癩馬繫枯椿黑牛臥死水借使斬新日月逸格風規冰稜上度過九隄劒刃上拾得全身正好朝打三千莫打八百豈不見雲門大師道盡乾坤大地無纖毫過患猶是轉句不見一色始是半提須知更有全提時節雖然一向與麼去法堂上何雷草深一

丈官不容針私通車馬二峯突兀双徑回環大覺國師願力宏深孚佑龍王淨緣際會維禪林之首刹實天下之名山不妨與諸人高掛鉢囊拗折拄杖直得八方寧謐萬姓歌謠鴉鳴鵲噪總契真源風動塵飛皆明佛事揚不揚之正化報不報之深恩正與麼時且開堂祝聖一句如何舉似擊拂子黎元頓息三災劫睿算延洪億萬春

復舉僧問當山謬禪師掩息如灰時如何謬云猶是時人功幹僧云幹後如何謬云畊人田不種僧云畢竟如何謬云禾熟不臨場師云謬禪師與麼答話勞而無功這僧若是個漢決不依他作解後來應菴和尚道鳳閣香沈雪巢夜冷半窓明月和氣藹然正與麼時且道歸宗與徑山還有相見分也無喝直饒相見也是蝦蟆窺裏作活計要見四方八面逸格變通別著個眼始得新徑山莫有長處麼拍禪床云敲出鳳凰五色髓擊碎驪龍明月珠千古華山山脚下只應潘閬倒騎驢久立珍重

上堂舉睦州道捏聚也在我裂開也在我有僧便問

如何是裂開州云。菩提涅槃。直如解脫。三九二十七。卽心卽佛。我且與麼道。你又作麼生。僧云。某甲不與麼道。州云。鷺子撲落地。碟子成七片。僧云。如何是捏聚州。乃斂手而坐。師去。大小睦州。擬將織蒲鞋。手籠罩。古今自謂捏聚。放開乾坤。把斷要且無合殺者。僧當時若是皮。下有血。見它與麼道。但低聲向它耳邊下一轉語。教他捏聚。也不得放開。也不得。

瑞浴主火。堅固法身。膿滴滴地。火不能燒。水不能洗。擲火云。我見燈明佛。本光瑞如此。

上堂。僧問。不起一念。時如何。師云。道者合如是。進云。與麼則依而行之也。師云。虎生浪死漢。又僧問。父母非我親。誰是最親者。師云。識得不爲冤。進云。諸佛非我道。誰是最道者。師云。閑。黎合自知。僧擬議。師便喝。乃云。今朝又是十一月。卷地北風吹。驚發臘月三十。便到來。勸君各要知。時節人漸老。水長流。君子可入。知得便休。

上堂。拈拄杖。冬至一陽生。拄杖長文二石筍。暗抽條。千花生。確。且衲僧分上。成得個甚麼。邊事莫有道。

得底麼。有則不妨出來對衆道看。若無徑山自道去也。卓拄杖。

上堂。僧問。臨濟道一句中具三玄。一玄中具三要。如何是一句中具三玄。師云。萬仞峯頭。駕鐵船。進云。如何是一玄中具三要。師云。眼裏瞳人。吹木斛。進云。如何是和尙家風。師云。吹折門前一株松。進云。學人不問這個風。師云。汝問甚麼風。進云。家風。師云。我這裏大功不堅。實乃舉仰山示衆云。汝等諸人。各自回光返照。莫記吾言。汝無始劫來。背明投暗。妄想根深。卒難頓拔。所以假設方便。奪汝麤識。如將黃葉止啼。有什麼是處。師云。盡十方世界。是諸人自己。盡十方世界。是諸人本有光明。爲我拈針鋒許妄想。麤識來看。喝。一喝下座。

上堂。庚申好日。逢元旦。四海歌謠。樂太平。聖德如天。何以報。卓拄杖云。萬年松上一枝藤。

上堂。舉。僧問。長慶有問有答。賓主歷然。無問無答。時如何。慶云。怕爛却。那僧又問。睦州州云。相逢盡道休官去。林下何曾見一人。師云。長慶放頑。睦州楷板等。

是有問有答。要且未曾無問無答底道理。在今日忽有問徑山有問有答。賓主雖然無問無答時。如何只向道一曲自歌。山自綠。此情不與白雲知。

愚菴和尚語錄卷第四

愚菴和尚語錄卷第五

再住徑山興聖萬壽禪寺語錄

門人 希顓 編

師至正甲辰二月十九日復住徑山

據方丈云。釋迦掩室於摩竭。賴馬繫枯椿。淨名杜口於毗耶。黑牛臥死水徑山。終不學它古人。畢竟如何。卓拄杖。釣竿斫盡重栽竹。不計工程得便休。

院剗拈起剗云。前佛性命。後佛紀綱。總在這裏。凜然如朽索之馭六馬。危乎猶一髮之引千鈞。若非大丞相赤手提持全肩檐荷。何處更有今日諸人。還委悉麼。車不橫推。理無曲斷。

陞座祝贊罷。有僧出問云。龍門岌岌倚天開。妙喜今朝喜再來。坐斷十萬全正令。森羅萬象舞三臺。正與麼時。如何是祝聖一句。師豎起拂子云。萬歲萬歲萬萬歲。進云。妙喜道十方世界至人口。法界所有即其舌。只馮此口與舌。願祝吾君壽無間。歇未審。與和尚是同是別。師云。黃河如帶。泰山如礪。進云。祝聖已聞。玄妙語祖。師心印若爲論。師云。山上有鯉魚。井底有逢塵。進云。此是開山闢一祖。師道底和尚。畢竟如何。指示。師云。井底有逢塵。山上有鯉魚。進云。恁麼則今古應無墜。分明在目前。師云。一任鑽龜打瓦。又有僧出問云。記得昔日江西馬祖。嘗令西堂智藏。馳書到當山國一禪師。師開緘。見一圓相。索筆於圓相中。點一點。意旨如何。師云。不因闍梨問。老僧亦不知。進云。後來南陽忠國師。道欽師。猶被馬師惑。還端的也無。師云。也端的也不端的。僧禮拜歸。衆師乃云。山僧隨緣受報。蓋此承乏坐。嬰宿障。誓欲投閒。茲承監察御史太尉柱國丞相。不忘靈山付囑。協心削牘。復任住持。難爲回避。只得免循舊例。陞于此座。虔焚寶香。祝

延今上皇帝聖壽萬安皇后齊年太子千秋文武官班同增祿筭欽願皇圖永固帝道遐昌武偃文脩河清海晏風調雨順物阜民康便怎麼散去一期事畢寧不盡善盡美更教山僧說個什麼即得且山僧雖離此山恰恰二年朝夕與諸人眉毛厮結行則與諸人同行坐則與諸人同坐覓一糸毫隔礙底道理了不可得此日歸來依然只是舊時人不改舊時行履處所以道往復無際動靜一原去來不以象動靜不以心覓一糸毫動靜去來之相了不可得若信得及便好各各安家樂業恢張祖父田園吹無孔笛唱太平歌驅逐文殊普賢走使觀音勢至於一毫端見寶王刹坐微塵裏轉大法輪任運優游隨緣自在雖然如是若約衲僧分上要且未夢見他汗臭氣在豈不見江西馬大師昔日令西堂智藏馳書到當山大覺欽禪師大覺開緘見一圓相索筆於圓相中點一點可謂龍驤虎驟玉轉珠回好手中呈好手紅心心裏中紅心因甚南陽忠國師却道欽師猶被馬師惑後來雪竇道徑山被惑且置若將呈似國師別作個

耳聾語

什麼伎倆免初惑去敢謂天下老和尚各具金剛眼睛廣作神通變化還免得麼雪竇見處也要諸人共知卽這馬師當時畫出早是惑了也耳道雪竇與麼批判還能自免也無山僧今日因齋慶讚舉似諸人以拂子打圓相云莫有不受惑者麼喝一喝復舉應菴和尚再住歸宗上堂舉南禪師出城還山有頌示衆云去日一溪流水送回時滿谷白雲迎一身去住非去住二物無情似有情應菴道南禪師好則好只是愛便宜歸宗亦有一頌舉似大衆去時冒雨連宵去回時帶水又拖泥自恠一生無定力尋常多被業風吹愚菴今日再住徑山亦有一頌舉似大衆去日應須償宿債回時宿債本來空山上鯉魚打踴跳一國之師展咲容

上堂至道無難惟嫌揀擇如何是佛蔬三斤如何是佛乾矢橛庭前栢樹子一夜風吹落

上堂僧問牛頭未見四祖時如何師云深山藏毒虎進云見後如何師云淺草露群蛇進云見與未見時如何師云日出東方夜落西僧禮拜師乃云千波競

起是文殊家風。一旦晴空是普賢床榻。春光澹蕩。鳥語綿蠻。萬壑爭妍。千崑並秀。且道是什麼人境界。直下會得。更須知有人境俱奪。向上一路。拈拄杖。有時卓向千峯頂。劃斷飛雲不放高。

上堂。無漏真淨云。何是中更容他物。良久。啼得血流無用處。不如緘口過殘春。

上堂。僧問。三世諸佛。不知有狸奴白牯。却知有赤菴知。有個甚麼。師云。師姑元是女人。做進云。一大藏教。是個切脚。還親切也。無師云。切。僧禮拜。師乃云。今朝五月一天晴。日頭出林間。梅子紅。砌下泉聲急。眼裏耳裏絕。瀟灑無上菩提。從此得教中道。若以色見我。以音聲求我。我是人行邪道。不能見如來。惺惺直須惺惺。歷歷直須歷歷。拍禪床云。莫待常來問彌勒。

上堂。五月五日端午節。潦倒徑山無法說。大家喫醃葛蒲茶。一般滋味。休分別。分別則任汝諸人。且道畢竟是何滋味。良久云。人情若好喫水也肥。

因事上堂。舉古德道。忍忍三世如來。從此盡饒饒。萬禍千殃。從此消點點。無上菩提。從此得慈受。深和尚。

云。會得此三種語了。好個不快活。漢師云。老慈受錯下名言。會得此三種語了。好個沒量大人。還委麼。堯舜不彰。民自化。相逢何必動干戈。

上堂。舉子湖。忽一夜於僧堂前。叫捉賊。大眾皆驚。有一僧從堂中出。子湖擒住云。捉得也。捉得也。僧云。不是某甲。湖云。是。即是你不肯承當。師云。子湖好與三十棒。何也只解捉賊。不解殺賊。

上堂。僧問。聲聞見性。如夜見月。菩薩見性。如晝見日。和尚見性時。如何。師云。黃河九曲水。出崑崙。進云。直指人心。見性成佛。還端的也。無師云。問取達磨大師。僧擬議。師云。鶴子過新羅。乃舉黃檗問百丈。從上相承底。和尚如何。指示於人。丈據坐。檗云。後代兒孫。將何傳受。丈云。我將謂你是個漢。便歸方丈。師云。百丈便歸方丈。則且置。且道從上相承底。畢竟是個什麼。驀拈拄杖卓一下云。秋初夏末。東去西去。南天台北。五臺走得遍。還自知。

上堂。今朝又是八月一。萬壑千岩儼秋色。半帶寒鴉。過別村。善財何處尋彌勒。

上堂今朝八月十五看取月圓當戶分明無欠無餘只恐諸人蹉過不蹉過兩箇拳頭一箇大

上堂舉白雲示衆云金葉叢叢帶露新承來烹茗賞佳辰浮杯何必須宜酒但有清香自醉人開福道白雲老人太似巧媳婦做出無麪饅飪惜手知味者少開福効顰亦有一偈重陽黃菊未成花落帽無勞憶孟嘉但得青山長在眼不妨流水去無涯師云白雲開福大似徐六檐板冬見一邊徑山見處也要諸人共知時移節換是尋常過了重陽又一陽人事自生今日意黃花只作去年香

一日新到僧參師問汝名甚麼僧云智通師云一切智通無障礙汝爲甚麼頭頭葉著處處繫絆僧云某甲參方遇夏過夏逢冬過冬今日特來禮拜和尚並無繫絆師云汝因甚麼蛇纏足僧看脚下師云又道無繫絆便打

師又問僧汝名甚麼僧云慧徹師云年多少僧云四十師云四十而不惑汝還徹也未僧云某甲特來求和尚指迷師云眉在眼上僧擬議師亦打

52 卅

衍書記赴普慶上堂僧問釋尊出世爲一大事因緣今日書記出世和尚隨座舉揚畢竟爲個甚麼師云今古應無墜分明在目前起云與麼則古釋迦不先今彌勒不後師云一任卜度進云三聖道我逢人則出出則不爲人與化道我逢人則不出出則便爲人且道是同是別師云一對無孔鐵鎚進云真淨和尚道這兩個老古錐竊得臨濟些子活計各自分疆列界氣衝宇宙又且如何師云關西子沒頭腦進云龍門無宿客龜鶴自成仙師云又被風吹別調中乃云欲識佛性義當觀時節因緣豈不見馬祖問藥山子近日見處作麼生山云皮膚脫落盡唯有一真實祖云子之所得可謂協於心體布於四肢既然如是將三條篾束取肚皮隨處住山去山云某甲又是何人敢言住山祖云不然未有長行而不住未有常住而不行欲益無所益欲爲無所爲宜作舟航無久住此馬篾箕固是蝦爲子屈然則時節既至其理自彰正與麼時且如何說個自彰底理鷲拈拄杖召大衆云來日普慶山中看取斯道長老爲一切人分明學似

卓拄杖喝一喝

上堂舉安國問僧云。得之於心。伊蘭作旃檀之樹。失之於旨。甘露乃蒺藜之園。我要個語。具得失兩意。僧豎起拳云。不可。喚作拳頭。國云。只爲喚作拳頭。雪竇云。無繩自縛。漢拳頭也不識。師云。得又得個什麼。失又失個什麼。直饒得失兩忘。未免無繩自縛。更說什麼。一語兩意。遂豎起拳云。一拳拳倒黃鶴樓。一踢踢翻鸚鵡洲。有意氣時添意氣。不風流處也風流。

上堂舉僧問六祖黃梅衣鉢。什麼人得。祖云。會佛法人得。僧云。和尚還得麼。祖云。我不得。僧云。和尚因甚麼不得。祖云。我不會佛法。大慧和尚拈云。大眾還見祖師面目麼。若也不見。山僧爲你指出。乃云。蕉芭蕉芭。有葉無了。忽然一陣秋風起。恰似東京大相國寺三十六院東廊下壁角頭王和尚。破袈裟畢竟如何。飯堂喫茶。師云。妙喜恁麼提持。正是錯認驢鞍橋。作阿爺下領。誤他後代兒孫。隨例喚鐘作麴。諸人要見祖師面目麼。描也描不成。畫也畫不就。葉落歸根來時無口。

上堂今朝十月初一。門外寒風凜凜。待歸暖處商量。何似當陽拈出。薰拈拄杖云。火爐闊一尺。古鏡闊一尺。三世諸佛出不得。六代祖師出不得。天下老和尚出不得。

達磨忌拈香。萬里西來。九年面壁。前無釋迦。後無彌勒。單單遺下履一隻。等閒賣弄。價重連城。奇特商量。分文不直。一番拈起。一番新。千古令人轉相憶。呈香云。休相憶。今朝十月初五日。

上堂僧問。如何是佛法大意。師云。開口見。膽僧禮拜。師便下座。

上堂今朝十一月十四。打鼓陞堂。賀冬至。南山雲起。北山雲張。公喫酒。李公醉。若論佛法兩字。謝三娘賣銀。上堂異法有故。異法出生。異法無故。異法滅盡。不教仁者取一法。如微塵大。不教仁者捨一法。如毫髮許。諸人每日上來下去也。只是被些子聲色惑亂身心。不安若是聲色名字。不是佛法。又疑伊作麼喝。一喝上堂。心是根。法是塵。兩種猶如鏡上痕。痕垢盡時。光始見。心法双忘。性即真。永嘉大師雖負曹溪正傳。若

到徑山門下直須棒了連夜趕出何故諸方聞得將謂徑山與人說心說性

臘八上堂曠大劫來成正覺無端錯認定盤星徑山不是揚家醜只恐諸人昧已靈

上堂舉白雲端和尚示衆云此事如萬仞崖頭總知道放著手脚便一撲到底只是捨命不得山僧不動毫頭教諸人到底去乃擲下拄杖師驀拈拄杖擲下召大衆云還得到底麼登山須到頂入海須到底登山不到頂不知太虛之寬廣入海不到底不知滄溟之淺深喝才有是非紛然失心

上堂元正啓祚萬物咸新井底蓬塵蔽日山上鯉魚拏雲且不涉時緣一句作麼生道拈拄杖云拄杖今朝添一歲拈來依舊黑粼粼

上堂十五日已前春雨如膏十五日已後春光似箭正當十五日管弦沸月宣和氣燈火燒空奪夜寒拈燈籠來佛殿裏將山門安燈籠上一切智智清淨無二無二分無別無斷故薰拈拄杖云三歲孩兒抱花鼓莫來攔我毬門路

上堂一切無涅槃無有涅槃佛無有佛涅槃遠離覺所覺覺所覺空空所空滅寂滅見前眼中添屑既是寂滅見前爲甚麼却眼中添屑咄咄無物堪比倫教我如何說

上堂僧問既是一眞法界爲甚麼却有萬別千差師云甜瓜徹蒂甜苦瓠連根苦進云祖師道卽心卽佛又道非心非佛學人如何趣向師云擬向卽乖乃舉圓悟與佛燈過溪次驀將佛燈推向水中便問牛頭未見四祖時如何燈云潭深魚聚又問見後如何燈云樹高招風又問見與未見時如何燈云伸脚只在縮脚裏師云同行須好伴還他佛燈圓悟雖然山僧當時若見總推向死水裏浸却何故老人大過溪也不依本分

上堂舉僧問虎丘隆禪師九旬禁足意旨如何隆云理長則就師云九夏安居就理長徑山無法可論量桑疇雨過羅紈膩麥隴風來餅餌香

上堂舉金峯和尚示衆云山僧二十年前有老婆心二十年後無老婆心有僧便問如何是二十年前有

老婆心峯云問凡答凡問聖答聖如何是二十年後無老婆心峯云問凡不答凡問聖不答聖師云路遙知馬力歲久見人心還見金峯立地處麼截斷生死根株超出聖凡途轍萬古乾坤一朝風月

顏藏主赴千頃上堂舉古德道者一片田地分付來多時也我立地待你搆去法眼道者一片田地分付來多時也我坐地待你搆去佛果道這一片田地分付來多時也我今爲汝當面慶懺一卽三三卽一所見不同互有得失徑山道這一片田地分付來多時也自是你搆不著今日分付用愚長老赤手提持祖肩擔荷向千頃雲中放兩拋三深畊淺種栽荊棘林開三毒花結無明果改禾莖爲粟柄變瓦礫作黃金直得釋迦彌勒拍手喜歡文殊普賢合掌贊歎追還百代典刑振起一方叢席卓拄杖要識真金火裏看棒頭有眼明如日

上堂舉翠岩示衆云一夏與兄弟東語西話看翠岩眉毛在麼用盡自己心唉破它人口保福云作賊人心虛是精識精是賊識賊長慶云關一字入公門九

牛拽不出這一隊漢朝打三千暮打八百有什麼罪過只如洞山道秋初夏末東去西去直須向萬里無寸草處去石霜云出門便是草諸人作麼商量若也不會徑山直爲頌出萬里無寸草出門便是草大盡三十日小盡二十九下座

上堂諸方今日開爐未免與諸人說些火爐頭話以拂子作吹火勢云喚作火燒煞你不喚作火凍煞你上堂四大本空佛依何住青青翠竹盡是法身若悟無依佛亦無得鬱鬱黃花無非般若諸人信也好不信也好三千里外遇著本色道流輒不得道徑山從來柳下惠

上堂僧問如何是不遷義師云日出東方夜落西進云如何是不壞身師云昨日生今日死進云如何領會師云不快漆桶乃舉五祖和尚云有一物不屬凡不屬聖不屬邪不屬正萬事臨時自然號令師云家無白澤之圖豈有如是妖恠

上堂舉麻谷持錫到章敬繞禪床一匝振錫一下卓然而立敬云是是又持錫到南泉繞禪床一匝振錫

一下卓然而立。泉云：「不是不是。」谷云：「章敬道是和尙爲甚麼道不是？」泉云：「章敬是汝，不是此。」是風力所轉，終成敗壞師云：「百鳥不來春，又過不知誰是到菴人。」

上堂。冬至前後，砂飛石走，草木叢林，作師子吼，羣陰剝盡，一氣潛回。一亦莫守，萬法無咎。驀拈拄杖云：「拄杖子，吞却山河大地，置而不問，且道馬大師自從胡亂後，因甚三十年不少鹽醬卓，拄杖金輪天子勅草店家風別。」

上堂。迦葉糞掃衣，價值百千萬輪王髻中寶，不直半分文。常州草蟲一百文買一幅。蘇州城裏泥孩兒，三文錢買一對。有利無利，不離行市。猫兒偏解捉老鼠。上堂。僧問：「達磨未來時如何？」師云：「眼在鼻上。」進云：「來後如何？」師云：「脚在肚下。」問：「如何？」是學人自己。師云：「脚板大如手掌。」進云：「如何？」是請僧行脚事。師云：「緊峭草鞋，乃舉雲門問踈山如何？」是法身邊事。山云：「枯椿又問如何？」是法身向上事。山云：「非枯椿門。」云：「還許學人說道理也？」無山云：「許門。」云：「枯椿豈不是明法身邊事？」

山云：「是門。」云：「非枯椿。」豈不是明法身向上事？山云：「是門。」云：「法身邊該一切否？」山云：「爭得不該？」門指淨瓶云：「法身邊該者，個麼？」山云：「闍梨莫向淨瓶邊會。」門便禮拜。師云：「二員尊宿，一問一答，一挨一拶，如珠走盤，縱橫無碍，可謂善說法要。雖然，要且只說得法身邊事。諸人要會法身向上事，切忌向語脉裏轉。却何也？」一兔橫身當古路，蒼鷹纔見便生擒。後來獵犬無靈性，空向枯椿舊處尋。

上堂。今朝五月端午節，徑山爲汝開真訣。赤口白舌盡消除，百怪千妖俱殄滅。黃鸝上樹一枝華，白鷺下田千點雪。參玄流善甄別，觀音菩薩將錢買糊餅放下手，却是一塊生鉄擊拂子下座。

上堂。生佛已前有一段奇特，因緣大家會取好便下座。

上堂。僧問：「德山入門便棒，時如何？」師云：「寰中天子勅。」進云：「臨濟入門便喝，時如何？」師云：「塞外將軍令。」進云：「一人行棒，一人行喝，總道是發大機。」顯大用，還有優劣也無？」師云：「今日熟如昨日。」僧云：「謝師答話。」師乃云：

今朝六月初一。諸處栽田已畢。炎炎火日。當空大野。流金鑠石。袈裟搖扇。取涼不費。纖豪氣力。不費力。萬兩黃金亦消得。

青苗上堂。僧問。藥山尋常不許人看經。意旨如何。師云。常轉如是經。百千萬億卷。進云山。一日看經。次有問和尙。不許人看經。因甚。却自看山。云。我只遮眼。又且如何。師云。汝若看牛皮。也須穿進。云。和尙今日。普請看經。畢竟功。飯何所。師云。汗邪。滿車。甌窶滿簞。乃舉教中道。如來所演八萬四千法藏。言教皆名爲文。離一切言音文字。理不可說是名爲義。又云。若諸經中文句廣博。能令衆生心意踴躍。名不了義。若能宣說文句及心。皆同灰燼。是名了義。山中今日滿散青苗。勝會見前大衆。一七日中披宣大藏。依了義經。不依不了義經。一句一偈一字一義。莫不格於天地。感於神明。悉使見聞心意踴躍。且如何說個文句及心。皆同灰燼。底道理。雲門大師道。直得觸目無滯。達得名身。句身山河大地。是名名亦不可得。喚作三昧性海。俱備。猶是無風匝匝之波。直得忘知於覺。覺卽

佛性。喚作無事人。更須知有向上一竅。在且作麼生。是向上一竅。拈拄杖。汗邪。滿車。甌窶滿簞。

因監寺入塔。因妄有生。因生有滅。寂滅見前。觸醜眼。活箇舊花開。栗棘蓬無縫塔中雲。勾匝。

上堂。舉保寧勇和尙示衆云。祖師門下。絕人行深險。過於萬仞坑。垂手不能空。費力任教堂上。緣苦生師云。見義不爲。何勇之有。

寂照忌拈香。巴陵酬雲門之恩。只憑三轉語。儉生不孝。楊岐爲慈明設齋。特作女人拜。義出豐年。徑山今日先師忌辰。直是無可施設。茗椀熏爐。聊伸供養。庶表不忘諸人。且道不忘個什麼。便燒香。

善權通長老。嗣書至上堂。自從胡亂後三十年。不少鹽醬雪。後始知松栢操。任汝非心非佛。我只管卽心卽佛。事難方見丈夫心。有底便道江西信息通也。大梅梅子熟也。善權方便。固當如是。只如石頭道。書亦不達信。亦不通。諸人如何話會。直下道得。鋤斧子未到你在。

圓悟大慧祖師。同忌拈香。隻手不獨拍。單絲不成線。

而個五百文。關湊合一貫。雞啼白晝。認頻呼小玉。總
隨聲應。薰風南來。證諸佛法。身何曾夢見。橫說豎說。
熾然說卷百億香水海。於廣長舌本波瀾內。空外空。
畢竟空。攝有漏微塵國于事事無碍法界。臭皮囊炙
地熏天。折竹筵鉤雷掣電。獨踞臨濟正法眼。撼碎東
山鉄酸。箇陵滅宗風五逆。孫終不隨他脚跟轉。香爇
一爐茶。傾三奠。醃子撲落地。碟子成七片。

上堂。一。二。三。四。五。六。七。地水火風空。覺識拈來數目。
甚分明。明眼衲僧數不出。數得出也。大奇。烏龜鑽敗
壁。鷄向五更啼。

十月旦。上堂。當爐不避火。進當言不避截舌。騎驢入
爾鼻孔裏。牽牛入爾眼睛中。作麼生商量。若道不得。
老僧代諸人下一轉語。擲拄杖下座。

一提點入塔。一人發直。皈元十方虛空。消殞寶塔。從
地湧出。正是平地骨堆。撫骨云。無人知此意。令我憶
楊岐。

元宵請藏主典座上堂。佛法無人說。雖慧莫能了。譬
如暗中寶。無燈不能見。僧問睦州。一氣還轉得一大

◆文辭名

藏教也。無州云。有甚饅饅。饅子快下。將來是你諸人
作麼生。了作麼生。見。薦拈拄杖。百般製造。由人到底。
無過是麵卓拄杖喝一喝。

上堂。離言說。離文字。相離心緣。相畢竟如何。迦葉
擎拳。阿難合掌。

上堂。僧問。不是心。不是佛。不是物。是个甚麼。師云天。
人羣生類。皆承此恩力。進云。謝和尚指示。師云。莫謗
老僧。好僧禮拜。師乃拈拄杖云。三世諸佛。亦如是。西
天二十八祖。亦如是。東土六祖。亦如是。天下老和尚。
亦如是。左邊卓云。如是。則易。不如是。則難。右邊卓云。
如是。則難。不如是。則易。中間卓云。也不難。也不易。靠
拄杖。放在臥床頭。急要打老鼠。

請兩序上堂。獨樹不成林。兩手鳴擱。擱老大小叢林。
各要知時節。主事輔弼。山門頭首。贊揚佛法。十方高
人。聚會。究取當頭一著。長老坐致太平。手裏把個木
杓。薦拈拄杖。諸人從朝至暮。啾啾唧唧。說黃道黑。總
在杓頭裏。七出八沒。且道。杓柄長多少。卓拄杖喝一
喝。

上堂。葵花隨日轉。芭蕉聞雷抽。菩提煩惱。循業發見。
劃拄杖。分開碧落松千尺。截斷紅塵水一溪。

行重建行春橋。師召衆云。大橋雄跨石湖濱。捨舊圖
新。喜落成萬國車書通遠道。三吳城郭展脩程。溪山
出色。增佳勝。簫鼓行春樂太平。不動腳頭登彼岸。十
方一路要分明。好諸仁者。還他力量人。辨此奇特事。
功夫妙密。機用縱橫。易深險成坦途。架虛空爲平地。
高高處觀之。不足低低處仰之有餘。可以津濟四生。
可以梯航九有。直得輝騰佛日慶衍。

皇圖收謳。樵唱共履康莊。馬載驢駝。咸臻實際。際正與
麼時。且平步丹霄。高超物表。一句作麼生。道遂驟步
云。塵塵刹刹無留礙。直踏毗盧頂上行。

愚菴和尚語錄卷第五

愚菴和尚語錄卷六

小參

門人 忻悟 等編

解夏小參。僧問德山小參。不答話。藥山小參。不點燈。
趙州小參。要答話。是法平等。因甚三段不同。師云。舌
頭不出口。進云。爲山問仰山。一夏作何功業。仰云。鉏
得一片畬。種得一籬粟。還當宗乘也。無師云。曝曝論
寔事。進云。仰山却問爲山和尚。一夏作何功業。爲云。
日中一餐。夜後一寢。又且如何。師云。渠儂得自由。乃
云。目前無法。法法擬然。心外無機。機機相副。豈不見。
爲山問仰山。一夏在山作何功業。仰云。開得一片
畬。種得一籬粟。爲云。怎麼則不空過一夏。仰山却問。
爲山和尚。一夏在山作何功業。爲云。日中一餐。夜後
一寢。仰云。怎麼亦不空過一夏。看他從上尊宿。又何
曾有絲毫奇特道理。一切只是尋常自然聲和響順。
投子云。諸人變見千般。總是自擔帶。將來趙州道。喫
粥了也。未喫粥了也。洗盞盂去。天高地厚。海闊山遙。

月白風清。蛩吟蟬噪。行者擊鼓。山僧小參。諸人簇簇上來。討個什麼拈拄杖。劃一劃云。涼颼動寰宇。一葉已驚秋。

除夜小參。僧問。芻狗吠時。天地合木。鷄啼後。祖燈輝。一年光景。今宵盡。萬里更無人來。歸見前一衆。盡是他鄉之客。卽今歲盡年窮。如何得便歸家去。師云。闍梨家在什麼處。進云。僧問。藥山學人。擬欲歸鄉時。如何山云。汝父母偏身紅爛。臥在荊棘林中。汝歸何所。意旨如何。師云。愁人莫向愁人說。進云。僧云。恁麼則不歸去也。山云。切須歸去。汝若歸去。我示汝個休糧方。僧便請。山云。二時上堂。不得咬破一粒米。又且如何。師云。藥山老漢。得恁麼老婆心。切進云。且那裏是他老婆心。切處。師云。闍梨要問長老口。啞。那僧便退。師云。芻狗吠時。天地合木。鷄啼後。祖燈輝。一年光景。今宵盡。萬里更無人來。歸好大衆。古人與麼道。只要你直下識取。自家城郭。免見倚他門戶。傍他牆。剛被時人喚作郎。久參先德。不隔絲毫。後學初機。宜加審細。豈不見僧問藥山學人。擬欲歸鄉時。如何。山云。汝

父母偏身紅爛。臥在荊棘林中。汝歸何所。僧云。恁麼則不歸去也。山云。却須歸去。汝若歸鄉。我示汝個休糧方。僧便請。山云。二時上堂。不得咬破一粒米。若喚作休糧方。正是還鄉曲。謂是還鄉曲。又道休糧方。老藥山赤心片片。憫物垂慈。其奈十個有五雙。蹉過。至竟不解知歸。逗到彌勒下生。轉見流離孤苦。長沙和尚道。我若舉揚宗教法堂上。草深一丈。事不獲已。向諸人道。盡十方世界。是沙門。一隻眼。雪峯又道。盡大地。撮來如粟米粒大。到者裏。不敢望汝。別縣慧日。獨振立風。但向古人。鶻鼻布衫上。知些子氣息。一年三百六十日。一朝昏。十二時。東廊上。西廊下。穿僧堂。入佛殿。總是到家時。節轉山河國土。歸自己。轉自己。歸山河國土。如壯士展臂。不假他力。天上人間。縱橫自在。苟或未然。烏飛兔走。臘盡春回。明朝慶賀。新陽各各又添一歲。莫將有事爲無事。爭是爭非。空白頭。復舉僧問洞山。寒暑到來。如何回避。山云。何不向無寒暑處去。僧云。如何是無寒暑處。山云。寒時寒殺。閻梨熱時熱殺。闍梨師云。洞山老漢。與麼答話。非唯備

洞真如亦乃瞞頂佛性忽有問隆教寒暑到來如何
回避也只答他道何不向無寒暑處去更問如何是
無寒暑處和聲便打若是識痛痒漢管取出離五行
三界

淨慈入院小參僧問日可冷月可熱衆魔不能壞真
說如何是真說師云風動塵飛鴉鳴鵲噪進云欲識
永明旨門前一湖水拈却門前一湖水如何是永明
旨師豎起拂子進云即此用離此用放下拂子又
俗士問弟子欲出離生死如何用心即得師云無心
可用即離生死進云即心是佛又且如何師云心空
即是佛有心即非佛士擬議師便喝乃云馬祖百丈
已前無住持事道人相尋於空閒寂寞之濱其後雖
有住持王臣尊禮爲人天師今則不然掛名官府如
有戶籍之民此晦堂不赴大滙之招而致斯語觀此
則知住持之道那時已是不堪著眼了也更教看著
今時做處也好慚惶煞人明教謂住持者持其法使
之永住而不滅所以法隨法行法幢隨處建立永嘉
道建法幢立宗旨明明佛敕曹溪是世降俗末名存

寔亡大法凋瘵無甚今日山僧道慚涼薄行愧荒疎
誓欲深藏巖壑隱遯過時悞蒙柱國丞相不忘靈山
付囑遠勞使命推輓來此住持是猶使蚊負山螳蝦
怒臂以當車轍却不似法燈和尚道爲緣先師有未
了公案出來爲他了却所謂王臣尊禮爲人天師建
法幢立宗旨則吾豈敢雖然南屏勝地衲子淵藪人
能弘道非道弘人佛運垂秋宗綱委地冀諸勝衆戮
力匡持弘贊法社薦拈拄杖你有拄杖子我與你拄
杖子你無拄杖子我奪却你拄杖子卓拄杖云三級
浪高魚化龍癡人猶岸野塘水復舉德山小參示
衆云今夜不答語問話者三十棒時有僧出禮拜山
便打僧云某甲話也未問爲甚打某甲山云你是甚
處人僧云新羅人山云未跨船舷好與三十棒後來
法眼益云大小德山話作兩橛圓明密云大小德山
龍頭蛇尾雪竇拈云二尊宿雖善裁長補短捨重從
輕要見德山老漢亦未可在何故殊不知德山握閫
外之威權有言斷不蕩不招其亂底劍諸人要識新
羅僧麼只是撞著露柱底瞎漢師云這個公案諸万

老宿每至小參未嘗不拈出註解。一上雖則各資一路未免所見不同。互有得失。法眼云。話作兩橛。易分雪裏粉。難辨墨中煤。圓明云。龍頭蛇尾。只見波濤涌。不見海龍宮。雪竇道德山。握閫外之威權。有當斷不斷。不招其亂。底劍正是扶強不扶弱。殊不知大小德山。常斷不斷。自招其亂。諸人要識這僧。鷄子過新羅。解制小參。舉東山和尚示衆云。百鍊黃金鑄鐵牛。十分高價與人酬。庭前不有花含笑。又是東山一夏休。亦成一偈。舉似大眾。鼻孔撩天水。牯牛鐵鞭三百未輕酬。溪東牧了溪西牧。又是南屏一夏休。

冬至小參。僧問。說法不應機。總是非。時語如何。是應機底。法師云。汝問我答。進云。生死交謝。寒暑迭遷。如何是不遷。義師云。冬至寒食一百五。乃云。群陰欲去未去之際。一陽欲生未生之時。伐鼓以考鴻鐘。會人天而提祖令。今夜不說菩提。涅槃。真如。解脫。不說卽心卽佛。非心非佛。不是心。不是佛。不是物。洞山撥退果卓。祭鬼神茶飯。阿誰肯喫。慈明揭榜堂前。弄胡孫家具。笑殺傍觀。叉手進前。進前叉手。奴兒婢慙慙。

天寒人寒。大家在這裏。無孔鐵椎。魯公臺上書雲。漢女宮中測日知時。識節却堪持論。自餘立機立境。行棒行喝。全鋒敵勝。同死同生。正按傍提。橫來豎去。和泥合水。截鐵斬釘。七十三八十四等。是鬼家活計。於諸人分上。料掉沒交涉。喝一年三百六十日。四時八節。春了夏了。夏了秋了。秋了冬了。冬了。不覺不知。過了三百六十日。明朝便是冬至。前來許多絡索。既是總用不著。自己分上。合作麼生。喝點鐵化爲金玉。易勸人除却是非難。

靈隱平山林和尚對靈小參。正法眼藏。涅槃妙心。廓三際以無去。無來。洞十虛而非中。非外。諸佛知之。而獨用衆生日用。而不知故。我靈隱堂上平山和尚。赤手提持。袒肩擔荷。權寔照用。俱備擒縱殺活。皆全五處住山。風行草偃。王臣爲之斗仰。魔外爲之冰消。塵塵刹刹。普見威權。物物頭頭。全彰奇特。高超十地。迴出三乘。有時拈一莖草。作丈六金身。有時將丈六金身。作一莖草。於一毫端。現寶王刹。坐微塵裏。轉大法輪。出沒卷舒。縱橫自在。以此穿三世諸佛鼻孔。以此

換歷代祖師眼睛。以此坐天下。善知識舌頭。以此斷叢林衲僧命脈。以此造無閒業。鑊湯爐炭。刀山劍樹。碓搗磨磨爲一切人抽釘拔楔。解粘去縛。以此開甘露門。示甘露器。令諸衆生入甘露室。食甘露味。機透脫。法法融通。末後全提。甚生光彩。聲前非聲。色後非色。蚊子上鐵牛。無你插觜處。直得飛來峯起。舞三臺。西子湖動搖六震。正與麼時。是汝諸人還知。老和尚落處麼。卓拄杖云。煩惱海中爲雨露。無明山上作雲雷。復舉世尊涅槃會上摩胸告衆云。汝等當觀吾紫磨金色之身。瞻仰取足。無令後悔。若謂吾滅度非吾弟子。若謂吾不滅度。亦非吾弟子。師云。釋迦老子四十九年三百餘會說法。如雲如雨。大機大用。千聖窺覷不及。萬靈捫摸無由。因甚。逗到涅槃會上。一個渾身不解作主。直至摩胸告衆。普請觀瞻。當時衆中忽有個皮下有血出來。道咄。瞿曇瞿曇。沒處去。沒處去。非唯進且無門。退亦無路。管取求生不得。求生不得。死淨慈今夜不是。壓良爲賤。檢點將來。爭似我平山和尚。五會說法。高聳人天。撒手去來。斬釘截。

鐵拍禪床。云。踏碎虚空。赤脚行十方世界。阿刺刺。冬至。因事小參。千載南屏古道場。目前無法可論量。羣陰銷盡陽生也。四海同瞻化日長。如是則鐘鼓山林依舊太平氣象。維新人人脚跟下。輝大寶光。個個頂門上。開正法眼。鵲噪鴉鳴。深談寔相。牧謳漁唱。共演真乘。當頭坐斷。八面玲瓏。正令全提。十方通暢。有時奪人不奪境。有時奪境不奪人。有時人境兩俱奪。有時人境俱不奪。臨濟大師滿肚無明。通身擔板。要且費力不少。居一切時不起妄念。於諸妄心亦不息滅。住妄想境不加了知。於無了知不辨真寔。釋迦老子釘椿搖櫓。抱橋柱澡浴。有什快活。處山前一片閒田地。叉手丁寧問祖翁。幾度賣來還自買。爲憐松竹引清風。老東山雖則熟處難忘。却較些子。忽有個衲僧出來。道長老長老。怎麼也得。不怎麼也得。喝和泥合水。漢不見道。時人住處。我不住。時人行處。我不行。不是與人難共住。大都縈素要分明。復喝一喝。復舉僧問古德。萬境來侵時如何。德云。莫管他。師云。萬境來侵。莫管他。情塵瞥起。便周遮。大圓寶鑑。明如日。

漢現胡來等不差

除夜小參。一年三百六十日。今當極盡之夜。諸人還猛省麼。是日已過。命亦隨滅。如少水魚。斯有何樂。真淨和尚云。唯二乘禪定寂滅爲樂。是爲真樂。學般若菩薩法喜禪悅爲樂。是爲真樂。三世諸佛慈悲喜捨。四無量心爲樂。是爲真樂。石霜普會云。休去歇去。冷湫湫地去。是謂二乘寂滅之樂。雲門云。一切智通無障礙。拈起扇子云。釋迦老子來。也是謂法喜禪悅之樂。德山棒臨濟喝。是謂三世諸佛慈悲喜捨之樂。除此三種樂外。不爲樂也。喝老雲菴慈悲之故。有落草之談。雖則扶他先作。未免簣鼓後昆。若是羅籠不住。呼喚不回。逸格變通。底灼然別有生涯。決不依他作解。不見神鼎裡禪師道。是日已過。命亦隨滅。如少水魚。有何不樂。便恁麼去。可殺省力。教中謂之隨順覺性。成法破法。皆名涅槃。智慧愚癡。通爲般若。菩薩外道所成就法。同是菩提。無明真如。無異境界。諸戒定慧及淫淫癡。俱是梵行。地獄天堂。皆爲淨土。有性無性。齊成佛道。喝清平世界。切忌訛言。釋迦老子教壞。

人家男女合與二十拄杖。放過則且。真若要依而行。之直須。寔到這個田地。始得。山僧從年頭至年尾。未嘗不以此一著子爲汝諸人。然終不敢錯誤諸人。一毫許。蓋爲各各眼橫鼻直。腳踏地頭。頂天其奈。異生見解。我執不同。又爭怪得大凡小參。謂之家教。今夜不惜口業。更爲諸人舉話。普請大家證入。如何是佛。麻三斤。如何是佛。乾矢橛。喝一喝。復舉。僧問香林。如何是衲衣下事。林云。臘月火燒山。應菴和尚云。香林恁麼道。老鼠入牛角。有問歸宗。只向道。明年更有新條在。惱亂春風卒未休。師云。潦倒香林。錯下名言。未免遭人點檢。臘月火燒山。與他衲衣下事。有甚麼干涉。直饒應菴道。明年更有新條在。惱亂春風卒未休。也未夢見他衲衣下。鴛鴦氣在。再住徑山。小參。僧問大慧和尚。昔日再住此山。有云。去是住時。因住是去時。果去住與果。因無可無。不可。且如何是去是住時。因師云。五九盡日。定逢春進云。如何是住是去時。果師云。飯顆山頭逢杜甫。進云。去住與果。因無可無。不可。還端的也。無師云。這裏是甚。

麼所在說去說住說因說果又有僧問如何是真如佛性師云徑山門下無這般閒家具進云鹽官道一切衆生有佛性。瀉山又道一切衆生無佛性。未審有之與無。孰是孰非。師云是則總是非。則總非。進云和尚大善。知識何得備。侗真如瞞。預佛性師云老僧入院事煩。乃云去是住時。因住是去時。果去住與果因無可無。不可喝。這裏是什麼所在說去說住說因說果。說可說不可。雖然如是。這裏却有個好處。且道好在甚麼處。良久云再理舊詞。連韻唱村歌社舞。又重新。驀拈拄杖。大慧祖師來也。大慧好處。處山僧與麼舉。似彼此共知。好則好。且道還有爲人處也。無。愚菴固是無些子好處。忝爲大慧的孫也。要與諸人露個消息。去住休論。果與因拈拄杖云。一回拈起。一回新卓拄杖。若知撲落非他物。擲下拄杖。始信縱橫不是塵。復舉。乾峯示衆云。舉一不得。舉二放過。一著落在第二師云。乾峯與麼道。入地獄如箭射。畢竟如何。二由一有一亦莫守。日午打三更。面南看北斗。除夜小參。僧問如何是先照。後用。師云拈起少林無。

孔笛等閒吹出。萬年歡。進云如何是先。用後。照師云。璫弓已挂。狼煙息。萬里譟謠賀太平。進云如何是照。用同時。師云泥牛吼處。天關轉。木馬嘶時。地軸搖。進云如何是照。用不同時。師云猶握金鞭。問歸客。夜深誰共御街行。進云今歲今宵盡。明年明日催。如何是不屬陰陽消長。一句師云待凌霄峯點頭。卽向汝道。乃云今歲今宵盡。世事悠悠何時而盡。明年明日催。只知事逐眼前過。不覺老從頭上來。寒隨一夜去。去寔不去。春逐五更來。來寔不來。既是寒隨一夜去。且如何說個去。去寔不去。春逐五更來。又如何說個來。來寔不來。合水和泥。豈堪持論。斬釘截鐵。未稱全提。北禪分歲。烹露地白牛。遭人追納。皮角平地造妖捏。怪徑山今夜小參。與諸人聚集片時。雖則尋常事例。也是醉後添盃。東山演祖云。汝等諸人。見山僧豎起拂子。便作勝解。及乎山禽聚集。牛動尾巴。却作等閒。殊不知檐聲不斷。前旬雨。電影還連。後夜雷。阿呵呵。會也麼。甜瓜徹蒂。甜苦瓠連根。苦達磨大師。非是祖。復舉。僧問雲門如何是雲門。一曲門云臘月。

二十五僧云。唱者如何。門云。且緩緩。師云。雲門一曲。村歌社舞。足可施呈。較之黃鍾大呂。白雪陽春。大欠音律。在今夜。忽有問。如何是徑山一曲。只向道。臘月二十九。唱者如何。明年更有新條在。惱亂春風。卒未休。且道。與雲門相去多少。拍禪床下座。

結夏小參。僧問。纔過中春。又逢首夏。依時及節。句乞師直指。師云。薰風自南來。殿閣生微涼。進云。僧問。雲門如何。是諸佛出身處。門云。東山水上行。圓悟道。薰風自南來。殿閣生微涼。老妙喜。因甚向這裏。悟去。師云。聽事不真。喚鐘作甕。進云。和尚今日。舉揚學人。何不解悟。師云。汝迷來多少時也。乃云。九旬禁足。魚投網。三月安居。鳥入籠。生殺盡時。蠶作繭。如何透得。這三重。以拂子敲禪床三下。云。向這裏。一時透取。好白雲端。和尚云。古人留下一言半句。未透時。撞著鐵壁。相似。忽然一日。覷透後。方知自己。便是鐵壁。棒打石人頭。曝曝論寔事。復敲三下。云。這裏透得徹。去踏破天關。掀翻地軸。肩橫日月。背負須彌。只恐不是玉。是玉也大奇。又敲三下。云。這裏透不徹。去亦能受用。自

在如龍得水。似虎靠山。山人皆苦炎熱。我愛夏日長。薰風自南來。殿閣生微涼。任運流入薩婆海。這條通天活路。千聖共行。雖不可以告人。要且瞞諸人一點不得。然則功多業熟。職到威成。若是怎麼人。方明怎麼事。喝五陵公子。遊花慣。未第貧儒。感慨多。冷地看他人富貴等閒。無柰幞頭何。復舉大愚芝和尚示衆云。大家相聚。喫莖薑。若喚作一莖薑。入地獄。如箭射大衆。還知大愚爲人處麼。聽取一頌。有口不吞三世佛。大家相聚。喫莖薑。雖然冷淡無滋味。一飽能消萬劫饑。

冬至小參。僧問道。遠乎哉。觸事而真。喚甚麼作真。師云。千年無影樹。進云。聖遠乎哉。體之卽神。喚甚麼作神。師云。今時沒底靴。進云。羣陰欲去未去之際。一陽欲生未生之時。還有佛法也。無師云。鐘作鐘。鳴鼓作鼓。響進云。今古應無墜。分明在目前。師云。莫眼花。僧禮拜。師乃云。怎麼怎麼。獼猴弄藕膠。不怎麼不怎麼。蝦跳不出斗。怎麼中不怎麼。識取鉤頭意。莫認定盤星。不怎麼中却怎麼。捉得玉麒麟。元是金師子。鷲拈

拄杖云。還見麼。又卓云。還聞麼。聞見分明。是個什麼。不是心。不是佛。不是物。釋迦掩室於摩竭。耳朵兩片。皮淨明。杜口於毗耶。牙齒一具。骨冷水浸。冬瓜大家。斯鵲突。耐個周金剛。不識好惡。見僧入門。便棒臨濟。小厮兒。不分縑素。見僧入門。便喝。諸佛出世。以訛傳訛。祖師西來。將錯就錯。各各分上。誰不丈夫。伶俐者。聞與麼道。笑破娘生鼻。孔傷齠者。轉見無繩。自縛。所以道。般若如大火聚。近之則燎。却面門。又如師子。筋琴撫之。則羣音頓絕。山僧今夜坐地待你。搆取搆得。搆不得。未免喪身失命。喝如我。按指海印。發光。汝暫舉心。塵勞先起。雖然如是。善舞太阿。終不自傷。其手放一線路。有個商量。劃拄杖云。羣陰剝盡。又劃云。一陽復生。五髻彩雲呈瑞。九霄紅日添長。隨緣自在。任運徜徉。會得山門朝佛殿。定知廚庫對僧堂。復舉瀉山示衆云。仲冬嚴寒。年年事。晷運推移。事若何。仰山叉手進前立。瀉云。我情知你答者。話不得。却問香嚴。嚴云。某甲偏答得者。話瀉山理前問。嚴進前叉手立。瀉云。賴遇寂子不會師。云。叉手進前。進前叉手。

描也描不成。畫也畫不就。老瀉山真傑斗肯一不肯。一舌頭不出口。父子雖親。妙不傳。八角磨盤空裏走。除夜小參時節。易過大年夜。警爾到來。心地未明。諸仁者。急著精彩。萬法是心光。諸緣唯性。曉本無迷。悟人只要今日了。蘇武牧羊海畔。長日欣然。李陵望漢臺邊。終朝笑發。東村王老。夜燒錢忙者。自忙閒者。閒東方甲乙木。一則三三則一。趙州東壁掛胡盧。觀音院裏有彌勒。復舉浮山和尚除夜示衆云。老矣聊隨粥飯緣。浮山無法與人傳。夜深各自歸堂去。放下情懷且過年。浮山老人與麼提。唱美則美矣。要且無爲人處。徑塢輒廣一偈。切希聽取。海衆同居。結淨緣。少林消息本無傳。寒來暑往誰相委。荏苒浮生又一年。

吳江張伯琮薦母請對靈小參師云。通上徹下。迴絕羅籠。而地普天了。無朕迹。不是心。不是佛。不是物。三乘由之而建立。五性自此而出分。可以起死回生。可以轉凡成聖。可以拔苦與樂。可以轉女成男。可以回三毒爲三聚。淨戒轉六識爲六波羅蜜。回煩惱爲菩

提轉無明爲大智。如是則成法破法。皆名涅槃智慧。愚癡通爲般若。盡十方世界。是唯心淨土。盡十方世界。是本性彌陀。盡十方世界。是大解脫場。盡十方世界。是妙莊嚴域。無邊刹境。自他不隔於毫端。十世古今。始終不離於當念。教中道。一念普觀無量劫。無去無來。亦無住。如是了知三世事。超諸方便。成十方淑真安人。與麼會得。便知四十九年前。由此一念而生。無所生。人間天上。任縱橫。四十九年後。由此一念而滅。滅亦非滅。千江有水。千江月。生滅二圓。離紅爐飛白雪。正恁麼時。諸人還知淑真安人。歸根得旨底消息麼。豎拂子。看看無量壽世尊。卽今在拂子頭上。現無量廣大神。通放無量妙寶光明。奏無量妙寶音樂。散無量妙寶香。花樹無量妙寶軒蓋。與我淑真安人。並駕齊驅。攜手同歸。極樂世界去也。可謂殊勝中殊勝。奇特中奇特。顧左右云。天碧太湖三萬頃。分明八德藕花池。

愚菴和尚語錄卷第六

愚菴和尚語錄卷第七

頌古

門人 寶盈 等編

世尊初生

謾說僧祇曠劫修福胎。又復降閭浮至今。醜惡難遮。拖突出雲門挂杖頭。

外道問佛

皓月當空似鑑圓。塵毛刹海照無偏。迷雲散盡搏桑曉。桂殿嫦娥怨未眠。

女子出定

出得出不得。商量徒苦辛。千年桃核裏。覓甚舊時人。

殃幅摩羅持鉢

瞿曇具正偏。知尊者豈無三昧。母子兩得分解。非干別人之事。

劉賓國王斬師子尊者

利劍斬春風。虛空展笑容。未明三八九宿對。一重重。

達磨面壁

九年面壁訪知音。畢竟同誰話此心。三拜起來依位立。丈夫膝下有黃金。

廬陵米價

廬陵米作麼價。此語流傳遍天下。佛法大意這只是。衲僧不用生疑怪。

石頭云。恁麼也不得。不恁麼也不得。恁麼不恁麼總不得。

諸佛心要列祖玄關至簡至易難之又難。

馬祖三十年不少鹽醬

自從胡亂後。不啻少鹽醬。有甚閒消息。寄與讓和尚。

龐居士問馬大師。不與萬法爲侶者。是什麼。

人大師云。待汝一口吸盡西江水。卽向汝道。

一口吸盡西江水。誠浪情波徹底乾。截斷老龐三寸。

舌。倚天長劍逼人寒。

百丈再參馬祖

當機一喝怒如雷。誰道精金色不回。直得耳聾并吐。

舌。三玄戈甲火中栽。

國師三喚侍者

國師徹底老婆心。侍者眞鍮不博金。奇語傍花隨柳。客養兒方識父恩深。

南泉心不是佛智不是道

心不是佛智。不是道。夜雨滴空階。春風吹百草。本無迷悟人。只要今日了。

南泉平常心是道

平常心是道。親切爲君宣。譬爾情生也。何由脫蓋纏。

趙州訪臨濟

西來祖意觸處分明。趙州洗脚臨濟側聆。

趙州訪茱萸

曹溪正脈古猶今。拄杖如何採淺深。莫道茱萸無一。

滴。趙州直下被平沈。

趙州勘婆

善舞太阿劍。決無傷手忌。慣編猛虎須。必有全身策。

勘破臺山臭老婆。打失當頭箇一著。

趙州有佛處不得住

無奈雪霜寒。怕見楊花落。打破趙州關。清風滿寥廓。

趙州狗子無佛性

趙州狗子無佛性。三世如來不見蹤。昨夜含暉亭上望青山。倒景月明中。

趙州問南泉。知有底人。向什麼處去。泉云山前檀越家。作一頭水牯牛去。州云謝師答話。泉云昨夜三更月到窓。

水牯水牯。皮好鞵鼓角好吹。鳴哩鳴。昨夜三更月到窓。天上日輪正卓午。

青州布衫

萬法歸一一。歸何處。寧可截舌。不犯國諱。青州布衫重七斤。千手大悲。提不起。提得起也。大奇。等閒掛向肩頭上。大勝時人著錦衣。

無業國師云。若一毫頭。凡聖情念未盡。不免入驢胎馬腹裏去。白雲端和尚云。設使一毫頭。凡聖情念淨盡。亦未免入驢胎馬腹裏去。佛祖位中。無住著人。天路上。絕躋扳。驢胎馬腹埋頭入一片閑雲。任往還。

鎮州蘿蔔

鎮州出大蘿蔔。趙州親見南泉。五祖栽松道者。洞賓

元是神仙

臨濟見僧入門便喝

入門便喝。是何宗旨。明眼人前。一場笑具。

德山見僧入門便棒

入門便棒。是甚機用。趁得老鼠。打破油甕。

三聖逢人則出。出則不爲人。與化逢人則不

出。出則便爲人。

張公賣醋。李公賣鹽。道路各別。養家一般。

臨濟兩堂首座齊下喝

兩堂喝下。主賓分點。鐵成金。豈易論。父子不傳真妙訣。嘉聲千古振乾坤。

德山托鉢

鐘未響。兮鼓未鳴。德山托鉢下堂去。雪嶠連忙喚得回。巖頭密啓深深意。不了目前機。寧論末後句。果然遷化。恰三年。疑殺禪和。萬萬千。

洞山云。言無展事。語不投機。承言者。喪滯句者。迷。

解唱非關舌。能言不是聲。干戈才偃息。四海樂清平。

雪峯望州亭相見

劉湖歸方丈保福入僧堂望州烏石嶺何處覓曾郎
玄沙見新到才禮拜沙云因我得禮你

目前無閤梨座上無老僧因我得禮你錯認定盤星

玄沙三種病人

釣魚船上謝三郎攪得江湖沸似湯檢點衲僧三種
病不知自病入膏肓

玄沙云若論此事喻似一片田地四至界分
結契賣與諸人了也只有中心樹子猶屬老
僧在

祖爲田地中心樹拄地撐天讚莫論賣與買人誰是
主清陰留取覆兒孫

靈雲見桃花

武陵源上東風裏款乃歌聲逐流水回首仙踪不可
尋桃花亂落如紅雨

明招虎生七子

無尾菸菟氣食牛是誰全放復全收李將軍有嘉聲
在射著元來是石頭

普化明頭來明頭打

普化搖鈴鐸曾郎輓木毬虛空放紙鶴線斷一時休
興化打克賓

大覺堂前遭痛棒衲衣卸下急翻身分明有理難伸
訴法戰場中打克賓

興化上堂云今日不用如何若何便請單刀
直入興化與你證據時有旻德長老出衆禮
拜起來便喝化亦喝德又喝化又喝德禮拜
歸衆化云適來若是別人三十棒一棒也較
不得何故爲他旻德會一喝不作一喝用
龍驤虎驟電激雷奔一挨一拶搖乾蕩坤冰稜上度
過九鞠劍刃上拾得全身選佛若無如是眼宗風那
得到于今

僧問興化四方八面來時如何化云打中間
底僧便禮拜化云昨日赴箇村齋回來中路
撞著一陣卒風暴雨却向古廟子裏閃避得
過

鬧處靜峭峭靜處鬧浩浩古廟裏藏身咄哉興化老

風吹不入雨打不濕。四方八面絕遮欄。中間猶隔萬重山。好把一枝無孔笛。夜深吹過汨羅灣。

夾山示衆云。目前無法。意在目前。不是目前。法非耳目之所到。

直下會來。猶未是才生。分別轉請訛休。將支遁池中鶴。喚作山陰道士鷺。

雲門須彌山

雲門禪在口皮邊。靈利師僧會轉難。突出須彌橫海上。從教日月自循環。

雲門大師云。聞聲悟道。見色明心。作麼生是聞聲悟道。見色明心。乃云。觀音菩薩將錢買胡餅。放下手云。元來却是饅頭。

吹盡風流大石調。唱徹富貴黃鐘宮。舞腰催拍月當曉。更進蒲萄酒一鍾。

瑞巖喚主人公

潦倒瑞巖無別法。尋常但道惺惺著。凡聖由來共一家。誰是主人誰是客。

雲門示衆云。世界恁麼廣闊。爲什麼鐘聲披

七條

聲來耳畔。何須較耳。到聲邊不用論。披起七條全體。現更於何處覓聞聞。

首山竹筴

首山舉起竹筴。納子休分背。觸喚作一物不中擬議。橫屍露骨。

僧問乾峯十方薄伽梵一路涅槃門

十方薄伽梵。一路涅槃門。華嶽連天秀。黃河徹底渾。

芭蕉拄杖

芭蕉拄杖子。分明爲君舉。奪也未嘗奪。與亦何曾與。放在臥床頭。急要打老鼠。

羅山送同行矩長老

幾年湖海共參尋。惜別如何話此心。生鐵蒺藜當面擲。三千里外有知音。

僧問風穴語默涉離微如何通不犯穴云常

憶江南三月裏。鷓鴣啼處百花香。

百花深處鷓鴣啼。高下林巒錦繡圍。滿目春山與春水。笙歌叢裏醉扶歸。

汾陽十智同真

千溪萬壑歸滄海。八表三邊朝紫宸。欲識汾州真面目。重陽九日菊花新。

百丈野狐

用盡自己心。笑破它人口。多遇野干鳴。罕逢師子吼。

舉道者訪琅琊

打鼓弄琵琶。相逢兩會家。禪流爭指註。杜撰數如麻。楞嚴經云。見見之時。見非是見。見猶離見。見不能及。

開眼也。著合眼也。著黃面瞿曇錯下註脚。

楞伽經五法三自性二種無我

法性本空。不墮諸數。虚空亦無何名爲我。百非四句盡掀翻。家家門首長安路。

法華經云。大通智勝佛。十劫坐道場。佛法不

現前。不得成佛道。

一念普觀無量劫。饑來喫飯困來眠。堂堂大道無今古。佛法何曾不現前。

讚語

釋迦出山相

門人 至寶 等編

明星瞥見便抽身。鼻孔依前搭上唇。殃及兒孫無了日。直將北斗作南辰。

無量壽佛

願輪赫日繞須彌。垂手毋忘二六時。住世壽元無有量。度生悲智不思議。光明遍照恒沙國。福慧真成大導師。地獄天堂皆淨土。此心只許老胡知。

觀音大士

惟我大士普現色身。而此福聚示以重真。一月在天。影含衆水。清淨寶目。明照無二。三界火宅。均受熱惱。手甘露枝。永矢弗合。我願衆生。得正三昧。剎剎圓通。塵塵自在。

手眼通身。福慧無量。修因證果。上合觀音。古佛本妙。圓通拔苦。與樂下與法界衆生。同一悲仰。無機不被。有願必從。如谷答響。如風行空。海岸乾坤。自孤絕善。財何處覓。靈蹤

從聞思修。入三摩地。以悲智願行平等慈度一切衆。

生實無衆生得滅度者具一切功德是真功德不可思議不是文殊輕漏泄圓通門戶許誰知

突髻如雲溪梳洗無底籃盛赤梢鯉東頭賣賤西頭貴不愁世上無行市三級浪高魚化龍癡人猶辱野塘水

聞所聞盡空所空滅將錢買胡餅放下却是鐵縣崖峭壁現自在身月在水中撈得上不將一法繫於人大士方便力微妙難思議而於一毫端示現文句身法界諸有情瞻禮仍讀誦言詞相寂滅現前獲圓通我願未來世修行不退轉具足智方便亦如光世音八萬四千母陀羅臂提接之悲豈唯四爾法身無相不墮諸數隨衆生心現一切處一卽一切一切卽一月印千江春行萬國我觀大士離分別見離性亦無日面月面

平等垂慈道至公六根互用總圓通潮回浦面千波合春透花枝萬卉同悉使癡昏瞻慧日普令熱惱濯清風大悲空盡衆生界依舊扶桑在海東爲日東人贊四不思議二殊勝兔角龜毛一串穿誰識普門真境

界海天無際月孤圓

跏趺草偃吉祥風玉臉吹香展笑紅一念普觀無量劫狸奴白牯證圓通

蓮葉舟輕苦海深跏趺聽徹海潮音魚龍鰕蟹都咸佛無限平人被陸沈

娑婆教體在音聞聞復音銷道自尊未許文殊善願別十方一路涅槃門

池沼樹林皆演法山河國土共舒光眼聲耳色常三昧何啻心聞洞十方

維摩居士

神通妙用不思議大似空拳誑小兒試問針鋒持棗葉何如芥子納須彌觀身實相寧多病杜口無言只自欺堪笑靈山三萬衆望風碌碌樹降旗

是病非地大亦不離地大咄哉老古錘開口成話墮不得文殊錯證明至今臥病毗耶城

布袋和尚

百億分身補處尊囊中別是一乾坤不知說法龍華會畢竟如何建化門

達磨

龍鳳之姿。天日之表。栖栖暗度江。討甚閒煩惱。三五
回中。毒宿債難逃。八九年面壁。邪禪默照。裂髓分皮。
急轉身。不覺全身入荒草。

胸中崖岸。千尋險。脚下波濤。萬丈深。十萬西來緣底
事。只應梁誌是知音。

東西走得脚皮穿。教外何曾有別傳。任尔一花開五
葉。好兒終不使爺錢。

羅漢

修行未斷鼠毒法。應供毋忘信施恩。三界塵勞深似
海。與誰攜手涅槃門。

天台智者大師

手把鐵如意。作大師子吼。一心本空寂。三諦亦非有。
燈籠浴壁上。天台驚起法身藏。北斗。

六世祖師。漳南禪人請讚

證不滅受達諸法。空當朝觸諱有理難容。一葦渡江。
九年面壁。前無釋迦。後無彌勒。分皮摩髓。大振玄風。
千峯到嶽。萬派朝宗。

將心來安心。無可覓。三拜起來依位而立。水不洗水。
金不博金。雲開月現。日照天臨。積雪沒腰。利刀斷臂。
仰止風規。覺我形穢。

將罪來懺罪。不可得。證自覺智。滅妄想惑。難難備嘗。
不動本際。命縣一絲。燈聯三世。毗盧心印。銘示後昆。
黃河九曲。水出崑崙。

脇不著席。垂六十年。三詔弗起。雷動九天。道傳嬾裨。
衣付小兒。月臨衆水。春透花枝。一切諸法。悉皆解脫。
最初一句。末後一著。

老難授道。去來奚難。捨身受身。濁港江邊。圓滿德相。
具大總持。千鈞大法。七歲沙彌。鑊頭邊事。不勞拈出。
雙峯峨峨。青松鬱鬱。

佛性本空。豈有南北。一句當機。青天白日。菩提無樹。
明鏡非臺。三更付法。醉後添杯。死款活供。來時無口。
石上栽花。空中結紐。

栽松道者

破頭山裏栽松日。濁港江邊寄宿時。大法一絲縣九
鼎。去來心事許誰知。

李習之參藥山

雲在青天水在瓶。方知見面勝聞名。回身失却來時路。直向深深海底行。

船子和尙

拋却蘭橈覆却舟。錦鱗一躍過滄洲。釣竿不用重栽竹。千古朱涇水倒流。

永明智覺禪師

以心爲宗如鏡照鏡。一塵不立羣機普應。風吹波浪日照光明。欲識玄旨。翳汝眼睛。心外無法。鏡中無象。我述讚詞。敲空作響。

伏虎逢禪師

朗瞻院裏村僧大。寂室中逆子盜如來。心骨舍利道地白。地陞須彌三佛對。談開眼寐。語至若携大扇。時入城乞錢買肉。馴猛虎帖帖無傷人之意。護禁戒則神人嘗跪於前。惜檀施不遺洗鉢盂水。是皆行業之不可測者。或外現而內秘。小根魔子豈容擬議。宜乎吳越國主特加禮敬。節度使爲之大敵。其居敕名眞際。是謂猪頭和尚普覺大師。永永眞風之不墜者。

也

行化騎虎小象

普覺眞身。痿五雲化風。藉藉古猶今。難教虎絕傷人意。只要人無害虎心。

開元和尙方崖禪師

大方無外。大圓無內。大坐匡床。橫揮玉麈。發大機於陽羨溪頭。顯大用於闔閭城裏。崖崩石裂。電激雷奔。手面縱橫。綽有餘裕。穿盡天下衲僧鼻孔。不動根本。自然之智。澄江淨如練。愛謝玄暉念話。解識生緣。綠陰生晝寂。笑羣應物。留題只作境會。掀翻寂照門庭。凌滅妙喜家世。百巧僧繇。邈未眞九九元來八十二。

古鼎和尚定都管請贊

這尊慈鐵奉化。四坐道場。眼空佛祖。背觸竹篋顛倒。握電掣雷。勾縱橫栗棘。渾命吞神憎鬼。怖據凌霄峰。作師子吼。一十一年言滿天下。道滿天下。名滿天下。搖籃繩斷。露全身大地山河無寸土。

愚菴和尚語錄卷第七

愚菴和尚語錄卷第八

偈頌

門人 慧鏡 等編

寄大慈學古庭講主

時無量壽院四十行人
同聲華嚴古庭主席

稽首華嚴大法王。萬行因華嚴果德。破一微塵出大經。大慈法力難思議。諦觀法界諸有情。如來智慧悉圓滿。妄想執著成倒迷。如大經卷藏一塵種種譬喻。廣演說方便善巧。力開示誓令小大咸悟。入同入毗盧華藏。海毗盧藏海。無有邊功德勝妙。亦無量體用全彰。大方廣實無名相。而可得八萬四千諸法門。由茲建立所分別。一法若有墮凡夫。萬法若無失真境。法王稱性熾然說。終始未嘗談一字。法身大士四十四位。聞所聞盡。曾不聞方。當聞說寂滅時。徹證華嚴眞法界。乃知出息與入息。常轉如是大經卷。異口一音僉讀誦。一卽是多多。卽一徑山說偈徒贊歎。大慈法力讚莫及。善哉無量壽道場。金碧莊嚴勝無比。阿蘭若法菩提場。睹史夜摩靡差別。七處九會卽如今。一

◆宗鑑集

念三世悉平等。前佛後佛等。一佛前身後身同一身。稽首法王世希有。如佛出世普饒益。願言世主千萬壽。金輪法輪永同轉。住行向地諸上人。世出世間同法會。

過海羅漢圖因如海請題次韻

十八高人學無學。伎倆通身用不著。鉢盂安柄負虛空。拄杖和雲挑華嶽。天生三毒牢不遷。往往對面森戈鋌。看讀豈識白繖蓋。默照參得黃楊禪。娑竭羅宮頻出入。大龍相招小龍揖。只貪龍領得明珠。不知裙子褊衫濕赤脚踏葦如徒。扛袖手浮杯穩勝航。波神鮫女設供具。差珍異寶爭妍粧。到此急須登彼岸。主人翁也勤勤喚。弄潮輪與弄潮人。豈容名字阿羅漢。了得心身本性空。隨波逐浪皆超宗。斫脛未遭黃宗運。誰識瞿曇那一通。白晝晴窓開玉軸。一笑東風生意足。天台鴈宕幾時歸。萬壑春雷吼飛瀑。

瞎牛歌贈韓公望

公望儒醫中年
目昏自號瞎牛

隔垣見肝膽。自號爲瞎牛。我歌瞎牛歌。萬象笑點頭。瞎牛兒人莫識。曠大劫來無等匹。異類中行得自由。

眼處聞聲耳觀色。瞎牛兒世希有。金毛師子喚作狗。
祖父田園任力畊。異苗靈藥時翻茂。瞎牛兒無煩惱。
誰管青黃赤白。早一犁新雨。隴頭春。數聲長笛。江村
曉。瞎牛兒真快活。脚頭脚尾乾坤闊。鼻孔撩天不著
穿。生死無明俱透脫。瞎牛瞎牛聽我歌。六根互用無
偏頗。衆生洞脉只分寸。大千刹海菴摩羅。

應菴和尚送密菴遺傷蔣山請和

潦倒蘄州子。無門爲法門。憐兒不覺醜。遺墨尙留痕。
披卷光零亂。搖乾復蕩坤。縣知揮洒日。硯沼雨翻盆。
毒藥醒醐句。當機斷命根。密菴曾落賺。鍾阜莫欽遵。
次空室韻贈中竺傑侍者

爾家有祖菴室翁。天南地北趨玄風。豈但宗通說亦
通。肆口說法諸法空。下視碌碌皆兒童。妙圓不涉空
假中。二三四七將無同。聲動談摩觀史宮。鴻鐘鐸鈞
鼓。鑿鑿家嗣傑出千叢等。觀萬物垂慈。睡鄒峯靈
塔慈雲籠。佛智燈連廣智公。天曆聖代親遭逢。如佛
出世福慧充。中天調御天人雄。利生悲願無有終。慣
用熱鐵并洋銅。玄沙釣魚在孤蓬。石鞏生涯唯一弓。

弄大旗鼓若總戎。懷哉癩菴心。爲忤愛爾入室朱顙。
紅浩氣橫空猶蟬。蝟飽參華夏聲譽。隆扶桑歸計休
恐。恐千鈞大法在爾躬。老我聞見如盲聾。

示七閩鼎禪者

叢林秋晚時。祖脈絲縣鼎。學佛要明心。參禪須見性。
心空性卽空。頭正尾亦正。拗折石鞏一張弓。拈出玄
沙三種病。

示巖州用禪者

但能善用其心。則獲勝妙功德。乃先聖之格言。貴當
人之不惑。展闢七尺單。豎起生鐵脊。脚下如臨萬仞
坑。腕頭何翅千鈞力。前無釋迦後無彌勒。昨夜桐江
水。逆流釣臺浸爛嚴光石。

次中竺韻送元藏主兼柬楚石和尚

縱橫筆陣元和脚。寫出威音前一著。權實昭彰理事
全。佛祖讓誰甘小却。平地驚翻千歲巖。煒煒煌煌尤
赫赫。老子全施格外機。不比尋常黑豆法。藏主道韻
熙春陽。況是年華方盛。強少室門風苦寥落。要須努
力揚餘光。黃檗何孤打臨濟。雲門底事師曾。鄒叢玉

軒中喜相見。十里平湖開鏡面。深愧疎慵日。應酬攪得身心一團線。先師未了舊公案。眼底憑誰爲批判。寄語秦川楚石翁。老驥騰驤當血汗。

彌首座還嘉禾。兼東南堂天寧三塔興聖資。
聖顧玉山諸老。

黃梅雨歇。江天涼。薰風南來。白晝長。閒房古寺。不肯住。却憶并州。是故鄉。臨行袖紙。索長偈。信筆莫嫌無好句。法弱魔強。正此時。濟北顏綱合扶起。只今四海惟南堂。佛病祖病。排膏肓。有若長庚。配殘月。清光爛熳。天一方。更愛南湖第一刹。瓦礫縱橫。熾然說瑤樓玉殿。現毫端。不費腕頭些子力。龍圖直下。深無底。浩浩松源有源委。不比尋常藥水。銀真成師子。一滴乳。虹渚風煙。接爽溪。伯吹壩。兮仲吹簾。放開拂手展驢脚。縱橫妙用。皆全提。一笑三生淨名老。問道全身入荒草。勘破諸方老古錘。奪市攪行非小。小醉李亭前好歸去。一一相逢。煩道意。千里同風。不用論也。知首座多長處。

盈藏主歸淮南

日月盈昃。辰宿列張。江河流注。山巖崢嶸。頭頭普示。物物全彰。子也親曾入吾室。有口只堪高挂壁。本無一法可流傳。拈花微笑成狼藉。一氣轉一大藏教。萬象森羅俱絕倒。直得長淮水逆流。凌霄峰頭日杲杲。袖紙殷勤索贈言。大似撥火求淵泉。丈夫胸中有天地。止啼黃葉非金錢。

次西齋韻贈定藏主

如來四十九年說。偏圓半滿無空闕。始終一字不曾談。無端重把牢關泄。道人秉志事參方。勇猛精進光明幢。信手揭翻華藏海。樹頭驚起魚雙雙。直得虛空失笑。萬象拱立。又誰管你無位真人。常在面門出入。君不見老趙州。眼無筋。大王來不起。身有問。萬法歸一一歸何處。却道我在青州。做一領布衫。重七斤。

次韻贈福藏主

無上兩足尊。福足慧亦足。法門廣闊度羣生。六六依然三十六。大藏教兮一絡索。子細看來。特地錯。嘉州大象。驚翻身。陝府鐵牛。擲角子。是龍河英俊。俊流何勞向外空。馳求五千餘卷。瘡疣紙十聖三賢。茅闥籌

無本據有來由。禾山只解打鼓。雪峯一味。輟毬休休。
春光似酒。春雨如油。隨緣放曠。任運優游。盡說洛陽。
花似錦。不知春在柳梢頭。

次西齋韻贈真藏主

道人學道如香象。截流渡河真勇猛。馬駒踏殺天下。
人一喝耳聾。惟百丈古今不隕一絲毫。力行古道毋。
辭勞。一氣轉一大藏。教銷得黃金北斗。高誰言祖諱。
休輕觸五逆兒孫。無面目如何是佛麻三斤。直下分。
三要成六。

示福建常禪人

天不能蓋地。不能載。豈常人之所能荷擔。大小祖師。
問著。但道不識。不會航海梯山。千里萬里。東討西尋。
不是不是。著衣喫飯。時屢尿送尿處。如形影之相隨。
求人不若求己。君不見玄沙。備不出嶺來多意氣。踢。
破娘生脚指頭。百世光明照寰宇。

次韻贈秀北宗藏主

面南看北斗。火裏蘆花秀。一句三玄。濟北宗拈來塞。
斷續僧口。大藏與小藏。雙收復雙放。大洋海底。衰沒。

馬之紅塵。須彌峯頭。鼓滔天之白浪。潦倒徑山。慚無。
伎倆。謾贈短歌。敲空作響。龍打鳳。羨龍河龜毛。結。
網三千丈。

示寶陀春藏主 泗州大聖受業

寶陀殿上觀音。泗州城裏大聖。神通妙用。縱橫總是。
冬行春令。德山入門。便棒。臨濟入門。便喝。知之者謂。
之喜捨慈悲。不知者喚作尋常。孟八道人。諮參徧寰。
宇。扶珠直入滄溟底。眼頭蒼翠。既分明。脚下淺深。還。
自委。

示脩藏主

祖師巴鼻。莫辨金沙。空中結紐。石上栽花。一大藏教。
對一說。拄地撐天。緊驢。斷金鎖。天麒麟。等閒挨。
落天邊。月會則事同一家。不會千差萬別。那吒頂上。
喫蒺藜。金剛脚下流出血。

格首座歸日本次韻

是不是。非不非。肩橫七尺烏藤枝。從來首座有長處。
脚未踏門。吾已知。不用說心說性。何須象席打令問。
訊燒香喫茶。分明如鏡照鏡。昨夜文殊普賢。起佛見。

法見貶向二鐵圍山。休論夢昇兜率。劍挂眉間。翻身
靠倒扶桑國。南海波斯念八還。

恩禪人參方

恩禪欲參方。袖卷紫長偈。更不涉思惟。分明爲君舉。
閩越山萬重。江淮水千里。縱橫拄杖頭。總是自家底。
有佛處不得住。何妨小小盤桓。無佛處急走過。正好
遲遲遊戲。遇飯卽飯。遇茶卽茶。可行卽行。可止卽止。
草鞋踏破。早歸來。莫待秋風撼庭樹。

示淨心禪人

心淨則佛土淨。刹剎塵塵大圓鏡。心空則諸法空。昨
夜南山虎咬大蟲。參禪只要明心地。立雪神光曾斷
臂。覓心不得卽安心。達磨大師無本據。我無一切心。
何用一切法。心空及第好還家。萬里北風吹鬢發。

次韻示東林守禪人

學道譬彼用兵善戰。不如善守。但知能言匪舌便解。
行拳非手何煩拋却。東林遠參西麓病叟。汝既單刀
直入。我卽烏藤便撻。棒頭拾得全身。未許開張大口。

成禪人參淨覺

學道本成見萬法。唯心識頭頭見。釋迦處處逢彌勒。
實學真參大丈夫。釋迦彌勒是他如鼻孔。吸乾四大
海。眼睫倒挂須彌。盧任性優游天界。隨緣放曠。

皇都誌公豈是閒和尚。達磨道地老臊胡。一箇現十
二面。觀音問渠那個是正面。一箇道廓然無聖。第一
義諦爭得無要須超越。莫受塗糊。淨覺國師機用別。
紫羅帳裏撒珍珠。

示傳無用

用無用爲無爲作。無作活衰。衰明落落。剛然索我無
用之空言。畫地未免重添足。無用老知不知用。而無
用爲無爲。大洋海底紅塵飛。用而無用。作無作。空裏
磨盤生八角。用而無用。無亦無。蠅螟吞却須彌。盧便
恁麼去。未敢相許。別有商量。賣弄口背。無用老怎麼
好不若從他要用。使用生鐵團上。休尋縫要爲便爲。
饑來喫飯。寒著衣。要作便作。春至花開。秋葉落。須知
執法修行。正是無繩自縛。君不見祖師道大用。現前
不存軌則。桑條上著箭。柳樹上出汁。妙用恒沙。有何
極。又不見傳大士曾有言。空手把鋤頭。步行騎水牛。

後夜雙溪弄明月。看取橋流水不流。

新首座歸荊溪山居次印心韻

大乘根器生神州。冰枯雪老知幾秋。碧明胡僧眼未識。迢迢謾作真丹遊。一言易出難翻款。九年面壁嵩山畔。殃及齊腰立雪人。覓心不得忙如鑽。道流問道來江東。龍河萬緒如雲從。眉間劍氣拂牛斗。相逢政好論宗風。五葉一花開朵朵。達磨不曾傳慧。可不見當年老藥山。一物不爲唯宴坐。道流好歸松石室。自在經行及坐臥。有問西來事若何。樓至拳頭如鉢大。雪巖和尚牧牛歌。慶禪人請和。

雪巖牧牛機不密。溪東溪西露聲跡。引得無知瞎屢生。終日茫茫去尋覓。何如長慶一牧三十年。調伏功深有來歷。或全放或全收。縱橫自在無拘留。閒鞭索舊犁。把瓠地一聲俱颺下。從教日炙與風吹。饑來喫飯寒著衣。脚頭脚尾乾坤闊。鼻孔撩天雙眼活。三叉路口夕陽紅。酒旗獵獵搖晴空。短笛橫吹西復東。落花飛絮春濛濛。

次韻送等藏主

生佛本平等。參方須見性。衆生無相身。諸佛無見頂。光明徧剎塵。晃晃相輝映。是藏不是藏。非心亦非境。少減與多添。曾不墮虧剎。蚤吟秋夜長。鳥啼春晝永。明明絕覆藏。歷歷亡偏正。物我了真空。順逆委天命。法海浩無邊。行行恣游泳。堪嗟演若多。迷頭徒認影。

震藏主歸吳兼柬萬壽行中法兄次全室韻

七穿八穴毗盧藏。不住十立并六相。五千餘卷錯流傳。說性說心皆影響。拈花微笑本無旨。冷暖自知魚飲水。二三四七謾相承。上大人兮丘乙巳。我昔叨居慧日峯。當場蹴踏多象龍。子方年少擅英俊。力探此道嘗游從。老我衰殘非舊日。喜子龍河扣全室。全室當今大法王。爲人只個龜毛拂。頂門有限分邪正。塞却耳根休聽瑩。凌滅宗風五逆兒。佛祖天魔隨號令。北山與我同心曲。白紙不勞馳片幅。爲言早晚定南還。相看羹火煨黃獨。

友禪人請藏經歸日本次韻

善財南詢見初友。拈得鼻孔失却口。彈指豁開樓閣門。震徧震兮吼徧吼。益堂遠自扶桑來。鯨濤直度無

縈迴。願風五日到中國。喜見海山萬朵青。崔嵬構得
藏典五千四十有八卷。豈憚山長并水遠。明朝別我
又東還。好把船頭輕撥轉。須知大法本無傳。樹林水
鳥當敷宣。石城山前重回首。佛日照曜東南天。

虛室贈滿藏主次韻

幻有不異真。空虛妄不離。眞實有室胡爲揭。虛空此
室無面無背。與虛空而同大。苟離實而卽虛。六戶皆
成有礙室之實。無邊利海俱包含。室之窄纖毫長物
難藏著。寬窄虛實當頭坐。斷不用論量。十世古今一
念現。前了無縣隔。此室非空亦非有。要在當人善持
守。等閒和底盡掀翻。噴嚏也成師子吼。

元禪人歸日東

大唐國裏無佛法。胸次莫留元字脚。行脚參方合自
知。差病不假驅馳藥。達磨老臊胡。西來成大錯。人人
鼻孔揀天箇。箇眼生三角。直指人心。心本空。見性成
佛。佛乃覺春。至自華開。秋來還葉落。踏破草鞋歸去
來。萬里海天飛一鶚。

示山居持首座

堅持密行。默照深禪。執之失度。放之自然。端可以卷
舒。立方外乾坤縱橫。挂域中日月說甚麼。眉間挂劍
血濺梵天。君不見大梅一見馬師。後拈得鼻孔失却
口。直入千峯與萬峯。誰肯將身藏北斗。又不見潦倒
龍山住菴。日入海泥牛絕消息。不知塵世是何年。但
見日頭東畔出。菴居識得菴中主。狸奴倒上菩提樹。
不妨百鳥獻花來。從教榮葉隨流去。

洞庭謠送嘉則堂住水月

東洞庭西洞庭。下瞰太湖三萬六千頃。白波之浩渺。
上矗奇峯七十一二朵。秀色之空青。金刹星躔焯雲。
漢林屋路。宵通滄溟。盧公石屏凜生面。尙想叱咤生
風霆。更憐慈受樂幽隱。樹林水鳥共演妙法談眞乘。
釋古輝今。詩二老俯仰有誰同。此道水月光中得。異
才善舞不妨場。地小清淨之身廣。長舌坐斷湖山熾。
然說水天無際。月孤圓一切水月一月。攝楊岐乍住
空四壁。辛苦栽田博飯喫。風穴單丁儼千衆。百世高
風動寥泬。復先德之眞規。埽末流之塵跡。插一莖草。
現瑤樓玉殿。未稱全提布。縵天網打衝浪。錦鱗不勞。

餘力流芳天瑞挺孫枝臨濟未是白拈賊

古鏡贈明禪人

混沌未分世界未立一片靈光湛而常寂靜鑑萬象
洞照十虛交徹融攝無欠無餘胡來漢來日面月面
見見之時見非是見爾稱古鏡當究厥旨耀古騰今
輝天鑑地

湛源贈定禪人

眞源湛寂撓之則昏靜以照之鏡而不痕儵然情波
忽焉識浪流轉三界千態萬狀咨爾定力五濁俱捐
塵塵清淨刹刹澄圓

已上皆
長短句

愚菴和尚語錄卷第八

愚菴和尚語錄卷第九

偈頌

門人 護位 等編

讀華嚴

華嚴法界浩無邊玉轉珠回滿目前究竟直須超性
海精通猶是澆心田不離當處該三德曲說多方顯
十立慚愧舍那尊特父誑兒偏解奮空拳

讀法華

六萬餘言最上乘寒窓相對篆煙騰無邊譬喻刀頭
蜜大事因緣火裏冰彈指不妨開寶塔焚身誰解繼
眞燈循行數墨三千部一句全超憶慧能

讀楞嚴

諦觀佛頂首楞嚴金口流珠顆顆圓大定不離修萬
行密因先合斷三緣毫端現刹難思議眼處觀聲絕
正偏赤手果能探教海得魚須信實忘筌

讀楞伽

大品楞伽奧旨深止啼黃葉勝眞金了知我相元無

我直達心宗。豈有心兔角龜毛。雖此況情波。識浪任浮沈。百非四句俱拈却。蝶蟻蚍蜉解賞音。

讀圓覺

大圓覺海廣尤深。誰信真源近可尋。三觀澄明標匪月。六塵清淨鎖元金。却憐調御多饒舌。未許曼殊獨賞音。披卷只圖遮老眼。剋期修證本無心。

血書華嚴經

五十三人血戰來。百城煙水盡成灰。毗盧樓閣紅雲湧。帝網山河赤幟開。十指頭邊師子吼。一針鋒上象王回。有無功力難思議。直得腥風徧九垓。

墨書法華

松陵信士王元吉。夫婦同持妙法華。笑倒虛空多寶塔。驚翻露地白牛車。世緣未了曾何礙。寶所親登定不差。朵朵青蓮毫末現。腕頭餘力更堪誇。

綉字金剛般若經

般若靈文宿有緣。等閒綉出喜功圓。銀鉤鐵畫分行布。玉線金針顯妙玄。兔子懷胎皆剎法。蚌含明月匪眞詮。金剛正體堂堂露。錦上添花五色鮮。

秦因二上人同書華嚴

毫端幻出大華嚴。名句形身勝妙參。寶網雲臺同演說。塵毛法界盡包含。衆生共入毗盧藏。梵苑雙敷優鉢曇。披卷了無文字相。善財財空走百城南。

藏主職滿還吳

今古何曾有悟迷。南屏嬾把布毛吹。山青雲白光明藏。鵲噪鴉鳴小艷詩。十里平湖秋澹澹。三吳歸路黍離離。莫嫌送別無分付。又是重安眼上眉。

僧院判奉旨降香育王寶陀北歸次雪窻和

尙韻以贈

西河師子僧思吉。遠降天香跨海回。設利寶光開五色。洛伽大士舞三臺。孤峯頂上逢彌勒。百草頭邊識善財。聖主無爲千萬壽。南方佛法未全灰。

答訓書記兼柬師林立卓峯

撒土猶能更撒沙。難兄難弟喜通家。咬人師子全牙爪。逐塊韓盧曳尾巴。月下守株空待兔。棒頭打草要驚蛇。顏綱力振看能事。種豆何妨得稻麻。

寶藏主還吳江

法王大寶秘形山。靚面當機要見難。紙襖鈔來渾是錯。柴舂颺下太無端。神駒墮地萬里志。彩鳳衝霄五色翰。少室宗綱方解紐。未容高臥曲江干。

無言

始終一字不曾談。開口分明落二三。少室九年成滲漏。毗耶一默露廉纖。禪證謀謀蒼虎紙。教綱重重鶻臭衫。截斷溪聲廣長舌。春風飛燕自喃喃。

次韻答夢堂法兄

兵戈南北競喧爭。兄弟分違似隔生。瀛海丹山君宴坐。劫灰雙徑我徒行。只添束篋腰間重。依舊眉毛眼上橫。賴有祖翁家活在不妨。日午打三更。

示道同淨人

大道何曾有異同。纔生分別便乖宗。堂堂獨露聲塵外。歷歷常居動用中。明鏡非臺光自照。菩提無樹體元空。迢迢龍翔人歸遠。千古誰能振祖風。

答普濟元恕法兄

機鋒抹過睦州蹤。幢蓋行看上五峯。花偈寄來春尚早。蘿窓披翫雪初融。樓臺突兀吳江上。瓦礫從衡徑

塢中裁謝莫嫌成。懶慢弟兄千里本同風。

妙藏主參方

純圓獨妙子深諳。紋屨何須事別參。良遂無端見麻谷。德山落賺到龍潭。潭衝雲笑日遼天。鶻芝駕空羣汗血。驂袖裏摩尼發光怪。照開煙水百城南。

無竭

一滴流來自劫空。涓涓不絕遠朝宗。延洪孰究根源力。消長全超造化功。沃日滔天殊未泯。分枝列派有何窮。叢林萬古均沾溉。共喜曹溪正脈通。

次韻送日東俊侍者入閩

三喚三呼若震驚。屎腸抖擻爲君傾。國師機用親仍切。侍者威儀老更成。柳栗枝頭懸震旦。蠨蛸眼裏泛蓬瀛。天風亭上聽秋雨。滿耳須知不是聲。

答蘇昌齡編脩病中索茶

東土西乾老淨名。經秋不見渴塵生。每懷取飯香積國。未暇問疾毗耶城。劇談直欲離言說。安眠豈有閒心情。趙州道個喫茶去。晴却幾多人眼睛。

次韻奉答張蛻軒承旨求作師祖善權和尚

塔銘

閣老文章有耿光。任將四大作禪床。筆頭慣點金剛眼。手面宏開大寂場。鯨海重勞詩遠寄。龍淵深喜道相忘。亭亭祖塔西岡上。有待攜辭下帝鄉。

次南堂了菴和尚韻

拂袖中吳第一峯。南堂岌岌凜高風。坐令鶻嶺真規復。不翅松源正脈通。長庚爛爛橫霄漢。野鶴翩翩絕檻籠。快活有時無著處。風顛寒拾恰相同。

次韻示堅禪人

芭蕉身相本非堅。生死根深苦繞纏。直下一刀成兩段。何須問道與參禪。砂鍋頓頓齏羹飯。石鼎時時柏子煙。三際十方俱坐斷。不知誰後復誰先。

答天章復初法弟

嘸羅智者講天台。潦到盧公辯鏡臺。法法無差波即水。新新不住火成灰。力將正說排邪說。驗盡南來與北來。佛日孫枝饒挺秀。鐵華還向樹頭開。

師祖善權元翁和尚忌辰撫景感懷七首

今朝五月廿四日。老倒禪翁恰化生。佛祖位中無住

著人天路上。謾從衡亭亭。峨石機猶峻。岌岌龍巖話。大行欲識善權端。的旨日輪卓午打三更。

薰風庭院日偏長。徧界明明不覆藏。今雨稚松爭拔地。故園新竹已過牆。固知鼯鼠非他物。忽聽鳴蟬報夕陽。六十六年來又去了。無生滅可論量。

病魔垂老任交攻。高臥匡牀丈室中。四大色身元是妄。多生業障本來空。華池寶所阿鼻獄。火聚刀山兜率宮。天上人間恣游戲。開軒徒自挹玄風。

櫻桃盧橘遠簷栽。小小方池手自開。曇諦不忘書鎮約。黃梅重駕願輪來。多身有待分塵刹。全體那辭育聖胎。薄福住山頭已白。深恩何以答涓埃。

棟宇渠渠更故新。寸長尺短妙經綸。竹頭木屑知功力。露柱燈籠識苦辛。香積引泉來百丈。層樓送目過由旬。却怜坐臥經行處。物物全彰淨法身。

爲愛團欒十畝園。紅芳消後綠陰連。杖藜日涉真成趣。野菜時挑不費錢。臨濟栽松親鑿地。仰山種粟自燒田。祖翁活計誰相委。獨立南榮爲惘然。

舐犢之情似海深。誰知黃檗老婆心。醍醐酥酪皆同

味釵鉶餅盤等一金彈指全超法報化。飄身坐斷去
來今。高堂素壁薰風裏。遺像重瞻思不禁。

送相長老潛長老住宣州妙相法相次韻

宛陵奚翁之故鄉。朝來喜送諸孫行。珍重難兄與難
弟。願言爲法不爲名。雲山千里遙在目。祖脈一縷尤
關情。日炙風吹木瓜樹。描不成兮畫不成。

次韻答寄昭明才無學藏主

錦峯山下千年寺。橫翠堂中一老身。晝夜心源常湛
寂。冰霜戒檢獨清新。彌陀見在忘形友。慈氏當來入
幕賓。願與趙州同甲子。裏茶聊寄雨前春。

曇藏主職滿還承天次剛中禪師韻

一氣轉一大藏。教回頭故國。是夫差驚群喜見英靈
漢圓相。休呈老作家。手面生機禽虎兇。頂門正眼辨
龍蛇。叢林秋晚看昂拈。遍界開敷五葉華。

次韻寄開化一元禪師

厭看功臣樹色蒼。故山端的勝殊方。桑麻原隰連香
徑。金碧樓臺峙寶坊。淪雪小齋雲半榻。貫花新偈日
千行。春深四大輕安否。佛祖權衡賴抑揚。

退歸海雲受業謝祥止菴過訪次韻

散席歸休愧老蒼。匡徒行道任諸方。百年寄幻依雲
麓。午夜傳衣憶確坊。笋蕨時挑殊有味。杉松手植已
成行。春風短策勞相過。活計都盧爲舉揚。

次韻答靈隱介菴

應世隨緣沒奈何。秋來說法喜無魔。須彌椎打虛空
鼓。般若舟橫苦海波。石子岡頭潮信早。梅花洲上月
明多。江流不盡深深意。獨許吳音唱楚歌。

早出餘杭感懷

佛祖宏規有準繩。侯門無事愧頻登。蒼茫五髻三更
月。迢遞千巖萬壑冰。心跡任教同槁木。姓名何必上
傳燈。覺天不夜空無際。寂寂行看慧日昇。

次韻答愚仲法兄

寶華白晝雨空山。滿紙伽陀辱遠班。頓覺五峯嘉氣
集。坐令千載古風還。縱橫妙灑鐵鉤鎖。精瑩雄辭王
佩環。焚香打鼓曾請看。津津喜色動衰顏。

寄天寧白菴

聞道南湖第一山。交參龍象雜官班。東頭賣賣西頭

賤空手來時。赤手還頂顙。一機猶掣電。語言三昧若連環。鐵船下海休輕舉。老叔談禪亦強顏。

答東皋伯遠法師二首

東皋尊者隱郊墟。小小屠蘇略史居。切栢代香朝演法。卷簾進月夜紬書。村園界熟秋霜後。花徑苔生宿雨餘。心境兩忘諸幻滅。更於何處覓真如。

楓宸召對足光榮。峻辯宏機悅衆情。一妙九旬談不盡。千差萬別證無生。中吳大士推三傑。上國高僧第一名。道重

金輪聖天子。毗盧頂上等閒行。

次韻寄行中法兄

幢蓋東游駐北山。青鞋同踏薜痕班。十年不見風塵隔。幾度空懷信息還。猛虎口中撐玉箸。狡兔領下解金環。利竿倒却誰扶起。爭羨拈花獨破顏。

次韻寄德富講師

老倒龍潭接德山。紙燈滅處管窺斑。爭如東塔生機妙。力挽西乾正脈還。爛爛雜花真富貴。澄澄性海自旋環。丹崖碧嶂秋光裏。一笑何當展瘦顏。

復次韻答愚仲法兄

碌碌虛聲冒五山。驅馳贏得髮毛斑。宗綱委地慚無補。節序奔流去不還。浮世百生蛇戀窟。勞生三界蟻循環。凡平等難調。制願我疎才覺厚顏。

答前開元方崖法兄二首

宗教人才繫重輕。弟兄垂老益關情。徒勞利說仍塵說。盡把風聲作雨聲。勇退曾聞法雲本。高閒誰似覺天清。尙期末路參玄士。悉使歸家罷問程。

秋晚叢林委地空。菴居小小不雷同。單提獨弄三江上。萬別千差一照中。船子清風來夾嶠。馬師異類得龐公。遙知緇白交參處。入夜高燒蠟炬紅。

悼楚石和尚三首

潦倒奚翁的骨孫。高年說法屢承

恩。麻鞋直上

黃金殿。鐵錫時敲白下門。煩惱海中垂雨露。虛空背上立乾坤。秋風唱徹無生曲。白牯狸奴亦斷魂。聖主從容問鬼神。當機一默重千鈞。茶毗直下金門詔。火聚全彰淨法身。平地驚翻三世佛。等閒瞎

却一城人大悲願力知多少。枯木花開別是春。
匡床談笑坐跏趺。遺偈親書若貫珠。木馬夜鳴端的
別西方。日出古今無分身。何啻居天界。弘法毋忘在
帝都。白髮弟兄空老大。剎竿倒却要人扶。

次韻賀象元禪師遷徑塢

萬仞龍門奏凱歸。山頭魚躍井塵飛。生機透脫空諸
有妙用。縱橫顯衆微。四海叢林師望重。三台人物曉
星稀。祖翁塔所能延老。擬辦遮寒布衲衣。

用韻寄天界全室禪師

詔領宗壇萬衲歸。龍河花雨日紛飛。朝回曙色開黃
道。定起靈光繞紫微。貝闕珠宮天上有。法王禪將眼
中稀。何當一扣毗耶室。笑攬金紅屈眴衣。

答謝前虎丘行中法兄過訪

忽報雲巖老漢歸。秋風瀆水片颿飛。衝霄鐵鳳離金
網。戴角於菟出翠微。勇退急流今古少。相看白髮弟
兄稀。願同寶掌千年壽。五髻峯頭一振衣。

次韻答天之西堂

天寧活計了無錐。直指宗風力主維。少減多添能恰

好。橫該豎抹總相宜。神機掣電全生殺。妙語流珠燦
陸離。九里湖邊弘法施。任教諸子廣傳持。

慧侍者歸吳門

侍者參得禪了也。戴角於菟插翅飛。笑倒生公點頭
石。合傳隆祖袒肩衣。論功何啻超乾慧。唱道還看顯
大機。莫把閒情憐老叔。長江好泛鐵船歸。

次韻答寄佑啓宗二首

麗藻天垂五色雲。龍河倦客思紛紛。永嘉一宿曹溪
室。智者兼修止觀門。今古閒生人物異。教禪同仰法
王尊。放開佛手伸驢脚。任使諸方謾度論。
風標濟濟出羣才。目眎雲霄臥草萊。未許知心排闥
起。肯因傳語下山來。陰涼大樹元無種。般若靈苗宿
有芽。爭頌楚材須晉用。只應僧佑衆中魁。

次韻悼逆川和尚

潦倒川翁莫與京。去來何用問前程。踏翻大地無行
跡。撲落虛空絕謂情。任爾鐵牛生憤子。從他海燕作
雷聲。臨終說偈辭。

明主不比尋常蚓竅鳴。

次韻懷幻隱首座率衆鳳陽法會

說法濠梁據上。班聲傳萬國。盡歡顏。四花繚繞人天。
座百寶光嚴。虎豹關。赫赫神符懸肘。後煌煌慧劍挂
眉。閒三千龍象。隨高步。歲晚江空。願早還。

示白禪人

白業精修苦行堅。未明心地更加鞭。三乘教外元無
法。七尺單前豈有禪。莫學少林空面壁。從教南嶽自
磨磚。鐵牛掣斷黃金索。鼻孔撩天不著穿。

龍潭舟中寄天界全室禪師

詔許還山得便風。吳船如屋大江東。
聖皇有道逾仁廟。野衲非才愧璉公。袞袞波濤皆
睿澤。寥寥天地一冥鴻。三年旅食曾無補。回首龍河
思莫窮。

法城禪人化緣修磧砂經坊

城禪切忌墮疑城。施受論功只磧膺。大法本來無一
字。釋尊方便說三乘。輝天鑑地光明藏。塞壑填溝爛
葛藤。隨順世緣平等化。道人行處火燒冰。

示吳無妄居士

魅金嶺下摧菟裘。火種刀耕已白頭。摩詰有妻稱法

喜。釋尊生子謂羅睺。一真境界無虛妄。三大僧祇孰
進修。識得本原心。卽佛火中踢出百華毬。

次韻示萬壽因藏主

本來平等沒疏親。學道應須達正因。只爲衆生迷寶
藏。直教大覺棄金輪。北山密付刀頭蜜。西麓全提眼
裏塵。石火電光猶是鈍。當機無我亦無人。

悼開元方崖法兄

丁巳十月十六日。開元老漢入泥洹。信腳踏翻浮佛
閣。全身抹過聽秋軒。衆人索偈聊書偈。至道離言豈
有言。七十年無罣礙。話行東土與西乾。

老禪遷化荊溪寺。物物全彰淨法身。蛻角泥牛耕碧
落。懷胎玉兔袞紅塵。雙趺示相機雖妙。一曲無生調
轉新。大寂定門來又去。曇花重現少林春。

次韻示明禪人

護龍河上寺。濟濟衆如林。擬欲求玄旨。應須達本心。
能傳南嶽讓。素得徑山欽。日用宜高潔。雲生性地陰。

次韻示聞維那

教體音聞外。真空是道場。龍河機用別。鶯嶺話頭長。
門掩三春雨。身全五分香。罰錢仍出院。切忌錯商量。
贈敏侍者兼簡度白雲

機用誇神敏。叢林譽蚤騰。永嘉恰一宿。雪嶠愧三登。
共羨非凡種。深期續祖燈。國師同在客。喚爾急須膺。
達禪人參方

雲山佳衲子。宜遠境唯心。自說遊京國。親曾訪道林。
話頭明歷歷。脚債尙駸駸。勿惜勤參禮。玄門似海深。
示守正禪人

參禪能守正。邪念任紛飛。試究紛飛處。終歸湛寂時。
縱然諸境界。不隔一毫釐。言外知端的。虛空展笑眉。
善住禪者參方

白雲堆裏住。知識久咨參。既善探玄旨。何妨出翠嵐。
諸方無別法。此語貴深諳。客路驚秋早。頭頭爲指南。

山樓秋夜三首

月色白如晝。松陰多似雲。窓虛山欲墮。燈炮夜初分。
河影中天見。泉聲隔樹聞。小樓成獨坐。此景與誰論。
衰草綠幽徑。疎林出短牆。風回驚宿鳥。露下泣寒蟬。

歷歷無差互。頭頭自顯揚。跏趺坐來久。重爇瓦爐香。
秋半山樓好。匡床夜不眠。感時思佛果。撫景憶南泉。
月下機何峻。更深語最玄。寥寥千古意。危坐獨超然。
寄德巖行講師

七帝論心鎮國師。雨窓孤坐想風姿。化龍叶夢孫枝。
在濯濯優曇見一枝。

寄洞庭羅漢琛頭石書記時居祖憂

秋風木葉洞庭波。愁殺山中諾詎那。恩愛盡時煩惱。
盡好攜餅錫出煙蘿。

次韻危太樸翰林錢塘留別

護龍河上翻經日。西子湖頭立馬時。話盡山雲并海。
月。此情只許白鷗知。

寄普慈東堂蘭石和尚

蒼雪樓頭八十翁。空華幻境盡銷鎔。風微晝永南山。
麓。拄杖穿林看舞龍。

招衍懺首掌記

二月東吳浩蕩春。青天時雨講花新。緜緜教網周沙。
界。透脫須還是錦鱗。

罪性元空懺亦非。一心三觀涉離微。太虛爲紙須彌筆。倒用橫拈最上機。

念禪人禮補陀

一念普觀無量劫。塵毛刹海總圓通。白花巖畔金剛石。昨夜藏身北斗中。

登五雲山望江亭

高亭注目正清秋。野曠天空事事幽。白鳥青山雲淡淡。滄江斜日水悠悠。

示壽知客

開先寺裏迎賓日。禪月堂前索偈時。客路如天春似海。子規啼斷落花枝。

勝禪人歸宣州

名字既同黃檗勝。參禪須會趙州無。昨夜宣城木瓜樹。開花結箇苦胡蘆。

解制二首次大覺象元韻

凌霄一夏九十日。無佛無我無衆生。昨夜秋風動林樾。任教白髮長新莖。

九旬共喜無諸難。功行誰能驗蠟人。彼此住山成老

大又看桑海一番新

血書法華經報母

筆底紅蓮朵朵開。是真法供如來。指端瀝盡娘生血。全體何曾出母胎。

福建琦禪人禮峨眉普賢大士

聞蜀同風莫外求。峨眉山月半輪秋。玄沙不出飛高嶺。築破娘生脚指頭。

用宋景濂學士韻送安侍者回育王開本師

塔銘

點開鄮嶺金剛眼。照破昏衢萬八千。無相光中老居士。話行東土與西天。

乞得金華學士禪。絕勝荷囊獲純絲。鐵鍬不用尋靈骨。密意分明在汝邊。

贈鑷生

千僧遍剃娘生髮。一念全超罔極恩。老我畏寒偏護頂。謾勞彈鑷到雲根。

寄前瑞巖恕中和尙

惺惺石上主人翁。一室高居太白峯。靖退只今非小

節知心未許石門聰

千里同風各莫年。任教滄海變桑田。獨憐熊耳峰頭

月。昨夜蝦蟆蝕半邊。

徒誇錦瑟與瑤琴。妙指方能發妙音。却憶鰲山深雪

夜。弟兄傾盡歲寒心。

示日本春禪人三首

少林春色徧遐荒。不隔扶桑與大唐。三拜起來依位

立。無端好肉自剜瘡。

扶桑人種陝西田。打著南邊動北邊。踏徧支那知落

處。阿難依舊世尊前。

參禪只要了心地。欲覓了時無了時。未跨船舷三十

格。老僧失却一莖眉。

建長明南浦四會錄

蟪蛄眼裏五須彌。靠倒虛堂老古錫。四會搏桑熾然

說。曾無一字挂唇皮。

謝嚴子魯左丞惠貢餘新茶

槍旗不展策全勛。占斷江南第一春。除却金輪聖天

子。舌頭具眼是何人。

寄王畊雲照磨

春山老圃帶雲畊。芝草琅玕滿地生。讀罷楞伽日亭

午。海棠花下聽啼鶯。

示郁止齋居士

學道應須達正因。道原曾不離諸塵。當知一切衆生

界。卽是如來淨法身。

祖禪人歸五祖

風流公子正法眼。紅粉佳人最上機。拈却東山左邊

底。祖天日月倍光輝。

義禪人歸京口次嶼雲心西堂韻

直將直義報禪流。法法毋勞向外求。月滿淮南江水

白。角聲吹徹壘城秋。

洪武戊申浙右三宗諸山奉旨會于天界

寺十僧相繼坐化。吳江佑上人集遺偈成卷。

請題

十方薄伽梵。一路涅槃門。苦海孤舟客。徒勞刻劍痕。

題一雨師悼頌卷有號眞實尊者

稽首一雨師。日用惟眞實。抹旱自焚身。精進波羅蜜。

愚菴和尚語錄卷第十

自題

門人 道彝 等編

芷都寺請

沉有芷。澧有蘭。花根本艷。虎體元斑。楊岐輔慈明匡徒。只說此法鼓。山佐雪峯。闍化話無兩般。覺斯今行斯道。若丹青之寫象。猶匠石之斲場。坐斷西湖南。宕力回倒海。狂瀾金圈栗棘。橫該抹千古叢林。作話端。

淨慈行堂請

眼生三角頭。峭五嶽心性。急如弦。胷中無點惡。東海鯉魚打一棒。雨似盆傾。南山白額奮全威。天魔膽落。截斷妙喜葛藤。埽蕩永明糟粕。却憶老盧公。辛勤在龍朔。確嘴花開劫外春。千古高風動寥廓。

延慶略長老請

韜略全無威權。何有皮膚脫落。盡留得一張口。四會說法住山。一味縣羊賣狗。父子雖親。妙不傳喝。下須彌顛倒走。

定慧寶長老請

滿肚貪瞋癡。通身戒定慧。日用任縱橫。非如亦非異。拈來妙喜竹筴。敲出臨濟骨髓。南山驚鼻噴腥風。龍王宮殿波濤起。

中竺悟長老請

老屋數椽春寂寂。長松萬本晝陰陰。空山盡日無餘事。時聽黃鸝送好音。

題跋

趙魏公書楞嚴長偈

梵語首楞嚴。此翻一切事究竟堅固。良由慶喜未全道力。求佛方便。故世尊示之以十方。如來一門超出妙莊嚴路。乃至多方抉擇。真妄發明。陰入七大皆如來藏。使悟器界萬法當體全真。銷億劫顛倒妄想。獲究竟堅固法身。於是說偈讚佛。發願度生。虛空可亡。心無動轉。實爲微妙章句。松雪居士趙魏公大書。特書以傳不朽。書法之妙大海爲口。須彌爲舌。贊莫能及。而公出處尤大名滿天下。碩德盛業不可思議。得非楞嚴會上。菩提薩埵。乘大願輪。一來人間遊戲者。

歎公非獨書是倡。至若金剛般若圓覺諸大乘經。皆勵精書寫。錢梓流布。將此身心奉塵刹。是則名為報佛恩。浮俗闡提觀此。亦當自化。

陸遜齋書華嚴經

無上法王初成正覺。稱法界性。說華嚴經。譬如虛空具含衆象。於諸境界無所分別。唯上乘大士信解弗疑。中下之機如聾若啞。吳郡遜齋陸公吏隱而事佛。尤篤佐政之暇。手書是經八十一卷。裝潢函秘。安奉五瑞山大雄寶殿。以永傳持。非上乘根器。曠克是也。觀其發大信心。啓大行願。不翅陰翊王度。報資恩。有欲壽大法。無有盡滅期。與極微塵刹海無盡衆生同證一眞法界功德。其可量哉。至正壬寅。余客留山中。得遂披閱。時公已沒於王事。追授承事郎昌化縣尹。木落天空。秋高氣肅。淨几明窓。焚香展卷。恍若與公游泳毗盧性海。死生何閒焉。

秀峯徽太古所藏圓鑑寂照妙明三老遺墨。老圓鑑與寂照先師蚤時嘗充書記之職。各以文學鳴世。厥後相繼主法。雙徑爲天下師。表致叢林禮樂。

全盛四海象龍川。委雲集道德之光。猶日月麗乎中天。亘千古而不可磨滅也。時妙明太古二兄實能同參法席。後三十年妙明由補陀中竺亦主雙徑。今觀圓鑑贈休復子蘭說以蘭比有道君子。期漸乎馨熏乎心。潤乎道而周流乎天下。寂照送中一上人序。切切以斯道勉旃。有謂非倣儻瑰瑋信之篤見之明奮不顧流俗孰能相與蹕厲乎此哉。之語。回眎碌碌冒名竊位。馳騁浮華。勾章棘句。不原道之所存。至竟癡狂外邊走者。愧當何如也。太古分座說法華藏時。妙明居補陀書疏往復。曾弗及世諦。唯以遊心華藏。世界與法報化同爲唱導。爲喜三大老可謂同一舌頭。同一心知。雖片言隻字。未嘗不以單傳直指之道自任。而其後先接踵聯輝。爲天下師表也。宜矣。太古匡徒秀峯方東南兵變之餘。所至若逃亡家。叢席爲之特振堂中。衲子數十人皆嶄嶄出頭角者。一日鉢盂兩度濕。不可暫缺。因行化訪余。受業海雲。出此俾題引紙。運筆覺我形穢。

張居士血書法華

龍勝菩薩曰。衆生心性。猶如利刀。唯用割泥。泥無所成。刀日就損。理體常妙。衆生自粗。能善用心。卽合本妙。寂音尊者。謂世之人。疲精神於紙筆。從事於無用之學。是皆以刀割泥者也。清河張居士。中年割棄塵累。篤志佛乘。瀝娘生十指之鮮血。書法華七軸之真詮。是道精進。是名眞法供養。如來端可謂善用其心者矣。旣書寫之。又讀誦之。苟能一言之下。心華發明。徹見一會靈山。儼然未散。不妨便是千佛一數居士。宜加勉諸。

靈源清禪師遺墨

靈源大士道德言行爲宗門百世師表。觀其遺輔公坐元小帖。雖似簡率。一再展卷。恍若黃龍山壁立萬仞。俯仰今古。爲之凜然。

與上人所藏羅漢圖

諸禪四無量。無色三摩提。一切受想滅。心量彼無有。是謂阿羅漢。深山大澤聖賢所都。信非凡愚肉眼之所能見。內秘外現。應化無方。出沒卷舒。如幻如夢。又豈筆端三昧所能彷彿好事者。繪之爲圖。以寓遐想。

良有旨哉。世之覽者。徒愛其奇形怪狀精巧入神。孰究道之所存。爲何如。耶上人爲佛之徒。當觀其迹。究其道。自覺覺他。勿墮聲聞。自覺聖差。別境界直趣。自覺聖智。究竟之地。可也。雖然。我作是說。猶如繪像。若是眼裏有筋。終不按圖索駿。

錢子善三教異同論

三教學者。互相矛盾。其來遠矣。屏山李公嘗謂儒釋道之軒輊。非唯釋道不讀儒書之過。亦儒者不讀釋道之書之病也。君子建之。今觀彭城支離叟三教異同論。窮理盡性。無黨無偏。可謂撒藩籬於大方之家。匯淵谷於聖學之海。立一家之成說。埽末流之浮議。使三聖人之學。凋瘵之秋。復將鼎峙。而不致偏仆。其於聖教。豈小補哉。雖然。道本無言。離文字相。離心緣相。世界未立。三才未備。儒釋道甚處得來。當與麼時。孰是孰非。誰同誰異。向這裏下得一轉語。則辨論之作。功不浪施。其或未待汝一口吸盡西江水。却向汝道。

中峯和尚蓮花吟卷

普應國師中峯和尚說法如雲如雨蓮花吟一篇豈亦懷淨國之遊而作耶。趙魏公因而畫之爲圖。馮待制又從而大書特書合成一卷。可謂三絕矣。京口張天民獲之於烽塵瀕洞之際。不翅夜光明月。謂是卞山幻住舊所藏者。卽歸諸吳門。幻住照用菴爲傳家之券。張亦有德者歟。噫中峯爲東南大善知識。據師子巖作師子吼。垂三十年。氣吞佛祖。道重王臣。如趙魏公馮待制皆儒林鉅擘。往來參扣。咸稱弟子。蓋欲咨決大事。因緣碎塵勞窟宅。拔生死根株。豈吟詠云乎哉。然達人大觀游戲翰墨。無非佛事。用菴爲中峯直下的孫。得此寶譜宜矣。倘能振轉面皮。伸出毛手。付諸丙丁。則老和尚大寂定中必爲破顏一笑。

天童佛海禪師遺墨

河南褚士文博學而尤精書法。四方多士咸願遊從。嘗與太白佛海爲方外交徵言於海。海時年八十有五。能作凍蠅細字。手書舊詩數十篇。誦之士文寶秘珍。惜時一展玩。如見古道顏色。雖隋珠卞璧不換。或謂佛海爲一代尊宿。不以本分事接人。遺之以詩有

失大體。予曰不然。上乘菩薩善巧利生。乃至示現種種形相。與其同事。佛海遺詩豈非四攝之一也。噫。儒與釋分兩塗。跡雖不同。道實靡間。苟非達而不拘者。往往肝膽楚越。觀士文佛海之風。亦當少愧。

佛印禪師遺墨

佛印禪師竊怪叢林以文字爲禪。嘗示衆云。雲門說法如雲如雨。絕不喜人記錄其語。見必罵逐曰。汝口不用返記。吾語異日裨販我去。學者漁獵文字。語言正如吹網欲滿。非愚卽狂。蓋師荷負臨濟正傳言語道斷。心行處滅。策勵禪徒。法如是。故豈欺人哉。觀此送茶手帖。種種譬喻。深入法味。醍醐毒藥。毒藥醍醐。亦能殺人。亦能活人。雖知法離語言文字。而能遍一切處。如實爲人演說於師見之矣。

全室禪師法語

說法不應機。總是非時語。故先佛世尊隨宜演說。良有旨哉。今觀全室禪師鍾山法會奉旨普說窮理盡性徹果該因顯密淺深無機不被。眞得先佛之意。深與契經相合。贊西堂得而寶諸。可謂

具一隻眼

題白菴禪師三會錄

向上一路難言說。離文字相諦觀。白菴禪師三會錄。一一從自己胸襟流出。言滿天下。未嘗道著一字。松源和尚云。正路行者。有但不能用黑豆法。難以荷負。正宗大慧老祖云。諸方說禪。彎彎曲曲。如海螺兒相似。我這裏則不然。開著口。便見心肝五臟。此錄二者兼得之矣。師得法上首。衍慶澤長老。結集錢梓。以惠後學。同器而食。鮮色有異。覽者自宜著眼。

愚菴和尚語錄卷第十終

塔銘

前翰林學士承旨嘉議大夫知制誥兼

脩國史兼太子贊善大夫金華宋濂撰

浙河之西山。川清妍其所毓。人物性多敏慧。學禪那者。以攻辭翰。辨器物。爲尚。雖據位稱大師。亦莫不然。自宋季以迄于今。提唱達摩正傳。追配先哲者。惟明

辨正宗廣慧禪師一人而已。師諱智及。字以中。蘇之吳縣。顧氏子。父茂卿。母周氏。師之始生。靈夢發祥。及入海雲院。爲童子。智光日誦釋書。與儒典並進。其師嘉之。同見國國王。清獻公都中公大賞異。留居外館。撫之如己子。使其祝髮。受具足戒。師聞賢首家講法界觀。往聽之。未及終章。莞爾而笑。曰。一眞法界。圓同太虛。但涉言辭。卽成臆法。縱獲天雨寶華。於我奚益哉。遂走建業。見廣智。訴公於大龍翔集慶寺。廣智以文章道德。傾動一世。如張文穆公。起巖張謐公。嘉庀左丞。素皆與之游。以聲詩倡酬。爲樂。師微露文采。珠潔壁光。廣智及羣公。見之大驚。交相延譽。唯恐後師之同袍。嶼上人呵曰。子才俊爽。若此。不思負荷大法。甘作詩驢奴僕乎。無盡證偈。所謂黃葉飄飄者。不知作何見解。師舌噤不能答。卽歸海雲。胸中如礙巨石。目不交睫者。踰月。忽見秋葉吹墜于庭。豁然有省。機用彰明。觸目無障。師雖自慶。幸然不取。正有道。恐涉偏執。於是杖策遊虎林。升雙徑山。謁寂照端公。自列其所證甚悉。初寂照嘗以法器期師。聞其言喜甚。因

勘辨之師。隨機而答。隼落秋空而免走荒原也。精神
參會不問一變。未幾命執侍左右。以便咨叩。俄遷主
藏室。師取三乘十二分教。益溫澤之。宗通說貫。袞袞
如懸江河。聲光燁燁。頓超諸老。上元至正壬午。江南
行宣政院舉師出世。昌國之隆教海濱之民。暨清淨
四衆。手持香華。百里驩迎。如見諸佛。師爲升座說法。
不翅大將樹建旗鼓。申令發號。聞者靡不畏服。乙酉。
轉隣刹普慈。其激揚誘掖。如隆教時。戊戌。江潮行省。
左丞相達識帖穆爾兼領院事。延師主杭之淨慈。兵
燹之餘。艱窘危厲。人所不能堪。師運量有方。軌範峻
整。綽有承平之遺風。較之普慈。君子恒謂過之。丞相
猶謂未盡尊師之道。辛丑之秋。復請住持徑山。補寂
照故處。師亦不辭而往。風動四方。考德者愈衆。亡賴
男子輩。範日饗盤殮。主庖者厭之。瞿衡而去。赴部使
者。訴院之僚屬受賕。誣師爲通衷私。使者攝師問狀。
師了無懼色。癸卯。省憲二府白其冤。強師復還徑山。
緇素駿奔如戴父母。至有樂極而悲泣者。
皇明龍興。洪武癸丑。詔有道浮屠十餘人集京

師大天界寺。而師實居其首。以病不及召對。乙卯。賜
還穹窿山。山即海雲所在也。戊午八月。忽示微疾。至
九月四日。索筆書偈而逝。九日行茶毗。法火燄化成
五色。有氣襲人如沈水香。齒牙數珠不壞。遺骨紺澤。
類青流離色。室利羅交綴於上。是日其徒大均。士龍
等。藏於所居之山陰寶盈分爪髮歸徑山下。於無等
才公塔右瘞焉。世壽六十八年。爲僧五十一。夏度弟
子若干人。嗣其法者若干人。師長身山立。昂然如孤
松在壑。威令嚴肅。其下無敢方命。故所至百廢具興。
然處事達變。接引後進。又如春風時雨之及物。使人
不自知。元帝師以爲賢。爲錫今號云師在天界。時濂
頗獲聞其緒論於其歿也。上首弟子普慶住持道衍。
藉是之故。自狀其行來請銘。夫圓明妙性。實具三千。
四聖六凡。悉從中現。諸佛不得已而說經。雷動蟄驚。
風行草偃者。爲明此性也。諸祖不得已而忘經。絕其
枝末。直探本根者。亦明此性也。性在是。則道在是矣。
奈何道喪性乖。非惟學徒爲然。至於師表當世者。豈
從事於末學曲執之間。以資清玩。其去佛祖之道。蓋

亦遠矣。有如師者。可不表之。以爲東南龜鏡哉。師出世時。穹窿山石夜走。及涖普慈。神降於人。述師清嚴之狀。天之生師。殆不偶然。四會語有錄。其機緣已備載之。茲不敢勦入也。銘曰

華梵諸祖	所了惟心	函乾蓋坤	開陽闔陰
萬彙芸芸	靡不苞括	肯捐全軀	而局一髮
奕葉相仍	軌轍弗殊	融通小大	無礙無拘
猗歟禪師	神觀孤聳	文采漸彰	雲流山涌
一日易慮	面壁自治	攝念入定	如斬芬絲
秋葉之零	飄墮庭扃	仰視青天	一碧萬里
我性之覺	證諸碩師	機鋒交觸	劍戟差差
出世海濱	人天拱手	發祥含徵	白石夜走
全提正印	法鼓頻搥	以眼聞者	斷除空華
由其見凝	轉識爲智	珠璣落紙	亦第一義
方嶽大臣	遣使候迎	陟于南屏	惟德之馨
名山列五	首曰雙徑	匪私于師	東南龜鏡
輕儇小夫	慳不自懲	皦皦白壁	何憂蒼蠅
風騰波掀	萬辭嗟惜	是非既昭	重涖舊席

昔師之去 泉流哭聲 師今之旋 卉木含榮
世緣已終 微笑而滅 設利如珠 綴于紺骨
末學競奔 曲藝宏施 胡不反觀 本實在斯
遺光所被 千載猶淺 瞻之仰之 誰敢不勉

呆菴普莊禪師語錄

明
•
慧敬
啓中
普莊
等撰
編

呆菴莊禪師語錄總目

卷之一

南康雲居真如禪寺語錄

卷之二

杭州徑山興聖萬壽禪寺語錄

卷之三

小參

卷之四

拈古三十八則

卷之五

頌占四十七則

卷之六

偈二十九首

歌六首

吟一首

卷之七

詩七言八句二十四首
七言絕句六十五首

卷之八

詩五言八句二十一首

讚佛祖讚二十七首
自讚六首
塔銘

呆菴莊禪師語錄總目終

呆庵莊禪師語錄卷之一

門人 慧啓 等編

雲居語錄

師入寺指山門云大啓重關全提正令水赴雲趨金
春玉應

據室云從上老古。雖向這裏說東道西。欺胡瞞漢。新
長老到來。一時亡鋒結舌去也。拈拄杖。澤廣藏山。理
能伏豹。卓拄杖。

拈劄。靈山付囑。驗在今日。佛法遍天下。皇恩無盡時。
陞座。拈香。罷問答。不錄。師乃云。道在目前。目前非
道。迷者自迷。悟者自悟。不容擬議。寧涉言詮。但能廓
爾忘緣。自然觸處顯露。饒汝舉古。舉今。說玄。說妙。巧
逞機辯。大振家風。我說總是顛倒妄想。佛佛授手。祖

祖相傳正眼。看來也是承虛接響。驀拈拄杖。召大衆云。雲活今日事不獲已。更成一場敗闕。三十年後。未免遭人檢點。卓拄杖。千峰勢到嶽邊止。萬派聲歸海上消。

開寺基示衆。昨日開荒地。請諸人剷却荆棘。除去瓦礫。本來基址已見分明。只有中間樹子。無人拔得。山僧今日未免別行方便。利刀剪盡繁枝。棄鈍鏹深鋤。邪倒根實地工夫。成一片住山鉏斧了無痕。

上堂。舉雲門大師云。平地上死人無數。出得荆棘林。是好手。時有僧云。恁麼則堂中上座有長處。門云。蘇噓。蘇噓。師云。雲門與麼道。雲居則不然。平地上活人無數。入得荆棘林。是好手。忽有人出來。說長說短。拈拄杖。劈脊便打。何故。水流濕。火就燥。禍福無門。惟人自召。

師凡見僧便問。近奉公文。務要打點上座。僧云。某甲不是姦細。師云。也須勘過。始得。僧云。和尚莫得倚勢欺人。師展手云。把將公驗來。僧擬議。師掌之。有僧云。久聞和尚有此機要。師云山。僧失利。

珍藏主火。從門入者。不是家珍。三乘教典。都無實義。喚作火。則燒殺你。不喚作火。則凍殺你。

師因僧問。承聞和尚有打點之機。是否。師熟視云。汝來自首。那僧云。學人掀倒禪床去也。師云。汝是甚處人。僧云。高著眼。師云。這依草附木底精靈。

法華會上。堂久默斯。要不務速說。今當說之。各宜善聽。良久云。我不敢輕於汝等。汝等皆當作佛。

示衆。夫爲宗師者。不得已垂示一言半句。無非爲學者抽釘拔楔。解粘去縛。譬如善舞太阿。自然不傷其手。近代據師位。訓學徒。記持文字。崇飾語言。誇耀後來。增長惡習。不知有自己出身之路。如衣壞絮行棘林中。不能自由。少林直指之宗。於此墜地。良可痛傷。海輩行脚。各須帶眼。莫教墮他網中。出頭不得。只如古人道。入此門來。莫存知解。若約山僧見處。直饒知解。頓忘。猶是門外漢。到者裏。須辨縑素。始得。珍重。師一日問。新到云。我這裏虎狼塞路。荆棘參天。上人到來。有何忙事。僧云。特來禮拜和尚。師云。入門一句。則不問。且道。脚跟下草鞋。甚處得來。僧擬議。師便喝。

又問昨日離何處僧云廬山師云不勞再勘

師因鏟艸次有僧問這片田地幾時刻得乾淨師舉起鋤頭云不得喚作鋤頭未審上座喚作甚麼僧無語師拋下鋤頭云這片田地幾時刻得乾淨

解夏上堂聖制告圓正是今日諸方叢席說禪說道開浩浩地我這裏孤迥迥峭巍巍縱有佛法誰著眼戲拍禪床下座

上堂僧問如何是學人自己師云阿誰教汝與麼問僧禮拜師乃云觸目不會道運足安知路古人與麼道大似勞而無功山僧見處也要諸人共知薰拈拄杖卓一下云但得雪消去自然春到來使下座

師一日有二僧請益師垂問云盡大地是當人自己向甚處安眼耳鼻舌身意僧無語又問第二僧須彌峰磕碎汝髑髏因甚不知痛覺僧亦無語師回顧侍者記取這兩轉語

上堂舉襄縣省禪師上堂云廣教有驗人關截人機活人句還有人道得麼若是道不得孤負平生師云雲居也無驗人關也無截人機也無活人句還有道

得者麼若是道不得辜負山僧回顧侍者云且道古人底是老僧底是侍者無語師以拂子薰口打

上堂夜來夢中舉一則因緣會中有三人悟道候到天明舉似大眾一時忘却且待老僧更思量看良久云汝等諸人總來者裏聽我說夢著甚來由以拄杖一時趯散

上堂儒書云百姓日用而不知佛經云衆生日用而不覺山僧道知得也是閑覺得也是妄這箇說話不是抑他古人須是自己眼活始得擊拂子千江有水千江月萬里無雲萬里天

師因僧問如何是和尙著實爲人處師云我何曾向汝說虎頭來僧云本色宗師天然有在師拈拄杖打一下云這掠虎漢不打更待何時

上堂禪不可參道不可學學道參禪無繩自縛金毛獅子奮全威祥麟只有一隻角畢竟如何趙州觀音院裏壁上掛箇葫蘆有時風吹歷落歷落

上堂法不孤起仗境方生客來須看賊來須打禪僧門下道出常情作麼生與他相見向下文長付在來

日

上堂雲片片水潺潺。舉目千山復萬山。山容寂寂鳥語關。關門前古路平如砥。不與時人共往還。擊拂子便下座。

上堂一切衆生爲物所轉。若能轉物。卽同如來。諸禪德。彼此丈夫。莫受人謾。且所轉是甚麼。物能轉。又是甚麼。釋迦老子好。與二十棒。雖然放過也。好劍隨風浪化。莫記刻舟痕。

化主回上堂。禪子臨川化導歸入門。一笑展雙眉。破微塵出大經卷。打鼓椎鐘報衆知。正與麼時。且道功歸何所。昨夜春回空劫外。覺華香綻不萌枝。

祖忌拈香來時。缺兩箇去時。留一履。這個老胡僧。孟浪絕倫比。乃喚云者裏還有祖師麼。老僧與伊厮見。則箇以香置鑪云。莫怪空疎。伏惟珍重。

因雪上堂。大地雪漫漫。山深分外寒。斷肱人不到。面壁也無端。大衆且道是祖師無端。山僧無端拈拄杖。擲下云。無端無端。

元旦上堂。天得一以清。地得一以寧。君王得一致。太

平衲僧得一滴水。水生拈拄杖。只如拄杖子。得一時如何。直示新年頭佛法。敲風打雨。任縱橫。靠拄杖。上堂。今朝正月十五。緇白填門。塞戶侍者才覆上堂。道人擊動法鼓。老僧狼忙出來。何暇舉今論古。平生貶剝諸方。今日一場莽鹵。大衆莽鹵。則不無也。須知時識。宜始得。不如詐啞。伴。豐冷地看他村歌社舞。擊拂子下座。

叙謝兩序上堂。打開寶藏。運出家珍。普濟羣生。悉令充足。金剛圈栗棘蓬。總是閒家潑具。只如遇賤則貴。逢低則高。不傷物義。一句合作麼生。饋飯從教香。馥郁紙衣。莫使墨淋漓。

上堂。春日晴黃鶯鳴。桃花開爛熳。老樹聳嵒。人在碧溪橋上。立水流東去。聽無聲。拍禪床下座。

師因僧問。騎虎頭。掾虎尾。中間事作麼生。師云。渠儂得自由。僧云。只如古人道。我也弄不出意。且如何。師云。入水見長人。

師問僧云。一句內二句外。明得是第幾機。僧擬對。師云。擬心卽差。開口卽失去。

浴佛上堂。眞佛無形。浴箇什麼。毗藍園裏。妄見空花。雲門令行。不到今日。驀拈拄杖。召大眾云。今日事作麼生。昆明池裏。失却劒曲江江上。撈得鋸卓拄杖。結夏上堂。九旬禁足。今朝始特地升堂。爲指南一念不生。三際斷。百千諸佛是同參。同參事則不問。且道百千諸佛。只今向甚處安身立命。擊拂子。手執夜明符。幾個知天曉。

上堂。舉道吾問雲岩云。脫却殼漏子。向什麼處相見。岩云。向不生不滅處相見。吾云。何不道非不生不滅處相見。師拈云。不生不滅。與非不生不滅。總無相見。分若有人問雲居脫却殼漏子。向什麼處相見。只向他道什麼處不相見。驀拈拄杖。畫一畫下座。師問僧云。汝與麼遠來。親附老僧。他時異日。忽有人問老僧。還有爲人處也。無汝作麼生答。僧擬進語。師呵云。去。莫道曾見老僧來。

上堂。我這裏無佛法可說。無禪道可學。汝諸方說得底。學得底。直須盡情放下。內無所守。外無所倚。不妨做個洒洒落落。衲僧正與麼時。更須知有轉身一路。

始得擊拂子。紅霞穿碧落。白日遶須彌。上堂。心法無形。通貫十方。十方無壁落。四面絕遮欄。可憐傳大士。處處失樓閣。寒山拾得。更是討頭鼻。不著便下座。

上堂。解夏之後。東去西去。南去北去。直須向高高山頂立。深深海底行。若是閨閣中物。捨不得。未免墮坑落塹。擊拂子。當門更不栽荆棘。免被人來惹著衣。上堂。雲居沒能爲。只麼隨緣過。飢來索飯。困來伸脚。臥禪亦不能參。偈亦不會做。談玄說妙。人總似驢拽磨。

上堂。老僧開荒時。於法堂基上。掘得一箇鋤斧子。久聚兄弟。若有用得。著者兩手分付。若是荷負不去。老僧收得來。著甚死急。不如颺向垃圾堆頭。從他日炙風吹去也。驀拈拄杖。卓一下云。鞭起鎖牛耕大地。誰能井底種林檎。

開爐上堂。舉趙州和尚指火示僧云。我喚作火。你不得喚作火。師云。趙州老。老大大。剛要挑灰弄火。雲居則不然。相共圍爐燒火。向主賓道。合自忘言。

上堂語中有語名爲死句。語中無語名爲活句。幾人向活句中死却。幾人向死句中活却。更有一人能死能活。坐斷一切語句。却來雲居手中覓棒吃。因向他道。且莫草草匆匆。明日來與汝一坑埋却。何故。易分雪裏粉。難辨墨中煤。

義藏主火與汝往來者是藏。不與汝往來者亦是藏。要明第一義諦。切忌死他語。下以火把打一圓相云。月不待風而涼。日不待火而熱。擲下火。

正旦上堂。一切無情皆有佛性。晨朝起來慶賀新年。法堂上撞著露柱禮他。三拜有何不可。安樂山神無端性燥。鼓合點胸尊者。在佛殿基上說是說非。總與二十拄杖。超出趙州關外去也。不見道三千條令主者施行。

應高僧選退院上堂。我來雲中居五載。如轉燭所樂在忘緣。心心自知足。虛名不可逃。驛書到空谷。笑看折脚鐺。委置憑誰續。摩挲七尺藤。光漆耀人目。用捨各有時。去住何拘束。珍重同道流。共唱清平曲。烹拈拄杖召大眾云。且道清平曲是甚腔調。喝一喝下座。

呆菴莊禪師語錄卷之二

門人 智學 等編

徑山語錄

師於洪武二十六年十一月十三日入寺。指山門云。我此法門。天寬地闊。汝等諸人於中出入。須知有向上關。板子始得喝一喝。

佛殿燒香云。三世諸佛。卽今向香烟起處放光現瑞。轉大法輪。狸奴白牯。呵呵大笑。露柱燈籠。呵呵大笑。據室拈拄杖云。明頭來。明頭合。暗頭來。暗頭合。道得也。二十拄杖。道不得也。二十拄杖。何故。重賞之下。必有勇夫。卓拄杖。

拈劑這一句子。盡大地人受用不盡。老僧今日感恩有分。

指座從上先德推此一位。以爲極則。莊上座見得只是尋常。遂陞座拈香祝。聖罷歛衣。就座。僧問。九重天上承恩澤。五髻峰頭據祖關。四海禪流齊側耳。願聞一曲萬年歡。學人上來請師學唱。師云。須彌頂上擎金鐘。進云。與麼則過量人明過量事。太平時唱。

太平歌師云。毫釐有差。天地懸隔。進云。和尚遠辭。

京國近到徑山。如何是不動尊師。云。待盃盂峰踣跳。卽向汝道。進云。適聞疏中有語。千年枯木逢春。一代曇華現瑞。可謂誠實之言師。云。汝用許多心識計較。作麼進云。龍象筵開。當此日等閑。掣取錦標歸。師云。不是龍門客。切忌遭點額。乃云。山僧道慚先哲。跡混叢林。任運度時。貴圖藏拙。何期京師宿德。謬採虛聲。俾預高僧之選。叨蒙聖主之恩。召對禁庭。親承睿獎。法衣特賜。光揚少室宗風。寵命載頒。來主國一祖席。教中所謂我本無心。希求今此法王大寶。自然而至。當此之時。下情惟知忻感而已。若曰闡揚佛法報答皇恩。且佛法如何闡揚。皇恩如何報答。到者裏也要諸人共相知。委擊拂子。萬派千溪。皆渤澥七金五嶽。盡須彌。復說偈曰。親奉綸音出禁園。凌霄峰頂唱玄機。報恩一句能相委。選佛場中及第歸。

冬至日上堂。魯公臺上書雲。是世法。不是佛法。慈明堂前揭榜。是佛法。不是世法。徑山門下佛法。世法。拈

放一邊。施主今日辦供堂中。大有胡餅。一任諸人橫咬豎咬。

上堂。逢佛殺佛。逢祖殺祖。橫按鎮鄒。拋沙撒土。敢問諸人。既是橫按鎮鄒。因甚拋沙撒土。莫是徑山老漢說禪。全無本據麼。撥轉南辰。向北看。天上日輪正卓午。

師因僧請益次。師云。汝自己分上。少箇什麼。却來請益僧。擬對師云。只知食程。不覺蹉路。

佛成道上堂。舉世尊於正覺山前。夜觀明星。成無上道。嘆云。奇哉。一切衆生。具有如來智慧德相。只爲妄想執著。而不證得。師云。我要問釋迦老子。喚什麼作智慧德相。喚什麼作妄想執著。擬議不來。劈脊便棒。衆中還有與釋迦老子出氣者麼。拈拄杖。不敢望汝。與釋迦老子出氣。只是自己鼻孔。摸索得著也好。靠拄杖。

上堂。徑山今日無可管待來賓。未免將佛祖骨髓和盤托出。以當藥石。只恐諸人向諸方築著一肚皮殘羹餽飯。遇斯藥石。吞又吞不下。吐又吐不出。返使旁

觀一場笑具。正與麼時。且道誰是旁觀者。回顧侍者云。幾乎錯下。注脚便下座。

元日上堂。老僧未開口。已前一切時。一切處。普光心印。文彩全彰。待汝著眼觀來。早是塗糊了也。今朝特爲點出。普請諸人。證據。拈拄杖卓一下云。新年把筆萬事大吉。靠拄杖下座。

師問僧云。盡十方世界。是毗盧正印。你道印紐落在什麼人手裏。僧擬議。師厲聲云。且去別時來。

上堂。舉古德云。有一人常在途中。不離家舍。有一人離家舍不在途中。且道那一人合受人天供養。師云。離家舍不離家舍。在途中不在途中。卽不論徑山道盡大地止。有一人合受人天供養。諸人還識那一人麼。擊拂子。莫教開却眼。鶴子過新羅。

上堂。三世諸佛也與麼。六代祖師也與麼。天下老和尚也只與麼。獨有徑山却不與麼。你道與麼不與麼。還有優劣也無。拈拄杖畫一畫云。一二三四五六七。七六五四三二一。昨夜三更月到窻。文殊坐對維摩詰。便下座。

藥監寺火應病與藥。據欵結按金剛圈。栗棘蓬透不過。吞不下。揔是死漢。山前猛虎。越於菟。火裏蜚螻。吞鼈鼻。

上堂。舉盤山和尚云。心月孤圓。光吞萬像。光非照境。境亦非存。光境俱忘。復是何物。洞山和尚云。光境未忘。復是何物。師云。二尊宿弄物。不知名各與二十拄杖。不見道見義不爲何勇之有。

芥室和尚忌拈香云。巴陵三轉語。太殺誇張。楊岐女人拜徒勞。賣弄徑山今日。蘇此枯木。不是供養先師。只要天下衲僧。知有些子氣息。遂插香召大眾云。且道是甚氣息。衆無語。師哭云。蒼天蒼天。

上堂。顛倒想滅生。死路絕生。死路絕涅槃界。空洞山五位。臨濟三玄。擬向甚處安著。朝悠悠暮悠悠。欲窮千里目。更上一層樓。拍禪床下座。

上堂。古人說不到處。今人說得到。今人行不到處。古人行得到。要知行不到處。便是說不到處。要知說得到處。便是行得到處。古人今人鼻孔。揔在徑山拄杖頭上。諸方老宿。作麼拈撥。現前大眾。作麼拈撥。拈拄杖。

杖卓一下便下座

冬至上堂。舉洞山冬夜與泰首座喫果子。次問云。有一物。明如日。黑如漆。常在動用中。動用中收不得。過在甚麼處。座云。過在動用中。洞山令侍者撥退果子。卓泰首座不得果子。吃師拈云。當斷不斷。反招其亂。若是徑山。見他道過在甚麼處。便與掀翻果子。亦使洞山知有宗門。向上爪牙。今日兒孫不致寂寥。雖然也須腳踏實地。始得拈拄杖。不向藍田射石虎。何人知是李將軍。卓拄杖下座。

上堂。祖師心印。狀似鉄牛之機。搆得搆不得。卽不問。你道祖師開口。舌頭落在甚麼處。擊拂子。不是一番寒徹骨。爭得梅花撲鼻香。

上堂。舉古德因僧問。如何是新年頭佛法。古德云。春來草自青。師云。古德與麼答話。雖起來機。要且未能脫洒。今日忽有人問徑山。如何是新年頭佛法。卽向他道。八荒開壽域。一氣轉洪鈞。三十年後一任天下衲僧。胡卜亂卜。

上堂。妙用全彰。無在不在。通身是眼。觀不能及。通身

是口。說不能到。汝等諸人。聞與麼道。將謂有多少奇特。殊不知。賤如糞土。輕似毫毛。便下座。

佛涅槃上堂。舉世尊於涅槃會上。以手摩胸。告衆云。汝等善觀吾紫磨金色之身。瞻仰取足。勿令後悔。若謂吾滅度。非吾弟子。若謂吾不滅度。亦非吾弟子。時百萬億衆。悉皆契悟。師云。瞿曇末上一場。敗闕百萬億衆中。更無一人有衲僧氣息。諸人還見世尊。以手摩胸麼。水向石邊流出。冷風從花裏過來香。

上堂。良久云。自有生佛以來。說法如雲如雨者。不可勝紀。徑山今日。權借虛空爲口。須彌爲舌。宣說眞俗不二法門。十方世界。情與無情。一時異口同聲。讚言善哉。善哉。希有希有。衆中莫有旁不甘的麼。出來與拄杖子相見。拈拄杖卓一下云。諦觀法王法。法王法如是。便下座。

上堂。大道只在目前。要且目前難覩。欲識大道眞體。不離聲色言語。豎拂子云。誌公和尚。卽今在徑山拂子頭上打筋斗。供養諸人。昔所未見者。看看南天台北五臺。走得遍還到來。喝一喝下座。

佛誕上堂。瞿曇降誕。是斯辰。吸歷古今。多少人恨殺雲門棒頭。短虛空。迸作一條痕。

上堂。豈拂子云。十方諸佛。在拂子頭上。異口同音。宣說安居法門云。九旬無虛棄之功。百劫即今時之用。撞著十字街頭。廖胡子揚聲唱言。恁麼說話。面皮厚多少。好點一把火。照看諸佛世尊。一時懺懺而散。汝等沙門。釋子。作麼生。與諸佛出氣。擊拂子云。徒將不平事。說與負心人。

上堂。僧問。如何是宗門。向上第一句。師云。我若向你說。卽是第二句。進云。二六時中。如何用心。師云。無你用心處。乃云。大光明藏。無幽不燭。一槌打碎。孰辨端倪。赤梢鯉魚。跳入龍門。南山起雲。北山下雨。諸人濕却袈裟角。還知麼。喝一喝。下座。

上堂。解夏止。有一月日。在剋期。取證事。作麼生。衆中忽有箇漢出來。道長長年。儼侗月老僧。拽拄杖。趲出。然則膏肓之門難。以發藥。布袋裏盛錐子。不出頭。是好手。喝一喝。下座。

上堂。諸禪德。解制之後。東去西去。南去北去。忽然二

家村裏撞著个風頭。漢問云。上座自徑山來。只如開山和尙。有言。山上有鯉魚井。底有蓬塵。畢竟。意作麼生。須是方便。答他。始得不。可向伊舉古。舉今。說事。說理。不可拂袖便行。薰面便吐。設若答他不契。被他叱云。徑山飽柴。飽水。輪與上座受用。若是佛法。未夢見。在累及老僧。也是箇無孔鐵槌。擊拂子云。一等共行山下路。眼頭各自看風烟。

上堂。子胡喝。僧看狗。趙州喚僧喫茶。冷地看來。慚惶殺人。老僧不曾辜負諸人。諸人不得辜負老僧。因事上堂。嗟末法惡時。世衆生薄。福難調制。去聖遠兮。邪見深。魔强法弱。多冤害。聞說如來。頓教門恨不滅除。令瓦碎。古人一期說話。誰知驗在今日。雖然從他謗。任他非。把火燒天。徒自疲我。聞恰似飲甘露。消融頓入不思議。且道是什麼人。分上事。拈拄杖敲香几云。永嘉大師來也。卓拄杖上。士一決一切了。中下多聞多不信。

上堂。僧問。如何是祖師西來意。師云。盞孟口向天進云。此是古人語。師云。老僧用得恰好。進云。如何是

奇特事。師云。千年田八百主。進云。學人不曾。師云。至今將不去。留與老農耕。僧禮拜。師乃云。善能分別諸法。相於第一義。而不動。菩提涅槃。真如。解脫。盡是法。相。喚什麼作第一義。有者。背地裏商量。便道。常在心目之間。迥出思議之表。殊不知。金屑雖貴。落眼成翳。要明第一義。猶隔海在。擊拂子云。海枯終見底。人死不知心。

祖忌拈香。梁王殿上。將金博金。少室峰前。以楔出楔。葱嶺那邊。逢宋雲。誰知弄巧翻成拙。

上堂。群陰剝盡。一陽生。萬國懽呼。賀太平。日出三竿。天四霽。五雲獨繞九重城。

履首座入塔。真實履踐的人。出生入死。如同遊戲。且眉間掛劍時。如何擬議不來。觸髅著地。

上堂。舉真淨和尚。上堂云。衲僧門下。無非過量境界。自在禪定。乃喝一喝云。豈不是過量境界。又警歎一聲云。豈不是自在禪定。阿呵呵。將此深心奉塵刹。是則名為報佛恩。師云。顯示過量境界。自在禪定。還他真淨老人。若是衲僧門下。猶欠悟在。徑山則不然。拈

拄杖卓一下云。得之於心。事事無碍。應之於手。法法圓成。靠拄杖。他家自有通霄路。不向如來行處行。上堂。一迷一切迷。一悟一切悟。一暗一切暗。一明一切明。所以具足。凡夫法。凡夫不知具足。聖人法。聖人不會。聖人若會。卽是凡夫。凡夫若知。卽是聖人。到這裏。塵勞煩惱。菩提解脫。縛作一塊。且道。非非想。天卽今有幾人修。因證果。拈拄杖云。一年三百六十日。一日日從今日始。拄杖子亦從今日始。卓拄杖。擊碎三立三要門。普天匝地清風起。

上堂。衲僧門下。貴圖直截。如何是佛。殿裏底。如何是道。牆外底。此是趙州和尚。直截爲人處。然則徑山直截處。也要諸人共知。喝一喝下座。

上堂。盡大地是光明。藏盡大地是解脫門。盡大地是金剛寶座。盡大地是毗盧正體。汝等諸人。同一心知。同一眼見。因甚。縑素不出。不得自在。受用。徑山今日。一一拋向諸人面前。普請。證據。良久云。楊岐驢子蹄。跳觸碎雲峰桶。籬不是龍門上客。莫來倒捋虎鬚。擊拂子下座。

師問僧云。汝破夏來。見老僧著甚。來由。僧云。生死事大。師云。山上與山下。同一天地。因甚。炎涼不同。僧云。和尚自生分別。師以坐具。撼之云。他時異日也。道見徑山來。僧發憤。趨出。師喚云。上座。僧回首。師云。生死事大。那僧禮拜。

上堂人從廬岳來。接得華頂信。報道南山白額虎。却在龍淵裏藏牙。伏爪。東海赤梢鯉。直上鷲峰頭。躍浪衝波。好大衆。一大藏教。何曾說到這裏。雖然徑山拄杖子。未肯放過在。拈拄杖。畫一畫云。仙人張古老。不受藥。葫蘆靠拄杖下座。

上堂破有法王出現。世間隨衆生。欲種種說法。釋迦老子。四楞塌地了也。還有扶得起者麼。唯此一事。實餘二則。非真。忽若睦州和尚道。三九二十七。菩提涅槃。真如解脫。有什麼過。擊拂子下座。

元日。上堂新年頭。不可與諸人葛藤。德山棒。臨濟喝。拈放一邊。你道趙州和尚。使得十二時辰。還有勸驗處也。無擊拂子。家家門前。赫日月。太平不用將軍威。上堂鳥窠吹起布毛。通侍者使解悟去。如蟲禦木偶。

爾成文雲。門闌下柴。另一大藏教。只這是爲蛇盡足。取笑旁觀。徑山與麼批判。譬如獅子王。哮吼諸獅子。兒聞之。悉增勇健。若是野干之流。自懷狂怖。又爭怪得喝一喝下座。

上堂最初一機。末後一句。羅古騰。今撐天拄地。明眼衲僧。無摸索處。覷面當機。一箇粉碎。這箇說話。惟悟者方知。若是無智人。前未免翻成戲論。鶻拈拄杖卓一下云。青山不鎖長飛勢。滄海合知來處高。

上堂今朝五月初一箇事。爲君指出。墻下流水潺湲。門外新篁翳鬱。非惟歷歷明明。抑且綿綿密密。老僧更無傳持。大衆何有得失。回顧侍者云。忽若有個無面目。漢到來相看。只向他道。不必不必。便下座。

解夏上堂。諸法從本來。常自寂滅相。若無諸佛住持。首楞嚴定。衆生隨順。無明業識。然迷悟在人。而不在法。徑山一夏。與諸人同出同入。要且不離一相三昧。今當自恣之辰。西天蠟人。冰東土鍊彈子。卽不問拈拄杖云。拄杖子。穿過釋迦老子鼻孔。因甚。諸人罔知痛覺。靠拄杖云。大海若無山隔斷。天光直與水相連。

上堂玄沙因鼓山至。畫一圓相。山云。人人出這箇。不得。沙云。誠知你向驢胎馬腹作活計。山云。和尚又作麼生。沙云。人人出這個。不得。山云。和尚爲什麼道得。某甲道。不得。沙云。我得你不得。師云。玄沙與鼓山難兄亦難弟。若要出得這個。總欠悟在。雪竇云。只知貪觀白浪。不知失却手撓師。云。緇素眼何在。驀拈拄杖。畫一畫。云。一把柳絲收不得。和烟搭在玉闌干。

上堂。明明向汝道。開口不在舌頭上。擊石火閃電光。搆得搆不得。未免喪身失命。若自伶俐。漢聞與麼道。自然別有出身之句。有麼。有麼。擊拂子。不是龍門客。切忌過點額。

上堂。釋迦掩室於摩竭。提國淨名杜口於毗耶離城。是皆靈龜曳尾。拂跡生。太陽溢目。萬里不掛片雲。爭奈覆盆之下。漆黑黑地。四來禪侶。同此坐夏。既無兩錯商量。亦無正因可說。蒲團靜倚。無餘事。永日寥寥。謝太平。

上堂。心心不昧。法法無差。金剛與泥人。揩背即不問。且道。鴟吻咬却佛殿脊。還有勘驗處也。無。昨夜三更。

失却牛天明起來捉得賊賊。賊使下座。

上堂。布袋頭解開了十方世界。蕩蕩無邊。衲僧家緊。納草鞋橫擔拄杖。東西南北去住自由。不妨慶快。忽若撞著杜撰巡官。問道上座如何。是行脚事也。須好。好祇對他始得。驀拈拄杖卓一下。云。不向藍田射石虎。何人知是李將軍。

璣藏主火辯傾河。漢文綴珠璣。生死岸頭總用不著。一大藏教是箇之字。祖師西來是箇右字。提起火云。勝熱門頭參得透。丙丁童子念摩訶。

上堂。八月秋何處。熱岩桂吹香。滿寥沉風景。淒清泉聲幽咽。祖意明明誰辨別。大藏小藏橫說豎說。不出如今箇時節。同不同。別不別。堪悲堪笑。老寒山剛道吾心似秋月。拍禪床下座。

上堂。我宗無語句。亦無一法與人達。磨大師從南天竺國來。我東震旦土。唯傳心印。接上乘人大是可笑。笑須三十年。衆中忽有个漢出來。道徑山與麼道也。好笑三十年。老僧下禪床。與伊握手共笑。當是之時。也無佛也。無祖也。無禪也。無道也。無人也。無我。豈不。

快哉拈拄杖有麼有麼卓拄杖囉囉招囉囉搖囉囉
送莫怪空疎伏惟珍重

上堂前念昏迷是病後念覺悟是藥直教脫體風流
藥病盡情拈却所以這一大藏教盡是療狂子之方
都無實義只如文殊舉起玻璃盞問無著云南方還
有者個也無畢竟是何道理拈拄杖畫一畫云上大
人丘乙巳化三千七十士可知禮也

浴佛上堂舉藥山因遵布衲作殿主浴佛次乃問云
汝只浴得這個還浴得那個麼遵云把將那個來山
休去師云藥山能縱不能奪遵布衲能奪不能縱摠
未具超宗眼在黃龍南禪師云二尊宿一出一入未
見輸贏三十年後不得錯舉早是錯下名言徑山見
處也要諸人共知今日殿中普請浴佛這個那個不
得動著杓柄到手更莫顛顛預擊拂子將此深心奉塵
刹是則名爲報佛恩

上堂舉雲門大師因僧問如何是和尙家風答云門
外讀書人報來師頌云問著和尙家風開口便成話
墮門外讀書人來未免之乎者也

上堂諸方說禪說道學古學今龍象駢闐法筵隆盛
徑山這裏一味揀款結案有人渾身錦繡入來直教
他寸絲不挂而去有人不挂寸絲入來直教他渾身
錦繡而去衆中忽有個漢出來道總不與麼來時如
何二十棒一棒也不放過大衆且道此棒是賞伊罰
伊拈拄杖云他時異日逢人不得錯舉卓拄杖下座
上堂前半夏過去已過去後半夏未來猶未來即今
中夏現在空寂過去心不可得未來心不可得現在
心不可得即心即佛非心非佛不是心不是佛不是
物三脚驢子弄蹄行頂門放出遼天鶴

上堂舉五祖演和尚因諸寺長老入山上堂云臨濟
入門便喝是甚麼熱碗鳴聲德山入門便棒拗曲作
直雲門三句洞山五位大開眼了作夢何故如此國
清才子貴家富小兒嬌師云五祖老人大似將常住
物作自己人情徑山見處也要諸人共知乃豎起拂
子云德山臨濟洞山雲門只今在拂子頭上各說不
二法門了一時走入淨瓶裏澡浴去也何故如此水
流元在海月落不離天

上堂舉雲門和尚因僧問樹凋葉落時如何。門云體露金風。師云這僧置箇問頭不妨親切。只如雲門與麼答。還有爲人處也無。徑山則不然。忽有人與麼問。但向伊道。不因夜來鴈爭見海門秋。拈拄杖畫一畫下座。

呆菴莊禪師語錄卷之二

呆庵莊禪師語錄卷之三

門人 智學 編輯

小參

雲居入寺當晚。小參靈光不昧。萬古微猷。智鑑洞明。十虎普應。所以法隨法行。法幢隨處建立。有時十字街頭拋沙撒土。有時千峰影裏嘯月披雲。卷舒在我。縱奪隨機。譬如洪鐘在簾大扣。大鳴。小扣。小鳴。明鏡當臺。胡來胡現。漢來漢現。了無今古之分。亦無去來之相。把住則乾坤失色。放行則瓦礫生光。正與麼時。且道把住則是放行。則是良久云。龍袖拂開全體現。

象王行處絕狐踪。復說偈云。我本江湖落魄人。年來隨處著渾身。業風吹到雲居寺。贏得相依安樂神。夜參山深寒重。各自知時。豈可繁詞久勞衆聽。歸向堂中燒槽榼。不妨天曉候鷄鳴。

結夏小參。一心不生。萬法無咎。汝等諸人發志參禪。早是不著。便何況聽他繩床上老宿說玄說妙。舉古舉今。以當宗乘。遠之遠矣。卽今要與本地相應。直須從前放下。百不知百不會。向生佛已前著一隻眼看。是個什麼。忽然拶破虛空。便見十方世界。盡是圓覺。伽藍何處。更有山河大地。來山僧與麼道。也是作死馬醫。若是超宗越格底。衲僧著著自有出身之路。拈拄杖。衆中還有超宗越格底。衲僧麼。卓拄杖。泥牛昨夜遭塗炭。直至如今不見蹤。

除夜小參。僧問如何是雲居境界。師云。路轉溪迴空院靜。僧云。如何是境中人。師云。太平時代自由身。僧云。人境已蒙師指示。願聞一句接初機。師云。無毛鷄子貼天飛。乃云。我此深山絕頂。今夜歲盡年窮。無可與諸人分歲。更不學他北禪烹露地白牛。只將東山

佛祖鍊酸餚。供養諸人。若也咬嚼得破。自然一飽能消。萬劫飢直饒。諸方百味珍羞。吃了便須吐却。何故醒醐上味。爲世所珍。遇斯等人。翻成毒藥。驀拈拄杖卓一下。云。巴歌合出。陽春調脫。體風流出。當家復說。偈曰。烏兔循環歲。又除普光心印。只如斯相逢。總是英靈漢。不向當頭捋虎鬚。

解夏小參。僧問。路逢達道人。不將語默對時如何。師云。達道者。方知。僧云。和尚得干戈相待。師云。捉賊不如囉賊。僧云。明眼人。瞞他一點也不得。師云。情知你不是好心。乃云。諸禪德。光陰易過。佛法難逢。纔看夏日炎炎。又見秋風拂拂。古人立三期限。令汝取證。汝試審思。看九十日內。成得箇甚麼事。經云。踞菩薩乘。修寂滅行。且菩薩乘作麼生。踞寂滅行。又如何修。若能一念知非。全體顯現。一切煩惱。畢竟清淨。法界海慧。照了諸相。猶如虛空。其或未然。切忌以思惟心。測度如來。問覺境界。拈拄杖云。拄杖子。穿過釋迦老子鼻孔。阿修羅王。忍俊不禁。直上三十三天。與釋提桓因。鬪戰。汝等諸人。還聞鑼鼓聲麼。以拄杖卓一

下云。且莫瞌睡。

當晚小參。佛祖方便。數如河沙。檢點將來。皆爲剎語。饒汝門庭。施設機辯。縱橫未出。意根徒自欺誑。決欲究明。千望向上一著。直須截斷。塵緣豁開。已眼頭頭上。具物物上。明自然常光。現前壁立。萬仞盡十方世界。是涅槃妙心。更覓一法如微塵許。有生滅相了。不可得。諸上座。還委悉麼。百尺竿頭。唉轉身。却來堂中疊足坐。

復舉當山國一祖師。因馬祖遣僧來問。十二時中以何爲境。祖云。待汝回去時。有信僧云。卽今便回去。祖云。傳語却。須問取曹溪師。拈云。馬祖大似埋兵掉鬪。國一可謂遇變出奇者。僧雖善通。使命要且勞。而無功。驀拈拄杖。畫一畫云。三汲浪高。魚化龍。擬人猶耳。夜塘水。

除夜小參。年窮歲盡。地凍天寒。現前禪侶。圍繞繩床。擬聽老僧。處分個甚麼。若說佛法。佛法無說。若論世法。世法無論。便爾休去。將謂無折合。只如大慧老人。平昔以竹篋用事。還曾打著一個知痛痒底衲僧麼。

密菴和尚將正法眼。喚作破砂盆。更是不識好惡。徑山拄杖子。今夜忍俊不禁出來。與諸人決擇。是非去也。拈拄杖。畫一畫云。一氣不言。含有像萬靈何處。謝無私。復舉僧問古德。年窮歲盡時。如何。古德云。東村王老。夜燒錢。師頌云。東村王老。夜燒錢。管取新年勝舊年。溪上石人相耳語。鋤牛耕遍劫初田。

解夏小參。絕頂寥寥。亂山蟲蟲。不離當處。卽是道場。何假對揚。方稱佛事。更說什麼。長期短期。勉念懺念。摩竭提國。早涉繁辭。毗耶離城。翻成剩語。只如瀉山問仰山云。子一夏作得箇什麼。蝦爲子屈。仰山云。鉏得一片畬。種得一籬粟。有甚共語。處瀉山云。子一夏可謂不空過。何不與伊本分草料。仰山問瀉山云。和尚一夏作得箇什麼。不妨賣峭。瀉山云。日間一食。夜間一寢。隨處搜。漢仰山云。和尚一夏可謂不空過。互相欺瞞。今夜忽有人問徑山。一夏作得箇什麼。只向他道。步步踏著實地。且道是空過。不空過。拈拄杖。畫一畫云。鶴有九臯難。翥翼馬無千里謾。追風除夜小參。僧問如何是道。師云。木落崖石出。進云。只

如開山和尚云。山上有鯉魚。井底有蓬壺。意作麼生。師云。見之不取。思之千里。僧禮拜。師乃云。徑山今夜分歲。小小開筵。家宴。普請諸人。隨分納些些。楊岐栗棘蓬。東山鍊酸餡。早已和盤托出了也。若是摩不開吞不下。又爭怪得。衆中忽有個漢出來。道也只是家常茶飯。老僧指出露地白牛。向伊道。你莫是庖丁手麼。擬議不來。劈脊便打。何故。禁令嚴。不許攙行。奪市。復說偈曰。浮世光陰自不多。看看又是一年過。夜參欲說無窮事。奈此風頭峭硬何。

結制小參。心如虛空。界示等虛空法。證得虛空時。無是無非。法從上佛祖。莫不以此心法傳示。將來作大佛事。徑山只今以此心法爲大伽藍。十方法界。若聖若凡。同一安居。平等性智。鶻拈拄杖。卓一下云。過去諸如來。斯門以成就。現在諸菩薩。今各入圓明。未來修學人。當依如是住。觀音菩薩。將錢買胡餅。放下手却是饅頭。卓拄杖一下。復舉趙州勘婆子話。頌云。臺山路。上婆子。勘破須他趙州。我道全無巴鼻。人言亦有來由。

解制小參。古者道青翠竹。總是眞如。鬱鬱黃花。無非般若。空劫已前。無佛無衆。生眞如般若。從誰得名。我此五髻峰頭。千年古寺。西來禪侶。聚首安居。九十日夏。今以告圓。空劫已前。事卽不問。汝日用中間。還與自己得相應也。無良久適來。有一人爲蛇畫足。輒入葛藤窠裡去也。拈拄杖。且聽拄杖子出來。露箇消息。卓拄杖云。撒手似君無一物。徒勞辛苦說千般。復說偈云。絕頂涼生。夜氣清。三期功滿。不留情。布單欲賣。且休賣。穩靠蒲團樂太平。

冬至小參。寒來暑往。陰極陽生。二曜循環。四時合節。此造化無私之功。寔古今不易之論。我等沙門釋子。不知歲之餘閏。不問月之大小。喚作無事人。則可喚作了事人。則不可。八萬四千法門。一千七百公案。須是一一參究。一一透脫。始得。薦拈拄杖。召大衆云。傳大士卽今在。諸人鼻孔裏。騎牛出入。一個個眼眨眨地。要且捉摸他不著。卓拄杖。陽氣發時。無硬地。庭前石笋有新條。復舉僧問古德云。冬至後日長多少。古德云。一線長。又僧問古德云。冬至後日長多少。古德

云。長一線。師頌云。一線長。長一線。開口須知有方便。東頭賣貴。西頭賣賤。靈利衲僧。有眼不見。不見頭上金鳥。急如箭。

除夕小參。萬緣寢息。一性融通。大用全彰。神機獨露。古佛與露柱交參。燈籠與占波鬪。額不是神通所現。亦非法爾。當然正與麼時。廣澤龍王。與陳如尊者耳。語明日慶賀新年。爲復佛法相見。世法相見。大慧老人。以黑漆竹篋打地一下云。因你有許多撈攘。一時走上善法堂前。擬向天帝釋雪屈。乃喝一喝云。若不喝住。未免雨似盆傾。復舉北禪賢禪師除夜示衆云。今夜無可與諸人分歲。未免烹露地白牛。燒槽枥火。唱村田樂。免致倚他門戶。傍他牆。剛被時人喚作郎下座。歸方丈。有僧隨後喚云。和尚門外有公人來。賢云。作甚麼。僧云。道勾和尚納皮肉。賢將暖帽擲與之僧。接得。跪進云。天寒且還和尚帽子。賢呵呵大笑。師頌云。分歲聊烹露地牛。要輪皮肉任來勾。大家唱起村田樂。無可還他。即便休。

解夏小參。目前無法。法外無心。心法俱忘。理事交徹。

上無攀仰下絕已躬頭頭顯示真機物物全彰妙用
如我按指海印發光汝暫舉心塵勞先起釋迦老子
滿面慚惶汝但外息諸緣內心無喘心如牆壁乃可
入道達磨大師一場漏逗大抵叢林以小參爲家教
汝等諸人每日著衣喫飯有什麼過九旬夏滿不妨
去住自由老僧住持事繁更不叨叨嘮嘮擊拂子知
恩者少負恩者多復舉翠岩參禪師夏末示衆云
一夏與兄弟東語西話看翠岩眉毛在麼師云一夏
東語復西話翠岩方便苦無多眉毛打失渾閑事爭
免全身入草窠

除夜小參我此法印在天同天在地同地言凡則全
凡舉聖則全聖自古自今若幽若顯無有一法不在
裏許所以得之於心千變萬化失之於旨萬別千差
汝等諸人從年頭至年尾滿眼戲著大似不曾見滿
耳聽來大似不曾聞何異飯籬裡坐甘受其餓大水
裏浸甘受其渴徑山今夜不憊慈悲未免重爲注破
拈拄杖卓一下一年光景今宵盡萬里更無人未歸
復說偈曰坐守空山歲又窮夜堂相聚話西東少林

一曲無今古自是諸方調不同

解夏小參教中云袈裟下得人身者如爪甲上土袈
裟下失人身者如大地中土以是言之人身極不易
得佛法實是難逢我輩沙門釋子那邊經冬這邊過
夏要住即住要行即行幸無飢寒之迫亦無征役之
勞當念寒暑迭遷死生交謝前路茫茫擬何憑仗於
斯勤加精進早求出離庶幾報答佛恩免致埋沒自
己若是伶俐衲僧聞與麼道出來向千聖頂額露箇
消息便見九旬無虛弃之功百劫即今時之用堪與
佛祖爲師合受人天供養其或未然莫將無事會無
事困人心
結夏小參大用現前不存軌則自非過量人難明過
量事總無邊利海向一毫端於一毫端而建伽藍促
無量劫數爲一念頃於一念頃是聖是凡普請禁足
安居平等性智蝦蟇蚯蚓悉證圓通文殊普賢共相
慶讚此蓋如實之理稱性之言若是義學之徒見不
超色聽不出聲分彼分此說染說淨返謂我衲僧家
脫空謾語又爭怪得拈拄杖畫一畫云情塵消盡見

端的不歷僧祇獲法身。復舉僧問洞山寒暑到來如何迴避。洞山云。何不向無寒暑處去。僧云。如何是無寒暑處。洞山云。寒時寒殺。閑黎熱時熱殺。閑黎頌云。覷面當機見洞山。正偏迴互不相關。無寒暑處堪迴避。那取工夫到一翻。

結夏小參。古佛堂前。曾無異路。祖師門下。寧有多談。然佛法不異人心。自用無非祖意。良由取捨妄見。異同若能直下承當。便可隨時受用。根塵迥脫。境智互融。這邊那邊。唯我自知。正法像法。該他不著。若也分別名相。馳騁知解。以當本參。何異者砂欲成嘉饌。豈不見釋迦世尊於楞嚴會上。語阿難云。汝雖歷劫多聞。不如一日修無漏學。且無漏學作麼生修。若謂有修有證。正是誑謬。閻闍若謂無說無聞。未免顛倒。佛性諸禪。德到者裏。須是如實體究。從人決擇。始得明日結制。剋期取證。九十日內。莫作等閒時。不待人各宜勉力。擊拂子。復舉德山和尚小參云。今夜小參。不答話。問話者三十棒。時有僧出。德山便打。僧云。某甲話也未問。因甚便打。德山云。汝是甚處人。僧云。新

羅人山云。未跨船舷。好與三十棒。師云。者個公案。諸方老宿。凡遇小參。未免批判。一上然。只能扶強。不能扶弱。徑山今夜。要斷不平。牙如劍樹。口似磔盆。還他德山老漢。若是辨衲。僧眼猶欠悟在。這僧當時才出。直云。某甲今夜不問話。只與和尚相見。則個他若行棒。便與接住。一送非惟坐斷。德山抑亦是個俊快衲。僧拈拄杖卓一下。鶴有九皋。難翥翼。馬無千里。謾追風。

解夏小參。菩提道果。本自圓成。不假修爲。豈從人得。聖凡情盡。體露真常。頭頭上明。物物上具。如斯了達。徹見根源。打破生死。牢關掀翻。是非窠窟。盡十方世界。都盧是箇圓覺。伽藍佛國。魔宮隨緣。遊戲坊酒肆。任性安居。了無染淨之分。豈有去來之異。此名正徧知海。亦名大解脫門。驀拈拄杖。豎起云。釋迦世尊。圍繞恒河沙數諸佛。只今在徑山。拄杖頭上。休夏自恣。各各演說。無量無邊微妙法藏。汝等諸人。不假兩眼。還見麼。不假兩耳。還聞麼。其或未見未聞。切忌向虛空裏圖度。靠拄杖。羚羊掛角。千峰上更有羚羊在。

上頭。復舉洞山和尚示衆云。秋初夏末。東去西去。直須向萬里無寸草處去。僧下語多不契。有僧傳至石霜。霜云。何不道出門便是。草僧復傳此語至洞山。山云。瀏陽乃有古佛出世。師頌云。秋初夏末。走西東。拄杖頭邊活路通。寸草不生千萬里。出門一片碧茸茸。

呆庵莊禪師語錄卷之三

呆庵莊禪師語錄卷之四

門人 智勝等 編

拈古

舉世尊因五通仙人問世尊有六通。我有五通。如何是那一通。佛召仙人。五通應諾。佛云。那一通你問我。拈云。仙人善問。世尊善答。可謂光前絕後。若是那一通。總未夢見在。

舉阿難尊者問迦葉尊者。師兄世尊傳金襴外別傳何物。葉召云。阿難難應諾。葉云。倒却門前刹竿著拈。

云。若向刹竿未倒時。會得埋沒先宗。若向刹竿倒却後。會得辜負自己。且道世尊傳金襴外。畢竟別傳何物。三面狸奴腳踏月。兩頭白牯手擎煙。

舉二祖問達磨大師云。我心未寧。乞師安心。磨云。將心來與汝安。祖云。覓心了不可得。磨云。與汝安心竟。拈云。殺人須是殺人刀。活人須是活人劍。

舉六祖因僧問黃梅意旨。什麼人得祖云。會佛法人得。僧云。和尚還得否。祖云。我不得。僧云。和尚爲什麼不得。祖云。我不會佛法。拈云。得與不得。會與不會。卽不問祖師性命。因甚落在者僧手裏。擊拂子下座。舉國一欽禪師。因馬大師遣人送書到書中。作一圓相。國一發緘。遂於圓相中著一點。却封回。後忠國師聞云。欽師猶被馬師惑。拈云。箭鋒相直。縱奪當機。還他馬祖國一。始得。薦拈拄杖召大衆云。只如國師道。欽師猶被馬師惑。畢竟意在於何。卓拄杖。舉馬祖因僧參次。乃畫一圓相云。入也打不入也打。僧纔入。祖便打僧云。和尚打某甲不得。祖靠拄杖休去。拈云。大師令雖行。爭奈無風起浪者。僧棒既喫了。

一 步 步 音 辨 自 言 金 糸 口

要且有理難伸。復云作麼生會他休去底道理。舉南泉示衆云。王老師賣身去也。還有人買麼。時有僧出衆云。某甲買。泉云。不作貴。不作賤。你作麼生買。僧無對。拈云。山僧若作者。僧待他道不作貴。不作賤。你作麼生買。卽對他道。和尚鼻索在某甲手裏。直饒王老師別有長處也。只得忍氣吞聲。

舉歸宗因普請入園取菜。乃畫一圓相圍却一株菜。以標插之。語首座大眾云。輒不得動著。各下一轉語。來是時。一衆各呈見解。未嘗有契者。宗以捧趲云者。一隊漢。無一箇有智慧。喫却我多少菜。不能與園頭出氣。乃踏倒標子。拽著菜株而歸。拈云。設有僧拔却者。一株菜莫契得。歸宗麼。拈拄杖敲香几云。歸宗和尚。來也。靠拄杖。

舉誌公令人傳語思大云。何不下山教化衆生。目視雲漢。作麼思大云。三世諸佛被我一口吞盡。何處更有衆生可化。拈云。兩個漢總與一坑埋。却不爲分外。雖然也不得草草。良久。雲。自帝鄉去。水從江漢流。舉鹽官示衆云。虚空爲鼓。須彌爲槌。什麼人打得衆。

無對南泉。云王老師不打者。破鼓拈云。南泉與麼道。鹽官還肯伊也。無山僧卽不然。虛空爲鼓。須彌爲槌。什麼人打得。但向他道。打卽不辭。只是罕遇知音。

舉盤山一日出門見人昇喪歌郎振鈴云紅輪決定
沉西去未委魂靈往那方幕下孝子哭云哀哀山忽
身心踴躍歸舉似馬祖祖印可拈云夫爲人師者須
具透關眼別邪正驗來機只如盤山認箇昭昭靈靈
以爲極則馬大師從而印可豈不孤負先聖欺罔後
昆山僧此間若有這般人必然別有生涯鴛鴦繡出
從君看不把金針度與人

舉藥山晚參云我有一句子待特牛生兒卽向汝道時有僧出云特牛生兒也只是和尚不道山喚侍者將燈來僧便抽身入衆拈云大小藥山龍頭蛇尾者僧只知捉月不覺水深大衆特牛生兒也山僧向汝道問將一句來

舉芙蓉毓禪師因龐居士問馬祖著實爲人處還分付吾師否蓉云某甲尙不見他作麼生知他著實處士云只此見解也無討處蓉云居士也不得一向言

說士云一向言說師又失宗。若作兩向三向師還開得口麼。蓉云直似開口不得。可謂寔也。士撫掌而去。拈云芙蓉無端惹起許多葛藤。若約徑山見處。便與攔臂一踏。直饒龐居士知有馬大師著實處也。做手脚不及。

舉金牛和尚。凡自做飯。供養衆僧。每至齋時。昇飯桶云。僧堂前作舞。云菩薩子喫飯來。乃撫掌大咲。拈云賊身已露。

舉龐居士問馬祖。不昧本來人。請師高著眼。祖直下覷。士云一種沒絃琴。唯師彈得妙。祖直上覷。士乃作禮。祖便歸方丈。士隨入云。弄巧成拙。拈云我要問龐居士。曠甚麼作本來人。作麼生是沒絃琴。拈拄杖不是放過馬大師。只是不欲說破。卓拄杖。

舉雲岩問百丈和尚。每日區區爲阿誰。丈云有一人要。岩云因甚不教伊自作。丈云他無家活。拈云明眼人瞞他一點不得。還會麼。解弄不須霜刃。劍延齡何必九還丹。

舉烏白和尚。因玄紹二上座來參。白問二禪伯發足。

甚處玄云。江西白拈棒。便打玄云。久知和尚有此機要。白云。你既不會。後面箇祇對看。紹擬近前。白便打云。信知同坑無異土。參堂去。拈云。平地上。崑崙孤峻處。平坦諸方祇知烏白。具超宗越格手段。且不知烏白徹底老婆心。要識老婆心。麼。棒打石人頭。碌碌論實事。

舉僧問趙州。二龍爭珠。誰是得者。州云。老僧只管看。拈云。爭者不得得者不爭。趙州只管看。要且不識珠。舉黃蘗因百丈問甚處來。蘗云。山下採菌子來。丈云。還見大虫麼。蘗便作虎聲。丈拈斧作斫勢。蘗遂與丈一擲。丈吟吟而笑。便歸陞座。謂衆曰。大雄山下有一大蟲。汝等諸人也須好看。百丈老人今日親遭一口。拈云。師資相得。針芥相投。機鋒互換。照用齊行。譬如二龍爭珠。雲擾霧不動。波瀾二虎奪食。活捉生擒。不傷物命。有者道百丈無陷虎之機。黃蘗有超師之作。如斯理論。刺腦入膠盆。以拂子畫一畫。劈開華嶽。連天秀放出。黃河徹底清。

舉洞山示衆云。秋初夏末。東去西去。直須向萬里無。

寸草處去始得。只如萬里無寸草處。作麼生去。有僧舉似石霜。霜云。出門便是草。師云。拄杖云。總向草裏。輓有甚了期。卓拄杖云。因。

舉趙州因僧問學人乍入叢林乞師指示州云喫粥了也未僧云喫粥了州云洗盥盥去其僧因此契悟雲門云且道有指示無指示若云有趙州向伊道什麼若云無者僧爲甚悟去拈云趙州以楔出楔雲門看樓打樓者僧悟去還有勸處也無良久風不鳴條雨不破塊

舉趙州因僧遊五臺山。凡問一婆云：「臺山路向甚處？」去婆云：「鶩直去。」僧總行三五步。婆云：「好個師僧。」又恁麼去。後有僧舉似州州云：「待我爲勘過者。」婆子明日便去。亦如是問。婆亦如是答。州歸謂衆曰：「臺山婆子我爲勘破了也。」拈云：「衆中盡道趙州勘破婆子。殊不知婆子勘破趙州。」

舉睦州示衆云。你等諸人。若未得箇入頭。須得箇入頭。若得箇入頭。不得孤負老僧拈云。大小睦州通身泥水。我則不與麼。遂厲聲召衆云。退後。退後。衆擬議。

拈拄杖一時趯出

舉仰山坐次大禪佛到翹一足云西天二十八祖亦是唐土六祖亦如是和尚亦如是某甲亦如是山下禪床打四藤條拈云阿魏無真水銀無假

舉德山示衆云問卽有過不問有乖時有僧出作禮
山便打僧云某甲話也未問因甚便打山云待你開
口堪作何用拈云德山權柄在手殺活臨時者僧久
經行陣奮不顧身然雖如是未免二俱不了還有緇
素得出者麼眞金自有眞金價終不和沙賣與人
舉臨濟毘堂有僧出濟使喝僧亦喝便拜濟便打拈
云譬如水母無目求食須假於鰈明眼衲僧不妨辨
取

舉投子因僧問依舊似半月彷彿若三星乾坤收不得師於何處明子云道什麼僧云想師只有滿水之波且無滔天之浪子云閑言語拈云設有人與麼問山僧亦云道什麼待他道只有滿水之波且無滔天之浪脚跟下痛與一頓拈拄杖云有麼有麼拈拄杖云縱饒栽種得不是棟梁材

舉曹山因僧問學人抱璞投師請師雕琢山云不雕琢僧云爲甚不雕琢山云須知曹山好手拈云且道者僧會曹山語不會曹山語山僧道直饒會得也是無端

舉興化陞堂云今日不用如何若何便請單刀直入興化與你證據時有旻德長老出禮拜起便喝化亦喝德又喝化又喝德禮拜歸衆化云適來若是別人三十棒一棒也較不得爲他旻德會一喝不作一喝用拈云二尊宿一人買帽相頭一人隔靴抓痒雖則一期施設爭奈近相鈍置何故見義不爲何勇之有舉湧泉因雪峯來訪乃門送峯入簾了泉云者箇四人昇那箇幾人昇峰乃踊身起云道什麼泉再問峯云行他不曾泉云知卽知只是道不得拈云有主有賓全收全放直須識取湧泉雪峯脫或未然切忌向虛空裏釘橛

舉岩頭參德山纔跨門便問是凡是聖山便喝岩便拜洞山聞舉乃云若不是豁老也大難承當岩云洞山老漢不識好惡錯下名言我當時一手擡一手擡

拈云德山不無養子之緣洞山乃是因齋慶贊作麼生是岩頭一手擡一手擡不是射鵰手徒說李將軍舉雲門示衆云聞聲悟道見色明心作麼生是聞聲悟道見色明心乃云觀世音菩薩將錢買胡餅放下手却是饅頭拈云我不似雲門認奴作郎指鹿爲馬驀拈拄杖云看看拄杖子穿過諸人髑髏卓拄杖舉玄沙因光侍者道師叔若曾禪某甲打鐵船下海去玄沙住後令人馳書問光云打鐵船也未拈云者箇公案諸方批判者不爲不多然只能扶強不能扶弱山僧今日久勘不離元狀敢謂玄沙被光侍者領過直爾分疎不下畢竟如何官無定條從民私約舉南院因僧問赤肉團上壁立千仞豈不是和尚語院云是僧便掀倒禪床院云你看者瞎漢亂做僧擬議院便打出拈云重賞之下必有勇夫

舉長慶云總似今日老胡有望拈云金將石試保福云總似今日老胡絕望拈云玉將火試擊拂子一年春已過臺榭綠陰多

舉風穴因僧問語默涉離微如何通不犯穴云常憶

江南三月裏。鷓鴣啼處。百花香拈云者。僧與麼問風穴與麼答。似則似矣。是則未是。雖然。你要見他風穴。三生六十劫。

舉首山拈竹筴示衆云。喚作竹筴。卽觸。不喚作竹筴。卽背。諸人喚作什麼。葉縣省近前。掣得折作兩截。拋向堦下。却云。是什麼。山云。瞎。縣便禮拜。拈云。脫體風流。須是首山。當機抗敵。還他葉縣。一向與麼去。臨濟佛法掃土而盡。

舉汾陽示衆云。識得拄杖子。行脚事畢。拈云。汾陽一條拄杖。換却天下衲僧眼睛。

舉松源和尚臨終示衆云。久聚正路行者。有只不能用黑豆法。難以荷負正宗。臨濟佛法到此平沉痛哉。痛哉。拈云。松源老祖壓良爲賤。若是黑豆法用得有甚奇特。直須將斷貫索穿過。從上佛祖鼻孔。方有自由分時。有僧云。斷貫索莫在和尚手中麼。師云。這瞎漢拈拄杖便打。

呆庵莊禪師語錄卷之四

呆庵莊禪師語錄卷之五

門人 德琇等 編

頌古

舉世尊一日陞座。文殊白槌云。諦觀法王法。法王法如是世尊。便下座。頌曰。

文殊白槌。置尊下座。露柱燈籠。分明說破。汝等師僧。還委悉麼。水長船高。泥多佛大。

學世尊因。外道問。不問有言。不問無言。世尊良久。據坐。外道讚曰。世尊大慈。開我迷雲。令我得入禮拜而去。後阿難問佛。外道有何所證。讚嘆而去。佛云。如世。良馬見鞭影而行。頌曰。

不問無言與有言。倚天長劒寶光寒。良駒何待搖鞭影。慶喜無端被熱謾。

舉世尊在靈山會上拈華示衆。是時衆皆罔措。唯迦葉尊者破顏微笑。世尊云。吾有正法眼藏。涅槃妙心。付囑摩訶迦葉。

示衆拈華處。破顏微笑時。靈山百萬衆。到此盡驚疑。

師曰。廓然無聖。帝曰。對朕者誰。師曰。不識。帝不契。師遂折蘆渡江。

胡僧齒缺舌頭長。出語如何。契帝王折得莖蘆渡江去也。知無地著慚惶。

舉六祖大師因風颺刹竿。二僧對論。一云。風動。一云。旛動。往復曾未契理。祖云。不是風動。不是旛動。仁者心動。二僧悚然。

不是風兮。不是旛。翻身透出萬重關。笑看天上圓團。月影落澄潭。徹底寒。

舉南陽忠國師。一日三喚侍者。侍者三應。喏。師曰。將爲吾辜負汝。却是汝辜負吾。

會得三呼三應說。甚負汝負吾。咬人罕逢師子逐塊多見韓盧。

舉馬祖與百丈西堂南泉。旣月次。祖曰。正當與麼時。如何。堂曰。正好修行。丈曰。正好供養。泉拂袖便行。祖曰。經入藏。禪歸海。唯有普願獨超物外。

馬祖堂前旣月時。三人兄弟各呈機。一般醜惡難藏。拖爭免傍觀說是非。

舉百丈再參馬祖。祖見來。豎起拂子。丈云。卽此用離此。用祖以拂子掛舊處。良久云。汝以後開兩片皮。將何爲人。丈亦豎起拂子。祖云。卽此用離此。用丈亦掛拂子於舊處。祖振威一喝。百丈直得三日耳聾。後因黃蘗來參。舉此蘗遂吐舌拈來放去。不多爭父子。相將草裏行。一喝耳聾容易曉。舌頭吐出最難明。

舉馬祖不安。院主問和尚近日尊候如何。祖曰。日面佛。月面佛。

日面月面。隨方應現。具眼衲僧。有甚難見。曉來雨過。長江風動。蘆花兩岸。

舉南泉因兩堂首座爭貓兒。泉乃提起云。道得卽救。取道不得卽斬。却衆無對。泉遂斬之。至晚。趙州自外歸。泉舉似趙州。州脫草履安頭上。而出。泉云。汝若在。卽救得貓兒。

當陽提起箇貓兒。道得分明。救得伊。直下一刀。成兩段。草鞋戴出亦徒爲。

舉陸亘大夫問南泉云。鑒法師也。甚奇怪。解道天。

地同根萬物一體。泉指庭前牡丹云。大夫時人見此一株花如夢相似。

天地同根會也。麼庭前指出牡丹花。黃金把得和沙賣。誰謂南泉是作家。

舉鹽官一日喚侍者云。與我將犀牛扇子來侍者云。扇子破也。官云。扇子既破。還我犀牛兒來。侍者無對。

犀牛扇破。重索犀牛。鹽官老漢。好不知羞。

舉魯祖凡見僧來。便面壁。

魯祖見僧。惟面壁。宗師何用口喃喃。怪來昔日毗耶老。獨與文殊作對談。

舉德山初見龍潭。便問。久嚮龍潭。及乎到來。潭又不見龍。又不現。潭曰。子親到龍潭。

千古龍潭水。渺瀰德山。親到更何疑。頂門有眼。明如日脚下。泥深總不知。

舉丹霞到一荒院。遇夜取木佛燒火。向院主乃呵責曰。何得燒我木佛。霞以拄杖撥火云。燒取舍利。院主云。木佛何得有舍利。霞云。若無舍利。更取兩

尊來燒。院主嗣後眉鬚墮落。

丹霞燒木佛。院主墮眉鬚。去得眼中屑。重添腦後錐。舉趙州一日訪茱萸。將拄杖於法堂上。東行西行。黃云。作什麼州。云。探水。黃云。我者裏一滴也。無州將拄杖靠壁。便出。

趙州探水到茱萸。徹底爭知一滴無。拄杖當時將靠壁。分明直處却成紆。

舉僧問洞山。如何是祖師西來意。山云。待洞水逆流。卽向汝道。

宗師開口不留情。只要當人實地行。洞水逆流終可待。西來祖意教誰明。

舉仰山問中邑。如何得見性。去邑云。譬如一室有六窓。內有一獼猴。外有一獼猴。從東邊喚。猩猩獼猴。卽應。如是六窓俱喚。俱應。山禮謝云。適蒙和尚譬喻。無不了知。更有一事。只如內獼猴。瞋睡。外獼猴欲相見時。如何。邑下禪牀。執仰山手作舞云。猩猩與汝相見了。

問來親切。答去分明。抑揚有準。敲唱雙行。獼猴瞋睡。

不瞋睡六窓正好喚猩猩

舉僧問趙州如何是祖師西來意。州云庭前栢樹子。

潦倒趙州全勝敵。藏鋒露刃總由他。當陽指出庭前栢。爭似逢僧喚喫茶。

舉昔有一婆子。供養一菴主。經二十餘年。令一二八女送飯給侍。一日令女子抱定云。正當與麼時。如何主云。枯木倚寒岩。三冬無暖氣。女子歸舉似婆。婆云。我二十年來。祇供養得箇俗漢。遂起出放火燒却菴。

婆子燒菴。話禪人著眼看。三冬無暖氣。六月雪霜寒。舉定上座問。臨濟如何是佛法大意。濟下繩牀。擒住與一掌。便托開。定佇立。傍僧云。定上座何不禮拜。定方禮。忽然大悟。

師資會遇。固非輕報。汝諸人好辨明。紅芍藥邊。方舞蝶。碧梧桐裏。正啼鶯。

舉雪峰示衆云。盡大地撮來。如粟米粒大。拋向面前。漆桶不會打鼓。普請看。

大地撮來如粟粒。等閑覷著骨毛寒。雪峯爲物垂慈。切打鼓從教普請看。

舉僧問道。吾如何是和尙深深處。吾下禪牀。作女人拜云。謝子。遠來無可祇待。

直示深深處。還他向上人。下床施女拜。祇待更殷勤。舉靈雲見桃花。悟道有頌云。三十年來尋劍客。幾回葉落又抽枝。自從一見桃花後。直至今更不疑。後玄沙聞云。諦當甚諦當。敢保老兄未徹在。桃花一見更無疑。大小靈雲眼。瞎瞞笑殺釣漁船上客。無端摘葉又尋枝。

舉臨濟將遷化時。囑三聖曰。吾去世後。不得減却吾正法眼藏。聖曰。爭敢減却。濟曰。忽有人問汝作麼生道。聖便喝。濟曰。誰知吾正法眼藏。向者瞎驢邊減却。

喝下全生殺機。先辨正偏。誰知正法眼藏。向瞎驢邊舉。雲門以拄杖示衆云。拄杖子。化爲龍。吞却乾坤了也。山河大地。甚處得來。

雲門拄杖化龍去。吞却乾坤只等閑。我若見時須却。

折免教一向管窺斑

舉投子因僧問如何是十身調御師下禪牀又問凡聖相去多少師亦下禪牀立

射虎不真徒勞沒羽向上提持還他投子可憐馳逐天下人五五依然二十五

舉僧問洞山如何是佛山云麻三斤

生殺從來總自由三邊戈甲一時收誰知不用施鞞略坐鎮中原四百州

舉趙州和尚云一切人被十二時使老僧使得十二時

趙州老古錘使得十二時床上破蘆簾手中蘆辣梨舉僧問風穴如何是佛穴云杖林山下竹筋鞭

杖林山下竹筋鞭一句如何舉得全生鐵鑄成金彈子扶桑人種陝西田

舉唐朝因禪師微時常運椎擊土塊次見一大塊戲椎猛擊之應碎忽然大悟後有老宿聞云盡山河大地被因禪師一擊百雜碎

一擊百雜碎萬象齊慶快大好因禪師是什麼土塊

舉僧問馬祖如何是佛祖云卽心卽佛又僧問如何是佛祖云非心非佛

卽心卽佛成妄見非佛非心妄轉多拈却兩重關板子大平何用動干戈

舉黃龍南禪師三關語頌曰

我手何似佛手舉起便合知有等閑拶破虛空正好藏身北斗

我脚何似驢脚開口不妨道著須信趙州石橋不比尋常略約

人人有個生緣會得只在目前不識寒山拾得喚作文殊普賢

舉烏窠和尚因會通侍者告辭往諸方學佛法去師曰若是佛法吾此間亦有少許通曰如何是和尙此間佛法師於身上拈布毛吹示之通大悟

日用現行明歷歷擬心湊泊卽瞞預布毛吹起無多子也要當人著眼看

舉五祖演和尚室中問僧云釋迦彌勒猶是他奴且道他是阿誰

描不成。分畫不成。娘生面目甚分明。從他逼塞。虛空去。休更人前喚小名。

舉兜率悅禪師設三關問學者曰。撥草參玄。只圖見性。卽今上人性在甚麼處。識得自性。方脫生死。眼光落地時。作麼生脫。脫得生死。便知去處。四大分離。向甚麼處去。

早間吃粥。齋時吃飯。兩箇五百元。是一貫。

貴買賤賣。少減多添。要識李四。問取張三。

干木隨身。逢場作戲。杲日麗天。清風匝地。

舉德山到潞山。挾複子於法堂上。從西過東。邊從東過西。邊顧視云。無無。便出。德山至門首。却云。也。不得草草。便具威儀。再入。相見。潞山坐次。德山提起坐具云。和尚。潞山擬取拂子。德山便喝。拂袖而出。背却法堂。著草鞋。便行。潞山至晚間。首座適來新到。在什麼處。首座云。當時背却法堂。著草鞋出去。也。潞山云。此子已後。向孤峯頂上。盤結草菴。呵佛罵祖去在。

寶鏡當臺。驗作家德山。觀著眼生花。翻身坐斷孤峯。

頂一味逢人撒土沙。

舉僧問趙州和尚。初生孩子。還具六識也。無州云。急水上打毬子。僧復問投子。急水上打毬子。意旨如何。子云。念念不停流。

急水灘頭解打毬。誰云念念不停流。茫茫六合人如海。脫體風流是趙州。

舉趙州問投子。大死底人。却活時如何。子云。不許夜行。投明須到。

死中得活。亦非常。切忌逢人錯舉。揚昨夜面南看北斗。脚跟不動到家鄉。

舉僧問大龍。色身敗壞。如何是堅固法。身龍云山。花開似錦。水湛如藍。

山花似錦。水如藍。切忌承言落二三。堅固法身遭指注。大龍有口只宜緘。

舉天平依和尚行脚時。參西院常云。莫道會佛法。覓個舉話人也無。一日西院遙見召云。從依平舉頭。西院云。錯。平行三兩步。西院又云。錯。平行前。西院云。適來者。兩錯。是西院。錯上座。錯平云。從依錯。

西院云。錯平休去。西院云。且在這裏過夏。共上座商量。這兩錯。平當時便行。後住院。謂衆云。我當初行脚時。被風吹到思明長老處。連下兩錯。更留我過夏。待共我商量。我不道恁麼時錯。發足南方去時。早知道錯了也。

天平行脚到西院。其奈連施兩錯。何待共商量。留過夏。至今錯解不勝多。

舉保壽開堂三聖。推出一僧。壽便打三聖云。恁麼爲人。非但瞎却這僧眼。瞎却鎮州一城人眼。去在保壽。擲拄杖下座。

手面機輪全殺活。棒頭照用要分明。果然瞎一城人眼。凌辱宗風兩弟兄。

舉僧問雲門。如何是清淨法身門。云。花藥欄。僧云。便與麼去時。如何。門云。金毛獅子。

無中生出老雲門。拍拍當機。調自新花藥欄。雖容易見爭如北斗裏藏身。

呆庵莊禪師語錄卷之五

呆庵莊禪師語錄卷之六

偈

小師 曇頓等 編

贈景首座

睦州嗣黃蘗靈樹待雲門。如此人天眼光明耀乾坤。機奪機兮楔出楔。逆順縱橫誰辨別。師資會遇兮啐啄同時。賓主相忘兮。敲唱合節。坐斷玄關。正令行後。世何人繼清絕。上人自是英俊。流壯年志氣。衝斗牛。集雲峰下。分半座。宏規落落。追前修。領徒行脚遊江海。勘遍諸方。誠絕待。抖擻行囊一物。無七尺烏藤。手中在。竭來訪我深雲。問話到無言心。亦閑推出秦時轆轤鑽等閑靠倒。須彌山。

送輪藏主

生佛已前一句子。不惜眉毛爲君舉。開口分明落二三。塞却耳根須聽取。只今法道何澆漓。談玄說妙誇傳持。逐塊韓盧知幾幾。幾咬人罕覩獅子兒。豈不見臨濟三回問黃檗。六十烏藤沒商略。高安灘上鷺翻身。倒捋虎鬚施痛擗。道人素教來參禪。拚得禁吾劈面。

爭藏裏摩尼親。搆得直須擊碎歐峰前。掉臂堂堂出門去。春光爛熳江南路。鷓鴣啼處百花香。鳳栖不在梧桐樹。

送要侍者

道人要學呆來入。呆菴室。呆菴教汝呆。呆有口說不出。不說亦不聞。無得亦無失。掉頭遊諸方。拄杖挑紅日。笑他老香林。紙襖黑如漆。三三不是九。九九八十一。

送閒長老歸寶勝

君不見夾山散席見船子。一篙打落滄波裏。死眼豁開忽點頭。始信道吾發笑良有以。又不見黃龍行脚見慈明。痛罵不禁魂膽驚。踏著趙州關板子。方知雲峯出語非常情。近來此話憑誰舉。說妙談玄滿寰宇。若約衲僧門下。看到頭未敢輕相許。子今得座披衣時。東探西討何所爲。未跨船舷先轉却。茫茫大地無宗師。憶昔游從非一日。笑語自能忘得失。信會親見作家來。平生參學事已畢。明朝復相別。後會未可期。更有一語送爾歸。爾歸故山慎勿違。曉行須待紅日出。毋使霜露沾麻衣。

送明禪人

道人走遍諸方畢。竟爲箇甚麼。決欲究明死生直須從前放下。便請拗折烏藤。試向虛堂靜坐。忽然豆爆寒灰痛口。不妨罵我。我既不識慚惶。一味如聾若啞。笑他昔日睦州。拶得雲門脚跛。

贈詢藏主

老僧燕坐枯木床。心入無言妙三昧。山陰禪者來扣門。手展雲箋覓長偈。長偈欲書不盡書。鐵鞭擊碎摩尼珠。如來藏裏收不得。神光炯炯騰寒。虎驚起南山。白額虎。木人拍板空中舞。東土西乾沒祖師。五依然二十五。

贈閑藏主

道人脊梁鐵作骨。拄杖橫拖眼如鵠。遍尋知識走叢林。開口欲吞三世佛。金鰲背上解翻身。笑指凌霄高突兀。兀攬得如來藏裏珠。等閑抹過蒼龍窟。

道友二人過子夜。話一友云。此事至難。不可得而擬議。一友云。此事至易。但自不能承當耳。因喻之以二首。

難難萬種千般。纔擬議。卽顛預。青天霹靂平地波瀾。
無說是真說。他觀非正觀。沉淪枉經巨劫。契悟祇在
毫端。莫教坐却。含元殿。逢人只管覓長安。
易易多方一致。絕承當。忘比喻。耀古騰今。經天緯地。
知有亦無。知利他。還自利。明明般若真乘。念念塵勞。
難事。拔却多年苦瓠。根釋迦不受。然燈記。

贈範藏主

藏裏摩尼人不識。護龍河上親收得。竭來托起歐峰。
前一道神光射虛碧。置之濁水濁水。清山鬼見之魂。
膽驚我欲爲渠卽奪。却棄與昏衢爲照明。仰山傾出。
一楞栳狼籍叢林非小。小子今護惜。是至寶。究竟何。
如放下。好呆菴所說。無所憑。不妨携取歸金陵。隨方。
應現色非色。老胡兩眼猶晶瑩。

送慧維那

翠巖接雲峰。克賓嗣興化。師資授受良。非輕千古叢。
林。成話。攝道人欲繼先賢蹤。特披荊棘來相從。法戰。
不須論勝負。宗壇及第期。心空我今縛屋孤峰頂。心。
識多年似灰冷。懶將棒喝對人施。仰視青天白日靜。

道人復作諸方遊。殷勤索我學話頭。話頭學起只這。
是太平。何用施戈矛。

贈冲藏主

歎息復歎息。向上之機誰辨的。曲彖據坐非不多。接。
響承虛亦何益。君不見虎丘只是隆。知藏特立宗壇。
名籍籍。冲禪德。冲禪德大方高蹈。須勉力。煙霞老我。
寸心灰。要觀叢林古顏色。

琪藏主求

佛祖頂額機。超越諸限量。拶透通天關。所得方諦當。
道人當壯年。立志能向上。拄杖挑盂囊。東西遍參訪。
再登凌霄峰。雅慕古人樣。操守尙精嚴。結交匪庸妄。
往來不往來。是藏不是藏。觸目甚分明。開口翻成謗。
莫聽杜阿師。密語相詔誑。到家審思量。別有奇特相。

送恒藏主

把住玄關不通水。泄向上一著。如何辨別。直饒辯似。
河傾機如電掣。到這裏也須卸甲倒戈。亡鋒結舌。說。
甚麼棒喝交馳。敲唱合節。所以道金毛踞地奮全威。
野干聞之皆腦裂。只如臨濟正法眼。藏因甚却向瞎。

驪邊滅。雖然有主有賓。到底無示無說。恒禪恒禪。知不知。昔何時也。今何時。少林曲調天然別。黃金不鑄鍾子期。

次韻送靈隱真藏主

毗盧正體堂堂。露古往今來沒差互。一毫端上洞根源。如日行空恰當午。因憶江西馬大師。聲光烜赫騰坤維。真正舉揚機自別。棒頭喝下看提持。伶俐衲僧快須證據。不得無言不得下語。掀翻藏教。葛藤窠。千手大悲。攔不住。草中驚起睡。菟咬殺南山白額虎。

送達藏主

達磨未來已前。人人鼻孔。揀天天真之佛。不昧日用頭頭現前。逗到遊梁涉魏。未免骨露皮穿。神光錯禮三拜。從茲。縱橫芳聯。臨濟更無本據。却將一喝流傳。誰知正法眼藏。滅向這瞎驢邊。老我口生白蘂。何暇爲人說禪。明日洞庭歸去。不妨順水行船。

送宗藏主

宗門向上事。無傳亦無受。紙襖抄得來。未免揚家醜。老我五峰巔。爲人懶開口。每遇入室徒。大槓劈脊擣。

雖不別機宜。實在脫窠臼。若是英靈兒。機先合知有。藏教五千餘。流布日已久。盡底爲掀翻。不妨誇好手。勘破老雲門。一舉四十九。

送智知客

智不到處。切忌道著。機先機透。祖師關。聖解凡情盡拈却。豈不見大陽寺裏。顯知客笑倒。傍觀韓大伯。倪床高據。乳峰頭。千古聲名何烜赫。

送澤藏主

澤廣藏山。理能伏豹。衆生永息攀緣。諸佛本無言教。趙州爲婆子。轉藏太殺。顛頂善慧對梁皇。講經不妨賣峭。當知觸處逢源。切忌隨機失。照道人學脫空。一心求實効。訪我淩霄巔。踏著通天竅。烏藤倒握。便翻身。方外悠悠。恣高蹈。

送琇藏主

透過龍門。赤梢鯉。翻身藏海波濤起。掣雲攫霧勢未休。終不淹他。鹽甕裏。老僧靜處。薩婆訶。終朝兩眼懸松蘿。秋入叢林正枯稿。疇能沾沃傾天河。魚龍變化固莫測。上人此行宜勉力。百丈重參馬大師。曾聞一

喝聖三日

送念藏主

真誠學道人。脊梁硬如鐵。正念常現前。玄關俱洞徹。
拈起犀牛扇。清風撼寥沈。拓開無盡藏。驪珠耀明月。
掉頭歸去來。不墮他途轍。出林獅子兒。奮迅天然別。

送如侍者

如來頓教門。一超能直入。截斷知見根。脫去情塵執。
啐啄在當機。何啻劈箭急。曾不假思惟。誰云涉階級。
百丈參馬師。側侍繩床立。掛拂驚遭呵。掩耳終莫及。
點鐵作精金。靈丹只一粒。

送頃侍者

馬祖降堂。百丈捲席。大用全彰。神機罔測。如磁引針。
似鑊破的。父子傳持。本無妙密。眷爾瑱禪。來入吾室。
跳出葛藤。撞著鐵壁。熱喝真拳。雷轟電激。擬心即乖。
開口即失。裂破古今。不妨奇特。倒捋虎鬚。唯白拈賊。

送香侍者

鳥窠吹布毛。侍者便悟去。機投輟芥針。徒誇箭鋒拄。
日出天宇高。雲收山嶽露。明明絕覆藏。了了無回互。

拶透上頭關。踏著來時路。四七與二三。密意不相付。

送樹藏主

最初機末後句。未開口時知落處。鳥窠拈起布毛吹。
會通侍者便悟去。如來教祖師禪了。無密意堪流傳。
日用現行明歷歷。靈光洞徹威音前。一大藏教對一
說明眼。衲僧難辨別。南海波斯笑展眉。金剛腦後三
斤鐵。

送瀚藏主

侍者參得禪。了與百當翻身更。那邊拶透如來藏。
就中探出摩尼珠。靈光烜赫騰十虛。是聖是凡難近。
傍。爍迦羅眼。那能窺。老僧一見即奪却。特地從頭問。
渠。索無事。相將草裏行。笑倒東村王大伯。噫。噓。嘻。無
人知。橫拈鐵笛。順風吹。十影神駒立海涯。九苞祥鳳
凌空飛。

送蓀藏主

參到無參學。到無學無師之智。忽現前。聖解凡情盡。
拈却一大藏。教是箇切脚。東山解道鉢。囉娘梵語唐
言。該不著。道人近自雲峰來。探玄有志非凡才。截斷

龍前知見網龍門一躍生風雷兎角拄杖活潑纖卓
向虛空任拈撥休誇臨濟小厮兒黃檗虎鬚曾倒持

送啓藏主

大啓重關延巨敵等閑捉住白拈賊三玄戈甲謾施
呈寶鏡當機難辨的堪笑文遠與趙州爭鋒唇舌無
來絲只圖圖劣不圖勝豈知父子成冤讎何如深入
毗盧藏是聖是凡難近傍把住乾坤正令行傑出古
今真榜樣有時縱奪奮全威哮吼一聲獅子兒金剛
出匣光燄燄迦羅眼那能窺

送謙首座回受經

八絃雲淨秋氣高風生桂岫天香飄堂中上座定初
起卷衣欲渡龍江湖再四留之不肯住鐵錫橫肩出
門去他日重來捋虎鬚啄當機箭鋒挂少林一曲
聽者雖無絃之琴誰復彈老我凌霄倚庭樹摩挲兩
眼看鵬搏

歌

臥雲軒爲前水西大機禪師作

臥雲軒中人隱事不相到心與雲俱閑看雲聊寄傲

雲之從龍自可期達人應世常有時迺知舒卷本無
跡六合茫茫隨所適殷勤爲告臥雲人雲中有路須
致身大地蒼生望霖雨胡爲玄默南湖濱

空外歌并序

入宋武自不聞耳粵江韻淵

東林實藏主字空外求余作偈夏禮甚說因謂之
曰空無內外內外性空性空亦空畢竟空中無名
字相離言說相汝之立名大似夾截虛空我更說
偈何異彩畫虛空耶實曰我立空名師說空偈以
空納空不亦可乎余不意廬山界有此脫空漢於
是擊禪板爲之歌曰

眞性等虛空廓徹無內外不即亦不離非向亦非背
若人一念能融通頭頭物物明眞宗十方蕩蕩沒邊
表古往今來體用同同不同異不異空外之說無實
義一機抹過威音前舜若多神脚踏地有時空外來
頭峭五嶽高崔嵬重重無盡華藏界一一從頭都拓
開有時空外去千手大悲攔不住翻身踢倒七金山
利利塵塵是歸路阿呵呵還會麼當陽唱起脫空歌
快活誰能奈我何溪上石人相耳語無毛鐵鶴過新

羅

大用歌

選佛得甲科。今古誰能敵。大用常現前。何須存軌則。
驢龍領下。扶明珠。赤手曾編猛虎鬚。虛空背上翻筋
斗。藕絲窠裏同安居。機先捉住白拈賊。正按旁提人
不識。眉間掛劍。真自奇。透過金圈。吞栗棘。看他天生
意氣。脫體風流。直上非非想處。輓出須彌。作綉毬。薰
過他方阿僧祇。世界轉身接向脚跟頭。阿呵阿好不
好。南北東西何處討。一毫端上識根源。是聖是凡都
靠倒。北來逢大用。索我大用歌。自慚才力小。奈爾大
用何。試將一滴曹溪水。漲起西江浩渺之洪波。波光
冷浸琉璃碧。沃日滔天深莫測。信口吸教徹底乾。灼
然不費纖毫力。報君知。休驚疑。衲僧向上更有提持。
明投暗合。兮全收全放。左轉右旋。兮不卽不離。大方
內外皆充塞。妙用縱橫無盡時。

呆菴歌并序

余以癡鈍自守。隨所住處。扁曰呆菴。客有譏曰。世
人以機巧相尚。其來久矣。子欲全其呆。而矯諸不

亦迂乎。余因謝其客曰。靈利漢有此分別。爾客既
去。於是作呆菴歌一首。以寫呆意。覽者勿以工拙
論之可也。

我此呆菴呆道人。不識世間秋與春。兀兀癡癡只麼
過。無榮無辱無疎親。或把精金和土賣。或收燕石藏
爲珍。笑倒傍觀靈利漢。讚亦不喜罵不嗔。有問呆菴
何所作。閑看葫蘆懸壁角。當陽拈起鈍鐵鉞。擬向虛
空去穿鑿。門戶長年八字開。屋裏從來空索索。多被
時流薰面欺。一生莽鹵都不覺。可怪呆人百不能對
人呆話。還可憎剛道夜深獨犬吠。大洋海底人挑燈。
更有一般呆。伎倆兩耳卓。朔頭鬚髻。任你客僧逞機
巧。東呼西喚渠不應。

無言歌并序

無言。學藏主以其號求作歌。余屢不答。而請益堅。
乃謂之曰。余作是歌久矣。汝自不聞耳。學云。師旣
無言而言。亦當言所無言。豈復有所分別耶。余爲
一笑。而援筆書偈以塞其請。

無言上人求我歌。我正無言樂禪寂。兀然不答坐堆

堆雨。眼。侵。侵。掛。空。壁。上。人。良。久。乃。出。門。此。事。分。明。誰。
與。論。日。輪。杲。杲。初。卓。午。松。風。颼。颼。聲。滿。軒。維。摩。示。疾。
毗。耶。雖。只。應。惹。得。文。殊。至。到。了。何。曾。措。一。詞。不。二。門。
開。洞。天。地。汝。今。無。聞。我。無。說。覲。面。當。機。還。直。截。無。位。
眞。人。笑。臉。開。僑。梵。盃。提。驚。吐。舌。

雲海歌爲慈藏主作

慈。雲。陰。覆。廣。無。邊。覺。海。圓。澄。深。莫。測。都。來。只。在。一。毫。
頭。拋。向。面。前。人。不。識。從。他。布。影。遍。十。方。恒。洒。甘。露。甦。
焦。枯。含。攝。三。千。大。千。界。湧。出。百。億。須。彌。盧。諦。觀。雲。海。
微。源。委。往。古。來。今。絕。倫。北。盡。底。掀。翻。驗。作。家。眨。上。眉。
毛。隔。千。里。上。人。索。我。雲。海。歌。我。歌。雲。海。可。奈。何。未。開。
口。時。聲。浩。浩。龍。門。鼓。起。滔。天。波。

荊石歌

荊。山。石。徒。落。落。何。人。知。是。無。瑕。璞。卞。和。一。見。喜。且。
驚。持。獻。金。門。試。雕。琢。楚。國。良。工。希。復。希。可。憐。抱。石。荊。
山。歸。一。朝。剖。決。遇。明。主。天。生。至。寶。眞。絕。奇。近。聞。荊。山。
尙。多。石。於。中。豈。有。連。城。壁。牧。童。棄。置。同。瓦。礫。時。無。卞。
氏。誰。能。識。舉。世。學。道。人。各。懷。無。價。珍。宗。匠。久。不。作。未。

免。成。埋。塵。塵。埋。不。埋。何。得。失。利。物。應。機。終。有。日。願。言。
此。去。善。護。持。休。向。中。途。生。退。屈。道。人。索。我。荊。石。歌。載。
歌。載。歎。可。奈。何。荊。石。懷。歸。莫。輕。售。世。間。自。古。譏。言。多。

禪悅吟

我。吟。禪。悅。誰。證。據。自。有。知。音。知。樂。處。袈。裟。輕。卷。出。塵。
來。柳。標。高。擔。入。山。去。青。松。下。碧。巖。前。閑。看。浮。雲。橫。曉。
天。日。輪。初。升。照。絕。頂。大。地。須。臾。俱。洞。然。石。門。菴。荒。草。
路。要。行。卽。行。住。卽。住。有。時。兀。坐。破。柴。床。困。則。和。衣。伸。
脚。睡。貧。道。人。沒。疎。親。頭。頭。應。用。皆。天。眞。山。鳥。銜。花。忽。
相。過。定。回。不。覺。人。間。春。諸。境。空。萬。緣。絕。薔。蔔。吹。香。滿。
寥。沈。楞。伽。讀。罷。默。無。言。舉。頭。遙。望。天。邊。月。秋。葉。落。秋。
風。涼。小。溪。流。水。聲。自。長。薄。暮。驚。逢。採。樵。客。擬。尋。歸。路。
何。徬。徨。獨。嘯。嘻。常。慶。快。截。斷。千。妖。并。百。怪。窮。冬。積。雪。
遍。山。林。絕。勝。普。賢。銀。世界。描。不。就。畫。不。成。悟。得。無。生。
無。不。生。一。鉢。持。來。香。積。飯。淨。名。不。出。毗。耶。城。禪。悅。吟。
吟。不。徹。本。色。衲。僧。機。用。別。全。放。全。收。正。此。時。寄。語。通。
人。好。甄。別。

呆菴莊禪師語錄卷之六

呆菴莊禪師語錄卷之七

小師 曇頓等 編

詩七言八句

讀古林和尚語錄

三十餘年振祖風。此菴門戶不雷同。驗人眼在眉毛上。陷虎機藏掌握中。枯木抽條垂地綠。冷灰發焰亘天紅。看渠孽破渾侖句。抹過楊岐栗棘蓬。

送仰山堅藏主

尋師擇友爲參禪。須是身心鐵石堅。千里瞻風終枉爾。一朝噴地始欣然。雪消庾嶺春飛錫。月滿鄱江夜泛船。扶得驪珠光燦爛。集雲峰頂浪滔天。

送敏侍者時在撫州北禪寺

撥草瞻風不憚勞。光陰多是等閑拋。當場正好施三頓。平地須防吃一交。黃雀競尋紅稻啄。紫鸞偏向碧梧巢。北禪有語非干舌。紙襖毋煩侍者抄。

送儔侍者

子也參方要識真。此行此語合書紳。隨聲逐色塵難出。絕慮忘緣道易親。盡道有修還有證。須知無法亦

無人布毛吹起。變瞳碧確。背花開劫外春。

次韻送傑侍者

湘西昔日廓侍者。當機熟喝駭同流。羅籠迴脫摩霄鶴。鞭索俱忘露地牛。架箭張弓思石鞚。呈撓舞棹笑岩頭。扶桑東去煙波闊。會有鯢鯨上直鉤。

送璨藏主

道人學道莫遲留。寒暑催人易白頭。行脚既知明大事。立心端合繼前修。要知臨濟參黃檗。須想雲門見睦州。信手揭翻華藏海。虛空背上恣遨遊。

寄全室和尚

老去閒居傍帝畿。承恩時復奉天威。三經旨訣曾敷奏。千聖真傳盡發揮。佛印解來蘇子帶。大顛留得退之衣。朝賢問法多如雨。一一提持向上機。

晏侍者有偈呈師次韻酬之二首

柳栗橫擔鐵一尋。遠辭京國到雲林。將來廓徹人天眼。向上研窮佛祖心。誰道磨磚難作鏡。我知點鐵易成金。當機識得歸源旨。琴鼓無絃有妙音。佛祖話頭生鐵樹。古今流播滿叢林。莫圖聽我閑饒。

勉尊勝宗長老

次韻送勤侍者

追和雪峰空禪師分歲韻

次韻答法姪澤藏主

生佛已前一段事。賤堪卑也。貴堪尊。正當語路。無尋處。方信禪家有悟門。彈指直教三際斷。到頭莫被六塵昏。不因法姪來相過。老我如何著口論。

送願藏主

送持藏主

次韻贈法姪澤禪人

送胤藏主

一大藏教一氣轉翻身跳出葛藤窠去來合轍皆絲

我殺活當機不屬他。稱過量人能有幾。具超方眼亦無多。江南兩浙參遊徧。還把袈裟掛薜蘿。

次韻答萬壽伯瑩和尚二首

閑房壁觀。虛都語默。何曾涉市途。但自機先提祖印。從他肘後秘靈符。鏡中鬢髮千莖雪。床角藤枝七尺烏。只恐徵書天上至。金欄特賜趨朝趨。袈裟憶在寶珠峰。曾共敷揚向上宗。華偈聯篇光燁燁。竹筴倒握勢隆隆。誰云雪曲無人和。自信玄關有路通。別後早聞歸故里。四方禪學盡趨風。

次韻答無文藏主

尋師擇友事參方。剖破疑團發慧光。一句當機傳法印。十年混跡在禪堂。寒松綠幹凌霄秀。秋菊垂花帶露黃。妙用頭頭俱顯現。了知秘藏不能藏。

送進藏主

瞻風撥草爲求師。親到龍門更不疑。極力成禪雖在我。通身放下合繇誰。要知道絕名模處。須信機同啐啄時。負汝負吾都莫問。看他睡虎奮全威。

贈生維那

子來覓偈。擬何爲。去向諸方扣宿師。句裏藏鋒須猛省。機先嚙鐵莫遲疑。當知覲面提持處。正是全身放下時。顧我不行與化。令臨岐叮囑費言辭。

示儉侍者

侍者參得禪了也。烏藤三十未輕饒。盡教禪子心機息。方顯師家手段高。鏡藉重磨光始現。金繇百鍊鑠全銷。承虛接響知何限。續斷應須煮鳳膠。

詩七言絕句

奉和芥室和尚雜言四首

沉空滯寂不回頭。暑往寒來春復秋。缺齒老胡辭竺國。大乘根器出神州。

坐斷孤峰最上頭。德山氣宇凜高秋。一條白梃橫揮處。千古威風四百州。

空齋不語獨搔頭。搖落驚看覺苑秋。書上萬言天子悅。令人苦憶老藤州。

江北江南走競頭。幾人葉落便知秋。當年風穴辭南院。七載單丁在汝州。

次韻東院和尚閑居

禮疎山祖師塔

示僧修橋

題倒騎牛

示文上人

送忠書記

示蘊侍者

奉寄芥室老和尚二首

手携七尺古藤枝。渡水穿雲孰可期。逆順二途俱不

寄玄極法兄二首

暮翁手提斷貫索。曾從東海縛麒麟。長竿此日拋香

三脚驢牛。闊角牛。東西奔觸沒蹤繇。從他露地憨眠。

示曇頓侍者省親二首

父子恩親孰與齊。卷衣別我數行啼。到家莫負還山

約折脚鐘兒要爾提

送修禪人

知識門庭似海深。輕包短策好參尋。千條山郭千條路。一寸光陰一寸金。

化鐘

大婦轡裏翻身處。開口當知有賞音。多少師僧齊側耳。聽渠號令震森林。

次韻題漁隱

江天空闊思悠悠。魚鼈浮沉逐水流。撥轉船頭東海上。不妨重整釣鰲鉤。

送貞侍者

鍾陵禪者到歐峰。入室求聞向上宗。我欲爲渠施正令。床頭拄杖未開封。

送空禪客

自家活計沒些些。撒出珍珠似土沙。老我貧無錐可卓。棒頭有眼辨龍蛇。

息心齋

盡斷萬緣忘物我。頓空三際絕名模。夜明簾外泥牛

吼。覺海波瀾徹底枯。

送愈藏主

龜毛拈向眼中栽。惹得旁觀笑滿腮。此去有人伸借問。莫言親見徑山來。

析明覺大師迷悟相返四首

罪罪梅雨洒危簷。孤坐寥寥萬慮澄。門逕草深人跡少。床頭閑却一枝藤。

五月山房冷似冰。紅塵市上開犇騰。利名心識都消歇。徹底清閑物外僧。

莫謂乾坤乖大信。函蓋無私悉隨順。滄海桑田自變更。法法不離心地印。

未明心地是炎蒸。明得依然似未曾。珍重遍參諸祖客。將來總可續真燈。

送衡侍者

子也經年侍我旁。了無一語可傳揚。紙衣不用閑抄寫。三十烏藤要斷當。

送瑄藏主

三呼領旨水洗水。一默酬僧空納空。拔却長年釘根

檄杖頭八面起清風

送正藏主

寶藏揭開何所有。頭頭總是自家珍。祖翁契券親收得。儘可將來利濟人。

次韻送興藏主歸鍾山

繁興永處那伽定。道是無爲卽有爲。歸去鍾山問端的。老禪不語笑微微。

示周普明居士

念佛無非念自心。自心是佛莫他尋。眼前林樹并池沼。晝夜還能演法音。

賀澤天霖住智門二首

十年湖海飽咨參。慣把龜毛拂子拈。得座披衣當此日。好弘法施播東南。

白岩大坐驗來參。本色鉗鎚要汝拈。碁布叢林盡尊宿。不知誰解作司南。

用韻自述二首

佛也來時不放參。德山白格亦慵拈。慚無機用堪施展。掩室堆堆坐面南。

老來無復事朝參。綵筆曾經對御拈。叨沐君王賜方服。中官送出午門南。

示胡覺堅居士

人人自己天真佛。晝夜六時常放光。剔起眉毛親見得。何勞特地禮西方。

次韻答南湖方丈

松月禪翁的骨孫。南湖坐斷合推尊。晨參暮請多禪侶。箇箇當機廓頂門。

送約首座

兜率宮中說法回。青天白日鼓風雷。幾多滯礙迷封者。奇特商量滿面埃。

贈振藏主

經頭一字無人識。注脚徒然有許多。誰把吹毛三尺劍。當陽截斷葛藤窠。

示道友

欲究禪家向上機。披精進鎧奮全威。智刀裂破無明網。管取心空及第歸。

示唐妙蓮道人

五濁界中難久住。茫茫劫海幾時枯。等閑一念空三際。是則名爲大丈夫。

古韶爲埧侍者作

太始希聲奏九成。曾聞祥鳳舞虞庭。金春玉應三千載。不是知音不易聽。

次韻送敬侍者

鳥窠未舉布毛先。開口分明落那邊。堪笑會通機不密。眼睛打失髑髏前。

送冀藏主

侍者參得禪了也。虛空昨夜笑哈哈。人人本有光明藏。金鎖還將玉鑰開。

贈中書記

荷負如來最上乘。百家異學亦兼能。看他佛印元書記。續得雲門五世燈。

瑞笋

靈芽初長祇園裏。終見參天發茂枝。不爲化龍頭角露。丹山祥鳳欲來儀。

送眞藏主

悟得分明用得眞。入門相見體循循。如來藏裏摩尼寶。正眼看來亦是塵。

山居十首

絕頂深居世念忘。更無佛法可商量。日高丈五眠方起。一架薔薇花正香。

松根石上坐堆堆。一片閒雲去又來。靈利師僧相過少。柴門終日爲誰開。

滿目雲山春寂寂。無言桃李晝酣酣。萬機直下都休歇。此道何勞更指南。

路入羊腸草拂腰。數間茅屋傍山椒。知心惟有天邊月。幾度飛來伴寂寥。

香篆煙消午睡醒。遠山入望碧層層。清平世界無拘束。一箇長行粥鉢僧。

身上氎毼布衲衣。青灰抖擻滿窓飛。門前小犬嚙嚙吠。喜見山童負米歸。

空階雨後獨徘徊。秋色蒼涼日影低。樵唱一聲來谷口。竹雞飛上樹頭啼。

處世心如臘月冰。住山自笑百無能。菜羹且莫熬油

處世心如臘月冰。住山自笑百無能。菜羹且莫熬油

煮留點堂前供佛燈

石室寥寥坐翠微。江湖朋舊往來稀。東南叢席多龍

象。知是何人唱祖機。

閑居隨分度年華。力荷先宗愧出家。刮地朔風連夜
起。又看春色到梅花。

秋日山中卽事五首

鮮罷山行折桂枝。幽蘭移得向墻墀。青青菜甲園中

長白。匾萱花開滿籬。

羹菜無鹽懶去賒。化糧道者未還家。一條百衲拈來
看。昨夜霜添瓦上花。

老來棲息愛林泉。垂手何心更入廬。試拂床根雙草

履。天晴移晒屋檐前。

黃葉飄風滿地秋。山房終日冷湫湫。癡夫靠晚樵青

至。摘得藤梨在擔頭。

薺麥花開曉日晴。喚來童子聽叮嚀。好將紫芋收歸

了。携取長鑱剛茯苓。

呆庵莊禪師語錄卷之七

呆庵莊禪師語錄卷之八

門人 道哲等 編

詩五言八句

追和歸源老祖山謳四首

卜居傍深雲。心心自知足。蘿牕白晝長。閑把禪經讀。
荒徑無人踪。充飢多野蕨。門外春草青。忘機有麋鹿。
庭樹有佳色。珍禽多好音。渾然一片境。了無差別心。
閑來常獨坐。詩成還自吟。窅窅松門路。迢迢白雲深。
山中住庵人。本是方外客。秋風一旦高。草衣寒索索。
靜聽流泉聲。坐看松子落。何來牧牛童。袒膊露雙腳。
長林悉凋落。刮地霜風吹。道人不出山。終年無所知。
一心既空寂。萬法將焉依。海門明月上。冷照枯松枝。

贈珉藏主

見道能修道。知恩合報恩。大功原不宰。妙斲了無痕。
剎剎神通藏。塵塵智照門。機先開活眼。一句定乾坤。

贈李古銘居士

在家能學佛。齋戒誓終身。欲證無爲果。須除有漏因。
頭頭全妙用。一一契天真。雖處塵勞界。堪稱解脫人。

示願妙心道人

大道無方所。頭頭總現成。妄情纔頓息。覺性自圓明。
占鏡重磨瑩。真金百煉精。請看靈照女。千載振嘉聲。

送密禪人

潛行并密用。要與古人同。理寂事俱寂。心空法亦空。
探玄須具眼。覓佛謾施功。的的吾宗旨。堂堂日用中。

送天禧禪知客

教觀與禪宗。繇來絕異同。心心無取舍。法法自融通。
實相原非相。真空亦不空。玻瓈輕托出。特地顯家風。

示葉居士

在家學佛人。古今知幾幾。悟得本來心。何須棄妻子。
湘西龐近原。河東裴公美。機語播禪林。芳名載僧史。

示翁居士

本性天真佛。堂堂日用中。已勤修道志。當進坐禪功。
觸處無妨礙。臨機有變通。心空能及第。應與老龐同。

雲居十首

雲居絕頂久矣。荒蕪余領住持。志圖興復。於是躬
操畚插。首創室廬。以居焉。然時事艱難。立功未就。

林泉勝絕藏拙是宜。獨目寓懷。遂成十偈。示左右
云

絕頂雲深處。膺公舊隱基。自從經劫燒。便覺值時危。
草沒隈岩塔。藤纏臥路碑。開荒營聖代。禪誦樂無
爲。

絕頂雲深處。生涯孰與論。牽蘿難補屋。夾樹易成門。
案潤塵偏積。爐寒火尙存。一聲山鷓唳。不覺又黃昏。
絕頂雲深處。吾今誓卜居。草萊鋤不盡。薇蕨食無餘。
古砌崩頽久。虛堂結構初。廢興應有數。天意竟何如。
絕頂雲深處。諸峰列作屏。風林春浙浙。煙樹曉冥冥。
鉤鐙重安柄。長鎌始發硎。已成歸隱計。築圃傍柴扃。
絕頂雲深處。何人伴寂寥。青山如可厭。白日也難消。
採藥登岩洞。看松倚石橋。自慚樗散質。無補聖明朝。

絕頂雲深處。安居愜素心。紅塵飛不到。綠樹自成陰。
好鳥鳴當戶。異花開滿林。客從方外至。曳杖碧溪潯。
絕頂雲深處。憑誰話此宗。獨茂塔下草。閒撫石邊松。
寒暑三條衲。乾坤七尺筇。上堂黎藿熟。童子恰鳴鐘。

絕頂雲深處。禪房靜更幽。猿啼清夜月。鴈過碧天秋。
霜果香堪摘。寒杉翠欲流。從來人跡少。何用息交游。
絕頂雲深處。長年事若何。一心無住著。萬念盡消磨。
自喜逢迎少。誰言寂寞多。充飢有黃獨。那復下煙蘿。
絕頂雲深處。丹青寫不成。溪光晴轉好。泉溜夜偏清。
但得山中趣。寧圖世上名。小牕寒月白。梅影一枝橫。

讚

觀音

啓圓通門。現比丘相。妙應無方。真慈無量。全身墮在
草窠中。獨有善財能近傍。
手持如意輪。仰觀天上月。圓通門大開。三世一切說。

魚籃觀音

錦鱗鮮活出潮新。赤手提來走市廛。貴賤隨時無定
價。相逢不是當行人。

布袋和尚

布袋橫拖走市廛。逢人要覓一文錢。只知追逐小兒
戲。忘却上方兜率天。

朝陽補破裩

切切用針縫。工夫要綿密。這回補不完。孤負天邊日。

對月了殘經

手中一卷經。天上一輪月。了了在目前。明明向誰說。

應供羅漢

一隊垛根漢。長年何所爲。神通雖變現。佛法欠傳持。
我欲生按過。未免費鍼錐。捏怪有時盡。誰能說得伊。
久向天台靜。打隈有何忙。事出山來。只知度海遶齋。
去不覺從前滿面埃。

跨牛羅漢

手持經卷跨犀牛。知是何來老比丘。便恁麼隨芳草
去。還家只合早回頭。

達磨祖師

當門窗缺兩眉巖。個是單傳碧眼胡。出語不教天子
契。渡江空費一莖蘆。

六代祖師

遠來東土爲初祖。教外何曾有別傳。冷坐九年無折
合。獨携隻履返西天。
覓心不得安心竟。鼻孔無端失半邊。三拜起來依位。

立少林衣鉢是渠傳

皖公山裏獨潛光。聲跡都虛與世忘。勾引沙彌來問法。始終猶是不相當。

三度固辭天子詔。一生只合住山中。如何却有閑情緒。直上牛頭接懶融。

只個周家七歲兒。從前捏怪更誰知。解言有姓非常姓。腦後分明欠一錐。

菩提非樹鏡非臺。開口那知是禍胎。傳得衣盂將底用。三更月下離黃梅。

懶瓚禪師

布衣穿結髻毛斑。天子呼他不下山。惹得虛名垂後世。只因分芋俗人貪。

虎丘老祖

睡虎耽耽世所誇。堆雲觸著是冤家。祇應肉醉空山裏。更不人前露爪牙。

三笑圖

天子呼他不出山。送人却過虎溪灣。信知陶陸非常士。千載風流一笑間。

高峯和尚

天目山中立死關。話頭從此落人間。青松樹下磐陀石。凜凜高風孰可攀。

中峰和尚

幻住菴居老作家。頂門眼正辨龍蛇。看他開口爲人處。嚼碎虚空不吐渣。

千岩和尚

伏龍山上無明叟。曾向獅岩落賺來。死欵活供猶傑斗。至今平地起風雷。

太宗和尚

普慶振長老請

早歷諸方門。曾不循途轍。豎起硬脊梁。一條生鐵橛。泊到紫簪峰。平地遭一擲。打失雙眼睛。冤屈憑誰雪。鴈宕掃寒雲。龍國弄明月。兩處立牢關。機用與人別。威風凜凜振叢林。師子教兒迷子訣。

古鼎和尚

太平慧長老請

披忍辱鎧。豎精進幢。三關不立。群魔自降。德尊位重。理勝言龐。晚居徑塢。名聞異邦。揭示妙明心地。印倒流東海入西江。

止菴和尚半身

一提鉗斧六坐覺場道傳正續名動諸方駕慈航暫
遊笠澤懸慧日久駐錢塘龍淵之龍奮迅鳳臺之鳳
翱翔既據誠而闡大教益垂手以整頽綱全身雖不
露通界莫能藏百千三昧毫端現四海蒼林話轉長

松隱和尚即唯菴也

松筠標格玉雪精神德尊緇衲名重縉紳大用全彰
也澄潭印月真機普應也枯木回春等慈及物隨處
接人獅子岩前拋鐵網華亭江上捉麒麟

覺源和尚

神機落落慧辯滔滔氣吞佛祖目視雲霄振化風於
千里馳聲譽於兩朝傳持不謬舉措堪褒使王福中
頂禮而心服亦猶馬師之於龐老藥山之於李翱嗚
呼芥室之門賴有此老則西丘法道未甚寂寥也

自讚

面冷於鐵心死若灰無禪可說有口慵開 奉天殿
前應 召曾坐凌霄峰頂承 旨卽來跛跛挈挈癡
癡呆呆殃害叢林個瞎禿老拳要築禪人腮

龍潭住長老請

本是潮東僧來作江西客開口要罵人到處難著脚
破沙盆不解提持鐵酸餠徒勞咬嚼獨坐歐峯巔門
庭何冷落龜毛網布百千重擬打天邊金鸞鷲

同安榮長老請

頭如木杓眼似銅鈴少得人愛多得人憎禪不參剛
要舉話字不識也解看經截斷松源之正續撲滅芥
室之真燈爲人無準的住院沒規繩千峰頂上恣騰
騰萬里乾坤一衲僧

童嶺德長老請

德無可稱才不足取大坐倪床橫揮麈尾形模似箇
師僧說話沒些義理掣風掣顯響嘆響喜拈生苕帚
掃開歐阜之雲提破沙盆吞盡龍淵之水知之者謂
其本分有餘不知者謂其脫空無比或西或東乍被
乍此脚踏金船海月高鄱陽湖上清風起

天龍善長老請

平生要說拍盲禪掘地如何覓得天三處住山貧徹
骨了無衣鉢與人傳

乘藏主請

承 恩金闕奉 天威五髻峯頭唱祖機老去貧無
錫可卓摩挲兩眼看雲飛

跋

跋無準和尚詩

正續老人傳宗說法之暇以詩辭翰墨爲游戲三昧
故其片言隻字流落人間得之者不啻隋珠卞璧今
善世撫侍者寶此真蹟出以示余請著語于後因謂
之曰話到夜闌山月吐又騎白鹿入深雲切忌便作
詩會汝爲直下子孫要見此老用處更須高著眼始
得

跋中峰和尚墨蹟

幻住老人法性寬波瀾闊肆口而說信筆而書莫非
揭示生佛已前一段奇特大事今觀所與阿塔輪夫
人法語以無礙辯才發明法華奧旨可謂穿過釋迦
老子鼻孔雖然若約衲僧門下猶欠勦絕在悟藏主
寶此遺墨且道予作是說畢竟意在於何
吳門宛率園比丘明聞閱呆菴莊禪師語錄終

塔銘有序

皇明紀元永樂之元年十月廿有三日癸酉我徑山
第六十代住持呆菴莊禪師示疾卒于不動軒之
正寢世壽五十八僧臘四十五其徒曇頤等能遵
治命自殮殯以至於茶毗窆窆中禮無違越明年
予繼領寺事視象之初觀其遺規井井寺衆雍雍
凡所作爲皆有條而不紊東西列序各職其職顧
予衰耄承乏居位率由舊章蕭規曹隨克守唯謹
旣而頤以師塔未銘狀其行實請予銘之予義不
可辭乃按狀掇其大槩而直書之禪師諱普莊字
敬中呆菴則其別號也族系台仙居之袁氏世襲
儒業母王氏誕師之夕夢梵僧入室以元至正七
年丙戌八月十二日生倅歲岐嶷穎異不類常兒
善本夙習厭絕葷茹甫八歲負笈入鄉校授以詩
書經耳成誦恒愛靜獨兀若有思如籟自訟曰讀
書明理處世法也學出世法固所願焉年十二白
父母求出家父母雖珍愛之終莫能奪其志會族
之叔父有從釋者來歸遂携至鄞左菴良禪師居

天童法席甚旺。見而錄之。明年己亥。薙髮受具。服勞參侍。久之。不契。辭抵郡城之天寧。時了堂一和尚。提破沙盆。話勘辨來。機師徑趨丈室。堂曰。何來。對曰。天童堂曰。冒雨衝寒。著甚死急。對曰。正爲生死事急。堂曰。如何是生死事。師以坐具作撒勢。堂曰。敢這裏將虎鬚參堂去。一日。堂室中學庭前柏樹子。話師擬開口。堂劈口掌之。豁然有省。遂容入室。朝夕決擇。爰臻闔奧。未幾歸。候左菴。菴察其機警異常。命典藏。鑰無何。而堂移幢。天童師喜形聲。色執勤愈謹。洪武丁巳有。

旨命天下僧徒講習心經。楞伽金剛三經。性原禪師明公住持鎮江金山。延師講授。啓發學徒。剖釋經義。深契機理。聽衆厭服。聲價藉甚。明年戊午。客寓天界全室。滿菴二大老位望尊重。師與抗衡。論辯機緣。窮徹底。盡歡實。無已。以爲親得暮翁骨。隨臨濟正宗。良有託矣。又明年。已未。起師出世。撫州北禪開堂之日。酬恩。瓣香。爇爲了堂。推拂之下。發露振蒙。緇白傾向。慨惟古寺屋老。俗殘。急於事功。興

舉廢墜。殿堂像設。廊廡鐘魚。構治塗飾。百凡維新。遷主雲居。先是寺廢。既久。名存實亡。師領薦之日。誓於舊址。縛茅聚衆。興復是圖。全室叟聞而壯之。曰。真本色住山人也。居僅五載。募施經營。奔走衆工。寺宇落就。鯨鼉震吼。金碧翬飛。大闡玄機。江右獨步。二十六年癸酉之春。

詔徵天下高行沙門。師與學首對揚稱

旨。允愜

皇情。是年秋。函

命至廬山。祭祀立碑。感格聖靈。騰光現瑞。神燈映射。祥靄氤氳。碑壇下上。盪眩萬目。陪祀官僚。僧道士庶。稽顙歸依。同聲讚歎。禮成復。

命喜動堯眉。賜衣一襲。褒錫甚隆。是冬得

旨。升住徑山寺。爲海內禪宗首利。俾師居之所以致崇極於師道也。師既戾止。培植教基。恢弘道本。繼前烈之光焰。級後進之階梯。殿壁湧海。巖之觀音。樓鐘範臯氏之鉅器。創菴中峯。見祖燈之有續。散田原。佃免官租之徵。追摩襴綵。祇之賜道懷。

親王解帶留衣之機。交傾名宦。三宗讓德。四衆宅心。
位尊一代。龍□□謂備至耳矣。於戲教。貼叔運道。
輟宗工遺言。□□溘爾順寂。七日闔維煙燄所至。
設利燁煜。□□數珠出灰燼。□□□壞遺骨塔。
于寺□□霄之陽門。徒弟子□□□竣相向悽楚。
有言于衆曰。師入大定。吾徒□□載瞻載慕。惟此
塔婆而已。首度弟子若干人。得法弟子若干人。其
說法三會語錄若干卷。並傳焉。然不銘石以表之。
其何以昭示永久。於是請銘銘曰。

巍乎天台	上應列宿	磅礴扶輿	鍾奇毓秀
篤生偉人	禪林領袖	翊世扶民	邦家陰佑
了堂恕中	同出台岫	難弟難兄	更唱迭奏
元季宗工	道德實茂	維呆菴師	幼而騫鶴
師資稔緣	遇于古鄆	太白天寧	心法密授
匡徒西江	時緣輻湊	所至成績	宏規復舊
律已峭嚴	訓徒善誘	聲譽日隆	海內馳驟
詔徵高僧	褒然舉首	對揚契機	寵錫斯厚
命居徑山	如登靈鷲	法雨沛滂	霑溉羣有

□□□□	忽覩白晝	化權既□	□□□介
雙徑□峰	嗥猥躑躅	□□□□	一木詎□
於戲哲人	□□□□	銘石堂隅	□□□□

密雲禪師語錄

明
•
密雲圓悟
山翁道忞

編撰

密雲禪師語錄序

達磨受西天般若多羅密印六傳而至曹溪曹溪之後分爲二枝而臨濟之兒孫獨盛臨濟之後又分爲二枝而楊岐之兒孫獨盛蓋監寺受慈明遙記與黃檗之記臨濟正同故禪道獨爲天下冠今之所傳臨濟派者則皆系出於圓悟勤之子虎丘隆者也虎丘之子天童華知見高邁大慧嘗作偈特稱之天童華傳天童傑傑傳破庵先先傳無準範範傳雪巖欽欽傳高峰妙妙傳中峰本本傳千巖長長傳萬峰蔚蔚傳寶藏持持傳東明品品傳海舟慈慈傳寶峰瑄瑄

跋語

密雲禪師語錄序

一

傳天竒瑞瑞傳絕學聰聰傳月心寶寶傳禹門傳禹門嫡子是爲今天童圓悟大師大師之望前圓悟勤公凡二十世其望臨濟則三十世而望達磨則四十世也天童居大海之東山川環擁當年之坐道場說法者八十餘員大率皆臨濟之裔也庚午之春余在武林僧舍偶見大師語錄一編始知臨濟宗風至今未墜修書致敬請師說法太白山中卽天童華禪師故址也捧喝交馳學者無開口處莫不望風而靡以爲臨濟再來也大師操履嚴峻有古尊宿之風行解相應與末世之狂禪迥別余嘗觀其用處縱奪自繇

每叶一言蓋大蓋地其所從來者異矣應接若多羅之藏而中興臨濟之道於今時正全提坐斷十方世界矣哉

崇禎壬申歲三月朔旦弟子黃端伯稽首和南

跋語

密雲禪師語錄序

二

密雲老和尚語錄序

達磨西來直指人心見性謂之教外別傳翻盡四十九年葛藤獨拈花一則鐺解不破斧劈不開易為密雲老人語錄細素尺一奉之夷夏主璋拱之蓋古尊宿當陽提令各擅勝場有如龍吟虎嘯有如閃電轟雷有如千仞鳳翔有如百川鯨吸有如孤松嶽立有如萬派聲銷非不旗鼓一代俎豆千秋總不如老人嘍嘍論實單單據本不鋪文彩不迴意解直下勦絕窠臼斷人命根或與當頭擱欄胸脇或與葛面唾劈吞搜觀體提持未嘗有一法與人每居恒示壁伊問

支那

密雲禪師語錄序


二

訊時我低頭伊禮拜時我合掌半勦還八兩二五得一十彼自無瘡勿傷之爾老人出世晚歷年多利人廣自禹門至天童返通玄踞座六大剎金粟稱最盛金粟為予捨身命處予侍金粟凡七閱春秋迨冬制有放出一群猛虎句喜可知已雲初法裔如林如藪振濟宗者皆出自金粟即今費隱和尚繼席弘揚不改父道宗門仰之金粟其薪傳地也蓋老人極慈悲是極惡辣極惡辣是極慈悲杖頭所指十方倪象航海梯山纔動齒牙遐邇兢布則謂是老人語錄老人何有哉費和尚重加攷定法今垂後命壁董較讐因

敘述如此絕不取作綺語最效雖然涉涉不亦近罪過

弘光元年歲次乙酉清和既望弟子明超恭臨

頌首撰



密雲禪師語錄目錄

序文

卷第一

住直隸常州龍池山禹門禪院語錄

浙江台州天台山通玄禪寺語錄

卷第二

浙江嘉興金粟山廣慧禪寺語錄

福建福州黃檗山萬福禪寺語錄

卷第三

浙江寧波鄞山育王廣利禪寺語錄

支那

密雲禪師語錄目次

一

卷第四

再任嘉興金粟山廣慧禪寺語錄

浙江寧波天童山景德禪寺語錄

上堂開示

小叅

晚叅

入堂

室中開示

偶言

卷第五

入室

助辦

問答機緣上

卷第六

問答機緣下

行錄

法語

卷第七

書問上

卷第八

書問下

舉古

卷第九

拈古

徵古

別古

代古

卷第十

頌古

卷第十一

支那

密雲禪師語錄目次

二

偈

卷第十二

讚

佛事

雜著

附

行狀

全身塔銘

衣鉢塔銘

道行碑

年譜

密雲禪師語錄目次

三

密雲禪師語錄卷第一

嗣法門人如學編

住直隸嘗州龍池山禹門禪院語錄

萬曆丁巳歲四月望日衆請上堂師至法座前指云
堂堂坐斷千差路卓卓分明絕去來喝一喝顧視大
衆云還見麼遂陞拈香云此一瓣香豎窮三際橫徧
十方熱向爐中供養

本師釋迦牟尼佛并及十方諸佛歷代祖師普同供
養次拈香云此一瓣香明歷歷上拄天下拄地熱向
爐中端爲祝延

密雲禪師語錄卷一

密雲禪師語錄卷一

一

今上皇帝萬歲萬歲萬萬歲伏願天下太平萬民樂
業又拈香云此一瓣香名不得狀不得自從親遭毒
手今日對衆拈出熱向爐中單爲供養卽此禹門堂
上傳曹溪正脉三十三世幻有老人用酬法乳之恩
就座上首白椎云法筵龍象衆當觀第一義師舉拂
子召云大衆見麼只此拂子已刺破釋迦老子眼睛
了也衆中莫有眼見如盲口說如啞者同金不傳金
處道將一句來良久云眼空宇宙渾無物大坐當軒
孰敢窺擊拂云若向這裡領略得去便請歸家穩坐
又烏用百日爲限尅期取證脫或未然更聽葛藤復

摩拂云一切智智清淨無二無二分無別無斷故禹
門院裡上堂四大部洲打鼓南山起雲北山下雨且
道衰衣客室向甚麼處着有知着落處者出來對衆
通個消息若也未知恰是開眼瞌睡禹門如此告報
莫有不甘底納僧會性出來把脚拽下座前爛毬一
頓其助無爲之化寧不謂之好事者哉又良久云原
來一隊郎當漢雖然如是逢人切莫錯舉擲下拂子
復舉波斯墮王問佛云勝義諦中還有世俗諦否若
言其有智不應一若言其無智不應二一二之義其
義云何佛言大王汝於過去龍光佛所曾問此義我

教訓

密雲禪師語錄卷一

二

今無說汝亦無聞無說無聞是名一義二義今日忽
有人問禹門勝義諦中還有世俗諦否若言其有智
不應一若言其無智不應二一二之義其義云何卽
問道一個鼻頭兩孔出氣是名一義亦名二義大衆
不勞久立伏惟珍重拍膝下座上首白椎云諦觀法
王法王法如是

上堂呈拂子召大衆云還知麼還見麼若也未知未
見悟上座枉直作曲打個之達與諸人說破何故悟
上座出身本非他邦異土之人卽本邑南嶽山中一
介樵夫耳况因在俗家寒未嘗讀儒書經史脫塵年

密雲禪師語錄

晚又不曾備歷講筵既然如是卽今出頭來作甚麼
蓋爲我幻有老人有不了底公案且如何是不了底
公案又呈拂子云者便是老人使不了底於辛亥春
二月三日擊鼓集衆於此堂上付與悟上座當時堅
執不受既不曾受復呈拂子云且道卽今者個從甚
麼處得來衆中莫有知來處者麼若也知得受用無
窮不從人得所以道向上一路繇來千聖不傳放下
便休是諸人元初本分設或未然且引受戒者向前
爲伊付戒下座

上堂舉高峰和尚云海底泥牛脚月走巖前石虎抱

教訓

密雲禪師語錄卷一

三

兒眠鐵蛇鑽入金剛眼崑崙騎象鸞鷟牽此四句內
有一句能縱能奪能殺能活簡點得出者參學事畢
師云高峰之句不妨奇怪只是不經簡點今日禹門
亦有四句饑餐渴飲間坐困眠此四句內亦有一句
能縱能奪能殺能活簡點得出者來方丈通個消息
下座

上堂若論此事畢竟直不藏曲隱云不曲成謂而赤
不如語直禹門看來卽也不然若據不曲語直不如
面赤良久召衆云還會麼不見道心不負人面無慚
色遂湧身震威一喝下座

上堂舉盤山和尚示衆云心月孤圓光吞萬象光非
炤境境亦非存光境俱忘復是何物洞山云光境未
忘復是何物徑山杲云白鷺下田千點雪黃鸝上樹
一枝花師驀拈拄杖云孟八郎漢又恁麼去也好與
三十棒且道過在甚處擲下拄杖云具眼者辨取
下座

上堂若據者個事正如青天白日充塞圓滿直是無
人迴避得亦無遮障得且道既無迴避無遮障因甚
等閒問着十人五雙不知去處喝一喝云只爲分明
極反令所得遲復舉龐居士一日在茅屋裡坐次驀

密雲禪師語錄卷一

四

云難難難十石油麻樹上攤龐婆云易易易如下眼
床脚踏地女靈炤云也不難也不易百草頭上祖師
意師云悟上座適來方丈裡坐也不曾有十石油麻
樹上攤亦不見有什麼難下了藤床來登座但覺牽
筋動骨又何曾見有什麼易難易且置只如靈炤道
百草頭上祖師意衆兄弟又作麼生遂舉起拂子云
者個便是百草頭且如何是祖師意擲下云急着眼
覷下座

上堂大道只在目前要且目前難覷若知大道真體
個個成佛作祖以手搥胸云甜瓜徹蒂甜苦瓠連根

苦喝一喝下座

上堂四月十五日已過去六月十五日猶未來過去
與未來以拄杖一云都從者裡剖復以拄杖云若
於此識得根源朝打三千暮打八百若識不得是不
知痛癢的死漢莫怪悟上座造口業壓良爲賤擲下
拄杖復舉德山初出蜀於澧陽路上見一婆子賣餅
息肩買餅點心婆指擔云什麼文字山云青龍疏鈔
婆云講何經山云金剛經婆云我有一問你若答得
施與點心若答不得且別處去金剛經道過去心不
可得現在心不可得未來心不可得未審上座點那

密雲禪師語錄卷一

密雲禪師語錄卷一

五

個心山無語師云我若作德山只向道山僧肚餓揀
大者快搬來使者婆子直得手忤脚亂打發不及及
至搬來時肩擔便行管教者婆子疑殺行脚稱僧別
有長處下座

上堂擬欲參禪圖脫生死已錯了也不擬參禪圖脫
生死又錯了也敢問衆兄弟合作麼生得不錯去咄
泊合停囚長智便下座

普請採茶上堂舉瀉山摘茶次謂仰山云終日摘茶
祇聞子聲不見子形仰撼茶樹瀉云子祇得其用不
得其體仰云未審和尚如何瀉良久仰云和尚祇得

其體不得其用師云瀉山大似自昧兼體用意分二路致令後人失慕禹門這裡體用本無二致且作麼生是體用一致底旨舉手云普請眾兄弟採茶去上堂禪不在叅道不須悟直下了然超佛越祖薦拈拄杖云卽今莫有超佛越祖者麼卓拄杖云正好朝打三千暮打八百擲拄杖云爲什麼如此撫掌云者裡放過卽不可便下座

上堂法華經云密雲彌布一雨普施遂舉起拂子云密雲彌布也以拂子左右灑云一雨普施也眾兄弟還見麼復云眾兄弟具有兩隻眼決定見旣已見矣

文部

密雲禪師語錄卷一

六

現前若僧若俗若長若幼各各眼開心悟則不被諸塵所惑故曰隨其根性各得生長此乃覺安師弟適來到方丈要悟上座上堂普施法雨底意旨復舉德山和尚云我宗無語句亦無一法與人師云若是孟八郎漢便恁麼領略得去便見賓卽始終賓王卽始終王王家無賓家底道理賓家無王家底道理賓王不交叅彼彼無前後雖然如是須知平地上死人無數灼然出得荆棘林是好手驀拈拄杖云你有拄杖子與你拄杖子你無拄杖子奪你拄杖子舉起云者是悟上座拄杖子作麼生是眾兄弟拄杖子良久度

侍者云悟上座失利下座

上堂一葉落天下秋一塵起大地收今朝七月六日無論一葉落不落而天下秋眾兄弟已備知矣舉起拂子云一塵起也且作麼生是大地收底道理擲下云若知撲落非他物始見縱橫不是塵下座

解制上堂百日禪期正如畫地爲牢祇要諸人知個分曉若也知得分曉便知四月十五日結制本非結今朝七月十五日解制亦非解旣非結又非解且畢竟四月十五到今朝七月十五者是個甚麼若有分曉得者出來通個消息良久云若一總未分曉無柰

文部

密雲禪師語錄卷一

七

漆桶不快何下座

上堂舉文殊師利在靈山會上諸佛集處見一女子近佛坐入於三昧文殊白佛云何此女得近佛坐佛云汝但覺此女令從三昧起汝自問之文殊達女三匝鳴指一下乃至托至梵天盡其神力而女不出定佛云假使百千文殊出此女定不得下方過四十二恒河沙國土有岡明菩薩能出此女定須更岡明從地湧出作禮世尊世尊勅出此女定岡明卽於女前鳴指一下女子從定而出師云且道文殊大士用處與岡明大士用處一般因甚女子不出定又若岡明

大士與文殊大士用處若一般因甚女子却出定衆兄弟還知二大士併女子落處麼顧視左右云有利無利不離行市放過一着落在第二下座

上堂豎起拂子云衆兄弟見麼過去諸佛現在諸佛未來諸佛盡向悟上座拂子頭上聚頭打葛藤道凡所有相皆是虛妄若見諸相非相即見如來若也放開從教口勞舌費若也把住擊禪床云不消一擊復豎起云還見麼擲拂子下座

歲旦上堂舊年是新年舊新年是舊年新新年與舊年有口也難申所謂處處真處處真塵塵盡是本來

大士

密雲禪師語錄卷一

八

人真實說時聲不現正體堂堂沒却身乃顧視大衆喝一喝下座

結制上堂今日禹門院裡結制須與衆兄弟一議不用衆兄弟參禪不用衆兄弟會理單單不用瞌睡若也瞌睡一棒打出骨髓莫言不道喝一喝下座

解制上堂舉洞山云秋初夏末兄弟東去西去直須向萬里無寸草處去禹門又却不然禹門今日解制兄弟東去西去葛拈拄杖云逢人切莫錯舉擲拄杖喝一喝下座

因堂上堂昨日青山今朝白雪衆兄弟好消息野鹿

行人步步成跡惟有掛角羚羊絕氣息從來獵犬難尋竟高着眼始得便下座

上堂人人本具個個不無不是聖賢了事凡夫且事又作麼生了舉起拂子云不喚作拂子便了取好不喚作拂子便了又喚什麼作事以拂子擊香几云惺惺底惺惺瞌睡底瞌睡然喚作惺惺瞌睡依前無木可據喝一喝云老僧據木去也便下座

端午上堂舉徑山大忌杲和尚云今朝又是五月五大鬼拍手小鬼舞驀然撞着桃符神雙手隨胸叩窻苦我笑巖師祖道大忌天似少個禁方向青天白日

大士

密雲禪師語錄卷一

九

見神見鬼笑巖即不然今朝正是五月五雲從龍風從虎山僧要與十方現前諸大聖凡賭個賭信手拈來百草頭甜者甜分苦者苦引拄杖云驀然突前者一條穿過從上諸佛祖是你現前諸人百緣具有爲甚少這一個衆中有個見義勇爲漢憤性出來道老和尚切莫寐語若論這一個敢道現前人人不欠半分毫放下拄杖笑云汝竟不知笑上更加笑上重重添土大衆還知二大老落處麼若也未知指上座分明爲諸人說破徑山不下爲人手師祖能開本分宗雖然如是不肖兒孫向天上加尖堆上添上去也

遂以拄杖架肩云柳標橫肩不顧人直入千峰萬峰去下座

上堂今朝五月十五幸足黃梅時雨東家雙手扶犁西舍插秧入土孟八郎漢便恁麼去墮在時人窠臼更作佛法論量坐在葛藤窠裡有人道得出身句却來悟上座手裡請棒喫雖然如是有一事可疑却疑當初雲門大師道聞聲悟道見色明心觀世音菩薩將錢買胡餅放下手來元來只是饅頭大小雲門大似病眼見空花向聲色裡作活計引得後代兒孫鑽龜打瓦妄生穿鑿道見胡餅不喚作饅頭即觸任在

密雲禪師語錄卷一

密雲禪師語錄卷一

十

胡餅上便成了境不得謂之明心若見胡餅便喚作饅頭饅頭喻心胡餅喻境不即不離即境即心故謂之見色明心悟上座道若如此商量要見他雲門老子三生六十劫也未夢見在殊不知雲門老賊放去較危收來太速纔擬議時便換却汝眼睛今日長明覺姪做新麥麵饅頭供佛并供大眾悟上座借花獻佛普請大眾喫飽了放下手來恰是東瓜直籠侗且道悟上座告報與古人相去多少還知麼還佛若無如是眼假饒千載又奚爲久立珍重下座

普請上堂據眾兄弟擔了飯米來伴悟上座各各計

明已躬事不該動靜然而俗諺有之曰有例不可滅無例不可置如百丈大智禪師創叢林立規矩有普請例及諸家語錄亦有普請說所謂作則均其勞飯則同其食自今觀之似乎不然作者應當作閒者應當閒致令古風彫喪法門澹薄無他蓋主者不舉之故也乃云要且者般事無處得藏窠所以爲大道所以爲公案擔荷者般事須是者般漢若畏刀避箭躲懶偷閒不足爲伴雖然恰有個驗處以何爲驗舉手鼓掌云打鼓普請看

上堂今日陞座爲通如法姪乞老僧上堂說第一句

密雲禪師語錄卷一

密雲禪師語錄卷一

十一

老僧不覺失笑殊不知第一句乃古人之方便耳若執第一句爲實則達磨單傳之旨撲地了也又不知未作意時分明觀體現前纔擬心來乞說時腳跟下已蹉過了直饒恁麼見得領略得已是言中取則句裡承當落在第二句了也所謂承言者喪滯句者迷且作麼生是不承言不滯句者還委悉麼不知誰是個中人獨自出頭天外舉喝一喝下座

上堂舉汝州西院思明禪師因天平從潯禪師行脚時到叅次乃云莫道會佛法覓個舉話底人也無一日潯在法堂前徐步經行院見乃召云從潯潯舉頭

院云錯滴進前兩三步院又云錯滴近前院云適來者南錯是西院錯是上座錯滴云是從滴錯院云錯滴云上座且在這裡過夏待共商量者兩錯滴不肯憤然而去我笑巖師翁爲衆舉了云諸禪者天平恁麼也不無見處爲什麼被西院連下兩錯滴前無路退後無門只者個便是古今行脚稱禪客空抱膏肓底樣子也當時西院云適來者兩錯是西院錯是上座錯却好道個錯雖乃將錯就錯要且掇得一半亦不辱行脚之事却云是從滴錯太煞不唧囉韓盧逐塊自納敗闕乃視左右云如今者裡平平妥妥無絲

密雲禪師語錄卷一

十三

毫差忒山僧忽下兩個錯云錯錯汝等道者兩錯是山僧錯是諸上座錯一僧出云錯乃打一拂子云適來教得孩兒解罵爺悟上座這裡又不然何故諸兄弟又不曾道莫道會佛法竟個舉話底人也無悟上座也不曾召衆兄弟也不曾道個錯既不曾道個錯且更商量什麼即得遂拽拄杖下座一齊打散歸方丈

立秋上堂諺云朝立秋陰颼颼暮立秋熱殺秋此中大有好消息所謂治世語言與實相不相違皆只是世間人未曾一簡點一簡點就要會天地同根萬

物一體有甚麼難衆中有曾簡點其中消息者試出分明說看一總未曾悟上座試爲簡點朝暮且置不知喚什麼作秋却說陰颼颼熱殺秋還知麼不見道不因夜來鴈爭見海門秋拍香几下座

上堂舉一不得舉二放過一着落在第二盡大地人都道今朝七月一敢問衆兄弟作麼生舉若也舉得盡大地人性命與現前性命無二無別若舉不得未免業識茫茫無本可據復舉當初唐貞觀時有龐居士特入深山訪問石頭大師云不與萬法爲侶者是什麼人頭以手掩其口居士當下悟旨述偈云有男

支那

密雲禪師語錄卷一

十三

不婚有女不嫁大家團圓頭共說無生話且無生話又作麼生說衆中有善說者出來說了散去無則悟上座略爲頌出無生之話許誰知子女團圓未語時欲會其中消息肯人人鼻直大頭垂下座

上堂悟上座妄談般若未死舌頭先壞死後定墮拔舌犁耕衆兄弟有相救者出來試救看良久云無則悟上座只得自作自受去也

上堂忽雨忽晴天道變化物遂其生舉起拂子云唯有者個自古至今不屬雨晴且道屬個甚麼與侍者云懸於方丈內異日指他人下座

上堂天上月正圓人間道月半衲僧事如何直截當自看下座

上堂舉一不得舉二放過一着落在第二若是未舉先知底衲僧自有出身路子卽今衆中莫有未舉先知善出身者麼良久云直饒有也跳不出復舉生公話畢云當初生公有佛法要說無人聽所以費力搬石頭排立以爲聽衆爲伊說佛法其石自點頭直到如今成話柄前日君陽居士寫個帖子來謂效石點頭殊不知悟上座無佛法說以故不曾費力搬石排立耳且道旣無佛法說不知今日到者裡來效個甚

法華

密雲禪師語錄卷一

古

麼遂召云君陽君陽還會麼若也未會待汝點頭時與你說破下座

上堂以拄杖卓立云楞嚴經謂如人以表表爲中時東看則西南觀成北表體旣混心應雜亂舉起召衆云還知釋迦老子立地處麼直饒知得釋迦老子立地處切莫向禹門門下過一棒打折你驢腰莫言不道擲拄杖喝一喝下座

上堂心不是佛智不是道葛拈拄杖卓云者裡是甚麼所在說心說佛說智說道說是說不是和聲擲下云爭如這水上座只顧亂喊亂跳喝一喝下座

密雲禪師語錄

上堂纔然正月初一不覺二月十五光陰迅速催遷日月如同電火豎起拂子云觀音妙智力能救世間苦擊拂子云衆兄弟休莽鹵擲拂子下座云叅

上堂古人道若論此事多說不如少說少說不如不說葛拈拄杖卓云者裡是甚麼所在說多說少說說說不說舉起拄杖云是多耶是少耶是說耶是不說耶政當恁麼時諸人還委悉也無若委悉去獨步大方橫行天下如未委悉不煩久立便下座

歲朝連雪上堂連日雪紛紛山河一色春天開銀世界別是一乾坤衆兄弟還會麼當恁麼時正是古人

法華

密雲禪師語錄卷一

古

所謂三十年前未得個入處見山是山見水是水三十年後得個入處見山不是山見水不是水是個大地平沉底時節且憑個什麼得恁麼地良久云世出世間窮徹底當樂我淨獨爲尊下座

上堂今朝正是正月七世上相傳是人日可憐大夢未惺人却見陰晴起嗔悅令人轉憶老雲門解道月日是好日衆兄弟還知雲門老子落處麼良久云祇是不分皂白底漆桶復云日日好日當下心息本無孔竅寧容情測各各珍重不煩久立下座

上堂若論此事擬心則差強言則隔靦面分付字人

委悉遂展手云分付了也衆兄弟還委悉麼若委悉
着出來對衆通個消息良久云若未委悉急須珍重
便下座

幻有和尚忌辰拈香云當時巴陵爲雲門大師設忌
有三轉語高峰爲雪巖和尚設忌單單只有一句悟
上座今日爲幻有老人設忌一句也無何以舉起香
云者是一句耶是三句耶拈香云逢人切莫錯舉
上堂盤山道向上一路千聖不傳慈明道向上一路
千聖不然徑山道向上一路熱盥鳴聲老僧道向上一
路踏破草鞋便下座

密雲禪師語錄卷一

去

上堂教中道今佛放光明助發實相義衆兄弟還知
釋迦老子立地處麼若也知得從教徧界分身設若
未知悟上座不免更資一路舉起拂云者是放底光
明且如何是實相義擲下云急着眼覷便下座
佛誕上堂呪聲一發獨稱尊引得兒孫惡水淋不是
與人難共住大端細素要分明便下座
上堂竺土大僊心東西密相付謹白叅玄人光陰莫
虛度且作麼生是不虛度底光陰記得小時騎竹馬
看看又是白頭翁下座

上堂今日正是五月一爲衆分明重剖析昔日雲門

老古雖却道日日是好日是又是別又別汝諸人譬
不譬龐公不昧本來身衲僧正眼頂門裂喝一喝下
座

上堂古者道一喝不作一喝用遂喝一喝云且道悟
上座一喝與古人相去多少莫有端的者試端的看
良久復喝一喝下座

上堂六月日頭真個熱赤肉團邊如火逼試問現前
衆弟兄無位真人徹未徹若也已徹向無陰陽地上
豎去橫來若也未徹未免來日熱如今日下座
上堂舉洞山云兄弟東去西去直須向萬里無寸草

密雲禪師語錄卷一

七

處去石霜聞云何不道出門便是草又有老宿云直
得不出門亦是草漫漫地師幕拈拄杖云者一隊老
古雖將謂發明本分却不知翻成分外以致後人向
東去西去千里萬里出門不出門是草非草處商量
禹門今日不惜手脚以拄杖畫一畫云爲汝諸人一
時畫斷令汝等個個如大象主縱步自歸人人如真
師子奮起全威哮吼一聲師子兒聞咸皆聳銳衆中
有恁麼人麼良久云如無悟上座自行此令去也震
威一喝擲拄杖下座

上堂欲識佛性義當觀時節因緣時節若至如迷忽

信如忘忽憶豎起拂子云正當恁麼時是什麼時節復云直下來也急着眼觀擲拂子下座

上堂不陞座竚於座前云老僧氣喘不能說話遂咳嗽吐痰于地云衆兄弟試道看良久無有出者師以脚抹却歸方丈

上堂若論此事描也描不成畫也畫不就喝下鐵圍山倒走一句當天八萬門句句自然絕滲漏趙州開雲門普雪峰輓毬禾山打鼓上來一隊老古錐看來未解獅子吼汝諸人須抖擻轉身路子若能行處處莫有隨人後授着翻身便咬伊始可人前開大口且

密雲禪師語錄卷一

六

道禹門者裡用個什麼驚拈拄杖云一條拄杖黑如漆是聖是凡劈脊樓喝一喝下座

上堂恁麼也不得道火何曾燒着口不恁麼也不得嚼爛虛空牙齒出恁麼不恁麼總不得石頭老子舌無骨驀拈拄杖云恁麼也得放下云不恁麼也得復拈拄杖擲下云恁麼不恁麼總得汝諸人還知禹門落處麼便下座

上堂十方無壁四面無門中有一寶任運縱橫便下座

臘八上堂年年有個臘月八相傳世尊悟時節咸謂

密雲禪師語錄

如來說明星誰知打失眼睛瞎諸人若欲辨端倪正眼須從頂門發從慈突出普天輝將此深心奉塵刹喝一喝云衆兄弟還見釋迦老子打破漆桶去處麼便下座

辭衆上堂舉世尊一日陞座默然不語阿難白佛云世尊何故不說法佛言會中有二比丘犯律儀故不說法阿難以神通力觀是二比丘立擯出世尊還復默然阿難又來白佛云是二比丘爲我擯出世尊何故不說法佛言吾誓不爲二乘人說法便下座古德拈云前箭猶輕後箭深師良久云者裡無人證明且

文耶

密雲禪師語錄卷一

九

向別處尋討下座便行

浙江台州天台山通玄禪寺語錄

上堂拈香祝聖畢次拈香云此一瓣香昔日禹門堂上曾已拈出今於通玄峰頂次回拈出供養先師幻有和尚用酬法乳就座云若論此事本非行住坐卧之相豈可結制定期爲限祇如今古叢林皆以九旬禁足三月安居正眼看來正如畫地爲牢置人必死之地雖然如是正恁麼時諸人向什麼處出氣若善出者速速出來對衆出氣看良久云一總未能且有條攀條無條攀伺以大圓覺爲我伽藍身心安居平

等性智與悟上座眉毛厮結到八月一日說破復舉開山第一代韶國師云通玄峰頂不是人間心外無法滿目青山法眼聞云只此一偈堪起吾宗師云殊不知滅汝宗者卽此偈耳不見道毘婆尸佛早留心直至而今不得妙今日新通玄不免別開一路乃云通玄峰頂別是人間只緣不薦錯認青山遂喝一喝云還薦麼便下座

上堂今朝正是六月六貓兒狗兒皆沐浴通玄峰頂衆禪和個個渾身乾暴暴會卽途中受用不會卽世諦傳續且道傳續個什麼三十年後抱頭哭莫言老

支那

密雲禪師語錄卷一

三

僧不道叅

天封寺僧南行同松江李居士請上堂涅槃心易曉差別智難明善財童子往南行叅五十三員善知識歷一百一十城彌勒閣前纔歛念不勞彈指便開扇諸人曾恁麼一回也無若也未然驀拈拄杖云今日通玄拄杖子竭力爲人作指南以拄杖左右指云棒頭有眼明如日要識真金火裡看復舉龐居士初叅石頭問云不與萬法爲侶者是什麼人石頭以手掩其口士有省再叅馬祖亦如前問祖云待汝一口吸盡西江水卽向汝道士得其玄旨如有問通玄不與

萬法爲侶者是什麼人向他道東海江頭李鬻子且道與二老漢是同是別忽有個衲僧出來道者裡甚麼所在說同說別通玄道還我中心樹子來待伊眼目定動劈春便棒喝一喝下座

上堂十五日已前誰復重打筭十五日已後孰肯定從容正當十五日又且如何透脫驀拈拄杖云龍袖拂開全體現象王行處絕狐蹤卓一卓下座

上堂茲當六月廿五况是日輪明露本無雲翳覆藏爭奈時人不覩驀拈拄杖云若也覩自然超佛越祖便下座

支那

密雲禪師語錄卷一

三

上堂拈拄杖指云不得舉二惟舉一老僧拄杖爲竭力指示分明須着取莫待將來驀頭喫喝一喝云天色時炎不煩久立便下座

萬年寺衆請上堂有一物明歷歷在目前人不識若也識叅學畢驀拈拄杖云更不識當頭楔急須提休久立復舉韶國師示衆云通玄峰頂不是人間心外無法滿目青山這四句自古及今喜悅者多錯會不少今日老僧不惜唇皮下個註脚通玄峰頂大家在這裡不是人間錯下註脚心外無法逼塞殺人滿目青山有眼如盲大衆還識韶國師麼便下座

解制上堂八月一日解制訖腰間包今頭上笠通玄寺裡放門開行脚衲僧攪前出被人撥着要翻身切莫隨人穿却鼻復舉洞山云秋初夏末師云將謂忘却兄弟東去西去師云亂走作麼直須向萬里無寸草處去師云坐斷路頭石霜云出門便是草師云奴見婢慙慙又有云直得不出門亦是草漫漫地師云同坑無異土乃云這一隊老漢被老僧折倒了也汝諸人還知出身處也無若也知得日費斗金非分外脫或未然萬古碧潭空界月再三撈撚始應知喝一喝下座

密雲禪師語錄卷一

三

上堂天上月正圓人間道月半半卽背於圓圓定遠於半欲得兩相應分身兩處看噫一聲便下座開爐上堂烹佛烹祖大爐鞴煅生煅死惡針鈍葛拈拄杖云若是超佛越祖出生逾死者不用如何若何便請單刀直入與通玄拄杖子相見良久乃云今日十月十五今古謂之開爐老僧更指虛空是個爐子其中山河大地草木叢林凡有事物俱是煤炭世間僧俗男女一切人天皆在若個爐子裡苦樂逆順聲色通惱晝夜煎熬生情取捨遂成輪轉謂之三界無安猶如火宅唯有一門可出而復狹小故立戒謹恐

懼不覩不聞要知出路汝諸人還知出路麼時有僧出衆云出路卽不問如何是火宅師云待汝出來與汝道僧無語師云還道得由底意麼僧復無語師云汝道不得老僧爲汝諸人道去也云一盲引衆盲相牽入火坑便下座

冬至上堂欲識佛性義當觀時節因緣時節若至如迷忽悟如忘忽憶葛拈拄杖云三世諸佛一切衆生被老僧拄杖一時穿却了也拈起也直教個個放光動地放下也直使人人無處出氣不拈不放時且道落在什麼處若是鐵眼銅睛漢直下覷透卽見三世

密雲禪師語錄卷一

三

諸佛此時成道此時說法此時度生亦見一切衆生此時輪迴此時日用於無陰陽地上好不資一毫醜不資一毫能爲萬象主不逐四時凋政當恁麼時忽憶忽悟一句作麼生道還委悉麼到頭輪我惺惺者不住陰陽造化中喝一喝下座

上堂十五日已前追不及十五日已後取未得今朝正當十五日無孔鐵鎚當面擲復舉金剛經云若以色見我以音聲求我是人行邪道不能見如來師豎起拳云還見麼喝一喝云還聞麼問見分明若喚作聲色入地獄如箭射一僧出衆云不喚作聲色喚作

上座師乃合掌云我不敢輕於汝等汝等皆即如來
彼云仲冬嚴寒不煩久立便下座

上堂五九四十五窮漢街頭舞會則途中受用不會
則世諦流布便下座

歲月上堂新年新月新日新時長老又披新法衣提
起衣云這個是衣如何是法放下衣云九九百百張
上座入孟春猶寒不得露骨喝一喝下座

上堂當頭一着坐斷要津纔然側耳喪却家珍從來
佛法不順人情所以道出群須是英靈漢敵勝還他
師了見下座

密雲禪師語錄卷一

三

上堂新正三十日又五日喜日輪正當戶晝夜明明
無間斷只因時人不解顧若解顧廓徹乾坤全體露
東西南北任縱橫那事應須沒差互所以道叅玄人
莫虛度且如何是不虛度底光陰阿呵呵還見麼復
云一寸光陰一寸金寸金難買寸光陰光陰本是非
他物青天白日笑吟吟便下座

上堂病骨尚未愈無已強扶筇陞堂無法說坐斷通
玄峰乃拈拂子云只得借拂子為諸人通個消息豎
起云見麼敲香几云聞麼若見若聞正是逐色隨聲
漢不見不聞又是避色逃聲漢更若非見非聞又是

戲論相違漢直須中間撇開兩頭截斷二邊渾莫直
中道不須安正當恁麼時獨脫一句作麼生道八角
磨盤空裡走下座

道侍者請上堂二月初十好個消息盡大地人踉蹌
不出喝一喝云百年三萬六千日反覆元來是這賊
復喝一喝下座

因牙痛上堂舉雲門云佛法太煞有只是舌頭短覺
範云佛法太煞有只是牙齒痛我笑巖師翁道牙且
幸不痛舌頭頗相稱只是無什麼佛法可說老僧今
日佛法有無舌頭長短俱不論單單只是牙痛若人

密雲禪師語錄卷一

三

向牙痛處打破漆桶骨教身病心病俱消生死涅槃
如夢下座

幻有和尚忌辰拈真云這和尚昔日不來今日不
去然既不來又不去因甚一場特地為要大家知乃
拈香云還會麼一瓣梅檀一盞茶分明眼裡又添沙
便燒

深侍者請上堂開方便門示真實相師乃拈拄杖擊
香几云方便門開也復呈拄杖云真實相示也汝諸
人還見麼若也見得徹去便可以拄杖子作丈六金
身用復可以丈六金身作拄杖子用然後拄杖子踉

跳上三十三天觸着帝釋鼻孔東海鯉魚打一棒雨似盆傾汝等諸人切莫向古廟裡去躲一棒打折你驢腰莫言不道下座

上堂本來無物可評論未悟之人妄見分忽若迸開頂門眼大地山河一口吞下座

立春上堂無影枝頭一點春可憐大地盡埋塵陳年宿債昨宵盡錯謂今朝又是新喝一喝云舉頭天外看誰是個般人復喝一喝下座

梵音請上堂妙音觀世音梵音海潮音勝彼世間音以拂子擊香几云不是世間音復鼓掌云不是世間

密雲禪師語錄卷一

二五

音老僧叨叨咀咀鼓兩片皮不是世間音且道是什麼音若將耳聽終難會眼處聞聲方始知以脚踏法座云還見麼便下座

上堂今朝三月十五佳節時當穀雨農夫浸種拋秧蠶婦剪桑勤苦爾我林下人作麼生舉措拈拄杖云龍袖拂開全體現象王行處絕狐踪便下座

上堂鏡不自照刀不自割風不自涼火不自熱今日四月初一孟夏稍熱且道是何物若也識得天地日月森羅萬象無纖毫過患脫或未然來年更有新條在惱亂春風卒未休下座

佛誕上堂今朝正是四月八釋梵王宮生悉達低爲時人不知因年年枉遭惡水潑衆中若有知因者出來爲這老漢雪屈良久云若無雲門大師來也拽拄杖下座一時打散

上堂舉僧問雲門如何是透法身句門云北斗裡藏身大慈云雲門恁麼道只答得法身句未答得透法身句今日或有人問徑山如何是透法身句向他道蟬螟眼裡放夜市大蟲舌上打鞦韆師云通玄今日又且不然如有問如何是透法身句劈脊便棒縱使不會管教永刻不忘下座

密雲禪師語錄卷一

二五

久雨將晴施主歸行請上堂春雲欲開未開春雨欲息未息目頭欲出未出行人欲歇未歇爲甚如此只因途路不得力忽然雲開日出便是到家時節豈拂云還見麼若也見得徹去管教當下心息擲拂子下座

上堂通玄峰頂好個消息若人識得參學事畢喝一喝云不煩久立便下座

受嘉興金粟山請落板同衆赴上堂懸起也杲日常空放下也孤明厯厯不懸不放諸佛莫知鬼神莫測且符到奉行一句作麼生道九萬里鵬纔展翼百千

年尚便錫翔下座

師到會稽曹山護生庵眾請上堂適來未陞座時已
為諸人相見了而今陞座重為諸人起模壽樣便乃
散去猶較些子更待老僧鼓兩片皮掉三寸舌為之
說法向句裡思量言中取則正是業識茫茫無本可
據拈拄杖架肩云柳樣橫擔不顧人直入千峰萬
峰云便下座

密雲禪師語錄卷第一終

密雲禪師語錄卷一

二八

密雲禪師語錄卷第二

嗣法門人法義編

浙江嘉興金粟山廣慧禪寺語錄

天啓四年檀越蔡聯璧請於五月六日入院至山門

云佛語心為宗無門為法門新長老打破牢關一任

擎頭帶角舉杖云還見麼

佛殿云釋迦已過去彌勒猶未來正當恁麼時法柄

在阿誰手裡乃展坐具云遍覆三千及大千

土地堂云伽藍神叢林主一瓣香兩手舉便燒

祖師堂云西天四七東上二三盡在這裡默默地商

密雲禪師語錄卷二

一

量個事今日一時捉敗且道以何為驗插香云以此
為驗

眾請上堂師拈法座云須彌燈王如來已為諸人露

頭露面了也還見麼若也未然更須撥轉上頭行遂

陞座拈香云此瓣香端為祝延

今上聖壽慈願萬邦歸聖化八表偃干戈次拈香云

此瓣香奉為滿朝文武合國官僚本山護法遠近檀

那同明般若正因其證金剛經復拈香云此瓣香

從無始劫東擲西拋忽於窮途半路收拾得來三回

拈出燕向爐中端為供養荆溪龍池山禹門堂上傳

曹溪正脉三十三代幻有先師用酬法乳遂欽衣敷座上首白槌云法筵龍象眾當觀第一義師云第一義諦一槌粉碎了也還有鋸解不開底衲僧試出來對眾舉看良久云一眾既然恁恁山僧不免自作一場賣弄去也通玄峰頂聳昂霄金粟山頭十方坐斷所以道法隨法行法幢隨處建立掀翻是非窠窟截斷生死根株三世諸佛開風結舌歷代祖師覲面藏鋒一切眾生退身有分現前大眾自合知歸恁麼告報如將惡水驀頭潑汝諸人了也還知風吹不入雨打不濕去處也無設或未知萬古碧潭空界月再

後部

密雲禪師語錄卷二

三

三撈攏始應知復舉法燈和尚云山僧單志本欲深棲岩竇隱遁過時柰緣先師有不了底公案出來爲他了却時有僧問如何是先師不了底公案燈打云祖禰不了殃及兒孫僧云過在什麼處燈云過在你殃及我師云山僧本志亦只如然祇緣人人有個現成公案出來相爲了却忽有個衲僧出來道既是現成公案因甚却要了驀拈拄杖打云橫按鎧卸全正令太平寰宇斬癡頑下座

因眾強請上堂六月一日時當毒熱逼人壓座夾背汗出恁麼告報還信得及也無若信得及管教當下

心息若信未及各自反手摸取看是甚麼意旨喝一喝下座

觀生項居士請上堂若陳老僧分上無甚麼說且舉孔子道未知生焉知死項居士必善其言雖然如是老僧翻案去也既曰未知生焉知死亦合未知死焉知生試問居士即今孔聖人在什麼處若也道得許你各實相稱若道不得只是虛名而已士不用師拈拄杖卓云還知麼吾無隱乎爾復卓一卓下座上堂八月中秋不寒不熱簡點將來識情難測翻笑寒山子有心似秋月世間多少人却認光影悅誰知

後部

密雲禪師語錄卷二

三

明月下元是昔愁賊喝一喝復舉楞嚴經云見見之時見非是見見猶離見見不能及師云釋迦老子到者裡恰是計窮力極轉身不得不肖兒孫爲伊出手去也見見之時見非是見見猶離見見不能及有人問我正好攔腮劈脊若知棒頭落處管教全體透徹何以脫體頓超知見外方名越格自繇人卓拄杖下座

上堂個事明明絕覆藏老僧有口難分析無奈時人不解薦眼睜睜地還知瞎所以道彌勒真彌勒分付千百億時時示時人時人自不識汝諸人識不識驀

拄拄杖云若不識拄杖子善甄別爲諸人更漏泄直須當頭點破管教棒棒見血喝一喝下座

衆請上堂師云老僧與你去至法堂衆擬作禮師云爲上堂了遂歸方丈

上堂五月五是端午九月九是重陽卽今却好個時節諸人不用別商量所以道三玄三要事難分得意忘言道易親一句明明該萬象重陽九日菊花新雖然老僧更向註脚下添註腳三玄三要事難分自知較一半得意忘言道易親無者問心情一句明明該萬象眼花作甚麼重陽九日菊花新喝一喝下座

敲過

密雲禪師語錄卷二

四

上堂僧問十五日已前卽不問十五日已後是如何師云明日月漸虧進云明日後又如何師云三十日來與汝道進云卽今事作麼生師云速退速退乃舉僧問雲門如何是諸佛出身處門云東山水上行佛果云天寧卽不然如有問如何是諸佛出身處薰風自南來殿閣生微涼老僧又不然有問如何是諸佛出身處劈脊便棒且看古人恁麼道老僧恁麼行諸人還端的也無若也端的到方丈通個消息下座三峰漢月叅請上堂示臨濟宗旨來源一僧出問如何是和尚惡水潑人師便打僧擬開口師直打出法

堂云者便是臨濟宗旨復陞座云我禪門一事自世尊說法四十九年臨末稍頭於靈山會上拈花默頷大眾時百萬天人皆不知落處惟迦葉尊者破顏微笑世尊云吾有清淨法眼不立文字付囑摩訶迦葉廣流傳化母令斷絕謂之教外別傳至二十八祖到東震旦國直指人心見性成佛一日索門人各呈所見惟慧可大師只禮三拜歸位而立謂之得髓傳至六祖出南嶽青原二派有以言句疏通直指有以全機大用直指雖總爲直指言句直指令人多着意見蹉過直指之肯故南嶽受六祖密囑於言句中合機

敲過

密雲禪師語錄卷二

五

用謂馬祖云如牛駕車車若不行打牛卽是打車卽是後人尚多以意解以牛喻心以車喻身卽如此解豈可謂單傳直指不見馬祖與百丈行次見一群野鴨子祖云甚麼處去也丈云飛過去也祖扭丈鼻負痛失聲祖云又道飛過去也丈乃有省丈再參時祖視繩床肉拂子丈云卽此用離此用祖云你向後開兩片皮將何爲人丈取拂子豎起祖云卽此用離此用丈掛拂舊處祖震威一喝丈乃悟肯後因黃檗辭叅馬祖丈云馬師已過去了槩問馬祖存日有何言句丈云老僧被他一喝直得三日耳聾槩乃吐舌丈

云子後莫承嗣馬祖主麼藥云不然今日因師舉得見馬祖大機之用且不識馬祖若承嗣馬祖已後喪我兒孫故後臨濟三度問佛法的大意藥只棒三頓濟後出世唯以棒喝接人不得如何若何只貴單刀直入持漢月出衆禮拜起便喝師云好一喝月又喝師云你更試喝一喝看月禮拜歸衆師乃顧漢月復舉僧問古德云朗月當空時如何古德云猶是階下漢僧云請師接上階古德云月落後來相見且道既是月落後又如何相見月便出法堂師便下座開爐上堂大地分明一個爐看來渾是火柴頭老僧

鼓

密雲禪師語錄卷二

六

信手輕挑撥便解翻身動地流鶻拈拄杖云還有恁麼人麼試出來踣跳看僧問海衆雲從慈霖天雲現躍飛騰則不問如何是驅雷掣電底句師便喝進云恁麼則金粟花開寶林果熟去也師又喝僧禮拜歸衆蔡居士問一拳打破黃鶴樓一脚踢翻鸚鵡洲打破踢翻卽不問如何是一拳一脚師云今日且放過你乃舉起拄杖云舉一不得舉二放過一着落在第二擲下拄杖云落二去也且一又如何舉便下座上堂僧問如何是金粟境界師云四野桑田如何是境中人師云金粟山頭望進云人境已蒙師指示擊鼓

陞堂事若何師云瞻之仰之問上無佛道可成下無衆生可度卽今陞座還有爲人處也無師云好與一棒進云過在什麼處師云猶嫌少在問金粟山頭密雲彌布大悲院裡法雨洪施爲甚麼地濕樹猶枯水深龍困伏師云汝試施設看僧以坐具作舞師位師與一棒云且道是賞你罰你問教中道吾今爲汝保任此事保任則不問如何是此事師打云棒頭有眼乃云天晴日頭出雨下地上濕此事極分明問着皆擬測休擬測試看途中人頂傘田中人戴笠若擬測更參三生六十劫喝一喝下座

鼓

密雲禪師語錄卷二

七

上堂有說皆成謗無言亦不容兩頭俱坐斷撒手出當中還有恁麼人麼速出來與金粟拄杖相見僧問鐘鼓丁東金相煇煌滿眼滿耳無覆無藏祇如聲色未萌覩聞莫及正恁麼時乞和尚通個消息師默然良久乃震威一喝進云人間四月春光盡金粟秋來菊正開長恨春歸無覓處誰知轉入此中來師云葛藤窠裡藏頭縮尾乃云默時說說時默大施門開無壅塞爭如臨濟小廝兒赤手全提白拈賊喝一喝下座上堂僧問未白椎前學人已問也請師卽今答師打

云爲你答了也進云卽今學人現問也請師向未白
椎前答師打云爲你答了也進云學人卽今總不恁
麼問請師亦不恁麼答師打云爲你答了也進云蒼
天蒼天師又打進云爭奈傍人有眼師連打三棒進
云善知識難瞞師云休將惡水潑人乃云若論此事
逼殺殺人直下一透便見三世諸佛歷代祖師天下
老和尚都從個中出現乃至若天若人若僧若俗一
切衆生盡向裡許流出但向一念未生前一提提得
不被聲色籠罩玄妙知解轉變管教頭頭上全彰物
物上獨露自然一處明去千處萬處光輝一機轉去

密雲禪師語錄卷二

八

千機萬機透脫所以道日用事無別惟吾自偶諸驀
拈拄杖云且道龐老予在什麼處安身立命悟徹本
來堅密身永證金剛無量壽卓拄杖下座

上堂今朝七月十五日盡十方僧自恣時地獄罪人
乘此力鐵網鐵圍都解離驀拈拄杖云當恁麼時自
恣一句作麼生道世出世間俱不顧柳樛橫擔信步
行下座

上堂僧問學人擬渡龍門乞師一接師以拂子作釣
勢僧擬再語師云領取鉤頭意莫認定盤星問從上
宗乘本是一個鼻孔爲什麼後代分宗列派請師明

示師云裂破舌頭進云如何是臨濟宗師云一棒打
殺如何是雲門宗師云一喝便死如何是潯仰宗師
云想你跳他圓相不出如何是曹洞宗師云待你死
了活來道如何是法眼宗師舉起拂子云會麼進云
五家宗派蒙師指未知和尚是誰宗師與當頭一棒
云試爲老僧分析看乃云入門便見賓主歷然開眼
便明萬彙齊現若向賓主歷然處會未免無名立名
無相見相遂見天是天地是地山是山水是本僧是
僧俗是俗男是男女是女佛是佛祖是祖種種差殊
若向萬彙齊現處見則天不是天地不是地山不是

密雲禪師語錄卷二

九

山水不是水僧不是僧俗不是俗男不是男女不是
女佛不是佛祖不是祖賓不是賓主不是主一道平
等浩然大均且兩頭不涉獨脫一句作麼生道還委
悉麼雲有出山勢水無投澗聲便下座

上堂今朝十月十六天色陰晴反覆不欲隨世變遷
悟取本來面目已過關者聞恁麼道掉臂而去二六
時中折旋俯仰無非本地風光脫未諸悉二六時中
未免業識茫茫無本可據且如何是本來面目喝一
喝云還見麼地缺東南天空西北復喝一喝下座
上堂突出難辨坐斷千差萬別一塵舉起透徹萬別

千差所以道一法若有毘盧墮在凡夫萬法若無普賢失其境界豎起拄杖云者是拄杖子如何是普賢境界若也放過從教徧界分身若不放過不免一椎打碎何以爲諸人漆桶不快下座

上堂僧問一陽來復萬物資生萬物資生卽不問一陽在何處安身立命師云天上天下進云正當恁麼時心空及第去也師云脚跟下更少一頓在乃云有問有答便落言詮無問無答卽沉寂默沉寂默卽成誑滯言詮卽成謗所以道不可以言語造不可以寂默通語默向上有條通天大路又且如何良久云白

法苑珠林

密雲禪師語錄卷二

十一

日青天全體露下座

師誕辰衆請上堂出家人與世人差悟徹無生透死涯爲我慶生應有死何殊病目見空華諸人直下信得及去則不見有生不見有死淨裸裸赤灑灑證取自家境界豈不慶快平生復云證得當陽第一機個中無是亦無非生死兩關都踢脫便是心空及第歸下座

雲岫庵蘊虛講王請上堂或是或非人不識逆行順行天莫測是非逆順都拈却無孔鐵鎚當面擲驀拈拄杖云還見麼擊香几云還聞麼若也聞處精明見

處透脫當下知歸更不者也周繇豈不暢哉其或未然更據今日時節分明說破雲岫庵中講法廣慧寺裡叅請老僧陞座舉揚急須直下猛省復喝一喝下座

上堂僧問清淨本然云何忽生山河大地師云眼花作麼進云如何是清淨本然師云腦後見腮乃云當陽一着無啓口處正眼洞明無迴避處所以道有一物明歷歷黑似漆上拄天下拄地嘗在動用中動用中收不得驀拈拄杖云穿却了也諸人還委悉也無若委悉得日用之中折旋俯仰無非本地風光若不

法苑珠林

密雲禪師語錄卷二

十二

委悉百姓日用而不知喝一喝下座

上堂僧問兩手空拳一貧如洗正恁麼時還有受用處也無師云速禮三拜進云恁麼則國清才子貴家窘有郎賢師云脚跟蹉過乃云個事繇來本現成何勞三寸更施呈堂堂坐斷舌頭路歷歷孤明直下行喝一喝下座

上堂聲前一句無處出氣當陽一機直下猛覷直下覷透坐斷要津不通凡聖提得天上人間用去初無把柄到處逢人驀面欺直截單提全正令要使個個超佛越祖人人鼻孔遼天驀拈拄杖云當恁麼時如

何通氣他家自有通霄路便下座

上堂楊彫葉落明明脫體全彰雲散天空杲杲日輪當午正恁麼時霜風劈面來諸人還覺寒毛卓豎也無若也覺得如龍得水似虎靠山日用頭頭全體露折旋俯仰沒遮欄喝一喝下座

開爐上堂般若如火聚擬之則燎却面門驀拈拄杖連卓云當爐不避火者與拄杖子相見僧問正偏兼帶卽不問臨濟家風事若何師便打僧擬進語師復打云再犯不容乃云火焰爲三世諸佛說法炤顚眉毛多少堇三世諸佛立地聽歷歷分明赤骨惺死

寄雲禪師語錄卷二

十二

柴頭發渾身酸始可聯輝繼祖燈喝一喝卓拄杖下座

上堂有問有答正是業識茫茫無問無答亦是無本可據直饒聞恁麼道撩起便行未免落在山僧圈續裡且不涉化門一句如何通信卓拄杖云舉頭天外看誰是我般人下座

師六旬誕日上堂人人盡道今日生誰謂老僧今日死但了死生個一時莫問世間花甲子下座

施主送縗紗法衣請上堂祖師西來傳衣表信老僧今日披衣徵信還有知信處底麼出來對衆證明良

久乃云冬天披領夏袈裟引得時人笑轉語者其中心個消息方知錦上更添花一偈立座前擬開口師打云還知麼便下座

上堂今朝是汝諸人滿期之日又是諸人圓戒之辰亦是釋迦老子眼光落地時節若知釋迦老子眼光落地處便是諸人圓戒處亦是諸人滿期處何以長期短期千期萬期無非以悟爲期若也悟去便知適來許多問答處處舉拂云正恁麼時收因結果一句作麼生道擲下云鯨吞海水盡露出珊瑚枝復舉僧問鹽官如何是本身盧舍那官云與我過淨瓶來僧

後部

寄雲禪師語錄卷二

十三

移淨瓶至官云却安舊處善僧安舊處復來問官云古佛過去久矣師云鹽官雖善使喚者僧大似勞而無功今日忽有人問如何是本身盧舍那幾番便棒管教徹骨徹髓永劫不忘遂拽拄杖下座一時打散歸方丈

施主請上堂僧問檀信敬持無米飯前來供養十方僧如何是應供一句師云此去杭州一百五進云應供一句蒙師指今日陸堂事若何師云敗也敗也露也露也進云大眾證明某甲禮拜師云好不識羞僧便喝師云再喝一喝看僧又喝出堂師乃云此去杭州

州一百五步步何曾有回互一毫頭上通消息十方世界全體露卓拄杖下座

上堂僧問傷嗟今古人幾個知恩德今古時人則不問如何是知恩報恩師云惜取鼻孔進云此猶是報恩邊事如何是知恩師云鼻孔也不識乃云茲因如盛等五僧爲薦師長父母乞老僧陞座適來乘白代請云此五人俱無父母師長大眾者一句請詞好個消息何以若據老僧看來不獨此五人無父母師尊盡大地一切人類俱無父母師尊祇因見有父母師尊便見有彼此人我各立種種分別取此捨彼取彼

密雲禪師語錄卷二

西

捨此遂有憎愛致成輪轉流浪生死故諸佛世尊起大悲心示現降生開示悟入佛之知見今向父母未生以前一覷覷透不惟自己不從父母所生便見父母師尊一切衆生人人嘗光現前個個壁立萬仞不妨與釋迦老子同個鼻孔出氣所以道未離兜率已降王宮豈從父母所生未出母胎度人已畢豈從師長成立釋迦老子得者一着出世四十九年談經三百餘會祇要人人明得者個消息且道釋迦老子卽今在什麼處若知釋迦老子去處便見得父母師尊去處若知父母師尊去處便見得人人自己去處若

知自己去處便報得父母師尊之恩正當恁麼時報恩一句作麼生道將此深心奉塵刹是則名爲報佛恩下座

高麗僧雲晦請上堂僧問雲月不殊鄉國有異當陽一着迥絕遮攔雲月不殊卽不問當陽一着事如何師云放汝三十棒進云恁麼則知恩有地師云不知痛癢漢乃呈拄杖云個條拄杖別無才祇點諸人眼豁開徹見本來真面目不見凡胎與聖胎擲拄杖云見麼喝一喝復舉德山云今晚不答話問話者三十棒時有僧出禮拜山便打僧云某甲話也未問爲甚

密雲禪師語錄卷二

密雲禪師語錄卷二

五

却打某甲山云你是甚處人僧云新羅人山云未跨船舷時好與三十棒師云德山行逸群之令格外提持固是好手老僧卽不然待伊云新羅人便與連棒打出使伊做個脫灑衲僧豈不快哉却云未跨船舷時好與三十棒者僧未免向未跨船舷時新羅國裡躲根大似龍頭蛇尾老僧恁麼批判衆中莫有爲德山作王者出來與老僧拄杖子相見無則老僧作一場獨弄去也拽拄杖下座一時打散歸方丈爾立董居士請上堂聲前一句人人本具放過一着落在第二若不放過打出骨髓因甚如此只爲諸人

不自薦取若也薦取所立卓爾以拄杖擊香几云還薦麼卓一卓下座

開爐上堂金粟今日開爐竟無半個楮拙莫言冷落空疎要凍諸人徹骨苟徹骨撞頭磕額乾坤窄喝一喝復云大道祇在目前要且了無遮障爲甚等閒問着十人五雙口似磬盤祇爲太分明本非男女相復喝一喝下座

誕日上堂一年一度生一年一度老當人透過兩重關白髮童顏非老少非老少脫體翻成無價寶嗟見時人不善詣到頭哀送埋青草喝一喝下座

支那

密雲禪師語錄卷二

七

彌陀誕日僧本光請上堂老僧昨日是生日彌陀今日是生日我比彌陀先一日三世諸佛從此出所以道一切諸佛及諸佛阿耨多羅三藐三菩提法皆從此經出既從此出可謂諸佛老僧兒老僧諸佛父諸佛父法爾迥超凡聖路我見燈明佛本光瑞如此說甚娑婆并淨土喝一喝下座

上堂僧問世尊觀明星意旨如何師云瞎進云將謂和尚忘却了也師云漆桶不快僧喝師拈棒僧云元來元來便禮拜師云元來元來乃云今朝正是臘月八釋迦老子悟時節年年大地普皆知試問諸人徹

不徹苟徹也與世尊把手共行不徹也且道過在阿誰拽拄杖下座一時打散歸方丈

春朝上堂春日晴黃鸝鳴聲聲無別事口口與人屋且作麼惺等閒識得東風面萬紫千紅總是春春卽且置敢問諸人如何是東風面殿前太子吹門外有人行驀地喚伊回首看元來鼻直兩眉橫且道伊是阿誰喝一喝云叅下座

觀雲吳居士請上堂呈偈云一場辛苦受風寒喜得逢春便覺歡癢相幾番難自舉今朝呈向老師看師云若據此偈就向無明窟中發露衆生界裡出頭可

支那

密雲禪師語錄卷二

七

謂坐斷報化佛頭不涉凡聖理路更說超生死越苦海登彼岸證涅槃正是無夢說夢第恐不是玉是玉也大奇所以昨日再三徵驗無語未實但言弟子說不出請和尚說卽今老僧癢相對衆舉似去也乃云老來血氣乾枯也抓着風皮白屑飛諸人癢處如抓着也須舉似老僧知下座

上堂蔡居士問方今疆場多故聖王焦勞如何得干戈不動天下太平師云未問已前早太平進云恁麼則萬民樂業去也師云阿誰不願乃云當陽曉示人入越故超新覲面提持個個全身遠害若是上根利

器聊聞舉着別起便行却較些子更若佇思停機掠人涕唾正似韓盧逐塊所以道平地上死人無數灼然出得荆棘林是好手一句作麼生道敵勝還他師子出群須是丈夫兒下座

上堂人人本具個個圓成雖是當頭道着未免覷面瞞人何以諸人問恁麼道往往依語生解便將人人本具個個圓成當自己本命元辰豈不瞞自了也若有不受瞞底明明白白見得透悟得徹則一念不生全體寂滅更有甚麼爲緣爲對爲障爲礙所以龐居士問石頭大師云不與萬法爲侶底是甚麼人頭掩

嚴師

密雲禪師語錄卷二

太

其口復持此語問馬祖祖云待汝一口吸盡西江水卽向汝道士於言下大悟作偈云有男不婚有女不嫁大家團圓頭共說無生話試問諸人作麼生是無生活一僧纔出師打云棒下無生忍臨機不見師良久云堂堂大道無人識頂門正眼廓周沙下座

上堂施王請陞座對衆難啓齒覲面便相呈也是落第二何以諸人分上着不得者等閒家具便恁休去多少省力其或未然只得將錯就錯向第二義門打葛藤道威音王已前赤灑灑盡未來際淨裸裸卽今各各威凜凜本無彼此人我既無彼此人我且道

是個甚麼還委悉麼從來千聖莫能識造次凡流豈可名下座

解制上堂僧問今日解制開門蕩戶獅象紛紛如何分付師便打進云恁麼則無影枝頭一點春師復打僧喝一喝歸衆師乃云解開布袋口衲子都抖擻一如虎龍人人攪前走世法出世法一切通莫受利用要機先莫着隨人後不隨老僧言始可爲分付所以道古聖不安排至今無處所還委悉麼逢人募面欺堪作獅子吼喝一喝下座

師龍池掃塔過萬壽法藏禪寺琅玕曹居士等請上

嚴師

密雲禪師語錄卷二

尤

堂山僧出家將及四十載別也無成得甚麼事祇明得祖師西來直指人心見性成佛一着子今日承衆居士命陞此座爭敢囊藏被蓋未免八字打開爲諸人直指去也遂拈拄杖旋指云見麼會麼若也見得透會得徹二六時中觀體全彰折旋俯仰全身運用無動相可見靜相可立無心可明無佛可成無衆生可度何以不見道心佛衆生三無差別既無差別卽說個心佛與衆生都在其間卽說個佛心與衆生都在其間卽說個衆生心與佛亦在其間如是則說一卽三三卽一卽說個心佛衆生亦是對待而言強

生分別若不分別山僧到此有口如啞有耳如聾言語道斷心行處滅故達磨盡力直道不識二祖覓心了不可得然雖如是沒量大人亦是應機之說似向死水淹却不肯兒孫另出隻手以一莖草作丈六金身用以丈六金身作一莖草用爲諸人重指點去復拈拄杖旋拈云還見麼棒頭有眼明如日要識真金火裡看卓拄杖下

師過姑蘇鄧尉山天壽聖恩禪寺掃萬峰寶藏兩祖塔居士周居實趙盡庵等請上堂漢月藏公問問也打不問也打飽領多矣今請別垂方便師便喝進云

密雲禪師語錄卷二

一

打也問不打也問呈似多矣此時另轉家風師亦喝藏轉身云大衆一句了然超百億粉骨碎身未足酬各禮一拜答謝師恩衆禮拜起藏進身數步云末後一句始到牢關最後之機乞師賜棒師云面皮厚三寸藏復禮歸衆頂目問從上來事分付阿誰師云腳跟下更須喫棒進云謝師指示便禮拜師乃云今日不肯兒孫高陞遠祖之堂不必更說偈言覲面爲衆舉揚急着眼莫思量遠得便行真漢子人間天上更無雙師卓拄杖藏率衆禮拜便喝師便打下座

師至海鹽天寧寺衆請千佛閣基上堂僧問昔年唱導今日重臨未審如何話會師云喚你是漆桶進云寶閣纔興千佛卽今在甚麼處安頭師云看脚下進云實際理地佛事門頭二俱不立請師速道師云速退速退進云不遇吾師至誰堪話歲寒師云閑言語金居士問二百六十年無此事今日一佛出世千佛已齊和尚如何安置師便喝士豎一指師云休捏怪士轉身歸位師乃云偶來天寧寺衆請高登座已是覲面呈何須更話墮若人如是會當下便安妥其或未然更向第二義門舉個古人通個消息不見昔日

廣額屠兒至世尊前放下屠刀云我是千佛一數今日若貴若賤若僧若俗若男若女人人俱登千佛寶閣基上一一莫非千佛之數還信得及麼若信不及山僧更向十字街頭叫喚去云我不敢輕於汝等汝等皆當作佛便下座

密雲禪師語錄卷二

二

師受黃檗山請過古杭報國禪院鳳亭韓居士等請上堂個事初無隱覆亦無彼此迷悟只因人自不薦各各自生差互但能一念回光便見浩然獨露如是則縱目所觀無僧無俗無貴無賤無男無女無滅無生一道平等浩然大均乃至上至諸佛下至螻蛄都

虛是個本來面目如是滅度無量無邊衆生實無衆生可得滅度正當恁麼時潛行密用樂業安邦一句作麼生道呈拄杖云還委恁麼將此深心奉塵刹是則名爲報國恩下座

福建福州黃檗山萬福禪寺語錄

崇禎三年檀越衆居士請於三月廿七日入院至山門以拄杖拈云昔日遠祖斷際禪師從此出今日不肯兒孫從此入雖然出入不同要且同爲標格呈拄杖云人衆還見麼便入方丈師侍立云只者些兒去處從上佛祖與人解粘

默

密雲禪師語錄卷二

三

去縛之所且道忽遇赤條條地來時如何正好與伊三十拄杖爲甚如此不見道青天也須喫棒衆請上堂拈香云者瓣香與大地同根萬物一體燕向爐中端爲祝延

今上皇帝聖躬萬歲萬歲萬歲恭願皇圖鞏固帝道遐昌天下太平萬民樂業者瓣香收來劫造堪處全真燕向爐中奉爲清朝文武天下官僚本山護法請王井及遠近檀那伏願同明本地風光共證元初正體者瓣香不從他處得來祇向自信中拈出四回燕向爐中供養直隸常州府荆溪龍池山禹門禪院

密雲禪師語錄

卷二

傳曹溪正脉三十三世幻有先師傳和尚用酬法乳之恩欽衣敷座上首白椎竟師云隻葉扁舟泛海中乘風來到福城東洪波浩渺無餘事只作拋絲擲釣翁還有衝浪金鱗麼出衆相見僧問黃檗痛施三頓棒臨濟家風自此興今日吾師應茲席擬將何法付何人師云放汝三十棒進云請師再道一句師云猶不知羞在僧禮拜退問如何是向上事師云黃檗山頂問慈雲彌布獅象驍臻和尚將何垂示師便打進云恁麼則無影樹上一枝花香滿大千世界師云切莫眼花乃云口吞佛祖眼蓋乾坤刹海無餘大方獨

默

密雲禪師語錄卷二

三

步所以道法隨法行法幢隨處建立全機大用觀而提持若金翅劈海直取龍吞衲僧無湊泊處衆生無迴避處祇要諸人略回光相着眼自看便見透脫分曉爲呈拄杖云還見麼擊香几云還聞麼若也聞處精明已處透徹則聲色翳障全消聞見之元亦脫似透網金鱗過身躍躍正當恁麼時如何舉頭天外看是我般人復舉黃檗斷際禪師旅寓洪州開元寺表相國一日入寺行次見壁畫問寺主云者畫是甚麼寺主云是高僧相國云形影在者禪高僧在甚麼處寺主無對相國云是處有禪僧麼寺主云有一人

相國遂請黃檗相見舉前話問檗召云裴休休應諾檗云在甚麼處相國于言下有省師云者二大老激揚個事大似焦磚打着連底凍自他不隔于毫端雖然如是簡點將來未免傍觀者哂且道誰是傍觀者良久高聲召云大眾還省麼苟省則知裴相國落處不省則祇知事逐眼前過不覺老從頭上來喝一喝下座

文範林居士誕辰請上堂生也全體現死也全體現生死與去來不隔一條線如是則見虛空大地明暗色空四大五陰十八界生老病死憂悲苦惱親愛纏

經

密雲禪師語錄卷二

三

繞正是病目見空華如蠶作繭自纏自縛更若見佛見祖見衆生三賢十聖等妙二覺乃至見心性玄妙亦是自作窠窟畫地爲牢墮坑落壑正恁麼時作麼生是超然一句還委悉麼直透萬重關放出個隻箭下座

上堂三條椽下七尺單前正好朝打八百暮打三千若也會得伸脚打眠若然不會半夜起來屈膝坐毛頭星現衲僧前喝一喝云叅下座

上堂今朝五月五家家賞端午惟我林下人一味無時度所以道謹白叅玄人光陰莫虛度且道石頭老

子尋嘗向甚麼處着到還委麼雲從龍風從虎喝一喝下座

追嚴請上堂僧問叶不應山則不問無陰陽地是知何師云須彌山進云某甲不恁麼道師云汝又作麼生僧喝師云喝後如何僧禮拜師云大眾笑你問赤肉無依白骨離骸如何是最初安身立命句師云看脚下乃云生而非生鏡裡之形滅而不滅水中之月大眾水月與鏡形非從描畫得應須急着眼切莫擬商量荐取本來真面目徧界明明絕覆藏便下座上堂僧問十二峰頭雲霧遮蓋時如何師云瞎九龍

經

密雲禪師語錄卷二

三

潭水白浪滔天時如何師云莫亂做正當水清雲淨時如何師云去僧禮拜云恁麼則青山綠水去也師云錯乃云六月初一正炎熱人人通體汗流出忽然一陣涼風來個個仍前乾暴暴且道乾暴暴底是汗流出底是汗流出底是則不應有乾暴暴底時節乾暴暴底是則不應有汗流出底時節恐悞賺諸人老僧不敢道破諸人也須各各自悟討個分曉始得下座

上堂十五日已前過去莫思量十五日已後未來休指望今日正當十五日靚面人人自不識既是靚面

因甚却不識只爲分明極苟識也前後今朝俱屏跡
無始未來無變易喝一喝云還識麼不勞久立珍重
下座

上堂拈拄杖敲香几云打草爲要蛇驚喝一喝云唾
面祇要人惺苟惺也如日昇空無所倚十方世界現
全形若不惺切莫錯怪老僧且道過在阿誰喝一喝
下座

解制上堂僧問結制解制總不問不結不解一句作
麼生師云舌頭元在口僧拂袖便行師云切莫亂走
問大坐當軒獨露本來面目豁開戶牖放出無位真

支那

密雲禪師語錄卷二

三

人元是屋裡底爲甚人不識師云爲汝眼花進云和
尚道甚麼師云道汝耳聾僧便出師乃云共來黃檗
山聚首三個月愧我無法說白棒當頭楔不圖結良
緣却要恨徹骨今朝各自行個個都禿櫟復云今朝
七月十五家家追宗薦祖寺寺供佛供祖惟是本分
衲僧却尚超佛越祖爲甚如此丈夫自有冲天志不
向他人行處行便下座

師過福州西禪寺衆請上堂山僧自到西禪寺日日
上堂不爲意今朝請我更相呈試問諸人會不會苟
會也人人個個難迴避苟不會不免更露個消息以

拄杖架肩云柳標橫擔不顧人直入千峰萬峰去下
座

師過古杭鳳林寺衆請上堂昔日鳥窠棲樹稍今知
此地鳥窠巢雖然親到鳥窠地不學鳥窠吹布毛遂
以手作拈勢吹云既不吹布毛且道吹個甚麼諸人
若也眼開心悟個個會通侍者且作麼生是悟底意
旨衆中還有悟者麼試出來通個消息良久云一總
若無山僧今日失利復舉樂天白居易士叅鳥窠云我
師住處甚險窠云居士危險尤甚士云弟子位鎮江
山何險之有窠云薪火交煎識性不停得非險乎師

支那

密雲禪師語錄卷二

三七

舉起拂子云諸人若見山僧舉起拂子卽心火交煎
放下拂子云若見山僧放下拂子卽識性不停所以
東印土國王請般若若多羅尊者齋問云諸僧皆轉經
尊者爲甚不轉經尊者云貧道入息不居陰界出息
不涉衆緣嘗轉如是經百千萬億卷復舉起拂子云
諸人若見舉起拂子卽涉衆緣放下拂子云若見放
下拂子卽居陰界併爲諸人頌出不居陰界不隨緣
從來薪火不交煎道人行處嘗如是信步悠悠自
然便下座

師過姑蘇北禪寺養病值誕辰衆強請上堂僧問人

人盡道今日是生日且道卽今是生不是生師云放下兩頭進云與麼則禮三拜爲和尚祝壽去也師便打乃云山僧六十有五素來不涉迷悟無端痢疾三年累得通身骨露若人如是證明管取超佛越祖日用二六時中直教更無差互若能如是行持定證金剛堅固試看碓坊踏碓人終日未嘗移一步蘇州城有六座門門門有路通人路可惜無人簡點知其數便下座

密雲禪師語錄卷第二終

密雲禪師語錄卷二

十八

密雲禪師語錄卷第三

嗣法門人海明編

浙江寧波鄞山育王廣利禪寺語錄

司理黃端伯檀越王道元祁彪佳請於二月三日入院至三門云十方薄伽梵一路涅槃門問汝諸人且道路頭在什麼處看脚下始得

方丈據座云老僧到者裡不若淨名杜口亦非釋迦掩室且道如何施設縱然鐵額銅頭衲僧到來也須棒棒見血爲甚如此放過不得遂起

司理元公黃居士請上堂師指法座云者便是大司

理

密雲禪師語錄卷三

一

理大護法於丁卯秋廬山開先寺撞倒底蘆山今對人天衆前扶起去也還見麼遂陞拈香云者辦香根盤太虛空外幹共乾坤並秀巖向爐中端爲祝延今上皇帝萬歲萬歲萬歲歲次拈香云者辦香明同日月光臨萬物蒸向爐中奉爲滿朝文武天下官僚今日請主大司理并諸檀越伏願般若智以現前無緣慈而濟物又拈香云者辦香自從親遭毒手至今痛恨不徹不免對衆拈出五回蒸向爐中端爲供養直隸常州府荆溪龍池山禹門堂上傳曹溪正脉三十三世幻有先師大和尚用酬法乳之恩敷坐上首

白槌云法筵龍象衆當觀第一義師云若論第一義適來未陞座前人人顯示了也更向槌下聽人處分分明已落第二義還有耳不隨聲眼不逐色者麼出衆相見一僧出舉坐具云者個是聲是色師打云見麼進云更請吾師再道一句師復打僧喝師又打問未知有底直須撞倒鐵山及乎知有自己却是一座鐵山未審和尚到此如何酬唱師打云且道是賞你罰你進云老人大話頭也不識師復打嘘兩聲乃云布縵天羅網打衝浪鯢鯨若是透網金鱗聞恁麼道便乃通身踴躍出來掀倒禪床喝散大衆飛騰而

密雲禪師語錄卷三

三

去豈不慶快平生其或未然不免道祖師心印狀似鐵牛之機去卽印任卽印破便能隨處作王遇緣卽宗法隨法行法幢隨處建立况逢明眼作證豈敢被蓋囊藏應須覲面顯揚當頭點破若解返炤廻光便見透脫分曉分明自家境界一着本來面目觀體現前全機大用祇憑者個威光不向別處流轉遂豎拂云若向者裡覷得透開隻眼用得去方知開口不在舌頭上可謂一言通時千言萬言不曾道着一字一機用去千機萬機全體顯露如壯士屈伸不借他方師子遊行不求伴侶雖然猶是從上來建法幢立

宗旨底標格設若坐斷報化佛頭透過祖師巴鼻不涉化門一句又作麼生道還委悉麼皇風浩蕩乾坤廓野老謳歌春晝長復舉阿育王問賓頭盧尊者云嘗聞尊者親見佛來是否者以兩手策起眉毛云會麼王云不會者云阿耨達池龍王請佛齋吾亦預數遠祖虎丘和尚云尊者得大機顯大用不設親見佛來雖然賴遇育王放過若不放過洎合打失眉毛打失眉毛且置祇如策起眉毛又作麼生還會麼當臺一鑑明如日萬古晴空絕是非師云虎丘和尚判得十分明白爭奈猶剩一半祇如尊者道阿耨達池龍

支那

密雲禪師語錄卷三

三

王請佛齋吾亦預數且道今日阿育王寺十方聚會同共一齋賓頭盧還預數也無如不預數古今則有二道若預數卽今賓頭盧在什麼處諸人還知麼其或未知各各策起眉毛試看取好卓拄杖下座追嚴請上堂今朝三月十九盡道觀音生日且問大衆觀音生在甚麼處若知觀音生處便知曹溪鄧居士死底去處既知鄧居士死底去處卽知觀音生底時節既知觀音生底時節便見鄧居士生與觀音現身說法死亦與觀音現身說法既皆現身可謂淨法界身本無出沒既皆說法可謂大悲願力示現受

生如是則剎說衆生說十方三世一時說又烏用山僧播兩片皮掉三寸舌何故徧界盡非嘗草木何山松柏不青青下座

上堂雨下地濕天晴日出水綠山青桃紅李白一皆呈奇特只是不得將眼看井口說爲甚如此風前鐵樹花開別是一般春色下座

上堂三世諸佛不知有從空放下狸奴白牯却知有憑地昇高從空放下無衆生可度憑地昇高超佛越祖超佛越祖衆生度盡恒沙佛無衆生可度諸佛何曾度一人雖然如是忽若兩頭坐斷中間撒開突出

文那

密雲禪師語錄卷三

四

難辨一句又作麼生道披簾側立千峰外引水澆蔬五老前下座

鄭居士誕日請上堂突出難辨不容擬議尋思正眼豁開洞徹去來無際所以道未離兜率已降王宮未出母胎度人已畢且道正當恁麼時度個甚麼人說又恐涉繁詞諸人各自悟始得卓拄杖下座

上堂子規啼血滿花枝口口聲聲祇叫歸不耐時人猶不惺年年三月又來啼大衆還委麼自是不歸歸便得五湖烟景有誰爭卓拄杖下座

上堂聲前一着人人本自圓成正體湛然個個初無

向背祇因不覺逐色隨聲捉一放一不得解脫若能回光克證無生法忍無繫無拘管取自繇自在何以如此雖然不假修成得日用須教要自繇便下座

上堂現成公案不用尋思八字眉分無干心力如是則恁麼也不得不恁麼也不得恁麼不恁麼總不得未免向死水裡躲根設若恁麼也得不得恁麼也得恁麼不恁麼總得也是在葛藤窠裡作活計不落兩頭機不墮中間位且道二六時中如何受用萬仞峰頭獨足行喝一喝卓拄杖下座

奉化岳林寺主請上堂諸佛與衆生本無優與劣祇

振那

密雲禪師語錄卷三

五

因自不覺妄自生分別分別若不生洞然最明白人絕覆藏個個無隱匿所以道彌勒真彌勒化身千百億時時示時人時人自不識且即今各各人那個是彌勒若也識便安估其或未然來年更有新條在惱亂春風卒未休下座

四月旦日上堂三春已過孟夏初臨山中樹綠田裡秧青蠶婦剪桑農夫催耕情與無情一一皆真所以道是法住法位世間相嘗住若識相嘗住方堪有本據其或未然有寒暑兮促君壽有鬼神兮妬君福下座

佛誕日解制上堂僧問解開布袋口放出一群牛正當恁麼時如何是慶賞一句師便打進云大有人不肯又如何師又打僧一喝師復打乃云二月十五舊公案四月初八便結絕雖然日子却無多養就一群如老賊開門放出諸方去揆着翻身便返擲衲僧若不解如此却被他人穿你鼻到此翻思懊悔時莫言老僧不與說遂舉世尊初生周行七步目顧四方一手指天一手指地云天上天下惟我獨尊釋迦老漢既如是汝等諸人猶向老僧更擬計甚麼碗拽拄杖下座一時打散

跋那

密雲禪師語錄卷三

六

再任嘉興金粟山廣慧禪寺語錄

上堂道人踐履絕行踪去亦如斯來亦同來去同同了無異去來一味舊家風如是則大智圓明體無向背聲和響順形直影端在彼在此獨露管光一去一來豈生二相正恁麼時且作麼生是諸人底舊家風還委恁麼須知鷲嶺當年事一念回光自宛然卓拄杖下座
施主請上堂亘古亘今金剛體密密綿綿嘗證入不生不滅如來藏頭頭物物悉包容所以道空可空非真空色可色非真色真色無形真空無名無名各之

父無色色之母能為三界之根作天地之祖如是則金剛體生育之本如來藏造化之源能作奇特因能顯難思事若上根利智向文彩未彰已前當頭一時坐斷淨裸裸赤灑灑如天普蓋似地普擎如虛空寬廣如日月普照一道清虛靡不貫徹感應道交綿綿瓜瓞蔣拈拄杖云當恁麼時且作麼生是造化之源生育之本杖頭點出金剛眼彈指圓成八萬門卓拄杖下座

跋那

密雲禪師語錄卷三

七

施主請上堂正令當行十方坐斷宗旨建立毫髮無差是以摩竭掩室毗耶杜詞斯皆理為神御故口以之而默豈曰無辨辨所不能言也如天不言靡所不蓋如地不言靡所不載故曰天無私蓋地無私載天若私則有蓋有不蓋地若私則有載有不載古人所謂皇天無二道聖人無兩心雖無二道昆蟲草木咸植其中隨其根性悉遂其生故法華經云密雲彌布一雨普滋斯非法喻齊彰佛天無二者乎遂舉拂云有眼者見復敲香几云有耳者聞聞見分明是個甚麼擲拂云正恁麼時諸人分上又作麼生還委恁麼一氣不言含有象萬靈悉稟其同根下座
追嚴請上堂僧問析肉還母析骨還父父母非我親

誰是最親者師云眼中着屑進云千江有水千江月一道寒光亘古今師云錯認定盤星問大事未明如喪考妣是如何師云萬仞峰頭獨足立大事已明如我考妣是如何師云千山萬山獨行去僧禮拜師乃云生死去來全體現陰間陽世絕行踪驀拈拄杖指云杖頭指着金剛體汝母回光證舊容喝一喝云還見麼卓拄杖下座

上堂纔然五月念九又是七月初一可謂日月如梭光陰迅速諸人還得個休歇也未若得個休歇便見釋迦老子道我能促一劫如半日延半日如一劫趙

支那

密雲禪師語錄卷三

八

州亦云諸人被十二時使老僧使得十二時不是神通妙用亦非法爾如然斯皆親證實到大休大歇時節所以不見劫之長日之短全憑者個威光不向別處流轉其或未然祇知事逐眼前過不覺老從頭上來下座

浙江寧波天童山景德禪寺語錄

崇禎四年司理端伯黃公并檀越之垣徐公有杞徐居士等請於四月三日入院至

古佛殿基云虛空作殿日月爲燈且道是什麼人境界還會麼設或未會且看新長老撒開坐具大展三

拜

方丈云據此室行此令從教天下衲僧來乞命一一爲伊當頭按定卓拄杖遂起

當日衆請上堂至法座云須彌燈王如來已坐斷諸人路頭了也且轉身意旨又作麼生會如或未會更爲諸人撥轉上頭關去也遂陞拈香云此瓣香奉爲今上皇帝祝延聖躬萬歲萬歲伏願國運與日月長明國界與乾坤並固此瓣香奉爲滿朝文武天下官僚併今日日本山請王司理黃元公居士維翰徐居士松里徐居士伏願道心堅固現隨類身導引群品

支那

密雲禪師語錄卷三

九

共證菩提此瓣香恭侍二十餘年一旦親蒙印可不敢忘却第六回燕向爐中爲龍池禹門堂上幻有先師大和尚用酬法乳之恩上首白椎云法筵龍象衆當觀第一義師云人人絕覆藏個個無向背誰更有第一第二而復言觀還有共相證明者麼出衆相見僧問清開橋下五湖雲太白峰頭萬古月天童諸祖頂額門今日請師重着楔師便打進云祖爾不了弗勞殃及師又打云正要殃及你僧喝一喝拂坐具歸衆問昔日應庵和尚問天童傑禪師云如何是正法眼傑答云破砂盆意旨如何師云門前七座塔進

云師意如何師便打進云其中又不然師云你又作麼生進云暗師又打乃云光吞萬象氣絕諸塵淨裸裸赤灑灑提則天上人間放則無處迴避所以道動若行雲止猶各神既無心於彼此豈有象於去來來不以象動靜不以心如則是則昨日在育王不曾相着今朝來天童又何嘗相逐於此於彼無取無捨故能隨處作主遇緣卽宗當頭點破廓開人天正眼赤手提持使證自家境界無倚無依自繇自在且今日開堂祝聖一句作麼生道邊邦寧靖歸王化萬姓謳歌樂太平下座

敲

密雲禪師語錄卷三

十

開爐上堂天童寺裡結制無端劃地爲牢更若把斷咽喉諸人向甚處出氣還有恁麼人麼試出來對衆舉看僧問大開爐鞴陶鑄賢才祇如火不能燒水不能漂底衲僧到來和尚又作麼生師云烏龜水底深藏六進云恁麼則成堅固不壞去也師便打問如何是堂與中事師云你且去門外立僧歸衆師乃云太白山中儘有柴一株不許衆人搬老僧不是多護惜爲要諸人徹骨寒雖然如是只如道三界無安猶如火宅諸人又向甚麼處迴避若也迴避得可以高超三界獨步大方其或未然各各矧顧眉鬚始得便下

座

上堂僧問和尚未露家風學人已呈行履更借問得一句麼師云莫亂道進云如何是殺人刀師打一棒打殺進云如何是活人劍師打云自領出去問正令纔施卽不問聲前一句意何如師云合取狗口進云前後卽無作麼勦絕得去師云背後看取乃云問話且置結制得半個月日也諸人本分事作麼生一僧纔出師云本分事作麼生僧擬議師便打僧喝師云三喝四喝後作麼生僧佇思師連打云大衆不煩久立下座

敲

密雲禪師語錄卷三

十一

上堂僧問出沒卷舒卽不問赤條條地事如何師云更着幾重來僧拂袖而出問竿頭撒手時如何師云兩脚捎空僧擬進語師便打乃云問話且置大衆要老僧入室卽今當堂與你們入室也不用古人底話老僧杜撰三句話初心久學皆可用遂云莫立程途別用功行住坐臥看何從忽然看徹無從底大衆下語看衆下語師皆未諾便下座

上堂今日仲冬十五日霜風刮面侵人骨明明歷歷不曾藏鳥用山僧更饒舌乃舉僧問雲門如何是諸佛出身處門云東山水上行佛果道天寧卽不然如

有問如何是諸佛出身處向他道薰風自南來殿閣生微涼今日天童又不然如有問如何是諸佛出身處劈香便棒下座

師誕日衆請上堂今年十一月十六日也是者個時節去年十一月十六日也是者個時節前年十一月十六日也是者個時節外前年十一月十六日也是者個時節乃至從無始十一月十六日總是者個時節來年十一月十六日也是者個時節後年十一月十六日也是者個時節外後年十一月十六日也是者個時節乃至盡未來際十一月十六日也是者個

文部

密雲禪師語錄卷三

十一

時節既都是者個時節喚作過去不得喚作未來不得喚作現在不得既都不得喚作生得麼喚作滅得麼喚作不生不滅得麼所以道欲識佛性義當觀時節因緣時節若至如迷忽悟如忘忽憶正當恁麼時依時及節一句作麼生道良久云仲冬嚴寒衆慈伏惟珍重下座

上堂舉臨濟大師道一句語具三玄門一玄門具三要三要有權有用汝等諸人作麼生會下座師乃召云大衆祇如適來問答向什麼處去若知去處有實有用便下座

臘八上堂僧問如何是佛成道日師云你甚處去來僧擬進語師直打出乃云自古至今臘月八年午夜一天星釋迦老子已悟去因甚諸人不自惺惺也盡大地無纖毫過患所以道普觀一切衆生皆具如來智慧德相但以妄想執着而不證得且問諸人作麼生說個不執着底道理又作麼生說個執着底道理卓拄杖下座

幻有和尚忌日拈香云親遭毒手不容情大棒通身徹不禁一年一度燒香日翻憶令人恨轉深便燒解制上堂今朝臘月二十日又是解制之辰且問大

文部

密雲禪師語錄卷三

十一

衆作麼生是收因結果依時及節底句若也道得天下橫行其或未然闔老子算飯錢打鬼骨臂莫言不道下座

歲朝上堂新歲舊年現成公案越古超今時人不薦林下道人不隨世變所以道有物先天地無形本寂寥能爲萬象主不逐四時凋喝一喝卓拄杖下座

上堂人以生爲勞不以死爲慮忽然死到來茫無着落處誰知當處生當處死當處埋若能如是會不動出三灾所以釋迦老子云吾今爲汝保任此事終不虛也且作麼生是不虛底事以拄杖敲香几云棒打

石人頭曝曝論實事此是通保姚居士爲薦亡女請
山僧說底法復舉麗居士云有男不婚有女不嫁大
家團團頭共說無生話無生即不問且問你女亡三
年還得團團頭也無若還團團頭即知你女安身立
命處亦知你自己安身立命處若不得團團頭不但
不知汝女安身立命處亦不知自己安身立命處既
若不知亦未免茫無着落你且回去商量明白了再
來與山僧通個消息山僧爲你證明下座

追嚴請上堂通烹誠心修供養供養一切諸如來請
我舉揚般若力爲薦父母超凡胎聖凡不同同鼻孔

密雲禪師語錄卷三

古

馨香臭穢一般開卓拄杖下座

清明日請上堂今日正當清明節家家祭掃拜墳塋
祇爲生身不忘本所以追思遠祖宗明新禪人特修
齋供佛祭掃祖師塔請我舉揚無別事報答父母及
師長雖然如是其間多有隨其風俗以了故事而已
縱有捷腦痛哭者亦不過不見團團私念愛情要如
孔夫子言祭如在祭神如神在者即罕矣惟我佛祖
兒孫似乎不然所以法華會上藥王菩薩焚身供佛
佛讚云善男子是真精進是真法供養如來於是
藥王還復如故智者大師讀到此處忽然有省獲旋

陀羅尼三昧云見靈山一會儼然未散正恁麼時諸
人還見祖師麼若見可與祖師把手共行其或未然
普請大眾同到祖塔前大家觸禮三拜下座

受吳巖峰爲僧上堂世緣頓盡截斷愛情出類拔萃
作大丈夫正宜永披忍辱鎧當操智慧刀與蘊魔煩
惱魔死魔共戰滅三毒破魔網如鳥出籠金鱗透網
且無依無倚善始善終一句作麼生道雪後始知松
栢操事難方見丈夫心下座

端午上堂今朝五月五日知事頭首乞老僧陞座應
個時節老僧無計可處何以雄黃燒酒固也不可要

跋

密雲禪師語錄卷三

古

且無個銅錢買糲穀思量到計窮力極忽然得個富
不有餘貧無不足真可謂是個平等法門正可以與
世移風易俗遂豎起兩拳云只將者兩個大糲子供
養大眾一任大眾橫咬豎咬忽然咬着自家底直得
人人飽足免得窮厮煎餓厮炒爲甚如此到底終輸
自家寶下座

開爐上堂自古叢林四月結制十月開爐現前大眾
若僧若俗若貴若賤若男若女還知個個具個清淨
寶爐不假一莖柴不須一塊炭晝夜熾然無你迴避
處無你間隔處諸佛證之得大自歸興大作用不歸

也。行故曰：如我按指海印發光，衆生昧之，隨聲逐色，起個攀緣心，如猿猴捉一放一業識，茫茫無本可據，遂成三毒無明之火。故曰：汝暫舉心塵勞，先起不論僧俗貴賤男女，但肯迴光證取自家境界，如大紅爐光明烜赫，所以道般若大智如大火聚，擬之則燎，却而門敢問大衆，既燎却面門，且道眼睛鼻孔向甚麼處出氣？各知出氣處則全體發現，不被聲色之所籠罩，誰復更起貪嗔癡之所轉變？如是可謂出類拔萃超群越格。世出世間真大丈夫，倘或未然，請各舉頭天外看，誰是我般人卓拄杖下座。

支那

密雲禪師語錄卷三

七

薦親請上堂，一僧纔出師與當頭一棒云：當頭點破世出世間沒間隔，覲面洞明生死變異體全彰。所以道無邊剎海，自他不隔於毫端；十世古今，始終不移於當念。又有道者一片田地分付來多少時也。我立地待汝搆去，諸人還搆得麼？若也搆得，便見一切衆生無非具者一片田地；三世諸佛出世說法，無非發明者一片田地；歷代祖師天下老和尚爲人直指，無非直指者一片田地；乃至今日可志史居士入山修供，命山僧陞於此座，無非舉揚者一片田地。追薦二親同明者一片田地，以見昔日生本非生者一片田地。

地全體忘慮來，今日死本非死者一片田地。全體如是去，然後推已利人，全機大用，如鳥王劈海直取龍吞，全憑者個威光，不向別處流轉。且道正當恁麼時，一句又作麼生道？各各人人合自繇全身，只在一毫頭拈拄杖下座。

病起上堂，老僧病一個半月，日未嘗與諸人說佛法。如是告報，若明眼衲僧已千里萬里去也。其或尚留觀聽，猶涉狐疑，則更向第二義門矢上加尖去也。老僧病一個半月，日本地風光，諸人一個半月，日挑磚運瓦，拖柴拽石，禪床裡打坐，經行齋堂裡喫粥喫飯。

支那

密雲禪師語錄卷三

七

乃至東廁上尿桶邊，無非是諸人真實之體，祇如透過許多間門，破戶真實體上，又如何通信鴛鴦綉出從君看，不把金針度與人卓拄杖下座。歲旦上堂，今朝正是正月一陞座拈香祝聖畢，普請唱個太平歌。摩訶般若波羅蜜，復舉僧問趙州云：萬法歸一一，歸何處？州云：我在青州做領布衫，重七斤，卽今忽有問天童萬法歸一一，歸何處？只向他道：不煩久立下座。施主請上堂，只因施主慇懃，請老僧無力強陞堂，急着眼莫思量，彼此明明沒覆藏。舉拂云：覲面提持當。

薦取毋教歸去更茫茫復舉龐居士云十方同聚會
師云大家在者裡個個學無爲師云用學則不堪此
是選佛場師云人人當自強心空及第歸師云看脚
下復云註已註破大衆還會麼若未會更爲頌出十
方聚會沒邊疆個個無爲絕較量各信脚跟行取去
那來歸路更茫茫卓拄杖下座

上堂天童者裡不敢虧人你有半斤稱你八兩你有
十尺量你一丈衆中若有個漢聞恁麼道念性出來
道都來總是個無星秤尺又稱量個甚麼老僧但向
他道一鈞便上若也會得有功者賞若會不得領取

密雲禪師語錄卷三

六

鉤頭意莫認定盤星下座

端午上堂今日端午請我上堂不待槌鐘不待播鼓
靜悄悄底汝等諸人作麼生會下座

結制上堂僧問三界唯心萬法唯識如何是學人心
識不到處師便打如何是一門深入師又打云切莫
刺腦入膠盆乃云天童結制無他事祇爲諸人不荐
取若荐取大千世界絕行踪日用直須以本據敢問
諸人本據又作麼生便下座

上堂一見再見無二見一得永得沒兩般彈指云急
薦取莫瞞預畢竟明明是何物從教東北與西南下

座

修之毛湛居士入山請上堂佛以一音演說法以杖
指大衆云杖頭指出太分明千里同風不隔線目對
靈光與妙音如是則不動步相照向是非得失外不
起念承當於文彩未生前只如廉纖不涉彼此不干
一句如何通信三事衲衣青嶂外頂冠束帶萬人中
下座

師誕日請上堂大衆爲我慶誕兼乞老僧上堂却成
世諦流俗怎不取笑諸方殊不知生死卽出生死因
曇花處處開法法現全倫所以道法本法無法無法

密雲禪師語錄卷三

五

法亦法今付無法時法法何曾法喝一喝卓拄杖下
座

上堂僧問如何是祖師西來意師云達磨過去久矣
進云去到甚麼處師便打問如何是初一已前事師
云昨日三十日進云如何是初一已後事師云來日
向你道進云正當初一如何師便打乃云今朝十
二月初一執事頭首請上堂老僧老兮懶饒舌者麼
明明爲舉揚下座

上堂卓拄杖云諸人皆有一條拄杖擬欲進前拄杖
礙却路頭擬欲退後拄杖穿却鼻孔只如不進不退

拄杖在什麼處以拄杖架肩云拄天拄地無人會收攝將來力荷歸下座

解制上堂僧問結制解制卽不問天童佛法是如何師云看脚下進云學人不會師云還我九十日飯錢來問如何是過去佛師云釋迦老子如何是現在佛師云大地衆生如何是未來佛師云莫妄想乃云諸人盡道解制殊不知天童之制結解不結解總不必論似如老僧終日起着大衆不是挑磚搬瓦不運土使擔石不拖柴便燒窰見你們稍遲縮不是喊便是罵汝諸人意作麼生會還知天童老漢爲人處麼

密雲禪師語錄卷三

三

三生六十劫下座

上堂未到天童不妨疑着已到天童无解冰消何故覺不見道聞名不如見面面既見矣諸人分中成得個什麼邊事一翳在眼空花亂墜下座

上堂千猜萬猜不如親到一回千說萬說不如親見一面到已到矣見已見矣忽有人問天童意旨如何又作麼生祇對若也對得不枉到天童若對不得須知自有活路始得下座

大悲誕日上堂舉拂子云觀世音菩薩在山僧拂子頭上示生了也諸人還見麼若見卽便請散去其或

密雲禪師語錄卷三

密雲禪師語錄卷三

三

活所以道不見一法卽如來是則名爲觀自在擲拂子下座

上堂一僧纔出禮拜師便打云大衆若見山僧棒頭落處便向者僧未開口前證取自家境界不從人得若向山僧開口處搏量意根卜度韓獪逐塊有甚了日所以教中尚道聲聞人因聞聲教而見性故謂聲聞菩薩不從聲聞而眼見性諸人直須眼見性始得遂以手拍香几云還見麼若見則彼此歷然初無隱匿下座

上堂仲春且猶寒深山更不同忽地風來拂便覺尚

法一法既露現法法豈曾蒙若人欲了道力行日用中所以道日用事無別惟吾自偶諸舉起拂子云諸人還見麗居士麼便下座

上堂以拄杖左右指云當頭指點靛面提持別無所以祇要知歸所以道十方同聚會個個學無爲此是選佛場心空及第歸正恁麼時諸人分上又如何委自是不歸歸自得不須眼上重栽眉下座

因事出山至慈谿馮留仙爾赤鄴仙李漸鴻陳伯李嗣容居士等留送入山請上堂僧問和尚出山即不同入山意旨是如何師云從來沒踪跡乃云道

密雲禪師語錄卷三 三三

人行般處幽然意不蒙檀那雖送入不可把雲封試看紅輪日任運轉西東古今嘗顯露繇來無定踪復舉大慧杲禪師因張汪二狀元至上堂舉僧問雲門如何是和尚家風門云有讀書人來報杲云讀書人既到者裡且如何與伊相見乃云不是冤家不聚頭師云和尚家風雲門盡情說了相見之意大慧不妨道破且如相見後又作麼生受用乃云君在瀟湘我往秦便下座

開爐上堂僧問大制從來無解結因何平地起風波師云無繩自縛漢進云羅籠不住呼喚不回師云你

爲甚刺腦入膠盆乃云昨日天晴日頭出今日下雨地上濕試看俛仰天地間畢竟明是何物若也會得便於春溫秋涼夏熱冬寒盡是諸人出身時節所以僧問洞山寒暑到來如何迴避山云何不向無寒無暑處去僧云如何是無寒無暑處山云寒時寒殺熱時熱殺閤黎便是者消息如是會得同觀開爐結制大似無事生事未免翻成特地其或未然請大眾歸堂三條椽下七尺單前納破家頭各自換取下座

次日陞座云昨日上堂今朝陞座呈示諸人更勿話

密雲禪師語錄卷三 三三

墮所以道若據此事直得三世諸佛口掛壁上更有一人呵呵大笑若識此人參學事畢汝等諸人時中業識茫茫還知安身立命處麼若知則龍得水時增意氣虎逢山勢長威獰喝一喝云普請大眾挑瓦蓋屋去下座

元公黃居士入山請師說法師云無舌與居士說復同衆力請乃上堂云昨晚無舌說今朝是龍拙耳聞兼目覩不聞僧與俗選佛與選官同體不同服不以服飾觀便見真面目個個本呈現人人皆具足當說熾然說不消三寸舌所以道迦葉不聞聞世尊不說

說不障悄然機動容揚古路便下座

解制上堂正月十五青天白日僧俗圍繞眼相覷相覷卽不無畢竟成得甚麼邊事莫生心休卜度彈指云善財彈指登樓閣普化入市搖鈴鐸復云春日晴黃鸝鳴行脚衲僧奔前程忽若遇盲聾啞底又作麼生撞頭磕額乾坤窄下座

上堂個事本來成現人人不隔一線祇因自己顛預致使四生流轉遂舉拂云我今特施方便切莫隨之更變欲得解脫自繇悟取本來真面所以道苦海縱無邊回頭便是旴擲拂云看看下座

支那

密雲禪師語錄卷三

三十四

佛誕日陶曰源薦二親請上堂一僧纔出作禮師劈脊打云汝還知棒頭落處麼若知棒頭落處則知汝安身立命處若知汝安身立命處則知陶曰源二親安身立命處既知他二親安身立命處則見今日世尊初生下時道天上天下唯我獨尊便是安身立命處既知安身立命處爲天上天下惟我獨尊爲主則在天不以天樂爲主在世不以世相爲主在生不以生爲戀在死不以死爲憂唯見唯我獨尊爲主遂舉起拄杖云汝等諸人還見麼若見拄杖子入地獄如箭射下座

支那

密雲禪師語錄卷三

三十五

豎佛殿法堂藏閣檀越李蒙設齋請上堂兼薦父侍御公漸鴻居士師拈香畢僧出作禮師便打云大眾會麼老僧爲汝等當頭指點汝等直下知歸則見侍御李公安身立命處既見安身立命則不被名利聲色之所籠罩恩愛情念之所流轉所以道若能轉物卽同如來便能於一毫端現寶王刹坐微塵裡轉大法輪如是則不用材木殿閣成現不勞斧斤法堂本影不動舌頭只向青天白日日下要轉便轉復召云大眾扶起棟梁去下座

追嚴請上堂今朝正是十月半葉落歸根全體現寒

林花放不萌枝無滅無生無異見拍膝云正恁麼時誰會得大丈夫兒撒手下座

結制上堂雲水禪流自聚頭非干特地苦拘留天童無法加諸衆只要諸人自肯休雖然如是若不到自肯不可強休若到自肯處不待休而自休且作麼生是諸人自肯處若到自肯處方丈裡來通個消息時有僧拂雙袖而出師云終是亂作下座

師誕日衆請上堂今日一會咸謂山僧生年七十四衆同時不期自集誰知山僧契體無生頓忘歲月於是不免因齋慶讚普勸諸人一念不生同徹從前本

來面目據自面目觀彼面目面面相對眼眼相覷無生無滅無彼無此十方世界凡聖含靈名字差別性相一如一如體寬無不包含靈山一會原共一家無有散滅如是則無二無二分無別無斷故迥出思議之表分明嘗在目前所以道十方同聚會個個學無爲此是選佛場心空及第歸雖然如是丈夫自有冲天志莫向他人行處行喝一喝卓拄杖下座見浦禪人化法鼓入山請上堂千說萬說不若法鼓一擊法鼓一擊大衆一時來到老僧千說萬說諸人還知去處麼若知去處則知來處不向言句音聲中

支那

密雲禪師語錄卷三

三七

作解會始知一擊忘所知更不假修持以拄杖擊香几云諸人還委悉也無若委悉得則動客揚古路不墮悄然機化者施者擊者舉揚者功不浪施諸人知恩有地其或未然老僧不免更爲諸人各各一擊去也拽拄杖下座一齊打散歸方丈

解制上堂元公黃居士問元正啓祚萬象咸新戶戶門門燈燃室內且道與少室一燈是同是別師云離却同別再道將來進云和尚爲何不道師云耳聾作麼進云口啞作麼師云更要打在士禮拜僧問雲水盡從今日解重樓紉宇鎖何人師云天無四壁進云

恁麼則草鞋獐似虎拄杖活如龍去也師云走殺闍黎乃云今朝正值正月半家家辦賞上元節都隨浮世恁情歡誰省茫茫忘忘本確祇有居士黃元公獨入深山無別樂不若維摩唯默然互相唱和妙獨覺又值天童寺裡僧個個打帳草鞋着頂笠腰包撒手行眼空四海乾坤廓雖然如是忽遇其人攔胸把住時汝等諸人又作麼生道個解交句若解得獨步大方若道不得前途多有絆脚索在老僧老矣沒氣力與你們說破只可自適去也下座

支那

密雲禪師語錄卷三

三七

堂都來堂堂若也薦得自絕付量付量絕處迥出大方故乃據此爲衆舉揚喝一喝卓拄杖下座

師誕日衆請上堂一念回光忽悟徹生死二相無處覓諸人若也更顛預老僧終是空饒舌下座

解制上堂結制也諸人要討個入頭底時節解制也諸人須得個出頭底意旨若得個入頭時節嘗在其中則八風五欲撼牽不動設得個出頭意旨千聖羅籠不住萬魔潛覷無門自在自繇全體現前據同體悲興無緣慈拯拔一切報佛深恩是爲一期叅學已畢慶快平生其或未然正是虛生浪死徒入空門併

在家居士若非究竟省悟一回則無本可據業識茫茫臨命終時定作不得主也山僧七十四歲諒無氣力更理葛藤是汝諸人宜各珍重始得下座

造法座訖師自撾鼓上堂云新法座舊和尚無人請自陞上度度登無異樣且既無異樣用度度登作麼不見道一番提起一番新盡未來際無盡藏雖然如此丈夫自有冲天志莫學吾行行處行下座

開爐上堂天童開爐不辦炭不辦爐一任諸人寒風刮臉寒氣侵膚諸人若也寒到徹骨徹髓自覺本命元辰全體自在一念無爲心行處滅則不見有彼我

散

密雲禪師語錄卷三

三八

是非生死去來之相所以道十方同聚會個個學無爲卓拄杖云此是選佛場心空及第歸下座

聖節上堂天中天聖中聖示現降生含齒戴髮蠕動含靈咸荷洪恩林下清衆等轉無私法輪仰祝大明齊北極聖壽等乾坤四方八表樂昇平萬國來朝萬乘尊下座

解制上堂老僧從心之餘光只堪自適而已矣却見諸人不自惺將謂今朝爲解制勸諸人莫兒戲急須猛省個中意個裡本無有去來那來結解以爲計且作麼生是諸人個中意乃云下坡不走快便難逢下

座

請上堂老僧年邁祇可自適故久拒一切檀越之命今因根心唐居士爲薦父母并自四旬發心增造三世佛一尊躬資淨財入山辦齋再四乞老僧陞座舉揚此段功德不虛何故不見世尊道諸佛世尊唯爲一大事因緣故出現於世一大事者三世諸佛與法界衆生共稟淨法界身本無出沒諸佛證之而衆生未證故諸佛發同體悲故曰大悲願力示現受生開示衆生入佛知見同證安身立命則見生之不死死之不死千聖羅籠不住萬魔潛覷無門真可謂丈夫

散

密雲禪師語錄卷三

三五

自有冲天志不向他人行處行下座上堂至法堂內衆方集師舉手揖云已爲大眾上堂了也使歸方丈

居士顧瑞屏徐心常劉九霞入山請上堂師拈香云者辦香拈起也纖塵不立啓育含生燕向爐中端爲今上皇帝祝嚴聖壽恭願皇圖鞏固帝道遐昌佛日增輝法輪嘗轉法輪既嘗轉豈在高登曲朶木掉舌播唇謂之轉耶然放一線道還丹一粒點鐵成金至理一言轉凡成聖恁麼告報已涉繁詞未免笑殺傍觀驀拈拄杖云爭如者個木上座生平不近人情一

味從頭棒將去也不管是聖是凡正恁麼時莫有當機領略得者麼無則老僧自道去也便下座

三大佛開光請上堂臘月廿六三世諸佛六道衆生同時展目不用人指點不勞人刮膜以拄杖指云現前大衆還證明得麼若證明得今日施王功不浪施成此勝功德證此本光明其或受人指點用人刮膜則落第二頭所以道我眼本正因師故邪且作麼生是諸人正眼便下座

皇親田居士夫人吳氏爲承乾宮皇貴妃田氏奉旨進香資紫衣入山請上堂師拈香祝

敬告

密雲禪師語錄卷三

三十一

聖畢僧問皇圖鞏固菩薩現天人之身帝道遐昌和尚唱無生之曲無生曲卽不問如何是祝聖底句師云今古歷然進云恁麼則一人有慶萬民咸賴去也師云却被開黎道着僧禮拜師乃提起紫衣云此是九重宮裡傳來底謂之信衣亦謂之無相福田衣佛佛授受祖祖相傳所以拘留孫佛偈云見身無實是佛身了心如幻是佛幻了得身心本性空斯人與佛何殊別諸人還信得及麼若信得此身不實卽是佛身與佛無殊全體獨露故經云佛身充滿於法界普現一切群生前旣群生皆現佛身則若貴若賤若僧

若俗若男若女無不是佛身只因時人錯認不知安身立命以致達磨大師西來稟教外單傳直指人心見性成佛臨濟問黃檗佛法的的大意三度皆棒諸人還知直指處麼以拄杖旋指云棒頭有眼明如日要識真金火裡看下座

八十歲道婆請上堂趙州行脚到八十南北東西走未歇爭若呂氏善女人年年日日居家室雖然如是任他世事眼前過當覺老從頭上來始得下座

密雲禪師語錄卷第三終

敬告

密雲禪師語錄卷三

三十一

密雲禪師語錄卷第四

嗣法門人通容編

上堂開示

衆請上堂開示師云適來昏黑時侍者道大衆俱要和尚開示做工夫請和尚上堂老僧遂急索出來未曾思量得怎麼樣開示好老僧若開示你卽與你刻肉作瘡引你思量分別設便休去爭奈你却不了只得依條攀例向你道三世諸佛出世之所爲不爲別事歷代祖師之所說不說別事只爲爾我沉淪三界流轉四生所以教爾我出三界輪迴脫四生苦趣所

密雲禪師語錄卷四

二

謂佛佛授手祖祖相承唯爲一大事因緣故出現於世也是故宋世大慧杲和尚見人不知大事之所以遂証解向人道唯人生不知來處謂之生大死不知去處謂之死大故謂生死大事也又慮人不以爲事復云你們生前曾做驢做馬來也知而今死後做驢做馬去也知上天堂也不知入地獄也不知既都不知一息不來前路茫茫豈不是要緊底大事耶然據悟上座卽不然只者生不知來處死不知去處便是當人出生死底消息唯人作計攀緣遂成流轉何故生不知來處則來無所從死不知去處則去無

所至去無所至則內無所出來無所從則外無所入外無所入則外息諸緣內無所出則內心無喘既內心無喘外息諸緣則一念不生一念不生則前後際斷前後際斷則觀體現前觀體現前則行不知行坐不知坐臥不知臥住不知住騰騰任運任運騰騰到恁麼時切忌失脚踏破鼻頭怨悵老僧遂咄一聲轉身歸方丈

上堂開示云諸佛與一切衆生本無異相只緣迷悟見有差殊雖有差殊迷時本體本不曾迷悟時本體本不曾悟迷悟都不干本體事迷時則全體而衆

文部

密雲禪師語錄卷四

三

生悟時則全衆生而全佛全衆生而全佛衆生不見諸佛之名全佛而全衆生諸佛不見衆生之相諸佛不見衆生相故諸佛何曾度一人衆生不見諸佛名故衆生度盡恒沙佛衆生度盡恒沙佛衆生與諸佛無殊諸佛何曾度一人諸佛與衆生不異如是則舉手所指縱目所觀衆生與諸佛正如水中鹽味色裡膠青雖有所指不見其形故德山云聖名凡號盡是虛聲殊相劣形皆爲幻色汝欲求之得無累乎及其厭之又成大患茲乃俞道人等乞開示諸佛衆生所以底意若約衲僧拄杖子要且未在何故不見前日

舉問衆兄弟要證據時則無有出者便是也雖然如是古人有言三日不相見莫把等閒看今日不免再試舉看拈拄杖云悟上座已有拄杖子也衆兄弟又作麼與悟上座拄杖子放拄杖云悟上座已無拄杖子衆兄弟又作麼奪悟上座拄杖子良久云既不能奪又不能與則衆兄弟未有拄杖子在復拈拄杖云還會麼還知麼正恁麼時悟上座性命在衆兄弟手裡若是眼裡有筋皮下有血手裡有骨一遠遠得便能羅籠三界提拔四生設或未能卓拄杖云衆兄弟性命却在悟上座手裡復卓一卓喝一喝擲拄杖下

三

密雲禪師語錄卷四

三

座

上堂開示云今日陞座爲世庵法姪哀求作禮謂今日七月時分憶昔日連尊者爲母遺置孟蘭勝會故某爲先母呂氏設齋供養大衆乞示華嚴圓旨某願先母乘勝緣明勝旨證勝果悟上座道老僧出家年晚爲生死事急無暇及於教乘祇有兩句怵直話說了去罷你也替我不得我也替你不得父子上山各自努力拽取東勝神州與西牛賀洲鬪額不爲分外恁麼見得行得要會華嚴圓旨有甚麼難不見永明謂此經爲純真法界法界者四聖六凡是也四聖六

凡正眼觀之純一真相經云佛身充滿於法界普現一切群生前楞嚴云妙性圓明離諸名相本來無有世界衆生法如是故不假強爲所謂真如淨境界一泯未嘗存能隨染淨緣遂成十法界淨緣有大小故證四聖之果而有殊染緣有重輕故感六凡之報而不要且雖成十法界界界皆圓衆生若不圓則不流轉異類及成佛道佛菩薩若不圓卽不隨類應身廣度衆生但一界悟入界界無餘一人迷時類類各別各別則不能互攝互融無餘則何妨問此答彼所以道男子身中入定時女子身中從定出東方入定

三

密雲禪師語錄卷四

四

西方起男身沒女身彰如是則何妨母身沒子身彰佛佛悟此不見優劣相不生人我見成一真法界故永嘉云夢裡明明有六趣覺後空空無大千蓋法界體各各圓滿具足只爭悟與不悟悟則當下透脫靚體全彰永斷輪迴所以相替不得各要努力然法界有事有理有事理無礙有事無礙未悟之人只見其事不見其理業識茫茫無本可據若悟之人只據本分一着蓋天蓋地無天堂可欣無地獄可厭處處圓融事事無礙故真淨和尚云事事無礙如意自在手把豬頭口誦淨戒趣出娑坊未還清債十字街頭

解開布袋拈拄杖云事事無礙如意自在信手拈來實徹法界佛鬼妖魔無此無彼地獄天堂卓拄杖云一槌粉碎直令呂氏母子目前相見鳥用如目連入地獄方能救得擲拄杖云還見麼喝一喝下座臘八起闍藏千日禪期上堂開示云今日陞座無他蓋爲釋迦如來悟道之辰本山啓建闍藏禪期之日雖然如是只此兩端衆兄弟當知期悟爲本闍藏爲末不見世尊當初棄王宮入雪山靜思六載於臘月八夜舉頭觀明星忽然大悟何曾有三藏十二部看閱而悟來又於靈山會上拈花迦葉微笑遂以清淨

密雲禪師語錄卷四

五

法眼涅槃妙心付囑傳化謂之教外別傳所以阿難問云世尊傳金襴袈裟外別傳何事迦葉召云倒却門前刹竿着阿難從此大悟爲第二祖於是祖祖相承至二十八祖達磨大師遙觀此方有大乘根器遂航海來初見梁武帝帝問聖諦第一義衆兄弟梁武深解教乘故知聖諦爲極致而不知達磨秉教外別傳之旨直截一揮便乃不知落處直至嵩山面壁九年方得慧可大師來乞安心被磨一拶欲覓個心與磨安盡其精神而不能將得由便徹見本體當下休歇磨亦見他徹底悟處乃與之印可云爲汝安心竟

繼有三祖亦只見得罪無自性本體露現故二祖亦與之印可云爲汝懺罪竟至於六祖一聞應無所住而生其心便乃大悟又何曾待闍三藏十二部然後悟哉更有靈雲見桃花而悟道香嚴擊竹以明心乃至宋世大慧杲禪師十八歲參禪至三十六歲開佛果禪師舉諸佛出身處薰風自南來殿閣生微涼方纔瞥地衆兄弟畧舉從上世尊至此無不以悟爲期然且遇緣不一奚必待觀明星而悟道耶遂舉拂子云只者拂子已刺破釋迦老子眼睛穿却釋迦老子鼻孔負命者上釣來爲釋迦老子出氣便請歸家穩

密雲禪師語錄卷四

六

坐有麼有麼良久云無則普請歸堂掀翻海藏去也下座上堂開示云知而無知不是無知而說無知會而不會不是不會而言不會所以道具足凡夫法凡夫不知具足聖人法聖人不會聖人若會即同凡夫凡夫若知即是聖人即是聖人無凡夫可知即同凡夫無聖人可會無聖人可會則衆生度盡恒沙佛無凡夫可知則諸佛何曾度一人如是說者無能說所說如是聞者無能聞所聞各各歷歷孤明露出本來面目發揮本地風光怎肯囊藏被蓋正當恁麼時爲人授

道又且如何喝一喝云切莫錯對便下座
小叅

病起小叅舉五祖演和尚云如今人似發瘡一般寒一上熱一上不覺過了一生矣只此兩句話悟上座生平亦只尋嘗看過了適纔病中體之可謂斷盡人病不惟未打徹底人有時爲此事急切着忙有時丟在無事甲裡設使徹底人於日用現行處亦未免觸事則因事生心緣無便依無息念被寒熱二途打作兩截今日更爲一頌一番寒了一番熱服盡多方藥不痊直得一身白汗出始覺從前怙怙然今日禹門

密雲禪師語錄卷四

七

重頌出舉似禪人繫着鞭且道鞭頭落在甚麼處便起身

天封寺舒安律師請小叅世尊出世說法四十九年談經三百餘會至拈花教外別傳方了本懷故教立戒定慧三法曰因戒生定因定發慧爾我既出家當須出三界了生死方始事畢若但持戒止免三途既兼生定止超六欲若其發慧方超三界故以發慧爲至然今時多言慧竟不知發慧之繇如要發慧須是明心六祖云卽心名慧卽佛乃定定慧等持意中清淨是以心若苟明意自清淨於日用頭頭無絲毫過

密雲禪師語錄

七

患所以我笑巖師翁道欲無禪禪無欲相傾事不厭俗故曰清淨行者不上天堂破戒比丘不入地獄驀拈拄杖云通玄者裡又且不然喝一喝云且道是戒耶定耶慧耶是心耶佛耶是清淨耶破戒耶是上天堂不上天堂耶是入地獄不入地獄耶又喝一喝云切莫停囚長智便下座

元宵兼示化主小叅今朝正是正月半通玄峰頂無燈看祇要諸人返自觀迥脫根塵管煥煥管煥煥大地虛空無畔崦森羅萬象歷歷同叅一切衆生明明共伴若人如是見徹氣質如是變化本無能化所化

密雲禪師語錄卷四

密雲禪師語錄卷四

八

之人亦無能施所施之物化者施者吾道一貫雖然如是更有一事且去化緣歸來重新打筭

爲洞陽蔡公對靈小叅本體恒然無生無滅正眼洞明離出離入祇因見倒惑生認境漂流以致輪迴不息若能當頭坐斷一念返本純源便是當處超脫所以道淨法界身本無出沒大悲願力示現受生雖然如是正恁麼時逍遙獨脫一句作麼生道卓拄杖云還委悉麼但隨信脚騰騰去徧界無非淨法身施近橋居士追嚴請小叅重陰極盡一陽生萬化甦回省舊容赤骨條條全體露了無一物見枯榮既不

見枯榮卽今眼眼相覷是個甚麼若向者裡見得徹
覷得透便見施智樂二先人生本非生死本非死且
坐斷生死路頭一句作麼生道脫體迥超生死見全
身出沒絕行縱卓拄杖一下

解制小叅豁開頂門正眼見空向背安排洞徹足底
根源踏破住行踪跡如是則淨裸裸赤灑灑清寥寥
白滴滴沒可把無結制之可結無解制之可解正與
麼時祇如路逢達道人莫將語默對且將甚麼對還
委悉麼一僧出云雲開見日師云眼花作麼僧無語
師與當頭一棒云冤家撞著對頭人兩兩相相無避

支那

密雲禪師語錄卷四

九

處遂起身

小叅茲因梵清禪人秉師無聲遺命請老僧陞座雖
陞此座別無他說只述他甲子年於天台通玄寺叅
老僧忘了他底問頭只記得大棒打他一頓當時想
未必能領畧後來有個會處乙丑年到金粟來見老
僧云當時再大大打幾下免得今日來見和尚據此
語這兄弟實在棒下見得透所以病四十餘日安安
穩穩與尋常人不同大叅叅禪人貴要生死心破生
死心破不見有生死病苦可得生死病苦全體覺相
故玄沙云亡僧面前便是觸目菩提既是觸目菩提

且道無聲兩三日甚麼處去也莫是燒了化了麼莫是
不生不滅去了麼遂卓拄杖云還見麼下座

師過秀水孝子金善銘等爲先君玄石公請對靈小
叅秀水年年秀青山歲歲青祇因人不覺剛自見還
更以拄杖敲淨瓶云擊碎蟠桃核方見舊時仁急薦
取好惺惺頓證無生地高登安樂城崇成無漏業端
坐寶蓮心復敲一下云還見麼下座

爲祝公懶庵居士對靈小叅生死去來全體現陰間
陽世本無邊所以道無邊刹境自他不隔於毫端十
世古今始終不離於當念只因離於不離隔於不隔

支那

密雲禪師語錄卷四

十

遂乃見創惑生妄生分別於無生見生無滅見滅隨
境有無心存取捨遂致輪迴不息乃以拄杖指靈几
云直須當頭點破管教全體顯現一念當光現前永
證不生滅地所謂無常生死法與我不相干若能如
是解不用哭蒼天正恁麼時高超物表立命安身一
句作麼生道良久云千峰勢到嶽邊止萬派聲歸海
上消

除夜小叅一年三百六十日日日撞到今宵極個中
極處體全彰殺活全承此恩力是以古喻爾我臨命
終時眼光落地底時節眼光既落地耳光亦落地鼻

光亦落地舌光亦落地身光亦落地意光亦落地六
光既落地則無見聞覺知之情何有聲色觸法之賢
淨裸裸赤灑灑清寥寥白滴滴一片本地風光一着
本來面目到個裡所作俱息無佛道可成無衆生可
度無生死可斷無涅槃可證然後天是天地是地僧
是僧俗是俗於者一片地都來沒干涉雖無干涉瞞
他一點不得雖瞞不得不假思議之心全憑者片本
地風光靡所不周靡所不徧所以道日應萬緣而不
撓其神千難殊對而不干其慮正當恁麼時除夜分
歲一句作麼生道白雲盡處是青山行人更在青山

密雲禪師語錄卷四

十一

對便歸方丈

解制小叅觀面分付尚涉兼纖直下承當猶存情識
玄機獨唱截斷衆流恁麼也不得不恁麼也不得恁
麼不恁麼總不得事不獲已放一線道開第二義門
三月結制拈起鉢囊放下複子便作安居今朝解制
着却草鞋擔却担子便爲行動殊不知天童耆裡日
月着草鞋日日擔担子未嘗向諸人道安居行動諸
人若會時時安居之地事事出身之路恁麼也得不
恁麼也得恁麼不恁麼總得設若兩頭不涉中間不
立又有甚麼恁麼不恁麼得與不得正當諸人分中

密雲禪師語錄

卷四

如何通信莫是拳一拳掌一掌麼莫是打一棒喝一
喝麼莫是彈一彈豎一指麼莫是說道理呈見解麼
莫是總不恁麼以坐具拂一拂便行麼如此者總是
依草附木良久云須知自有冲天志莫學他人行處
行

孝子何通遇通理薦親請小叅云今日陞座蓋因二
孝子先考行素何公存日怒其家人假託三寶以噴
心加毀觀音像於坑廁故二孝子乞山僧陞座對衆
發露爲先考懺悔二孝子既發此孝心不惟佛菩薩
慈悲卽行素何公亦皈依三寶所謂子孝則父必慈

密雲禪師語錄卷四

十二

然而山僧不須別說卽舉一音妙智之力令行素何
公證此妙智則因地而倒三因地起豈止懺滌罪愆
亦可與觀音菩薩把手共行遂舉起拂子云者便是
觀音妙智之力若喚作拂子卽不能證妙智不喚作
拂子亦不能證妙智若不見拂子亦不見拂子卽
見性空見性既空眼不緣色聞性亦空耳不緣聲乃
至分別亦空意不緣法所謂一根既返源六根成解
脫然後卽見一切衆生皆隨境顛倒隨情造業隨業
受報三界昇沉無有休息如是發同體之悲興無緣
所以道聞性空時妙無比思修頓入三摩地無

緣慈力赴群機明月影臨千澗水擲拂子下座

結冬小叅千結制萬結制只爲求法嗣千安期萬安期無非以悟爲期悟則事同一家可與佛祖把臂共行續佛慧命傳祖心燈盡未來際相續不斷茲稱子之所當立志之事也六祖云心地含諸種普雨悉皆萌頓悟花情已菩提果自成且道作麼生是頓悟花情底意旨從上來悟者甚多呈悟者亦不少總之若當時歸宗會下有個智通禪者忽然半夜起來大噉云我大悟也我大悟也宗喚來問汝道大悟悟個甚麼通云師姑元是女人做者個便是頓悟花情已

密雲禪師語錄卷四

三

底樣子也雖然如是丈夫自有冲天志莫向他人行處行復云茲因王居士求子嗣故老僧舉結制求法嗣之所以然求法嗣之定不虛求子嗣者必然有正當恁麼時甚麼人證明卓拄杖一下

解制小叅結制只得兩個月老僧無福沒飯喫普請諸人各各行大丈夫兒當自立從門入者非家珍諸人莫蓄粟米粒樹凋葉落露金風脫盡皮膚赤骨體個事人人本具然到底不從他處得一任諸方又玄莫教汚却本來墳祖師西來無別事討個人兒不受惑老僧如是恁麼道諸人分上沒交涉只如諸人

分上又作麼生會卓拄杖歸方丈

孝子鍾鴻穎等爲令先君紫符公請對靈小叅云夫道也聖凡同體生死一如只緣不了以致隨境生情隨情造業隨業緣故三界昇沉受報好醜以拄杖敲靈几云若向者裡回光返照棺木裡眨眼便乃脫死超生別起便行骨取十方自在自在也天堂尚不住地獄豈能留千人萬人羅籠不住百千境界轉變不得應同體悲爲如來使普現色身隨處作主與無緣慈導利群品同成正覺正恁麼時歸根復本一句作麼生道盧舍本身纔獨露豁開正眼絕纖塵

密雲禪師語錄卷四

四

施主請小叅三世諸佛六道衆生皆是摩訶般若光光未發時無佛無衆生消息從甚麼處來只因一念心生分別遂見有佛有天人有人有修羅有畜生有餓鬼有冤有親有逆有愛有男有女有心有性有玄有妙有煩惱有涅槃乃至有行有住有坐有臥有語有默有也一念回光返照明見本來面目遂見三世諸佛也是者個面目天也者個面目人也者個面目阿修羅也者個面目畜生也者個面目餓鬼也者個面目乃至冤也者個面目親也者個面目逆也者個面目愛也者個面目行也者個面目住也者個面目坐

也者個面目臥也者個面目語也者個面目默也者個面目既皆者個面目喚作佛不得喚作天不得喚作人不得喚作修羅不得喚作畜生不得喚作餓鬼不得喚作煩惱不得喚作涅槃不得喚作心不得喚作性不得喚作玄不得喚作妙不得喚作是不得喚作非不得乃至喚作行不得喚作住不得喚作坐不得喚作臥不得喚作語不得喚作默不得喚作寃不得喚作親不得喚作愛不得喚作逆不得喚作凡不得喚作聖不得既皆不得一道平等浩然大均上無攀仰下絕已躬畢竟天人群生類皆承此恩力既承

支那

密雲禪師語錄卷四

五

此恩力終不落虛可以超聲越色離見絕聞坐斷是非頭語默絕消息不求超生不求證滅無欣無厭淨裸裸赤灑灑全體與麼來全體與麼去通身無影像處處絕行蹤所以道處處真處處真塵盡是本來人真實說時聲不現正體堂堂沒却身正當恁麼時祇如孝子鍾大向追薦先妣朱氏又作麼安身立命還委悉麼彌陀元不異祇者是西方拈拄杖下座小叅僧出作禮師便打云靈山話月曹溪指月天童一味掉棒打月若也見月忘指方見棒頭落處無事不畢所以道見月休觀指歸家罷問程古人見人不

會不得已下個註脚云若喚作棒入地獄如箭射或舉杖云喚作拄杖即觸不喚作拄杖即背喚作山河大地即觸不喚作山河大地即背乃至喚作一切聲即觸不喚作一切聲即背祇要人向拄杖頭邊默契默運向聲色頭上坐臥聲色頭上安閒不被一切聲色之所籠罩一切聲色之所回換一切聲色之所擺撲始得自繇既得自繇則臨命終時定得自繇不被業識之所回換則生死輪迴息矣縱聞十方佛祖老和尚出世亦如色等說法亦如聲等則不被佛祖老和尚舌頭之所籠罩之所回換之所擺撲方滿佛祖

支那

密雲禪師語錄卷四

六

老和尚出世之本懷故曰祖師西來竟個不受惑底人方始自信臨濟大師云少信根人終無了日祇如自信之人於世出世法中如何行履百花叢裡過一葉不沾身

葉進展進豈為先君君錫公請對靈小叅生死無二相去來沒兩人祇因自不覺逐色與隨聲逐色隨聲也捉一放一心如猿猴茫茫無據遂致三界六道去來不息以拄杖點靈几云我今為你當頭點醒自知無滅無生覷面提持管取自繇自在自繇自在也不為業識之所牽無滅無生也永證金剛之固體正當

延歷時立命安身一句作麼生道直教兩脚捎空去
鼻孔依前搭上唇

大理元冲錢居士祈嗣請小叅祖師西來直指人心
要人回光徹見正體越死超生絕情離識觀體現前
管在其中則無纖毫情欲之所流注那有妄生妄死
之輪迴然後推已之餘力可以及物不妨普現色身
同類引渠共登正覺是諸佛出世之本懷祖師西來
之大意菩薩所行之願力茲因錢居士述伊令郎將
亡之際云天童大童復云我念天童則病痛皆無矣
後復夢告云我今天童削髮三年還來故今居士親

後復夢告云我今天童削髮三年還來故今居士親

密雲禪師語錄卷四

七

資淨財入山修供併命山僧陞座舉揚此段因緣與
大眾證明擬欲此子還去山僧昨對云只恐令郎托
生非爲嗣續之故蓋來勸化居士何故父子之間更
無二人可謂至親至切至痛處忽然一刀割斷故感
居士頓發大心廣行佛事雖然據伊親言出親口又
且親夢告何必山僧勸發而去或者待居士信力既
堅不妨再來同事如龐居士云大家團圓頭共說無
生話豈不是一番希有事故山僧勸居士於此山作
一延壽堂并藥物之需以安遠方雲水之病者得於
病中安心一味圖出生了死或於已有餘力可以入

生出死作大權方便不妨便請普現色身引渠同類
同歸正覺如前所云雖然亦須量力而行不則自救
尚不可豈可救人乎所以古人問古人云明知生是
不生之義爲甚被生死所流轉答云其力未克且作
麼生是其力良久云全憑者個威光不在別處流轉
下座

晚叅

師舉德山晚叅云德山今夜不答話問話者三十棒
禹門今夜卽不然與諸人答話去也鷲拈拄杖云有
見義勇爲者速速出來與禹門拄杖子相見時後堂

丈

密雲禪師語錄卷四

六

鋒身作問訊師驀頭與一拄杖便轉身拽拄杖歸方
晚叅垂萬里鈎駢千里烏騅布漫天網打衝浪鯢鯨
乃從上已來之垂制萬世不易之宏規若夫有時全
身擔荷不顧危亡有時轉身吐氣意句皆是衲僧
本分底消息禹門昨晚入草求人幸有後堂出來承
當不致禹門失利今晚再拖泥水要驗轉身吐氣底
意乃顧後堂云祇如昨晚相見底意與尋常相見是
同是別堂卽出衆對而問訊而立師云若道是同尋
常未嘗眼盲難道不曾相見又烏用特特出來相見

若道是別且如何是別底意旨試說出來說得分明禹門分半院與你住若說不分明只是個承虛接響漢語未絕堂退身咄一咄而出師云恰是個承虛接響漢

晚叅云今宵正是正月半家家點起上元燈禹門院裡家風別却將吹滅暗中行遂吹息燭下座佇立云衆兄弟還見麼若也見得則諸暗相承不能昏若也未見高聲喚侍者云移皮燈籠來引大衆過堂喫茶去

晚叅纔然昨日又是今宵流光電速人亦隨遷當勤

文那

密雲禪師語錄卷四

五

精進如救頭然驀拈拄杖云穿却諸人鼻孔換却諸人眼睛還我救底頭來擲拄杖云大衆委悉麼差之毫釐失之千里平地上死人無數切莫停囚長智便起身

晚叅茲當六月初七夜衲子聚頭將畢夏霖靈天風忽地來草菴卸下琉璃瓦且道是何宗旨喝一喝晚叅開爐恰三日那事全然沒消息有消息寒者寒今熱者熱忽然寒熱兩忘時試問諸人是何物良久喝云不煩久立乃歸方丈

晚叅一年三百六十日今日是最後一日一年三百

六十晚今晚是最後一晚四千三百二十時此時是最後一時世間一切人自新正一日起首所作所爲到此俱息惟只打辦度歲過年謂之臘月三十日夜古人多以喻爾我出家人到生死交會之際從前所叅所學所知所解都用不着唯只度脫生死而已然欲度脫生死但能度歲過年度生死在其間矣且作麼生是度歲過年底句今晚一覺睡來日是新年便歸方丈

晚叅今晚老僧出來無他蓋爲今晨上堂謂人人有條拄杖末云拄天拄地無人會收攝肩來力荷歸恰

文那

密雲禪師語錄卷四

三

似老僧獨收了也於諸人分上了無干涉雖然若據者條拄杖三世諸佛歷代祖師出世不敢正眼覷着覷着卽錯如是則諸人拄杖子畢竟在什麼處若會得却來方丈裡通個消息遂轉身歸方丈

晚叅今宵臘月三十晚無論貧賤與富貴都來無事掛心頭一味打辦度年耳古人以喻爾我林下人一生叅學到臨命終時亦一味只要度生死且如度年人人知道來日來年相見祇如臨命終時死了燒了又向何處相見良久復云死了燒了向何處相見乃起身出堂

入堂

新建彌勒內院安禪衆入堂舉仰山夢升彌勒內院見堂中諸位皆足唯空第二位仰山就位而坐衆中一尊者出云今當第二位說法仰山卽出白槌云摩訶衍法離四句絕百非謹白於時衆皆散去仰山舉似瀉山瀉山云子已入聖位今日悟上座入堂不待汝等舉白却自打鼓要說遂舉起扇云喚作扇子則不喚作扇子則背良久衆佇立師云悟上座命蹇奈我幻有老人去世無處舉似得無處說得既無處舉得無處說得則無有人證明得姑待衆兄弟有個

文部

密雲禪師語錄卷四

三

會處互相證明謹白珍重

入堂大道只在目前要且目前難覩且既目前難覩在甚麼處以拄杖指云三條椽下七尺單前欲知大道真體人人各自摸取便歸方丈

入堂與衆向火次云當初趙州和尚道老僧三十年前在南方行脚時於火爐頭有個無賓主話直至如今無人舉着老僧今日得得入來舉衆中有證明底試證明看有麼有麼良久衆無出師云恁麼則悟上座失利遂歸方丈

入堂佛乘等請開示心佛衆生之旨師云古人道心

佛衆生三無差別者大端離心外別無有佛衆生可得離佛外別無有心衆生可得離衆生外別無有心佛可得一體三名三名一體然據老僧看來卽今要且不是心不是佛不是衆生復乘個甚麼乃翻倒几案歸方丈

弘遠禪人送壽昌和尚語錄師讀至自慶云條爾沾嘗曹洞水似酪凉心遂持入堂謂衆云此老正如鼯鼠飲河豈知大鵬劈海老僧若見他恁麼道劈脊一棒使伊和心嘔出然後更與一棒乃云前一棒卽不問諸人且道後一棒是賞伊罰伊若解斷得是克家

文部

密雲禪師語錄卷四

三

之子設作甘與不甘非吾種草

入堂舉圓覺經居一切時不起妄念於諸妄心亦不息滅任妄想境不加了知於無了知不辨真實且道釋迦老子在甚麼處作活計一僧云某甲不然師云好個不然祇是你不知落處在僧向前作禮云和尚如何師便打

普請次師入堂中見有數僧因問汝等爲甚麼不去有者道昨上山刺破脚故告假有者道寒熱故告假師云正當劒樹刀山鑊湯爐炭寒水地獄時間羅老子斷不容告假夜叉獄卒斷不容告假向甚麼處告

假僧俱無語師云恁麼則苦未有了日在便出堂
室中開示

僧室中求開示師云汝且去僧行三五步師喚回云
會麼僧云不會師云汝是何處人僧云嘗熟入師云
汝父母未生前是何處人僧無語師云汝父母未生
前與嘗熟人相去多少僧云不會師云汝且去會會

來
行昭胡居士求開示師云吾嘗於此切古人云叅禪
無秘訣只要生死切猶是第二頭話者吾嘗於此切
纔是透底話你去體會切字自然得個透底處士云

密雲禪師語錄卷四

三

作麼生會師厲聲云吾嘗於此切者等會去

善信求開示師云汝為何來云弟子不為別事師云
何為不別事云為修行故來求開示師云修行也是
別事做買賣也是別事乃至虛空天地日月星辰
森羅萬象以至父母兄弟妻子皆是別事如何是你
不別底事云弟子不會師云汝去會不會底來

室中僧禮拜云某甲初發心乞和尚開示師云初卽
且置心從甚處發僧無語師云汝且去宛取心起處
便是心倒斷處卽是明心處

僧乞示做工夫師云我者裡沒有甚麼工夫做只要

擡樹擡石挑磚瓦挑柴穿衣喫飯屙屎放尿至於行
住坐臥祇是不可喚作擡樹擡石乃至行住坐臥亦
不可喚作工夫你且道喚作甚麼僧云未審如何下
手師云拄杖子不在你自去打三十棒

偶言

師一日與西堂妙行居士求如圍爐次妙行舉解山
論格物云格是格去物欲師云他見如此你又若何
妙行云格字可作體字看否師云似卽似只成了兩
個妙行云師又如何師云不妨為汝問着求如云貴
時妙喜答子韶云今人但知格物而不知物格好個

格物

密雲禪師語錄卷四

三

物格因何子韶不能當下領取而又求個樣子師云
你却如何求如云今日天寒師云何不脫體道一句
求如云和尚如何師卽起去

一日妙行舉月川法師不信無情成佛和尚如何道
師云我亦道無情不成佛行云青青翠竹盡是真如
鬱鬱黃花無非般若何故無情不成佛師云待有情
成佛無情亦成佛行指桌云和尚如今已成佛因何
還有者個在師云你作者個會麼行云和尚不作者
個會却又如何師乃掌之

南嶽僧玄印鼓山僧復一津二至天童室中並告師

云諸方謂和尚只得一橛頭是小法大法未明在師笑云老僧唯祇一橛誠不知別以何爲大法然從上祖師多繁且置第恐釋迦老子亦只得一橛大法亦未明在三僧愕然師云不見他道於一毫端現寶王刹坐微塵裡轉大法輪耶乃自證偈云諸方門庭家業盛老僧一橛打人惺直截根源佛所印摘葉尋枝我不能

密雲禪師語錄卷第四終

密雲禪師語錄卷四

三五

密雲禪師語錄卷第五

嗣法門人通乘編

入室

一僧入師云你在者裡做甚麼僧云磨豆腐師云你替甚麼人磨僧云替和尚磨師云你喫自己飯爲甚麼替老僧忙僧云不替和尚磨莫是替學人磨麼師打出又一僧入師云你來做甚麼僧云挑水師云水桶在甚麼處僧擬對師打云打破了也又一僧入師云世尊初生手指天地云天上天下唯我獨尊你作麼會僧喝師云汝者喝還喝世尊喝老僧喝汝自己

撰述

密雲禪師語錄卷五

一

僧無語師打出又一僧入師云我適纔舉世尊天上天下唯我獨尊者僧亂喝打出去也你作麼會僧擬開口師云你欲攀拏老僧那以拄杖趁出勘辨

新到叅方擬人事師云已相見了也速退速退云和尚因甚着忙師高聲云道甚麼云某甲傳山來師便打僧云打錯了師云汝動足來時卽錯了在者裡覓什麼椀連棒打出

師問僧甚處來云杭州師云杭州有幾多官員在任幾多官員不在任云不知師云你不從杭州來僧擬

師叱云出去

師問僧那裡來云蘇州來師云那裡人云金華人師云到蘇州作甚麼云一事也無師云恁麼則空去回也云長遠如此師云長遠如此個甚麼云不知師打一棒云還知麼僧無語師云又道長遠如此

僧求住師云汝尋甚麼處住僧擬議師喝出

師一晚與五峰話次慕伸脚云你作麼生峰以脚踢之師笑云未在未在峰云和尚道看師倒臥峰云也只是困師云你又與麼去也峰乃禮拜

五峰辭行師握拂云喚作拂子則觸不喚作拂子則

密雲禪師語錄卷五

二

背不得拈起不得放下不得下語不得無語不得錯舉若不錯舉即分付汝峰即連跳兩跳云不要不要師云猶是亂叫亂跳更試舉看峰轉身云某甲去也師乃付

石車到師問那裡來云雲門來師云幾時起身車打一圓相師云不可亂做云千里同風今日特來親領痛棒師云既是千里同風又來作麼車即提起左脚師云者還不是車又提起右脚師云錯也車云又被風吹別調中師休去

新到叅方禮拜師乃踏之僧擬開口師便打出

師問僧甚處來僧便喝師云三喝四喝後又作麼生僧擬議師打云須是我打你始得

師問僧甚麼人來云無師對看云是甚麼云擔水底師云又道無

僧纔禮拜師以杖抵云去去云某甲話也未問師云設若問話堪作什麼僧擬議師喝云出去

僧普度叅自敘雲門傳山峰頂相見機緣將畢師咳嗽一聲唾地云你道道看僧問措師連棒打出

僧呈偈師接得即捨破額僧云今日多少泥水匠云前三三與後三三師打云是多少僧豎拳師打出

支那

密雲禪師語錄卷五

三

僧叅以坐具向前問訊進師一匝敷具三拜立右邊師云何不再進一匝僧擬議師便打僧接住云和尚莫要無風起浪師云你作無風起浪會那僧無語師連掌打赴

師問僧甚處來云天目來師云高峰祖師安麼僧無語師云想必你不從天目來

華山僧叅師問華山道場做完也未云已畢師云既畢又來做甚麼僧無語

師問僧甚處來云河南師云臨濟大師道不在河南定在河北即今在河南在河北云在河南師云何不

教他同來僧無語師云掠虛漢出去

僧叅雪庭師庭問曾到金粟否云曾到曾問話否云不曾你怕打那僧卽云某甲一向不曾置問頭請師處借問頭庭乃開示僧不肯轉金粟述前話師云汝喫飯還問人借口麼僧云某甲實無問頭師打云你向甚處開口

河南僧叅喫茶次師云曾到少林麼云曾到師云堂頭和尚如何云提唱爲主師云提唱個甚麼僧無語師舉起茶盞云還提唱者個麼云拈來無不是師云錯認定盤星僧復無語

密雲禪師語錄卷五

四

天竺二僧叅師問甚麼處來云海上来師云海上来觀音與天竺觀音如何云一樣師指僧云與你一樣耶與者上座一樣耶二僧俱無語

師觀樹次有三禪人隨之師指樹云老僧道是檀樹汝等道是什麼三人俱無對師遂轉身及有衆圍之師復云適來老僧指樹云道是檀樹無人道得衆中還有道得者麼時木陳拙身而去師云木陳開口不得去了還有道得底麼雪浦出打師背云是甚樹師以杖打退歸方丈

二僧論大顛擯首座話一云令當行二云賊被狗咬

爭之不已白師師云祇如賊被狗咬落在那個分上一僧云首座分上師遂一齊擯出

徐內翰叅師問那裡來徐云海上来師云還見觀音麼云也祇是幻境菩薩示現處師云那裡是菩薩示現處云和尚便是真觀音師云錯徐無語

師問僧今日作什麼僧云擡樹師云擡放那裡僧云池中師云不怕浸殺他那僧無語

湖州密印寺僧叅師云當初高峰和尚亦是密印寺裡出身僧云是師云卽今在甚麼處僧茫然師云且坐喫茶

密雲禪師語錄卷五

五

問答機緣上

師遊天台訪海門周居士坐次士問何處師云南直隸遊天台特訪老居士又問尊號師一喝便行士隨出問云下在甚處師云昨在居士書院傍菴歇士云我有菓在莫要偷來喫麼師與一掌云者老賊頭便行

師至紹興王靜虛陶石簣邀師至書館陶問久於此事迥無人處師云卽今居士在甚麼處士云有何方便令我入否師湧身云但恁麼入齋畢同過大善寺會墨池王居士問我在京師見令師處有宗門統要

師云卽今聾士乃笑又問空印駁物不遷令師駁空印畢竟誰是師云貧道智識暗短忽寺王送攢盒至士以手揖云者是紹興底請師云少賣弄士乃笑又到王宅居士出少林碑刻達磨像黃魯直題云少林九年垂一則語直至如今諸方賺舉士云請問老和尚是賺不賺師云被居士一問直得退身三步

僧問大悟底人還有憎愛也無師云能愛人能惡人云此是儒家世間之說豈是大悟出世間之事師云汝是甚麼人僧擬議師喝出

問如我按指海印發光汝暫舉心塵勞先起師指壁

擬通

密雲禪師語錄卷五

六

問觀音像云者是甚麼云觀音聖像師云汝暫舉心塵勞先起

問乞師指截徑處師云汝是甚麼人云江西師把住云江西到者裡多少路僧擬議師卽推出

妙行問月明策杖如何轉身師云你但進門來維那云如何是門裡事師便打求如云請師不用棒不用

喝將轉身事盡情道一句師起云我倦要睡去妙行問如何是三玄三要師云你者一問聾云某甲

不會請和尚明示師云你且放下着

不昧舉僧問雪庭師曰透孤峰時如何庭云黑魃魃

和尚意如何師云透頂透底云透頂透底與黑魃魃

是同是別師打云此甚麼處與汝說同說別

問大事未明如喪考妣意旨如何師云你是無王孤魂云爲甚大事已明亦如喪考妣師云唯我獨尊

問如何是佛法大意師偶搔頭云老僧頭癢云還有

奇特也無師展兩手

問大事未明乞師開示師云你喚甚麼作大事云豈

無方便師便打

問某甲一向做工夫沒個人處師云誰教你來僧擬

開口師直打出

擬通

密雲禪師語錄卷五

七

比丘尼問如何是本地風光師云嘗在汝面門出入尼欣然禮拜師云且放過汝

問古人道亡僧誦一部佛法語未絕師云亡僧甚處去也僧擬議師乃打僧云乞和尚指示師云汝道亡

僧還開得口麼僧無語師云旣開口不得佛法合作

麼誦

問和尚如今五十九歲除九年請和尚五十年前事

師云忘却了僧擬議師揺手云你去你去僧禮拜師

與一踏云不可放過

僧乞師法語云欲朝暮禮拜師云朝暮禮拜個甚麼

僧擬議師便打僧禮拜師一踏僧起師云你者禮拜與朝暮禮拜是同是別僧復擬議師云饒你會得無二無別且道者一踏又如何

董居士問生從何來死從何去師云你去第二次與汝道士作禮去次日來云昨承和尚指示弟子於舟中有個省處師云卽今又作麼生士作禮拜便打問瑯琊覺讚初祖末句云師心今戴大慧杲云戴之一字不得動着動着卽禍生師拈拄杖指云直須動着動着從教東擲西拋

靈鑑講王叅問和尚接人還用古人底自己底師以

文那

密雲禪師語錄卷五

八

手展握云你道是古人底自己底王擬開口師便打王一喝師云三喝四喝後又如何王罔措師展手云元來學弄虛的

問某甲久做工夫不得力師云汝向那裡做工夫云萬法歸一語未絕師便打僧擬再語師又打僧云湛和尚方便開示太多和尚爲甚只如此師以扇放桌僧禮拜起師拈扇入袖僧罔措知客舉手云上座且出師打知客云多口作麼

僧求開示師云你從那裡來云嘉興師云未舉足時脚跟下好三十拄杖僧無語師云安單去

漢月叅云積年仰慕今日遠來濟上門庭則不問如何是堂與中事師云你卽今在什麼處月云此猶是門庭邊事師指座云且坐月禮拜起云喫師休去子雙蔡居士問弟子與和尚那分別和尚者樣快活弟子者樣苦師云汝將苦來與汝分別云弟子不可道是快活師云老僧亦不可道是快活云怎柰天堂地獄何師云你喚甚麼作天堂地獄你曾到天堂地獄也無士無語又問衆生卽佛弟子信不過師云信不過且做衆生云佛又作麼樣師云但肯作衆生佛卽在其中

文那

密雲禪師語錄卷五

九

問某甲初做工夫如何得個入頭處師擗住云但息麼入僧云不會師打一掌云恰好

問如何是賓中賓師云滿面着埃塵如何是賓中王師云老僧無伴侶如何是王中王師云三更月下無人識如何是王中賓師云堂前坐來沒人陪

優婆塞問修行成正覺乞師開示師驀頭一棒云還覺麼塞作禮拜復打云不得忘却

問衆中操履好靜處操履好師云分身兩處看

問臨濟道有個無位真人嘗在諸人面門出入既是無位真人爲甚麼向面門出入師與當頭一棒云還

見面門麼僧喝師復打

問如何是奪人不奪境師云百萬軍中斬顏良如何是奪境不奪人師云取了荊州放魯肅如何是人境兩俱奪師云殺却陳友諒并吞數十州如何是人境俱不奪師云當今天下太平國皇萬歲云料棟已蒙師指示全提向上事如何師以拄杖連擲云退去退去

子穀蔡居士問如何是世法師云四大五蘊如何是出世法師云四大五蘊如何是世出世法師云四大五蘊又問易曰艮其背不獲其身既有個背在如何

不獲師云分明道了

問乞師指示一條徑路師捏僧頸云捏住咽喉僧禮拜師一踏

問某甲欲做工夫乞和尚開示師云昨日有人怎麼問打出去也僧擬作禮師便打出

優婆塞問弟子嘗發火性師云你適來爲甚麼罵我塞無語師驀面一掌云爲甚麼打不發塞亦無語師云打也打不發說甚麼發火性

道存孫居士問圓頓之事如何下手師搗鬚搖拽云但恁麼下手

支那

密雲禪師語錄卷五

十

漢月問從上來宗旨如何師豎起拳云不可喚作拳

頭云還有麼師云一脚踢殺你云蒙示多矣師云又問作麼月禮拜師便打良久師問月云寂然不動感而遂通月禮拜出師打一棒云且道是賞你罰你

問有問則過無問則乖教某甲問師是不問即是師云去此二途向前商量僧便喝師便打僧云屈屈師復打兩下

問如何是第一玄師云有口不能宣如何是口二玄師云足方頭頂圓如何是第三玄師云恰好在腰邊又僧問如何是三要印開朱點窄師打云打你一棒

支那

密雲禪師語錄卷五

十一

云何不打兩棒師云鈍根阿師

師與型塘徐居士言及性相近習相遠士云性在甚麼處師與一拳

問和尚納福麼師云你管他作麼云也須問過師云問過後如何僧擬議師乃打

問如何是的大意師云向前來僧近前師便打僧云上根大器直下承當中下人來如何師云老僧從來未嘗眼花僧無語師云你是最下種也未得在

問如何是離心離境旨師云向前來僧近前師云會麼云不會師云禮拜着僧禮拜師與一踏云是心是

境僧擬議師便喝出

雲岫庵蘊虛講王叅問未到金粟時如何師云雲岫菴中到後如何師云喫茶已畢云釋迦未出世祖師不西來喚甚麼作正法眼藏師正身云見麼云有見則不堪師云未夢見在又問古人道喚作一物卽不中如何又喚作無位真人師云你卽今是一物是無位真人云若說卽兩橛師云還我一橛來云猶是第二門師云怪你做座王所以善講
僧乞師取號師豎拳云喚作拳卽觸不喚作拳卽背會則去不會直拳打出僧擬議師打趣出

支那

密雲禪師語錄卷五

十三

問如何是某甲本來面目師以手摸嘴云會麼云不會乞和尚指示師打云天晴不肯走須待雨淋頭
師至蔡居士靜室士問弟子禁足如何得轉身師云但向門外去士云卽今齊師云立地死漢云如何得活師卽起身出

問毫釐繫念三途業因瞥爾情生萬劫羈鎖師驀與一拳云你爲甚麼絡索云如何脫得師又打一拳云若認作拳入地獄如箭

問清水洗塵塵水歸何處師云茅廁裡云某甲不會師云問取淨頭去

問如何是五眼圓明師云老僧止兩隻

問未舉念時意旨如何師良久僧擬再舉師云去

問黑漆皮燈籠還有亮時也麼師打云老僧要打破

問如何得出生死師云如何是生死云學人不會乞和尚慈悲師云老僧無奈汝何

問不在內不在外在甚麼處師便打云乞和尚方便師以手摩頭僧問措傍僧云何不禮拜僧禮拜師云莫被人使好

問如何是三寶師云一頓胡餅兩頓粥云不問者三飽師云老僧日日奉持

支那

密雲禪師語錄卷五

十三

問洞山道秋初夏末直須向萬里無寸草處去師急索云古人且置我問汝卽今秋末初夏末向甚麼處住僧擬對師驀口一拳

問四大甚麼人主立師云好個問頭祇是兩橛云四大分散時如何師云待汝四大分散來與汝道

問曹洞宗有君臣偏正師云除却君臣偏正致一問來云除君臣偏正教某更問甚麼師云只你恁麼道是君是臣是偏是正僧擬議師乃喝出

問已事未明乞師指示時值板響師云打板了喫粥去

俗士問我輩修行不知從那一步起師云從你未動脚者一步起又問此心如何定得師云定卽且置如何是心士無語師云汝且會會心看問喚作竹篋則觸不喚作竹篋則背不知喚作甚麼師熟視云是甚麼僧禮拜師便打問生死如何透師打一拳云向者裡透問某甲駕船三載因甚摸不着舵柄師打一棒云還摸着也未四面狂風起又如何安身立命師亦打問某甲一字不識乞師開示師云我正要一字不識底還你一字不識底去處來僧無語師乃打

密雲禪師語錄卷五

密雲禪師語錄卷五

十四

問雲門餅趙州茶和尚者裡有甚麼師云一頓大拳頭問如何是無生法師打云會麼云不會師云賴汝不會若會老僧性命却在汝手裡問大修行人爲甚擔枷帶鎖師云自作自受無人救云萬丈岩前作揖百尺竿頭拱手師云自拈自弄得人憎如何是賓師云終日走途程如何是主師云坐斷乾坤唯自許如何是賓中賓師云眼裡瞳人精又精如何是主中主師云脚底脚頭舉更舉問如何是賓主句師便打如何是賓中主師復打賓

密雲禪師語錄

卷五

主相去幾何師又打僧禮拜師亦打紫垣居士問心若不異萬法一如如何是不異之元師云汝是俗漢子問如何是暗中明師云東村黃老夜摩肩如何是明中暗師云南海波斯晝洗面明暗相去幾何師云分身兩處看師作務次僧叅云某甲特來叅叩和尚師拖土籃云爲我擡土去云某甲只開師云去老僧沒工夫說開話師值擡船次瑞白問虛空架鐵船時如何師便打白

密雲禪師語錄卷五

密雲禪師語錄卷五

十五

按拄杖云波浪湧千尋時如何師云且道承誰恩力白鳴指一下師微笑而歸普茶僧問一個個零零落落和尚如何定奪師良久僧罔措維那擊引磬起身云大眾謝茶師云却是維那定奪得問古人道須叅活句莫叅死句如何是活句師云老僧舌破爲你說不得去僧出復入云和尚舌破用冬青葉好師打云汝爲甚着死句連棒逐出問離却拄杖子請師別道一句師掌云不是拳頭定是巴掌僧禮拜師以脚踢云更有腳尖在

費隱上座至設茶次費纔出禮拜師即起身云大眾謝費隱茶費云和尚不要走還某甲茶錢去師直歸方丈蔡居士隨入云費師纔出和尚便歸方丈是甚麼意旨師以杖趣出

高麗僧曇晦叅云久嚮道風如何是希有事師云你那裡得者消息來晦便喝師便打晦又喝師又打晦進前問訊師云你再喝看晦禮拜云蒙和尚指示師又打一棒云且道是賞你罰你晦云盲枷瞎棒師直打出方丈

王金如居士問弟子到此大段着力不得師打一掌

支那
撰述

密雲禪師語錄卷五

七

云正好着力士擬開口師復打士再擬開口師又打士慕築師一拳大呼云謾人不得師推出閉却方丈門上一日問和尚有甚麼要緊的書與弟子一看師劈臉一掌云有一本要緊的書士乃笑

問如何是一言道盡底句師云親言出親口如何是一言道不盡底句師云親言出親口無問無答時如何師云老僧不耳聲絕後再甦時如何師云你且去問殿閣風涼即不問栢子飄香事若何師以杖劈面一抵云觸碎你鼻孔

石車問設有人問和尚如何是禪如何對他師打云

一棒打透觸體穿更有問又如何師打云足方頭頂圓更有問又如何師打云口裡舌頭尖更有問又如何師打云你若喚作禪入地獄如箭射

嘉興石帆岳居士叅出自撰禪門口訣請正師接得即置云閒言語士云和尚看看師閱數行至實字指問云此字如何解說士擬議云却解說不出師云恁麼則是虛言了士無語良久又云和尚者裡有甚麼人護法師云貧道法也無護個甚麼

問某甲生死不明師云者飯袋子僧擬開口師便打又僧出禮拜擬問師云適纔你問甚麼僧罔措師推

支那
撰述

密雲禪師語錄卷五

七

倒

問弟子欲作佛如何則是師便打云莫只打便是麼師云且莫錯認定盤星

問如何是法身邊事師良久如何是透法身事師便打

邵居士問伎倆盡時如何師便打士擬議師云伎倆盡了

問和尚造方丈向甚處下柱腳師云向汝頭頂心下云完後向甚處開門師云一棒打開云門開令學人如何入師云看脚下

問活人難死死人難活時如何師云你且去僧擬議師打云真個死漢

問除却棒喝請師分明指示師以手指僧云指示你僧無語師便打

問弟子中年出家乞師指示師云指示且置你喚什麼作年頭僧無語

居士問狗子還有佛性也無師云汝且喚狗子來士禮拜師與一踏云者畜生

吳今生居士問死去與目前何如師云莫向目前看云不向目前看向甚處看師云且向目裡看云如此

密雲禪師語錄卷五

六

則不同耶師云居士但不向目前看猶未明目裡事在

問頭頭法法如何是佛師以杖直豎云不要撞斷老僧拄杖

問昨日喫師三棒今日拈却和尚拄杖如何指示學人師云還我喫棒底道理來僧無語師云掠虛漢

問學人到已一月不見堂頭時如何師云者老漢甚處去也僧擬議師打

問知幻即離不作方便離幻即覺亦無漸次語未絕師掌云還覺麼僧禮拜起師云覺底事作麼生僧罔

措師推出

問前念過去後念未生主人公在何處師云立地死漢僧云不會師云拖出死屍去

問劈面當鋒即不問如何是臨機一句師便打問如何是學人自己師云我不識你

師過松陵熊明府設齋問弟子隨逐世緣不得參究此事若何師云甚處去也云向日用應酬中去了師

云將甚麼應熊佇思良久云畢竟如何得方師打一掌云不得向者裡放過

問如何是佛身無為不墮諸數師云合取狗口

敲過

密雲禪師語錄卷五

七

問堂中止了靜堂外又敲門時如何師云三門頭是甚麼人過僧擬議師云門外漢

問古人觀明星悟道今人觀明星為甚麼不悟道師云你眼睛瞎麼

問動轉是風分別是識如何是學人安身立命處師云看脚下

問疑情頓發因甚命根不斷師云只為你疑情命根不斷云斷後如何師打云教你沒處藏身

燈頭問落處只是不明求和尚一隻眼睛師云佛殿裡燈熄了

問月明星稀密雲藏在何處師直打出

僧擬朝五臺求師開示師提起左足云文殊菩薩在老僧腳尖頭上出現你還見麼僧禮拜師一踏云踏殺你

汪居士問一口氣不來向甚處安身立命師云正是安身立命處士禮謝師云更須仔細

問日往月來如何得見本來人師與一掌云還見麼僧擬議師推出

問如何是生死根本師便打如何是出生死底意旨師復打日用如何進步師又打

支那

密雲禪師語錄卷五

三

問人人有個本具影子爲甚麼踏不着師云看脚下僧禮拜師與一踏云却是老僧踏得着

問如何是清淨法身師云你會種田不云不會師云我者裡用你不着

問智過於師卽不問方堪傳授事如何師打云你向者裡還道得麼僧擬議師以拄杖戳退云未堪傳授在

興化黃伯初居士叅問弟子有條拄杖子見佛殺佛見祖殺祖今日特來呈似師云放下着云弟子連自己都殺了師云將甚麼來士無語又問和尚入闍

將甚麼來師云祇有貧道

僧求開示師翹一足僧云一口氣不來時作麼生師彈足云但問取他

問如何是生死業師云卽汝是如何是涅槃心師云卽汝是僧禮拜起師以拄杖指云去

問某甲不會做工夫乞師開示師拈起餅云會麼云不會師置口云香甜滿口僧亦拈餅師云貪嘴禪和

問和尚昨日陞堂已竟大衆問答已竟卽今還有新行佛法麼師云未陞堂已前作麼生云請和尚盡力

道一句師劈面掌

支那

密雲禪師語錄卷五

三

問能爲萬象主不逐四時凋時如何師云切莫隨老僧來

問有佛出世作何供養師云者僧不受云請師方便師打云與你一頓

居士問一物不將來親切受用處請師道一句師舉茶甌云老僧要喫茶去

問急水灘頭進前不得退後不得時如何師云莫死漢云請師提挈師云代汝着力不得僧禮拜師打云

急走急走問色身非我我亦非真如何是本來面目師與拄倒

問漆桶未明請師道破師打一棒打破僧禮拜師一踏云更饒一脚

問某甲初出家求和尚開示師云出家來多少時云去歲師云逢人但怎麼說不得錯舉

泉州吳居士參問弟子特爲生死不明求見和尚師打一掌云但向者裡明取士沉吟問忽呵呵大笑師云見個甚麼道理士云說不得踴躍禮拜而出

問殺生是大戒爲甚麼南泉斬貓歸宗斬蛇師云汝實怎麼問麼云是師云汝當懺悔去

問如何離一切相卽名諸佛師便掌禮拜師云是

密雲禪師語錄卷五

三

金剛經怎麼說麼云是師云換却汝眼睛

黃司理問風清月白時如何師云大家在者裡又問

弟子轉機不圓過在甚麼處師云過在問人處云不

問人時如何師云信口道將來云弟子有時做到風

清月白時候有時做到山崩海裂時候畢竟那頭是

師云總不是云如何卽是師劈面一拂云打汝三十

棒理復舉壽昌下元華因緣云既是開悟底人因甚

有許多顛倒師云却是汝顛倒理釋然作禮

居士問作麼生做工夫師與當頭一拳云但怎麼做

士應諾師云切莫喚作工夫好

問諸法從心生心從甚麼處生師云老僧正疑着

問古人一言之下爲甚麼便曉得雲門兒孫師打云

你是甚麼人僧禮拜師又打

問不會做工夫求師開示師云不干老僧事云求個

明白路頭師云但向暗處走

鄭居士問聲前色後皆如是東擲西拋事若何師云

非汝境界士豎拳云者個聲師云任汝顛倒少間士

復入云適來不聞和尚後語再求請益師云汝適纔

問甚麼士舉前話師云錯認定盤星

居士問弟子楊州來爲大事不明師云汝旣不明將

密雲禪師語錄卷五

密雲禪師語錄卷五

三

甚麼來士無語

問千里特來呈舊面師云好不知醜僧擬議師便打

問某甲從來不曾問和尚師云你卽今爲甚麼僧擬

開口師便打

問鐵牛吞却虛空時如何師云老僧在甚麼處僧無

語

問穿衣喫飯如何是不動底主人公師云穿衣喫飯

云元是舊時的師云如何是你舊時的僧禮拜師便

打

問一口氣不來時如何師云眼閉脚直

居士問弟子有病求和尚授記師云死云再請一語師云待汝活時向汝道

問虛空破了將何補師云將你補

行者問如何是無上菩提道師云俗人頭戴僧官帽云畢竟有何方便師云自家摸取好

問如何是新年最初行腳句師云去云如何是步步不錯句師云去

問如何得一口說盡世間法師云汝還識兩片皮麼問喝作喝會棒作棒會入地獄如箭射畢竟作麼生會師云你作麼生會信無語少頃云和尚爲什麼全

密雲禪師語錄卷五 三十四

無慈悲師拈拄杖便打僧禮拜師云千句萬句皆口自了自已不了喫棒不了僧無語而退

密雲禪師語錄卷第六

嗣法門人通忍編

問答機緣下

錢相國入山問如何是如來大意師云居士今日從甚處來云從人行過底路來師云怎麼則不如來了國無語

問長大無衣是甚麼人師云不識醜陋漢

問如何是秘密藏師云八萬四千

問一念不生時如何師云腦後見腮云古人一言之下便能領略今人爲甚麼不及古人師云過在阿誰

密雲禪師語錄卷六 二

方侍御問和尚門下有多少大根器底人師云縱目所觀云也要龍天推出師云從來不假他人力

問搬石挑沙明甚麼邊事師云來日再去挑問吞不進吐不出時如何師云問取舌頭

問佛法至要乞和尚一句得終身受用師云你只顧終身受用云如何得終身受用師乃打云向上還有事也無師復打

驢超却居士問人人有一個因甚摸不着師打一掌云一摸便著

居士問者裡風境與嘉興風境如何師云處處白雲

處處日

問當初無盡居士見梵率悅禪師既有契證因詢晦堂家風於悅欲就往見悅云此老只一拳頭耳意旨如何師云明破卽不堪云悅乃潛奉書於晦堂曰無盡居士世智辨聰非老和尚一拳垂示則安能使其知有宗門向上事耶如何是宗門向上事師便打云本幾無盡遊黃龍訪晦堂於西園徐叩宗門事晦堂果舉拳示之意旨又如何師舉拄杖云慣得其便云無盡默計不出悅之所料繇是易之無盡既有契證何得隨人脚跟轉師云汝那裡見無盡恁麼說來僧

寄雲禪師語錄卷六

二

無語師云却是汝隨別人語生解云無盡有偈曰久嚮黃龍山裡龍到家只見住山翁須知背觸拳頭外別有靈犀一點通又作麼生師云無盡只顧出身處不知話作兩橛云恁麼則無盡不惟不知晦堂用處且不識梵率話頭也師云放汝兩頓棒
問如何是行脚盡底句師云摸取脚跟
完璞趙居士問弟子愚昧求和尚指個慧性師拈土耳云向者裡會得便是慧性云求和尚放大光明慈悲救濟師掌云豈但放大光明直是垂手接汝
問雲門答僧問如何是佛乾屎橛如何是乾屎橛師

云田塍上看

問如何是清淨本然師便打云如何是忽生山河大地師云你又恁麼去也

問工夫散亂不得成片時如何師打云我道棒打不開

問乞師指個修行路師云我從來不會修行云更冀慈悲師云一事無成兩鬢絲

問還是念佛好還是做工夫好師云總不好僧擬議師打云向者裡會得恰好

問如何是離鈎三寸句師云快走快走

寄雲禪師語錄卷六

寄雲禪師語錄卷六

三

仲勸秦居士作禮云乞和尚指示師以手拈云會麼士無語師云恁麼指示也不會士復問措師復拈云且坐

徑山僧叅問如何是不動尊師云此去徑山五百里僧喜躍作禮出

問併却咽喉請道一句師云老僧沒氣力

問目前無一法時如何師云背後着眼

問如何是圓滿覺師打云你欠一着

問未開口已前時如何師云我不識你僧擬進語師以杖逐之

問君臣會合父子一家咫尺之間爲甚不覩師云大家住在者裡云子歸就父因甚父全不顧師云理合如是云父子之恩何在師云近前與汝三十棒云恁麼則大家團圓頭共說無生話去也師打云又恁麼去也僧禮拜歸位

居士問世間以何爲尊師云唯汝爲尊士禮拜師云忽然霹靂打汝又作麼生士無語

弁山專使問祝壽句子卽不問請問和尚壽多少師云恰值老僧喫粥使云又道是七十師云那教你亂道使云太白峰高入天仰望師云又亂道使喝師云

密雲禪師語錄卷六

四

轉見不堪

僧叅便喝師云胡喝亂喝僧又喝師云胡喝亂喝僧禮拜師打云再喝喝看僧云蒼天蒼天茶畢僧禮拜出師喚云我直下疑你者兩喝道道看僧云歇歇與和尚道便行

問某甲出山去忽有人問天童佛法聲未絕師便打僧禮拜師復打云逢人不得錯舉僧起云祇者是師云孟八郎漢

問不是心不是佛不是物師以手攔胸推倒階下云是什麼僧問指師便打

梁生譚居士叅問弟子不喜古人書本上的亦不喜今人舌頭上的師云還喜居士舌頭麼士無語復云請離了棒喝別指弟子一句師云祇是個譚梁生士云正似呼裴休的師云捨別人作麼士云正是倒不說梁生却說裴休師云熟路難忘士乃笑

問久慕和尚不得來親近師云你在甚麼處去了僧提開口師便掌

問如何是急水行船師云我未做船家過僧無語師打云崖上看取

問如海一漚發未審一漚從何發師便打僧擬進語

釋迦那

密雲禪師語錄卷六

五

師云還我大海來僧便喝師云正是一漚發在道者問大地無寸土向何處安身師拈棒擊桌云桌子拄杖從甚麼處來者無語師便打

問和尚還有不爲人說底法麼師云我曾向你道甚麼來僧無語師云元來

問三世諸佛大地衆生被某甲一口吞盡師云老僧擲僧脫草鞋戴頭上師便打

問如何是本來人師云我不可向汝道

問生死不明乞師指示師云正好消息僧禮拜師詰云你道好在甚麼處僧無語師便打

問火不能燒水不能溺作麼安身立命師云水裡火裡云水窮山盡時如何師云但恁麼看取

問樹倒藤枯句歸何處師云速退速退僧喝師便打僧又喝師直打出

問單刀直入擬取師頭時如何師云放你三十棒僧便禮拜次日復進云昨日觸忤和尚師云說什麼僧云裝聾作麼師拈棒僧便出

問不慕諸聖不重已靈請和尚別通個消息師便打云拄杖子有什麼分明師復打云打卽任打畢竟要討個分明處師云把將不明處來僧擬議師亦打

支那

密雲禪師語錄卷六

六

沉內翰斧立入山叅云仰慕久矣今得瞻禮始不虛度師云如何是不虛處沈云求和尚開示師打一扇云但向者裡會取

問鏡面相逢卽不問向上宗乘事若何師便打云橫吞拄杖又作麼生師云拄杖還在老僧手裡你吞個甚麼僧一喝師直打出

問大眾一齊上來未審和尚將何骨待師打云只將者個骨待云恁麼則個個飽餉去也師云你自己分上作麼生僧無語師復打

問盡力喫盡天童飯時如何師云直須吐却

密雲禪師語錄

卷六

問百萬雄兵如何得退師打一棒打散

居士問打也打不開喝也喝不散且道是個甚麼師云你且道一棒一條痕一掌一握血是個甚麼士便喝師叱之士禮拜而退

問如何是亟蓋乾坤句師云你眼在甚麼處如何是截斷衆流句師云合取狗口如何是隨波逐浪句師云放汝三十棒僧喝師便打

問禮拜底是誰求和尚開示師云把將刀子來

問掛角羚羊踪跡向何處尋師便打

問行住坐臥如何是學人本身師云行住坐臥

支那

密雲禪師語錄卷六

七

居士問音書不到家意如何師云那裡是你的家士云步步踏着師云踏着個甚麼士便喝師云更喝看士無語

問深深海底如何窮到師云一棒打到底

問如何是清淨法身師云泥猪癩狗

問學人頂天立地因甚脚跟不穩師云爭怪得老僧打臨濟意旨如何師云你還覺徹困麼云祇如和尚者一棒又作麼生師便打

問大地盡商量誰是會聽者師驀頭一棒云商量個

什麼僧無對師直打出

二瞻趙居士叅話及天童中典事乃云當今海內佛法惟有此一座山也師云恁麼則佛法有不徧處也士云因甚不到別處去師云轉見不堪又問和尚還上堂麼師云不上堂士云據弟子看來和尚時上堂師云以何爲驗士無語師以扇點云弄虛頭漢士云古人道單明自己不了目前未審如何是自己如何是日前師豎起扇子云且道是自己是日前士云自己與目前總在扇子上麼師云喚作扇子則觸不喚作扇子則背你又作麼生士云喚什麼作扇子師

問

密雲禪師語錄卷六

八

云喚作扇子則雨聲士良久又問泗州大聖因甚在楊州出現師劈面兩扇云者裡是甚麼處所士乃禮拜

問如何是第一句師云你要我道第二句那云畢竟如何是第一句師云但向舌頭未動時會取

問脚跟下毘盧佛因什麼不放光師云寐語作麼

問烈馬繫枯椿還當得學人分上事也無師云料掉沒交涉

居士問誦經持呪還了得生死否師云了不得士云作麼生了得師打云向者裡薦得方可了得士云和

尚還有生死否師云你若有時我也有你若無時我亦無

師坐次量侍者問如何是直下底事師便打云恁麼則一了百當獨脫無依去也師起身云你了當個甚麼云請和尚歸位師云你道老僧在什麼處者震威一喝師乃休

問文殊起佛見法見眨向二鐵圍山某甲不起佛見法見時如何師便打云某甲又不是文殊師又打云這裡是什麼所在僧擬議師復打

劉養淳居士問當陽一着事如何師便打士喝師云

問

密雲禪師語錄卷六

九

你這一喝作什麼用士又喝師云三喝四喝後作麼生士云黃菊綻東籬師云轉見不堪士禮拜師於背上一卓士云知恩有地師乃笑良久士復云求和尚證明師云你還識棒頭落處麼士云一月映千江師云月落後如何士無語師便打

問划火洞然大千俱壞未審四天下衆生向何處安身立命師云你卽今在什麼處僧擬議師打云汝識得自己安身立命處卽知得四天下衆生安身立命處僧云不知特來問和尚師連棒打出

問古人三拜爲得髓某甲三拜得個甚麼師云莫妄

想云謝和尚答話師云向汝道什麼僧無對

師因請眾居士齋畢驢超祁居士問云和尚今日飯錢教誰人還師便打士云若不是者一棒泊平寂寞

師又打士云大似因齋慶讚德公祁居士云今日飯錢是舍弟還了師云也好與你一棒眾禮謝而退

問學人初來未審如何作工夫師云搜石去居士問弟子在家夢見和尚今日親見和尚未審孰是眞孰是幻師笑云莫眼花

問某甲從四川來如何是處處眞師云你從四川來到者裡那僧沉吟師云者裡不是四川四川不是浙

支那

密雲禪師語錄卷六

十

江云請和尚賜棒師云未到汝在

問無嘗到如何避師云曾見無嘗否云不曾見師云不見則免無嘗見則無嘗難免

問日間做夢夜裡做夢如何得惺去師云我不可向汝重說夢

僧求偈師於案上書忌字云速拈將去僧無語

司理文燈巖居士參問弟子深信此事未審如何下手師劈面與一掌士沉吟師云擬思則錯

問太平時世還用將軍也無師云如何是太平時世云一念坐斷萬緣俱絕師便打僧禮拜

僧禮拜云某甲要問和尚討個佛做師云佛也是你分外事

問疑情未息時如何師打云向者裡拈出疑情看僧云某甲正向者裡不會師云正好疑着

金臺講王叅請益黃龍南頌勘婆有來繇沒來繇話師云你且道有在什麼處臺佇思師打云正是沒來繇

問把住三關卽不問放行五位事如何師云放汝三十棒云三十棒則不無如何是其中事師云也要汝疑着僧拜起云出身一句又作麼生師云我終不向

支那

密雲禪師語錄卷六

十一

汝說破

問如何是道師云看脚下僧擬議師云不要踏着生草

問一子出家九族生天和尚者裡爲甚却要薦亡師云你底九族在什麼處僧擬議師便打云虛生浪死

漢問厭離閻浮如何得出師打云者裡是什麼所在

問樹高千尺葉落歸根卽不問如何是和尚回山一句師云去僧禮拜云恁麼則通玄峰頂重添錦天台山路復生輝去也師云莫亂道

行錄

乙丑二月二日衆請師述行繇師云老僧出家年晚未嘗徧參惟與本師請益相見初無奇特未出家前我幼性頑乃至不肖之事靡所不爲但於歲歲二三月忽動世間無常之想便欲修行念佛念過三日覺得夢中無念非佛過三月後此念漸輕乃至二十七歲上山作務有省得管帶拘心意日用嘗令昭昭然卽穿城入市做買賣不肯放過每繼日以夜胸中作痛猶加炤顧向緣家貧營繫不能純一修行至二十九歲纔得棄室然追想來解脫世間羈絆似有時

支那

密雲禪師語錄卷六

十三

節我棄室當夜夢着新鞋一雙於行路次一時脫落鞋底遂因先父引兄先師三十歲乃出家祇覺生死到來畢竟不穩當於前境界愈加炤顧愈加不穩當二六時中看得心境兩立古人道天地同根萬物一體越看越成兩個因侍師入城舟次請益本師云你若到者田地便乃放身倒臥更無別語我只得禮拜昏蒙益甚又一晚侍奉上榻復請本師本師良久見我不領便云可憐可憐亦只得禮拜而退嗣是周旋師側惟加罵詈我慚悶交感至大病汗流二七日方蘇遂稟本師掩關時已虛度三十有四矣一日本師

支那

密雲禪師語錄卷六

十三

過關前開話及有心無心之旨本師云你既有心把將心來我呈偈云自心本自心心不自心心不非自心心卽自心本師云心不自心心自心非心有無既非無自心耶復呈偈云心心卽自心有無皆自心有無皆自心無心無自心本師云今日張渚買兩把青菜來無個大蘿蔔頭我云某在關房不知謝和尚三拜本師云終未大悟在一日宇師弟與安師弟於關前話開安云宇師兄你在家殺幾多羊來索命時如何宇面熱不能答我代云者畜生更要甚麼命一晚山陰靜虛王居士至茶話及雲門問陳操尚書云

聞尚書看法華經是不書云是門云經中道一切治生產業皆與實相不相違背且非非想天幾人退位居士作麼生士云請師兄說我云大家在者裡士大喜又因袖破有感呈本師云袖破露出手鞋破赤脚走葛撞富家郎他醜我不醜本師正云汝走不害醜我醜不耐走若要賭猜枚大家出隻手本師一晚同兄弟至關前竚立有間云佛法二字雖不是偶然亦非特意但有個悟入處不妨信手拈來自然貼體隨分道出自然恰好所以大丈夫爲道過別纔遠得源頭到手撥起便行不問如何若何老僧憶昔居臺山

有一僧問三賢尚未明斯旨十地那能達此宗未審如何是斯旨老僧卽鳴指一下云會麼僧云不會又鳴指一下云知麼僧云不知老僧但向伊道具足凡夫法凡夫不知具足聖人法聖人不曾聖人若會卽同凡夫凡夫若知卽是聖人其僧矍然致敬倒身三拜直趨而去更不回顧俊哉汝等且道者僧如此去還曾悟得也未若道未悟他却恁麼去若道他悟他又悟個甚麼來汝等試道看我卽起身一拜云夜深天寒請和尚歸方丈本師云不是者等僮侗推開去便了的本師乃舒一手云我手却不是驢蹄我云恁

麼道又爭得乃亦豎一指本師云也當不得三十七歲本師將北往以院事付管當晚室中擬舉話問大眾我卽向云和尚恁麼擬舉話正好劈口大巴掌便出雖然如是只是恍恍惚惚昭昭靈靈也未得個安穩一日自城歸過銅棺山頂忽覺情與無情煥然等現覓纖毫過患不可得大端說似人不得正所謂大地平沉底境界爾時恍恍惚惚昭昭靈靈底要起起不來欲覓覓不得不知甚處去了又自密舉前所見所會古人因緣宛爾不同亦不自疑道是與不是至三十九歲同覺宇三藐二師弟到京省觀本師本

師問老僧離汝等三年汝等有新會處麼我卽出云有本師云有甚麼新會處我云一人有慶萬人樂業本師云汝又作麼生我問訊云某甲得得來省觀和尚本師云念子遠來放汝三十棒我抽身便出又一日到室中本師問近日又如何我舉起右腳本師云驢脚馬脚我舉起左腳本師云馬脚驢脚時宇師弟在傍我以手指伊眼顧本師宇便出我云不消一指亦出又一晚同衆兄弟入室本師云寂然不動感而遂通我便出本師云此子如傷弓之鳥見弓影便行又一晚同兄弟話次本師云如人落水坐觀成敗不

救一救我卽推挽兄弟出衆兄弟不從我云爭怪得某甲便出又一晚問是大盡小盡有者道是小盡有者道是大盡我云敢保不在曆本上論量便出又一早在室中與本師語話了去喫粥時衆兄弟問說甚麼話我便翻倒飯桌又一日宇師弟叫我云密雲師兄本師云誰宇云某師兄改號也本師云怪道恁麼糊塗我抽身便行又一早問訊本師云汝只恁胡統亂統我便起單他往覺宇三藐等挽留本師出方丈云不要留他一言相契卽住不契則去我走至二門本師云將謂汝出一頭地原來是個無明鬼子我應

聲云鈞背筋蠻子誰不識你你作無明那本師即轉身歸方丈我亦被眾兄弟留住本師云你恁麼罵了老僧如何掩得別人過汝還在者裡住我即大書云瞞人不好事好事不瞞人有人謂我罵師父我只向伊道莫謗山僧好本師判云此是闍老前公招無聊也又一日覺宇三藐往五臺聽經侍者俱出外我從外歸見本師掩門獨處不敢入不敢語逡巡檻外狗忽內吠本師書紙云辜負自己名字何塞出門縫我將碗鉢書瓦云和尚裝聾某甲賣啞一隻黃犬非聾非啞然雖如是何名何字掉入牆內不知本師看不

密雲禪師語錄卷六

上

看但開門師方丈我入作禮本師云門開了汝不能進月我一喝便出又一日本師云忽有人問汝如何祇對我向前豎出拳本師亦豎拳云老僧不曉得者是甚麼意思我云莫道和尚不曉得三世諸佛也不曉得本師云你又作麼生我即喝本師云三喝四喝後又如何我即連喝退身本師云宛有古人之作我復喝又值中秋呈偈云爲愛中秋夜月精與人同樂稱人情萬億州都皆普照一人舉首一輪明本師印云不多不少乃以紙筆書云檀越送得月餅兩個師徒侍者五人一個分作四分到底付與老僧我掇一

個便行一日本師擎大鐵火衝鑿壁我向前接衝鑿之本師與云我有個替手遂歸方丈一日本師索我始末因繇我錄呈闍竟云已有半卷語錄了我接來付火一日侵早本師以一大棒靠佛前壁喚云圓悟我要打汝汝跪了佛我與汝說佛法了打我走云有佛法與別人說竟至厨下洗面本師擎棒趕來我舉手接棒手臂被打兩三月舉不起當時猶不知痛我即趕至佛堂本師回首再擬打被我接棒着實倒觸上去本師放棒入方丈闍却門復出云汝恁麼觸殺老僧我以棒擬打上云豈不幸哉時十二月初我

密雲禪師語錄卷六

密雲禪師語錄卷六

上

任千佛寺過歲二月初十回普照寺收單十五回南本師書木板云我邇來覺得有許多顛倒處汝等宜自知之從今晚始杜門禁語一百日以贖前咎并鞭其後此與圓修因通壽等悉外我尚欠圓悟錢一百一十文汝等變處與彼南去我有付囑語開後汝離我此去但適意處斷不可任不適意處作急走過恁麼行去不要記歲數須待十字路口有個跛足阿師與你印正了不要你來見我被時我自相見你也宜悉之去時四十一歲我錄佩南來到龍池山過夏八月初間往徑山天目天台紹興杭嘉蘇松上至九華

普陀往同四載本師以帖書云大事未完更可前進
毋來後也命通壽至紹興護生菴喚歸問云汝幾年
曾見甚麼人我卽以脚打地以手拍膝便出本師云
汝外幾年一些氣息也無我云和尚疑卽別叅一日
本師陞座喚我向前舉拂問諸方還有者個麼我震
威一喝本師云好一喝我連喝兩喝歸位本師顧云
更喝一喝看我卽出法堂本師下座我隨入方丈作
禮云適來某甲觸忤和尚便出本師卽安西堂位次
一日搥鼓集衆上法堂付我衣拂我辭再三本師云
汝是什麼意思我云直待和尚天年某甲守塔三載

支那

密雲禪師語錄卷六

六

然後可行卽行可止卽止時年四十八歲後至八月
初呈偈辭云辭別三年方外遊歸從八月山中住悟
甘做個無緣地乘個無緣地辭去本師云與大眾無
緣與老僧無緣我云只是某甲更與阿誰本師苦留
云汝若去了我只得直搥到底我不得已住之一日
偶熟蟬聲雜鳴本師法堂坐我呈偈云今年八月何
其熱秋蟬樹上聲聲轉等閑徐步向人前信手拈來
不隔線本師書偈正云今年八月何其熱秋蟬變作
黃鸝轉木童鼓掌笑呵呵幻人到底無頭面一日日
色將沉之際本師喚我及宇師弟入室云老僧昨夜

起來走一回把柄都在手裡了汝等爲我扶持佛法
我便出呈偈云若據某甲扶佛法任他○○○○○
都來總與三十棒莫道分明爲賞罰本師目之大笑
我接來付火又一日侍本師山行因石擺擺側我向
前扶之本師顧云汝扶持我耶我云是何言歟此癸
丑季冬時話甲寅二月十二日本師圓逝我爲伴樞
三載至丁巳年五十二歲結制本山卽今看來三十
餘年大似無夢做夢所以害羞尋嘗不欲向人說今
晚被衆兄弟逼不得已賣醜一番只都是與本師相
見請益語也

支那

密雲禪師語錄卷六

九

法語

示于道人

傳聞無論寒暑不問忙閒日持金剛經一卷坐香一
炷世間事識得破看得輕孜孜矻矻以道爲念難得
難得然雖如是欲超生死脫苦趣當豎起精進脊骨
幢直下信取始得只者直下信處卽超生死脫苦趣
底去處故世尊云信爲道源功德母信能遠離生死
苦信能必到如來地要會如來地亦直下信處是若
未直下信得但執起心作意坐香看經識得破看得
輕爲功課爲辦道時殊不知雜毒入心皆落第二念

既落第二念欲超生死脫苦趣豈不難哉古人所謂放過一着落在第二若苟直下信得當二六時中念念不忘直下信處縱值坐香看經以至呼奴使婢料理家事時亦當直下信得不可見有坐香看經呼奴使婢料理家事底事方爲勇猛精進爲道之士故經云應如是知如是見如是信解不生法相更舉個古人因緣助汝生淨信者昔日芙蓉訓禪師問歸宗云如何是佛宗云汝還信否訓云和尚誠言焉敢不信宗云卽汝便是訓云如何保任宗云一翳在眼空花亂墜願道人於看經處坐香處呼奴使婢處料理家

支那

密雲禪師語錄卷六

三

事處但信卽汝便是如此行去日久月深忽然失脚踏破鼻頭汝自默默自見創斷處則不待有意輕世事而世事自輕何以道之所在法如是故更示一偈若據大道因緣不論男女貴賤人人平等一如個個本來成現不能緣契無生卽便四生流轉自須返照廻光悟徹本來之面能令念念不迷大事何憂不辦觸境不隨境流世事何須更厭若也別作別爲必也墮坑落壑晝夜坐臥忙閒全體要成一片真實如是修持斷然決不相賺

示越居士

善來上人實道者幅紙并信儀欲貧道開示萬法歸一一歸何處者昔有僧問趙州萬法歸一一歸何處州云我在青州做領布衫重七斤且道卽今趙州在甚麼處若向者裡着得隻眼覷破趙州恰好歸家穩坐卽萬法歸一一歸何處皆剩語况貧道此說耶

示普度禪人

普度尚禪人到室中乞語住山老僧云你去住那個山尚道擬議面熟老僧云未可住山在大端汝在叢林中學得嘴頭滑未得大死一迴耳古人所謂諸人病在死了不得活唯汝病在活了未得死正是尚禪

支那

密雲禪師語錄卷六

三

人之病病在膏肓世醫拱手難可療治除非汝自真實怕生死要了生死如果要了生死須是大死一迴方見生死根本真實於中踐履是爲住山白雲遠祖云牛在山中水足草足牛出山去東觸西觸者此之謂收拾也南泉云王老師自小牧一頭水牯牛擬向溪東牧未免食他國王水草擬向溪西牧亦未免食他國王水草不如隨分納些些總不見得試問前禪人如何是隨分納些些的意旨

示純一上人

純一名上人到室中述他生平修玄門習氣難除叅

禪不能純一乞老僧法語老僧道怎麼則心號不相應也參禪正忌雜毒入心貴乎純一所以道舉一不得舉二放過一着落在第二須知參禪也是第二修玄門也是第二成仙也是第二作佛也是第二生也是第二死也是第二總之凡起一念皆是第二苟真實要會純一無雜但向一念未生前看行也看住也看坐也看臥也看一看看得行不知行住不知住坐不知坐臥不知臥不覺不知忽然觀面相逢始覺從前錯用心方知生也不可死也不可作佛也不可成仙也不可參禪也不可修玄門也不可

支那

密雲禪師語錄卷六

三

得一也不可雖然如是異日相見若作如是見一棒打折汝腰莫言不道

示太虛藏禪人病中

凡人病苦生死到來作不得王者無他蓋爲看作生死病苦故也殊不知生死病苦即當人本地風光本非他物故維摩云衆生有病吾乃有病真歇云老僧自有安閒法八苦交煎總不妨今時人多自不到者田地將謂八苦外別有個安閒之法與不安閒的對敵是以越對敵越不安閒病苦外另有個無病苦的強作主宰越要作主越作主不來然亦不可見怎麼

說便意既純是病苦將甚麼了生死而恐落空一發着忙則又錯了但不可看作兩橛自然就裡便得安閒亦非不是兩橛何也若不是兩橛則病苦無有歇時然且無病無苦安閒時亦不可作無病無苦安閒看若作無病無苦安閒看則與當人觀體相違差錯了也囑囑不可忽

示余道人

若據法語則貧道無啓口處無運筆處道人無看讀處無意解處無意解則內心無喘無看讀則外息諸緣既外息諸緣內心無喘則內外寂然既寂然已正

支那

密雲禪師語錄卷六

三

好自看正自看時無有晝夜無有時際但行也自看住也自看坐也自看臥也自看看來看去看到不知不覺忽然兩眼大開更須知此兩眼落處則如人飲水冷暖自知面目分明然後可通個消息於貧道耳寫至此忽有僧來問如何是祖師西來意貧道擲筆向他道達磨來也其僧擬開口貧道直打出方丈外一井寫上道人並叅之

示林道人

祖師西來唯直指單提令人返本還源而已欲究其旨但向不覩不聞之先直下觀透便見分曉如黑漆

桶處於黑夜初無一色卽無二見旣無二見則不見有男不見有女不見有纏縛有解脫不見有凡聖有淨穢亦不見有玄有妙有覺不覺亦不見有道不道不見有空不空不見有真不真亦不見有苦樂昏慧火宅清涼所以貧道生平但有來者便當頭一棒俾伊添桶生光卽無二色亦無二見所謂直截根源佛所印耳

示時功林居士

祖師西來不立文字直指而已惟至德山臨濟以棒喝直指最爲明白切要所謂棒打石人頭曝曝論實

密雲禪師語錄卷六

三十四

支那

事人不薦棒頭指處而以知痛癢者是爲心殊不知乃識神耳古人云學道之人不識真只爲從前認識神無量劫來生死本癡人認作本來人所以貧道微居士云祇如不痛不癢時如何居士如是要了生死透識神但看者一扇子落在甚麼處則自然知道者一扇初不曾打在痛上真似棒打石人頭便見臨濟大師道我被黃檗先師打六十棒如蒿枝拂着相似彼豈以知痛癢者爲然哉

示泰道人

修行無別修貴要識路頭路頭若識得生死一時休

生死一時休卽是安身立命之計安身立命之計不可爲道人說破須道人自參自悟自得真踐實履自到平帖帖地則生死心生死相了無覓處矣

示董居士

佛法無他術祇貴人知有安身立命耳苟得安身立命則動靜二相了不可得如是涉境涉緣做買做賣乃至一室蕭然了無一事之際於安身立命不變不易是爲修行故龐居士云日用事無別唯吾自偶諾頭頭非取捨處處弗張乖此須居士自於做買做賣日用處簡點安身立命張乖則不自偶諾不張乖則

密雲禪師語錄卷六

三十五

支那

自偶諾自偶諾則安身立命矣安身立命百年到來自繇自在則不被做買做賣業識之所使矣

示淨虛禪人

此個本分三世諸佛歷代祖師共證同傳直指人心見性成佛謂之教外單傳不立文字語句若涉言詮論量便起生滅之念非本分無生滅處則辜負先聖真欲超生脫死須辦鐵石心如枯木死灰聖念凡情俱無起滅淨裸裸赤灑灑上洞然契證明見得徹諦信得及與從上佛祖握臂共行無有差忒更須一念萬年萬年一念純一無雜才有纖毫起滅便是生死

因緣無有超脫之期務使如鳥出籠無欲無依舉動旋爲嘗在分中真踐實履無虛棄工夫趙州二十年除粥飯二時是雜用心涌泉四十年尚自走作香林四十年方成一片信知從上古人無不密密踐踐始能臨末稍頭不怕窺中走鼈者須自尋嘗日用中之驗也復云上來法語爲阿誰徽州休寧淨虛乞淨到無虛淨亦休觀體無依自寧帖拈天拈地笑呵呵上下四維圓洞徹以已方人沒兩般一串穿來同個鼻他年再見若如此一棒打教驢腰折咄

示弘業程居士持經

密雲禪師語錄卷六

密雲禪師語錄卷六

二六

凡佛經無非令人省悟故黃梅教一切人但持金剛經卽得見性惟六祖聞應無所住而生其心便省悟者則可見若言如來有所說法則爲謗佛豈可專念爲事乎苟省應無所住則終日念而未嘗誦一字在人不在經所以秦國夫人省得竹篋子言曰終日誦經文如逢舊識人始可謂誦經人也

示別駕曹茹真居士

三位令郎述老居士日逐持誦金剛經貧道却請老居士向未舉念時未開口時會得便是一切經之母一切經皆從此中流出所以道一切諸佛及諸佛阿

耨多羅三藐三菩提法皆從此經出故東印度國土請般若多羅尊者齊王問云諸僧皆轉經尊者爲什麼不轉尊者答云貧道入息不居陰界出息不涉眾緣嘗轉如是經百千萬億卷而老居士能如是轉則不昧老居士亦不負令郎乞貧道一番開示矣

示惠王府王選侍

祖師西來稟教外別傳之旨直指人自悟來悟力而行是爲修行故臨濟三度問黃檗的的大意三度被打而臨濟自悟棒頭指處便道如蒿枝拂着相似此從上入門下手之法也今選侍已奉毘尼復能以生

密雲禪師語錄卷六

密雲禪師語錄卷六

二七

死因緣爲念但不知何以入門何以下手欲冀貧道婆心開示法語將終身奉之出於火宅者貧道但請選侍向拂著處自看是生耶死耶苦耶樂耶行耶坐耶忽然覷破拂著處則動靜二相了然不生覓生死且了不可得何苦樂之有哉故大慧云未悟時心識紛飛悟了時方怙怙地然則怙怙地便是拂着處拂着處便是不從人得超佛越祖之向上事也又豈有旋起旋失之心捨此取彼之念哉惟願選侍自信自悟決不相賺珍重

密雲禪師語錄卷第六終

密雲禪師語錄卷第七

嗣法門人通微編

書問上

復明復史居士

來書總不出門下心意識湊泊古人窠窟裡着到卽本分事翻成分外事活祖意翻成死話頭耳如門下言一郡千里之事且如餘姚海鹽不遠六百里還識金粟寺裡老僧是何境界是何面孔若也識得道將一句來則本分事活祖意不用做純一純靜工夫都在其中矣若道不得見也未見說甚礙不礙耶茲因

密雲禪師語錄卷七

一

門下所問不覺葛藤如此與門下亦何交涉來

復清都史居士

手教云不知不覺有一種不自在隱隱胸次中者其病有四一者妄認爲娘生鼻孔故未得自在二者認得世間事重不覺逐境生心故不自在三者雖爲已事久向胸次中作活計不能卒去故不自在四者因此種種胸次中隱隱起滅不得自繇赤條條蓋天蓋地而居士越要蓋天蓋地自繇自在終不能得乃與隱隱陰魔對敵故有恁麼也不得不恁麼也不得恁麼不恁麼總不得直須堅堅杌杌全身翻轉猛着精

彩把世出世間一口吞盡不用蓋天蓋地而自蓋天蓋地赤條條去也若胸次中一毫治不盡要了生死無有是處故曰毫釐繫念三途業因非虛語也囑囑

復子元劉居士

來書一發願二程途三醒悟四工夫足見居士立志真實骨器不凡聰明伶俐異於常人然細玩之悟境未實現相非真現相急須撥採悟境着實參期若不期悟發願枉發程途枉行工夫枉爲何也未悟時期悟爲工夫不悟不休爲程途不悟不休爲發願如悟則乘其悟力以茲利己以茲利人則工夫程途發願

密雲禪師語錄卷七

二

密雲禪師語錄卷七

皆在其間不假別發願別程途別工夫耳且果悟則一一不着問人而自明矣近聞看大慧語錄此老叅一十八年聞佛果禪師舉諸佛出身處薰風自南來殿閣生微涼於此休歇試問居士曾得恁麼一回也未若果實見此老透徹處通個真實消息來

又

前接尊偈云謾費吾師諄切問貧道故不敢進語恐究竟生人我耳然細思之令人不覺痛哭流涕也故復一偈云花開始顯中心子花未開時子已中果徹因源因該果方堪頓契妙蓮宗然而祇爲慈悲之故

乃隨例顛倒未免喚鐘作甕耳居士若擇得出可謂搔着貧道癢處始不枉相處一番何如

又

前日奉復不悉恐門下生疑更爲葛藤大端蓮花蓮子教中取喻吾儕一念心花發明悟徹本來面目故云花開見佛悟無生豈非花開爲因見佛爲果喻如蓮花一開蓮子卽露豈如餘果花收而後結子耶正如心花一開面目卽顯花開爲因面目爲果面目本具豈待心開而後有耶如門下所謂花開纔得生蓮子花未開時子在麼與首謂花開元不墮空花結子

支那

密雲禪師語錄卷七

三

從教又種芽者首尾一氣皆謂花開而後結子結子而後種芽種芽而後成根苗成根苗而後開花開花而後生子正如嘗人所見生死輪迴無嘗之見豈可謂花開見佛悟無生而無生無滅因果交徹真嘗之道正如蓮花一開而蓮子全體已成喻心花一開卽本來面目元具豈可謂花開纔得生蓮子花未開時子在麼耶所以古云學道當須有悟繇還如爭鬪快龍舟雖然舊閣閒田地一度贏來方始休門下還曾恁麼一回也未如未當須恁麼一回始得

又

來論隨時探討期見本分一着又云當求進時欲貧道遙施喚醒以豁心花者然據本分一着無你進處無你退處若擬進則錯過擬退則脚跟礙却正當進不得退不得處忽若兩眼大開露出面孔時可與貧道相見也

又

來論進不得退不得處是門下礙處者且喜雖未得因地一聲不妨一切世間塵勞煩惱已礙斷生死路頭相繼礙斷也二六時中念念但向進不得退不得處看是何景象是何面孔看來看去不知不覺因地

支那

密雲禪師語錄卷七

四

一聲自不作礙處會也祝祝不盡

又

昨承偈語足見居士病中精進忻羨忻羨釋迦老子云病乃衆生之良藥益信之矣何故居士若不得這番病爭得恁麼淨絕恁麼穩當然細玩之未出知解窠臼在殊不知眼見泥牛過海我道眼花不少鐵鎚踏着如綿我道猶有這個在只可自知自解我道情知你在鬼窟裡作活計那堪更落言詮驢年未得出頭然則註已註破未識居士何以教我

又

來論門下本參只一個誰字貧道謂誰之一字亦能成人亦能誤人不可不審若認虛豁豁地一派好景爲誰字者已成兩個了也試問門下者虛豁豁好景爲復作意有不作意有若作意有不作意無只者作意非情識而何又云目前作主死時作主死後作主者亦屬有意而見有生時死時後時更有個虛豁豁地作主底則外道所見也古人謂離心意識參出聖凡路學正忌認着目前情識卽聖情識及乎認虛豁豁地及一切纖毫好景卽聖情識耳又云固地一聲曠然休歇不知當屬何象當屬何時將心等悟難得

支那

密禪師語錄卷七

五

悟日殊不知此象此時你纔擬心早已蹉過落於情識俾你到驢年也不得閒地一聲曠然休歇耳更欲貧道轉語喚醒者真可憐憫大丈夫說話寧借他人口耶除非劉祖鍾親來相見爲汝道破

復石車乘上座

凡爲一方化主事宜諦審不可自尊不自尊則上下稱美上下美則自不尊而人自尊之人自尊則化道行化道既行則叢林可卜矣

復金如王居士

貧道初舉怪物致知語居士方道得個無兩個及解

無山無水偈又道一切聲色如鏡中像何處更說是聲是色無山無水又道終未免恍恍惚惚昭昭靈靈未到安穩無疑之地者總是心意識測度約量而已未嘗實證一個耳若實證一個何處更有一切聲色山水如鏡中像昭昭靈靈恍恍惚惚弗安穩者來且道如何是真實一個若道得諦當自然懸崖撒手到水窮山盡處也

復愚溪陶居士

自到山中唯只打睡固不知有塵勞之事亦不知有出頭日子適承教言塵事勞勞恁麼說話正是認影

支那

密禪師語錄卷七

六

迷頭自昧自棄殊不知頭本塵勞之上只因自昧苟若不昧早在塵勞之外了也然後不被塵勞之所籠罩以塵勞而作佛事者乃大力量人耳如其一念迷頭被一念塵勞籠罩則無有出頭時也

復子復史居士

來論忽然尋不見既尋不見似乎未嘗問既未嘗問貧道亦無以答且道無答無問是個甚麼向無問無答處見得透悟得徹寄個信我何如

復半眼居士

接手教謂貧道太用舊套我道門下若喚作舊套入

地獄如箭射又謂貧道不得錯會門下死在貧道一掌底下我道死也死也何也若不死在掌下決不謂之掌既喚作掌烏得不死在掌下哉如此則果貧道不得錯會耶門下不得錯會耶又謂貧道自死馬作活馬醫門下死了又活我道今時癡人正眼不明掠人舊套作解會以已方人真可憐憫且試問門下貧道者掌是死耶活耶若謂是死爭解打得人若謂是活爲甚却只解打人又謂貧道出門之語諒勿介懷者我道不妨爲門下道者何也苟若介懷則真葛藤幸詳之併復偈二首拳拳腳腳正堂堂一任傍人亂

七

度量全體現時忘死活騰騰任運絕承當個裡初無差不差多君生出許丫叉幻人到底無餘法一味都來信手抓

復存義上人

上人所問曹洞宗語二段固非老朽所知亦非老朽所宜如上人擬問者兩段葛藤已咬人言句逐語生情果欲究竟但迴光自看始得然後所立君臣偏正王子功熟各五位者若我臨濟大師要且不然但曰赤肉團上有無位真人嘗在面門出入未證據者看便下座雖然如是惜乎老朽不與者老漢同時若

同鞭伊八萬四千拄杖一下也不放伊且道賞伊罰伊上人試斷看

復紫垣居士

來論謂不離自性其他聰明智巧總用不着每每回心上求個安穩者是知居士認識心識性爲本命元辰故於胸次中打攪弗安穩耳苟要安穩但把心性二種情識掉向他方於汝分上了無交涉然後向自己腳跟下摸索看是心耶是性耶忽然摸着非心性底可來貧道手裡請棒喫

答雲怡陳居士十七問

支那

密雲禪師語錄卷七

八

問渴鹿赴酸如何歇得

答摸取腳跟

問摩尼珠久埋沒塵土中如何急切覓得

答滿面慚惶不識羞

問一斬一切斷如何得此利劍

答炤顧汝頭

問等是水味有品爲第一泉有品爲第二泉作何

剖分

答飲者自生分別

問黑夜中認賊爲子認子爲賊作何判斷

答各打三十棒

問家親作祟如何處置

答家無二主

問的的主人翁如何得覷面一見

答攔腮與汝掌

問堪輿家羅經縱橫移動針必指南是誰作主

答且向羅經後看又云刺破汝眼

問家宅是諸人生身活計見得甚麼便肯破家蕩宅

答春色滿園關不住一枝紅杏出牆來

古文部

密雲禪師語錄卷七

九

問電光中良驥瞬息千里如何得一往追上攬轡入手

答好個驢前馬後漢

問大慧云將八識一刀憑甚麼安身立命

答還我刀子來

問胡來胡現漢來漢現是鏡體是鏡光

答打破鏡來好相見

問未開口以前爲甚便棒便喝

答爲汝不薦

問日昇月沉雷轟電掣山靜雲閒水流花開農歌

牧唱婦諍兒嬉莫非是者個迸現如何拈得向脚

跟下要用便用

答魚行水濁

問修行人多怕去後黑漫漫地不知現前黑漫漫地更苦盡說生死事大不知現前剎那死死生生更切此際重關一擊如何下手

答好與你三十棒

問高峰語大徹底人本脫生死爲甚命根不斷命根既未斷叫做大徹徹底何事

答汝喚甚作命根

古文部

密雲禪師語錄卷七

十

問一句當天八萬門永絕生死者一句得恁有力答坐斷乾坤

復象垣程居士

若果向不明白處會則無有真我假我亦無有曉得不曉得的人復無有惺惺不惺惺者何也惺惺不惺惺曉得不曉得真與不真皆屬想也若果要了徹但向睡到無夢無想時一臥臥起來東摸西摸信手摸着鼻孔不覺失聲因則了徹不了徹不着問人自知之矣

復問卿吳居士

讀手教見門下愛我深矣至矣第貧道固是個不識好惡漢故不知有可禪床上接者有可三門外接者故亦不見有一人可爲徒者也故有眼亦如盲者也有耳亦如聾者也如是則不見有視可以收者也亦不見有聽可以返者也亦烏有光可以韜者也若見有可以禪床上接者有可以三門外接者卽見有可以爲徒者人相未空我相未忘分別念存造種種業弗敢爲也望門下如是自規規人則心無分別無分別則無取捨無取捨則無憎愛無憎愛則無業識無業識則從心所欲不踰矩罪我者吾何辭焉

支那

密禪師語錄卷七

十一

復破山明上座

前卽老僧不敢言今凡落筆寧可實而不華不可華而不實實而不華辭達而已矣華而不實非虛卽狂也於老僧分中卽不妨爲一方化主不可不諦察其情不可不斟酌文勢逆耳之言上座諒之

復性符錢居士

來教謂不能純一用功未明不思議處若貧道看時不思議卽純一處若離了純一處別求不思議處不惟蹉過不思議處要且用功處卽不純一如欲兩路歸一直向一念不生回光自看看得鼻孔撩天匝地

一聲便見古人所謂一念不生全體現卽純一不純一思議不思議都來沒干涉耳

復清漳東里王居士

諱志道附來書

法錫南來遂令黃蘗千年道場儼然未散祇此道場非古非今然不因師來爭知非古今也大師爲人不惜身命寧使喪身失命終不爲開第二門此是徹骨徹髓獨超千七百則宗門而遠近傳者多作棒頭商量或言可度有智人不可度無智人或曰止可度未悟人不可度已悟人如此等見蒼天蒼天敝漳近有僧定觀者歸述六月一日上堂法

支那

密禪師語錄卷七

十二

語云若汗淋淋時是乾爆爆時如何若乾爆爆時是汗淋淋時如何此是向茫茫無可據中扶出人人眼睛令他自見每舉以似友朋又多作兩處都是兩處都不是解依舊四句可悲可痛問嘗竊舉孔氏語參之孔子曰哀樂相生正目而視之不可得而見也傾耳而聽之不可得而聞也若哀時是樂從何生若樂時是哀從何生此處亦須學人自正目一番自傾耳一番不可祇道哀樂都是哀樂都不是也若未嘗正目傾耳又爭知不可見不可聞耶大師之前作者個語話猶覺戲論細讀金粟

語錄句句是棒頭發光遂敢自搜平生迷津失脚之處以望金錚學人二十歲時偶聞榕樹着風忽然樹上風聲與自身不異徧觀大地太空蠕蠕瓦礫亦渾是我體因而旁叅內外宗教稍無疑滯隨時指向人前未遇作家鉗鎚及到雲棲舉似師曰是亦可謂見性問曰更有見性耶師曰見性者見自己之性時是亦悚然但未免生一解曰如金與金終無異色豈有眼睛更見眼睛後遇憨山師再舉請益承示不可將心作境不可將境作心亦復悚然但未免生一解曰盡十方界是我隻眼立誰

安那

密雲禪師語錄卷七

七

爲心立誰爲境自索居以來已近十載始覺雲棲老人謂我見處是量邊事憨山謂我所見見已成境是見地性非性地見必我此見原從識起必從識滅是識分性非實性分是見涅槃非實涅槃是識必變必滅識中自性涅槃亦變亦滅始覺從前身心迷悟總未離識目前無法有何可據不得不心死路絕了也如有問者賊已捉得賊在何處竊應之曰現前色色皆失主舊物合應一狀領回祇是年來被問官錯看了賊負屈多時今得明白且莫匆匆認賊寧可空手歸家耳此情極醜人前開

口不出輒敢自恣自狀披剝肝腦于大師前者人世易度大法難逢一番蹉過百劫千生願垂頂門一針母曰五百里外棒頭不到也定觀持門下教論過稱貧道爲人不惜身命寧使喪身失命終不開第二門者令貧道益生慚愧蓋緣貧道生無學識兼之口訥不善委曲接人故以一條白棒當頭直指耳然亦見門下迥出時人之表吾宗門下得一法幢共相建立必使祖道重光也忻羨忻羨書中一一門下自舉自斷貧道更復何云乃至云願垂頂門一針母曰五百里外棒頭不到者貧道謂門

安那

密雲禪師語錄卷七

西

下巴喫棒了也然細玩之自淺而深從始至末云祇是年來被問官錯看了賊負屈多時今得明白且莫匆匆認賊寧可空手歸家者貧道謂卽者空手之見歸家住着之見便是見解入微最難透脫坐在無疑必死之地不能明大法發大機施大用須信有絕後再甦欺君不得百尺竿頭更進一步可也

又附來書

定觀禪和回得讀教割身心踴躍歡喜無量敬拈瓣香東向致謝學人年來捨身捨命祇爲絕後再甦一着來教直拈出此句直棒着了也知痛了也

疑於此疑信亦如此信了也古德有言如竹畢竟成篾去方其笋時何速用得從來以爲極親切語如今看來竹則有笋時有篾時若是者個物事亦無笋亦無篾昔非嫩今非老絕非絕甦非甦惟是門庭施設轉位就功不得不如是說嚴霜大雪凍必徹底寒必徹骨方是放春時候祇管大死一番不怕不活也其實全機大用一切現成能喫能局能睡能醒能殺能活能文能武能縱能奪能自能他能共能不共能度衆生能無衆生可度初發心時便坐道場有何不可便是未發心衆生正眼看

密雲禪師語錄卷七

五

來少他甚麼者裡若道別有則頭上安頭若道別無則斬頭求活若便隨聲一句活也活也便應喫他現前一棒若道自有活時也便應喫他等待一棒若道一槩無絕無醒便應喫他侗一棒學人所以饒舌自恣自辯自描于大師前者因爲人天眼目瞞却難逢若不盡着披剝錫磨發露有釘更無人抽有錐更無人拔也亦爲近來紛紛起惡知見者皆爲不知棒頭是何物不敢不强生分疏亦欲令後來有真痛癢者稍知十方三世四生十地總在拄杖子裡一握一掌一棒一條不作暗摸糊亂

猜也

接教論雖不若筍竹篾有先後三時之別而凍必徹底寒必徹骨方是放春時候祇管大死一番不怕不活者足見門下以寒春一時死活一致爲全機大用其餘種種說話雖爲此個端緒亦似套頭語且前貧道謂門下空手歸家尚着不得況可容如許知見耶然可見門下真誠之意呈似貧道若遇明眼人總不出解說形容未得心言路絕皆是未絕前事非絕後事耳若據絕之一字正要絕人世出世間一切情解知見直至千聖不識自不能測就裡打轉轉來稍似

密雲禪師語錄卷七

六

絕後再甦寫至此時有僧云忽有問和尚絕後再甦又且如何貧道擲筆搶云速道速道僧擬議連堂掌出一併寫上何如何如

復海槎鍾居士

鍾居士

來翰云上智人有上智人克已下愚人有下愚人克已者貧道謂此正未克已復禮之言也若克已復禮則不見有上智下愚之人故曰克已復禮天下歸仁焉惟高明悉之

復木叔陳居士

十月間於錫山秦宅得居士書扇時人事多端無暇

裁復唯以拙刻附覽入山又因老聵不能理事直至
今春再閱令貧道深愧無是德以當居士之贊揚如
云耐披忍辱之鎧力捐僇慢之幢寧可忤豪右謝知
識而於單赤隱微不敢任其喜怒貧道看來宰官中
能如是綿密簡點作功德林者誠爲希有但異日與
貧道相見若作恁麼說一棒打居士腰折何也不見
道般若大智如火聚凝之則燎却面門是則居士
於日用逆順中無不據單赤全體大用現前自利利
人卽不見有隱微動靜二相矣不識居士又作麼生
復葵山行彌禪人

撰述

密雲禪師語錄卷七

七

來問使窮子知恩有地免使橫屍徧野老僧道但見
橫屍徧野卽便知恩有地

復我萬陳居士

遠承惠寄信儀勝書欲與貧道結後來之緣者貧道
以爲不然君子千里同風尚無彼此之間豈有現在
後來之分是則貧道已與居士相見了也但居士直
下見得透則與貧道有何異哉

復君馨葉居士

來論不知佛性中有許直腸人者直腸但於世少造
業緣故有正直爲神之說佛性須假悟明故有見性

成佛之說且直腸與諛曲相對佛性出于對待故六
祖云明佛性是佛法佛法是不二之法故維摩談不
二法時惟良久而已如是則門下但向言語道斷心
行處滅處看是何景象是何面孔看來看去向不知
不覺處忽然惺得因地一聲則不着問人自明了也
復司理元公黃居士 諱端伯

撰述

密雲禪師語錄卷七

大

惟吾自偶諸頭頭非取捨處處沒張乖朱紫誰爲號
丘山絕點埃神通併妙用運水及搬柴此偈雖八句
日用不過只根於無別而已不識台下以爲何如承
命永樂禪院固當從喚無柰老病纏身日久不能領
衆故辭金粟但思自養待盡而已伏惟台照不悉

又

來論根機遲鈍者事不如此也大都根機不在推托
貴在承當若不承當則涉思量一涉思量則蹉過根
機所以謂如擲劍揮空莫論及之不及則自然不觸
犯耳

又

前會間雖提覺浪因緣未嘗備析大端人多作實法會者無他正如居士所言當以本分草料易之耳貧道擬居士雖口說本分二字而未實證本分處在若果證本分則於世間法法皆露者一着子自然言中有響同道者聞之自然通身踴躍俗諺所謂寧可與聰明人相罵不可與惑快人說話者也且貧道既承當個事豈可與人說話是說話相罵是相罵本分草料是本分草料則是非之心嘗存胸次差別之人嘗在面前自己如何爲得人如何爲人作得王來不見

敲邪

密雲禪師語錄卷七

九

昔于頔公問紫玉黑風吹其船舫飄墮羅刹鬼國王遂呼于頔客作漢問與麼事作麼于公失色玉云者便是黑風吹其船舫後來大慧杲批云大凡爲人有二種機接人如云于頔客作漢問與麼事作麼此是第一種機如云于頔客作漢問與麼事作麼令其無明現前隨手爲伊按云者便是黑風吹其船舫者猶是第二種機今貧道不敢輕視覺浪潘居士所以道祇可同懸一梁縊死可也且曾對木陳侍者等云此古人所謂同坑無異土也木陳尚不省會又爭怪得居士乎且古有半提全提之說如貧道道祇可懸梁

縊死夢筆山中者得非全提者耶貧道亦不敢輕視居士所以不得不書上也惟高明鑑照何如

又

聞尊堂歸矣固當吊慰奈因生平不行其事恐從此啓側後有不周到處以此爲罪端耳然生死二事能迷却天下人亦能悟却天下人所以古人聞紅輪必定沉西去未審亡靈往那方而孝子哭哀哀古人便悟豈非悟者亡者哭者同歸無二無二分無別無斷故如是則與一切人生卽同生死卽同死喜卽與母同喜哭卽與母同哭慶卽與一切人同慶吊則與一

支那

密雲禪師語錄卷七

三

切人同吊何有間然不然則母是母子是子哭是哭喜是喜慶是慶吊是吊不惟不知亡靈去處亦乃自己茫然哭亦無地卽虛行故事與學道人乖矣

又

適接手教讚黃居士根性不群者蓋紙筆之學故當機則罔措也貧道痛此時紙筆成風將來定爲法門之害不淺矣

復坦如蔡居士

來論受貧道三拳兩掌謂痛從何來誰受痛者復云假使無情虛空來問不知痛癢無有分段者則居士

未知棒頭落處若知落處無有有情無情之見何分段之有今居士既分痛從何來誰受痛者則無分段中分分段無情解中立情解正喫棒未有了日在

復爾赤馮居士

來論當此西風徹骨政落葉歸根之候應自有不冷不熱處又謂戀着火宅未得出路要貧道方便開示者不覺一笑何也居士已上並是請實供通方便亦在其中出路亦在其中不冷不熱亦在其中貧道除此外別無方便別無出路別無不冷不熱是以古人問善知識云寒暑到來如何迴避知識云何不向無

支那

密雲禪師語錄卷七

二十一

寒暑處去云如何是無寒暑處云寒時寒殺閑黎熱時熱殺閑黎如是則欲識不冷不熱底但向西風徹骨處識若識得西風徹骨便是落葉歸根底時候識得落葉歸根底時候便是出路識得出路便是方便所以貧道謂方便亦在其中出路亦在其中不冷不熱亦在其中既都在其中豈不是閑不容髮既間不容髮法華謂三界無安猶如火宅唯有一門而復狹小便是者個道理也若離此外別立方便別有出路別有不寒不熱別有時候即沒交涉也故經云唯此一事實餘二則非真無方便中真方便無出路中真

出路無時候中真時候寒熱中真無寒熱故貧道謂已上並是請實供通然異日相見守此見解劈脊一棒莫言不道

復趙居士

來論無生本無言亦無指者是居士未悟故有此說何也不見道花開見佛悟無生豈可謂無生本無言乎因次一偈貧道從來乘直指直指人人自悟耳自悟無生無不生直下何曾有彼此

復紀管陳居士

來論展轉躊躇無下手處如此沉迷將終無山頭

支那

密雲禪師語錄卷七

二十二

日子欲貧道拯人於坑塹之中呼人於醉夢之際者貧道謂只因展轉躊躇便錯下手了也居士但以手摸頭自問看是沉迷耶出頭耶坑塹之中耶醉夢之際耶若自摸不着問不明則真果沉迷真果無出頭處真果坑塹之中真果醉夢之際矣若摸得着問得明方知無沉迷中自作沉迷無出頭處自求由頭無坑塹中自作坑塹無醉夢際自作醉夢耳雖然如此乃貧道說底不識居士本分處又且如何

密雲禪師語錄卷第七終

密雲禪師語錄卷第八

嗣法門人道悉編

書問下

復元岵張居士

諱大仲

來論墮落塵垢已數十年營營擾擾了無住足又言非拋却世緣十年二十年死活數番無有是處若以知見承當言語領略是爲謗法徒造地獄種子是以相見曾無一語談着此事正謂此事非一語可了者非門下真誠爲此事則不能發如是之言然亦不可執如是之見何也此事無乎不在若執如是之見則

密雲禪師語錄卷八

一

與此事覲體相違反成障矣且十年二十年之說非定式也因爲此事不明故或歷多年所耳如裴相國聞黃檗一言便乃知歸李太守聞藥山雲在青天水在瓶亦乃自肯豈必拋却世緣十年二十年死活數番纔得是處矧死活二字非如門下預作意計底不見大慧杲問佛果禪師舉如何是諸佛出身處答薰風自南來殿閣生微涼乃得瞥地蓋瞥地者於此事明白相應也故圓悟印許曰難得你到者田地可惜死了不得活是爲死底意故知久近死活在人不在此事無定式也豈如門下謂拋却世緣爲死乎蓋與

此事相應則世緣不待拋而自拋知見不待離而自

離語言不待忘而自忘總之世出世間語言知見都

來與道人分上無干涉者無他因與此事相應故也

門下若到此地卽見尊慈一切勤苦亦何曾勤苦抵

因日用不與此事相應則爲世緣勤苦墮落塵垢矣

復仲堅李居士

諱源

目來論足見居士似有些力量故有些偏強所以謂寧可諸方哭笑不可令諸方替誦獨超灑脫皆爲埋沒塗污贊誦哭笑俱無干涉也但不知止說到獨超灑脫底影像耳若不得向上全提則正坐在理路中

密雲禪師語錄卷八

密雲禪師語錄卷八

二

作活計葛藤窠裡藏頭反不得獨超灑脫在高明以爲何如

復似孫江居士

手論認得言思路絕一着又云於古德言句有彼此乖迥不能無疑者總之未真證得言思路絕故也若果證得則自然一心不生一心不生則妄情不起妄情不起則無現業流識無現業流識則曠劫習氣頓淨矣試問居士如何是言思路絕底一着切莫學恁麼說便當了也

復轆轤嚴居士

手教有直入泥犁之訴并金一兩擬買貧道相救者胡不思密雲老漢生平没人情今乃和贓據決與汝三十棒管教嚴轆轤一任鑽研無出路

復萬如微上座

衲僧家出處或因檀越迫不得已或菲葷草舍自成叢席雖無定法皆爲利衆而已然亦須揣自己力量方可不然則一言失之於前縱百語繼之於後亦不能救也

復孩朱方居士

來論謂此毛孔中虛無所有一切恩仇盡皆平等者

密雲禪師語錄卷八

三

似多生出一種知見不若普觀悉皆毛孔則無虛無所有之情存雖然直饒實證到此田地只到死了不得活未能轉身吐氣古人所謂正知見障却動是要說道理說工夫說實落說虛無說恩怨說平等說毛孔說痛棒須是造到無功用道卽不墮此不識居士以爲何如

復紀嘗陳居士

來論一切煩惱自造但平時雖見得如此而一涉境界便不能自主者蓋因無始時來於境界熟習故也然學道當先期悟以悟力充至頭頭無間則無昧悟

力而平時熟習自無地矣故經云理須頓悟習氣漸除乘悟併消因次第盡所以前問居士本分處又且如何若不知本分處卽未有悟若未有悟卽何有行止於路頭哉試問居士畢竟如何是本分處

復慈蔭禪人

接手偈知上人不虛開關實欲究明自己之事但看語意不無岐路耳如云勿將驢背認家翁便是一岐路之根也又云呵呵笑他自忙今我自閑此又非岐路乎再云此等境界是落浮游復斷云是古人所謂省力處者且問汝既是省力處何浮游之有耶如此

密雲禪師語錄卷八

四

看來前偈皆汝靜中心意識測度古人之作若欲究明斯事直須向一念未生已前看是甚麼境界始見古人所謂忽然洞徹無窮底踏倒須彌第一峰則無境界可見始不負老僧打汝一棒矣

復董居士

來論自揣罪網交羅何處是出頭日子倘哀日暮之窮指示路頭不蹉者不知擬求指示路頭則已蹉過路頭蹉過路頭則無出頭日子正若以頭覓頭以路尋路豈知頭無二頭路無二路又豈知頭是出路之頭路乃出頭之路如是則路外無別頭頭外無別路

又何處更容罪網交羅并哀日暮之窮哉然雖如是須真踐實履念念不忘不然則依舊業識茫茫無本可據與不求指示者無異也

復敬身陸居士

謹贊

來教述前歷訴諸苦而謂貧道云知苦本不是苦此言貧道已忘矣即如來教知有中邊際障有深淺試問居士全身入塵者是知耶不知耶若不知則何以謂全身入塵若知則何以謂知有中邊障有深淺又塵若是障何以謂全身入塵若知有中邊則請居士分析以何爲中以何爲邊若知與塵爲中則塵與身

密雲禪師語錄卷八

五

了無干涉何爲障哉若知與身爲中則身與塵亦無干涉又何爲入哉如是則初無障入居士自作障入初無有苦居士自作是苦若如是知苦則苦本不是苦知非一隙之光矣

復朝宗忍上座

豫紹一輪持汝狀錄等來老僧目至終以殿事夾雜并言道路各別養家一般者老僧不覺一笑何以老僧不知有殿事夾雜故無道路可行亦無家可養雖然汝既出世付拂一柄不特表信正望切切秉持當念從上事重不可輕忽也

密雲禪師語錄

卷八

復二馮居士

諱元興元興

適接尊教前後總不必論惟謂居士得一病險把性命拋却以維摩詰言從癡有愛則我病生未識者段本緣何所因起當云何滅欲貧道教藥者而貧道別無他術低以筆頭寄打居士三十棒若解棒頭落處則八萬四千身病心病毛病管教冰消瓦解求起滅本緣了不可得方許居士親來請棒喫

復黎眉郭居士

讀手翰總無他事蓋未喫貧道棒耳不信但看棒頭打在甚麼處更看棒頭打處有此三紙書中種種事

擬題

密雲禪師語錄卷八

六

也無若無但據棒頭指處於中行履則世出世間一切知解道理不用置之度外自於居士分中了無干涉矣

復玉陽高居士

諱聰

某秉教外別傳不立文字之旨豈有塵網沉淪脫離開示之文字耶惟請老居士不立文字時着眼則無事不畢矣

復海槎鍾居士

讀來論知居士爲道真切故如此行履如此簡點若謂本體茫茫渾渾如鐵壁此大光明境界於我河有者

則貧道不信以爲實言矣何也若果茫茫則不見本體渾如鐵壁果本體渾如鐵壁則無空隙之茫茫卽者大光明境界面前與鐵面閻羅老子覲面相見不用出手若另出手則被閻羅老子就手結案去也

復型塘徐居士

翰教歷敘尊家金粟五年之間如許顛倒者貧道敢謂門下所見所歷從本以來絲毫不動若門下親證不動之元則楞嚴金剛等經皆門下註疏矣今以門下註疏金剛心經豈不反成顛倒哉

復體心禪人

擬題

密雲禪師語錄卷八

七

凡爲出家人必先修道德行化道行道行則不成居處而居處自成今汝未出頭行化道皆因自未修其德況出頭露面與人爭住處耶且既是施主買之自有施主與之清理汝當先遠去可也今之法門不幸者皆因爾我出家人以居處爲急務不思化道不行而不修道德故也吾徒思之

復肇森徐居士

來論智慧日減進既不能投體空門退又不能厚邀名譽者貧道亦無別誨但向進退不能處着力則無智慧之體疑定久久撞開眼睛固全體獨露不着問

人自見倒斷耳

復吳道婆

諸佛世尊唯爲一大事因緣故出現於世正要有大丈夫氣槩隻肩獨荷不被世出世間一切境界語言轉換始有獨立自繇分縱五宗差別之語言亦無非明人人本分一着若離人人本分一着別有差別之智則隨名相展轉生差別之情識依舊無自繇分世尊所云清淨法眼涅槃妙心付囑摩訶迦葉廣流傳化無令斷絕金口所囑反成顛倒當知涅槃妙心是大海差別智是雨滴滴雖不同總歸大海自無差別

擬題

密雲禪師語錄卷八

八

所謂唯此一事實餘二則非真是正宗正旨若有差別之智勝過涅槃者是爲魔說古云若有一法過於涅槃我說如夢如幻細觀來書於本分一着尚未親證當據實呈本分然後所疑五宗說話不妨開來貧道方好點化否則斷不敢細解註也

復蘭嶼吳居士

諱宗良

承諭要貧道法語以薦拔先亡者貧道若有法語則着我人衆生壽者若無法語亦着我人衆生壽者門下若見父母妻室可度亦着我人衆生壽者若不見有父母妻室可度亦着我人衆生壽者門下如是超

脫此四轉語則父母妻室不求度而自度矣

復祈遠唐居士

韓元吉

祖師西來直指人心今居士不省直指之旨蓋涉放委曲故也如曰求進步者是居士自生委曲也提話頭者諸方善知識委曲不直指居士故也貧道則不然居士擬求進步則蹉過居士蹉過居士則失祖師直指也提話頭亦失祖師直指蹉過居士也若居士分中則進步無門退步無地況可以提起為勇猛放下為解意是若緣提起則有放下則無正生滅之心豈無生無滅之體耶貧道不得已葛藤如此居士

密雲禪師語錄卷八

九

尊之

復清伯黃居士

蘇行爽

來諭欲貧道法語於一言之下少有開發不知貧道若有一言加於居士分上即障居士非開發也居士但向不立一言時看覷忽然覷透本無一物一言遮障底即自開發矣不信則請看龐居士問馬大師云不與萬法為侶者是甚麼人答云待汝一口吸盡西江水即向汝道能如是會則不特開發直自居士蓋天蓋地去也

復嘉魚曹居士

密雲禪師語錄

卷八

居士為尊翁受聞老齋戒致黃瘦欲貧道勸尊翁復開食肉此於居士分上為孝養之心則可貧道與聞老俱是出家人一則為戒一則勸開不識居士何故貧道如是耶古有洪州廉使問馬大師曰喫酒肉即是不喫即是答曰喫是中丞祿不喫是中丞福然未聞廉使果喫不喫據是惟在尊翁自裁之可也且貧道與尊翁從未面晤又何知尊翁之意而輕忽便可進言耶但當因居士來命奉勉尊翁一心進道實證到彼我無殊之地自不覺有喫素喫葷之念則心和體順而自安泰矣故黃山谷曰我肉裡生肉名殊體

復通琳

密雲禪師語錄卷八

十

不殊元同一種性只是別形軀苦惱從他受肥甘為我須莫教聞老刈自揣看何如據是豈貧道敢固必尊翁喫與不喫耶

復子雲姚居士

韓元吉

來諭從着衣喫飯以真實功夫認貧道痛棒者說之似未知棒頭真實落處故亦未知着衣喫飯真實處也若知棒頭真實落處則斷不作痛棒會亦不作着衣喫飯會今問居士作甚麼會試通個消息來看

復通琳康居士

韓元吉

來教云如夢得醒者則登覺岸矣何更借慈航哉雖

然第恐居士不能醒覺則未免業識所牽佛亦難度
况貧道耶故曰他人難用力自度自家身居士當自
勉之

復觀方王居士 諱錫

接手論謂頂門三棒頗知痛癢者似錯認也未喫棒
前及今還痛也無若無則居士又作麼生會若會得
則徹本分事而本分事豈有間斷處哉若有間斷則
非本分矣故須徹本分循本分力行本分則自無間
斷矣

復登之王居士

密雲禪師語錄卷八

十一

來論謂儒魔羈繫勿能匍匐者則見居士只知其一
不知其二也既為儒魔羈繫則凡有一事皆魔繫乃
至苦海之脫彼岸之登皆魔繫矣况其他耶所謂毫
釐繫念三途業因益於居士本分上着不得也且於
居士本分中試道一句來看

復通頂朱居士

來翰謂晝夜思之甚有廢食忘寢而終隔千里者正
古人謂舉心則差動念則隔也今乞令郎法名各為
行底欲知居士令郎歸宿但會得通頂行底自透頂
透底則父亦在其中子亦在其中一切皆在其中歸

宿矣試問居士如何是其中事當明指個信來看

復金陵瑤草馬居士 諱士英

尊教自謂知見糾纏者乃預作之計正學道人所知
障也若欲契本分則將從前所見所聞的盡情拋却
向未聞未見無痛無血處開眼方徹本地風光始知
貧道棒頭直指單提佛祖向上不從人得一着方可
再來喫棒且本地既徹為甚更要喫棒

復滇南白生木居士 諱增

來論藏跡芝山心閒雪嶽者貧道看盡大地唯個居
士所以世尊云天上天下唯我獨尊又古德云舉頭

密雲禪師語錄卷八

十二

天外看誰是我般人何居士以芝山雪嶽為藏跡心
閒哉如云近僧道源五蘊塞胸者四大本空五蘊非
有更誰為胸誰為塞若離胸臆而求真心玄旨則賺
道源故貧道亦不敢以別法加道源分上須道源返
照自悟始得再示滇南僻在天末欲貧道飛錫遐荒
指迷發覆貧道固應從命但年逾從心之餘不能跋
涉伏惟原諒

復芝來呂居士 諱生吉

接教論不能絕妄想清道念此以道念妄想打作兩
橛故有祛妄皈真之說耳不知但於日用無第二人

用事則無妄想道念之可得豈容袪妄皈真存於胸次哉故龐居士曰日用事無別唯吾自偶諸頭頭非取捨處處沒張乖若不如是居士當自勉旃

復袁道婆 法名行成

來書云千里同堂貧道祇恐非實證若果實證則一心是佛回頭之岸亦剎語矣况可謂虛生人世而更見女流之相哉若真要了生死須向一念未生時看行也看住也看坐也看臥也看看到臥不是臥坐不是坐住不是住行不是行乃至語默動靜了不可得則一念未生全體自現那復見有男女形相所以龐

跋語

密雲禪師語錄卷八

三

居士云有男不婚有女不嫁大家團圓頭共說無生語是則豈特千里同堂正所謂無邊刹境自他不隔於毫端十世古今始終不移於當念矣若未得到與麼田地切莫虛度光陰虛生人世一失人身萬劫難復勉之勉之

復嗣宗吳居士

詹居士來接手論云承貧道兩掌者已錯了也更欲猛利直前究明此事又一錯了也何以貧道此兩掌初不打居士前後也若果要究明此事必須摸取此兩掌落處則不作直前直後會亦不作不前不後會

且道畢竟作甚麼會寄個信來相為證明何如何如

復漳州曾居士

諱紹經

來教謂現前赤條條地與貧道相見了者不妨說得相似第恐居士未徹在今指南歸出居士與伊札云欲得貧道法語以為日用提撕貧道但錄龐公偈似居士自看偈曰但自無心於萬物何妨萬物嘗圍繞鐵牛不怕獅子吼恰似木人見花鳥木人本體自無情花鳥逢人亦不驚心境如如只是何慮菩提道不成然則居士自於日用簡點果能如是始得不然縱是龐公與貧道坐在居士腹中也難替居士着力

跋語

密雲禪師語錄卷八

古

復倍之吳居士

諱應芳

來諭云乞師一切掃直下一鉗鎚者貧道但請居士自打一下看是什麼道理不妨再報貧道

與報恩玉林法侄

八月間有僧持辨魔說至上書送天童方丈數字老僧即欲問此僧已去矣適病不及看今在山陰無事偶閱之你判中不無錯處大抵辨人之謬必自立於無過之地方可杜其反覆之口不可不慎今老僧忝為你先輩不得不一點明你所謂高峰前番已悟後但打脫見地者大槩據上堂語不據疑詞書也老僧

卽據上堂爲你斷之高峰上堂所提者正提枕子落地後安身立命之的旨至於奴郎不辨菽麥不分以下足廣文變格令人參悟故復舉觀真讚打破拖死屍句子也卽此可見前番之非大悟矣今你鑒定謂高峰前番旣悟豈不反惹人之駁哉故老僧囑汝之不可不慎也又致嚴居士書末云身有時毀者亦犯一嘗一無嘗之故你年力壯暴宜深造厚養勿輕易著書辨駁不惟招人之議亦自損其德因關老僧故苦口若此你當深思之

復康宇田居士并金陵諸護法

密雲禪師語錄卷八

十五

棒讀來論以報恩事見召第貧道年已七十六歲衰朽不堪祇可住山待盡又安能奉

聖天子青兼領諸大檀越之命也况稟質羸體無應世之才土音習重人多不解伏惟察情容住山修持以報

聖恩以遂初志則感德無涯矣

與朝宗忍上座

汝二番來懺悔固當曲從所請只因汝步步不肯請問六祖當年乞什麼人書得任曹溪此便是千百世下兒孫標榜故吾不敢曲從汝者亦爲千百世下標

榜故也故欲汝深思密想一行一步當爲後人之標榜者是我之本誓願也且曹溪開堂一味只以聰明之資說聰明之話者蓋世人做得出者多看得出者少我當要剝刻之出也

復台州司理蔣居士

承命尊使與定水至接讀教諭貧道不棄有情以數言拔之者貧道豈敢但有一言相勸門下不自棄則不以止觀二字加貧道分上可見門下自戴重於須彌不向前後以作止觀矣

復日至詹居士

復

密雲禪師語錄卷八

十六

貧道賤軀自去夏病起至今翻覆不安故一日枯瘦一日於新正廿四日退居天台通玄寺行步有所不能奈何動便要跌去想不久住世矣此等狀尊价已見之非貧道敢託言於居士分上也然總瓶尊偈結歸云頓棒纔叅生未前者覺有隔生之意亦似兩橛未到古人道如蒿枝拂着落處在且此事莫道貧道替居士不得直饒黃檗老漢再出頭來也替居士不得況畫其像題兩句閒言語皆虛名而已故不敢奉命承惠謝謝病筆不盡伏惟諒之

舉古

舉世尊初生一手指天一手指地周行七步目顧四方云天上天下唯我獨尊 雲門偈云我當時若見一棒打殺與狗子喫貴圖天下太平 師云我不似雲門大驚小怪當時若見但向前以手加額云猫看他面皮向甚處着他更擬議便與驀面一唾 舉世尊因調達謗佛生身入地獄遂令阿難傳問汝在地獄安否達云我雖在地獄如三禪天樂佛又令阿難傳問你還求出否達云我待世尊來便出阿難云佛是三界大師豈有人地獄分達云佛既無入地獄分我豈有出地獄分 翠巖真云親言出親口

密雲禪師語錄卷八

七

師云調達如世刁惡誣謗無罪之人平白陷人反自取陷不能取勝務須打個平交然則翠巖道親言出親口是點罰語是證明語 舉維摩會上三十二菩薩各說不二法門至文殊云我於一切法無言無說無示無識離諸問答是爲菩薩入不二法門文殊問維摩摩默然文殊歎云乃至無有語言文字是菩薩真入不二法門說是入不二法門時於此眾中五千菩薩皆入不二法門得無生法忍 師云不二與默然廣慧爲諸人拈過一邊還見維摩做處麼當備正坐全體本無餘

密雲禪師語錄

卷八

舉慈提遶女問文殊云明知生是不生之理爲何却被生死之所流轉殊云其力未充 師云却勞大士舉洞山於扇上書佛字雲若見却書不字洞山又改作非字雪峰見乃一時除却 師云猶有扇遮羞在我若見和扇燒却看者三個老漢面向甚處着 舉西天大耳三藏到京云得他心通肅宗命忠國師試驗三藏纔見師乃禮拜立於右師問汝得他心通耶藏云不敢師云汝道老僧卽今在甚麼處云和尚是一國之師何得去西川看競渡師良久再問汝道老僧卽今在甚麼處云和尚是一國之師何得向天

密雲禪師語錄卷八

七

津橋上看弄猢猻至第三次問藏良久罔知去處師叱云者野狐精他心通在什麼處 趙州因僧問大耳三藏第三度不見國師未審國師在甚麼處州云在三藏鼻孔裡後僧問玄沙旣在三藏鼻孔裡因甚不見沙云只爲太近白雲端云國師若在三藏鼻孔裡有甚難見殊不知在三藏眼睛裡 師云卽今若有道在三藏眼睛裡因甚不見廣慧向他道非汝境界 舉文殊令善財採藥云是藥者採將來善財偏採無不是藥却來白云無不是藥者文殊云是藥者採將

衆善財乃拈一莖草度與文殊殊提起示衆云此藥亦能殺人亦能活人 天童華云大小文殊被善財換却眼睛 師云天童只知其一不知其二殊不知善財脚不穩被文殊驅使打初待文殊教令採藥却好向道大士且請忌口

舉智者大師誦法華經至藥王品云是真精進是名眞法供養如來於是悟法華三昧獲旋陀羅尼見靈山一會儼然未散 師云大小智者大似開眼說夢舉布袋和尚將布袋并破蓆一領於通衢往來布袋內盛鉢盂木屐魚飯菜肉瓦石土木諸般或於稠

人處

密雲禪師語錄卷八

五

又一一將起問人云者個喚作甚麼 切莫換人眼

睛或在通衢立有僧問和尚在此作麼 問得也好 袋云等個人來 答得也奇 僧云來也 隨

他去也 袋於懷中取一橘子度與僧擬接 將謂

將謂 袋縮手云汝不是者個人 元來元來

舉忠國師因僧問如今和尚亦言卽心是佛諸方尊宿亦言卽心是佛那得有異和尚豈合自是非他忠云夫法有名異體同或名同體異因茲濫矣只如菩提涅槃真如佛性是名異體同真心妄心佛智世智

是名同體異緣諸方錯將妄心便謂真心如人認賊爲子又將世智稱爲佛智猶如魚目而亂明珠不可雷同事須甄別僧問如何離得此過忠云但向汝身心仔細返觀五陰十八界十二處一一推窮有甚麼物僧云今向身心中仔細推窮無一法可得忠云你壞身心相耶僧云身心性離寧有壞乎忠云身心相外更有物否僧云身心尚無外寧有物忠云你壞世間相耶僧云世間相卽無相何用壞忠云若然者卽免過矣 師云國師與者僧論得好正所謂譬諸琴瑟笙篴雖有妙音若無妙指終不能發

密雲禪師語錄卷八

三

三

舉昔有僧去覆船路逢一賣鹽翁僧問覆船路向甚處去翁良久僧又問翁云你忠聲耶僧云你向我道甚處翁云向你道覆船路僧云翁莫會禪麼翁云莫道會禪佛法也會盡僧云試說看翁挑起鹽擔云難翁云你喚作甚麼僧云鹽翁云有甚麼交涉僧云你作麼生翁云不可更向你道是鹽 師云既不可更向道是鹽且向道是甚麼來還有爲翁作主試出來與廣慧相見

舉昔有僧去叅米胡路逢一婆住庵僧云婆有眷屬麼婆云有僧云在甚麼處婆云山河大地若草若木

皆我眷屬僧云婆莫作師姑來麼婆云汝見我是甚
麼僧云是俗人婆云汝不可是僧僧云婆莫混濫佛
法好婆云我不混濫佛法僧云與麼豈不是混濫佛
法婆云汝是男子我是女人豈是混濫 師云若非
者僧爭見得好婆

舉南泉云王老師自小養一頭水牯牛擬向溪東牧
不免食他國王水草向溪西牧亦不免食他國王水
草如今不免隨分納些些總不見得 師云南泉希
圖本分不知翻成分外

舉大梅示徒云來莫可抑住莫可追從客聞鼯鼠聲

支那

密禪師語錄卷八

二五

乃云卽此物非他物汝善護持吾當逝矣 寶峰文
云旣非他物是甚麼物 地藏恩云甚麼語話 師

云將謂無人證明

舉大隨因僧辭隨問甚處去僧云峨嵋禮普賢去隨
豎拂子云文殊普賢總在者裡僧畫一圓相拋向背
後隨云侍者將一帖茶與者僧 師云者僧可謂出
群須是英靈漢敵勝還他師子兒雖然如是將成九
仞之山猶欠一簣之土何故待他喚侍者將一帖茶
與者僧何不向他道也不消得

舉百靈和尚一日路見龐公乃問昔日南嶽得方句

曾舉同人麼公云曾舉來百云舉向甚麼人公以手
自指云龐公百云直是妙德空生也讚之不及公却
問百得力句是誰得知百便戴笠子而去公云善爲
道路百去更不回首 徑山杲云者個話端若不是
龐公幾乎錯舉似人雖然如是百靈輪他龐公一着
何故當時若無破笠遮却惛憒有甚面目見他龐公
師云百靈若無徑山直饒戴破笠子也無出頭分
舉臨濟問寺主甚麼處去來主云州中糴黃米來濟
以拄杖畫一畫云還羅得者個麼主便喝濟便打次
典座至濟乃舉似典座座云寺主不會和尚意濟云

支那

密禪師語錄卷八

二五

你又作麼生座禮拜濟亦打 師云臨濟大師瞞他
一點不得且甚麼處是瞞不得處乃拈拄杖云棒頭
有眼明如日要識真金火裡看遂擲拄杖云看
舉臨濟半夏上黃檗問訊見檗看經云我將謂是個
人元來是個淹黑豆老和尚住數日乃辭去檗云汝
破夏來不終夏了去濟云某甲暫來禮拜和尚檗遂
打趣令去濟行數里疑此事却回終夏 師云直令
天下人疑殺

舉六祖謂門人云吾歸新州汝等速治舟楫門人云
師從此去早晚却回祖云葉落歸根來時無口 五

祖演云祖師恁麼道猶欠悟在 師云五祖恁麼道還端的也無

舉三聖道我逢人卽出卽不爲人興化道我逢人卽不出卽便爲人 師云古今拈提未有出他圈續金粟路見不平每人與二十棒更與二十棒待打個人

舉藥山尋嘗不許人看經一日自將經看僧問和尚不許人看經爲甚却自看經藥云我只要遮眼僧云某甲學和尚看得麼藥云你若看牛皮也須穿 師云藥山豈只遮眼直得通身裹却者僧若看豈止牛

皮須穿直得撞破乾坤始得不被瞞却

密雲禪師語錄卷八

二十三

舉德山云今夜不答話問話者三十棒時有僧出禮拜山便打僧云某甲話也未問爲甚打某甲山云你是甚處人僧云新羅人山云未跨船舷好與三十棒 師云古今拈提者極多錯會者不少殊不知德山出一計要尋知己者僧若是敵手待他打時但接棒輕輕推一推不唯絕斷他後來葛藤管者老漢必也全身遠害

密雲禪師語錄卷第八終

密雲禪師語錄卷第九

嗣法門人通雲編

拈古

舉世尊一日陞座大衆集定文殊白樋云諦觀法王法法王法如是世尊便下座 拈云文殊大似認影迷頭世尊也是脚跟不着地

舉阿難尊者問迦葉云世尊傳金襴袈裟外別傳個甚麼迦葉召阿難阿難應諾迦葉云倒却門前刹竿着 拈云阿難自討得個忙

舉三祖商那和修問瓊多尊者汝年幾耶云我年十

七

密雲禪師語錄卷九

一

七祖云汝身十七耶性十七耶者云師髮已白爲髮白耶心白耶祖云我但髮白非心白爾者云我身十七非性十七 拈云大小祖師話作兩橛

舉龍樹大士見迦那提婆來先令侍者將一碗水置面前迦那提婆見乃取一針投之樹繇是大喜 拈云迦那提婆刺腦入膠盆卽今莫有救得者麼若也救得還我頭來

舉般若多羅尊者路行次或有人問汝行何急乃云汝行何慢又問汝姓甚麼乃云與汝同姓或凡或聖人莫能測 拈云大小祖師被路人換却眼睛

舉神會到思和尚處思問甚處來云曹溪思云曹溪意旨如何會振身立思云猶帶瓦礫在云和尚此間莫有真金與人麼思云設有與汝向甚處着 拈云諸禪德神會恁麼也不無見處因甚思和尚道猶帶瓦礫在當時合下甚麼語免爲點罰何不待伊道曹溪意旨如何但向道合取狗口伊若擬議驀面一唾便行豈不俊哉乃振身而立可謂隨邪逐惡更云和尚此間莫有真金與人益見不啣啍然則卽今莫有振身而立者麼廣慧要與伊三十棒且道是賞伊罰伊

密雲禪師語錄卷九

二

舉瀉山石上坐仰山侍立次忽鴉銜一柿落在面前仰取柿拭過呈似瀉爲云子甚處得來仰云此是和尚道德所感瀉云汝也不得無分卽分半與仰 玄沙云大小瀉山被仰山一坐至今起不得 拈云玄沙祇知瀉山被仰山一坐至今起不得竟不知仰山被瀉山半個柿子塞却咽喉至今轉氣不得 舉南泉云道個如如是變也今時師僧須向異類中行 拈云且道南泉恁麼道意在於何 歸宗云雖行畜生行不得畜生報 師云者漢又恁麼去也 舉大川和尚有江陵僧叅川云幾時發江陵僧提起

坐具川云謝子遠來下去僧便出川云若不恁麼爭知眼目端的僧拊掌云苦殺人幾錯判諸方老宿川肯之僧舉似丹霞云於大川法道卽得於我者裡卽不然僧云未審此間作麼生霞云猶較大川三步僧禮拜霞云錯判諸方底甚多洞山聞云不是丹霞難分玉石 拈云洞山老漢失却一隻眼須知者僧禮拜不是好心只是後來少一轉語前話不圓所以遭人簡點當時待丹霞云錯判諸方底甚多但拊掌笑云者老漢大似不打自招如此則任是老丹霞也未免疑着

密雲禪師語錄卷九

密雲禪師語錄卷九

三

舉二祖云至道無難唯嫌揀擇但莫憎愛洞然明白德山繪和尚云至道最難須是揀擇若無憎愛爭見明白 拈云者兩個老古錐同行不同步同得不同失指望盡力扶持至道殊不知一個被無難等蓋却一個被最難等蓋却至今無有出頭處更說甚麼明白山僧恁麼批判衆中莫有傍不甘者道他明白且道甚麼處是明白處試出來對衆拈出看 舉趙州云至道無難唯嫌揀擇纔有語言是揀擇是明白老僧不在明白裡諸人作麼生護惜時有僧問旣不在明白裡護惜個甚麼州云我亦不知云和尚

既不知爲甚道不在明白裡州云問事卽得禮拜了退 拈云大小趙州大似推惡離已何不與本分草料

舉僧問趙州萬法歸一一歸何處州云我在青州做領布衫重七斤 拈云我不似趙州委曲如有問萬法歸一一歸何處劈脊便棒不惟直截抑且免致伊向萬法歸一一歸何處躲根

舉雲門問直歲今日作甚來云刈茅來門云刈得幾個祖師云三百個門云朝打三千暮打八百東家杓柄長西家杓柄短作麼生歲無語門拈拄杖打 徑

敲脚

密雲禪師語錄卷九

四

山杲云直歲無語有三百個祖師證明雲門令雖行要且棒頭無眼 拈云惜乎徑山不與山僧同時若同卽代雲門與伊一頓何以要知雲門棒頭有眼舉世尊因普眼菩薩欲見普賢不能得見乃至三度入定徧觀三千大千世界竟普賢不能得見而來白佛佛云汝但於靜三昧中起一念便見普賢普眼於是纔起一念便見普賢向虛空中乘六牙白象 雲居舜云諸仁者且作麼生會雲居道普眼推倒世尊世尊推倒普眼且道普賢在甚處 拈云雲居恁麼道未免傍觀者哂乃召衆云誰是傍觀者

舉世尊因耆婆善別音響至一塚間見五髑髏乃敲一髑髏問耆婆此生何處云生人道又敲一云此生何處云生天道又別敲一髑髏云此生何處耆婆罔知生處 拈云世尊大似有先鋒無殿後待耆婆罔知處便好也與一敲何故不見道先以定動後以智拔

舉勝思惟梵天問不退轉天子云天子我嘗於此佛國土不曾見汝天子云梵天我亦不曾於此國土不曾見我 拈云者二漢各自分疆立界各不相見各各自稱尊殊不知侍觀者醜乃召大眾云金粟恁

敲脚

密雲禪師語錄卷九

五

麼告報諸人還覺慚愧麼

舉石臼參馬祖祖云甚處來云烏臼來祖云烏臼近日有何言句白云幾人於此茫然祖云茫然且置悄然一句作麼生白乃上前三步祖云我有七棒寄打烏臼你還甘否白云和尚先喫某甲後甘 拈云我作馬祖便與一棒看者漢作麼合殺

舉龐居士問馬祖不昧本來人請師高着眼祖直下覷士云一種沒絃琴唯師彈得妙祖直上覷士乃作禮祖歸方丈士隨後入云弄巧成拙 拈云我作馬祖待他道不昧本來人請師高着眼臂脊便打他更

道一種沒絃琴唯師彈得妙乃連棒打出何故免伊
向弄巧成拙處坐地

舉茱萸更示衆云你等諸人莫向虛空裡釘樞時有僧
出云虛空是樞萸便打僧云莫錯打某甲萸便歸方
丈 拈云茱萸當時打者僧果錯不錯若錯爲甚歸
方丈若不錯爲甚歸方丈大衆試斷看復云疑殺人
舉瀉山云老僧百年後向山下作一頭水牯牛右脇
書五字云瀉山僧某甲此時若喚作瀉山僧又是水
牯牛若喚作水牯牛又是瀉山僧且道喚作甚麼卽
得 拈云瀉山大似不打自招復云還知金粟落處

敲

密雲禪師語錄卷九

六

麼

舉黃檗示衆云汝等諸人盡是啗酒糟漢與麼何有
今日還知大唐國裡無禪師麼時有僧云只如諸方
匡徒領衆又作麼生檗云不道無禪只是無師 拈
云黃檗大似龍頭蛇尾當時待者僧云只如諸方匡
徒領衆又作麼生和聲便打更若擬議劈脊打出却
恁老婆可謂酒糟太多

舉瀉山問仰山甚處來仰云田中來瀉云田中多少
人仰插鋤叉手而立瀉云今日南山大有人刈茆仰
拽鋤而去 拈云我若作仰山待瀉山問田中多少

人便乃出不惟截斷瀉山後來老婆教伊討鼻頭不
着亦乃作天下人榜樣

舉仰山夢往彌勒內院居第二座有一尊者白槌云
今當第二座說法仰起白槌云摩訶衍法離四句絕
百非諦聽諦聽 拈云古今尊宿都向仰山白槌處
拈提殊不知仰山當時刺腦入膠盆被尊者白槌云
今當第二座說法腦門粉碎了也若拂袖便行直令
一院聖衆疑着猶更白槌逐塊不少且當時聖衆散
去是聽仰山散去不聽仰山散去仰山入內院居
第二位是夢耶不是夢耶若是夢瀉山因甚道子已

敲

密雲禪師語錄卷九

七

登聖位今日有爲古人作王者試出來與金粟相見
舉靈雲見桃花悟道有頌云三十年來尋劍客幾回
葉落又抽枝自從一見桃花後直至而今更不疑舉
似瀉山云從緣得入永不退汝善護持次舉似
玄沙沙云諦當甚諦當敢保老兄未徹在 徑山杲
舉古今拈提了云一家有事百家忙 拈云說甚一
家有事百家忙直是一盲引衆盲

舉南源明禪師因洞山叅方上法堂明云已相見了
也山便下去明日却上問云昨日已蒙和尚慈悲不
知甚麼處是與某甲相見處明云心心無間斷流入

於性海山云幾合放過 拈云天童若作南源待洞
山云不知甚處是與某甲相見處便劈春棒免致洞
山道幾合放過

徵古

東洛浦久爲臨濟侍者濟嘗稱臨濟門下一隻箭誰
敢當鋒浦一日辭濟濟問甚處去浦云南方濟以拄
杖畫一畫云過得者個便去浦喝濟便打浦禮拜濟
明日陞堂云臨濟門下有一赤稍鯉魚搖頭擺尾向
南方去不知向誰家壑裏淹殺 徵云者便是第
一個學喝底榜樣且如臨濟以拄杖畫云過得者個

徵古

密雲禪師語錄卷九

八

便去合作麼免得他打及免向人家壑裏淹殺
舉僧問灌溪久嚮灌溪到來只見漚麻池溪云汝只
見漚麻池要且不知灌溪僧云如何是灌溪溪云劈
箭急玄沙云更學三十年未曾禪 徵云且甚處是
灌溪未曾禪處具擇法眼者試斷看
舉世尊初生一手拈天一手拈地周行七步目顧四
方云天上天下唯我獨尊 雲門偈云我當時若見
一棒打殺與狗子喫貴圖天下太平 徵云諸仁者
世尊還有過也無若有甚麼處是世尊過處若無雲
門恁麼道意旨如何試簡點看

舉世尊因文殊至諸佛集處值諸佛各還本處唯有
一女子近佛坐入於三昧文殊白佛云何此女得近
佛坐而我不得佛告文殊汝但覺此女令從三昧起
汝自問之文殊遶女三匝鳴指一下乃托至梵天盡
其神力而不能出世尊云假使百千文殊亦出此女
定不得下方過四十二恒河沙國土有闍明菩薩能
出此女定須更闍明從地湧出作禮世尊勅闍明出
闍明却過女前鳴指一下女子於是從定而出 徵
云出得出不得且置作麼生是底定
舉德山問龍潭久嚮龍潭到來潭又不見龍又不現

徵古

密雲禪師語錄卷九

九

潭云子親到龍潭山乃作禮 徵云既曰潭又不見
龍又不現因甚道子親到龍潭且甚麼處是親到處
試斷看

舉世尊因文殊在門外立乃云文殊何不入門來殊
云我不見一法在門外何以教我入門 徵云門外
入門則且置喚甚麼作門

舉世尊因外道問不問有言不問無言世尊據坐外
道讚歎云世尊大慈大悲開我迷雲令我得入 徵
云世尊據坐外道未嘗據坐且甚麼處是外道人
舉龐居士到芙蓉山大斲禪師處斲行食與居士

擬接毓縮手云生心受施淨名早呵去此一機居士還甘否士云當時善現豈不作家毓云非關他事士云食到口邊被他奪却毓乃下食士云不消一句微云祇如居士道不消一句且是食到口邊耶是被他奪却耶具眼者試定看

舉世尊因黑瓜梵志運神力以左右手擎華兩株來供養佛佛召云仙人志應諾佛云放下着志遂放下左手一株華佛又召仙人放下着志又放下右手一株華佛又云仙人放下着志云世尊我今空身而住更教放下個甚麼佛云吾非教汝放捨其華汝當放

捨外六塵內六根中六識一時捨却無可捨處是汝免生死處處志於言下悟無生忍 微云只捨六根六塵六識可謂俱捨甚麼處是無可捨處是元生死處又喚甚麼作無生忍而言悟乎

舉六祖因風颺刹旛動有二僧對論一云風動一云旛動往復未曾契理祖云不是風動不是旛動仁者心動二僧竦然 微師高呼大衆衆皆舉首遂舉拂子搖曳云且道風動耶拂動耶心動耶

舉六祖謂門人云吾歸新州汝等速治舟楫門人云師從此去早晚却回祖云葉落歸根來時無口 微

云且道祖師爲門人答話耶說道理耶

舉阿難白佛言今日出城見一奇特事佛云見何奇特事難云入城見一橫樂人作舞出城總見無嘗佛云我昨日入亦見一奇特事難云未審見何奇特事佛云我入城時見一橫樂人作舞出城時亦見樂人作舞 微云阿難與世尊所見還有優劣也無若無世尊與阿難所見不同若有利害在甚麼處舉二祖云覓心了不可得三祖云今日始知罪性不在內外中間如其心然 微云一人覓心了不可得紹祖位一人一切如心紹祖位是同是別若別則不應

相紹祖位若同爲甚一人有心一人無心諸人試簡點看喚甚麼是心喚甚麼是無心

舉鹽官會下有王事僧忽見鬼使來追僧告云某甲身充主事未假修行乞容七日得否使云待爲白王若許七日後來不然須更便至言訖不見至七日後復來竟覓其僧了不可得 微云前頭鬼使因甚見後頭鬼使爲甚不見

舉南泉與杉山向火次乃云不用指東畫西本分事直下道將來杉以火箸插向爐內泉云直饒如是猶較王老師一線道又如前問趙州州遂畫一圓相中

心點一點泉云直饒如是猶較王老師一線道 徵云甚麼處是猶較王老師一線道處復云且王老師在甚麼處作活計

舉杉山因普請擇蔴次南泉提起一莖云者個大好供養山云非但者個百味珍饈他亦不顧泉云雖然如是個個須嘗過始得 徵云祇如南泉道個個須嘗過始得是肯杉山不肯杉山若肯杉山又道非但者個百味珍饈他亦不顧若不肯爲甚道個個須嘗過始得

舉睦州喚僧云大德僧回首州云擔板漢 徵云且

密雲禪師語錄卷九

十二

道睦州賞伊罰伊若道罰伊者僧喚既回首甚麼處是擔板處若道賞伊睦州因甚道擔板漢諸人也須簡點始得莫學矮子看戲好

舉水潦問馬祖如何是西來的的意祖乃當胸踏倒潦大悟起來拊掌呵呵大笑云也大奇也大奇百千三昧無量妙義只向一毫頭上一時識得根源去乃作禮而退任後示衆云自從一喫馬師踏直至如今笑不休 蔣山泉云忽然瞥地更是好笑 徵云只如蔣山道忽然瞥地更是好笑且道在那個分上若有人道得許伊瞥地好笑

別古

舉世尊與阿難行次見一古佛塔世尊便作禮難云此是甚麼人塔世尊云過去諸佛塔難云過去諸佛是甚麼人弟子佛云是吾弟子難云應當如是 別云廣慧若作阿難待世尊道是吾弟子但問佛是甚麼人弟子待世尊擬開口時便乃作禮却謂應當如是隨風倒柁豈是丈夫

舉昔有外道問一入定僧輪王衆生種非佛非羅漢不受後有身是甚麼義僧便入定問彌勒彌勒爲答了却出定語外道云譬如陶師埏埴成器 別云廣

密雲禪師語錄卷九

密雲禪師語錄卷九

十三

慧則不然見他道輪王衆生種非佛非羅漢不受後有身是甚麼義只向他道親言出親口

舉肅宗帝問忠國師百年後所須何物忠云與老僧造個無縫塔云請師塔樣忠良久云會麼云不會忠云吾有付法弟子耽源却諳此事請諮問之帝後詔源問源乃頌云湘之南潭之北中有黃金充一國無影樹下合同船琉璃殿上無知識 別帝於國師良久處云會麼但向道恁麼則不必更造也不惟不虛供養國師要且截斷國師詔耽源云云 保寧勇云非父不生其子師云殊不知養子不及父家門一世

衰 別航源呈頌處但展兩手云請陛下鑒麼稍不辱其父耳

舉忠國師問南泉甚處來云江西忠云還將得馬師真來不云祇者是忠云背後底聲泉休去 別云待伊道還將得馬師真來不轉身便行不惟教許大國師討鼻頭不着抑使國師免向面前背後作活計 舉忠國師問紫璘供奉大德所蘊何業云青龍疏忠云是金剛經麼云是忠云經文最初兩字喚作甚麼云如是忠云是甚麼奉無語又問城南草作何色云作黃色忠乃問童子城南草作何色云作黃色忠云

密雲禪師語錄卷九

直

祇者童子亦可簾前賜紫對御談玄 別待他道經文最初兩字喚作甚麼并問城南草作何色但向道大小國師寐語作麼他若更言便震威一喝而行 舉雪竇云天得一以清地得一以寧衲僧得一以無風浪與爾若辨得禍不入慎家之門 別云者龍頭蛇尾漢錯下註脚乃云天得一以清地得一以寧衲僧得一以無風浪與以拄杖一時趁散 舉睦州因西峰長老至茶次問長老今夏在甚處安居云蘭溪州云有多少衆云七十來人州云時中將何示徒峰拈起柑子州云着甚麼死急 別拈柑處

云老老大大猶問在復代着甚麼死急處云真善知識瞞一點不得

舉臨濟侍德山次山云今日困濟云者老漢寐語作麼山便打濟掀倒禪床 別濟掀倒禪床處若作臨濟拽禪床裏面擲可謂得人一牛還人一馬但掀倒禪床大似不柰船何打破舟斗

舉洞山因秦首座喫菓子次乃問有一物上拄天下拄地黑似漆嘗在動用中動用中收不得你道過在甚麼處座云過在動用中山令掇退菓桌 別首座拈起菓子云賓主歷然洞山若再擬議掀倒菓桌便

密雲禪師語錄卷九

五

行

舉僧問灌溪久嚮灌溪到來只見漚麻池溪云汝只見漚麻池要且不識灌溪云如何是灌溪溪云劈箭急 別云灌溪雖拽轉人鼻孔爭柰惹人情見何不待伊問如何是灌溪劈脊便打 舉僧問石霜咫尺之間爲甚不覩師顏霜云我道徧界不曾藏僧後問雪峰徧界不曾藏意旨如何峰云甚麼處不是石霜僧回舉似霜霜云者老漢着甚麼死急 師云雪峰石霜大似勞而無功乃別云忽有人問咫尺之間爲甚不覩師顏霜而使唾若問徧界

不曾藏意音如何劈春便棒復云好不識羞

舉僧問龍牙十二時中如何用力牙云如無手人行拳石門聰云道即太煞道只道得一半乃云如無舌人解唱歌始得別云石門也只道得一半直須通身如舌手始得

舉僧問乾峰十方薄伽梵一路涅槃門未審路頭在甚處處峰以拄杖畫一畫云在者裡僧復請益雲門門拈起扇子云扇子踰跳上三十三天築着帝釋鼻孔東海鯉魚打一棒雨似盆傾會麼別云古今皆謂二老作家善能通變殊不知弄巧成拙忽有問十

密雲禪師語錄卷九

七

方薄伽梵一路涅槃門未審路頭在甚處處只向道看脚下

代古

舉維摩因須菩提持鉢到乃取鉢滿盛香飯謂須菩提曰若能於法等者於食亦等乃至入諸邪見不到彼岸住於八難不得無難同於煩惱離清淨法汝得無淨三昧一切衆生亦得是定其施汝者不名福田供養汝者墮三惡道爲與衆魔同一手作諸勞侶汝與衆魔及諸塵勞等無有異於一切衆生而有怨心謗於佛毀於法不入衆數終不滅度汝若如是乃可

取食須菩提聞此茫然不知以何答置鉢欲去代云廣慧若作須菩提但擎鉢舞躍而出

舉大義禪師問諸碩德云行住坐臥畢竟以何爲道有對云知者是義云不可以智知不可以識識何謂知者是有對云無分別別是義云善能分別諸法相於第一義而不動安得無分別是有對云四禪八定是義云佛身無爲不墮諸數安得四禪八定是耶時舉衆杜口代云和尚面皮厚多少

舉僧問歸宗如何是觀音妙智力宗敲鼎蓋三下云還聞麼云聞宗云我何不聞僧無語宗以棒趁下

代古

密雲禪師語錄卷九

七

代僧無語處撫掌云某甲聞和尚不聞代以棒趁下處但接棒輕輕推一推云學人不敢重煩和尚

舉僧謂趙州云某甲從長安來橫一條拄杖不曾撥着一人州云自是大德拄杖短僧無語代云某甲罪過不意輕觸和尚

舉僧參趙州州問甚處來云南方州云佛法盡在南方汝來作麼云佛法豈有南北州云饒汝從雪峰雲居來也只是個擔板漢僧無語代云若不是某甲被和尚遮却

舉仰山攜一杖子僧問甚處得仰山拈向背後僧無

代以手鼓掌笑云今日識得和尚

舉末山尼了然因僧到叅然云太纏縷生云雖然如是且是師子兒然云既是師子爲甚被文殊騎僧無對 代震威一喝伊再動靜掀倒禪床便行

舉洞山問德山侍者從何方來云德山來洞云來作甚麼云孝順和尚洞云世間甚麼物最孝順者無對 代云唯其最孝順或云作麼孝順直道吾嘗於此切

舉乾峰問衆云輪迴六趣具甚麼眼衆無對 代云具輪迴六趣眼

密雲禪師語錄卷九

天

舉僧叅聖壽嚴嚴補衲次提起云山僧一衲衣展似衆人見雲水請兩條莫教露針線快道僧無對 代云請和尚放下卽道待伊放下却自提衣而出

舉僧問招慶匡禪師如何是提宗一句慶云不得昧着招慶僧禮拜起慶云不得昧着招慶囑汝作麼生是提宗一句僧無對 代云學人自領去

舉世尊將諸聖衆往第六天說大集經勅他方此土人間天上一切憚惡鬼神悉皆集會受佛付囑擁護正法設不赴者四天門王飛熱鐵輪追之令集既集會已無有不順佛勅者各發弘誓擁護正法惟一魔

密雲禪師語錄

卷九

王謂世尊云瞿曇我待一切衆生成佛盡衆生界空無有衆生名字我乃發菩提心 代世尊云唯汝欸分明

舉世尊因耆婆善別音響至一塚間見五髑髏乃敲一髑髏問云此生何處耆婆云生人道世尊又敲一云此生何處耆婆云生天道世尊又別敲一髑髏云此生何處耆婆罔知生處 代耆婆但云生佛處世尊若擬議時便與震威一喝呵呵大笑而行

舉達磨初至梁因武帝問如何是聖諦第一義磨云廓然無聖云對朕者誰磨云不識帝不領悟 代云

不枉西來

密雲禪師語錄卷九

九

舉忠國師因虞軍容問師住白崖山如何修行師喚童子以手摩頂云惺惺直言惺惺歷歷直言歷歷向後莫受人瞞軍容無語 代云不問那知

舉無着到五臺文殊陪喫茶次殊拈起玻璃盞問南方還有者個麼云無殊云尋嘗將甚麼喫茶着無對

代卽以盞薦口擲云只將者個

舉鶴林素禪師因僧敲門林問是甚麼人云是僧林云非但是僧佛來也不着云佛來爲甚不着林云無汝止泊處 代當時打破門行

舉荷澤神會禪師到思和尚處思問甚麼處來會云曹溪思云曹溪意旨如何會振身立思云猶帶瓦礫在會云和尚此間莫有真金與人麼思云設有與汝向甚麼處着代猶帶瓦礫在處但作嘔噓聲代設有與汝向甚麼處着云元來元來

舉西天大耳三藏到京云得他心通肅宗命忠國師試驗藏纔見師乃禮拜立於右師問汝得他心通耶藏云不敢師云汝道老僧即今在甚麼處藏云和尚是一國之師何得去西川看競渡師良久再問汝道老僧即今在甚麼處藏云和尚是一國之師何得向

支那

密雲禪師語錄卷九

三

天津橋上看弄獅獅至第三次問藏良久罔知去處師叱云者野狐精他心通在甚麼處代三藏罔知去處云和尚是一國之師何得寐語代國師叱藏處云重言不當吃復云却是和尚善他心通

舉昔有官人入鎮州天王院觀神像因問院王此是甚麼功德云護國天王官云只護此國徧護餘國云在秦爲秦在楚爲楚官云臘月二十九日打破鎮州城天王向甚處去王無對代云官人切莫造反復云今日得官人作證

舉昔有持鉢僧至長者家偶爲犬傷長者因問龍披

一縷金翅不吞大師全披法服爲甚却被狗咬代云却是着畜生具眼

舉南泉典座辦兩分食詣園中管顧園頭食時展鉢次忽有念佛鳥鳴園頭乃敲鉢一下又鳴再敲一下鳴既住頭乃問典座會麼座云不會又敲一下代云敲即任你敲會即我不會

舉昔有僧還魂云冥中見地藏遂問某平生修何行業某云念法華經藏云止止不須說爲是說爲是不說某無對代爲是說爲是不說處云當時與一喝復於某無對處云且喜汝果得還魂

支那

密雲禪師語錄卷九

二二

舉昔有老宿問座王疏鈔解義廣畧如何王云鈔解疏疏解經宿云經解甚麼王無對代云和尚不得重加箋釋

舉南泉云王老師賣身去也還有人買麼時有僧出云某甲買泉云不作貴不作賤你作麼生買僧無對代云恰好

舉鹽官一日喚侍者將犀牛扇子來者云破也官云扇子既破還我犀牛兒來者無對代向前云來也舉鹽官問一座王蘊何經云華嚴經官云華嚴經有幾種法界云畧言有四廣說則重重無盡官豎起拂

子云者是第幾種中收主無對 代云却請和尚收起

舉僧問趙州至道無難唯嫌揀擇如何得不揀擇州云天上天下惟我獨尊云此猶是揀擇州云田庫奴甚麼處是揀擇 代云天上天下惟我獨尊聲者老漢更若提議一喝便行

舉陸巨大夫因南泉遷化來吊慰院王問大夫何不哭云院王道得巨即哭王無對 代云蒼天蒼天舉瀉山問仰山甚處來仰云田中來瀉云田中多少人仰掉鐵叉手而立瀉云今日南山大有人刈茆仰

支那

密雲禪師語錄卷九

三

拽鋤而去 代瀉山待仰山拽鋤而去隨劈脊一棒云且道賞你罰你若能如此瀉仰宗旨不致寂寥舉仰山指雪獅子云還有過得此色者麼衆無對 代但騎却雪獅子

舉洞山因泰首座喫菓子次乃問有一物上拄天下拄地黑似漆嘗在動用中動用中收不得你道過在甚麼處座云過在動用中山乃令掇却菓桌 代但打掇菓桌者待洞山動靜便與一喝

密雲禪師語錄卷第九終

密雲禪師語錄卷第十

嗣法門人通門編

頌古

世尊初生

纔出胞胎脫體彰指天指地爲人揚引他無限癡男女天上人間沒處藏

世尊勅阿難持鉢

佛佛儀容要現前瞿曇爲說老婆禪可憐慶喜憊羅去猶待人呼倒刹竿

世尊拈花

支那

密雲禪師語錄卷十

二

世尊脫體風流迦葉渾身賣俏當時百萬人天只見拈花微笑

女子出定

出得出不得無在無不在女子與瞿曇靈山元一隊君不見臺山路口葛直婆明州市裡愁布袋

楞嚴經世尊於大衆中舒金色臂摩阿難頂告示阿難及諸大衆有三摩提名大佛頂首楞嚴王具足萬行十方如來一門超出妙莊嚴路

大慈世尊真大慈舉手以摩阿難頂咸作哀憐攝受看幾人能此發深惺

吾不見時何不見吾不見之處若見不見自然非彼不見之相若不見吾不見之地自然非物云何非汝

空山不見人但聞人語響返景入深林復照青苔上

若能推者卽是汝心則是認賊爲子修山王云若能推者不是汝心則是認賊爲子

如今推也是子是賊度體裁衣短長自識

若能轉物卽同如來

若能轉物卽如來黃面瞿曇好掌腮未舉已前先薦得翻身獨步上天台

後跋

密雲禪師語錄卷十

二

圓覺經居一切時不起妄念於設妄心亦不息滅任妄想境不加了知於無了知不辨真實

明明見了非他見了了嘗知無別知山月如銀牽老

與閒行不覺過峰西

法華經假使滿世間皆如舍利弗盡思共度量不能測佛智

如何是佛智共汝謾商量人貧覺智短馬瘦見毛長
嘻嘻咄叅

此經開方便門示真實相深固幽遠無人能到

你知我不知我到你不到彼此自分明咄哉黃面老

金剛經凡所有相皆是虛妄若見諸相非相卽見如來

明明百草頭明明祖師意衲僧若恁麼何曾摸着鼻經首題八字

以字不成八字錯碧眼胡兒難註脚我土聰明人強名天將夫子爲木鐸

維摩默然

居士何曾是默然文殊不二妄加呈白雲影裡怪石露只可惺惺不可名

七賢聖女遊屍陀林

後跋

密雲禪師語錄卷十

三

陰陽不涉閒田地叫不應山何處所突然伸出個拳頭無根樹子花朵朵

舍利弗入城遙見月上女出城

僧女相逢在市廛交頭接耳語喃喃月上女太無端

如他去也甚何堪

迦葉召阿難

金襴傳外別何傳驀召阿難似可堪倒却門前刹竿着阿難依舊被他謾

傳大士見梁武帝不起

大小傳大士一欸便成招雖然身不動爭奈舌頭搖

傳大士披衲頂冠靴履見梁武帝

道冠儒履佛袈裟無限平人被此遮三事問來三指
破至今猶有眼生花

布袋和尚

一個破布袋盡大千界無奈渾身沒處藏却向人
前生捏怪

達磨面壁

老胡九年冷坐爭奈無人勘破我若當時看見劈脊
一拳打倒

三祖懺罪

支那

密雲禪師語錄卷十

四

滿身瘋恙滿身愁覓罪分明叵得繇從此通身都改
變正生瘋處正風流

五祖弘忍大師

誰是前身孰後身分明有口也難伸無端累彼周家
女疑殺世間多少人

道明禪師趣盧行者

妄將衣鉢便爲然不信端繇有悟緣盡力不能提得
起始疑衣鉢不虛傳不虛傳乞方便莫思惡今莫思
善正與麼時明上座那個分明本來面

忠國師三喚侍者

國師三喚出枯腸侍者連聲舉廣長負吾負汝重註
腳至今天下亂搏量

南嶽懷讓禪師

恁麼來今甚麼物不似一物還似屈堂堂直下用無
私後代兒孫施棒喝

青原行思禪師

聖諦不爲階不落還似情存捨兩頭臥龍若解翻身
轉始可全提向上籌

青原因僧問佛法大意云廬陵米作麼價

青原老喫廬陵飯米價猶來似不知端的見他何大

支那

密雲禪師語錄卷十

五

意莫教辜負兩行眉

馬祖三十年不曾少鹽醬

馬師說法足鹽醬盡十方人皆供養若是衲僧沾着
唇一條窮命通身喪

百丈捲席

馬祖陞堂百丈捲席分明一貫兩個五百

馬祖卽心卽佛非心非佛

卽心卽佛非心非佛大小馬師舌頭無骨

馬祖不安

日面月面晝夜嘗現孰信盲人却自能見

百丈野狐

不昧不落舌在上臙一任諸人胡穿亂鑿
不落不昧聲出皮袋百丈野狐兩個一對

百丈再參馬祖

馬師喝下意非嘗百丈聾時據有方堪笑而今効聾
者誰知黃檗舌頭長

女子哭上法堂

爺娘俱喪孰爲親大哭嗥咷苦獨身選日一時都葬
却至今疑殺世間人

南泉牧牛

密雲禪師語錄卷十

六

不如隨分納些些一種風流出當家兩角橫分開正
眼騰騰任運自生涯

南泉庄上喫油糰

偷喫油糰阿誰見你不說不知不識廉恥

南泉平嘗心是道

平嘗心是道南泉是王老日用事無餘全身入荒草

歸宗斬蛇

廬嶽宗師特異嘗險行惡道作慈航賺他無限癡男
女開眼堂堂入鑊湯

盤山云光境俱忘復是何物洞山云光境未忘復

是何物

忘不忘時境復何思量貧恨一身多可憐昔日王羲
之却寫黃庭換白鵝

東寺云心不是佛智不是道劒去久矣爾方刻舟

衝開碧落松千尺截斷紅塵水一溪飽食高眠人不
識日從東畔又沉西

魯祖面壁

池陽老子本堂堂纔見僧來轉放光獨耀無私人不
薦翻爲面壁錯商量

龐居士參馬祖

密雲禪師語錄卷十

密雲禪師語錄卷十

七

一口吸盡西江水多少行人作道理野老年來氣力
頽只顧早眠并晏起

龐居士無生話偈

男不婚女不嫁團圓共說無生話無生話沒縫罅三
十山藤猶好打

龐婆入鹿門寺作齋

維那對衆要宣揚却自婆婆做一場梳插髻邊便歸

去闍黎不薦太茫茫

藥山石上坐次

不爲不閒坐笑倒破窻隨有人來問我正好葛面唾

藥山陞座衆纔集便下座歸方丈師着語云看破了也院主問其故山云經有經師論有論師爭怪得老僧師着語云看破了也
一看破二看破人人鼻孔下頭大珍重諸人摸取好若摸錯時休怪我

藥山看經

梵語唐言總一般言端端更語端端要知遮得何人眼試把牛皮仔細看

李翱見藥山

雲在青天水在瓶藥山無地可容身真金自是真金

教部

密雲禪師語錄卷十

八

價終不和沙賣與人

丹霞燒木佛向火

木佛燒來身體暖眉鬚墮落面皮光明明果報無藏處堪笑時人亂度量

潏山踢倒淨瓶

百丈舉起少火潏山直下看破翻身踢倒淨瓶壓倒華林首座

潏山見劉鐵磨來云老牯牛汝來也磨云來日臺山大會齋和尚還去麼潏放身作臥勢磨便出去一似戲話一似相罵得人一牛還人一馬作臥便行

可知禮也

潏山問仰山終日與子商量成得甚麼邊事仰空中畫一畫潏云若不是吾終被汝惑

忙忙空裡畫一畫我子已被潏山惑一畫潏山不受瞞千古萬古堪爲則

黃檗在鹽官殿上禮佛

一棒一條痕一掌一握血要知不着佛法僧所得試看血痕何處出

裴相國拓佛安名

佛之一字繇來覺馬字驢名總一般了知性字原無

教部

密雲禪師語錄卷十

九

我喚着東西便喜歡

子湖看狗

子湖一隻狗取人足心首未見忽聞名渾身覺一口白馬曇炤禪師

一生叫快活臨終却叫苦拈起枕头時大蟲元是虎珍重諸人切忌莽鹵擬議商量東秦西魯

陸亘大夫問南泉天地同根話

天地同根物一體黃鸞啼在深花裡可憐大夢未醒人空聽好音迷自己

夾山參船子

離鈎三寸如何道一橈打入洪波跳忽覺來時自點頭請續此句

趙州問南泉知有底人向甚麼處去泉云山前檀越家作一頭水牯牛去州云謝師指示泉云昨夜

三更月到牕

擎頭戴角果軒昂趙老當頭奪父強知有底人何處去月明依舊照寒牕

趙州四佛

泥佛不度水堪笑趙州賣口嘴金佛不度爐丈夫誰肯受糊塗木佛不度火靚面何曾辜負我真佛內裡

支那

密雲禪師語錄卷十

十

坐無限平人多蹉過

庭前栢樹子

趙州栢樹子撐天兼拄地頂門眼豁開我却不是你趙州密密意

冷地分明事極精等閒觸着便生情閑時事着忙時用會處應教用處親

趙州喫茶去

逢人豈是閒開口堪笑都從語脉走留坐喫茶珍重去到底未聞獅子吼

趙州洗鉢話

喫粥了也洗鉢去大似茫茫無本據有本據其僧自是無藏處

趙州狗子無佛性

狗無佛性全提正令擬議思量錯過窮命

臨濟三頓棒

連打三番不展眸更饒一撥始昂頭築拳鼓掌威聲甚虎尾虎頭通併收

臨濟枉遭三頓棒累及兒孫恨不消一報到頭還一報至今代代不相饒

最喜當仁不讓人築拳鼓掌絕疎親可憐千百年前

支那

密雲禪師語錄卷十

十二

事直至今有幾人

臨濟凡見僧入門便棒便喝

祖令全提繼後踪示徒端不在從容棒頭擊起隈岩虎霹靂轟騰臥海龍

臨濟兩堂首座同時下喝

一條拄杖兩人扶試問諸人會也無滿目堂堂通是漢幾個男兒是丈夫

大隨隨他去

壞亦壞今隨亦隨幾人於此轉猜疑山僧爲汝分明說壞壞隨隨個是誰

陳操尚書登樓勘僧

羅龍不任喚無回猶是慙慙強王哉授着返身驀頭
擲衲僧行脚眼方開

德山參龍潭

潭不見龍不現親到龍潭遭一箭紙燈吹滅眼方開
棒上縱橫光焰焰

洞山解制

不出門草出門草大丈夫兒通踏倒隨流任運本來
身徧界莫非無價寶

洞山因僧問如何是衲僧孔竅云十八女兒不繫

密雲禪師語錄卷十

七

裙

倒腹傾腸說與君不須疑慮更紆紛衲僧孔竅無遮
蔽十八女兒不繫裙

令避井索話

飲離木杓錢貫井索伶利衲僧都來拋却丈夫自有
衝天志萬里天邊飛一翳

投子大同禪師因僧問月未圓時如何子云吞却

三個五個云圓後如何子云吐却七個八個

要吞便要吐便吐投子投子圓前圓後

投子因僧問和尚住此山有何境界云了肉女子

白頭絲

人來相問山何境徹底從頭舉似伊急着眼莫遲疑
了肉女子白頭絲喫

投子指菴前石

投子布出漫天網雪峰走入伊圈套當時一徑轉身
行却使投子也疑我

仰山指雪獅子

捏聚成形人競觀仰山指示有來端要知逾過此色
者普請諸人試自看

仰山因僧思鄧問禪宗頓悟入門的意如何話

密雲禪師語錄卷十

密雲禪師語錄卷十

七

凡聖初無有二倫返思思底許誰親相逢盡道休官
去林下何曾有一人

米胡和尚令僧問仰山今時人還假悟也無仰云
悟卽不無爭奈落第二頭胡深肯之

迷悟都來第二頭個中唯悟可爲情若還一息不繇

悟觸境依前隨事流

三角菴王因賊魁索寶震威喝之遂遇難

僧家所蓄非膏珍特貴人間解濟人縱遇兇人無異
志眞眞寶眞果眞

興化上堂一喝不作一喝用話

虎驟龍驤作者機電光石火較猶危當陽喝下全身
現後代兒孫取次吹

三聖逢人卽出

興化與三聖一出不出君不見寒山拾得無處藏
只爲豐干太饒舌

無着五臺遇文殊

無着當年去五臺偶遇文殊接話陪前後三三多少
數算來忽覺笑顏開

婆子拋兒

的子親兒撒手拋目前何物更籠牢堂堂大道乾坤

支那

密雲禪師語錄卷十

古

廓要在英雄意氣豪

一個親兒也不消光前絕後赤條條憧憧四海叅尋
者認子爲娘當得麼

疎山大黃

有問冬來意京中出大黃若人吞下肚脣淨一條陽

南院赤肉團

壁立千仞赤肉團作家相見面相看分明太煞分明
甚不是其人吐氣難

玄沙三種病人

三種病人作麼接諸方施設盡皆息若到吾門別有

長一棒打來都教徹

玄沙問文桶頭下山幾時歸云三五日沙云歸時
有無底桶子將一擔歸文無對

從來一個無底桶無始劫擔到今時玄沙覲面爲提
起無奈桶頭猶不知

首山因僧問如何是佛法大意云楚王城畔汝水
東流

楚王城畔水東流逐色隨聲那得休若是英靈出類
者腰纏騎鶴上楊州

巖頭叅德山問是凡是聖

支那

密雲禪師語錄卷十

五

是凡是聖兩羅籠喝越乾坤海嶽空禮拜處還更一
擲洞老巖頭絕謂蹤

鹽官因僧問如何是本身盧舍那官云與我過淨
瓶來僧移淨瓶至官云却安舊處着僧送至本處
復來問官云古佛過去久矣

日用無非是本身隨聲逐色不相親覲面指呼猶不
薦今古何曾有二人

雪峰因入山採得一枝木其形似蛇於背上題云
本自天然不假雕琢寄長慶安安云本色住山人
且無刀斧痕

本無名與狀雕琢便成文直下猛提取用去自超群
百丈惟政禪師有老宿見日影透牕問牕就日日
就牕政云長老房中有客歸去好

牕就日日就牕不認物便認光靚面喚醒無別事顛
然獨脫好歸房

雲門 日日是好日

日日是好日何處辨端的曝得老韶陽是甚乾屎橛

雲門 看山

日裡看山夜間打眠西來祖意十萬八千

雲門 透法身句

支那

密雲禪師語錄卷十

去

北斗裡藏身不必論疎親舉頭天外看誰是我般人

雲門 餬餅

相罵饒你接嘴相唾饒你潑水若是雲門餬餅切忌
咬他滋味

雲門 須彌山

不生一念還有過焦面大蟲當路坐問着韶陽老古
錐須彌山子來遮我

雲門 露

殺佛殺祖雲門露機輪絕處難回互文殊握劍逼如
來盡法無民誰解顧

雲門答諸佛出身處云東山水上行幻有和尚答
諸佛出身處云西河火裡坐

東山水上行西河火裡坐愧我總不知長伸兩腳臥

雲居膺禪師因僧在房內念經隔窗問聞黎念者
是甚麼經云維摩經膺云不問維摩經念者是甚

麼經僧從此悟入

閉戶悄悄靜念經誰知窗外有人聽重重及問念甚
麼始覺聲聲徹骨惺

不問維摩念甚經雲居徹底老婆心其問些子誦訛
處多少行人認識神

支那

密雲禪師語錄卷十

七

雲居何必話

何必不必兩人評出覲面當機攔腮劈脊

曹山 井覲驢

井覲驢驢覲井珍重行人休認影龐公參見馬大師
一口吸却西江盡

曹山因僧問子歸就父爲甚麼父全不顧山云理
合如是云父子之恩何在山云始成父子之恩云

如何是父子之恩山云刀斧斫不開

子歸就父父全不顧彼此兩忘浩然獨步

爲山有句無句

有句無句如藤倚樹雙手劈開全身獨露樹倒藤枯
句歸何處大笑呵呵正好面唾

香林因僧問如何是祖師西來意云坐久成勞

西來祖意坐久成勞神光不會立雪齊腰

洞山麻三斤

如何是佛麻三斤洞山渾是一團筋說與世間人不
信無言童子笑忻忻

法眼因僧問如何是曹源一滴水云是曹源一滴

水韶國師聞已豁然

滴水還將滴水酬分明非馬亦非牛可憐逐浪隨流

支那

密雲禪師語錄卷十

六

者不見天台暗點頭

風穴因僧問如何是佛云杖林山下竹筋鞭

杖林山下竹筋鞭拈起元來手指尖放下莫嫌無竟

處通身枝節自天然

五祖戒因僧問如何是佛云踏着秤鎚硬似鐵

踏着秤鎚硬似鐵啞子得夢向誰說淨名杜口於毘

耶釋迦掩室於摩竭

智門蓮花

未出已出當面不識直指曲談蓮花荷葉

汾陽因僧問如何是西來意云青絹扇子足風涼

青絹扇子足風涼汾州用處不尋常龍袖拂開全體
現萬象明明絕覆藏

慈明因僧問如何是佛云水出高原

水出高原迥異流五湖四海不同儔滔滔流向人間

去罕遇親曾到地頭

瑯琊答長水話

長水如是問瑯琊如是答清淨本然云何忽生山河

大地

大愚芝因僧問如何是佛云鋸解秤鎚

鋸解秤鎚直截單提若人不會別喚沙彌

支那

密雲禪師語錄卷十

九

楊岐三腳驢

三腳驢子弄蹄行騰騰步步契無生楊岐知你猶未

省湖南長老兩眉橫

楊岐問僧金剛圈你作麼跳栗棘蓬你作麼吞

巨海垂香餌漫天布網羅從他吞跳者我只笑呵呵

五祖演問僧倩女離魂那個是真的

不用求真唯須息見如何若何攔腮劈面

五祖演舉昔日有秀才著無鬼論一日鬼現身云

你道無我寧秀才無語祖云當時只舉手作鵝鳩

嘴云谷谷抓

諷有這無徒費力現身無語較些些鴉鳩嘴也鴉鳩啼有怪千妖總一家

五祖演展手問僧云因何喚作手

因何喚作手舉起便知有若也自顛顛徒勞開口佛果勤凡垂問學者提議則一拳

從來佛法無多盡力當胸一拳頓令凡胎俗骨便成大覺金仙

應菴示衆

盡力道不得底句不在天台定南嶽踏穿草履歸來自笑錯下註脚

跋

密雲禪師語錄卷十

三

應菴問密菴如何是正法眼密云破砂盆

正法眼藏破砂盆蓋覆乾坤海嶽昏從上家私狼藉

下代代兒孫一口吞

荆叟因癡鈍室中舉如何是佛答云爛東瓜

如何是佛爛東瓜笑倒叢林老作家白鷺下田千點

雪黃鸝上樹一枝花

婆子燒庵

正當與麼時驗賊不驗賊可憐者漢子將謂別商量

師因侍者問洞山正偏五位偈旨乃云逐位念

將來者朗誦云正中偏三更初夜月明前莫怪

相逢不相識師打云還識麼偏中正失曉老婆

逢舌鏡分明靚面更無異師打云還見麼正中

來無中有路出塵埃但能不觸當今誦師打云

合取口兼中至兩刃交鋒要迴避好手還同火

裡蓮師打云還知落處麼兼中到不落有無誰

敢和師打云落在甚麼處抵如人人盡欲出管

流折合還歸炭裡坐又作麼生師打云又怎麼

去也者云請和尚各爲頌出師頌云

正中偏一棒當頭絕謂言直指分明人不曾逐語生

情墮正偏

跋

密雲禪師語錄卷十

三

偏中正一棒當頭全正令若人不曾更尋思蹉過自

家窮性命

正中來棒下無生擊處開離相離各全體現縱橫任

運出塵埃

兼中至一棒當頭沒迴避自古當仁不讓人臨機各

各全意氣

兼中到一棒當頭絕素皂任運相將只麼行誰更昏

昏炭裡坐

師因問大慧頌汾陽十智同真云兔角龜毛眼

裡栽鐵山當面勢崔巍東西南北無門入曠劫

無明當下灰師云此頌只有當面二字間隔似
乎兩楹不若壁立二字妥貼復閱覺範頌乃述
一頌云

十智同真面目全行人不薦可生憐故將條棒當頭
打直指同真與要玄

因衆禪者頌洞山尊貴語并着語呈師師乃着
語云氣格生成復頌云

從來氣格自生然無位真人面目全若也有人來問
我當胸劈脊抵麤拳

舉瀉山云老僧百年後山下檀越家作一頭水

文部

密雲禪師語錄卷十

三

牯牛左脇書五字云瀉山僧某甲當恁麼時喚
作瀉山僧又是水牯牛喚作水牯牛又是瀉山
僧自古至今答者不少老僧亦答云分身兩處
看復頌云

分身兩處看圓通無畔岸縱設萬億名難離這個漢
潘吳二道人以海底泥牛四句偈乞註解師云
余智識暗短不能詮釋但有六十棒在二十棒
打高峰和尚四十棒打二道人然後爲汝下個
註腳汝作棒會入地獄如箭射不作棒會入地
獄如箭射更註問二道人合作麼生

海底泥牛衝月走空中木馬怒雷吼暮然跳上春梁
騎拍手呵呵笑破口

巖前石虎抱兒眠日炙風吹知幾年忽覺回然聲振
地翻身直過九重天

鐵蛇鑽入金剛眼一念回光即便見見得分明沒兩
人依舊從前本來面

崑崙騎象鸞鷟牽約不後分推不前直下須明無異
言莫隨言語亂鑽研

總頌

堪笑高峰老作家妄將四句驗龍蛇可憐遂語生情

文部

密雲禪師語錄卷十

三

者却向糟中去取查

因諸禪者頌大隨覆龜話師亦頌云

已上都來逐物移並無一個自繇兒老僧若也當時
見一脚掀翻履與龜

密雲禪師語錄卷第十一

嗣法門人通賢編

偈

北京寄怡泉師

嘗遊清澗洗懶走濁溪濱忽覩水中影方知崖上人
舉頭望明月明月照吾身南北兩兄弟了然不隔塵
曹林講主問法華經若人散亂心入於塔廟中
一稱南無佛皆已成佛道以偈答之
散亂顛倒權爲古塔廟了達無煩惱法說轉顛倒
應觀法界性一切唯心造一念未生前誰心誰佛道

密雲禪師語錄卷十一

一

瞢眼未瞌睡從言妙不妙

北京普照寺中秋夜韵

中秋明月焰長安處處笙歌和賞觀獨有野人清徹
處爲緣翫久覺身寒
欲得不辜檀信施直須盡却我師恩赤手條條無一
物橫拈竹棒打兒孫

自勉

光陰瞬息莫虛刪時節因緣豈等閒一念萬年終不
改任他滄海變青山

途中

前程行不盡何地可爲居路馬還騰馬驛驢又爭程

登金山

波中卓出始昂頭裂破長江兩道流隔岸紅塵飛不
到三三兩兩渡人舟

示徒

人生何所貴所貴持大志志大不吾欺浩然塞天地
悲哉世上人都爲名利使碌碌任他忙茫茫不知止

偶成三首

生不能事人死不能事鬼嗟見世間人哀送北邙裡
生已能事人死復能事鬼孔子與仲由嗚呼語將似

密雲禪師語錄卷十一

一

在世不同人出世焉同鬼惟我野僧家超然無死比

水西門庵示息機上人

未悟頭頭欲息機悟來息息露全機有人來問庵中
主向道門開對水西

秦駐山始皇廟

行到水窮山盡頭秦王計絕始心休誰知別有通方
路大海何曾止浪遊

龍池和尚命師代示明極極號元閣

老衲年來氣力頽對人有口也慵開汝歸莫向人前
道曾到剎溪見我回

明極看來無實法闇元識盡少人知
驀然明暗都翻轉脫體全身獨振威

偶觀龍池

昔日龍歸何處云此山開豁至於今
池中水碧連天碧空裡雲陰接地陰
滿日神光清意趣通身爽氣暢胸襟
最憐影落澄潭浸反笑頭陀白髮侵

雪中送天隱和尚掩關

昨夜天花落青山雪作衣誰人知此
意白日掩柴扉龍池和尚送天隱掩
關偈命師和

某甲分明沒啓關通身無處覓忙閑
也無門進無門

密雲禪師語錄卷十一

三

出只麼堂堂任運間

和楊居士捕魚歌

野老貧無舟可繫饒伊日月乾坤麗
天堂佛國通不棲世出世間了無寄
無可求安可利悲喜現前奚有意不
生一念正全提信步程途誰論里沒
絲牽爭有住赤體條條任來去騰騰
任運用無功放曠逍遙渾大費不叩
頭不踴尾縱逸遨遊圖圖底翻身抹
過太虛空大地山河都踏碎野人自
不識行踪一任閑人言所佇

寄石梁陶居士

月到秋深滴露濃岩前石菊正花紅
山僧盡日茆堂睡長夢毘耶多口翁

辭衆

自知住處我無因一鉢風流物外人
踏破瓦坤誰是伴草鞋藜杖逞閑身

善權寺三生堂

乘茲善力了前因要顯三生卽一人
來到三生堂上客此生應好悟無生

師出龍池天隱以偈請還山次韵答之

我無錫插記秋冬只麼相將任運中
固死窮途終道

密雲禪師語錄卷十一

四

路奚拘所任辱先宗達磨不占嵩山
地不肯思追隻履蹤歷盡天涯誰近
遠一身雲水似飄蓬

師寓護生庵晚茶庵主拈燈爲題師
笑云吾非詩人衆乞開示乃題

坐來茶罷已殘更至命爲題拈燭燈
笑裡有刀窺得破光明越格始爲僧

師病目景西上人以知是空花卽無
輪轉見問答偈

嘗聞病眼見空花我病眼中不見他
忽覺泪珠垂面下方知病眼見無差

樵者求示

斫盡千山一擔挑三家村去買人燒中書堂事誰知
道六祖原來是古樵

雨阻東林閒步三笑堂因觀壁間王陽明先生
偈忽聞迅雷次韵

雨阻東林未上山誰知峰頂有蘭若遙觀峰石並參
差手指天地分上下不愛聖學不援儒不求佛道不
入社山僧與俗及朝官同是乾坤無避者大夢爲憐
醒者寡吾悲痛下泪欲瀉忽感天雷震法雷驚起龍
蛇若翻瓦

客雲禪師語錄卷十一

五

舟中次澹菴石田二居士韵寄復

野老乘幽興味深那拘朝市與山林密雲彌布大千
界一月孤明何處陰石解惺時唯點首維摩露處莫
爲心行來廣信傳千里脉脉遙看報此音

秋日聞鴈聲寄示契如禪人

忽聞雲外鴻鴈叫寄語禪人智者裁欲證本來無一
物須知觸處契如來

章居士請問念佛因緣以偈示之

吾觀世上諸男女念佛人多見佛稀慙慙示語章居
士不在東方豈在西

示聞圓居士

聞去聞聲聞是妄返聞聞性也爲權豁然聲性都翻
却兩耳門開向兩邊

辭宛委謝居士見勉掩關

堂堂一間屋明明四無壁堪笑老瞿雲掩室千摩竭
爲石梁居士靜室作

頂破太虛空踏穿海底何須邪蓋頭風吹與雨洗
登會稽海口大峰山頂兼似墨池王居士

行到山窮水際時偶然句得半聯詩滿口向人言不
盡謾將東海作書池

客雲禪師語錄卷十一

六

別石簣陶太史

花事紛紛春盡頭杖藜隨意且悠遊謝辭檀越何方
去萬里天涯一步收

次同叅慧轂輪韵

千里同風事何緣嘆別離道人行履處了了當如斯
月落樹無影風清雲不馳去來一片地任運復誰之

同史省庵登山頂爲示

扶筇直上到峰顛破衲和雲就石眠睡到不知紅日
落醒來搔首問青天

過戒珠菴

策杖出幽行興來身也輕虎嘯山欲動鳥起樹猶驚
菊晚新霜艷秋深古木清懸歎末後句衲破戒珠呈

贈雲堂師

世間何物更堪憐惟有白雲在處閑來去高低曾不
礙了無痕跡落溪山

示山塵上人

莫除妄想莫求真凡聖都盧祇一塵信脚便行輕踢
破了然無事自繇人

次盡我居士韻

野老欲吟詩偶得天機趣忽聞簷雨聲滴滴驚人句

密雲禪師語錄卷十一

七

靜中偶成

自得忘機趣詩成不假言松風宜雅韻澗水吐清聯
我本無心聽伊何到耳傳只因吾獨惺物物皆靈然

次韵答滌塵二首

蘇直誰來去孤踪孰遠離窮途無屋住雲霧作禪衣
滿目是青山何易復何難心外初無法步步在其間

山中四威儀

山中行沒途程嘗獨步了無生
山中住無來去莫動着中心樹
山中坐淨躲躲微風吹白雲裏

山中臥非懶情有人問拳打倒

居山

乾坤一個故那廬極目寥寥四壁虛但識此身為住
計了無歸路自如如
一卷經看曾未了不知日已墜西冥悠然獨坐無人
會掀啓松窗待月明

擬寒山三首

野老棲遲處烟嵐作布裘雲間嶽露頂風鼓樹搖頭
徑僻苔封砌溪深草覆流年無客訪道日與鹿爲儔
策杖乘幽興穿雲入碧山不聞樵子語祇見鳥關關

密雲禪師語錄卷十一

八

日久石生鮮年冬人起塵臨流清覽超自覺也蒼顏
嗟見世間輩唯思積累多心猿狂似箭意馬走如波
訪爾不肯歇教吾爭奈何到頭將不去空手見閻羅

杖意

拄杖拈持力荷全條條絕後與光前堂堂直下當吾
用打發其人續正傳

偶成

青山疊疊萬重雲無事幽人不解文自拭一雙清白
眼笑看明月破黃昏

次子坦鄧居士次生陽韵

言嘗任法契悟無生是無生本無形何人何異類
當知諸眾生妄見生死二懼死愛貪生損他滋自己
故觀諸眾生不能如一子又復因貪生種種而不已
財爲養命源不顧父兄弟致招業所使取彼而捨此
故知諸眾生不達安身處輪迴六道中不入三摩地
若能契無生不見有死視頓見含生類等觀如一子
皆是無生相此是真實語是故無生旨功德叵思議
是名護己身亦名保赤子名孝順父母名友于兄弟
將此奉塵刹名供養大士名承事諸佛是名第一義
有感

密雲禪師語錄卷十一

九

風吹窗紙忽驚人頓息從前三世因念念離心意
識心心契本來

次友人韵

山僧自着個袈裟那復人前話歲華但得胸中饑渴
盡翻身踢潑趙州茶

示醫者

靈山會上大醫王濟世全憑沒病方但指世間俱藥
草了無熱惱與清凉

參禪偈九首

參禪莫妄想亦莫着除妄一念未生前試看底模樣

參禪一着子不假異方便須着目回光悟取本來面
參禪直指昇遭岐路使豎起鐵脊梁直下超生死
參禪直參直莫着心意識千差萬別來直下當頭截
參禪參自露撒手復何求赤身如白刃誰敢犯當頭
參禪欲吐氣須參轉身起轉身吐氣時語語無刺句
參禪節要處切莫顧危兩當機擒虎兇信手捉縛龍
參禪參真實莫參口頭弄終不哄他人到頭終自哄
參禪貴正因非用記時辰佛法無多子久長難得人
遊廬山東林寺次壁間韵
不慕西方不解禪道人行處自悠然直饒遊徧十方

密雲禪師語錄卷十一

十

界信步何憂不現前
萬物本吾元一體誰云塵合復塵開男兒自到心空
處踏破乾坤孰去來

霞標管居士述無用書謂復禮法師問偈爲真
妄二字所縛不出理障清凉圭峰所答亦爲真
妄二字沒溺未見超方句寂音所擬戰勝二老

然無明全妄情二句亦未免詞病拙拙雖不工
然跳出諸公之網偈云立真取淨性妄即從茲
起若了真非真妄亦何須止法法不曾生心心

勿終始明暗兩無功取捨隨慈理佛不入涅槃

我不出生死師云無用句調雖工似莽蕩欠蓋
當因次的

本來法本淨因昧分別起念念不昧時心心從此止
本來非末初那得有終始示語參玄人應參本來底
吾今本本來一口吞生死

示胡居士

吾嘗於此切開口不在舌觀面更無餘世間人不識

示智光禪人

老僧筆本不是筆一筆一筆如鐵樨打着徑山光上
人莫言老僧有法說

長安

長安禪師語錄卷十一

主

道生禪人欲歸坐關乞偈

上人歸去把門封坐臥經行祇此中打破靈雲關樨
子桃花依舊笑春風

黃檗山觀葉相國詩圖以偈次韵

及第心空選佛場個中無地列隅方一毫透體豁惺
眼十界通身現法王迷去妄分人與我悟來了却短
和長回頭直下情無倚便是高登彼岸航
浩然之氣勢旋盤充塞乾坤絕窄寬一雨普施滋草
潤密雲彌布蔭人寒西來祖令當頭指東土兒傳正
眼端祇爲分明人不薦故令高着眼睛看

貧僧偏愛破家窮赤體條條露骨風歷歷我人皆實
相明明心境總真空月明虛白連天碧日耀雲霞映
水紅聲色摩尼不隨數祇因這物着西東
本心地不涉陽陰通出乾坤覆衆客萬法馬師都吸
盡一人龐老絕追尋全身用去頭頭現觀體行時物
物沅外境內神無覓處須知憑悟本來心

香城寺圓初禪人請齋需偈

暫爲黃檗主請作香城客齋罷索予言予言絕標格
研磨半錠墨汚却一張白舉筆盡力揮○字不着盡
欲會西來意問取門前栢觀面忽然撞破乾坤窄

長安

長安禪師語錄卷十一

主

示定觀禪人

返炤迴光直下觀無干東北與西南十方世界全身
現一切人天正眼看

示時默上人

未語已前時薦得方堪默契本來人若將紙墨認爲
法誤賺閑黎非老僧

誕生禪人乞策進語

進在其中退亦中常人無路可通風擬心更欲期精
進不若回光省舊容

通安陳居士請題

目前無老僧背後無居士中間是阿誰低頭自作

朱涇玄津禪人乞偈於推蓬室記之後

正逢推蓬非汝境界廢室典室韓獪逐塊汝乞吾言
打出門外予作是說遭人笑怪船子和尚不在其內

示胡居士

在家居士祇在家不須門外駕牛車身口本來元清
淨莫教放過別生芽

示若愚廣禪人

大智若愚何以說通身一具廣長舌十方法界普齊
談舉意聞時便相隔

結語

密雲禪師語錄卷十一

三

示雪浦禪人

利如鈍疾如箭若能行超方便

靈宇禪人乞題獅子菴

獅子窟藏獅子山養成牙爪莫偷閒他年忽地能哮
吼自獸聞之盡破顏

示銳冶禪人

方當乞偈忽雷鳴老衲指示以爲偈歷歷分明震耳
根縱然不悟難迴避

示亦幻禪人

幻卽非覺覺卽非幻幻覺相傾通身易換

示隱輝禪人

本來面目初無覆藏回光返照全體全彰

曹一光居士乞偈供養

盡大地人本無二樣作如是觀是真供養

贈慧轍師

本是同根生誰重複誰輕堂堂全體用正令要須行

送修密禪人省親

毋想子歸因遠遠子思省毋亦迢迢母子本來真面
目歷然觀體沒途遙

白巖禪人乞偈閉關

結語

密雲禪師語錄卷十一

四

示咸濟禪人

衲僧當據關不在閉房間正令全提處如同萬仞巖
自濟濟人須假悟若還無悟總徒然男兒當發丈夫
志勸辭忙閑緊着鞭

蓮花峰

旱地蓮開勢插天經冬過夏未嘗遷祇因性稟堅剛
質縱使焚燒逾洞然

踞獅林

此地曾無異獸叢一林惟有踞獅雄他年出類能哮
吼普使含靈盡比容

紙施

頂門一竅透靈機滿肚無明火發揮聲振十方人盡覺固然喜躍動容咸

復壽州方侍御

日炙風吹雨打明明直指原繇處處全體獨露超過世出世頭

山居

老僧無事日高眠童子開窗達遠天忽覩光中陰影動搖將雲去過前巖野樹橫身四海中端然過山須彌峰舉頭天外豁惺

雲谷禪師語錄卷十一 圭

眼俯視十方世界風

示聚我居士

四大聚來成我體吾身元是本來空本來空不離今日今有本空體一同

萬聚中我獨尊獨尊那怕聚紛紜頭頭色色非他物大地乾坤一口吞

偶見衆禪者從今一日不離山偈次韵示之

從今一日不離山肅肅雍雍雲水環獅象潛藏一隊禪龍蛇混雜衆群間老僧休休棒誰意衲子惺惺惺就頭記取也年山林去莫教放過上頭關

從今一日不離山南北東西絕任還縱使直指方寸

去巍然不動於其間與雲吐霧誰能測在地撐天孰敢攀除是同躋無上道何人解透個中關

偶成

十方世界恣橫眠那管東南西北天唯我獨尊全體現人來問着只麤拳

示徹源禪人

隨流生死故無窮悟徹源頭返本宗個裡不容人我相從來千里乃同風

傳法偈

雲谷禪師語錄卷十一 圭

本法豈繇傳繇傳本法傳今傳傳本法本法本誰傳

因見雪公遠禪人登玲瓏巖詩次韵示之

老僧乘老興經行不知壑人或翫山水吾只樂吾樂信步重巖上四顧靡不豁詩人作詩句道人談道什

直下發本機彈指超無學一事無別頭頭我自覺師夢中得染深青牯牛之句乃自歸云

無心用禪人乞偈

染深青牯牛那肯更回頭通體蒼爛色明明迥類流祖師西來直指人心多少行人錯認識神通身覓心不可得身外無心用本人

示子穀落居士

居士自居士毋遭岐路使返觀世上人業識茫茫耳

示靈根荷禪人

世出世間不二法一身遍荷無餘事阿誰不是丈夫兒祇恐未堪如來使

示本源禪人

從本以來個着子忽然達得超三際直流忘却者源頭所以茫茫無本據

居士乞偈

雪中執筆舉頭看雲天一色更難分前境不分心不

鼓

密雲禪師語錄卷十一

七

動卓然獨立在乾坤

正庵禪人閉關乞偈

欲超生死路叅透祖師關作麼生是祖師關赤花猫子面門斑

化緣

爲僧一味無他事要他檀那契已躬個事人人皆具足信手拈來用不窮

居士五旬乞偈

夕陽西去水東流人老何曾見白頭能向個中高着眼普觀法界是同儔

天童卽景十三首

太白峰

昔人錯露個消息惹得人傳太白峰今我直登峰頂上那來名字掛虛空

玲瓏巖

遠望宛然如鐵壁近觀竅穴自分明曾無一點瞞他得故指玲瓏今古稱

坐禪石

分明一段真奇特行任坐臥無人識偶然走到暫踟躕跌錯認將爲坐禪石

鼓

密雲禪師語錄卷十一

十八

響石

看來一塊精頑石擊着響聲隨扣出東西南北皆驚縱然睡熟也惺微

龍隱潭

太白峰頭一隊龍興雲致雨顯神通潭中靜處非爲隱隱顯當知沒兩容

活眼泉

水出高源流不絕清虛照物映青天日明雲暗隨時鑑是故稱名活眼泉

西澗

西瀾原從太白來寺西流出遶東廻漫將竹接來厨
下飲飽諸人滿腹回

七佛塔

七佛尖尖七古錐一行排列路傍堤死生個裡同模
樣特使行人着眼窺

清關橋

橋本原無清與濁祇緣到此別人間雖然都打橋中
過未審誰人透此關

隱蓋亭

個事從來徧界呈祇因人自不惺惺故應曉示中行

密雲禪師語錄卷十一

左

者所以題他隱蓋亭

鐵蛇關

鐵蛇雄據嶺頭峰截斷行人路不通直下一刀全殺
活任從南北與西東

萬松關

萬松關不爲關松警策行人入路通忽若有人親撞
破方知直透萬松中

欄路庵

脚跟未動意先行行色匆匆不暫停欄斷路頭心不
走安然步步後途程

徐雲將居士求偈

忽地西風起人人覺而寒分明代揮塵誰知直指旁
貫之求偈

一身充滿復何爲萬別千差一貫之世出世間無星
礙那來背觸涉驅馳

輟輟嚴居士乞題牧牛頌

一個牧童一個牛無端一體兩分頭從君及衆多才
識愧我渾圖縱自繇

示德雲禪人

德雲嘗住妙峰頂着意求尋轉不醒指汝歸休不涉

程切莫將頭去認影

密雲禪師語錄卷十一

子

元冲錢居士求偈

不須我描畫君自本呈現但作如是觀必不自相賺
直饒恁麼地搭破紙來好相見

答朱居士

非僧非俗者個漢兩處圓通無畔岸翻身直踏上頭
關入佛入魔只一貫

答元禮曹居士

丈夫自有冲天志此是君之夙具因世出世間不二
法惟人自肯乃方親

超一求偈

二月春光晴且麗萬物增榮添意氣超一一超一切
超豁然圓證無生地

祈遠唐居士乞偈

個事本丈夫誰貴復誰賤毋將一幅帟障却本來面

周生余居士乞偈

痛與辣手打不惺若惺即見赤骨體不惟不依言語

道亦復不着無言說

利根禪人爲薦先亡求偈

擬欲利人利已爲先據已利處個個如然幽明一致

文殊

密雲禪師語錄卷十一

三十二

誰不現前若不如是利已妄焉故曰一子出家九族
生天

次韵送其侍者住雪竇上峰

老衲何因不記秋只緣嘗自個中繇試看天上無私

日獨炤高臨一切頭

何山沈居士求偈

諱演

山僧無別示白棒當頭指頂門眼豁開自證冲天旨

覺圓敏禪人病中乞偈

維摩居士病非病禪者反爲作病看忽覺病身身本
覺始於法法自然安

募真歇了禪師塔院偈

當年屋塔護全身一夕火光真歇了護法檀那出手
新定然重發兒孫肇

天鈞徐居士乞偈

無法可說何字可寫作字觀時眼中着屑一念回光

當下安帖

化造殿

太白山下天童寺洪水漂流殿如洗普告四衆諸檀

那大家出手共扶起

示體真禪人

文殊

密雲禪師語錄卷十一

三十三

體真體真切莫疎親但憑信去決不賺人

示通聞葛居士

一落筆時紙成汚所以繪事後於素不若向筆未舉

前策起眉毛須自悟

示蓮峰開禪人

出家本爲了生死生死不了徒勞耳忽地心花頓發

明靚面無生無滅旨

示得之李居士

個事從來本呈露認着名言却遮覆剔起眉毛着眼
看腦後見腮方契悟

履卿戈居士以白紙一幅乞偈并呈玄沙白紙
頌師次韵復之

踏翻天地無家業笑出蘆花恰正圓何待紙來遮面
孔同風千里對長宣

示泰華程居士

春日晴和物物芳莫教虛度個時光試看歲歲杜鵑
鳥聲聲歸去好思量

行如葉居士乞偈薦親

生亦如今死亦如如如之外盡皆虛欲知父母安身
處忉利天宮亦不居

密雲禪師語錄卷十一

二十三

二無張居士求偈

詩瑞

一切二邊俱坐斷本無中道可須安掀翻海嶽無人
會白棒當頭爲指南

明道崔居士乞偈薦親

若惺自己安身處河沙父母同個面但將此語懸高
堂一度看時一度薦

化造中峰庵

萬峰羅列個中峰日炙風吹雨露中奉勸檀那齊出
手共將片瓦把頭封

題獨露堂

人爲廬個道場龍蛇混雜於中央不知誰解無思
筭迥出乾坤獨露堂

糠餅偈次其侍者韵

老僧無福食批糠累及吾孫搜肚腸不特明明猶罪
我又加一醜播諸方

容如求偈

憑我寫一字無汝錯認是容如不錯認是阿誰咄

泰華程居士乞偈

只欲紙來求法語誰知法語無啓口無啓口處眼忽
開處處頭頭唯自偶

支那

密雲禪師語錄卷十一

二十四

奉和

太祖高皇帝御製 賜隆菩薩詩 因仲沈居士請

堂堂獨立豈干松歷歷孤明唯自功無影樹頭身出
表不萌枝上覺花從指揮列合乾坤主目視含靈總

共宮痛念體同無異性棒頭點着實非空

見雲余內宦乞偈

大道本來成現只緣人自不磨若能一念迴光始覺
不隔條線

汝遠泰居士求偈

龍手錄

靚面不相瞞白棒當頭指無奈更求書直筆寫如此

懸向高堂上切莫昧自己忽然省得時始覺錯汚紙

示子凡方居士

不是凡不是聖不是佛不是心自古至今没人識只堪鼓掌笑吟吟

示冶堂孫居士

模也模不成鑄也鑄不就本自不涉功所以沒窠臼

硤崖徐居士乞偈

道人處世唯已矣任運縱橫宛如水觸境初無取捨心取捨之心惹生死

虞山虞居士乞偈

文部

密雲禪師語錄卷十一

三五

居士好遊山曾經多少春直教踏破虞山頂始覺乾坤沒點塵

爲心僧趙二瞻居士

法名通本

本不是心不是僧兩端不立復誰名所以天童無法說白棒指教伊自惺

示元之鮑居士

幾點黑墨汚白絹懸向高堂任人看古有龐公自偶諸今未卜誰親見面初不相干半點烟傾國來也爭肯換

募裝初祖像

教外別傳名爲禪達磨大師來此土天童新建大禪

堂不塑聖僧塑初祖化主大衆想來客行住坐臥嘗相覩檀那慨然發至心同證無生全體露天童老漢舉手書筆尖頭上密雲布一雨普施何所緣惟願見聞自惺悟

立春日雪霽次量侍者韵

臘雪凝山連澗塞春風一拂盡成流看來幻景渾如夢忽惺江山故眼眸

次答璞川曾居士韵三首

野僧何事出頭來打惺時人困夢回忽覺通身渾慶

文部

密雲禪師語錄卷十一

二六

快無師本智自然開

棒打令人眼豁開浩然獨步任隨來舉頭滿目人無

異那個男兒更着裁

單提拄杖擬何通棒棒全身若活龍寄語維摩休安想了然不二契宗風

復木叔陳居士次韵

嘗寂光中不變春無言童子自來新野僧只個當陽句喚指目前一切人叅贊乾坤成世界王賓義立顯君臣丈夫氣宇充空際對待情忘比甚隣

示繼清太華二居士

唯此一事實餘二則非真他人難用力自度自家身

徐居士乞偈

有一句偈人自迴避若嘗在中超世出世

爲瑞屏顧居士

祖師直指唯單傳無始時來面目全此意拈同瑞屏
風請君着眼離言詮

未亥吳居士祈子乞偈

眼開不見情生子法界團圓罔彼此不須更說話無
主大家共證金剛體

密雲禪師語錄卷第十一終

跋

密雲禪師語錄卷十一

三七

密雲禪師語錄卷第十二

嗣法門人通奇編

讚

接引佛

東土西方本無窠臼安任其中號無量壽爲引衆生
伸出隻手誰知倒致人生情竇爭似老僧闍 毘旁口

出山相

六年苦行畢竟何爲打失兩眼拾却雙眉若人欲
山中事觀着容顏應好知

文殊

跋

密雲禪師語錄卷十二

一

文殊大智利師兒親踞地過去七佛師卽今誰弟子
輩輩大丈夫自有衝天氣

普賢

普賢師白象兒蓋色騎聲祇是伊法法頭頭全體現
拈來物物不思議

觀音

通身一個普門品何用更勞山僧題舉似諸人人不
會八萬四千棒打伊

大悲菩薩

大悲菩薩真大悲所以現出多雙手非爲圖自顯神

通只要諸人各知有

三大士

一二三四五六一一相看有面目信手拈來擬贊題
難向個中分石玉

出山大士 實印禪人請

菩薩曾有言無刹不現身入山與出山何曾有兩人
須知三十二彼此總同倫但肯回光看實印本無文

達磨渡江

問道單傳直指風自家不識復何宗祇爲渡江乘一
落至今人錯道神通

密雲禪師語錄卷十二

二

權將一葦作扁舟爲渡長江逞浪流落賺世間人眼
裡到今傳寫不能休

達磨 石實陶公請

教外傳來有甚奇特自尚不識贊何可及雖然雖然
以筆點云若更不識直待當來問取彌勒

又金如居士請

梁王殿上道不識少室峰前唯面壁正當恁麼時兩
頭俱不涉試問王居士畢竟是何物咄切莫眼中着
屑

高峰禪師 慈石禪人請

頭髮鬆鬆面貌側令人只見半邊鼻不知那半邊他
自識不識慈石慈石莫顛預自伸自手摸始得咄

玉芝禪師 碧印上人請

當頭一掌永絕伎倆跳出圈續天下榜樣師子將兒
絕後隨一任橫行於海上

抱璞師摹禹門和尚真懸師云求師兄寫得七
八句師云一句也沒有云就將一句沒有爲題

師乃書云

老和尚沒窠臼讚莫及罵奚醜所以不肯兒一句也
沒有

密雲禪師語錄卷十二

三

復寫七八句

鵲鵲林松堆堆塊石端坐蒲團人天莫測爾我皆承
嗣豈堪爲法則那個男兒不丈夫阿誰賴者禿老賊
咄

又洞如禪人請

者個老和尚端然無況比豈爲默無言要人自薦取
急着眼睛看便契面壁肯且道是阿誰是我本師矣

雲棲和尚 涵照禪人請

無端啓口錯念佛連累兒孫信不及縱然道個簇簇
蕨豎起拳頭向汝說也是借手行拳未免掉棒打月

滅炤禪人無干涉

雲門湛和尚

湛然湛然講經說禪誰知此老初未嘗言欲識真實面目儼然

三際法師

二邊三際都不見突出從前本來面不將者個麼衆生是則名爲真賒漢

靈鑑法師

此老法師曾與相會但不相識似乎口訥爲人朴實不敢貸得不敢毀得珍重伊徒但恁麼供養始得

密雲禪師語錄卷十二

四

題萬行禪人像千如諸居士請

儒家削髮爲僧相描坐蒲團作榜樣到底終須撒手行那容心意有餘尚

題錢元冲公子像

天壽與老死都來夢裡身若然惺得夢始悟本來人題治堂孫居士像

本分本來豈從造化而成非俗非僧亦因假飾以立一念不生全體現腳踏芒鞋頭頂笠獨行獨步過堂堂自在自繇唯自適咄盡力跳不出

題抱嬰李居士像

從來千聖不知名何必需吾活其上未嘗讀書不識字豈敢與人加伎倆絕伎倆滿目不知是何狀

題聖緣唐居士像

請居士自珍重莫捨凡緣取聖緣取捨之情生死本情無取捨獨超然咄

德公祁居士乞題尊翁夷度居士尊堂王氏像一陰一陽化育無窮惟惺惺者不任其中

自題

自家面目自家題自家意思自家知自家背在自頭上不知人道我何爲

題

密雲禪師語錄卷十二

五

又

高山流水長松下倒茗吹爐誰不樂默想世間人罕知唯有青天紅日爍

破山明請

不識好惡不分皂白人若問着當頭便楔無法與人那來剩迹如是爲人何有知識且道阿誰密雲老賊費隱容請

描不成兮畫不就贊何益兮毀何及從來千聖不能識一切時人妄名測一條白棒唯直指所以千古爲標格

朝宗忍請

要我寫兩句誰知一字無有眼解睜視有口却盧都
手握骨律棒問着打頭顱爲甚如此千峰勢到嶽邊
止萬派聲歸海上除

萬如微請

者個阿默不辨非是拈條白棒不分彼此恁麼爲人
惡聲滿地萬如萬如描他怎底一火焚之免及相累

木陳忞請

者個阿默真阿默一味一生自勉強據個單傳直指
人徹骨徹髓一條棒天下那有這等善知識不顧諸

支那

密雲禪師語錄卷十一

六

方嫌與謗咄

石奇雲請

咄哉老癡不識是非但來問者一味打之無物可似
分付石奇

牧雲門請

者老漢只可看不可判拈條棒子當頭打一一鼻頭
穿一貫正眼從來廓頂門歷歷綿綿續不亂

林野奇請

咄哉者禿有眼如盲有口若啞手拈條棒問着便打
不知落處問取林野

禹門大眾請

咄哉者禿漢處處沒留戀只者也須送火中免占禹
門禪院

佛音智請

教我贊也不贊他人罵也不罵別人若謂是吾像一
人那有兩個樣若謂是吾真一人那有兩個真縱然
像又像真又真佛音佛音於汝分上了不相親一任
持去示天下人

其侍者請

者老和尚爲人倔彊佛來不饒祖來不讓有人問着

支那

密雲禪師語錄卷十二

七

當頭便棒鏝湯爐炭任縱橫天上人間作榜樣

還源禪人請

者老禿不說禪與道不說玄與妙人問未開口棒頭
已先到只解如此爲人那管諸方取笑

洞如禪人請

自像旁附

我也坐你也坐默然無話墮兩道眉毛眼上橫一
個鼻子下頭大

恒證禪人請

自像自題無一可宜任汝持去切莫依稀

清庵禪人請

認着卽觸不認則背不涉兩關請看精彩清庵清庵還會不會咄一火焚之試看自在

友慈禪人請

描不成畫不像描者畫者正似盲人摸象不若一火焚之反手自摸底模樣

白山布禪人請

有眼路暈不見高低拈條瞎棒一味打之切莫道密雲彌布一雨普滋

無爲禪人請

莫謂無爲云是道無爲猶隔一重關把火焚吾之影

密雲禪師語錄卷十二

八

像特露無爲之本顏

元真禪人請

咄哉粗僧一味打人緣何如此據本元真

啓侍者歸省毋乞題

葉落歸根如子得毋來時無口汝還恁否

道生禪人請

者漢貧無遮蓋故意人來描繪問着白棒打人此外更無別會

本一禪人請

咄哉無知老禿爲人毫無委曲單拈白棒一條示人

本來面目

會心禪人請

者個模樣像我不像你認着我迷却汝若要了生死盡未來際無時已

定水禪人請

描之畫之於汝於吾俱無所着欲得現前不如燒却

禪人請

描我像乞我題自題自無餘辭汝若會不用伊試問汝知不知

君伯張居士請

密雲禪師語錄卷十二

九

我像爾像初無二樣心不負人是真供養

仲華李居士請

咄哉猷僧了無可取罵之則辱贊之則譽不辱不譽急着眼覷擬議之間敲骨取髓分付李居士如是猷僧不如送在火裡

金如王居士請

居士寫我像乞我還自題毀且尚不肯贊亦豈相宜言語道已斷心行亦無爲故拈一條棒當頭直指伊

淳甫程居士請

咄哉村僧覷面無情一條白棒打人自惺

敬橋張居士請

朝朝禮拜夜夜燒香正當日中影短形長忽若會得
靚體全彰

清白黃居士請

咄哉癡漢隨人請贊只解順情不顧汚面幾點黑墨
戴頭上非髮非眉底模樣咄

明道崔居士請

自題自不知恥自贊自沒理致爭如兀兀任人看少
室九年又何異

冶堂孫居士請

密雲禪師語錄卷十二

十一

可憐者個癡和尚不見人我是非相故據條棒直指
人問來一味當頭杖孫居士高着眼面上無瞋真供
養將此深心奉塵刹滿目看時誰異樣

定甫萬居士請

者老癡子不願上堂豈肯上紙君不見龐居士不與
萬法以爲侶馬大師一口吸盡西江水

介子黃居士請

咄哉者禿素沒私情拈條白棒打人自惺珍重黃居
士切莫認伊作眼睛

昇字柳居士請

法名通中

要了生死端在已躬一念迴光覲面相逢怎麼會得
可名通中始知自錯描我真容

爾保程居士請

咄哉禿漢了不可則似行非行似立非立一條拄杖
隨身擬問驀頭便楔爾保居士若會得都來與汝無
干涉

鳳階謝居士請

嗟見時人自不薦問着欄腮與劈臉怎麼爲人是阿
誰問道通玄個老漢

葉道婆請

密雲禪師語錄卷十二

十二

者個猷漢毫沒思筭人若問着欄腮劈面一味令人
恨徹深盡未來際忘移喚
佛事

彌勒佛像成衆請開光師至座前以拄杖指云大衆
者老漢已開平等眼光普視諸人了也諸人還識普
視的意麼若識得便知古人道彌勒真彌勒化身千
百億時時示時人時人自不識若不識老僧爲諸人
一時點出遂以拄杖打散

施主塑帝馱菩薩入山請師說法有僧作禮師便打
乃云帝馱功德叵思議觀面令人念不生渾身化作

降魔杵永護正法鎮長行

西澗新橋成師引眾發步有僧請說法師云過那邊爲汝說過了復云過者邊來乃云者邊過那邊那邊過者邊兩邊曾不住中流亦不停正當恁麼時如何把手勸君行不得惟人自肯乃方親

掛板師托板云叢林號令佛祖錯錯今朝懸向堂前輕輕擊着直令人人頓斷命根雖然如是更有一人且道具何面目高着眼始得

爲通亮起龕以拄杖擊云通亮通亮曾對我呈伎倆卽今恐汝忘之助汝三下拄杖復擊三下云直須信

杖頭

密雲禪師語錄卷十二

十三

脚而行莫管人間天上乃轉身卓拄杖引之而出爲豁然師煅骨以火炬指骨云縱然皮膚脫盡白骨也須火鍛惟我師弟豁然却具者般體段復以火炬打圓相云大眾會麼攬下云看

爲亡僧起龕以拄杖卓龕云來無一物去何處礙信脚便行管取自在復卓三下轉身引之而出

爲亡僧舉火舉起火炬云光焰淨躰躰南北東西無不可復打圓相云會則徧界分身不會與你把

火
爲守元師入塔以杖指塔云盡十方世界是個無縫

塔復敲塔門云且道者一縫作麼合煞以手舉靈骨送入云請師兄塞却

爲法天舉火云生來死去在其中南北東西無處躲法天法天還知落處麼若也未知助你一把火乃攬火炬云管教觸處光生

爲迴泉講主起龕以拄杖卓龕云迴泉師迴泉師來無所從去無所之末後一着脫體無依復卓云迴泉師迴泉師到頭霜夜月任運落前溪復卓一卓拽拄杖引之而出

舉火云隔牆見角便知是牛隔山見烟已知是火而

杖頭

密雲禪師語錄卷十二

十三

今對眾相舉且道是個甚麼真實告報諸人切莫當面蹉過遂攬下火炬

爲景西起龕以拄杖卓龕三下云景西景西葉落歸根仰手覆手木馬翻身泥牛解走復卓三下引之而出

爲亡僧舉火拈炬云般若大智如大火聚舉示諸人急着眼覷攬下炬撫掌云還見麼

爲乘白舉火舉起火炬云乘白燒化密雲舉火呈示大眾無可話墮攬火炬云雖然如是直令徹骨透光明十方世界無處躲

爲通載殮棺舉杖卓極三下云通載通載也不管你修行歲長出家日短祇要汝自不昧所以玄沙和尚云亡僧面前正是觸目菩提既是觸目菩提定非生死出入之相既非生死出入之相不惟能向棺木裡瞪眼管取十方自繇自在正如達磨大師葬於熊耳山前却解移隻履西去雖然如是丈夫自有冲天志莫向他人行處行復卓拄杖三下云切須記取

爲青州佛實舉火云鄭州梨青州棗萬物無過出處好實禪人還知麼若知出處便解當處出生隨處滅盡不見有生死去來之相從來寸步未嘗移那涉山

支那

密雲禪師語錄卷十一

五

東與山西若猶未知攬火炬云老僧助汝一把火炬微面門離處所

爲覺臺下火以火炬指云覺臺覺臺老僧直指汝火不能燒水不能溺棒不能傷刀不能斷汝還信麼若信不及老僧助汝一把火令汝迴光自看便見刀下棒下水裡火裡皆是汝全身之地遊戲之場所以道鑊湯爐炭橫行劍樹刀山直上我儂聞說忻然默漢攢眉惆悵遂攬下火炬

爲起聞下火以火炬指云起聞起聞千做萬做不離者個我今助汝一把火令汝覲面相見南北東西信

脚行天堂地獄如梭過攬下火炬
爲無拘發龕以拄杖卓龕云無拘無拘生死俱虛自領而去頭證無餘

爲行修起龕以杖打頭云行修行修莫任莫休隨流認得性無喜亦無憂但恁麼領去管教自在自繇爲了明舉火以火炬指云了明了明何不了明却要老僧舉火燎汝面門然則老僧既滿汝願遂汝心乃攬火炬云汝當於此火光三昧證全身盡未來際無盡燈

爲正聞化主下火舉火炬云生時爲衆竭力死却要

支那

密雲禪師語錄卷十一

五

老僧燒全體光明自圓炤十方佛國任逍遙

爲佛音上座舉火云佛音佛音個個皆吟所以道佛以一音演說法衆生隨類各得解我今更助一把火保汝光中恣饒舌盡未來際嘗宣明

爲弘濟舉火以火炬指云弘濟弘濟本分一着無生死相豈屬久修初學只貴大丈夫當頭領畧我今助汝把火令汝烈焰光中全體現任運騰騰嘗自樂爲無疆濶下火以火炬指云行潤行潤當據自得初無疆畔豈間南北雖然我今更助把火令汝獨步大方在處充塞

爲玄素發龜云玄素玄素不若自悟任汝縱橫復擊云莫行別路

爲下院王涵紹舉火秉火炬云你紹我我紹你彼彼相紹爲嘗住所以道是法住法位世間相嘗住若於事上觀卽疾不然向意根下卜度則不相應也遂擲下炬云還會麼但能火裡現全身普與法界同一點無滅無生無去來靈山一會豈有墮爲行肯起龜以拄杖打頭云行肯行肯老僧爲汝直指莫認一切處爲止自脫一切生死遂轉身離著

支那 宏雲禪師語錄卷十二 六

題華嚴經 本梵禪人請

汝寫底是赤我寫底是黑且如黑赤已前是個甚麼本梵禪人若覩得透見得徹不唯八十一卷華嚴經乃至一大藏教皆是錯下名言妄生分別

題曰睿程君小像

夫題者名之也名者各其形也各其形者形不能形也形不能形者其形虛也况其名哉矧曰小像又曰影像皆非本質之謂也若夫題其影而不題其本可謂影之猶影轉轉逐末而莫之反余不能影上生題而復題其形形也者於父母生之也且夫未出母胎

男也女也俱弗得而知弗得而知者名弗得而立也若反至夫父母未孕之前又何狀哉君若向父母未孕之先狀其像來余亦向父母未孕之先爲君題

題驢超邪居士醒庵後

驢超居士自題醒庵蓋爲午睡計也當見正睡着時無夢無想王在甚麼處爲醒庵則自不生動靜等見故曰動靜二相了然不生若見有動靜等相者正於王外作夢想也

先覺宗乘序

辛未春海昌黎眉居士訪予姑蘇北禪寺出所刻從

支那 宏雲禪師語錄卷十二 七

上在家大老得單傳直指之旨者目曰先覺宗乘以序首命予以生平不善文字力辭之復移書更索予不得已因翫先覺宗乘四字已爲萬世不易之定論千載不摹之弘規何也先哲不云乎使先知覺後知使先覺覺後覺但先覺雖覺後覺後覺若不覺安知先覺之覺趣故茲刻也其因自覺而感先覺所謂後覺效先覺者也既因先覺以自覺復將斯覺以覺後覺之覺是則自覺覺他覺覺相承如燈燃燈燈燈續燄豈不謂千載不摹之弘規歟雖然寒則知寒熱則知熱饑則知饑飽則知飽尿來便撒尿急便屙阿

誰不覺而待覺耶正值不寒不熱不饑不飽無屎無尿時還覺也無若向者裡開隻眼便見山僧一條棒棒棒俾人徹骨徹髓其或未然更看血淋淋

五家語錄序

五家語者自達磨西來至六傳再四世法徧中華禪備衆體機語不一無心而分自成五家故謂爲仰臨濟曹洞雲門法眼然機用雖似五家無非直指之旨黎眉居士刻茲語錄可謂承上啓下先後包含閱是語者可盡五家差別之元以明自己差別之智總歸當人本地風光全機大用出於文字之表則誰見有

文

密雲禪師語錄卷十二

六

五家兒孫空王佛田庫奴以至狐狼野于到來總與三十棒爲甚如此者裡放過卽不可

敘外別傳序

老僧嚮讀大慧語見拈水潦和尚因緣謂潦纔舉揚便賣弄者一路云自從一喫馬師踏直至如今笑不休渠又何曾有峰巒疊翠澗水潺湲岸柳含烟庭花笑日鶯啼喬木蝶舞芳叢底說話來古今洪詞便利無過此老看他恁麼舉示則不專在言句尖新唯貴提其至要而已云何至要不見他室中問僧德山見僧入門便棒臨濟見僧入門便喝雪峰見僧便道是

甚麼睦州見僧便道現成公案放汝三十棒者四個老漢還有爲人處也無僧云有大慧云劄僧擬議大慧便喝出遵璞聞之忽然脫去從前惡知惡解遂成個灑灑地衲僧又鼎需入室大慧問云內不放出外不放入正當恁麼時如何需擬對大慧以竹篲打三下需忽大悟又大悲開長老入室大慧問不與萬法爲侶者是什麼人閑云扶不起大慧云扶不起是什麼人速道速道閑擬對大慧便打忽然大悟可見棒喝急切要密開人正眼脫人情解無過此也所以老僧生平不解打之達唯以條棒一味從頭棒將去直

文

密雲禪師語錄卷十二

五

要人向棒頭拂着處豁開正眼徹見自家境界不從他得迥出教內教外名言則方知黎眉居士所集從上佛祖機語決定不是文字方能撩起便行羅籠不住呼喚不回直饒如是只堪自了若論戰也各各力在轉處不滯玄妙理致一味活捉生擒向上全提本分一着超佛越祖獨脫單行縱奪自縣殺活自在能治一切名言不坐死地不瞞人眼方堪利己利人其或未然且向者冊子上東觀西觀忽然覷着却來老僧手裡請棒喫既是覷着因甚却要喫棒還有緇素得底麼若緇素不出且莫輕擬棒喝着

宗門崇行錄序

驥超邪居士請

宗門崇行錄者蓋據從上大徹大悟大休大歇真踐實履大人之行也正不比夫今時未徹法底源不知休歇而搖尾乞憐欲狐假虎威靡所不至難可勝言以至謀處所妄作師範致其傍觀輕視竟不思古人謂千犯名分汚辱宗教伏願後之有志欲繼先宗續佛慧命者莫效此等流必期徹證真踐直待龍天推出自然果熟香飄某若狂言定招拔舌犁耕是爲序行狀

法孫山陰王 谷撰

跋語

密雲禪師語錄卷十二

三

師諱圓悟號密雲俗姓蔣氏嘗之宜興人也甫離襁抱氣度莊凝不妄言動終日兀坐儼若思六歲入鄉較不甚受讀惟好作大書八歲與世相無嘗之感恒誦佛號稍長事耕穫偶得六祖壇經時釋鋤而觀之始知宗門向上事一日過山徑忽見積薪恍然有省於是骨攝心意令昭昭然終日如是年二十九安置家室父職率禮幻有傳和尚今諸方所稱龍池者也師事龍池躬任衆務備嘗勞苦而不廢參究但覺心境對立與古人天地同根萬物一體語不能契合因請益於龍池龍池云汝若到這田地便乃放身倒臥

更無別語後屢請益惟遭罵詈師慚悶交感以致危疾二七日方蘇遂稟龍池掩關一日龍池過關前話及有心無心之言龍池云汝既有心把將心來師呈偈云自心本自心心不自心心不非自心心心即自心龍池云心不自心心非心有無既非無自心即師復呈偈云心心即自心有無皆自心有無皆自心無心無自心龍池云今日張渚買兩把青菜來無個大蘿蔔頭師云某在關房不知謝和尚三拜龍池云終未大悟在掩關千日時與龍池往復諮酬當機弗讓而龍池卒未之許也師亦自以爲恍惚未得安

跋語

密雲禪師語錄卷十二

三

穩一日過銅棺山豁然大悟忽覺情與無情俱然等現覓纖毫過患不可得又密舉前所會因緣宛爾不同時年三十有八矣先是龍池入都門命師監院務至是師偕昆季北上省龍池龍池問老僧別汝等三年汝等有新會處麼師即出云有龍池云有甚麼新會處師云一人有慶萬民樂紫龍池云汝又作麼生師即問訊云某甲得得來省覲和尚龍池云念子遠來放汝三十棒師便出一晚同衆入室龍池云寂然不動感而遂通汝作麼生會師便出龍池云此子如傷弓之鳥見弓影便行一早在室中與龍池語話出

吹粥次衆問說什麼話師便翻倒飯桌又一日侍立次龍池云忽有人問汝如何祇對師豎拳龍池亦豎拳云老僧不曉得這是甚麼意思師云莫道和尚不曉得三世諸佛也不曉得龍池云汝又作麼生師便喝龍池云三喝四喝後又如何師即連喝退身龍池云宛有古人之作師復喝又值中秋呈偈云爲愛中秋夜月精與人同樂稱人情萬億州都皆普照一人舉首一輪明龍池云不多不少復書一紙云檀越送得月餅兩個師徒侍者五人一個分作四分剃底付與老僧師掇一個便行一日龍池索師行實師錄呈

龍池

密雲禪師語錄卷十一

二十三

龍池問竟云已有半部語錄師接而火之又一日龍池囑師南還師因爲兩浙遊經會稽陶石簣太史延居護生庵龍池歸禹門召師還問云汝數年來曾見甚麼人師頓足復以手拍膝而出龍池云在外數年一些氣息也無師云和尚疑卽別叅一日龍池陞座召師前舉拂問諸方還有者個麼師震威一喝龍池云好一喝師連喝歸位龍池顧云再喝一喝看師卽出法堂龍池下座師隨入方丈作禮云某甲適來觸忤和尚便出龍池卽安師西堂位次一日龍池搥鼓集衆上堂付師衣拂師固辭龍池詰之師云直待和

尚天年某甲守塔三載然後可行則行可止則止耳又一夕龍池召師及報恩修禪師入室云老僧昨夜起來走一回把柄都在手裡汝等爲我扶持佛法師便出復呈偈云若據某甲扶佛法任他○○○○都來總與三十棒莫道分明爲賞罰龍池目之大笑師亦接而火之龍池示寂師棲于柩側三易寒暑萬曆丁巳衆請開法于禹門時儕輩易視之一聞舉揚莫不屈服旣而登匡廬度夏於袁之泗州寺有僧自天台跡師至袁爲萬年諸山請師住通玄寺師初欲投閒又念付託之重幡然就之師至通玄相依衲子

龍池

密雲禪師語錄卷十一

二十三

千數輩多正因之士師寅夕煅煉有開發者天啓甲子鹽官蔡君子穀請師至金粟山廣慧寺衆滿三千指是時宗風大振學徒踵至遂滿七百有奇而超然神駿不可控抑者多出于席下矣崇禎庚午赴閩川黃檗之請辛未至阿育王寺旣而寧波司理黃公端伯邑侯王公章暨諸紳士請王天童寺而鹽官諸紳士請再至金粟兩郡交迎師決于衆衆譁然欲天童也師遂赴天童是時龍象雲集又倍於金粟矣師嗣龍池于臨濟爲三十世接人無論初機積學惟據令而行故席下英人傑士往往脫穎而去至于吳越閩

楚名公鉅儒慕師宗風或晨夕隨侍或尺素相通或邂逅咨請得師激發無不虛往而實歸宗藩勲戚仰師德者懷香參扣而齊魯燕趙及殊方異域之士亦憧憧不絕也師王法二十有五年以本分接人終始不易間有執杜撰之解起而相角者師一一究詰以明厥旨門人中有付拂者早離師席未盡其妙于本分外別生枝節師諄諄誨之不聽則出關書判說且欲擯之不以受囑而少假又其徒着五宗教師出關妄救畧說後有人求師勿行師不許若士大夫意見不同齟齬其間師不爲勢位而遷就有形于文字者

古文部

密雲禪師語錄卷十二

二十四

師亦往復折之不少憚蓋師用本分鉗錘學者難以湊泊而道理知解之言穿鑿奇巧之說易于惑人受其惑者往往至于失正知見師爲此懼不顧嫌怨而披駁之以故有勸師弗較者師不聽曰存吾說于此以俟天下後世之明眼人耳然而屢經闢揚厥旨亦大暢疑者終信叛者終服忌且謗者亦終悅且悔單傳直指之宗固不待身後而彰明較著于天下矣師尋嘗誨人俱勉以古德風規法門大體而師亦見諸躬行罔有缺失室中不畜長物衣孟稍潤卽散于眾或估唱易金以供之師所住道場義當爲者不憚煩

費每罄所有以佐之師在金粟多建置百廢具舉天童爲禪宗五山之一祖師代起規模宏大而法席久虛隣于瓦礫灰燼師念處其地當任其責數年締造自殿閣堂寮以至庖廊園澤之屬罔不鼎新不但復舊觀而已山中祖塔三十有餘多侵毀者皆清覈而修葺之師之盡力于院事如此然意所不可卽徒步出山聽其所之不少顧戀師事龍池惟謹一言動必遵之服勤不啻廝養龍池寂後師得時物必薦之龍池几榻不假雕飾師任處凡制器皆朴質無華美者師體幹雄傑人望而心折武原朱君上申初聞師名

古文部

密雲禪師語錄卷十二

二十五

未之信一夕夢人持巨幅展示見僧相挺特類古應真其人曰此宋慈受深禪師像也甫瞻禮而覺翌日過坊間見袈像與夢中所見同讀其讚始知爲師像也上申異之于眾信中皈向尤篤繇此觀之師豈偶然者哉師或因事出山當道及鄉紳士必得師復返而後已所過之處四衆喧闐街衢爲之不遁至登塔受禮不得舉七而去師七十誕辰來祝者肩摩袂接寺不能容多溢處于山谷間辛巳師有退居之志曳杖出山卒歲于山陰祁氏之密園壬午正月至天台通玄寺遂止而休焉先是戚畹田公入天童爲皇貴

妃田氏質紫衣請師說法田公既親炙師皈向甚虔至陪京禮報恩寺知寺爲

太祖高皇帝

成祖文皇帝孝思所係疏請新之舉師荷其事得

俞旨田公展人迎師師固辭至是田公再疏舉師復展人迎陪京諸士大夫亦以書速師之行師述退居之志以謝之有自幸居山正足修持以報國恩之語而師厭世之意亦露于此矣七月四之日師示微疾然起居如平時五之日猶答問道書六之日猶答僧問七之日午時師上匡床坐片晷泊然而寂壽七十一

支那

密雲禪師語錄卷十二

三十五

有七臘四十有七卜塔于天童之南山師付法弟子爲五峰學公漢月藏公破山明公費隱客公石車乘公朝宗忍公萬如微公木陳忞公石奇雲公牧雲門公浮石賢公林野奇公十有二人而嗣法孫以及曾玄更僕未易數也師法語迅捷不留朕迹如佛果應庵二祖而披駁諸書雲興瓶瀉不可止禦間形之倡頌天然卓絕師自謂少未覩圖史不聞于詞然而直從胸襟中流出固無藉于靡靡也師工于書得晉人筆意人獲手蹟競寶惜之而師亦不以此見長門人編師語錄若干卷別哀師闢妄七書後錄三錄據評

說辨天說判語復徐一我居士書判朝宗說八種爲直說若干卷并師所著闢妄救畧說若干卷俱盛行于世侍者昌公書來囑谷以掇集之事谷不敢當谷入山莫師衆亦以爲言乃不能辭然師耆德備望爲天下大宗匠嘉言懿行非毫楮可整敬稽首述其槩以俟大手筆爲師著塔銘庶有所考云爾

全身塔銘

四明弟子徐之垣撰

吾郡天童開山晉義興間歷唐宋入我

國朝盛衰興廢幾經劫灰矣乃有鐵漢學道攝折兼

支那

密雲禪師語錄卷十二

三十五

施金鏡度人緇白全集以無爲宗建無縫塔以無漏義化有漏因用使丹轍輻輪輪奐赫艷此惟骨僧堪任骨山而寶坊嬋於寶所則密雲大師揮魯陽之戈而崦嵫中佛日載麗普炤大千蓋大雄氏的的龍象也師名圓悟號密雲陽羨蔣氏子父曦母潘氏師生而淵穆兀坐終日八歲好誦佛號切世相無嘗之想年二十餘見堆柴突露面前有省三十安置室家若釋重負志已堅荷法擔矣時幻有傳和尚弘道於龍池師荷橐從之操作良苦二六時多所述悶亦復多所參究三十三歲祝髮披方袍任本刹依龍池數載

偶歸道經銅棺豁然大徹而瓢笠所遇若居士開土機鋒相觸殺活縱奪提唱都成津梁而爐鞴於龍池者自記萌後叅之燕都重叅之龍池最後有分明賞罰之偈自此紺目一瞬若震雷霆龍池早付衣拂弘開法幢迺智過於師倘所稱烜赫兒孫翻轉面皮者耶狀師者曰六坐道場祇以一棒接人如火聚觸着便燒如太阿劒血不濡縷如金翅鳥劈海直取龍吞使學人言語道斷心行處滅等妙二覺曝腮龍門六坐道場蓋指禹門通玄金粟黃檗育王天童也他若會稽之護生宜興之法藏海鹽之天寧候官之西

文苑

密雲禪師語錄卷十二

二八

禪杭之報國鳳林蘇之聖恩北禪飛錫任錫劒挂眉毛全字半字蓮含舌本而未至天童則金粟之廣慧實先之寺爲吳赤烏中僧會所建迨師至道風遠扇灌輸如流精藍奈苑頓改舊觀嘗應高麗僧曇晦之請舉今晚不答話因緣有云這僧未免向未跨船舷時新羅國裡躲根老僧恁麼批判衆中莫有爲德山作王者出來與老僧拄杖子相見無則老僧作一場獨弄去也似此高登猊座眼目天人其孰能與於斯哉初父蔣翁考終語師和尚度我師曰父子上山各自努力清漳王東里居士讀法語至若汗淋淋時是

乾爆爆時如何若乾爆爆時是汗潛淋時如何不覺身心踴躍此可窺師之徹底婆心說法通玄手舉開山第一代韶國師偈法眼謂卽此一偈堪起吾宗殊不知滅汝宗者卽此一偈不見道昆婆戶佛早留心直至而今不得妙其赴黃檗請也至三門以拄杖指曰昔日遠祖斷際從此出今日不肖兒孫從此入雖然出入不同要且同爲標格其示衆曰當頭一着坐斷要津纔然側耳喪却家珍從來佛法不順人情斯又肅然和尚家風臨濟所云赤稍鯉魚不被人家壅甕裡淹殺者耶其全提正令不少假借又類若此至

文苑

密雲禪師語錄卷十二

二九

先赴阿育王後入天童山而演唱真乘肆啓傑構也始則黃元公司李繼則王園長海憲顧瑞屏宗伯爲大護法吾兩郡諸大老飲穉池味佩伽陀九者其金湯之而弟子垣亦與焉先是寺圯于萬曆丁亥之水鞠而荆棘師愴然新而拓之萬戶千門翔雲蕩日度非金錢億萬未易告落而任運莊嚴以無爲行之首尾十又一年而報十方佛供十方僧者靡一不備瞻禮者詫以爲神雙融空色咸提宗趣又孰得嘗爲有漏之因悖於尸羅妙躅耶師答黃書有云門下祇解撞倒鐵山不解扶起荷扶起不妨信脚行信手揮信

口道乃至東倒西搗無非這座鐵山更有何物作礙又端午上堂豎起兩拳云只將這兩個大糲子供養大眾一任橫咬豎咬忽然咬着自家底直得人人飽足免得窮厮煎餓厮炒爲甚如此到底輪却自家寶又云老僧終日趕大眾挑磚搬瓦運土擡石見你們稍遲縮不喊便罵汝諸人還知老漢爲人處麼三生六十劫答都中僧唱作喝會棒作棒會入地獄如箭射云千句萬句皆從自了自已不了喫棒不了凡此固然一刀血濺楚天以至玄要炤用一切臨時賓主料揀縱橫自在猶是剩義所爲揮戈提峴嶽之日普

文部

密雲禪師語錄卷十一

手

炤大千者太白山不殊獅子窟矣廼世所疑信半者師不喜一心字爲方寸禪痛下針錐議者遂謂王張身見師不云乎今銅棺山頂情與無情煥然等現十方世界悉是遮那佛身拘留孫見身無實維摩詰觀身實相各下註脚祇道得一半身外無餘之旨豈諸方半生半滅半不生滅者所能勘破此可劈疑網者一師讀壽昌語沾膏曹洞水似酪涼心入堂告衆曰此老正如鼯鼠飲河豈知大鵬劈海待老僧劈脊一棒使伊和心嘔出然後更與一棒遂謂師偏舉臨濟抹殺曹洞師不云乎譬如一家兩子五孫支庶繁衍

致門戶啓訟端解紛者曰汝等支分派別其初原只一人則當下爭息矣如南嶽青原兩頌掀翻舊案各有旨要亦何嘗是南嶽非青原而諸方以此爲口實耶此可劈疑網者二師又云黃檗打臨濟破夏來何不終夏去雲庵罵堯率吐血禿丁脫空妄語悟後切劇古人往往有之但今時習氣聞阿難不知迦葉則怒聞巖頭不肯德山則喜我見崢嶸離地求起是後生過非老僧咎抑嘗稱我不敢輕於汝等汝等皆卽如來又嘗稱勿輕未悟回機本得乃知師努力正是低眉也此可劈疑網者三今觀師所行語錄闢妄諸

文部

密雲禪師語錄卷十一

三十一

錄據評說辯天說判語直說闢妄救畧說其於向上最後之旨法筵梵袂灌頂薰心而其後岐者一叛者販當世津梁大總持微師誰屬焉武原朱上申聞師名未信夕夢人持巨幅展示見僧相挺特類古應真其人曰此宋慈受深禪師像也翌日見像與夢中同讀其讚知爲師像繇是觀之師豈偶現比丘身哉之垣最服膺於師者師名聞

天子崇禎十四年

俞旨任金陵大報恩寺終以老疾遜謝且援道信大師芙蓉道楷爲辭此其高風孤峻誠非近時名振叢

林身望世網者可攀至岩巖天半之名山畢力經營累時經歲飛樓湧殿炤壑蟠崖豈無十笏退居地而垂老投蘂柳樑橫肩浩然不顧竟終於通玄澗肅林寒之頂始終南嶽一樵夫耳師示有云中書堂事誰知道六祖元來是古樵乘如而來乘如而往解脫門中一絲不挂置般若位中必無退轉耳師生於嘉靖丙寅十一月十六日示寂於崇禎壬午七月初七日春秋七十有七夏臘四十有五門弟子自天台迎龕歸太白塔於寺之南山幻智庵之右隴師開堂既久嗣法弟子如五峰學公漢月菽公破山明公費隱容

支那

密禪師語錄卷十二

三十三

公石車乘公朝宗忍公萬如微公木陳忞公石奇雲公牧雲門公浮石賢公林野奇公十有二人皆分化四方爲緇素所仰望者而剃度弟子通壽通鏡通辦三百餘人等并嗣法曾玄更僕未易數也且吳越閩楚間名公鉅儒宗藩勲戚有慕師宗風者或捫衣問道而親見指歸或諦信投誠而弘護無數共若干人不能悉載之垣謏劣下根當進步既乏精勤叅話頭復鮮直截妄欲以儒語譚禪觀譬如甕中何能見日第據門弟子所撰行狀中摭其一二明白易曉者約畧勒之玄扃以示末法儀的其於實諦圓音尚未夢

見在敢云子厚之銘大鑑香山之銘昭公耶銘曰廣大妙湛實惟大雄有象設教無言標宗歸濟一棒不關塵埃無句之句啓瞶擊蒙我師嗣法總持普同孤燈獨炳萬象撒零熱腸冷喝大眾耳聾微言不漏普說尤工雨花點石其二必公金鷄香象造極登峰道德彌峻皈依益崇如日經天師當其中如水行地師障其東卓錫爰止大白龍從肇駛安殿開忉惻宮金航粟輦萬國雲從甚深法力伊尸其功是老船師克濟洞澤是大醫王克起疲癯名聞天展命主鎬豐師辭懶殘針陽墮空辟榮紫欄歸于

支那

密禪師語錄卷十二

三十三

舊叢孤筇絕巘嶺嵐澗楓雙樹夜壑鬱鬱葱蔥僧臘有盡佛日長紅爰邇靈蹟天賜之童紹多耆宿共扇玄風童者匪始耆者匪終循環萬古華葉無窮宵聞塗毒其聲逢逢儼焉一會靈山在腫不昧斯語視石所鐫

崇禎甲申歲季春吉日

遺衣金粟塔銘

并序

資政大夫都察院左都御史烏程唐世濟撰
欽召掌計吏科都給事中武原吳麟徵篆額
我婆伽婆降於西土歷五百歲始達支那蓋聞其語

自騰騰訪也見其人自少林訪也乃至法周沙界則自曹溪訪也自此以還雲旣彌廣二株並茂五葉畢舒淳陀一宗代有偉人大興於世懸記不爽繩繩百億誰非孫子者要以大宗垂統世次相承若興化而下可屈指數矣此其人並衆肉一麟豈復當以盛衰言者然而時節因緣各具差別亦如慧昭獨號大興夫固可以論其世矣然則如天童密雲大師者不可謂中興者歟師陽羨蔣氏子幼食貧樵牧自給蹤跡畧同曹溪顧其中已有憬然者猛自鞭策不止氣食牛矣已棄家歸龍池未卽薙染服勤爲行人力作匪

密雲禪師語錄卷十二

三十四

解亦不啻縋腰之石乃至侍師往還南北舟輿跋踣憤肉中身兼斯役而叅究猛銳月異歲殊中書堂裡事點育自問而皮相者猶作擔柴觀獨龍池已深知之錐授彌厲已而薙染掩關池時時叩擊師兒雄俊雖在窟中爪牙已露然終不自肯攻堅抵巇者六年一旦豁爾脫落自謂覺情與無情煥然等現覓纖毫過患不可得蓋始真到不疑之地也時池已先入長安師旋往省覲周旋三載本色相見迥超情謂之外池欣然默慶得人乃杓柄在握猶復遲回不輕授手師先還南數年池至自長安師再侍巾瓶池知師不

淹他家齏糲中乃安西堂位搥鼓集衆付衣法師獨固辭不受池徵其意曰願隨侍終身然後行止聽緣耳嗚呼師資受授之際彼此鄭重如此今學者稍能染指早已熱中有毛遂之錐無公孫之樹甚至美玉不必其善沽甘露貽譏於早飲聞師之風願得無泚哉又數年池示寂師卒踐言伴樞三年始開堂本山繼其位當師行脚時一時諸名公業刮目傾耳聽受諮問頻伽在殿聲已遠聞然據令之始猶問有薄東家而賦狐裘者旣而道風遐播四衆景從德臘兩深彌高彌邵象龍騰於語下麟鳳入於絃中法幢言言

密雲禪師語錄卷十二

三十五

隨處建立住龍池者四年住通玄者一年住金粟者五年住黃檗者半年住育王者兩月而遷天童天童十年寰宇傾企飛樓傑閣應念成就崇宏壯麗冠絕一時公卿貴人稽首問道名聞九重將葺留都報恩寺續

二祖之緒俾師唱道接引十方師固辭不就論者尤稱歎之神龍之召願終林麓曹溪芳躅亦復千載合符也師性剛直壁立萬仞意有不適撩衣卽行其居天童也出山者凡三爲緇素疆留而止寂後纔然出門萬衆挽之不可竟入天台仍住通玄通玄路僻又

頽廢久師旋加葺理學人力作攻苦有僕隸所不堪而相依不散四方聞風爭趨之未幾師示寂矣師生平所到處旄倪聚觀填塞街衢至於清衆販嚮如水赴壑師覲面全提等心行施痛棒熱喝而外無他委曲又作務煩重太白山中距河干往復一縣旬而遙土木之役經年累月皆衲子身自拮据不煩一匠也玲瓏巖採薪徑險草滑恒懼顛蹶甚者頭破腦裂而衆等堪忍依止都忘苦辛其任金粟會下已盈萬指天童末年更數倍之至涅槃後奉龕入塔適霖雨經旬泥濘沒胫而黑白奔送幾至萬人觀者咨嗟歎未

疏

密雲禪師語錄卷十二

三十六

曾見夫此道本超色聲絕情解豈俗眼所易優劣是以首山法席衆纔四十爲天下冠然而度生弘誓實號無邊暢其本懷非名惡欲則吾未嘗不願其多多也以此考之傳記逆遡龍池而上久矣無若師之烜赫者謂之中興不亦宜哉於是金粟費隱禪師飛錫踵門告余曰先師遺蛻業自通玄復還天童建窰堵矣唯是金粟其開化地向者蓋營壽藏以需今將奉遺衣而掩之并礬片石以待子銘余不敢辭曰古者銘必於器物子若孫表揚先德勒之鼎鍾以昭茲來許維師之德不藉物而顯顧分身應化在處皆佛事

也況其表信者乎且吾聞金粟肇自赤烏康祖往而猊床久塵毒鼓絕響千餘年後師實開山有其開之如瓜斯跣石車禪師經營始備今費隱禪師堂構益光當吾世已若此椒聊之詠知未艾也衣被無窮伊誰望領以遍覆我者敢忘其朔哉師會下英靈輩出號曰僧海然生平最嚴付授膺記莈稱法嗣者止十二人天閑逸足更無中興得闢入其間然而師資契合最洽最深無語不投有倡必應味其論如出一口攷其行亦同一轍者則費隱禪師一人而已此非余之言夫人而能言之也天童之塔別有大手筆銘之

疏

密雲禪師語錄卷十二

三十七

故茲不具述述其概爲金粟志若此或曰禪林真秋晚耶何其多諍也曰不然佛亦如是耳不有摧伏何稱世雄師之言曰都來總與三十棒此之謂扶佛法龍池所喜爲大人相者也且彼示與師軋者其人大都負大力深智鳴鍾鼓撼山嶽以相加遣而師晏然踞坐張空拳而八面應之攻者屢變應者不變無不給也卽無不摧也使後來聰明辯智之夫知此道果不借他力廢然失其增上慢心俯首以入鑪鞴問何以有懷來無折首曰子非賊故以明攝愛之廣顯激揚之方而費禪師更獨以鶴鳴之鉢表所謂雖齊聖

而不先食者以救末俗以間執他口使不敢曰無父之教也君向瀟湘我秦其轍取道各殊我則正矣打鼓弄琵琶共成一曲調八音於是乎諧而要皆自師妙指發之世乃曰靜耳靜耳此未知道之大安知師之大耶師名圓悟十二人者爲五峯學公漢月藏公破山明公費隱客公石車乘公朝宗忍公萬如微公本陳恣公石奇雲公牧雲門公浮石賢公林野奇公學藏乘先師化去與現在諸公各分化一方演揚妙法續師慧命法孫暨曾玄在處崛起爲人天所推名稱普聞者未易一一數所謂大興千世者也系之銘

後集

密禪師語錄卷十一

三六

曰佛法如大海悟者有淺深先證涅槃心後明差別智既已同根生猶有未同死得少卽爲足古人所深呵此爲尋常言大智實不爾一超而直入更不落階級維師真實語一悟不再悟深達法源底墮地便稱尊喻如火聚熾然無間歇蚊蚋及象師無能近傍者正令已在握縱橫何不宜豈於窻榜中重複問牛尾大悟十八遍小悟不計數本是宋儒言非大慧所說學人承訛久智者亦惑之惟師以爲非確然不肯信此非傳學得心不受瞞故譬彼渡海人登岸已捨筏更從筏上招掉臂終不顧八面應強敵殺活但臨

時離文字語言辨才獨無礙海內諸龍象強半我兒孫吾宗復大興遂符黃檗識萬行本無作谷響空中華應緣事已辦脩然忽歸去全身還天童遺衣藏金粟同昔佛舍利永鎮於山門吾憶黃梅語衣止法獨傳橫周沙界中豎盡未來際

道行碑

中憲大夫知寧波府事章克振撰文全男內翰林秘書院編修前值國史院庶吉士成賢篆額湖廣黃州府黃岡縣儒學生員述賢

後集

密禪師語錄卷十一

三五

書丹

禪宗肇自少室直指單傳無階級津梁可尋蓋西來第一義也曹溪以降枝分派別號稱極盛傳至于今去根源日遠荷道者懼焉起衰採敝從末劫糾紛中必拈第一義示人令少室宗風儼然未墜則密雲悟禪師其人已余守四明之先五年師已入寂追仰道範從其上座容公悉師本末著爲傳而師之微音懿躅載之銘狀年譜者甚備適容公更欲遵唐宋元以來名僧禮爲師立道行碑徵文於予予逡巡久之以終不敢辭者疎疎之名冀附師以彰不朽遂忘其言

之鄙拙也謹按師諱圓悟號密雲出義興蔣氏生而穎異端嚴讀書黜訓詁喜縱筆揮染如奔驥翔鸞不可羈絆見者咸以公輔期之乃師在總角已薄公輔不爲矣每念世相無常勤持佛號至徹晝夜偶得壇經閱之若夙契焉者嗣是而耕而陶而樵牧隨所托跡惟事叅究一日負薪山行與積薪遇恍然有省遂決意出家聞禹門傳演法龍池具正徧知師往侍之龍池一見知爲大器加意鉗鎚令從果末執役備歷艱瘁閱二年乃爲薙染執役如故又三年聽閉關又三年命監院務師以心境未融間有請益未許也奮

擬進

密雲禪師語錄卷十二

四十

發精進師志益勵忽于銅官山頂悟情與無情煥然等現覓纖毫過患不得而從前疑義盡釋矣遂往叅龍池于都門機鋒所觸無復遜讓觀其相對堅拳三世諸佛拈不出處師一喝再喝連喝而退宛有古人之作龍池已心折之因以無住法囑師南遊師自雙徑兩目登天台還過會稽爲諸名宿開發積疑莫不驚歎得未曾有迨龍池歸召師叩以扶持佛法師呈賞罰都與三十棒之偈龍池大笑以付拂得人未幾遷化師感法乳恩深服心喪煢煢如在疾觸目著存固終其身不易也且念付托之重證明無人乃遠涉

匡衡還息于天台之通玄寺纔一提唱宗風大播次年應金粟諸依剎榛餐蔡霍龍象競歸之不逾時輪奐通起悉具叢林規制日會食以萬指計凡師所過繇素求瞻禮者喧闐雜沓每至遮道不得行其山川阻隔從數千里外勒尺寸以請者師爲之發蒙導滯一如親承執棒而聲教四訖矣庚午冬自黃檗歸金粟四方之來皈依者益衆師欲避之值明州司理黃元公請住天童遂允焉考昔天童以叢林剎五山自洪水漂沒丹崖翠壁之間遺構蕭蕭師樂其寂靜森邃去人跡遠荷可容膝足矣詎意布金長者現百千

擬進

密雲禪師語錄卷十二

四十二

萬化身梯航而至爭任締構之役積十年殿閣崇隆堂室複疊望之若雲蒸霞鑄瓢笠濟濟三倍金粟師所付拂則有五峰學公十餘人及曾玄孫輩各分化一方法席之盛如此其或持彌旻車見欲加無上天人師者詞之不受旋墮瞿伽離報其彰彰者可按也師既修列祖塔竟卽有退藏之志歲辛巳田太傅承皇貴妃田氏命躬齋紫衣入山祈師演法太傅在戚昵素以驕蹇聞及見師遂降心執弟子禮因念留都大報恩寺爲朝廷開基香火恢復之功非師莫克舉者禮疏上聞既得肯與諸大檀護合辭以請師以衰

邁力卻之追收題之命再至師已從天童拂衣徑上通玄矣師居通玄起居如常于是年秋七月七日偶不疾遂踣跌而逝而白虹貫山實先兆之七衆弟子若失怙恃歸其全身塔于天童南崗從泥塗中引縛者數百里絡繹不絕哀號之聲震林谷德澤在人可概見已師年七十有七僧臘四十七代龍池主法二十五年與人相見惟以直心直行本色本分而全體迴露不隔微塵大用昭融不留纖迹故其開示者舉從前千七百則公案悉落塵尾而斬斷葛藤撥開雲霧絕不依傍一人其接引者自王公諸長者以至

杖屨

密雲禪師語錄卷十二

四十一

厠隸末流自五比丘十弟子以至一闡提輩統以慈光攝受共登正覺絕不立一差別見其著述者爲法語爲題咏爲酬答爲辨證或寥寥數語或連篇累牘因感而應如鐘聲鏡影絕不墮語言文字之障其翔後者不第通玄金粟天童三大招提連雲蔽壑功成萬礎凡平日法幢所貢卽爲寶坊師惟一杖一拂飄然物外絕不作一住相此其所以平貴賤而智愚頓漸徹遠通貫存心視師初拈天地同根萬物一體之語真可不愧古人矣豈輒近乘拂者能以門庭頓頑也哉敷揚未盡重宣以偈

密雲禪師語錄

卷十二

太白峰高戛璣璿 砥柱狂瀾迴百用
徧江鷲嶺帝網浴 烜赫有人此鴻鸞
一葦直欲奪前賢 窠窟倒翻階級捐
萬丈門庭空中懸 豎拂當場正令傳
如神鋒觸大火然 破除一切無中堅
炯炯透出心珠圓 寶光五色冒大千
龜毛蛇足已忘筌 透脫是名祖師禪
飛矢墮側化青蓮 名動九霄綸綍宣
俄瞻瑞相現通玄 四大假合真不遷
宰堵波與東谷連 三匝投體盡涯巔

杖屨

密雲禪師語錄卷十二

四十二

師德澤世寧計年 江河行地日麗天
歷阿僧祇永綿綿
大清順治戊子年孟秋日本山繼席嗣法弟子通容
仝老侍者行昌等立石

密雲禪師語錄卷十二終

密雲和尚年譜序

我天童本師開堂三十三載臨濟宗風大振於世其語言行事動合章程昭昭可爲後代法水陳忞公編成年譜自示現以及順寂首尾次第井然不紊但援引處稍嫌蔓延據實處似多粧點至于末後室中密印之辭未免私徇人情混濫祖系萬不得已改圖定本更令祈遠唐子重加釐正繁者刪綺者質私者公濫者嚴庶幾影響之流毋藉此爲口實濟宗賴以不墜知我罪我聽之而已

崇禎甲申秋任金粟嗣法弟子通容百拜敬書

支那

密雲禪師年譜序

二

天童密雲禪師年譜

法孫晉昌唐元竑重訂

世宗皇帝嘉靖四十五年丙寅

師嘗州宜興人姓蔣氏其先世顯著子姓蔓延諸州郡故諺稱江南無二蔣父名曦母潘氏師其季子也生于是年十一月十六日丑時按師誕日衆請上堂云今年十一月十六日也是者個時節去年十一月十六日也是者個時節乃至從無始十一月十六日也是者個時節後年十一月十六日也是者個時

支那

密雲禪師年譜

二

節乃至盡未來際十一月十六日也是者個時節又按彌陀誕日僧本允請上堂有老僧昨日是生日彌陀今日是生日我比彌陀先一日三世諸佛從此出之句云

穆宗皇帝隆慶元年丁卯

師二歲是年出嗣張氏蓋張於師爲王母族艱嗣息愛師岐嶷故乞繼之

二年戊辰

三年己巳

師四歲甫離襁褓而氣度凝重殊無孩稚態終日

堆堆坐地若憶持者久之中冷濕成腫疾家人搗藥汁飲之稍愈而兀坐如故

四年庚午

五年辛未

師六歲入鄉校不樂章句讀誦惟喜書遇便輒大書毀瓦畫墁不顧也嗣王父厭之然亦以是奇師

六年壬申

神宗皇帝萬曆元年癸酉

師八歲不繇他教自然發意念佛按師行繇云我幼性頑乃至不肖之事靡所不爲但於歲歲二三

支那

密雲禪師年譜

三

月間忽動世間無嘗之想便欲修行念佛念過三日覺得夢中無念非佛過三月後此念漸輕

二年甲戌

三年乙亥

四年丙子

師十一歲與羣兒牧西沆澤中鄰牛附師牧者日供一錢師得錢輒買紙筆以群牛授諸兒自詣鄰齋學字晚則荷簑笠召諸兒歸故師嘗語其侍者曰我那時已作整頭長老了

五年丁丑

密雲禪師語錄

六年戊寅

七年己卯

八年庚辰

師十五歲躬耕樵且陶于澗北按師禹門上堂云悟上座出身本非他鄉異土之人卽本邑南嶽山中一個樵夫耳又按師答漢月首座云老僧漁也漁過樵也樵過耕也耕過牧也牧過祇爲不知本命元辰立地處故入佛門來

九年辛巳

師十六歲納室吳氏先是新安吳某者商陽羨善

支那

密雲禪師年譜

四

師嗣父飲酒驩甚以女字師是歲納之

十年壬午

十一年癸未

十二年甲申

師十九歲是年歸宗復蔣氏之族以張有子故

十三年乙酉

十四年丙戌

師二十一歲嘗語其侍者我萬曆十四年染傷寒甚劇初爲數畝田放不下合却眼便在耕耘上自念我且要死管他甚碗於是一意念佛念過數日

夢一神人瞞衣素裳凌空而過聲言施藥我呼云
某正病可不施我神人轉手與我一丸醒來偏體
汗霍然病已

十五年丁亥

十六年戊子

十七年己丑

十八年庚寅

十九年辛卯

師二十六歲閱六祖壇經始慕示門向上事耕耨
之暇負薪入市買蠶晚歸織履而壇經傍置玩繹

不眠

五

不休

二十年壬辰

師二十七歲按師行錄云乃至二十七歲上山作
務有省得管帶拘心意日用皆令昭昭然即穿城
入市做買賣不肯放過每繼日以夜胸中作痛
猶加煇顧又按夏通燈源流答頌云師在俗挑柴
過一山灣忽見一堆柴突露面前有省

二十一年癸巳

二十二年甲午

師二十九歲嘗語侍僧我二十九歲決志出家是

年十二月區分家事安置妻室竟乃縱觀用原遊
歷城市覺步履輕鬆如人放下百二十觔擔子相
似聞先師在顯親寺徑往瞻禮此時送矢歸依之
願焉又按行錄云向緣家貧營緊不能純一修行
至二十九歲纔得棄室然追想來離世間羈絆
似有時節我棄室當夜夢着新鞋一兩於行路次
一時脫落鞋底遂因先父引見先師

二十三年乙未

師三十歲正月詣顯親禮幻有傳和尚馬師傳以
師學道勇銳志期徹悟故以圓悟命師名是春傳

六

六

任龍池師爲荷蒙而往身任衆務以至當薪陶器
負米百里之外雖刻苦事衆而泰寬益力行錄
云三十歲乃出家祇覺生死到來畢竟不覺當於
前境界愈加煇顧愈加不穩當二六時中看得心
境兩立古人道天地同根萬物一體越看越感兩
個

二十四年丙申

師三十一歲傳和尚命師離染而師終身苦行
供僧役故傳上下舟車師隨行有願野寒師嘗正
色語衆云老僧三十一上侍老師承禪學道却在

務作裡辦汝輩要安坐修行耶老僧不願叢林遺此法式按爲衆普請上堂云百丈大智禪師創叢林立規矩有普請例所謂作則均其勞飯則同其食自今觀之似乎不然作者應當作閒者應當閒致使古風彫喪法門淡泊無他蓋王者不舉之故也乃云要且者般事無處得藏窠所以爲大道所以爲公案擔荷者般事須是者般漢若畏刀避箭躲懶偷閒不足爲伴故師任天童日有十餘衆普請不赴隨喜寺西之玲瓏巖師立擯之時嘯雪聞公亦在其數而擯牘偶遺其名公述偈自結束去

文部
聖德

密雲禪師語

上

云大家同上玲瓏巖人逐忙今我獨閑撫臆此心欺不得不如自擯出松關師義之解其擯爲榜僧堂規諭衆云

二十五年丁酉

師三十二歲念已事不明歲月飄忽於是積憂成疾按行實云因侍師入城舟次請益本師云你若到這田地便乃放身倒臥更無別語我只得禮拜昏蒙益甚又一晚侍師上榻復請本師本師良久見我不領便云可憐可憐亦只得禮拜退嗣是周旋師側惟加罵詈我慚悶交感至大病汗流二七

密雲禪師語錄

日方蘇按昌侍者記聞師于是冬侍傳和尚至嘗州途中遘病先回其父與良師伯者以爲崇設位辦食轉諸經呪禳之正念誦間師忽至二人相顧躊躇師詎云汝這鬼子心經念不出要索食耶遂一時踏翻傳和尚聞之嘆云此子機用若此他日吾宗不寂寥矣

二十六年戊戌

師三十三歲是年四月八日始納僧服按禹門上堂在俗家寒未嘗讀儒書經史脫塵年晚又不曾備歷講筵按爲世庵法姪普說云老僧出家年晚

文部
聖德

密雲禪師語

八

爲生死事急無暇及于教乘又據昌侍者記聞師旣披剃傳和尚顧師喟然云僧亦是個僧不知因甚挨到這個時節則師生平所亟亟在此不在彼可想矣

二十七年己亥

師三十四歲掩關本山以千日爲期按行實云遂稟本師掩關時已虛度三十有四矣則師掩關在己亥春而昌侍者記聞師于是歲祝髮卽于是冬進關初師欲掩關慮費嘗任乃自構材木小構關房數楹及千日之需然後進關今以歲紀考之師

辛丑冬啟闢壬寅領院務過至戊戌冬而千日始滿則掩關在三十歲明矣作掩關偈及答曹林講主法華偈爲報恩脩下語代答一日覺宇脩報師與覺安念者於師關房話間念云宇師兄你在家殺幾多羊來索命時如何脩面熱不能答師代云這畜生更要甚麼命

二十八年庚子

師三十五歲關中因袖破有感呈傳和尚云袖破露出手鞋破赤脚走躡撞富家郎他醜我不醜傳正以偈有若要賭猜枚大家出隻手之句又與山

支那

密雲禪師語錄

九

陰王靜虛徵詰雲門問陳操尚書非非想天幾人退位話師云大家在這裡士大喜與師締方外交云茲是歲冬十一月也

二十九年辛丑

師三十六歲傳和尚爲師按驗往還酬答雖當機不讓傳不許可以限周千日冬遂啟關按行繇云一日本師過關前話及有心無心之旨本師云你既有心把將心來我呈偈云自心本自心心不自自心心不非自心心卽自心本師云心不自心心非心有無既非無自心耶復呈偈云心心卽

自心有無皆自心有無皆自心無心無自心本師云今日張渚買兩把青菜來無個大蘿蔔頭我云某在關房不知謝和尚三拜本師云終未大悟在又一日本師同兄弟至關前佇立有間云佛法二字雖不是偶然亦非特意會得但有個悟入處不妨信意拈來自然貼體隨分道出自然恰好所以大丈夫爲道通別纔得源頭到手撩起便行不問如何若何老僧憶昔居臺山有一僧問三賢尙未明斯旨十聖那能達此宗未審如何是斯旨老僧卽鳴指一下云會麼僧云不會又鳴指一下云

支那

密雲禪師語錄

十

知麼僧云不知老僧但向伊道具足凡夫法凡夫不知具足聖人法聖人不會聖人若會卽同凡夫凡夫若知卽同聖人其僧矍然致敬倒身三拜直趨而去更不回顧俊哉汝等且道這僧如此去還曾悟得也未若道未悟他却怎麼去道他悟又悟個什麼來汝等試道看我卽起身一拜云夜深天寒請和尚歸方丈本師云不是這等籠籠推開去便了的本師乃舒一手云我手却不是驢蹄我云怎麼道又爭得乃亦豎一指本師云也當不得又按答孝廉劉墨僊貧道若不得我幻有老人道未

曾大悟在又爭得到銅官山頂忽自覺情與無情
煥然等現又爭忘得人我相得失是非又爭說道
大地分明一個爐看來渾是火柴頭老僧信手輕
挑撥便解翻身動地流耶

三十年壬寅

師三十七歲傳和尚移錫燕都命師監院務按行
繇云我三十七歲本師將北往以院事付管當晚
室中擬舉話問大衆我即向前云和尚恁麼擬舉
話正好劈口大巴掌便出雖然如是只是恍恍惚
惚昭昭靈靈也未得個安穩

支那

密雲禪師年譜

十一

三十一年癸卯

師三十八歲是年秋因過銅官山豁然大悟按行
繇一日自城歸過銅官山頂忽覺情與無情煥然
等現覓纖毫過患不可得大端說似人不得正所
謂大地平沉底境界爾時恍恍惚惚昭昭靈靈底
要起起不來欲覓覓不得不知甚麼處去了又自
密密舉前所見所會古人因緣宛爾不同亦自不
疑道是與不是按客漢月首座老僧於有個小省
發始覺得昭昭靈靈之杳景雖不從前塵所起而
有但舉念則有不舉則無故於生死中未免看作

密雲禪師語錄

兩概弗得一體故弗安穩歷一十三載於銅官山
頂不覺昭昭靈靈之一念故覺情與無情煥然等
現不見有男名女字等差別名相又云於銅官山
頂忽覺情與無情煥然等現故惟以一條棒直指
一切含靈本命元辰立地處

三十二年甲辰

師三十九歲按行繇至三十九歲同覺宇三藐二
師弟到京省觀本師以昌侍者記聞攷之則師是
歲實居龍池蓋師啟關之明年報恩脩踵師闢亦
訂千日期今約脩掩關之歲月至乙巳孟夏周三

支那

密雲禪師年譜

十二

檢則昌侍者之記聞爲實錄焉

三十三年乙巳

師四十歲是年四月偕報恩脩取道漕河入燕京
省觀傳和尚冬十月始達京師時傳住普照禪寺
聞師來先使人待之國門及至便問老僧離汝等
三年汝等有新會處麼師即出云有傳云有什麼
新會處師云一人有慶萬民樂業傳云汝又作麼
生師即問訊云某甲得得來省觀和尚傳云念子
遠來放汝三十棒師抽身便出又一日傳問近日
又如何師即舉起右脚傳云驢脚馬脚師便舉起

左脚傳云馬脚驢脚時脩禪師在傍師以手指脩復顧傳和尚脩便出師云不消一指亦出又一晚同衆入室傳問寂然不動感而遂通師便出傳云此子如傷弓之鳥見弓影便行又一晚同衆侍立次傳云如人落水坐觀成敗不收一救師即推挽衆兄弟出衆不從師云爭怪得某甲又一晚問是大盡小盡有者道小盡有者道大盡師云設保不在曆本上論量便出一早侍傳室中語話了出與衆衆問說什麼話師便翻倒飯桌一日侍立次傳云忽有人問汝如何祇對師向前豎出拳傳亦豎

密雲禪師語錄

三

拳云老僧不曉得者個是什麼意思師云莫道和尚不曉得三世諸佛也不曉得傳云汝又作麼生師便喝傳云三喝四喝後又如何師即連喝退身傳云宛有古人之作師復喝又一日衆俱外出傳掩門獨處師外歸不放入逡巡檻外狗忽內吠傳書紙塞出門縫云辜負自己名字何師以碗鋒書瓦云和尚裝聾某甲賣啞一隻黃犬非聾非啞然雖如是何名何字棹入牆內傳便開門歸方丈師入作禮傳云門開了汝不能進耳師一喝便出一日傳自拏鐵衝鑿壁師向前代鑿之傳過衝與師

云老僧有個替手遂歸方丈一日報恩脩呼師云密雲師兄傳云是誰脩云悟師兄改號了也傳云怪道恁麼糊塗師抽身便行又一早土方丈問訊傳云汝只恁胡統亂統師便起單他往脩等挽留傳云不要留他一言相契即任一言不契即去師走出傳云將謂汝出一頭地原來是個無明塊子師云釣背筋蠻子誰不識你你作無明會那傳即轉身歸方丈師亦被衆兄弟留住傳云汝恁麼罵了老僧如何掩得別人過汝還在這裡任師即大書云誦人不好事好事不瞞人有人謂我罵師父

密雲禪師語錄

四

我師向伊道莫謗山僧好傳亦大判云此是闍老前公招無晦也一日凌晨傳和尚以大棒靠佛堂前喚云圓悟我要打汝汝跪了佛我與汝說說佛法了打師走云有佛法與別人說傳直趕上與師掄劈大棒得三個月日提不起手師當時直倒觸上去傳放棒云汝恁麼觸殺老僧師以棒擬打上云豈不幸哉

三十四年丙午

師四十一歲居普照傳和尚既任緣任持師亦無煩綜理泮真優游故多題詠自勉得云允陰晦息

莫虛刪時節因緣豈等閒一念萬年終不改任他
滄海變青山又中秋呈傳和尚云爲愛中秋夜月
精與人同樂稱人情億萬州都皆普□一人舉首
一輪明傳和尚印云不多不少復書一紙云檀越
送得月餅兩個師徒侍者五人一個分作四分剩
底付與老僧師掇一個便行

三十五年丁未

師四十二歲還南傳和尚示師法語云汝離我此
去但適意處斷不可住不適意處作急走過恁麼
行去不要記歲數須待十字路口有個跛足阿師

支那

雲禪師年譜

五

與汝印證了不要汝來見我彼時我自相見汝也
宜悉之時蓋二月中旬留別修禪師有同來不同
去愧我獨南行之句三月過維揚登山山留題云
波中卓出始昂頭裂破長江兩道流隔岸紅塵飛
不到三三兩兩渡人舟夏居龍池示徒有人生何
所貴所貴持大志志大不吾欺浩然塞天地之句
秋八月上雙徑陟臨安之天目山撥草瞻風聞其
無人乃截江過天台訪海門周居士士以道學人
望隆一世稱門庭高峻者師與之本色相見脫畧
窠臼士爲手舞足蹈乃館師別業日夕質證恨相

見晚及師辭去與師訂出世之期師以任山告之
士云知命以上師且道風徧界安能深自秘惜耶
至紹興邂逅王靜虛虛素奉師獎藉一時留神空
宗之士有若陶會稽望齡王司空舜鼎咸假館願
留懂懂咨叩無虛日故師與之酬酢最多

三十六歲戊申

師四十三歲居石簣山房亦名護生庵或曰非也
護生庵去石簣山房半牛吼地乃陶會稽家世植
福地蓋吼山云按昌侍者記聞師居吼山日有貴
人至庵見師閱論孟貴人問看什麼師呈起示之

支那

雲禪師年譜

七

貴人云不是你家茶飯師便掌貴人大怒適會稽
至諭之曰和尚與你佛法相見乃惡發耶貴人唯
唯遜謝而去天台有無擇者偏見諸方尊宿以機
辯盛氣蓋人時流憚之嚮師名直趨謁師適師路
次栽松遽爾問云聞吼山有師子特來一弄師舉
起鑊頭便打擇擬議師直打赴繇是道聲藹著宿
衲因之就正者亦戶屢滿矣作達磨渡江讚爲石
簣陶公作初祖像讚燈前偈示護生庵王有笑裡
有刀鏡得破光明越格始爲僧之句

三十七年己酉

師四十四歲聞樵李榜嚴備諸禪典乃自往購之故宿楞嚴有夜央轉臥緣張臂觸省隣單安睡人者此也過武原留秦山度夏秦山者蓋始皇三十七年遊會稽還駐蹕此山以望蓬萊僊人之屬故其上有始皇廟師有句云行到山窮水盡頭秦皇計絕始心休誰知別有通方路大海何曾止浪遊病目答景西上人偈是秋仍寄護生卒歲

三十八年庚戌

師四十五歲佩傳和尚南來之語乃辭別石簣闔太史云花事紛紛春盡頭杖藜隨意且悠遊謝辭

支那

密雲禪師年譜

七

檀越何方去萬里天涯一步收太史勉留之以師欲觀南海為津送之普陀且密令寺王玉堂款師故登菩薩頂望日有登巔四顧景幽長水色天光碧玉堂之句訝王人禮意殷勤信宿而還過水西門庵示息機上人偈為石梁陶仲子靜室留題答章居士請問念佛因緣偈辭謝宛委見勉掩關偈自以中歲出家貌言拙樸離為諸公見重以世識真者寡乃痛自緇晦作偈見意云翩翩野老僧匡徒竟不能若問西來意拳頭劈面掄不嫌圖我拙且欲得人憎義斷情忘處諸人會未曾與黃檗無

念有禪師會于陶會稽府第有一見遂得師于驪黃外問嗣法為誰師以龍池告之復問龍池為誰氏子師云本師親見笑巖來有愴然云吾行脚燕京時笑巖和尚猶無恙正欲參禮為人所阻恨不及見之今三十年未聞門下有大行其道者其在公乎是年秋傳和尚回自燕京

三十九年辛亥

師四十六歲還龍池昌侍者云師還龍池蓋在庚戌歲杪以師還山只任八個月至八月初呈偈辭云辭別三年方外遊歸從八月山中任也按行錄

支那

密雲禪師年譜

八

往回四載本師以帖書云大事未完更可前進毋來後也命通壽至紹興護生庵喚歸問云汝幾年曾見什麼人我以脚打地以手拍膝便出本師云汝在外幾年一些氣息也無我云和尚疑則別參一日本師陞座喚我向前舉拂問諸方還有這個麼我震威一喝本師云好一喝我連喝兩喝歸位本師顧云更喝一喝看我即出法堂本師下座我隨入方丈作禮云適來某甲觸忤和尚便出本師即安西堂位次日搥鼓集眾上法堂付我衣拂我辭再三本師云汝是什麼意思我云直待和尚天

年某甲守塔三載然後可行則行可止則止時年四十八歲後至八月初呈偈辭云辭別三年方外遊歸從八月山中住悟甘做個無緣地乘個無緣地辭去本師云與大眾無緣與老僧無緣我云只是某甲更與阿誰本師苦留云汝若去了我直操到底我不得已任之又按禹門上堂於辛亥春二月三日擊鼓集衆於此上堂付與悟上座當時堅執不受此則歲月有徵叅驗無差若四十八歲則癸丑年矣癸丑望丁未七稔付拂與辭去又同歲則何以云三年方外往還四載耶然則行繇雖師

密雲禪師年譜

五

自宣而錄則出白雲體心二十餘人之手故當以辛亥二月爲是

四十年壬子

師四十七歲刻傳和尚閒談晚話就趺足武林乞弁首之語于雲棲蓮大士復過山陰爲傳和尚訊王司空并乞序言以司空素問道于傳故也登會稽海口之大峰山兼似墨池王居士有滿口向人言不得謾將東海作書池之句蓋司空號墨池云

四十一年癸丑

師四十八歲居龍池是年始闢觀史內院基蓋傳

和尚欲建寢殿于山之麓以奉安補處菩薩時僑輩甚衆而經始命師且語師曰除却釋迦老子福慧兩足有幾人哉但于本領有實證則龍天必不相負吾日暮矣汝見其成師終以受業之地不欲自獨有爲退讓益甚復語師云汝尋嘗豎出拳頭老僧亦豎出拳頭正要汝自拳自立耳一日侍傳山行因石擺擬側師向前扶之傳顧云汝扶持我耶師云是何言歟又一日日色將沉之際傳與師及報恩修入室云老僧昨夜起來走一回把柄都在于手裡了汝等爲我扶持佛法師便出復呈偈云

支那

密雲禪師年譜

五

若據某甲扶佛法任他○○○○都來總與三十棒莫道分明爲賞罰傳目之大笑師曰來付火按行繇云此癸丑季冬時話也雪中送報恩修掩關北塲有誰人知此意白日掩柴扉之句傳和尚亦以偈送云老衲於今不坐關既無任也幸無閑何曾進又何曾出只在尋常天地間命師和之師和云某甲分明沒啟關通身無處着忙閒也無門進無門出只麼堂堂任運間復命師代示明極上人偈

四十二年甲寅

師四十九歲春日因觀落梅偶賦云寒梅初放雪添肥無那春風送爾歸枝上已離空不住飄飄一瓣不沾泥至二月十二日傳和尚告寂矣當彌留時適師城出命促之歸而奔赴不及故無末後相見之語按行錄甲寅二月十二日本師圓逝我伴樞三載夏居山寺偈云古寺團團盡竹林娑羅樹下更陰深山僧盤膝蒲團坐堪笑人來解問心龍池蓋有雙樹娑羅已近數百年其西偏大根軸解者中安木榻可坐數人故師復有偈云佛號娑羅大樹王爲緣垂世作津梁蓋以此云

支那
接連一
密雲禪師年譜

三

四十三年乙卯

師五十歲心喪伴樞龍池山頂高寒焚香却坐日無餘事乃簡古公案述二百則爲之頌以明佛祖大意今集中自世尊初生至婆子燒庵皆此時作也和楊居士捕魚歌示樵者偈因友人論王退步作偈進之人生于世莫徒勞進步何如退步高進退兩關如達破了然隨步任逍遙詠落梅我愛月中梅寒花赤體開春風力不藉霜雪莫能摧

四十四年丙辰

師五十一歲伴樞客潘吳一道人海底泥牛四句

之間復以四頌明之冬十二月奉傳和尚骨身入塔時海內賢公卿若蘇雲浦孫淇澳李孟白陶石簣王墨池皆從傳問道稱門下見知者卒未有以銘其塔以師謙讓未遑故也越十三年任金粟方設伸狀于少嘗伯周海門汝登爲之撰文相國文文起震孟爲之書丹焉

四十五年丁巳

師五十二歲偶觀龍池有最憐影落澄潭浸反笑頭陀白髮侵之句是歲傳和尚示寂三年矣師心喪既畢衆請開堂乃于四月望日陞座按行錄至

支那
接連一
密雲禪師年譜

三

丁巳年五十二歲結制本山時同門俱在初若易師未肯相下一聞提唱莫不屈服繇是一衆爲之改觀秋寄石梁陶居士月到中秋滴露濃巖前石菊正花紅山僧盡日茆堂睡長夢毘耶多口翁次澹孺楊居士登龍池韵相逢不必論高深覲面何須更用尋君有勝情並玄度我無名理况支林一盂香積維摩供萬法惟吾獨露襟自覺個中無一字客來談笑懶言心

四十六年戊午

師五十三歲始建觀史內院繼先志也元勳徐公

弘基微服過陽羨通名謁師與師登說法之堂仰視無額乃酌以雨花之名且欲自書以贈師云先師在日唐太嘗且命之矣先師戲之曰公爲我籌計使我他日得擔負去見闍羅老子不然我無用此爲也徐乃止益加敬焉于道人乞開示書法語與之更示以偈云

四十七年已未

師五十四歲父曦以考終疾聞師躬往視語師云和尚度我師云父子上山各自努力曦云吾因你得聞極則事何憾哉越二日告終過善權寺留題

密雲禪師年譜

三

三生堂次予坦鄧居士放生偈韵擬寒山子詩六章山中四威儀偈居山四詠杖意次報恩修韵有高提祖印佩單傳之句復以故里行道先哲所難爲辭衆說偈云自知任處我無因一鉢風流物外人踏破乾坤誰是伴草鞋藜杖逞閑身衆勉留乃止

神宗萬曆四十八年
先宗皇帝泰昌元年 庚申

師五十五歲觀史內院落成按爲衆入堂舉仰山夢陞彌勒內院話蓋是年季秋事也冬臘月八日

密雲禪師語錄

本山起千日閱藏期上堂開示有期悟爲本閱藏爲末及畧舉從上世尊至此無不以悟爲期等語作行任坐臥四偈示不二禪人偈

熹宗皇帝天啟元年辛酉

師五十六歲愍諸學者叅禪不得力作偈九首爲示入道之要冬十二月因事上堂舉話畢良久云這裡無人證明且向別處尋討下座便行一衆挽之不可報恩修復以偈請留次韵答之聞匡廬衡嶽之勝飄然曳杖遂往焉

二年壬戌

古文那

密雲禪師年譜

三

師五十七歲正月初三日登匡廬留題東林有信步何憂不現前踏破乾坤孰去來之句閑步三笑堂讀壁間王陽明先生詩忽聞迅雷因爲次韵以雨阻留東林七日摧頽老衲衆無識者獨寺主大柳遇之甚隆其山前後刹皆蹙過而已至歸宗復留半月過衡嶽取道宜春因度夏袁之泗州寺袁于洪都最爲僻壤山深寺老僧行寥寥有居士數輩時從問道爲奉晨夕故寄袁州詩云諸君義氣越嘗情愧我無能報此心也秋有僧自天台跡師至袁爲萬年諸山請任通玄之意初以投身空閑

不欲就繼念先人付託之重然就之八月離袁舟次廣信寄復澹菴石田二居士偈九月至紹興軒慰吼山護生庵黃檗費隱客沈文學求如皆前後繼見而容遂獲契證云冬十二月抵天台通玄寺

三年癸亥

師五十八歲任通玄開堂演法有通玄峰頂別是人間之語蓋別開山第一代詔國師偈也詔爲吳越忠懿王刺台時所奉去師近七百載未有屬和者一旦嗣響其間故今二偈諸方咸誦夏六月始

支那

密雲禪師年譜

三

定九旬安居之制深由曠野相依衲子十數輩多正因行脚之士而茅堂草榻靜處無爲師得不倦槌拂寅夕與之提策往往有開發者其侍僧隨聞集錄今編爲偶言一種皆一期與妙行求如火爐頭茶鐺邊話也秋日聞鴈寄示契如智禪人偈復費隱容通法嗣書復求如沈文學問道書別法華無用上人擬答復禮法師偈復頂弘上人四問偈

四年甲子

師五十九歲三月檀越蔡子穀聯璧請任嘉興海

支那

密雲禪師年譜

三

監金粟山廣慧寺寺卽吳赤烏中康居沙門僧會所建當吳時佛法雖至中國大江以南無有也會以求獲釋迦文佛真身舍利始創三寺其二則金陵之保寧太平之化城其一卽金粟金粟爲東吳首建而攷之禪典則從未有宗門師匠光揚第一義天者故子穀力爲輓致諸老如雪嶠信聞谷卽抱朴蓮皆鮮克有終至是請師焉初師在袁夢至一處見巨井足飲千人方蓋亭其上有偉衣冠者進曰此師任處也及詢之金粟信然蓋繇風定云四月受請同衆赴上堂有九萬里鵬纔展翼百千

年鶴使翔翔之語過會稽師凡三至護生庵衆謂不可恪法力請之爲一陞座五月六日入院時本寺龍山爲貴人所圖子穀方鳴諸當事求直不已師告之曰在道與德耳爾若爲法門則我住若爲山門則我還天台去矣事遂寢一郡聞之咸服師高義初至日天王寢殿以外皆民居破屋敗椽簷彌或不繼師處之裕如也冬十月結制衆盈千指破山明石車乘皆在座下而漢月藏爲衆首焉復史明復史清都陶愚溪問道書示茂林禪德胡行昭居士偈

五年乙丑

師六十歲鄰虛禪人上雙徑化茶作偈送之示雙徑智光禪人偈復陳則梁問道書陳蓋奉天主教者中多泰西利瑪竇語師爲答之最詳與劉子元往復論心華發明之喻謝郡丞青蓮居士自以拘文不得預叅請之列思一覩顏色慮無以致師者時陶石梁廣文餘杭矣乃爲轉屬具道所以願見意師得書遂往謝喜出望外率合郡士紳會于武林之昭慶寺一衆皆獲法施歎未曾有秋九月過紹興爲空華法姪下火冬結制是時座下三千指

上文

密雲禪師年譜

壬

多軒昂騰踏不可羈縻之士金粟宗風日浩浩聞湖海矣爲金如王朝式題初祖贊自題像贊初武原朱君上申聞師名且信且疑一日中夜夢人持巨軸展示曰汝識此人否朱諦視之則神儀挺特踞胡床衣紫僧伽黎衣類古圖畫高僧者曰吾未識面也其人曰君拜之此宋慈受深禪師像也瞻禮未竟而覺翌日過裝潢家見師像與夢無異審其款識則師自題真贊也故朱于衆信中皈向尤篤云

六年丙寅

師六十一歲示頓越居士法語示普度尚禪人住山法語復王金如史子復半眼居士問道書過武原爲朱侍御泰禎父對靈小叅跋孤明上人血書法華經後題曰虜程君小像題釋迦文佛出山像贊爲輝宗禪人題接引佛贊以古人着草鞋住院凡百任緣故雖如錢穀之需皆不計晨夕是秋偶廩人告匱師分命結束竟乃倒橐而炊之曰食畢吾與衆齊走耳時門外已有馱負而至者問其故曰昨宵夢金甲禪人告我齋僧功德利益事繇是遠近相傳遂有韋馱趕供之說出于齊民之口矣

支那

密雲禪師年譜

壬

冬衆盈五百乃舉五峰學破山明分攝兩堂始有上下西堂焉

七年丁卯

師六十二歲春日送道生禪人歸秀水掩關偈云上人歸去把門封坐臥經行祇此中打破靈雲關楸子桃花依舊笑春風時十方來學雲趨水赴屋不能容至有露坐簷宿者乃闢法堂之左廡建通堂五間十三架更以餘材夾殿之翼輔以周廊皆不發化士不告檀越其檳礎梁楹一出師衣盂乃衆願樂助者而運斤畚塹則方服自爲之故經始

之日師搥鼓上堂有眼望青天起大屋之語是歲衆滿七百矣題金碧峰禪師像贊示純一上人法語復紫垣居士問道書答存義上人曹洞五位君臣問題菩提心戒儀序

今上皇帝崇禎元年戊辰

師六十三歲以謝事告諸檀越將爲拂衣之舉時徐中丞從治朱侍御秦禎曹侍御谷皆再挽莫回而孝廉鍾海槎鴻穎載言曰師爲子穀任四春秋矣屈千日爲穎自效犬馬之地遂不哀憐穎乎師惻然爲留之岳大司馬元聲喜夸上與緇衣黃冠

大支那

密雲禪師語錄

三

者遊輒以力生自命以嘗見紫栢尊者亦獵三教遺言遂自撰禪門口訣詣師就正藉一言以流通焉師展卷見一實字卽指問云此字如何解說岳擬議云却解說不出師云恁麼則虛言了岳面熱不能答去後復致書云一見和尚心甚念世出世法還須落草盤桓頌古見教師答偈云須知一念未生前世出世法不可得祇憑者個老源頭世出世法通貫徹聞師拂衣復致書云此時宜靜不宜動家中人不打鄉談和尚自理會師答云老僧從來不見有動靜居士既有宜靜不宜動取捨情存

此是門外漢未夢見在復陽羨吳問卿居士問道書題王芝禪師像贊爲抱璞蓮禪師題禹門傳和尚真贊復錢性符問道書示太虛藏禪人病中法語答陳學憲懋德居士十七問一時傳播諸方遂各有答頌焉秋建護世四神王寢殿與齋庫庖湍之屬一撤而新之冬過秦谿爲鍾海槎父對靈小

二年已巳

師六十四歲正月於法堂之右鑿山開址覆屋五間爲函丈之室初師正寢止三楹而康僧像設分

大支那

密雲禪師語錄

三

其半故席前之地不盈尺衆以自居廣廈而師處湫隘不自安乃各出衣孟建之二月命門弟子王朝式及昌侍者申狀于天台海門周少嘗伯乞幻有傳和尚塔上之銘三月與漢月藏公破山明公書多規誨法門大體事四月丈室告成衆擇日請師居之八月受福建黃檗山萬福寺請九月歸龍池掃傳和尚塔還禮先塋舉族來觀其老者語少者曰吾上世之筮此地也得師之貞利見千丁今五世以來吾戶不加增而斯人繞萬指受地之靈乃夫夫也耶咨嗟不已至善權掃樂菴祖塔曹琅

玕居士等迎請說法于城中萬壽法藏禪寺有山僧出家將及四十載別也無成得什麼事祇明得祖師西來一着子等語還過姑蘇鄧尉山天壽聖恩禪寺掃萬峰寶藏兩祖塔嗣法漢月藏護法趙大中丞士諱周孝廉永年等迎就本山陞座說偈云今日不肖兒孫高陞遠祖之堂不必重說偈言覲面爲衆舉揚急着眼莫思量得便行真漢子人間天上更無雙時郡之士衿若給諫汪國柱度支胡子浩憲副劉錫玄內史徐容等皆齋候于城東之瑞光寺而僧俗男女聞師之來萬衆喧闐街

支那

雲禪師年譜

三

衢巷陌爲之不通乃登塔之絕級一受瞻禮焉過虎丘掃隆祖塔合寺辦嚴而譚逐愈甚遂不及舉七而還過松陵舟人不設維舟近岸僅于中流受熊明府開先一齋過秀水爲孝子金善銘對靈說偈有秀水年年秀青山歲歲青之句十月結冬舉費隱容爲西堂時衆滿萬指矣

三年庚午

師六十五歲正月過武原郡丞湯道衡迎于官衙齋畢就請天寧千佛寶閣基陞座二月過武林衆請說法于報國禪院赴閩川黃檗請也黃檗爲運

密雲禪師語錄

禪師脫白地故至三門有昔日遠祖斷際禪師從此出今日不肖兒孫從此入雖然出入不同要且同爲標格之語三月廿七日入院四月十五日開堂垂示云隻葉扁舟泛海中乘風來到福城東洪波浩渺無餘事只作拋綸擲釣翁因觀葉相國文忠公詩次韵四首以寺爲文忠題請

朝命所復也五月受香城圓初上人齋需偈爲題有暫爲黃檗王請作香城客之句六月示定觀時默誕生三禪人偈復蔡山彌陳我萬葉內史益蕃問道書清潭大司憲志道王東里幼歲得省發以就

支那

雲禪師年譜

三

正無人每致生晚之嘆因見師垂示語不覺身心踴躍兩次遣使走福唐致書于師師所答備見語錄時構李諸檀請師還浙甚殷僧俗聞之奔走攀留如失依怙八月離黃檗葉文忠公孫晟與遲迎師至府第爲先君對靈小叅留九日過侯官衆姓請于西禪陞座爲留三日九月達武林僧俗迎至鳳林說法因于昭慶受齋時岳司馬元聲在焉相見之際師以佛法真實相爲遂至牴牾且欲爲梗十月師還金粟撾鼓告衆以清規估唱式分袂衣孟竟飄然拂衣去道過吳門以舟車勞頓腹疾旋

作門弟子乃迎歸北禪調侍故冬月誕日衆勉請
陞座說偈有無端痼疾三年累得通身骨露之語
膺月明州司李端伯黃元公嚮師久聞退院會慈
之永樂禪院成乃致書懇請師答書以不能領衆
爲辭而元公與祁侍御彪佳翹竚無數遂復有鄧
山阿育王廣利禪寺之請焉

四年辛未

師六十六歲元日受阿育王寺請爲玄津上人書
偈于船子和尚推蓬室記之後人日發坦如蔡居
士問道書上元日別吳門登舟解維二月一日抵

大安

密雲禪師語錄

三

明州駐天寧受衆姓齋三日入院十五日元公黃
居士就請本寺開堂指法座云者便是大司李大
護法于丁卯秋廬出開先寺撞倒底鐵山今對人
天衆前扶起去也還見麼遂陞一衆稱善題雲門
湛然禪師真贊爲海昌黎眉居士製先覺宗乘序
三月過天童景德禪寺掃應菴密菴兩祖塔時寺
僧明貫已白郡司李公暨王邑侯章士紳李侍御
遵徐侍御之垣檀越徐有杞等請王太白名山而
構李吳太嘗伯中偉徐大中丞從治虞給諫廷陞
請再王金粟兩郡交迎幾致違言師乃集衆告曰

大安

密雲禪師語錄

三

老僧住院唯汝之故今日去止亦唯汝之故汝等
其自裁之因問衆曰任天童耶任金粟耶舉衆譁
天童師意遂定然猶不忍絕故知更與構李諸檀
訂一期相見之盟焉四月三日入院至佛殿基有
虛空作殿日月爲燈之語蓋天童自晉義興開山
宋宏智中興以來號江南第一寶坊故宋舒王荆
公有句云三十里松行欲盡青山捧出梵王宮可
想見之而滄桑代變晉殿唐宮不能與丹崖翠壁
磨歲月強半乾沒僅餘甲乙相傳之子院者五然
皆昔薛生房荆蔡滿院古先列宿之風陵夷至此

極矣師乃爲作與修偈云太白山下天童寺洪水
漂流殿如洗昔告四衆諸檀那大家出手共扶起
司李亦次以偈云太白峰高禪林榜樣一朝平地
起風濤推倒黃金瑞相而今重整舊家風安住十
方龍象面面玲瓏全無遮障要明這段因緣問取
堂頭和尚五月至金粟八月還天童過明州司李
迎歸公署乞留再信師一宿而別故有官衙扣擊
及請益覺浪因緣之語蓋師入閩時有覺浪僧者
不自來見乃致書于師有濫付非人之譏故師復
云盡大地誰是非人者請上人指出看若指不出

抵可懸梁縊死夢筆山中而司李疑爲太甚師晒之別後乃疏導其意司李大爲愧服以書與師云承示覺浪一段公案乃知大師直截爲人抑逼瞋驢使他無轉身通氣處正宗門所謂殺人刀也覺浪孟八郎漢帶累天下明眼作家正不妨存這段葛藤俾覺浪有出身之路耳每服大師手段辛辣與諸方說老婆禪者迥殊要使大地衆生個個坑陷非僅爲覺浪一人也仍爲作真贊云菩薩面夜叉心惡聲流播滿叢林禹門浪急龍騰處翻轉山河大地沉佛也打祖也打眼炁爍破四天下阿師

支那

密雲禪師年譜

三

大似敗家婆教得孩兒會相罵牛頭沒馬頭回狂風驟雨滿天來四方八面相追逼縱有神通掣不開行脚僧會不會腦後一槌百雜碎沙界衆生結大冤禿奴忒殺無慚愧風顛漢老成魔諸方那個柰伊何巖頭獨現大人相直向德山頭上屙咄九月復爲黎眉居士製五家語錄序時道聲益振王公大人皆自遠趨風至忘位貌之崇如錢相國龍錫之入山問道方侍御震孺之虛往實歸駸駸與歲月增長方通所得于師曰謂大師語及工夫不切實蒙師劈面作掌巽然汗下敢呈短偈兼以爲

密雲禪師語錄

別倚牆靠壁多生謎賺海偷天似也無劈面原來真個熱更從何處說糝糊百城烟水阿誰邊一宿天童大有緣歸去千山盡紅葉誰云渡口有江船至小白嶺再呈偈云說去一直便去那怕雨泣風愁爲甚不生猶豫被師捏過鼻頭十月爲還源本其侍者題自真贊十一月作慰黃司李書有生死二字能迷却天下人亦能悟却天下人所以古人聞紅輪必定沉西去未審亡靈往那方而孝子哭哀哀古人便悟等語以司李丁太夫人艱扶觀歸豫章也十二月復爾赤馮居士問道書爲破山明

支那

密雲禪師年譜

三

道生本題自真贊

五年壬申

師六十七歲四海雲從人人步道履德規繩不束而嚴其久侍籌室相與紀綱翼贊者皆叢林老成故師次衆韵有從今一日不離山肅肅雍雍雲水環之句示若愚廣雪浦琮二禪人偈作天童卽景十三首傳法偈一首各鍾海槎張元帖李仲堅周君謨四孝廉問道書爲王金如題自真贊實印禪人題出山大士贊復元公黃居士偈著據評說發難酬詰其萬有餘言以明肇公物不遷義益

神廟時有法師空印者惑性各住于一世之說作正量論非之自傳和尚之論出印已毀板以謝矣近復有僧道衡左祖空印作爲證語師恐大義微言卒晦于世乃著是說云

六年癸酉

師六十八歲答江似孫陳紀嘗馮爾赤陸內史寶問道書答報恩修禪師書答壽州方侍御書製文殊大士贊題童子南詢觀音贊爲萬如微木陳忝題自真贊贈同叅慧嚴輪偈夏四月建通堂九楹深六十尺延袤一百四十尺于大雄寶殿之西偏

文那

密禪師年譜

三

前容方軌內受千人應供與達廊半分之復遣僧三十輩航海入閩伐山市木于建甌高陽之墟聞嗣法漢月藏每提唱時喜爲穿鑿恐後學效尤有傷宗旨因其省問乃爲規誨云吾徒命貫之賁儀雖是分當亦是分外何以彼此既忝爲佛祖兒孫惟以道契爲主豈可以勤省儀供爲事而云慢惰哉如云破殿雨淋茆徑不闢亦住山之嘗分然老僧尤願吾徒爲衆當以直心直行本色本分不可私有別法加于衆是老僧之所望也而老僧于天童雖有造殿之舉蓋因天童舊僧請老僧之意無

他惟爲佛殿空虛故不得已而爲之至于成與不成亦隨緣分豈敢固必也哉又復瑞光頂目弘微其畧云觀瑞光語比前語覺暢而中有爲慈雲舉揚正口似乎太生穿鑿蓋藏之嗣也爲夏通燈作曹溪源流答頌自南嶽至禹門共三十有三世焉

七年甲戌

師六十九歲春建諸寮十九楹于方丈後山之麓復于善法堂之西偏建屋一十四楹視前九楹者淺十尺修倍六十尺級高下而三授之前均後殺

文那

密禪師年譜

三

正與應供之堂聯翩共列焉因居士乞壽五旬偈爲題曰夕陽西去水東流人老何曾見白頭能向個中高着眼普觀法界是同儔示靈根荷禪人偈爲本梵禪人題血書華嚴經後爲衆禪者作洞山尊貴頌爲黃檗費隱容題自真贊爲雲棲蓮大士作真贊復朝宗忍書聞藏公猶弗悛復與書曰祖師西來秉教外單傳別行一路自佛果作碧巖集大慧謂宗門一大變故特毀其板後曹洞宗人入少室無本分爲人而提唱評唱少室絕無本分衲僧出者天下共知之今吾徒提智證傳則臨濟宗

至吾徒又一大變爲講席矣且教中尚忌所知障爲智障吾徒到處提智證傳爲出人之表擬臨濟兒孫而貶剝他人者乎故老僧去夏與吾徒云當以本色本分者此也但本色本分之在吾徒信與不信在學者寧可遵上古之規繩餓死于林下不可好熱鬧而恥辱于先聖云云時藏公執恪如故乃因書復劉孝廉中痛斥其非故有闢妄七書出焉夏雨甚時西澗湮夷無復故岸山水暴漲齧及平原師乃躬率徒役日持畚鍤築長堤首起鉢孟峰下尾屬外萬工池通計一千三百五十尺皆

密雲禪師年譜

元

用巨石壘砌秋殿材至自閩挾六舶泛鯨波浮江塞港而入已進關過關矣府上佐以私意糾察師云寺明州寺耳豈爲吾修哉徑拂衣去時李侍御追挽不可過慈谿馮憲副元颺結諫元颺要諸郵亭力爲攀留乃率邑之士紳與侍御躬送還山上堂說偈道人行履處幽然意不蒙檀越雖送入不可把雲封試看紅輪日任運轉西東古今嘗顯露繇來無定踪冬黃元公服闋補武林司李省師山中爲上堂有選佛與選官同體不同服不以服飾觀便見真面目之句復二馮居士問道書爲黎眉

居士製教外別傳序却杭州靈隱之請

八年乙亥

師七十歲製高峰大師真贊題三際法師真贊爲定水禪人題自真贊爲孝廉李仲華題自真贊作惲鍾孝廉書著辯天說爲泰西教也與藏公書萬言有奇卽今之後錄也書誠聖恩諸子獲藏公計音也復爲藏公答驥超祁居士書秋建天人師殿于殿之址高百尺縱廣如故建殿九楹爲演法之堂高六十尺廣如殿之百三十尺縱如殿之九十尺而殺其十建閣而藏佛菩薩之語于善法堂

密雲禪師年譜

密雲禪師年譜

學

西廡之右高五十六尺廣如殿之縱縱殺殿之三十一尺皆同時建立焉故師搥鼓上堂有不用材木殿閣成現不勞斧斤法堂本彰不動舌頭只向青天白日下要轉便轉之語蓋初秋四日也冬于朝元寶閣之基復建護世四神王殿高深壯麗傑立其前正與天人師殿相雄峙更於明樓疊翠間脩善法寶藏之閣建寢堂一十三楹中五爲丈室西五爲樓爲燕閑其三之在東者則設開山與說法本寺者之位號而祠奉之未幾天供厨復成左達西澗右抱九楹若廻瞻遥禮於法寶藏閣之前中

奉異僧所識之監厨使者蓋寺初嚴是相時有異僧過見之囑曰他後當有數萬指從此君受食故寺僧奉之猶敬虔云爲爾保程居士題自真贊製說法堂之銘答孝廉唐祈遠問道書書復司李黃居士偈示廷尉錢元冲是歲之冬爲師七旬降誕之期堂衆踰三萬指僧俗男女蠅聚蟻附無地以容其四方問候者晝夜絡繹不休而寺無恒產歲用皆仰給十方無匱乏焉先是殿之左有古栢枯且死至是復榮

九年丙子

支那

密雲禪師年譜

聖

師七十一歲上元日黃司李入山省視復爲上堂今朝正是正月半家家辦賞上元節都隨浮世恣情歡誰省茫茫忘本確祇有居士黃元公獨入深山無別樂不若維摩但默然互相唱和妙獨覺爲佛音智黃清伯題自真贊示淨虛禪人法語示余□□偈示侍郎沈何山演偈示孝廉唐祈遠偈送其侍者任雪竇上峰偈與頂目弘徹書與劉孝廉道貞書洎駁藏公語合二萬言卽今之闢妄三錄也是歲東建左序修廊與前九楹十四楹者森然夾殿而立西建兩司於法寶藏天供厨之間堂司

後庫司前皆廣傳崇深復于護世四神王殿之右覆屋四周通二十楹爲涅槃之居以處有疾僧伽名曰有喜者從雲間錢廷尉士貴所命也先是廷尉有子及冠而卒卒時數稱天童後復夢告曰我今天童披染三年還復歸來故廷尉入山求所以似續之者師爲勸修是堂堂成生二子故廷尉捐貲作種種饒益事爲海內一時之冠云又自天厨供之西循澗而北隆者屋之窪者樓之延聯至于鉢孟峰下外復繚以周垣而寺西之地盡矣

十年丁丑

支那

密雲禪師年譜

聖

師七十二歲製先覺堂碑文復自書之又製皋亭真歇禪師塔院興修偈有當年屋塔護全身一夕火炎真歇了之句以院燬于火故也次韵示李警庵四首復南嶽霜輪法師書更示以偈示覺圓敬禪人偈爲恒證據張敬橋張通伯題自真贊爲衆禪者作瀉山水牯牛頌爲祁驥超居士書醒庵二字更跋其後二月爲水陳恣書正覺靈光四字於南海梵音庵舍利記贊之前揭披上堂舉黃檗費隱容爲座元時容解院事歸省自閩川也三月遠近聞傳以師將赴大瀉之請闔郡士紳偕入山中

計留爲洞如覺製傳和尚真贊示天鈞徐居士偈
題靈鑑法師真贊復嘉魚曹居士書更示以偈爲
是空表自瑞峰三禪人題自真贊爲清庵澄題自
真贊六月却弁山圓證之請七月發慰馮憲副左
遷書八月跋振伯周居士血書金剛經更示以偈
九月其侍者乞山居之顏爲書端嚴一宣四字授
之十月立朝宗忍爲西堂復瑤草馬大中丞問道
書復余周生胡彥葵二居士問道書十一月爲林
野高朝宗忍題自真贊十二月却荆溪禹門之請
是歲建屋于寢堂之前及先覺司香之室以樓計

支那

密雲禪師年譜

聖

者十有三楹以室計者則四十有四楹以明堂計
者則前後左右有五楹以伽藍祖師未有寧宇乃
於殿之左右翼建堂二區而奉安之復肖三世如
來相於殿中肖當來慈氏與廣陵所輦至護法天
大將軍像皆礪石爲床座莊嚴妙麗莫與京者
十一年戊寅

師七十三歲道風益播無遠不屆雖下里窮荒之
域身形拘礙之人莫不想望風裁而咨決心疑者
師一以慈來攝受之是夏遂有復韶陽劉曰相陳
明欽二居士問道書復閩漳尼寂輝問道書復五

羊葉行證袁行成二道婆問道書復內監車天祥
蘇若霖問道書復鹽官朱通頂問道書復毘陵王
登之王觀方問道書復秀水孫洪基徐廣密問道
書春建下院于古欄路庵之前殿堂齋庫凡叢林
所宜有者咸備焉三月荆溪閬邑士紳以師年膺
尊高宜歸根桑梓復有法藏之請師以衰病力却
之履卿戈居士乞偈以玄沙頌通意云踏翻漁艇
承家業笑出蘆花月正圓地澗天長三幅紙同風
千里爲誰宣師次韵爲示冬潯外萬工池師親自
率衆鑿澗置堤以殺壅閼之災按天童志云裡外

支那

密雲禪師年譜

閏

兩區昔人費多工鑿成故名萬工又名雙鏡各深
數十尺一道橫分澄碧可鑑上峙七塔徑緣此入
先是外池壞于洪水裡尚無恙崇禎辛未忽偏生
朱藻波紋爛然而密雲老人適至比殿工告成念
外池湍決緣內水直瀉無旁殺其勢者乃別爲一
澗引西澗水曲折出清關橋下皆葦茨巨石堅築
圖岸計工亦且萬云示程泰華顧德祥鮑元之三
居士偈示程弘業持經法語葉行如崔明道二居
士乞語薦親書偈示之

十二年己卯

師七十四歲正月修天童列祖塔奉衣孟資爲龍池傳和尚營歲祀之田善卷樂菴祖田如之爲驥超祁居士製宗門崇行錄序臺山梅庵宜新構梵宇成請額爲大書獨露堂付專使更次以偈二月遣唯一潤率諸禪復航海入閩市材集公孫居士募師小影勒石請贊自書授之二無張京兆瑞入山叅謁乞開發爲示偈云一切二邊俱坐斷本無中道可須安掀翻海嶽無人會白棒當頭爲指南四月爲古南牧雲門題自真贊復孝廉張立廉問道書丹陽湯應冠者嘗遊禪肆因自集刻相見諸

文那

密雲禪師語錄

聖

老語附狀呈師師目其說多紕繆恐誤人乃答曰承翰刻中載貧道機語總之有無不必論如謂貧道一棒的的清而有力則知居士未諳貧道棒頭指處故未得如龐居士之唯吾自偶諧故見有偶有老聃有孔丘及知斯事無止法如七層塔一層又有一層者正居士眼華也豈不聞古云當何所務卽不落階級請居士細思之八月寺隣徐氏之族以師所修祖山爲已瑩兆噴有煩言師徑曳杖去按梅谿語錄答諸郡縣留行書其畧曰貧道濫主天童法席誠非其人但旣身處此地不得不任

其賁山中一切宜問况歷代祖師之塔法道有今日者以有歷代祖師也有歷代祖師故天童斯有今日飲水尚當知源學道人可以忘本乎然則貧道初入天童卽當以修塔爲第一義所以遲遲至今者於中良有不得已也一則念久弊不可頓革一則念已於天童無絲髮之功驟舉難行之事人必不諒一則念徐宅萬一不能以道義自持或有煩言則貧道唯有一去如此則天童有再興之機而某宅實敗之上辜諸檀信下陷某宅以無量罪過非利生本願也今辛苦九年百廢廢張自揣於

文那

密雲禪師語錄

聖

諸檀相喚初心稍可無愧故敢爲是舉然自知無德不足以化人又不忍坐視祖塔終於毀壞其勢亦惟有一去而已過虎林錢瑞星太史洪清遠中丞與孝廉王元建方子凡輩咸執弟子禮問道留供養却之卒至子凡園居浹旬會明州護法諸公挽留繼至而杭之四衆瞻禮者且日以萬數師益厭因夜發將之荆楚抵吳門問道弟子諸千如要迎爲一過鹿城以次受葉縣侯張孝廉顧宗伯齋遂得王明州園長書且宛宗伯力挽不聽前師益堅去志取道虎丘禮隆祖塔出貲囑累申方伯青

門汪方伯如石楊解元維斗爲修葺之時四方風聞師將遠去留益力於是暫還橋李作退休計一時富有有力者聞之爭得師供養莫適從乃止孫集公園問道者如市語載梅溪錄中而越諸檀護使者日相望于道不得已聽還天童九月晦嗣法費隱容迎至金粟大集武原諸舊人檀越侍齋留七日十月入山故陞座有幕拈拄杖云爭如者個木上座生平不近人情之語偈示顧宗伯瑞屏集公孫居士孝廉方子凡持經法語示別駕曹茹真爲宗伯封翁書知非閣三字立林野奇爲西堂師出

文那

密雲禪師年譜

聖

凡五旬過郡五縣十六所至無僧俗男女空邑傾都甚而追隨不獲見者若干數十紳之輩舟車之勞不與焉按天童志曰已卯秋老人曳杖渡江爲修塔也其事不具論徐侍御心常凡三致書苦心備至歐陽廬陵云初匪其艱在其終之侍御之護天童可謂有始卒矣寧波慈谿餘姚諸薦紳先生或合詞或端簡或轉囑挽留不遺餘力王海道園長書一再至且託謝侍御象三致請教饑渴之懷卽裴丞相之於黃檗白侍郎之於鳥窠諦信不是過焉時卓錫梅溪庵孫居士集公梓語錄以行文

司李燈巖爲之序曰有敬日月肅江河者卽有射日月詛江河者道明而聖或時可毀法著而佛或時可攻聖未來毀毀聖道愈明佛豈致攻佛法愈著云云是行也追隨杖履則有黃大叅履素顧宗伯瑞屏張京兆二無王居士金如祁居士驥超周孝廉君謨而往返山中不避嫌怨蓋宗伯之力居多

十三年庚辰

師七十五歲春又正月再却雪竇之請先是丙子冬僧發亮凡三請師弗赴至是復以宗伯之狀來

文那

密雲禪師年譜

聖

其畧曰今春有僧靈雲同徐樊二居士從雪竇來苦乞大師住錫彼山大師如鑒其誠而許之錫疇至秋不難再渡錢塘親送大師之雪竇疇亦擬構數椽於徐鳬巖與大師之鐘鼓相聞亦浮生一愉快事也望大師決焉師力却之偈示見雲余內監爲黃介子柳昇宇襲侍者題自真贊復東魯武岷源問道書從沈給諫因仲請爲尹山隆菩薩書

聖朝首表四字奉和

高廟御製賜隆菩薩詩有無影樹頭身出表不萌枝上覺花從之句蓋隆焚身顯化事詳吳中聖蹟記

內監王弘胤嚮師道化復聞師有辯天主教說慨然誓作法城衛塹且切皈依之志師爲答云來論求老僧記獲菩提老僧自不見有一人受記者果知此意卽欲逃老僧而不可得何用求耶只因人不知此所以說天說地老僧因不得已辯之非多事也夏六月見朝宗忍錄有與禪者論臨濟玄要語多違從上綱宗與書規正之萬言名判朝宗說秋九月朝宗不自悛革執悖前說如故乃親抵秣陵面鞠之十月至石頭城忍避匿不出一時諸嘗問道者如方侍御孩未張京兆二無錢太嘗元冲

支那

密雲禪師年譜

五

趙屯田二瞻阮給諫元海咸驚喜出非意留齋三日離都還山故有復判朝宗書出焉題聖緣唐居士像示心僧趙屯田偈蘇慈引李妙炎王實相三內監偈硃崖徐居士偈書答鴻寶倪太史太史與師書其畧曰元璐根器薄然讀和尚書微見鞭影一我亦有性骨只是扞耳和尚治摑應有法何不僞與之華髮三尸蟲着身不得脫立當乞哀還望和尚終悲憐之一我者諦觀復爲太史同門友所謂太平獨徃子也曾見師天童于師言句不契因自著逢渠解等書排諸方故師與辯折亦幾萬言

見直說中復木澳南白生問道書是歲山中建置告厥成功云

十四年辛巳

師七十六歲次韵答璞川曾居士偈復陳靖江木叔書更步來韵復東魯武張聯問道書四月立石奇雲爲座元製笑巖寶和尚真贊募塑初祖達磨偈五月國戚田弘遇爲承乾宮皇貴妃田氏奉旨進香寶紫衣入山命陞座師爲演法奉祝皇圖更明佛祖信衣授受之旨爲石奇雲元真德題自真贊嗣宗吳居士乞語祈嗣書偈示之八月辭

支那

密雲禪師年譜

五

南都報恩之命先是正月二十日前軍都督府帶俸太子太傅左都督田弘遇題奏稱南京大報恩寺係

朝廷家佛堂

高皇

高后聖碑在焉梵刹志載有文皇勅書始知額名報恩乃統承大寶之後修此以報

高皇

高后之恩者近厄于劫火八十三年

祖宗孝恩勝蹟一日委諸瓦礫臣實惘然今鄉紳士民久欲捐修天童山七十六歲高僧圓悟大闡宗風凡人見之無不樂施但未奉

明旨不敢擅舉仰乞

皇上俯鑒臣言勅下該管衙門奉行督理興修以祝延

萬壽庇佑生民云云三月二十六日奉

聖旨特賜俞允繇是國戚與都下士紳合詞敦請師以衰邁力却弗赴九月嘗任務殷衆益繁師忌盈滿乃因事出山僧俗遮留不止遂曳杖渡江過紹

支那

密雲禪師年譜

至二

興問道弟子祁驥超侍御祁世培要止別業爲棧絕往來以省師酬應然四方問道者日戶屢晨滿如市莫能禁也居凡四閱月爲祁德公父夷度翁母王氏題贊示惠王府王選侍法語復吳嗣宗汪元泰吳培之三居士問道書曰至詹居士乞薦先慈書法語示之與則吳居士與師書曰承委新刻序引幾番伸紙及細玩多徧覺師言尚贊而不肖又於佛頭着糞乎三峰潭吉之信信可以聳好奇皆異者之聽而不能惑正知見真善知識也師第當一嘿付之耳潭吉者藏公嗣也有爲藏公救義

之辭師復闢之故士云云師答曰於佛頭着糞不妨着着第一若慮糞汚佛頭則卽佛之一字已先汚了示報恩玉林法侄書

十五年壬午

師七十七歲明州海道宋先之特遣使迎師還山且託侍御勸駕師不得已乃親過甬水以天童囑累宋公然後別諸護法士紳徑拂衣入天台春日觀雪化示量侍者鵬雪凝山連澗寒春風一拂盡成流看來幻景渾如夢忽醒江山故眼眸正月二十四日至通玄山紆路僻澗肅林寒人跡罕登涉

支那

密雲禪師年譜

至三

而學者日益親依雖任勞苦服役雜傭作加諸驅逐弗去繇是復成叢席焉二月示紹文金內監偈三月復詹曰至張太素二居士問道書爲鳳階謝居士題自真贊四月復朝宗忍書再示惠府王選侍法語五月武張聯居士乞語荐親書偈示之復台州蔣司理楚珍問道書六月初六日再却田國戚報恩之命二十四日與期生吳居士如貧道再撞到居士面前了但不能爲居士吐一字云云七月天台縣百里內居民咸見通玄峰四山變白夜有流炁如火照耀巖谷初三日師示微疾初五日

手書復驥超祁居士初六日嗣法靈鷲石奇雲以問疾至師輦蹙曰汝忝爲一方化主奈何以我故頻頻往來騷擾諸山哉不懌者久之初七日晨興巡閱工作院務如故日午歸方丈語侍僧倦甚因登寢榻臥少頃起坐跏趺未竟奄然示寂按庚辰夏啟侍者以母老歸蜀侍養慕師像請贊師爲題云葉落歸根如子得母來時無口汝還恁否嗚呼啟歸一歲而卒卒未逾年而師亦滅夫豈偶然哉是月明州天台兩處僧俗咸欲起塔廟奉全身相持莫可決乃於龕前枚卜三之太白九月門弟子

密雲禪師年譜

聖

率勤舊六十餘人執紼擁幢歸師天童塔建本寺前山幻智庵之右隴僧俗四衆送者以萬計哀聲震山谷更以居恒收藏髮爪建窰堵波于玲瓏巖上峰先是青烏家爲師覓地踏遍群峰莫知向詣偶憩足青溪之陰忽一總角童子前笑曰汝等爲老和尚擇地耶汝嘗任自有地何用他覓不見道青龍脚下眠買盡世間田遂遙指烏柏樹云此下是也果如言而得吉壤及訊之數里內曾無是童云師凡六建法幢其陞堂語要開示小叅機緣法語書問拈頌偈贊雜著弟子隨時抄錄總禹門通

玄黃槩金粟育王天童各有集刻傳布因編輯不一家紛紛間出學者靡所適從而容復刪訂成十二卷刊行其闕妄據評辯天判語諸說係本陳恣與白山布季牙璜錄出介子黃毓祺編爲十卷與闢救說共刊行以壽于世其支本別部如夏通燈所集源流答頌之類則叢林學者包藏祗挾不啻百千部散諸人間矣剃度弟子自通壽等凡三百餘人嗣法自大瀉如學萬峰法藏東塔海明天童通客金粟通乘寶華通忍禹門通微廣潤道忞雪竇通雲古南通門報恩通賢通玄通奇一十二人

王文那

密雲禪師年譜

各

各各入鄺禹手分化一方至于王臣國士投身鑪鞴親見指歸則大司憲王公志道侍御方公震孺居士沈求如通華王金如朝式孝廉李公燦聞人黃介子毓祺其最著者自此以還如陶祭酒石簪唐太嘗疑之徐侍御心常馮大中丞留仙大司馬鄴仙李侍御漸鴻曹侍御愚公王侍御芳洲顧宗伯瑞屏王督學園長黃大參履素祁侍御世培周侍御衷玄謝侍御象三陳侍御平若陸內史敬身劉邵丞九霞錢太嘗元冲張大司憲二無趙屯田二瞻張廣文客卿吳憲副輿則金太史正希孝廉

唐祈遠周君謨鍾海槎張元帖方子凡張弘一居士蔡子穀管霞標馮爾赤祁驥超徐型塘姚通省胡行昭輩則皆恪誠諦信所謂弘護無斁者也師以海山容納之量誘掖方來凡聖一目之懷等觀大地說法不帶枝葉爲人絕諸廉纖操惡辣鉗鎚單提持向上碎莽蕩二見之窠窟剪差宗異目之稠林微犯必呵纖情不順所以士大夫中往往有聞時富貴見後貧窮者多矣況諸學子一以從上綱宗納諸海印三昧苟有差互痛與排斥昔人稱佛印元牽牛蹊人之曰而奪之牛元弗惜雖師亦

文部

密雲禪師年譜

五

有焉力爭祖命靡愛厥身卒俾少室重光濟河復漲三十年間風行草偃馳走天下宿衲嚮往一世鴻儒道滿神州名傳

紫閣愚頑知慕德率土盡欽風故過化則掃邑空都

來施則傾廩倒橐坐立之際千指圍繞顧盼之餘

蜃樓幻出雖晚年謝跡名藍投身絕壑而蠅趨蟻

附奔轅愈殷及夫慧日停輝慈雲掩彩四方聞計

如喪所生千里哭臨有同孺慕山川爲之變色通玄

變白太白山太白況乃效靈化現童子則皆師生平敦

澤所普被至行所感通如斯之類益久矣落江湖

之口碑矣若其約衆持身之法紹先啟後之謨動必合章程語必該典則津梁百世標表人天者則雖費日糜年莫可殫紀今謹採叢林耆宿平昔記聞與衆所親知目見者參諸往錄定之歲月撮畧而編次之庶幾傳布將來使千百世而下有所取信云

文部

密雲禪師年譜

六

密雲禪師年譜終

大瀉五峯學禪師語錄

明・五峯如學

撰

五峯禪師語錄叙

大瀉聖蹟中葉稍衰山深
草幽鐘簷久廢幸五峰祥
師入山繼往開來表章宗
範而光大前休雖位鈎朱

支那

五峰禪師語錄序

一

久而言動法則著於烏龍
問答者筆不勝書估者約
畧其槩編次成帙行之於
世久矣慧山和尚顧燕恒
上人曰五峰祖瀉師也其

言則瀉書也豈其行於世

而弗傳於瀉耶集于遺言
祇以剽剽使天下後世因
其言而見其人不亦所乎
書成遣估者詰余屬余記

五峰禪師語錄序

二

之余三復其言詞皆而義
深語隱而立躍隨手寓言
因人引掖直欲喚醒群芳
透出本來強共密言同一
鼻息乎非卷言世所其似

卷之十 寧誠卷之十 派乎
傳者曰移後之學者開奏
展談跌宕深思心目之間
當自動之不動點然神開
曠然遠覽何異視見其人

而躬承白棒哉然則書
也蓋千萬人之卷印而千
世之宗旨也可藏也書傳
而人傳人傳而為之宗風
不朽無幾只之遠年乎

大瀛

五峯禪師語錄序

三

肯

順治壬辰歲初秋日

湘山笠叟周堪賡漫書



大瀛

五峯禪師語錄序

四

大瀉五峯學禪師語錄

大瀉密印寺住持孫智海重刻

僧問如何是關中境師云案上凝塵三尺厚庭中芳艸幾生花如何是境中人師云相逢不遇真師子閒我慙慙枕石頭如何是人中意師便打

徐喬谷居士問俱胝豎指意旨如何師云火宅蓮池少頃又問臨濟既於大愚言下發明大事爲甚麼大愚又道汝師黃檗非干我事師云冤有頭債有主士云因甚卻在大愚處發明師云瓜熟蒂落

僧問我問三祖云至道無難惟嫌揀擇意旨如何語

支那

五峯禪師語錄

一

未絕師劈脊便打我擬議師云要會便會用擬作麼遂以杖當喉直觸我忍痛失聲師云是什麼我當下釋然遽歎曰奇哉奇哉師云汝見箇甚麼我偈高聲說偈云擗喉直觸欲語無口三月湖南紅桃綠柳師罵之

僧問如何是烏龍潭中一滴水師云虛涵萬象僧擬議師以杖趁曰不宿死屍僧無語

僧問如何是汾陽三種師子師云汝是野干僧無語一僧背手舉首至關內熟睡師云某甲未出戶庭曾有一問與師師隨聲摘住云速道僧擬語師托開云

看飯奴

僧問如何是清淨法身師云泥豬癩狗又問如何是世出世間第一件事師便打

僧問己事不明乞師開示師云乞我開示便不是己事進云不會師云今日是幾時僧云初二師云又道不會僧罔措師打出

僧問未開口前爲甚麼便棒便喝師云兔子無角進云意旨如何師便打進云學人已開口爲甚麼亦打師又打

僧問如何是佛師云你是頭驢進云意旨如何師拈

支那

五峯禪師語錄

二

起筆云者是湖州來底

僧問釋迦出世端爲何事師云貧兒恩舊債僧禮拜師云何不再申一問僧拂坐具便出師云者癡漢又怎麼太

僧問萬法歸一一歸何處師云西江米到上新河僧禮拜起云會師意也師云我者裏意尚無汝作麼生會僧擬議師便推倒

居士問大師在關中作甚麼師云竹林高臥待雲來士云豈不開殺人也師云五枚白鼠五更鳴

師問僧那裏來僧云報恩師云寶塔幾高僧云不記

得師云汝不從報恩來

僧問臨濟無位真人話作麼生聲未絕師便擒住云速道速道僧擬議師與一掌云會取太

僧問如何是黃檗爲臨濟處師劈面便掌進云今日始知吾師毒手師云汝見甚麼道理便與麼道進云秋到梧葉落師拈住云秋到梧葉落與黃檗爲臨濟處有甚交涉僧打師一拳師云你看者漢亂做僧擬議師便喝

師方開關門見僧來便喝僧亦喝師便打僧又喝師云亂喝僧擬議師復打僧無語師云落魄鬼子

支那

支那

三

居士問一息不來向甚麼處安身立命師云前是松柴後是栗炭

僧參師敲門一下僧將開口師閉卻關門

劉錫玄居士參以卽中堂問荅呈師纔禮拜起師云問甚麼公甚麼士方思惟師云莫向鬼窟裏作活計士無語茶次師復拈云中作麼生卽士擬開口師搖手云不卽不卽士點首云大師甚是直截但弟子業緣深厚不能當下理會師云且坐喫茶士臨別問洞山道一大藏教祇是箇之字意旨如何師云金色蝦蟆鳴古井

僧問仰山撲破鏡子意旨如何師云雪獅對上立僧問如何是祖師西來意師云七月東瓜艸上橫僧擬議師便喝

師問知客那裏來客出袖中扇云買扇來師接扇云者柄多少錢那柄多少錢客擬開口師以扇劈口打云自己底也不識問侍者云你作麼生者奪師扇自扇云今日更加天熱師微笑

庫司問如何是佛師云庫房裏底司禮拜出少間復至問庫房中那一樣師以手急索云有幾橈麼司云俱有師復以手抹兩眉云還有者箇麼司罔措師拽

支那

支那

四

杖趁云可憐生

一日問侍者云如何是祖師西來意者云山花開似錦澗水湛如藍師云那裏學者虛頭來者云和尚莫壓良爲賤便出

侍者病目一日奉茶次師云汝見空中鳥飛麼者撞頭師以茶幕面潑者禮拜云謝和尚慈悲師云未夢見在者無語

玄侍者一日辭行師舉起琥珀念珠云道得卽與汝去道不得且住此過冬者便打師一坐具師云果然不知落處者云木人從不戀花枝師云猶成滯澀者

云掌握吹毛劍隨處斬癡頑師云或有人罵汝頭上行時如何者云某甲不是把鋤人師云焰願鼻頭者云和尚缺了幾許師遂以念珠挂侍者頸云住得許久日子一些交涉也無者云賴是和尙看破師打云識甚好惡者便禮拜出師復召云長老者徑行不顧師復顧寶月侍者云你道此子向後落在誰家絆馬索裏月擬酬對師以竹篋打云且去送客來與汝商量

僧問經中道佛身充滿於法界和尚即今在甚麼處師便打僧云打即任打要且無安身處師又打僧作

史記

五峯禪師語錄

五

女人揖師云猶是亂做未夢見棒頭意在僧以袖拂師面師云不謂聞黎無出路只是聞黎太有禪僧無語

淑之參師作搏物勢之便禮拜師復翹兩手之打一圍相師於中點一點之擬議師云念子遠來且放汝三十棒

師問淑之臨濟三頓棒意旨如何之云龜毛拂子兩頭搖師云因甚手長衫袖短之應對稍遲師厲聲云耳目之學終立門外若徹自心名爲到家故行腳衲子須是真參實悟始不被境緣擾動六道輪迴間羅

老子豈懼伶牙俐齒舌覆三千哉之拱然拜退

師問僧你還見露柱麼僧便喝師曰被汝一喝卻分疎不下僧又喝師云昨日有僧也與麼喝三十棒一棒也不饒僧復喝師便打僧禮拜師云昔汾陽昭道鵝王飛鳥去馬頭嶺上住天高蓋不得大家總上路作麼生會僧云和尚萬福師冷笑不荅

僧以三峯語錄呈師師閱其發明臨濟宗旨話蹙然曰漢兄用如許精神作麼關主者裏即不殊侍者曰和尚如何師曰設有人問我高姓尊名我便向道姓甚名誰不問我一字也無昔時尊宿代佛利生如洪

史記

五峯禪師語錄

六

鐘巨鼓不考不聲縱垂一言半句亦因病設藥所謂病退藥除豈返執藥以成病耶傳佛心印而以實法累人不但瞎卻人眼亦乃水也難消時方士雄居士在座起作禮曰大師此言誠爲萬世龜鑑師休去

僧問桶底脫落時如何師云通天徹地僧擬議師云掠虛漢

劉錫玄居士問大師在金粟得何法師云龜毛繩繫雙兔角士云可俗觀得麼師震聲一喝士云真宗匠也師云今日被居士勘破士呵呵大笑

僧問如何是拈花實旨師云棺材裏觸髅進云升乞

指示師傻打

僧問文殊起佛見恣見聲未絕師云聞黎當受山僧頂禮僧擬開口師以手掩卻

總持道人問如何是徑截法門師云訶佛罵祖忒持良久云向後如何得妥貼師云有佛處不得住無佛處急走過

僧問如何是衲僧眼師云瞞上座一點不得僧擬議師云元來不是屋裏人

亦幻問如何是瞽谿水師云不住憐龍幻擬禮拜師傻打幻不肖師又打云一任舉似諸方

五峯禪師語錄

七

僧問學人青黃未辨望師慈悲師震威一喝僧思惟師傻打

如無揀居士問如何是出陰界底人師云待居士出後向徐道士云和尚祇解恁麼把定師云山僧心肝五臟已盡傾出了也士傻禮拜師云汝還冒麼士喝師打云好喝士無語師喚侍者云斟茶與居士喫方士雄居士過訪茶次士欲坐師云近坐些好說話士云怕大師動手動腳師云居士有甚過麼士擬議師云不得放過傻打士云我道習氣不忘師云黃梅落在手邊那得不捨茶畢上問如何是格外玄機師

云齋甕裏蟲鳴士又問翠竹黃花因甚便是般若真如師指淨瓶云祇者淨瓶三世諸佛也摸索不著士云大師還摸索得著麼師云居士莫下毒口士罔措師遂擲下拂子士傻禮拜師云辜負不少

侍者問如何是度生樞要師傻打者云者一棒是殺是活是權是實師又打進云祇如向上一路千聖不傳又作麼生師云汝又許多撈攘作麼進云截斷古人舌頭處更有一人不肖又且如何師云珊瑚枝上縣明月稼穡無方不樂詞者轉身禮拜退

五峯禪師語錄

八

說話麼者云說則說祇是和尙不解聽師云杜撰禪和至來日復問云昨日公案作麼生者云明日是清明師云不是者箇道理者云蒼天蒼天師以手外指云庭對笑汝者擬開口師云蒼天蒼天者傻禮拜僧問如何是戒師豎起拂子如何是定師放下拂子如何是慧師以拂子左右拂之僧云此外更有方便也無師云喚汝做飯帋子

僧問臨濟四料揀意旨如何師云汝不是我同條進云因師傻打

僧問佛性精魂是一是二師云木人夜半操琵琶

師問淑之薰風自南來話作麼生會之舉起茶鐘師搖首云不是者箇道理云和尚作麼生師云終不向汝道破之無語師顧侍者云你作麼生者云毛骨聳然師云亦未狂者便禮拜師打云者賊者云賊賊師復顧之云你看者漢來得幾箇月便與麼亂統者拂袖而出之云龍生龍鳳生鳳師連棒打出八月十五夜師出關率眾至烏龍潭以拄杖探水云因甚龍不見侍者向前禮拜師便打者便喝師以兩手掩耳者打觔斗而立師晒之僧問如何是華嚴六相義師指手中扇骨云一二三

文殊
無述

五峯禪語錄

九

四五六復開扇自扇云一一爲汝說了也進云六相義外更有頂額上事也無師云有進云如何是六相義外底事師云檐外竹千竿西風舞蕭瑟僧跪問如何是十二時中底事師云好箇問端只是上座不會進云某甲季老更求方便時廚中鳴鑊師云著衣持盃太僧便起立師云會麼進云不會師云弊飯太師一日午齋畢僧問如何是爲仰宗師云爲我過楊枝來僧過楊枝師復指盃中水僧取水稍遲師云鈍置殺人

僧問耽源授仰山九十七種圓相那一種爲至要師以手作塗抹勢僧禮拜起師遂於地上画八相顧其僧僧亦画一〇相師以兩手捧起復作拋後勢僧罔措師便喝僧拂袖師直打出回顧傍僧於地上画一〇相僧便坐於〇相中師又以拄杖画一大〇相圍之僧起傍立師微笑師有疾體心問昔日院主問馬大師安云和尚尊候如何大師云日面佛月面佛未審西堂師又作麼生師云青螺髻上炎炎熱八字眉間凜凜寒進云恁麼則昔季馬祖今日西堂師云逢人切莫錯商量進云

文殊
無述

五峯禪語錄

十

夜來鼯鼠牀頭啣入臂那吒撲帝鐘又且如何師云兩行鼻息點刻分明心擬議師便打體心問通玄峯頂事如何師云清風明月進云忽遇轟雷四起黑霧迷空又作麼生師云山搖地震進云恁麼則萬派泉聲元是海千峯松色總同春師云長安大道家家有幾箇男兒不問津進云和尚聞黎師遂以拄杖橫按進云今日吾師新格調的是通玄金粟來師云長老禮拜有分進云收放分明令不虛便禮拜師打云著心喝一喝師亦喝僧問如何是臨濟下事師云殺佛殺祖僧擬議師劈

春傻打進云電光中垂手則且置不動于戈事若何師云各安生理進云此猶是電光中垂手作麼生是不動于戈底事師云瞎漢云僧便云師召云某甲僧回首師展兩手云討甚熱盪僧有省

僧問一切眾生皆具如來智慧德相因甚不現前師云現前進云某甲卻不得其受用師云受用

僧問不知有底人爲甚不求知師云猩猩雪上行

僧問雲門道盡乾坤大地不見有纖毫過患始是半提須知更有全提事在途提起念珠云且道者是全提是半提師與劈頭一棒云試道看僧傻喝師又打

大瀉

五峯禪師語錄

十二

僧又喝師云好喝更喝看僧拂袖傻出

居士問弟子初向三寶不知佛恣大意乞師示箇入處師舉起拂子云還見麼士云見師云從者裏入

師問一秀才如何是不可須臾離底道才云正是弟子疑處師云疑卽傻離

僧問如何是正中偏師云月出五更前如何是偏中正師云白髮鏡邊絲如何是正中來師云雪裏漏樓臺如何是偏中至師云七事隨身慣戰作家如何是兼中到師云木人夜半度松關僧禮拜云謝師答話

師傻打

僧問如何是函蓋乾坤句師云徧界黑漫漫如何是截斷衆流句師云無汝開口處如何是隨波逐浪句師云闍黎從甚處來進云弁山師打云分明舉似僧問如何是教外別傳師云我甚牙疼明早答汝僧禮拜師與一踢僧無語

僧養拙參次師云那裏云此處止師云你住不得云無我住卽得師傻打云不得云與密雲和尚同院無異土師云那裏來云金粟來師云曾會過麼云將謂忘卻了也師云金粟來底會弄嘴云和尚從那裏來師云我不從金粟來云誰弄嘴師乃笑云請坐

大瀉

五峯禪師語錄

十三

養傻出

師至大瀉同慶寺祖塔坐次明維那禮塔來師云禮者枯骨作麼明云將謂忘卻傻禮拜師遂起云

一日普請擇菜明維那云我要止靜云師云那裏不是靜明打師一掌師云作麼明云那裏不是靜師大笑

又一日擇菜師喚傍僧其僧不來師云你不來我要打你明維那卽打師一掌師云只說今行早更有早行人明傻歸禪堂

師將入滅預知時至於癸酉六月三十日自叙行緣

嗣後不飲不食危坐終日脇不至席凡見僧便拈拄杖云道道僧擬議師便打復加詬罵有遠菴吳居士來訊尊候如何師垂一足士云弟子會也師云莫錯會去士画一圓相師踢倒云正未知山僧脚跟在至七月二十一日師拈拄杖示衆云道得卽與衣盃拈下語不契師歎曰得人之難亦至如此乃命侍僧智隆持來源拂子至大瀉付養拙明監院越明日正午浴畢書偈示衆云痛舉錘爲阿誰可憐漆桶自狐疑爲伊結下來生債五夜霜花開玉墀擲筆歛目怡然而逝

默述

五峯禪師語錄

十三

行實

一日衆入室作禮乞師宣述參履始末啓迪將來以垂正眼師三辭不已乃云予蓋西安臨潼人父任母杜氏萬曆乙酉四月八日生予自光滿室性不苟輩稍長常樂靜坐看破世間一息不來四大皆屬敗壞何況餘物十六喪父卽決意出家因母在堂不能得遂二十方得離俗投五臺大嶺寺天齊師薙髮師開示常令行住坐臥不離者箇後辭師到熊耳禮初祖塔值無言和尚舉僧問清源如何是佛添大意思源云廬陵米作麼價予乃疑情頓發自此衣單盡弃歷季

默述

五峯禪師語錄

十四

寒暑一衲晝夜參究廢寢忘餐登金剛臺立禪打餓七次遇性空師同居僊人洞一日予問如何是西來意空云石頭予疑情轉切未幾同往南海過虎跑謁三空師予問某甲要做箇出世底人不知進步空云你如何曉得到者裏來予云特來請益空云智光一焰諸妄自無卽欲別往伏牛到常州復遇性空師予問萬法歸一一歸何處空撫桌一下予忽有省從前廬陵米價及石頭語一時透得遂作禮同空復居僊人洞空一日指雪問予如何日出復雨化太予云大用當前諸妄自消後空時常追逼應機每多不捷予

自覺工夫不到不得方圓故決志上伏牛入堂打七至第六日一足跣定不覺神忽離身從山門外離地丈許跣跌而坐值堂主打一葛鞭觀自己身面瞥然復體從此澄清昏沈極少惟湛寂境界極多俱不覺復進終南五峯巖住靜三載後住五臺禮月川師從澄方律主圓戒竟乃入楚訪黃檗念師因問師以何添接人念云有甚麼添各家啀各家飯予見說道理便辭行到匡廬訪慈師問云不用方便請師指示慈云不可求道理不可求玄妙只要放得下予覺無宗門向上瓜牙乃造雲門參湛師問蚯蚓一鉞刻做兩

大瀉

五峯學禪師語錄

五

段頭尾俱動未審佛性在頭在尾湛云如人扇風箱住手一時休予云此身壞時真性向何處去湛云那箇是你底身子良久湛云亦未見得予云如何是和尚身湛云開口成雙橛無言落二三問本師密和尚開添龍池徑往問大地無寸土時如何本師云你向甚麼處安身予云請師指示本師便打予云進退無門時如何本師云無繩自縛予云請師太縛本師復打因問予你在雲門有何言句予云某甲曾問文殊爲甚出不得女子定湛云纔方出也又問罔明爲甚出得女子定湛云何曾出來本師云你作麼生會予

云任他橫說豎說本師復云你喚甚麼作定予良久本師云不是予云師喚甚麼作定本師云我且放尿著予云者是那伽常在定無有不定時師便出隨入云善財參徧處黑豆未生芽予良久本師便打次日辭本師到法藏寺閱藏如癡如呆只是放不過因暑熱移單至大殿佛側邊一日忽然情塵脫落癸亥春復入雲門湛師處令職後堂作教授一日湛師上堂名衆云還有知痛癢者麼予向前合掌湛云你那裏灑灑落落我者裏唧唧哆哆予云香象伸頭回顧意須知劫外有青天湛云若有路可上更高人也行

大瀉

五峯學禪師語錄

五

予云無行太處向甚麼處去湛云你不知太處麼予云請師下座甲子春登通玄復謁本師呈三偈其一云噴全不濟進得門來腳踰地橫豎全無拄杖子赤手空拳無柄蒂箇消息遇人喪盡目前機天下老漢無處覓其二云出門好得見兄妻叫阿嫂暴地一聲紅綫斷舉足動步便是艸其三云不出不入是何宗截斷兩頭空不空灰頭土面不恁麼遇著稚兒撞著鐘面呈本師本師閱畢云如何是稚兒撞著鐘予云請和尚看著本師便休又一日本師同予話次驀申腳云你作麼生予以腳踢之本師笑云未在未在予

云和尚道看本師倒臥予云也只是困本師云徐又與麼么也予乃禮拜來日予辭行本師自搥鼓上堂握拂子云喚作拂子則觸不喚作拂子則背不得拈起不得放下不得下語不得無語不得錯舉若不錯舉即分付汝予即連跳兩跳云要不要不要師云猶是亂叫亂跳更試舉看予轉身云某甲么也本師乃付予禮辭便行丙寅歲復入金粟省觀本師安爲西堂復命首座丁卯予告行往南京弘濟寺掩關即今看來冒寒暑於二十六季涉程途於數萬里外皆是顛倒夢幻枉勞心力又何堪挂齒乎衆各慶喜禮謝而

五峯禪師語錄

五峯禪師語錄

十七

退

塔銘

五峯禪師嗣法於天童密雲悟和尚遡南嶽繇臨濟當傳燈世嗣爲第三十五世之嫡子也師族姓任長安臨潼人降誕於神廟乙酉四月八日蓮胎茹素鶴骨出塵二十歲失恃怙薙髮五臺從天齊師觀修靜業法名如學別字無爲晝夕思惟向上大事了辦生处斯心未安决志行訪始謁熊耳無言大師即往圓戒於澄律師止主律堂閱藏復徧歷金剛臺虎跑伏牛終南行力淡苦处活數番自得解粘釋縛到黃檗匡廬雲門徑山還至參密雲和尚於龍池淡契法旨

五峯禪師語錄

五峯禪師語錄

六

推爲師子兒及從和尚入天台通玄親承煅煉屢臨血棒機不放過依止未久師辭行和尚握拂云喚作拂子則觸不喚作拂子則背不得拈起不得放下不得下語不得無語不得錯舉若不錯舉即分付汝師即連跳兩跳云要不要和尚云猶是亂叫亂跳更試舉看師轉身云某甲去也和尚乃付承受別去其後省觀和尚於金粟時崇禎辛未師來主大瀉同慶斬石誅茅僅蔽風雪從學如雲宗風大震座下自足脫穎者如養拙明公師勉勵淡重使其苦節晦潛癸酉出山將行化於五臺至金陵爲余集生中丞請說

泐祇陀林內於時鼻孔達天吼聲六震東南望爲大
泐幢無何自期厭世是季七月二十二日正午示寂
先遣以手書入山囑泐於養拙明公使主爲山蓋自
任一燈在焉也師世壽四十有九得僧臘二十九越
壬午弟子郢素復智等依泐闡維函師靈骨奉歸大
瀉養拙明公迎供建塔癸未塔成以不肖嘗瞻禮師
足竊附泐末養拙明公適乞爲塔銘不敢淡辭固陋
敬爲之銘銘曰

明三百季視爲中古龍象不行山川綦蕪卓哉天童
遙被花雨首度五峯探驪編虎爰命拄杖復開劫土

支那

五峯禪師語錄

十九

潛淵抱珠明月正午海印密印寶光值吐出瀉淨湘
應供天府秋滿祇陀迎陵不語作塔瀉山玉歸玄圃
千巖萬壑了無言五峯巍然中興泐乳

大明崇禎癸未年八月八日羊城外史邑人陶汝鵠
拜撰

三峰藏和尚語錄

明

•

漢月法藏
退翁弘儲

編撰

三峯藏和尚語錄序

武林衛軍嘉魚學人熊開元撰

開也閤髻歲荷至人加策初無所冥會乙丑得假歸從覺來先生急自研始有鹽雞之獲自喻適志將謂天上下樂無逾者明年受事吳門趨見三峯老和尚于萬峰之書屋親承披揀而後知尼山先師所云不踐迹亦不入於室子與氏所云二之中四之下灼狀有如是淺溪苟徒恃其天下莫能載天下莫能破之意自廣而狹人幾不免斯文蠹螭矣於是集都人士信道者營建說淞堂勸請老和尚不倦開演如是甚

淡之淞開獨聞孰與夫一天下人共聞萬世天下人共聞耶閱六七寒暄得語錄若干卷廣錄若干卷開勸請之心方存乎見少而庸人淺人輒見多往往不能卒業則約而取之盡撤其寶几珍御獨以狸奴面目對人誠仁人孝子之志也朕水乳難糅非鷺王莫擇以游夏贊春秋孰有能勝其任者開得罪抵臨安軍國清儲和尚忽郵書見招且曰鼎沸若斯雖有上至梵天之舌無處向人祇宜收先師狼藉之夜光重胎明月使方來有目者咸得與於清輝不至守其一室甘此長淪是猶可及為者公久在靈山會裏先師

遷化時嘗貽書左右曰山僧有無數身前身後事仰託于門下公若不忘付囑可不共伸一臂擊破華山倒出萬年流水乎開自顧非其人何敢濫竽斯典更禍亂相尋梗與土之去未知所終則亦姑留此一則俟結集既成附之編末俾開千里萬里千生萬生不見有一步有一時在老和尚門外開不朽矣或有過量人如岳頭婆子謂此結集亦不消得直取而投之水火當更益一重光彩若祇守寒品異草青棹頭不顧仍為開二十年前同院之土非所顧也昔崇禎甲申夏五月朔序

三峯和尚語錄序

和尚乘仰山塵刹之願降神東震旦國作天童長子
艱危百戰死任綱宗四十悟道五十四開堂六十三
遷化歷主八刹門人記語錄三十卷廣錄五十卷示
疾前半年手命不肖弘儲結集時得法弟子窠陵周
祇侍側歎息再拜以爲至當今已二十七年矣猶稟
蒙退縮不敢輕授簡牘諸佛列祖鑒之歲月荒忽感
時感疾辛丑三月手抄錄中稍平徑易曉人者爲一
編使後五百歲劫火洞朕之際得瞻此清涼寂滅法
寶三世如來說法之式龍騰雲變無有定相朕天高

三峯和尚語錄序

三峯和尚語錄序

一

地卑川流嶽峙確不可反覆倒置以正合以奇勝兵
者聖人不得已而用之猶朕兼攬並到況大統綱宗
哉楊岐會淖沱正脉雪竇顯韶陽中興廣大不違從
上精微自我作祖兩家典冊具在商周禮樂大備之
時而執義農已上之說是知秋冬而不知有春夏也
子與氏權衡諸聖于伯夷伊尹肯諾不全唯時中至
聖則全身奉重斯可以悟法式矣有祖以來乃有和
尚和尚道大不能容棲棲皇皇知者罪者其惟春秋
不肖弘儲懼取其易者爲之若夫結集艱重在有力
者弘儲敬述於靈岳大鑒堂

三峯和尚語錄目錄

卷第一

住海虞三峰清涼院語

住蘇州北禪大慈寺語

住杭州臨平安隱寺語

卷第二

住蘇州鄧尉聖恩寺語

卷第三

住蘇州鄧尉聖恩寺語

卷第四

住梁溪龍山錦樹院語

住杭州南屏淨慈寺語

住嘉興水西真如寺語

住蘇州窠陵聖壽寺語

住蘇州鄧尉聖恩寺語

卷第五

廣錄

卷第六

廣錄

卷第七

廣錄

卷第八

頌古

卷第九

頌古

卷第十

頌古

卷第十一

五宗原

卷第十二

禪偈

卷第十三

法語

卷第十四

書問

卷第十五

書問

卷第十六

禪著

三峯藏和尚語錄卷第一

吳虎丘山雲巖寺嗣法門人弘儲記

住海虞三峯清涼禪院語

乙丑元旦上堂拈香云化被空山老更閑臥雲誰道
不朝天生香一瓣呼嵩祝聖德雍熙壽萬年乃挿香
就座以拂子畫一畫云正月一夜半子前有消息殘
冬已過新未交個中一點誰拈掇拈得出是何物良
久喝一喝云百代舊山河雙懸新日月
上堂舉百丈和尚因黃檗問從上相承底事如何指
示於人丈據座檗云後代兒孫將何傳受丈云我將

支那

三峯和尚語錄卷第一

二

謂你是個人便歸方丈師云過去諸如來斯門已成
就現在諸菩薩今各入圓明未來修學人當依如是
法驀拈拄杖卓一卓云自餘閑禪事俱爲生死因
上堂僧問如何得真慧現前師云聞板聲喫飯僧云
如何得法性空師云洗脚上眠牀乃舉教中道此見
及緣元是菩提妙淨明體祖師亦云六塵不惡還同
正覺師召衆云信得及麼若信得止宿草菴且居門
外若信不及三峯且與你葛藤推倒几案下座
上堂一大藏教閑葛藤千七百則絆殺人三玄本無
安排五位何來等級窠風礪水自談玄却笑區區論

權實咄未跨船舷痛與三十

上堂山又青水又綠早便起夜便宿桃紅李白競紛披看來春事十分足無位真人手段強西來大意傾十斛堪嗟臨濟小兒見風流千古誠難續喝一喝云白雪陽春聊和一曲

上堂僧問一人辨心諸天辨供未審辦甚麼心師云上人不可不會僧云某甲實實不會師云每日甚麼人將飯與你噇僧無語師云你既無心我也休便下座

廂參亂石危窠護竹扉住山人老共忘機晝長無個

文雅

三峯和尚語錄卷第一

二

消閑法手弄潺湲濕衲衣顧左右云大眾若信三峯與麼道未免隨流失炤別更有商量道個無端也不爲分外

上堂僧問如何是學人著力處師云轉身處看如何是學人轉身處師云親切處看如何是學人親切處師云你著力處最親切僧云這回不是夢真個到廬山師云五老峰因甚踣跳僧擬議師直喝出乃云第一句薦得大海江河盡放光第二句薦得逢著觀音問彌勒第三句薦得舌柱上齧驀卓拄杖一下顧大眾云這是第幾句僧纔出師便下座

上堂三業清淨佛出世脚踏著黃金地三業不淨佛滅度瑠璃殿上難移步立時貶向鐵圍山落得身心處處開向上路祖師關也不易也不難饑來喫飯困來睡宵把麻油樹上攤

上堂舉臨濟示衆云赤肉團上有一無位真人嘗從汝等面門出入未證據者看看時有僧出問如何是無位真人濟下禪床把住云道道其僧擬議濟托開云無位真人是甚麼乾矢橛便歸方丈雪峰云臨濟大似白拈賊師云狀則臨濟固是狼藉雪峰也不應以賊心待天下尊宿正令不行拘曲作直二俱不能

文雅

三峯和尚語錄卷第一

三

無過我當時若見但道在和尚今日卽得恐後代傳持難免無弊看他活跳底無位真人到這裏不得不垂首喪氣具通方眼底如何相救良久云替三峯下得一轉未必善因而招惡果

上堂舉睦州和尚見僧來云現成公案放你三十棒師云睦州無端走入屎窖裏是你諸人還聞臭氣麼衆無對乃云又爭怪得

結夏上堂舉法華舉禪師謁公安公問作麼生是伽藍舉云深山藏獨虎淺草露羣蛇公云作麼生是伽藍中人舉云青窠蓋不市黃葉豈能遮公云道甚麼

舉云少年翫盡天邊月老倒扶桑沒日頭公云一句
兩句雲開月露作麼生舉云炤破祖師關師云以大
圓覺爲我伽藍身心安居平等性智快活快活怎奈
生平叅得聲頭禪撞著聲頭如鍊壁雖狀紛紜自彼
于我何爲先聖垂範理契必同畢竟二大老節文在
甚麼處若判得塵沙諸佛天下祖師不消一捏若判
不得卓拄杖一下云謹白叅玄人光陰莫虛度
上堂莫犯舌頭路休于心識情只提三尺劍揮落一
天星仰面峰如筍低眉水作冰問我西來意石色湛
空青喝一喝下座

支那

三峰和尚語錄卷第一

四

上堂拈起拄杖云獨立絕殊方卓一卓云其鋒安可
當前是佛殿後是僧堂大唐打鼓新羅聞誰家漆桶
夜放光

上堂僧問如何是有句師云秋風訴愁絕僧云如何
是無句師云寒月自多情僧云如藤倚樹時如何師
云風月年年在人心有變更僧拜倒云可知禮也師
乃拈起拄杖云還有不變更者麼良久卓拄杖云待
樹倒藤枯再行檢點便下座

上堂舉臨濟祖師云大凡演唱宗乘須一句中具三
玄門一玄中具三要有權有實有炤有用汝等諸人

作麼生會師云苦哉苦哉若要安國安家須是足兵
足食近來求個具信根底也不可得三玄門怎能勾
一踏到底老僧今日不惜手脚八字打開請諸人排
身直入喝一喝云金剛腦後抽生鍊華嶽三峰倒卓
空

上堂豁開戶牖當軒者誰坐立儼狀那容相度南泉
猫子胡狗殺活全憑這副手可笑臨濟白拈天生一
張惡口隨喝一喝云當年陷了華山壓倒八十一城
你輩茄子瓠子向甚處走

上堂衣拖五尺布杖曳半山雲香爐峰下看石虎渡

支那

三峰和尚語錄卷第一

五

溪大師巷前聽寒風吼樹有時爐邊煨芋有時棹泛
烟波尊貴墮隨手撥開末後句不勞提起雖狀如是
且道如何是老僧底主中主放下拂子云無限家私
都說破了無一法可商量

師誕日上堂僧問父母所生口一憑和尚大脫空小
脫空父母未生已前口掛在甚處師云不可掛在壁
上僧云學人大膽敢道掛在壁上師云老僧小膽怕
爛却僧云何不早道師連棒打下云也不遲僧轉身
便出師召云闍黎僧回首師云若作打會入地獄如
箭乃云山山青水水綠眼見耳聞千足萬足不消歇

却攀緣染淨凡聖取含有無諸念不消拈却四大五蘊十二處十八界和合諸入一任朝悠悠暮碌碌自朕進用罔涉離微退藏不遭諸惑何須大脫空小脫空花簇簇錦簇簇粧點父母未生已前本來面目良久云谷谷便下座

上堂舉南院示衆云赤肉團上壁立萬仞有僧出云赤肉團上壁立萬仞豈不是和尚語院云是僧便掀倒禪床院云這瞎漢亂統便打師云大小南院被這僧拶得熱忞人人盡道勾賊破家爭知是養子之緣善舞太阿劍決定無手厄南院有之慣編猛虎鬚必

支那

三峯和尚語錄卷第一

六

有全身策這僧有之而今諸方病在膏肓三峯若不發藥便道死而不救喝一喝云雖朕兩不相傷爭奈二俱弄險

上堂岳頭未會末後句打碎虚空入爐鑄德山死活總不知只解肚饑托鉢太惹得兒孫錯主張打瓦鑽龜猛窺覷我今爲君明啓意吐出箇中真味趣黑漆鉢盂纔出囊遇飯隨時下七筋山爲家雲共住唱罷吳歛歌白苧

上堂擊磬衛取瑟歌聖人之教原無多拈起花倒刹竿分明道了莫顛預住住住庭前柏子樹直直直大

佛小佛空山石若還拈起便擲豈止五千退席

除夕小叅道不在內道不在外別有生涯局矢見解燈籠跳入露柱心實能容佛殿走出山門智通無礙舊鴈今宵送新春明日迎兩年新舊事一併付鐘聲丙寅歲朝上堂拈香畢乃就座云白雲高臥已多年贏得身心迴出纏隨例元正燕沉水自慙無德頌堯天諸仁者衲僧分上尊貴天朕一住此山大忘人世溪流菜葉偶朕脫賺諸方鉢貯案花儘可團圞一室晨鐘夕板未嘗失候違時嶺月巖花各自飛光美彩若謂無心是道何異掘井陷人更言有得爲宗不免

支那

三峯和尚語錄卷第一

七

守株待兔山僧有口終不謾人汝輩莫漫思惟打入陰界卓拄杖三下云從來古路如弦直著脚何非化國民下座

上堂拈起拄杖云豁開聖賢闢域卓一卓云流出音聲佛事河裏水天上月曩謨佛乾矢橛大士耳根頑韶陽口門濶看他兩個人竭盡老婆心那事如何說擲拄杖下座

上堂卽心卽佛將謂猴白非心非佛更有猴黑不是心不是佛不是物斬斷葛藤窠勘破維摩詰咄互換機鋒神出鬼沒

上堂僧問如何是第一玄師云不是涅槃心如何是第二玄師云亦非正法眼如何是第三玄師云三世諸佛只言自知六代祖師有口難宣僧作禮師云汝既知時節吾今不再三乃舉盤山云向上一路千聖不傳慈明云向上一路千聖不朕徑山云向上一路熱碗鳴聲師云不傳不朕熱盥鳴聲我今無說汝亦無聞下座以拄杖旋風打散

上堂三百六十骨節皎皎凝虛碧八萬四千毛竅澄澄發皓彩逆底順底著著趁玄機是底非底頭頭超方外山河大地草木叢林盡是恒沙劫千佛之數信

支那

三峰和尚語錄卷第一

八

得及貧兒暴富信不及三峰話墮

上堂百千萬億華藏界信手拈來只一束夜來埋向虞山巔天上人間作眼目好醜難逃這一機雙泯互存無背觸猊絃鼓斷少知音他年留待鸞膠續

上堂本色住山人且無刀斧痕殿上考鐘伐鼓聲聲塞滿耳門驗人端貴知音聽響終非莽鹵驀拈竹篋云背不肯兮觸不觸誰信先天爲心祖

上堂老僧終日與諸人同起同住同語同嘿全無一點奇特處但有一件奇特處不得不告報諸人諸人

極力思量到無思量處起心動念便不穩貼老僧在無思量處起來千思百量不妨喫得飯屑得矢

上堂先炤後用莫從鏡裏迷頭須信頂門有楔先用後炤正遇黑風暴雨還知冷月疎星炤用同時陣裏飛砂刀頭具眼炤用不同時東影旗旛西藏砲弩喝一喝云須知晝伏夜行不得隈刀避箭

上堂心不是佛明如日智不是道黑似漆大丈夫須猛烈既朕拈却佛祖機因甚抱守繫驢橛直中曲曲中直要平不平憑秤尺

上堂國師三喚當陽明皎皎侍者三應徧界黑漫漫

支那

三峰和尚語錄卷第一

九

最喜是生死煩惱可惡是菩提涅槃人間月半天上月圓咄咄鼻孔撩天不着穿

上堂爛炒鍊釘盛滿鉢夜來托出新羅國遠來人事非等閑祇許供僧莫供佛指天指地自稱尊撞到雲門無折合

上堂從上來事匪從人得截下左臂天地懸隔擬欲安心紛朕打失捉摸至今空無所得咄休太歇太眉橫鼻直誰恁麼道白拈老賊

上堂金槌未動曠朕繩墨之外玉塵才揮縱橫得大自在老僧一物不爲闍黎明辨去來菩提涅槃等名

是從淨法中得貪愛取舍等各從穢法中得淨穢兩忘掃踪滅跡任運相將不可陪法雲隨處起風雷上堂拈起拄杖云鎮海明珠只有一顆仰山不來深藏待賈卓一卓云東寺驀地捧出炤破山河萬朶上堂若論此事如迅雷貫頂掩耳不及吐出清風一條鎖鍊向須彌頂上一槌金剛山下透脫倒卷虛空萬仞壁立若是臨濟嫡骨兒孫便解向獅子口裏敲牙驪龍脊上揣骨賓主互換通身縱奪末後句裏出身威音王前過活還有如是操略者麼出來與老僧相見

問答不錄

文那

三峯和尚語錄卷第一

十一

住蘇州北禪大慈禪寺語

上堂蕭條古寺傍城隈萬戶吹烟曙色開獨坐雲堂無客問西山相逐送青來諸仁者無情運用舉足則步步通塗有識興慈逐念而塵塵障道爭拾池中之藥遺下明珠偶迷鏡裏之頭遂忘本體拈拄杖畫一畫云若不畫斷早見葛藤徧界

廻參此事喻如蘇州一座城總有六門門門有路通達往來若閉塞五門教人總向一門出入途中不免反添之遶不若隨方來者隨入一門翻得徑捷狀雖如是饒你得到蘇州城裏要來北禪寺參見老僧

更須問過地頭人始得不狀十個五雙往往蹉路在上堂假使有人能化三千大千世界滿中衆生令行十善不如有人于一食頃正思此法過前功德不可爲喻當爾之時識智俱空名體咸寂誰爲計功誰爲量德又喚甚麼作此法良久喝一喝云不解順風撒沙那能衣錦還家

上堂胡亂三十年不曾少鹽醬到處行脚也須帶眼古今盡道得大機北禪看來全不像若論百丈門風豈可預搔待癢拈起拄杖云看看用時便用絕商量方信臨機原不讓

文那

三峯和尚語錄卷第一

十二

上堂僧問佛祖公案只是一個道理因甚有明與不明師云昨日開元石佛放光有者道青有者道黃有者道黑道白道赤一總不定僧云和尚也是熟處難忘師呵呵大笑良久乃云于心所生卽名爲色知色空故生卽不生盡大地是正法眼藏盡大地是涅槃妙心實相無相微妙法門從甚處入喝一喝云更須買草鞵行脚始得

上堂天上不能容地下著不得鼻孔海天寬耳門鍼眼窄未問著先已頭紅面赤畢竟是甚麼人達磨曰不識觀世音菩薩將錢買胡餅放下手來是一塊黃

石會麼揮拂子下座

上堂頭上是天脚下是地青山自青白雲自白會也有粥喫粥有飯喫飯不會草糲錢且置粥飯錢甚麼人還良久云劒太久矣爾方刻舟

上堂綠槐絲吐掛青蟲恰恰珍禽冷冷風縱是三千廣長舌個中消息最難通曳拄杖下座

上堂有佛處不得住百歲翁翁失却父無佛處急走過海壇馬子似驢大三千里外逢人不得錯舉一字是一字一句是一句恁麼則不忞也世情無真佛法無假摘楊花摘楊花攪得身心亂若麻老趙州沒來

三峰和尚語錄卷第一

上

繇輸贏豈在東司頭

上堂無法可說是名說法烈焰堆中試請下脚三世諸佛一脚歷代祖師一脚北禪今日也是一脚現前大衆還有不惜娘生脚板者麼一僧纔出師連棒打退云是甚麼所在你也要插隻脚便下座

上堂門外有大路祇要大踏步一步是一步直透長安路喝一喝下座

上堂未透祖師關錯過大好山踏着大好山有甚祖師關

上堂大棒打老鼠驚起隣家睡本末悉歸宗何用尋

言語

上堂今朝四月廿九受用頭頭皆有葛衣自抹清風蒲扇信翻輕手朧朧睡眼模糊落落精神抖擻偶爾曳杖出門隨處看花看柳

上堂竿木隨身逢場作戲始從鹿埜苑終至跋提河于是二中間未曾說一字後來缺齒老胡分皮擘髓一出又一出拖到而今陽春易和白雪難齊門槌拍板忍俊不禁道嗟諸人還委麼良久云原來駐雲飛也不識

上堂三轉添輪于大千其輪本來嘗清淨北禪寺裏

支那

三峰和尚語錄卷第一

三

一日兩食餽飯禪和家人人肚裏七上八落今早添得一食白粥便見穩貼貼地真不掩偽曲不藏直現在可驗謾我不得拈起拂子揮一揮云見麼良久云我且謾你這遭便下座

上堂何方聖者甚處靈祇秤盤上分斤定兩等筒邊橫千豎百于食等者于汰亦等于汰等者于食亦等觀世音菩薩將錢買胡餅放下手來却是饅頭因甚佛殿山門全歸宵諾燈籠露柱猶自沉吟良久云此意幽深

上堂舉雪峰和尚示衆云盡乾坤是個解脫門把手

拽不肯入師呵呵大笑云自累猶可莫累他人七百衆善知識幾時跳出這個解脫坑

上堂鬧市裏天子百草頭老僧在人王人王中尊在法王法王中尊偶朕夜戶不閉撞入個白拈賊一衆驚懼不睡依律合得何罪衆無對乃云不可便恁懣懣放過

上堂西來大意非小兒戲千七百家各逞絕伎拖到而今展轉埽地略較些子庶幾臨濟捱拶將來依狀盧毘玄要橫豎是三主賓死活是四縱有孝子慈孫信你實情難事要知容易爲人請觀近代禪肆舉了

支那撰述

三峯和尚語錄卷第一

五

便恁會了何必苦他心志此是誠諦之言聽與不聽在你

上堂窮諸玄辨若一毫致於太虛竭世樞機似一滴投于巨壑眼前綠水背靠青山一夏與麼去也覺好過倘或日出事生未審作何向當良久云豈不個個英靈

上堂脚踏斷鳥鵲橋步步不從雲裏走自從換得金剛眼物物都將腦後看問着便轉牙如利劒口似血盆信口道來七石缸門裏大細而論之一卽是二二卽是四紅白瑠璃月下看一雙和影迸人寒豈有

如是事豈無如是事重之疊之四卽是八八卽十六一二以至千萬不可說轉猫兒踣跳上層樓尾上研槌翻霹靂如何是佛良久云^①且說到這裏莫被諸方簡責

上堂人之嘗情一時難改逆則生嗔順則生愛喝一喝云學道貴除心何惜這皮袋

上堂年年冬寒夏熱朝朝夜暗晝明使得十二時辰看看能有幾人喝一喝云太平本是將軍致不許將軍見太平

上堂舉南泉云文殊普賢昨夜三更起佛見法見各

支那撰述

三峯和尚語錄卷第一

五

與二十棒貶向鍊圍山師云近日有從鍊圍山來底衲子麼我不問你禪道佛法祇要問你二大士起居安樂否少病少惱否衆無語乃云莫謾山僧好

上堂舉茱萸把一椀竹上堂云還有人虛空裏釘得椀麼時有靈虛上座出云虛空是椀茱萸便打靈虛云莫錯打某甲茱萸休去師云靈虛不道無未免性燥你看他古今善知識那個便有放得下這一椀老僧非是倚勢欺人往往知而故犯雖朕茱萸休去未可全信

小叅古意不可得蕭朕四座僧簷牙無燕雀赤日印

空庭治世語言資生業等皆與實相不相違背不可得意則不問日印空庭事若何乃云苔文鏤石古草帶篆簾青

上堂釋迦已滅彌勒未來北禪三門早閉晏開但見頻出入知他才不才莫怪老僧閑管事要須分辨墨和煤

上堂森羅及萬象一法之所印凡所見色皆是見心澄潭月影靜夜鐘聲一處真千處萬處一時真喝一喝云幾多癡男女茫茫古到今住杭州臨平安隱禪寺語

支那

三峰和尚語錄卷第一

六

上堂纔白椎師以拄杖橫截云千佛下口不得歷祖一場敗缺今日直下拈來依狀是赤骨律此事如干將莫邪雙腕並運如水花若火燄向報化佛舌根下一截正好銷兵鑄饗樂過平生只今還有具如是操略底漢子麼出來與安隱相見問荅畢乃拈拂子云釋迦老子得這消息便會指天指地末後露出雙趺西天四七東土二三得這消息便會說偈傳心以空印印空印水臨濟得之而棒喝雲門得之而鑒喚漚仰向有無處吹火洞山于觀影處我渠添眼在曹源一滴水荅曹源一滴水處唯心新安隱一齊收在拂

子頭上且道拂子頭上是甚麼道理擲下拂子云久立衆慈伏惟珍重

晚叅賓主相逢爲對揚神機一着好商量定盤星子難移動卓午高竿隱太陽舉臨濟同普化赴施主齋次濟問毛吞巨海芥納須彌爲是神通妙用爲是法爾如狀化踢倒飯牀濟曰太龕生化曰甚麼所在說龕說細次日又同赴齋濟問今日供養何似昨日化亦踢倒飯牀濟曰得即得太龕生化喝曰瞎漢佛法說甚麼龕細濟不覺吐舌師云普化霸力橫施但禪王化不忘成礙之記可見賓則始終賓主則始終主

支那

三峰和尚語錄卷第一

七

臨濟使盡軟頑不聞雷聲動地微見冷芒逼斗致令後代兒孫點簡不知向阿誰吐氣良久云安隱今日挽古回今轟個霹靂去也便下座

上堂舉世尊一日陞座文殊白椎云諦觀法王法法王法如是世尊便下座師云文殊見小欲速世尊將計就計若作佛法商量分明是小兒戲山僧路見不平拈拄杖云要打他家師弟還有爲二老出氣者麼良久卓拄杖一下云諦觀法王法法王法如是便下座

雲門澄和尚終七燒香翻大海作漚繩繩開洞水之

源卓妙高爲杖籍振雲門之價正見誕子化生之盛何期推爺滅祖之歸布袋藏鴉四十九日已前尚噪銀盃盛雪三十二傳之後光生玉線牽來今日是渠前日我繪圖留下紙間頂相背間毛阿師儼在孝堂古佛嘗居顯聖繇偏入正今日痛哭于無從以正爲偏將來莊嚴于妙覺俾石頭之路永滑代起羣猊令威音夜半正明嘗懸慧日

上堂以拄杖作半個圓相云圓不圓直不直若人道得出與你做相識良久卓拄杖云長相憶只有這個賊

支那

三峯和尚語錄卷第一

六

上元上堂繁鉦雜鼓夜駢闐火樹星橋燦遠天誰把娘生雙白眼看到威音更那邊舉公案不錄

金粟老和尚送僧伽黎至上堂專使出問佛佛授手祖祖相傳佛佛授手卽不問如何是祖祖相傳底事師云金縷分明說向人使禮拜師云三十棒留與老和尚打乃舉起衣云自從多子塢前籠罩迦葉遂使至今在雞足山前冷坐黃梅室裏遮圍六祖致令馬駒脚下熱鬧不休復展開云今日遁代相傳送向安隱堂前仔細看來只好裏三十年前底破草鞵放下云若是釋迦老子金色頭陀大滿大鑒出來道內傳

法印以契證心外付袈裟以定宗旨正好劈脊一棒用酬金粟堂上本師和尚泐乳之恩還有旁不甘底從金絲裏出頭布縫中吐氣者出來與佛祖雪屈時值迅雷一擊師云一聲雷送千山雨大地春風花自香卓拄杖下座

佛涅槃日上堂頂門突眼非爲正擲裏呈跌未是全八斛四斗亂拋撒二月重圓又一年舉世尊于雙林將般涅槃以手摩胸告衆曰汝等善觀如來金色之身瞻仰取足勿令後悔若謂吾滅度非吾弟子若謂吾不滅度亦非吾弟子師云我當時若在手與一棒

支那

三峯和尚語錄卷第一

九

打殺免得臨末稍頭生事一上豎起拂子云會麼切怪他有頭無尾世尊右脇累足泊狀而化卽入金棺爾時迦葉尊者後至世尊于棺中露出雙趺示之師云我當時若見以杖叩其脛放下拂子云只爲他有尾無頭此時金棺涌于虚空高七多羅樹化火自焚得舍利八斛四斗流布人間天上師喝一喝云猶未許渠在卽今二月十五佛般涅槃之日這則公案還有人緇素得出麼若緇素得出速來道取良久卓拄杖云杏花含雨濕柳眼帶烟嘖

晚叅入得安隱門得到安隱地旣到安隱地莫問西

來意

解制上堂舉話畢乃柳標橫肩云杖頭山色花間滴
脚下泉聲雨後多便下座

歲戊辰翁方伯馮節推諸檀護請開堂拈香畢乃就
座云新天子登極廓矣無爲舊安隱重來頽朕尊貴
夜犬吠花梢之月那識太平朝龍嘘石洞之雲豈知
神用老僧只解著衣喫飯何勞舉拂拈椎所以曹山
曰披毛戴角是類墮不斷聲色是隨墮不受食是尊
貴墮覺範曰垂衣裳而天下治者堯也須知尊貴一
路自別此曹洞宗旨也茲因聖君御曆特拈尊貴之

支那

三峰和尚語錄卷第一

三

旨以見皇風還有人向個中實證者出衆唱和太平
助宣聖化問如何是類墮師云鼻下無繩滿山青草
進云如何是隨墮師云倒跨白牛橫吹短笛進云如
何是尊貴墮師云人牛歸去月落前溪進云曹洞旨
趣已蒙垂示濟上宗綱又如何師打云向這裏會不
妨尊貴遂卓拄杖一下舉臨濟大師曰沿流不止問
如何真炤無邊說似他離相離名人不稟吹毛用了
急須磨顧左右云且道如何是流此從截斷兩頭中
間突出乾慧中發來逆流而進中流入爲向上更
有許多事在所以不止從玄入要以至主中主尚有

見在豈非真炤雖則無邊狀只好似他而已若是透

過已前則離相離名何者爲人只是你那悟處到這
裏透過一切故悟不能稟此處與曹山尊貴相似更
要吹毛用了急須磨始得故曰垂衣裳而天下治者
堯也復卓拄杖三下下座

示衆機先一向是汝諸人安身處先機一著是汝諸
人立命處其問左之右之或伸或縮是汝諸人踏脚
處末後一句是汝諸人出頭處

晚參舉一不得舉二放過一著落在第二此是睦州
骨髓乾峰の訣雲門雖解虎口橫身也是問道小卒

支那

三峰和尚語錄卷第一

三

乾峰善能倒轉旗鎗也是背水設陣若到安隱門下
個個要渠失二落三去一墮五三大老驀直相逢人
人叫冤叫苦會得者出來把手共行平分半座其或
不狀一卽是二二卽是四也是紅火又相打只好一
次

晚參舉大覺參見臨濟濟舉起拂子覺敷坐具濟擲
下拂子覺收坐具參堂太僧衆曰此僧莫是和尚親
故不禮拜又不喫棒濟聞令喚覺覺至濟曰大衆道
汝不禮拜又不喫棒莫是老僧親故覺珍重下去師
云二大老靴中指動水底魚行且道那個是賓那個

是主直饒虎兕出于柙爭奈龜玉毀於楨中縱朕鉢裏藏龍又見風雷過峽

靈鑑法主到上堂客從臨平來貽我一編雪字字古人心讀之寒凜冽喝一喝云當年第一座早已爲君徵丙寅冬制法主會克安隱首座

上堂秀初居士纔出師問昔大瀉和尚道有句無句如藤倚樹你作麼生會士以手橫一橫云劃破虛空一條血路師云忽朕樹倒藤枯畢竟句歸何處士云拄杖依朕亘今古師云瀉山呵呵大笑歸方丈聲士云重疊關山師連打三棒云也不屈着你良久復云

三峯和尚語錄卷第一

三

大瀉空裏釘椿安隱兔頭截角雖朕總是尋常事千古輪他手段高

晚叅僧出作禮師云萬法歸一一歸何處僧云今朝早是臘月初三師云古人道青州布衫重七斤是同是別僧云一滴水一滴凍師云如何是奇特事適殿上開靜僧云鐘聲敲破七條師乃云今日臘月三朝鐘聲敲破七條露柱滴水滴凍燈籠不敢聲高奇特果朕奇特拄杖莫漫肆驕老僧倚老賣老讓與風流年少下座

三峯藏和尚語錄卷第一

三峯藏和尚語錄卷第二

吳虎丘山雲巖寺嗣法門人弘儲記

住蘇州鄧尉山聖恩禪寺語

已已結夏熊邑侯魚山同闔郡紳衿請上堂豎起拂子云三世諸佛歷代祖師山河大地世出世間一切諸法縛作一團千牢百固擲向諸仁面前還有決烈漢一擊粉碎者麼問昔年萬峰于此大轉法輪今日三峯到來祖道重光未審唱誰家曲調師云龍碑鍾王氣進云恁麼則臨濟中興雷轟電掣本也師云鳳嶺蔚青霞僧作禮師便打問威音王佛一金圈拋向

三峯和尚語錄卷第二

一

當陽事若何師云湖洗千秋日進云得意忘言卽不問橫三豎四是何宗師云山擎萬古天僧擬進語師喝住良久乃左右顧視云諸佛未出世祖師未西來威音王未有名字以前還有生死也無各人父母未生三緣未合天地未分覺明未啓以前還有四句兩頭是非好歹言思識路也無昨宵正睡著時無夢無想無見無聞還有現前許多理會也無若向這裏了得則知從朝睡醒下床洗面喫粥迎賓送客嬉笑怒罵是有心耶是無心耶若道有心則前來三處心不是有若道無心則現前是誰主持若向這裏透過則

山出波中對撐殿角正好搖扇乘涼過夏雖狀如是猶坐無事甲裏若有一物現前未免心生意解情塵亘天顧杼停機生死塞路如何得大休歇大自在若是個不顧危亡底向未問以前劈口一槌板齒落地看間街劒血濺梵天饑鷹爪上奪雀猛虎口裏下鍼始笑他臨濟大師道一句中具三玄門一玄中具三要額上亞目頂中出頭處處超佛越祖在在蓋色騎聲堪報不報之恩共助無爲之化喝一喝卓拄杖下座

汰堂落成上堂以拂子畫一畫云會麼太陽到向諸

文
三

三峰和尚語錄卷第二

二

神藏沒赤口白舌盡消除又畫一畫云會麼普庵到此百無禁忌九良星煞沒坐位諸仁者前一畫後一畫畫畫相對四柱卓雲諸碌立地臨濟宗旨盡情說了也還有向上事麼又畫一畫云不因跨海擎天勢爭見千秋柱石功

上堂雲無心而出岫招招搖搖鳥倦飛以知還歷歷落落堪笑陶淵明舍重却從輕有五斗米腰不肯折無一盃酒看便解攢阿呵呵廉亦不必廉貪亦不必貪但除心裏病到處腳頭寬

上堂朕非未形已前切忌守著自己形名既分之後

要須打破目前大衆不遊兔徑鳳凰肯啗雞粟祖師門下電光莫及石火難追喝一喝云說萬峰以強欺弱得麼便下座

上堂獨瞎娘生脾劈開覷驢井任他驢事馬事不管生耶死耶至若拈赤生鍊補鍋飛轆轤鑽釘縫不過事存函蓋理應箭鋒也不是驚天動地底事何故聾兩手捧盃雙足結跏誰家沙彌非佛祖一身帶影四體承月那個男兒不丈夫遂卓拄杖下座

上堂以口說汰口有時歇以身說汰身有時滅拈起拄杖云祇有這個菩薩生辣辣一例橫該抹不管你

文
三

三峰禪師語錄卷第二

三

眼裏無筋祇要你皮下有血

上堂老僧有時將太虛空千煨萬煉煉成一柄金剛王劒揮天截地有時放下寶劒畱塞虛空令三世諸佛歷代祖師無出頭分有時捲盡白雲歸洞府轟雷暴雨過黃昏所以道有句無句如藤倚樹雖狀切忌問著問著則頭角生

小參沉空滯寂醒醒齷齪混世同塵潔淨淨長者長汰身短者短汰身月大大盡月小小盡狸奴白牯却知三世諸佛不省要得四海平定喝一喝云急急如律令

上堂本來無一物教外有何傳幾多英靈子紙裏又麻纏天台南嶽奔如電河北江南走似烟漆桶漆桶蒼天蒼天狼藉不止東土諸訛始自西乾

女弟子上蓮修淨業請小參口口佛心心佛事事佛步步佛一撞一磕都是佛忽朕撞著石大郎口中吐出蓮花碧

上堂拈起拄杖云看看十五日已前日月未足喻其明十五日已後虛空未足喻其廣正當十五日有高逾泰華深越滄海一句子擬舉似諸人未免道欺人太煞有信得及者出來兩手分付僧纔出作禮師劈

支那

三峯和尚語錄卷第二

四

脊一棒云且道一半僧進前云乞和尚全副道將來師擲下拄杖云要頭截取太僧擬議師托開云是甚麼乾矢橛便下座

上堂冒虛空爲鼓懸日月爲槌打鼓普請鄧山五百木羅漢分取柴庄嶺上薪蒸得米囤峰頭粟將漁洋益盂山滿盛香積憑鄧山翀天飛鳳和聲念摩訶般若三世諸佛如麻似粟虛空中懽喜合掌惟有普賢長子騎却竹山臥象峰爲作證明曰若人會得這一句子管取參學事畢便下座

上堂有句無句如藤倚對不參活句參死句豈止蹉

過河沙數對倒藤枯句歸何處大地山河生鏤鑄千人萬人把不住爲山呵呵大笑歸方丈迢迢相望八千里往復何嘗行舊路喝一喝云此是圓通自在門萬峰不須重指注

勉參今朝臘月二十底事處處難值若便與麼放過不久便是除夕

小參臨濟只爲觸體乾不盡長年無風生浪德山多因塊壘未全銷一向平地起堆萬峰一串穿來掛向八風頭裏任他事逐眼前過管甚老從頭上來庚午元旦上堂拈起瓶中花云拈花嵩祝願唯欽春

支那

三峯和尚語錄卷之二

五

到方知聖主心出世豈忘歌帝力捷音且喜到山深兵揚北闕彌天壯寇敗西山指日擒欲把金剛王一拂爲皇千載靖氛祲舉臨濟大師曰有時一喝如金剛王寶劒師云魔佛同誅有時一喝如踞地師子師云空礙俱破有時一喝如探竿影草師云烽烟未動砲已先行有時一喝不作一喝用師云擊鼓三通強凶授首今日元正新旦只見殺氣騰騰雖朕正是我大明國裏春風習習還有會一喝金剛王者麼道道僧纔出師云禮拜當朝北闕便下座

上堂日日東出日日西沉是聖是凡劈脊樓那

管一棒一條痕空劫已前無自己眼目人天是甚麼人上上上上到最高處望見青山起白雲

上堂曉色烟爲山夜光月成雪不知萬谷梅抵覺香鏤骨高風過疾雷空芬轉幽烈問我西來意早已爲君說良久云向上一路千聖不傳未入門來早已三十棒了也

上堂築牆護果鑿地蒔花鏤嘴廉尖石頭磊塊客來迎送米到擡扛愁醬乞鹽吟風弄月此是住山活計久參上士不消重說偈言後學初機領取向下注脚乃云重湖疊嶂梅千頃塌屋低簷四五家未坼竹根

支那

三峰和尚語錄卷第二

六

先掘笋略虎封罅又栽茶便下座

上堂如何是佛虚空一具黃金骨如何是泚水清石冷苔長滑如何是僧着長拖地骨如水如何是三寶具足古殿法堂方丈屋如何是其中事日上芋香猶未熟厨下先烹一盞茶還有受用也無白雲爲牀梧葉爲屋睡熟翻身水足草足恁麼則如何爲人聲相逢不道人間事指點湖山個個青老僧恁麼自問自答拄杖子恁麼自問自答大衆亦恁麼自問自答拄杖子若會得則老僧會得大衆會得大衆若不會則拄杖子不會老僧不會今問拄杖子還會麼良久山

鳥亂啼乃云分明是個事山鳥正啼忙

上堂老僧近來枕石放身瞑臥窠下不能說泚無已則委之萬象將使雲霞絢赫水石擊衝露遶那身出廣長舌曰的地藍曰阿布使曰四月乍晴山色好一天初曉鳥聲多此等皆非一代時教之所管攝今日十方爲口山說水說空說有說刹說塵說有情無情三世一切同運泚輪令聞者令見者立地成佛且道如上說底是甚麼泚良久乃云湖上盃盃峰乍洗峰頭圓米飯初蒸

上堂摩訶衍泚四句既離百非又絕空蕩蕩三千刹

支那

三峰和尚語錄卷第二

七

海冷澄澄八萬泚門美則美矣猶未盡善何也不能傾出猛烈紅爐燄鎚碎清涼白月輪李將軍有家聲在不得封侯也是閑諸人要識三峰真的旨麼喝一喝云威風八面言思斷平地翻爲荆棘林

結夏上堂笋出林梢竹乍齊青梅初重壓枝低山知雨好頻增色鳥惜花殘不住啼衲袂卷來雲在架華鞦懸後草成蹊湖光近檻閑無用洗盡晴霞日落西隨顧左右云會麼若作結夏佛泚會入地獄如箭射不作結夏佛泚會亦須銜鉢負鞍

上堂舉六祖至廣州泚性寺寓止廊廡間暮夜風颭

刹幡聞二僧對論一云幡動一云風動往復酬會曾未契理祖云可容俗流輒與高論否直以非風幡動仁者心動師云弄泥團漢有甚麼限滿盃炒浮漚擎來克供養影響盡消亡心作底模樣

上堂僧問露柱掛燈籠山門騎佛殿神通泐爾則且置如何得穩坐家堂師云山僧無伎倆僧云和尚莫謾某甲師云白日青天鬼弄人又僧問趙州喫茶去不是好和尚開堂來的何宗旨師云掌上星初滿僧云恁麼則爲瑞爲祥否也師云盤中月正孤僧禮拜師便喝乃云山僧無伎倆一步是一步看他一草

支那

三峯和尚語錄卷第二

八

茄子瓠子不思爛貨沒人買偏要擔向十字街頭爭鮮鬪價白日青天鬼弄人真個苦哉佛陀耶山僧今日正擬移風易俗要使動者靜亂者定邪者正以拂子左拂云庵部臨部臨以拂子右拂云庵齒臨齒臨伏願風以時而雨以時漁父歌而樵人舞直得皇封坦蕩化日熙怡無一物不遂其生無一法不安其性且道山僧憑何力用致斯盛治乃復以拂子作一圓相托呈云見麼掌上星初滿盤中月正孤小參一句洞今古千生絕往還待看春雨後岳下聽潺湲卓拄杖下座

上堂纔問著舌初掉大洋海底火星飛赤日頭邊急流瀑布花牛穿破粉底皂靴青頭蠅不肖揚聲大叫丘八王趙五到敲金章打玉詔堯花妬眼能相撩此是老僧向來不會道底若會得出來下個註脚僧纔出師便下座回至方丈侍者出云請和尚註脚師云鄭龍苦雨章海酸雲進云雲收雨霽後又如何師云落長七生

上堂舉五祖演和尚云釋迦已滅彌勒未生森羅萬象推向一邊且作麼生是休諸人嘗住法身乃云有功無功莫使腹空師云五祖老漢顛顛預預儻儻伺

支那

三峯和尚語錄卷第二

九

伺更參三十季也未會法身向上在狀雖如是土曠人希試聽下個註脚喝一喝云夏日赫如烈流汗思令泉偶爾得一句大雪下長天

病起上堂山僧前日通身是病晝夜攢簇不得何啻四百四病正當病時病亦是病藥亦是病那知更有個不病者及至病退身安從前寒熱衆苦相貌總不知向甚處去也三百骨節八萬毛竅一一抖得乾乾淨淨偏覓病源了不可得始信這觸體皮袋裏面直是安置伊不得病與不病是甚麼閑大衆抵是一個身子且道因甚有兩樣喝一喝云夜家觸體原是水

客孟子影竟非蛇個中無地容生滅笑把遺編篆縷斜

題參古人真實相爲道有念盡爲煩惱鎖無心端坐水晶宮我却不能麼喝一喝云幽花自戀秋淡草脫葉誰知對底雲下座

上堂釋迦墮七墮八達磨落二落三托言爲道爲法實情說水遊山拉下禪床問你南北東西討甚閑秋風涼秋夜長井梧飄品桂香初無蓋覆有甚囊藏但不許世諦流布且不容佛法商量擲下拄杖云連得便行真漢子人間天上本無雙

三峰和尚語錄卷第二

十一

上堂一立一破猶有塵在無立無破猶有法在塵法雙亡猶有亡在老僧一棒到底使你水消桶脫你莫非又向水消桶脫處躲跟麼拈拄杖云一頓兩頓三四頓一一會來真是鈍棒頭有眼爲君分腦後雙眸何足問直打下法堂

上堂僧纔出師驚頭與一踏僧起身云好一踏師云你從甚處來僧擬議師又與一踏云自己來處尚不知也要說好說款乃云山僧今日不能與這僧斬絕未免勞而無功還有赤心片片底衲子與老僧倒斷不致兩相辜負良久云這一踏非惟踏破釋迦腦蓋

抑且爲千古龜鑑

上堂喝一喝云樓蟻馳上泰山關斷日觀峰頭巨石螭姑奮出滄海噓成羅浮頂上白雲人人有這自力却不用倒借別人底手拭涕可借許也豈不見長橋下蛟只消一劍藍田中虎不出一箭直下便請何等快便大丈夫呵呵踏踏歌藍采和不若十字街頭布袋和尚把木屐拖觀世音菩薩將錢買胡餅放下手却是饅頭雲門大師來也諸人還會得門縫裏事麼喝一喝云今日三七大悲懺壇完滿掃萬峰祖塋山頭掛百燭燈湖上點通宵炬設放談口施食普利

三峰和尚語錄卷第二

三峰和尚語錄卷第二

十二

水陸莫言不道

淨心居士請上堂生平篤信是叅禪琴上相看二十年施地但知開剎願食貧未惜買山錢清涼夢繞藤爲座鄧尉身空水是天三日耳聾君會取馬師道法廣無邊良久喝一喝云若還與麼會難免叫蒼天

上堂僧峰無磴海無舟率意驅車痛哭休從此顏狀坐芳草問來伸手折花酬

上堂一棒一條痕一捆一握血到底一重關人人盡叫屈屈屈透過兩三重敢保老兄猶未徹

辛未元日上堂拈香畢乃就座云風不鳴條雨不破

塊民不失所路不拾遺承誰恩力當今皇帝復顧視左右云且知恩報恩一句又作麼生良久云虛空開口呵呵笑佛法從來貴出情

上堂以拄杖畫一畫云若人會得這一畫則能攪長河爲酥酪變大地作黃金世出世間山河大地無一針鋒許不是棒頭的旨又以杖畫一畫云若人會得這一畫則黃金變酥酪世界爲白銀世出世間無針鋒許不是大休大歇大安樂處復以杖畫一畫云若人會得這一畫則黃金酥酪酥酪黃金鍊作一團打作一片世出世間無一針鋒許不是大尊貴處諸仁

杖頭

三峯和尚語錄卷第二

三

者還會也無會也不出此不會也不出此以杖卓卓云移花兼彩蝶買鍊得黃金

上堂數萬先須舉一二五恰成一十數到不可說處舌大如槌神機活脫蟠飢一夜盡開花歲歷三千始成實諸仁者萬出于千千起于百百始于十十始于一只這一又從那裏起良久云剝到頂時培碩果雷從復處震天機乃喝一喝云諸仁者這一喝有時作一喝用有時不作一喝用有時一喝不作一喝用若人會得管取叅學事畢會麼王師合藉于城力四海歸降賀太平

李侍御請上堂有言無意號離鈞拋出先天紫氣浮泰華擘開輕有力黃河畫斷水西流若人會得這一句則手握乾坤指呼日月先天地而不生後天地而不老亘古亘今只是個自己諸人還道得麼不朕老僧自道公也今朝二月廿四飯僧作大佛事策起三丈白着直下爲君指示乃揮拂大喝下座

上堂喝一喝云特牛生兒也又喝一喝云一馬生三寅又喝一喝云此中一句能令山河大地草木風雲情與無情一時轉大法輪成等正覺諸人要會麼復喝一喝云向這裏入問聖肋三拳佛降生指天指地

杖頭

三峯和尚語錄卷第二

三

令全行父子傳燈光燦爛請師的的示分明師以杖畫樹進云啐啄頓開天地竅鸞雛衝破碧琉璃師以杖于前相外畫一大○進云父子合宗千古印燈燈續燄古今傳師以杖于一○中點云呱僧作禮師便下座

通州弟子濟聞請上堂諸上座不用尋思盡十方世界明明地無一塵一縷爲緣爲對咳唾超彼三賢掉臂直透十聖著衣喫飯行住坐臥有甚麼事不見永嘉云絕學無爲閑道人除妄想不求真抵麼散公佛法道理一總用不著可笑德山緣密有甚三句

語示人一句函蓋乾坤一句截斷衆流一句隨波逐浪長安路上得恁麼滾滾地

上堂五十五位盡是度門從門入作好不丈夫若是真正英雄爭肯踏佛階梯落人背後諸人清淨心中若起一念修學心卽是平地上立個階級不可度越汝若無心卽是步步通途說甚麼遠近高卑良久云會麼分別魔軍熾忘機佛道隆

勉參僧問不與萬法爲侶者是甚麼人師云老僧遭你鈍置僧云一口吸盡西江水又作麼生師云闍黎遭我鈍置僧一喝師擲下拄杖云爲他閑事長無明

便下座

上堂問闍天人溪域一往已見全提振今古洪謨此時願垂一語師云莫道點頭猶未是纖毫不了亂縱橫進云金毛師子相逢也未必輕輕放過伊師云行脚若還不帶眼難免海外覓浮漚僧點頭三下師云果朕地濶少知音問諸法寂滅相不可以言宣三藏十二部所說何事師云不錯進云大用現前不存規則因甚又道演唱宗乘須具三玄三要師云不錯進云威音王已前是甚麼人先悟師云人事少暇緩緩和尙商量前兩錯進云和尚也須領話師云一期會

三峰和尚語錄卷第二

五

話還副得上座意麼僧云不副師顧左右云這回老僧得也便下座

上堂古人住山嘗有偈云釅茶三五盞意在鏹頭邊且道是甚麼意老僧則不狀蠶豆茶邊採西瓜竹裏栽鋤成生熟地一月兩番開今古同風宛有佳山氣象若是真獅子兒不妨向這邊跳躑所謂獅子兒衆隨後三歲便能大哮吼諸仁者蓑衣索索官人不落三耳朶草鞋放在禪床脚下省得諸方亂走行脚還有真正赤骨律住山漢子出來道看良久云開田儲夏水種對堦春雲

三峰和尚語錄卷第二

三峰和尚語錄卷第二

五

上堂舉睦州和尚云汝等諸人還得個人頭處也未若未得個人頭須得個人頭若得個人頭不得孤負老僧師云賺臨濟喫棒拶雲門脚折底本事甚處去也反自出出入入兩頭三緒教壞人家兒女萬峰若不徹底掀翻使彼承言滯句者一個個李向亦邊咬埋沒已靈溪爲可惜衆中還有捉敗睦州底衲子麼老僧肯相孤負拈拄杖卓一下云要用直須用眼目莫定動

勉參德山小參不會話埋沒宗風趙州小參要會話耻他先作萬峰今夜小參會得自已底截斷他脚跟

識得目前底穿瞎他眼睛起佛見法見底與他茶喫
不見一色底與他平交不是山僧爭人我大都縑素
要分明且道總不與麼底又如何良久云後五日看
上堂秋山乾若洗秋水流如砥秋雲淡不生七十二
峰起所以鄧尉山與光福塢首尾問舍致令漁洋山
齧指出血長旗嶺叩首皈依何以故以拄杖畫一畫
云班鳩麻雀大於鵬白象青獅小如蟻又畫一畫云
會麼杖頭花正淡爭奈草鞋有鼻而無跟東邊撞木
鐘西邊敲瓦鼓齊一變至於魯山僧二十餘年一向
打葛藤從未會說到這裏今日不覺盡情嘔出良久

三峯和尚語錄卷第二

夫

云若將耳聽終難會眼處聞聲始得知

受揚州天寧請上堂向上大湊不惜當陽拈示諸仁
者從維揚放舟截江到鄧山三日寒雨一道清風及
乎到來舟懸石岸斜轡上泥坡滑登涉間關參尋不
易伏惟珍重至若向下一句則未踏船舷早已說過
了也且道還有末後句也無十月多風信難爲衣薄
人會得者出來唱和上一問適纔和尚道未踏船舷
早已說過了也說底是甚麼師打云說這個進云未
在更道師云你又作麼生僧云未陞座已前和尚已
喫三十棒了也師打云這一棒阿誰喫僧一喝拂袖

歸衆問和尚道風遠振湊雨均施今日覩面當機未
審如何相接師打云這樣接進云還肯別施方便接
彼遠來者麼師云肯進云如何是和尚底方便師云
向下會取進云設有個金睛突出頭尾交加大吼一
聲和尚又作麼生師作虎聲僧云今日長安大有人
喪身失命師打云這一棒阿誰喫人華居士問聞和
尚於此建立臨濟宗旨是否師云是進云臨濟宗旨
且置如何是萬峰宗旨師云塢院到此不出半里進
云三百年來今日始見作家師打云這一棒教阿誰
喫又僧出問向上向下則不問如何是末後句師覩

三峯和尚語錄卷第二

三峯和尚語錄卷第二

王

上覩下進云爲甚解舉不解答師吐舌僧禮拜云今
日被學人捉敗師打云這一棒教阿誰喫便歸方丈
上堂天上水地下月萬斛天香好時節無數青蒼淡
中抹洞庭兩山飛彈出打破佛頭頂上結商山四皓
齊喫跌個個兩口無一舌三段老人雪竇翁老僧一
棒下風立中郎兒孫賢叔侄被我一問赤骨律南斗
八北斗七二十八宿右旋列咄我要問他今年洞庭
多少橘畝得出與一捆畝不出與一捆道道良久喝
一喝下座

壬申元日上堂拈起拄杖云世界闊幾許拄杖闊幾

許虛空長一丈拄杖長一丈百億蓮華九州萬國五湖四海一切諸佛合靈都在拄杖子頭上傳心續命被老僧輕輕點一下則虛空雷動大地春生澤國太平聖皇萬壽

上堂以拄杖畫一畫云直截根源佛所印摘葉尋枝我不能且道如何是直截根源底印漁洋山曲鉢盂小鄧尉峰高天壽溪又以杖左右豎兩豎曰云種花嫌地瘦汲水問泉遙又以杖橫豎各數畫耕云幽花不待人清夜已開遍第一個字匾檐兩頭尖第二個字刹竿對面豎第三個字一堆亂木和雲貯若人識

三峰和尚語錄卷第二

六

得這三個字則世出世間文字一時會盡無文字亦一時會盡佛祖大用俱已了盡豈但超生脫死而已諸仁者還會也無若不會參公

上堂花放屋簷紅山家春信通急磨刪竹剪開製焙茶籠逐鹿歸蕉北聽鶯過欄東只麼消遣日休問是何宗

上堂古人道諸佛一向淨用故名諸佛衆生一向染用故名衆生師云諸佛空裏漚花衆生水中雲影衲僧門下染淨不收衣來無礙語言動靜三藏絕詮瞬目揚眉乾坤失色用之則行舍之則藏彼彼丈夫兒

宵甘自退屈隨喝一喝云大家究取

通州諸居士送泐被至請上堂以拂子指泐被云諸仁者看取若論向上大事如吳門鉞工繡泐被相似若於未剪羅段以前向頂門一鉞鮮血直迸忽地翻身作大哮吼頓使天魔外道一時粉骨碎身何等痛快其或未朕不免更著精神裁成錦片上却繡子於密不通風處朝也繡暮也繡要使鉞鉞相對終終相連無一絲毫縫罅一毛一毳無容少欠不知不覺爪牙畢具於繡子上突朕跳出一個金毛獅子來便解開大口吐出五色上品蓮花花中顯現諸佛列祖一

無遮會

三峰和尚語錄卷第二

七

齊演說大法頓使四天王天勇力護持諸天天女空中散花供養一切天母各各拘香擎花朕燈灑露獻果如山樂音齊響遂見須彌巖峇海水騰波天上天下若風若雷山林草木無有一物不出廣長舌相同說此泐令聞者見者一時悟徹盡大地狐狼野子但聞哮吼之聲肝腦塗地永不復生從此正泐光騰昭耀末世且道如何是獅子吼吟乃喝一喝卓拄杖下座

上堂舉雪竇上堂云乾坤之內宇宙之間中有一寶掛在壁上達磨九年不敢覷著師喝一喝云推倒牆

壁走却達磨寶在甚麼處彼顧左右云你看雪寶可是人養底

上堂趙州一飽忘百饑今日老僧身便是橫鋪破席白晝眠起來不管天和地茲因山中絕糧適檀越送米至特請上堂記得年前小除夕一偈百僧饑看老僧開湖自清清嶺自彎廚火宿留無粲粟梅花愁絕滿空山今日復有一偈細雨梅花玉濕枝飽來不覺日長時三通法鼓上堂太說汰何曾待所思只此二偈若人不曾則說饑說飽說喜說怒便有無量生死如何超得若於此偈直下了却古人所謂以手攀南

三峯和尚語錄卷第二

壬

極回身倚北辰舉頭天外看誰是我般人

飽參僧問喚作竹筴則觸不喚作竹筴則背喚作甚麼師下禪床走兩步云莫怪老僧行步龍鍾僧云意旨如何師云水牯牛大底老虎也打得倒幾個僧不領師云向年撞個師僧來亦曾與麼直至而今總無消息良久顧左右云具足凡夫汰凡夫不知具足聖人汰聖人不曾聖人若會即同凡夫凡夫若知即同聖人不消拈却凡情聖見寒則普天匝地寒熱則普天匝地熱是汰住汰位世間相嘗住塵塵爾剎剎爾亘古亘今那怕甕中走鼈雖狀如是因甚又往往干

戈相待喝一喝云劒爲不平難寶匣藥因救病出金瓶

上堂未離兜率已降王宮未出母胎度人已畢拈起拄杖云這上座甚麼劫中成佛來僧出衆云容某甲說道理得麼師云大喻三千小喻八百祇要恰這上座意便了僧云拘留孫佛劫中某甲與這上座同參直至而今團不圓分不開無數知識出世例皆懷懼放過和尚明鑑是神通是三昧師云眼若不睡諸夢自除僧掀倒几案師下座顧大眾云三峯今日死中得活便出堂

三峯和尚語錄卷第二

三峯和尚語錄卷第二

三

小參溪聲憤怒雨如絲正是山中絕食時三陣普柳催接米炊烟依舊不會遲還有終日喫飯不會嚼着米底衲僧出來通個消息僧出問如何是祖師西來意師云爛熟黃梅落滿地僧云意旨如何師云解得調羹味便和一僧出云和尚師無語僧一喝便歸衆良久僧又出左右顧視師仍無語僧云滿堂師僧覓個會話底不可得師云今日得一個也僧拂袖便出師云將謂是德山老漢原來不是便起身歸方丈前僧出作禮云適來觸忤和尚師擬拈棒僧又拂袖出對侍者云澤廣藏山理能伏豹是甚麼人語者擬議

僧劈口一坐具云這棒合是老漢喫師召侍者云他道甚麼者擬舉前話師連棒打趁

上堂問我老僧壽幾許只向道屋上青山庭下對只此一句如金剛寶劍萬物撈之卽失原來百味具足更無他事了也正如唐堯之世垂衣拱手真爲上古之風奈何一句未分未免顛預儻侗酷如洪水汎濫草木繁茂蛇龍爲患虎兇逼人强梗未刪禮義未鑿五穀不登未盡其善所以臨濟老人于一句中分出玄要賓主等堂與以至四賓主之主中主如大舜使五人爲臣禹疏九河水入大海而天下燥使益掌火

三峰和尚語錄卷第二

三

烈山澤而障翳銷驅龍蛇歸海逐虎豹入山朕後誅四兇嗑强梗對五穀教仁義洪荒闢而中原爲寶地像上古之真純爲三代禮樂之祖究竟看來抵完得個無爲之治而已今人畏臨濟入道之密制法之嚴便欲抹殺宗旨單行一棒此何異天惡其成地惡其平六府三事惡其允治畢竟要身著蓍栗葉如毛飲血爲桀人之君老僧值禪運式微萬不得已提起三百年不講之絡索以抹法道中洪荒虎兇之敝還有同心共濟者麼卓拄杖下座

石季玉送關帝像入山請上堂豎起拂子喝一喝良

久云十年磨一劍霜刃未曾試今日持贈君誰有不平事喝一喝云此事直須全身鎧甲八面威風大刀飛一片冰花赤馬奮半空雲影於八萬四千魔軍堆裏馘其酋首猶如拾芥具如是操略正好干戚正法震攝魔怨俾天下太平使蒼生安樂還有如是操略者麼出來道看僧纔出師便喝進云是何宗旨師又喝進云單刀直入一句作麼生道師以杖旋風打散大衆歸方丈

上堂茫茫宇宙落落門庭前不見古人後不見來者據個曲条木床日與山花水鳥閑訴衷腸崖瀑窠風

擬連

三峰和尚語錄卷第二

三

激揚宗旨汝諸人但只耳門有竅眼裏有筋物物頭頭何非已分以拄杖卓一下云收

上堂唇封兩片皮齒鍵三條楔腦後拖舌頭吐出三丈鍊一道寒芒射斗牛萬里長江兩岸雪不是不是一二三四五六七古人曰耳朶兩片皮牙齒一具骨美則美矣未有師在良久云如何是佛唐相細腰明儀隱骨如何是西來意三年載一船不是石頭定是土塊一年三百六十日有五時有九節有六運有七氣不是不是日日是好日以拄杖作釣魚勢云悠悠漁父詞嫋嫋千尺絲歸來每到月明時小小山矮矮

屋厚厚茆茨寥寥黃犬吠花枝不是不是不關老僧之事會麼顧左右下座

上堂平地上擡脚不起底千里同風眼光燦破四天下底對面不識信之則有不信則無先佛性命函蓋乾坤後佛紀綱衆流截斷汝等諸人從年頭至年尾觸境遇緣迎賓待客著著隨波逐浪德山圓密後生勉輩置之一傍自不怪你雲門大師氣宇如王在你脚底因甚不覺喝一喝云各各歸衣盃下究取

上堂山貧每絕糧供衆無別物一碗恭菜湯百枚蠶豆莢中間咬得着兩頭清水滴等得一供齋顏先支

三峯和尚語錄卷第二

語

米喫添却錢一千將就遣今日明朝說具戒未聞大檀越只有蘇二伯一金辦早食三百團圓頭心心官相歇也有嫌單狹也有道屋窄入廁無遮蔽上殿怕脚濕聖恩老堂頭丁此好時節譬如歲儉家寒酸遣朝夕突朕請上堂大法無得說盡將家藏寶領囊都統出良久乃顧左右云山前山後幾百家家家看繭採薪茶老僧住此貧徹骨贏得年年看好花喝一喝下座

上堂僧問山看卓豎日面輝煌如何是無相法身師云求名雖有據學稼本無田僧云不因漁父爭識菴

源師云一身依棹轉雙眼被花迷僧云原來只在這裏師云錯却路頭乃云批源原只在人間堪笑漁郎太不還貪著故鄉田地好回頭那覺鬚毛斑花灼燦水潺湲兩崖石壁故蒼朕都緣熟路難忘却斷送一生閑又閑

上堂蘇州菱邵伯藕賣經營隨處走從來主顧不擇人只貴有錢能出手以拄杖架肩云老僧擔一擔子來也足以填饑補渴賑飽諸人當場乞我一文不妨連籃折倒亦免得十字街頭喫筋乞力有麼有麼良久云眼看好貨無人買佳味于今只自知

三峯和尚語錄卷第二

語

語

上堂溪院桂花殘香風恣狼藉堪憐無目人猶向枝頭覓舉世笑他愚山僧道不必何也合眼避諸塵那怕黃金屑

因事上堂僧問如何是萬峰境師云庭葉色騎秋半雨田禾香落夜溪風如何是萬峰人師云從人笑罵任我縱橫人在境中境在人中師云開田說義家嘗話磊石爲龕自在窩向上還有事也無師云一聲孤雁秋空遠無數亂峰寒日斜乃云千峰蒸寒碧生我一片秋逐逐任涼颼來往無依留有時落空谷心與案俱休有時乘殷雷赤日滂遠流或爲石所破裂絮

憐浮游平生得失心付之空悠悠而羣體所慕讚毀
徒相投胡爲戀戀情語此朝蜉蝣願言微雲根母道
風颼颼

三峰藏和尚語錄卷第二

三峰

三峰和尚語錄卷第二

三

三峰藏和尚語錄卷第三

吳虎丘山雲巖寺嗣法門人弘緒記

住蘇州鄧尉山聖恩禪寺語

癸酉元旦上堂拈香畢就座乃云五彩泥牛耕大地
一犁鉞動天和氣七十二峰如箇生峰頭似草和烟
細幸勿作西來的大意良久云今日新正元旦特
特上堂舉揚佛祖因緣用祝聖明山僧到此竭力不
能贊一詞只得將本色住山語支塞一上品字柴頭
黃砂磴窄大葉茶香水聲噴噴大家慶賀太平年不
道是崇禎皇帝底聖力卓拄杖下座

三峰

三峰和尚語錄卷第三

一

申勗菴居士請上堂非雨非烟山漠漠爲瑤爲玉討
玲瓏半醒半睡老僧眼對客看花興不同乃拈起梅
花云還會麼風來香在石月上影橫窓放下梅花云
七尺開機席撐天四脚床復拈起花云睡醒信脚出
門去隨路看花繫短裳此是老僧日用事至若求別
一句作麼生道放下手中梅花云結得討頭千顆子
迦傳調鼎作金湯

上堂僧問七事隨身便請相見師便喝僧云某甲則
不狀師又喝僧云和尚把定封疆只得別資一路師
云你是不得已也曾擬議師云隨身七事甚處去也

僧又擬議師云八事僧問如何是學人自己師云尋
管一樣腮前月僧云目前又作麼生師云纔有梅花
便不同僧作禮云謝師指示師云賺了也良久乃舉
臨濟大師云大凡演唱宗乘須一句中具三玄門一
玄中具三要有權有實有炤有用汝等諸人作麼生
會師隨聲便喝云老漢沒量罪過未能把定要津反
自私通車馬諸兄弟衆中還有捉敗這老漢底麼與
你從長計較父子親其居尊卑異其位西天四七東
土二三鼻孔眼睛總穿向這裏權實炤用貼不上三
玄三要插不入臨濟道底若是向來不解慎初臨濟

文部
後進

三峯和尚語錄卷第三

二

道底不是將來尚可護末良久云以智遣惑頗逢下
士以智遣智罕遇作家真個東土衲僧不如西天外
道便下座

上堂合歡菴李映溪池上下同看一道迷寄語參玄
諸上士頂門迸出是全提有句無句如藤倚對喝一
喝云玄都觀裏桃千對良久云會麼乃舉起拂子對
倒藤枯句歸何處又喝一喝云曉溪流出碧菴花良
久云會麼乃擲下拂子爲山呵呵大笑歸方丈又喝
一喝云菴花流水依朕在石室溪崖不見人
上堂今朝二月十五萬象森羅鼓舞落梅天女散花

逆筍玉麟出土七十二峰頭吼空外之獅三萬六千
頃怒濤中之虎引開雲外幡幢擊動空中法鼓頭頭
劒刃交光處處箭鋒相拄未經開兩片皮人人成佛
作祖驀拈拄杖云住住還有會得拄杖頭上活祖師
底麼卓一下云山禽歷歷分明道林外春鳩對喚晴
上堂趙州佛字不喜聞老僧佛字亦不惡禪和擔去
問諸方一任讚揚與貶剝良久云莫莫
上堂雲門道胡餅趙州云喫茶一般行貨兩樣生涯
金陵俞道婆撒餅在長街春風細細落藤花漁舟懸
水又茆屋傍山斜也勝一疋布三斤麻若人直下會

文部
後進

三峯和尚語錄卷第三

三

得正是消水竭水織錦鋪霞剎竿頭上跳蝦蟇以拄
杖作持竿勢云七尺絲綸八尺竿鉤頭密意莫顛預
衝波忽有金鱗現手撫船舷笑眼看

上堂虛豁希輝荒驚濤捲春雪此中無有人種對採
瓜喫此四句內有一句具雲門三句具臨濟三句具
三玄三要四賓四主四料簡四喝四炤用乃至無量
法門百千妙義無不具足且道是那一句良久卓拄
杖下座

上堂諸佛未出世祖師未西來路不拾遺民無天閑
一經毘嵐園裏妄自稱尊少室峰前猥言傳法射來

一隻蓬蒿箭擾動支那百萬兵有底荷斧攀又有底拔刀揮劍太平草木盡化干戈於銀山缺壁處重設牢關向栗棘金圈邊更掘窖子陷殺英雄平欺凡聖朕此猶有丈夫氣槩可壓諸方近有一輩月黑穿窬背地剽竊只說希圖口腹全朕不顧巡官老僧撞著將來搜出骨髓有甚罪過今日要與諸人向佛未出世已前相見良久顧眾云還識老僧麼

小參千封陰雲鎖半山對中開屋向湖山日高未必知長夏慣著輕衣坐對關良久云汝等諸人見我開口便作說法會且道今日說底是西天泐說底東土

支那

三峰和尚語錄卷第三

四

泐爭知老僧從無一泐與人朕雖如是且道適纔畢竟說底是甚麼良久云莫道我謾你太煞也喝一喝小參若論此事與老僧住山軌則相似雲水衲子不但與他如兄若弟如父如子即同一體手足耳目一般與之一生穆穆其間若有絲毫許生風作浪老僧便與他一頓拄杖打出山門與之斷絕若他經久回心再入眾中老僧總已忘却了也依舊如兄若弟如父如子如同骨肉他若又生風浪重與打趁不容潤入後來依舊忘却再入眾中轉見相親毫無隔礙他若更復呈頭露角這一回連前兩度一齊論過細作

一團打成泥塊此回送出千生萬劫永不見面若人會得一生參學事畢

上堂僧問不是風幡動亦非仁者心師今陞寶座端的請敷陳師打云不可是這個僧云六祖大師見不及此師云尋思忒乃云風動幡動開眼說夢不是風幡劈面生讒仁者心動渾身斷送更提這個將錯就錯六祖大師見不及此且太尋思雖活如死卓拄杖下座

上堂石壓笋斜出崖懸花倒生分明目前事換却眼中晴

支那

三峰和尚語錄卷第三

五

上堂水流濕火就燥各遂其宜虛空跔跔驚得北斗南辰七顛八倒玉兔金烏一時失照獨有山僧冷坐傍觀呵呵大笑笑個甚麼笑他向上人未明那一竅上堂僧問寶劍未出匣時如何師云天下太平僧云出匣後如何師云何患天下不太平僧問臨機一句請師速道師云緩緩著僧云甚麼時節放在無事甲裏師云幾人得似上座性燥僧拂袖便行師隨後打云怕爛却僧問如何是古佛心師云不異今人僧云如何是今人心師云不異古佛僧一喝云某甲是甚麼心師云狼心虎心僧云錯師笑云錯則不錯承當

不下乃云夫行脚道流要得不落于惡道易事但說佛時不被佛謾說法時不被法障自朕到處通變雖遇鑊湯爐炭諸般厄難行為佛事坐是道場障礙他絲毫不得隨喝一喝云大眾一時聞麼便下座

祈雨上堂雲爲心空爲骨與雨興雷起瀛渤不作巫山昔日靈爲救蒼生潤吳越喝一喝下座

上堂屋頭問路笑豁鴟吻月下拋磚賺出韓獪老僧沒這閑心情幹此兒戲事早被晨鐘喚起夜因燭短催眠忘却日中一段始知不涉塵緣靠拄杖休去上堂盡力道不得頭上空青濕滴滴通身俱是口萬頃波光獅子吼既是道不得爲甚都是口翻轉袋底一齊抖此是有語是無語雖陽姓張還姓許同死同心報大唐萬丈明光炤千古只此幾句若人明得許你一生參學事畢

濟廣請上堂青面相逢驀撒沙分明徹因爲君家若能直下頻翻轉白棒掀天弄五花

廣感夢懷疑師直示其肯

茶話擊竹篋三下云老僧二十年來行棒行喝轉語機鋒偈頌語錄都是本分中出格語朕未是向上實際特爲大眾說破良久云今朝大暑第二日天氣忒炎老僧不若脫下這領布衫遂脫衣喫茶

上堂舉黃檗入供堂于南泉位中坐泉問長老甚年中行道檗云威音王已前泉云猶是王老師兒孫下公檗便過第二座雪竇云可惜王老師只見錐頭利我當時若作南泉待伊道威音王已前卽便于第二位坐令黃檗一生起不得雖朕如此也須救取南泉師云萬峰今日救取南泉豈不聞待心死而伏誅須切用前之炤南泉出馬家之門爲天下宗師爭官以力服人且問雪竇黃檗下堂便坐第一座于賓主之道爲合如是不合如是

小參六月二十一敎我如何說良久云秋風枕上涼

如拂

上堂經來白馬寺梵語唐言輒作一團僧到赤烏年溪目昂鼻直是難看以字不成八字不是當頭一個至今辨論不清說甚大鈔小鈔廣疏略疏若欲決疑解惑問取阿誰良久云孔門弟子無人識碧眼胡僧笑點頭

小參僧問如何是密密不傳底事師云著衣喫飯進云纔有知識便省二事焉得爲密師云中間事作麼生進云不可無事生事師云你祇解得一半問如何是佛恣至要處師云幸得問著老僧進云請師一言

師云若是諸方會你話也進云祇如諸方又如何會話師連棒打云更要問問如何是末後一句師云開口道著進云十二時中如何行履師云動步踏著進云恁麼則一念萬年也師云近日中峰講筵大開進云和尚是何心行師云洗脚去乃云大凡出衆切磋雪竇道得好若未具啐啄同時眼卒摸索不着今日一期大似機變出于臨時狀亦未是鈔圓超悟者莫謂針不剗風不入佛法便只如此正眼觀來大有事在

上堂秋山青秋桂老秋風高庭莫掃放下破蒲團秋

三峰和尚語錄卷第三

三峰和尚語錄卷第三

八

湖向人好昔日晦堂問黃山谷云還聞木樨花香麼谷云聞堂曰吾無隱乎爾師喝一喝云是何言歟老僧昨宵大睡一覺外牀倒裏牀倒枕子是藤白席是草乃瞪目視衆久之便下座

上堂拈拄杖云當人分上各有與麼事卓一卓云爲甚不承當放下拄杖云莫是有疑麼良久云咳嗽得一聲許他是金毛師子

上堂千頃白雲一柄鑊五六年來費開鑿石根鋤得水一丘迸出蓮花如極樂著青簑剪籬落裙帶豆長絡索幾度客來呈餽飪也勝披千佛衣坐在千佛閣

良久云秋風寥寥兮吹我屋淨塲圓兮受新穀早辦官租兮省逼迫品字柴頭兮煮菜蕪爲君壽爲君福果朕千足與萬足

上堂要知佛法處處麼乃鼓掌三下云只在這裏良久云若不如是甚處見他達磨大師便下座

上堂僧問父子至親岐路各別時如何師云到家時驗取僧云卽今誰在門外師驀起身云老僧得恁長闌黎得恁短僧云祖師門下因甚說長說短師打云爭奈岐路各別僧問萬法從心起未審心從何起師云喚甚麼作心僧云不會師云誰見他起僧云古人

三峰和尚語錄卷第三

三峰和尚語錄卷第三

九

恁麼道師云老僧不恁麼道僧云某甲請和尚道師連棒打云不道不道乃云大智唯心都不緣境當陽直指只在自省喝一喝云會得如矢不會如金

上堂道以無而重道以有而空道不可道而道故脚腳踏實地道不可言而言故頭頭是本地所以道人者心不藏物口不露字如蟬翼之鳴秋風若堅翅之踞空界故能攪長河爲酥酪變大地作黃金且道如何是道喝一喝良久云蓄得春池滿秋風禾黍香上堂西來之旨經久事變未及幾代早差一線日過一日豈止一線未審今日有何方便不致此道湮沒

如線良久喝一喝云祇有一法防微杜漸

上堂尖頭茆屋草根香活計全憑折脚鐺野菜和根同喫了盃盃洗刮再商量大衆且道商量個甚麼近年茶價貴客至點蒿湯

上堂舉僧問智門如何是佛門云踏破草鞋赤脚走僧云如何是佛向上事門云拄杖挑日月雪竇拈云千兵易得一將難求師云大小雪竇自甘下劣直得門風掃地奴兒婢子極低下人家也有三兩個便視作奇貨隨喝一喝云是佛是佛向上當時若下得這一喝免見智門話墮

支那

三峯和尚語錄卷第三

十

上堂以手自點胸肋云這漢未出胞胎全無縫罅纔生頭角便有聲價拖到而今疑者信者充塞天下有者道是甘露滅有者道是小釋迦撞著冤家惡口小家我無飯喫投佛出家我無衣著投佛出家有些伎倆肯來出家喝一喝云說聖說凡說真說假成得甚麼衲僧家便下座

上堂長竹難點天邊月利斧不斬無罪人有甚許多陳骨董爲他閑事長無明臨濟胡亂施張德山胡亂云爲祖宗莫大門戶展轉返不光輝卓拄杖喝一喝云三級浪高魚化龍癡人猶度夜塘水

上堂人人有雙父母所生肉眼橫睺面上首羅尊天豎亞一目在於額上阿那律陀清淨天眼在半頭之上觀世音菩薩千手眼在八萬四千毛孔上老僧有一雙金剛眼開在頂門之上乃拈起拄杖云另有一隻開人天眼目在棒頭上今因上人大慧年躋六十兩眼失明請說法要願開法眼頓悟大事老僧不待他出衆問話早與劈脊一棒令他父母所生肉眼眼狀頓開額上亞豎一眼亦開半頭淨眼亦開通身手眼亦開金剛眼睛亦開老僧棒頭上眼亦開何故六十年前是一雙明眼六十年後是一雙暗眼今日令

支那

三峯和尚語錄卷第三

十一

渠明暗兩忘開佛眼元來盡大地是沙門一隻眼以拄杖卓三下下座

絕食小叅生臺鳥雀不聞聲冷冷厨烟白日晴客去傀儡留供誼僧來莫說告單情賒薪已闕樵人偏乞米難教店帳清自笑住山無道力錯追因果悔前生上堂僧問了未了時無可了玄玄玄處處直須呵古人因甚靠此一着如須彌山師云莫亂針錐僧云和尚豈有護惜耶師云肚皮裏休著妄想僧云謹領師云妄想會問佛是覺義驀豎拳云這個是甚麼義師云擡眸燕子已高飛僧云還知某甲用意麼師云咩咩

僧云不如歸來葱嶺有人憶師云非惟不識這個亦乃忘却拳頭乃云通褒貶底句諸方學得看窟籠著楔近日罕聞老僧特地折節下問汝等直須當仁不讓良久云見義不爲無勇也

甲戌二月真如回病起上堂雨雨晴晴二月天白牛性嬾不耕田繩牽鞭打今朝起池水猶寒草似烟牛牛牛長林山迴風颼颼斂尾復藏頭鼻下無繩得自繇且道是何人境界良久喝一喝云未問着時早已過去了也

上堂舉藥山久不上堂知事白云大衆久思和尚示

文那

三峰和尚語錄卷第三

三

誨山云教槌鐘著大衆方集山便掩却門知事咨曰既許爲大衆上堂爲甚麼一言不施山云經有經師律有律師爭怪得老僧師驀起身云上來講讚良因散周沙界便下座

祝髮上堂揮金截斷綠雲根露出水霜透頂門刀下翻身直薦取頓狀心了是心存舉水潦和尚隨馬大師入山搬柴次問著此事被馬大師攔胸一踏踏倒忽狀起來呵呵大笑曰無量汾門百千妙義都向一毛頭上識得根源去師云今日濟文剃頭老僧用刀一揮亦便呵呵大笑云無量法門百千妙義都向刀

口上識得根源亦且道馬祖一踏老僧一揮水潦濟文一同大笑畢竟是同是別若道是同則墮同應三十棒若道是別則墮別應三十棒若道同別不同別則爲四墮亦應三十棒還有判斷得底麼問末後周羅結請師直下截師挺身立地進云未在更道師轉身便行

上堂諸人未到萬峰將道萬峰有多少禪道佛汾既到萬峰原來這老子乃是嘗人既是嘗人因甚諸方只是放他不過你看他先德苦切之言實可取信豈不聞男兒鎖子黃金骨苦痛無明墮汙泥良久云蒼

文那

三峰和尚語錄卷第三

三

天蒼天

上堂一實諦中無起滅魯祖長年瞌睡方便門裏有親疎秘魔一向擎杈因言得旨不假外求覩物明心豈緣內省所以觀風化物無一定之機因語識人有差別之智睦州喚僧提一桶水爲山與我過淨瓶來至于荆棘林中紅爛破驢脊上蒼蠅臨濟喝德山棒會得總非死句活人貴在通方韓獹逐塊非敢望于今日俊鶻摩霄惟貴乘此一時拈起拂子云飽食禪

納試請下語良久擲拂子下座
供千佛衣請上堂煇名多于寧無意自是傳衣佛種

多衣綫下明真切事豈論宮繡有諠訛喝一喝云且道如何是衣綫下事金鍼直下刺意旨問如何紅蓮迸海波還有向上事麼千額珠光寒夜月半肩日色醉春霞會得衣綫下事者出來喫棒問我有一坐具禮千佛卽是禮和尚卽是師云緩緩向你道進云某甲則不狀師指衣云著得恰好進云且緩緩師良久復舉廣額屠兒放下屠刀云我是千佛一數且道提刀是千佛放刀是千佛若向這裏會得則血滴滴地僧又出師顧大眾云一齊禮拜便下座

上堂今朝四月甲子政說毘尼八敬命婦證優婆夷

三峯和尚語錄卷第二

三峯和尚語錄卷第二

十四

乞賜大悲貴胤於其未開口前劈齒一拂子柄以拂子作打勢云輓下天上石麟贈作振振公姓浴佛上堂世尊昔日降生指天指地動括十方作獅子吼盡力也只得個唯吾獨尊奈值千有三百年後跨龍雲門劈頭一棒忍氣吞聲從來無人爲之雪屈今又七百年後萬峰遠孫要斷不平之事亦不得扶強抑弱直將黃面老子折脚阿師縛作一團打作一塊推向堂前貴令生與同生死與同死大家無出頭分諸仁者會麼乃起立澆香水浴佛云須與當頭一杓惡水且道是不是又澆水云汝等諸人聞此見

此便欲鼓唇喉舌踏步向前問箇如何若我也預先與你一杓惡水且道是不是又澆水云九龍天外風雷壯霖霖綢繆萬國恩

西來羅漢請上堂十萬里來不說一字依稀像達磨彷彿同真諦芭蕉柄上書梵字蝌蚪蟲文不相似拈起○相問伊又手睜睛直示老僧點頭道從前不是這回恰是問大眾是不是良久云寧說阿羅漢有三毒不說如來有二語便下座

上堂萬峰有條缺門限盡大地人跨不過好笑街頭石敢當也學橫身礙行路山僧偶爾經過向伊道却

三峯和尚語錄卷第三

三峯和尚語錄卷第三

十五

兩錯這廝滿面慙惶不覺入地三尺合眼揚聲大叫痛罵於密老賊飯米旣用剛砂門限何消生鍊老僧夢中聞得翻轉個身來道你也說得是你也說得是狀更有一句你還知也未縱饒折却缺門限無數人死向平地卓拄杖一下

圓戒上堂靜主達賢住此山有年破屋半間蓬塵積尺行鍋無益黃盃不全或七日忍饑或逢緣一飯口如木突衣若鶉懸會圓具于先靈谷和尚茲復請說菩薩戒忝謹白問如何是釋迦如來口放戒光師云風爲掃地使月作點燈娥進云如何是孝名爲戒師

云竈裏生青草鍋中叫碧蛙進云如何是亦名制止
師云忍餓長盤脚開齋過別峰進云如何是向上一
句師云速道速道問戒光頂聚輝千古靚面相呈事
若何師云與我過盃囊來進云衣文結角交加處明
眼緇流失却真師云二十五條拖著地進云滌盡無
餘存潔白戒珠燦爛黑光寒師便打進云末後令行
尊貴旨棒頭有眼招人明師直打趁
剋參未舉時逼塞虚空已舉時虚空粉碎將舉未舉
之間虚空在甚麼處一僧咨和尚虚空則不問如何
是那邊事師云映波月落水天黑夜半漁翁正睡濃

無述那

三峰和尚語錄卷第三

六

進云如何是這邊事師云東方日初出牧子過前坡
上堂穿窬牆壁盜竊金珠雖朕兩手擎來其奈人前
難用卓拄杖一下云老僧今日將諸人自家寶藏直
下打開眾寶爛狀光彩奪目得便行更須炤顧脚
下躊躇不進真成蹉過目前不消滿面添慙只貴通
身是膽至若懷寶迷邦他鄉醉臥總之自甘餓殍又
爭怪得老僧靠拄杖下座
上堂僧出問如何是應物現形師云月落三更黑潭
烟冷如何是全體作用師云三峽奔騰長江萬里如
何是機權喜怒師云笑裏有刀刀頭有蜜如何是或

現半身師云昔年想是曾相見杏花村裏矮牆頭如
何是或乘師子師云牙如利劍口似血盆如何是或
乘象王師云四步蓮華六牙音樂僧便喝師云我則
不狀僧又喝師無語僧云雖狀如是和尚已喫三十
棒了也師打云且道是你喫是我喫僧云某甲罪過
便歸眾師便下座

小參月之晦要見月光今夜會石童木女忽相逢三
更彼此摸著背笑呵呵快不快雲抹石風梳對分明
道著生平事一道嘗光永不磨兩眼明開黑漆地
司李黃海岸居士到山請上堂士出作禮云弟子黃

無述那

三峰和尚語錄卷第三

七

端伯久仰和尚人天眼目佛祖爪牙請和尚爲大地
眾生點出師以拄杖作點勢士云未到萬峰不妨疑
著師和聲便打士擬接棒師又打士云和尚只有弄
乾棒手段師云老僧罪過士禮拜歸眾師乃云末後
一句始到牢關把斷要津不通凡聖且道如何是萬
峰底末後句喝一喝卓拄杖一下云花知人韻倚窓
笑石愛風清傍水蹲下座

上堂一句中具三玄相對語喃喃一玄中具三要虛
空放出無毛鷄有權有實當面著賊有炤有用一齊
斷送汝等諸人作麼生會從前意氣都銷落懶向長

安舊路行

上堂舉昔日馬大師違和院主問云大師今日尊候何如大師云日面佛月面佛山僧今日不快大眾問曰和尚今朝體氣健否老僧云黃泥竈磚竈復有偈曰日面佛月面佛六月晴空三尺雪黃泥竈磚竈雪白吳綾一片皂若人會得這兩句則不但馬師無病抑且老僧無病大地衆生無病若人不會錯去齋佛齋竈老僧今日說破省得臨濟祖師齋竈齋佛求天禱地良久喝一喝下座

迦參僧問如何是接初機底句師云日日香花夜夜

文殊師利

三峯和尚語錄卷第三

六

燈如何是辨衲僧底句師云有語非干舌無言切要辭如何是正令行底句師云可憐門大開而人不能入如何是定乾坤底句師云二時展鉢開單逐日肩矢送尿僧作禮云若不如是爭見萬峯師云老僧總理會不出

上堂以拄杖揮空大喝云打破太虚空迸出金剛骨拈向諸人前通身赤骨律碧澄關主昔曾就正於安隱堂前今朝始見你轉身撇脫且道得力一句作麼生道喝一喝云萬峯千丈崖頭一片白雲裏石

上堂僧問過去未來則不問如何是現在一句師云

舌頭不出口僧云而今出口也師云此是過太事僧云再請和尚道師云未來莫妄想良久乃云現在與麼道未來莫妄想過太已過太更討甚伎倆要踏向上關喝一喝云卽此樣無別樣

普請上堂若論此事如萬峯普請刈稻相似各人揀定六處把定根苗將極快利鋏一截使六根頓斷務令兩橫一交兩交一束亦有三鋪六橫一切諸添無不具足第一日一齊俱倒第二日輪衆巡看第三日席捲登場登時打下狀後暴之以驕陽颺之以晴風礮之磴之篩之扇之實於倉廩先將一半貢之朝廷

文殊師利

三峯和尚語錄卷第三

五

次以一半供之大衆所謂君臣道合賓主協和便是這個道理也諸人還會麼乃作刈稻勢便領衆入田上堂畫裏身心問有無死生勘破觸體枯敬將一幅西方境換太關山積雪圖孝子鄒瀾鄒漾爲薦先考來周府君入山禮懺諷經飯僧施食請老僧上堂說汰老僧無法可說不免借帔拜婆對景掛畫來周居士生平嗜好衡山先生手作關山積雪圖今攜焚化靈前作掛劍故事老僧展卷對大眾謂來周居士靈几道衡山先生未敷紙未染筆已前還有心否旣敷紙旣染筆布盡千峯萬壑於無何有之鄉還有心否

若有心且道心在何處峰巒起伏間峽回盤還有土石否彤雲漫漫積雪漠漠還有濕冷之質否案牘露鶴竹倒橫門前屋如堆柴門略見果有此界否寸馬豆人紅衣烏巾如飛如舞果有生氣否片紙不加放筆無跡還有畫者否于此觀得破視得透始知衡山先生不會畫古董架上無此卷真心不會動一絲毫皆從妄識上變現幻中之幻而來周居士生平嗜好之心置於何處心既無處則昔何以生今何以死既無生死則何苦何樂何罪何業何從牽絆何從解脫是知有非實有則知空無可空老僧今日對衆將衡

支那

三峯和尚語錄卷第三

三

山來周兩居士有心無心是境非境一時卷在玉頭軸裏送在靈前紙錢堆上一炬燎却來周從此脫狀不爲境累不爲心移不住娑婆不居極樂于無所住處不知不覺冉冉地青蓮襯於足下寶對森于目前珍禽和鳴螺唄交作白毫光內彌陀顧問云你看是何境界于此瞥狀悟得無生法忍佛爲摩頂補處稱尊一期大事直下了畢正恁麼道時忽有個撐眉督目初參後生躍出大呼云和尚如此說話令人向西背東著淨厭穢學人今日亦將和尚并所說法卷在軸裏送在紙錢堆上一炬燎却免得後人隨語生解

師作吐舌勢云老僧不覺吐舌下座因甚如此有前沒後政要他新出來漢子得些便宜後來好做語錄上堂開眼紙窓紅被底如春熟兒童請拈香道是我生日和南禮佛陀烹薑普麵喫摩拏飽後來同去放生生物鳥飛飛魚鱖鱖一場好快活張七郎十六七舉首山問僧近離甚處師云卽鹿陳虞僧曰襄州師云雲山健足山曰路上曾逢達磨也無師云三重蜀十字縛僧近前不審師云猶有商量在山曰這個是驢前馬後底師云急僧曰和尚又如何師云翻轉網袋山曰非公境界且坐喫茶師云頭角爭榮原來是後

支那

三峯和尚語錄卷第三

三

園山子上底僧纔坐山又問在甚處過夏師云道過了也僧曰石門師云襄州過來真不少山曰水牯牛安樂麼師云達磨騎忒了也僧曰及時水草師云逢着關尹稽首和南山曰爲甚傷人苗稼師云和尚莫作驢前馬後漢僧曰對和尚不敢造次師云猶要呈頭戴角在山曰放過卽不可便打師云首山也無大人相山作綱宗偈曰咄哉拙郎君巧妙無人識打破鳳林關著靴水上立師云屐齒上磚堦咄哉巧女兒攔梭不解織看他鬪雞人水牛也不識師云風吹羅帶緩背陰山子向陽多師云蛤蜊裏四面觀音南來

北往意如何若人問我西來意東海東面有新羅師
云縱饒三頭六臂無出頭分便下座

趙參舉僧問長慶羶羊未掛角時如何慶云草裏漢
僧云掛角後如何慶云亂叫喚僧云畢竟如何慶云
驢事未了馬事到來雪竇拈云寧可碎身若微塵終
不瞎箇衆生眼長慶較些些子復云一般漢設使羶
羊未掛角也似萬里望鄉關師云雪竇大似已無目
而廢天下之視長慶盡力只要赴他來機全不顧言
之滲漏天下豈無作者設有問三峯羶羊未掛角時
如何云有這畜生掛角後如何亦云有這畜生云畢

三峯和尚語錄卷第三

三

竟如何狀後緩緩向道寧可碎身若微塵終不瞎箇
衆生眼饒他生殺古今底雪竇也只似萬里望鄉關
卓拄杖下座

三峯藏和尚語錄卷第三 終

三峯藏和尚語錄卷第四

吳虎丘山雲巖寺嗣法門人弘儲記

住梁溪龍山錦對禪院語

上堂九龍山高芙蓉水澗觀面相呈切勿卜度猫有
七尾鼠生二角事不厭精何妨摸索但摸索勿卜度
張姑李嫂共扶持良久云噫何故吟對底寒風貝錦
飄窠頭細雨空青落

上堂有法無法筆蘸虛空盡菩薩阿耨菩提無位真
人是甚麼乾矢橛然燈佛與我授記以空印印空印
水會麼風車爲口簸箕爲舌金剛般若波羅蜜若欲

三峯和尚語錄卷第四

三峯和尚語錄卷第四

一

道此者舉一不得舉二放過一著落在第二會得出
來相見若不會且俟來日

上堂喝一喝云唵薩婆羅罰曳數但那怛寫良久云
未得微霜菊早香又喝一喝云唵悉殿都漫陀囉跋
陀耶莎訶良久云山河大地變黃金又喝一喝云唵
折隸主隸準提莎訶良久云相逢盡是陶彭澤瓢下
慙無大道漿

上堂今朝十月十五枕上翻身鐘鼓聲聲敲破觸牀
句句打翻佛祖臚臚從地醒來便解奮槌如虎金剛
揩泥神背翁仲從旁叫苦一二三四五天上玄批土

阿不力的普還會也無此事若得虚空粉碎過來粉
碎底猶是鶻臭布衫炙脂帽子直須拈却將一柄金
剛王寶劒截天截地始得和同隨喝一喝下座

上堂抹殺泐中英雄者爲其能以舉一爲用也驗盡

法中英雄者爲其能以大機爲用也奪盡泐中英雄

者爲其能以抽爻遜位爲用也謾盡泐中英雄者爲

其能以前定不滿爲用也

諸方目爲四殺雄

翌日諸護法舉近日北禪寺迦葉尊者瞬目龍山出

四雄玉兔爲付泐之祥請上堂四雄玉兔出龍峰泥

塑頭陀亦眼紅拂子四枝分付忒好花何地不春風

支那

三峰和尚語錄卷第四

二

下座

上堂心無起處原無事念轉非情運六通雙足不知

誰是主看山路遍白雲中且道如何是脚下事以拂

子擊桌云紅葉投空錦清泉擲地金

小參七尺絲綸八尺竿年年月月釣清寒魚龍蝦蟹

無尋處半夜寥寥月一團卓拄杖休太

上堂自從踏斷葛藤窠三疊紛飛脚下過昨夜相逢

談道者聲聲怪我沒家婆且道老僧有妻沒有妻若

道無妻又言泐喜以爲妻若道有妻又道畢世同衾

不共枕所以云泐喜以爲妻無明以爲酒噀來哮吼

踰俊猊不學今時醉顛走

小參不得有語不得無語嚼砂彈折當門齒難鉤三

寸劈頭橈兩岸桃花一溪流水踏翻舟子千秋死

上堂昔日臨濟大師有四喝有時一喝如金剛王寶

劒有時一喝如踞地師子有時一喝如探竿影草有

時一喝不作一喝用山僧今日只有三喝有時一喝

巍如泰山北斗有時一喝明如曉日晨星有時一喝

夢醒如前日昨日乃豎起拂子喝一喝放下拂子

勉參佛口裏礮磚一堆拄杖中舌頭三尺踢倒淨瓶

贏得爲山猛虎當路卽住黃檗會得者出來相見

支那

三峰和尚語錄卷第四

三

上堂僧問不與萬泐爲侶者是甚麼人師便打僧云

祇如馬祖道待汝一口吸盡西江水卽向汝道又作

麼生師云文彩全彰僧問十七十八因甚道着卽瞎

師拈竹篋云喚作甚麼僧云十九二十爲甚人信不

及師打一竹篋云信得也未僧擬議師叱云擬胡餅

裏呷汁那僧問臨濟綱宗畢竟是有是無師云你見

老鼠偷油麼僧云不會師云猫兒來也曾罔措師笑

云臨濟綱宗是有是無僧一喝師云錯口道着乃云

斬釘截鐵此日諸方共用平高就下當年老宿不狀

禪和家背地裏絕有商量因甚一衆人前全無消息

良久云咄也得三文買草鞋

上堂天地與我同根萬物與我一體茫茫匝地普天清淨法眼着翳法身主毘盧師有何方便道一句子不致閻浮提人棄却甜齏對沿山摘醋梨喝一喝下座

至前上堂羣陰剝盡不止于坤以其碩果不食也一陽未生不坐于盡以其來復不遠也故入無量義大定而不冥入剎那際三昧而不斷真實空而不空真實不空而不有此政今夕一陽未生之候應如是生清淨心乃喝一喝云此是明日事

文那

三峯和尚語錄卷第四

四

晚參以拄杖畫一畫云畫水成乾路飛虹駕石橋不勞些子力廿一是今朝步步踏着處處逍遙添取銀膏徹夜燒

上堂蘇州有甯州有不是驢脚是佛手更問老子生緣請君面南看北斗蒼蝇偏向鼻邊飛蟻子慣尋腥處走鬧浩浩處鬧浩浩冷湫湫處冷湫湫若得二途俱不涉不風流處也風流

小參舉瀉山有句無句如藤倚對師云會麼喝一喝云鐵牛頭角太崢嶸霹靂纔翻失太清頭尾縛來成一片紙猊火裏大揚聲若會得則入佛入魔天上人

間如意自在以拄杖卓三下

上堂山僧三十年前也曾見神見鬼如今年溪月久總忘却也但得輕衣一片飽食三食童子揶揄禪人相撲讚之或喜罵之或怒而已若道曹山有尊貴旨訣切莫聽他這樣說話

小參僧作禮云石霜有頭尾話咨和尚如何是頭師云鼻端藏四海雙角直捺天如何是尾師云卷到潭溪處三冬月色寒如何是頭尾相稱師云通身雷送九天雨流出桃花萬壑春僧作禮師直打趁

小參轆軸耳朶簸箕口問着向南却北走德雲不在

文那

三峯和尚語錄卷第四

五

妙高山文殊獅子却是狗

小參舉夾山參船子話畢乃云一橈落水踏翻舟滿目蘆花兩岸秋昨夜華亭還說法雨餘新浪向東流師到甯州廣福院請上堂頭上蔚藍天欲滴脚底白雲千萬尺手中拄杖腰下瓢去來來無順逆好消息踏破草鞋雙脚赤三頭九臂腦後睛日日相逢不相識且道是甚麼人他與地平磚同胞本無庶嫡還會也無舉僧問趙州狗子還有佛性也無師云趙州只解四蹄上立柱不解狗子背上踞橈山僧今日向狗子背上踞橈去也揮拂子云喫下座

住杭州淨慈寺語

上堂拈香云一縷蒼烟祝聖明九州四海盡昇平南屏老漢閑無事白棒掀天破死生乃就座劉長倩居士出云兩峰雲起蒼烟迴一道湖光玉鑑懸領取眼前玄要句塏輪尖上吐香烟師便喝士拈香云這一瓣香熟向爐中供養本師堂頭和尚伏願開頂門眼揭肘後符逞獅子之全威現大人之作略且道機先一句作麼生道師合掌云南無無量壽佛士又炷香云法界普熏無罅縫灼破毘盧老面門師便喝士禮拜師以拄杖輪揮八面卓三下云若向這裏會得如

文那撰述

三峰和尚語錄卷第四

六

揮劒當陽一條血路彎弓天外九中紅心正好出來與老僧相見僧出云一箭中紅心請師高著眼師回頭問侍者進云機輪轉處作者猶迷師云你轉轉看進云九鳥射盡忘俱喪鋒鏑銷爲日月光師連打三棒進云今日痛領三棒只得作禮三拜拜起以手畫一畫云這邊且置一劒當軒來時如何師又打進云一柄干將劒惟師用得親師不語進云這回和尚正喫三棒師又不語僧便禮拜歸衆長倩居士復出云今日和尚全身出現諸人仔細着眼遂出法堂師便下座

上堂今朝十月十二雷峰塏指淨慈寺千嶂霜楓列錦屏各人無位真人在何處良久云因鬚張三黑李四復云言無展事八八六十四語不投機溪西鷄齊啼承言者喪燈蛾撲油上滯句者迷落水踏深泥若人緇素得此等語出如生龜筒裏抽身化成堅翅鳥扶搖九萬里擘海直取龍吞博地凡夫立地成佛此正古人所謂接初機底句今日特地拈向諸人會得者出來道看長倩居士纔出師云如何是接初機底句士云幸喜西湖今日晴如何是轉身底句士云還見四山紅葉麼師打云這裏會去始是轉身句僧纔

支那撰述

三峰和尚語錄卷第四

七

出師云我不問你接初機底句僧便喝師云爲甚麼便喝僧又喝師云三喝四喝後又作麼生僧禮拜師云向道從來不曾見矮子成佛下座上堂舉永明壽禪師云孤猿叫落中岳月埜客吟殘半夜燈此境此時誰會面白雲溪處坐禪僧僧問如何是永明妙旨明云更添香着僧云謝師指示明云且喜沒交涉僧禮拜明云聽取一偈欲識永明旨門前一湖水日焰光明生風來波浪起又問學人久在永明爲甚麼不會永明家風明云不會處會取僧云不會處如何會明云牛胎生象子碧海起紅塵師云

老僧則不狀乃云案影落殘崖際月煤花爆盡佛前燈禪衣破薄不禁冷多少依依暗裏僧若有人問如何是南屏妙旨向道晝夜一百八若言謝師指示問道串斷了也待他禮拜起亦示一偈欲識南屏旨山頭雲乍起一縷入錢塘微茫作海水若問學人久在南屏爲甚麼不會南屏家風向道宗鏡堂前霜葉乾若言如何會取向道鐘過千佛閣墻下萬工池永明大師恁麼道南屏老人恁麼道且道是同是別莫有判斷得出者麼道道

佛日金汰師送準提鏡至請上堂威音王未出世已

支那

三峯和尚語錄卷第四

八

前山僧與法主同時現大月輪相中間阿字隆隆吽吽雙隱雙現賓主對談闡大法要度人無量所以世世生生同出同興共扶此事或現漢月或現佛日心心相照今日法主說法茗上老僧掛錫南屏法主仍現大圓鏡智來我雷峰墻前請說大法山僧不惜四面十八臂大逞神通只是今日頭痛不能爲汝說以拄杖擊鏡三下云日面佛月面佛僧出覆却鏡子師又擊鏡背三下云唵啞吽啞哩下座

上堂稽首和南別永明疎林一葉脫南屏翻思圓炤靈岳公多少英雄繼此燈雷峰墻不勞指點慧日峰

一任將迎都是最後大事切忌心下惺惺良久喝一喝云輕舟自傍六橋去一片寒湖山影青

住秀州真如寺語

上堂拈香云名香貢覲座凝萬壽于至尊寶篆結龍雲蔚勝祥于魏闕萬福獻內壺之吉千秋藹東宮之春闔朝簪笏進道階而登高階四海蒼生樂盛世而超出世共躋仁壽咸沐昇平今日請主大理朱公外護汰門內崇道德福增高袞位轉天衢闔郡薦紳諸山碩德頌明綱要密運權機推廣化之神佐聖明之治本山長水法師彩雲和尚聆磬音而出定弘大法

支那

三峯和尚語錄卷第四

九

于將來此一瓣香端伸供養天童老和尚用酬法乳維那白椎云汰筵龍象衆當觀第一義師云長水門前長水遶彩雲堆上彩雲生二師法道重新舉寶墻風高驟午鈴會得目前旨趣者出衆與汝證據問彩雲片片趁全提師云滔滔展大機且道如何是彩雲片片趁全提師云鐘聲出水重進云如何是長水滔滔展大機師云幡影落波輕進云八面玲瓏無縫罅卓午浮圖頂日輪是長水家風是彩雲境界師云門開橋接路對老綠苔生進云和尚今日如是舉揚如是拈提與昔日長水彩雲是同是別師云一時三頓

棒骨癢尚嫌輕進云一句了朕超百億粉身碎骨亦難酬師打三棒下座

朱大理廣原居士薦親請上堂豎起拂子云會麼有無雙絕淨穢兩忘向太虛空裏突朕翻轉如雷如霆如日如月如走盤珠的的磔磔宛轉橫斜橫出直入何等自在所以朱大理向竹篋話上兩處不得四句不得千不得萬不得不可得不可得於銀山鐵壁處突朕翻轉如雷如霆如日如月如走盤珠的的磔磔破盡生死凡聖是非超朕自在只今先太僕先淑人亦向太虛空裏突朕翻轉如雷如霆如日如月如走

三峰和尚語錄卷第四

十一

盤珠的的磔磔於淨蓮華中自繇自在一時成佛盡三界十方一切聖凡有情無情亦向太虛空中突朕翻轉如雷如霆如日如月如走盤珠的的磔磔自在取證卽如大理堂上架一座大天平不許他低昂輕重務使天上針對地下針對天上針針針相對以手作對針勢云令此天地心一綫逼直無有傾側遂使大明國裏君臣臣父父子子一道同俗坐致太平諸仁者要知大理二尊人立地成佛底消息麼出來道看僧問生生死死去來一擊翻身頓歇狂醒轉不知天早晚一輪紅日照西方如何得一擊

翻身頓歇狂師云蓮華出水波濤涌進云如何是一輪紅日照西方底事師云迸出蓮胎見佛光進云和尚與麼告報善則盡善美則未美學人則別有長處師云如何是你長處進云優曇初綻處處界藕花香師打云也少不得這一棒所以如雷如霆如日如月如走盤珠的的磔磔何等自在良久云若於此會得何等直截撥著便能作大師子吼遂令百獸腦裂飛鳥墜潛魚躍且道如何是師子吼便下座

蔡大叅維立居士薦母請上堂揮拂子云朕朕一長睡恰在蓮華裏摩娑安睡眼開佛光眉際起寶林風琅

三峰和尚語錄卷第四

十二

璫直貫虛空耳頓悟音圓通豈但見自己突朕得大用打破當年體遂喝一喝云若向這第一喝上薦得則東土堪忍世界一切有情無情種種苦境一時打盡脚下蓮華現出西方清淨境界諸佛菩薩同時現前令徐宜人立地成佛又喝一喝云若向這第二喝上薦得則西方極樂境界一時忘心泯性在蓮華上寂寂落落熙熙皞皞不知淨土爲何物令徐宜人得大自在再喝一喝云若向這第三喝上薦得則東土變爲西方西方變爲東土淨穢齊民凡聖俱忘一時三變令徐宜人從蓮華中定起分身無量國土說大

法要廣度衆生各各一時成佛無少無剩且道以上三喝所說何法便能令徐宜人捷得如許大効彈指之間成佛作祖行廣大利老僧還有所說麼若道有法說說個甚麼若道無法說盡情與你說了也所以世尊降生指天指地是說此也臨末稍頭棺露雙趺是說此也拈花示衆迦葉微笑謂之世尊不說說迦葉不聞聞至於歷祖句句皆狀而船子云離釣三寸子何不道瀉山云有句無句如藤倚樹雲門謂之函蓋乾坤句華嚴攷謂之句中無意在句中皆示大用之句意也若能如是大用現前處處拈出金剛王

文那

三峯和尚語錄卷第四

三

寶劒直下如將一座泰山輕輕壓去更有甚麼出現隨大喝下座

元日朱大理請上堂拈香云甲戌春王第一朝殷勤百和蕪蘭椒聖明壽比諸天象歲歲昭回運斗杓就座乃云坤以簡能乾以易知如獅子王奮迅威憚若大白牛肥壯多力有時雲裏高眠一任長林豐草自在供輸有時日邊哮吼盡使狐狼野干掃踪滅跡此皆從立命得來統天之力佛祖得之而法王三千聖人得之而教化中國老僧得之而逐浪隨波大理得之則致君澤民卽今壽躋七十於從心所欲不踰矩

處出處安舒自在無礙且道他獲無量壽徵從何處得來喝一喝云略與諸人通個消息

住窠陵聖壽寺語

葉侍御慶繩居士請陞座拈拄杖打地一下云此一棒自黃檗大師處建立從天童和尚處印來捏太虛爲金槌拋熱鐵作文字渾身虎口徧體獅牙坐斷臨濟命根翻轉大愚面目所以我師天童和尚得此一棒遂能打天打地爲電爲雷將南國打作選佛場爲後人礪成出匣劒復打一棒云山僧得此一棒不但裁長補短抑且削潤就狹重新入爐入火益見爆天

文那

三峯和尚語錄卷第四

三

爆地從黃檗處打下火烙印子於臨濟邊突起錐上剛砂一句中具三玄一玄中具三要破盡一棒一喝之實法打開團圓孤硬之見功務令炤絕權忘名離用起石人頭上泚汗白牛角上生風幽鳥啼入亂雲有耳者未必能聽神龍深藏黑水具眼者徒費仰瞻翻近世難知警諸方不肖復打一棒云前一棒後一棒威音王前摸索不著樓至佛後休歇未到得此方謂之一棒不作一棒用末後一句始到牢關把斷要津不通凡聖方是安身立命處大作大用了不可得底實受用田地地方真到黃檗臨濟天童一葦大善知

識立脚處山僧今日告報諸人若今在地四衆咸宜
信有此事莫學今人只重前祖掃除黃檗臨濟等法
數爲邪說則天童一棒前無所本山僧三玄近無所
據佛法無師大亂必矣若欲深入大法者須向明日
看取

吳江章邑侯敬明居士請上堂臨濟一喝能殺能活
能縱能奪爲忠貞爲惠育著著坐兩頭而獨用其中
以之則無咎無墜處處截言詮而確慎其餘因之則
惟堅惟貞用宣道化用拂仁風智如圓鏡定若平衡
臨機發用無毫髮輕重偏邪之差包裹乾坤有直統

文耶
撰述

三峰和尚語錄卷第四

五

惟天惟命之作一喝之至約推拓之無窮僧得之則
握接物利生之權俗得之則掌平天治國之政且道
卽今邑侯得此又作麼生喝一喝云只有天在上更
無山與齊

周居實居士請上堂問答畢乃云老耆翁近八十叅
得禪不賭說只向溪邊放白牛兩岸梅花捲晴雪夜
歸來戴微月不脫衣睡得徹不道天何物明朝依舊
日頭出切莫認作自在受用禪亦莫作會得解註說
喝一喝下座

上堂如何是西來的的大意鶴舞花陰地如何是佛

舌根生白拂那有這樣事石頭迸出黃金汁因意旨
問如何獨脚銕釘靴米山頂上立兩頭杓中間折九
九八十一喝一喝云若不會下個註脚細細綠陰鴉
尾短溪溪古木落花多老僧髮白齒牙嫩湯飯時時
愛軟和

上堂露柱久已懷胎燈籠昨夜生子眼光燦破四天
下口門中央闕兩齒不因觀音妙智力那得端正有
相至于此老僧住山年已久盃袋空空少人事考鐘
伐鼓急升堂特地殷勤爲助喜喝一喝云鳳凰不是
人間物爲瑞爲祥自有時不煩久立春寒衆慈

文耶
撰述

三峰和尚語錄卷第四

五

上堂如何是西來的的意稽首和南齊著地如何是
向上一門那個爲官不戴君還有受用也無春風花
亂競提壺恁麼則通身尊貴去也沙水螭蟻橫是蟹
此四句一句是佛一句是祖一句是老僧一句是大
衆若人縑素得出許汝一生參學事畢何故吟盡道
洞庭如簫笠春風亂插滿頭花

上堂舉德山踞虎頭收虎尾第一句下明宗旨師云
還有道得者出來道取僧出師問如何是虎頭進云
春至百花開如何是虎尾進云秋來盡落葉如何是
第一句下明宗旨進云雙龍入海無消息直至而今

嘗相憶師云三十年後則不問三十年前一句又如
何僧便喝師擬打僧拂袖歸衆良久復出以手連畫
兩圓相○師展兩手於空中僧又作一圓相○師以
兩手背交其指僧又作○此相師揲手案几上僧點
頭三下師便下座

上堂一九二九黃龍翻出兩隻手兩人合得百十八
額頭迸眼是菩薩過去心不可得樹上晒麻無反側
未來心不可得萬里流沙如麪黑現在心不可得今
日正天晴處處花柳色咄抽太乾上九畫長坤下畫
周太嘗季華率令子安期安仁安石請陞座喝一喝

支那

三峯和尚語錄卷第四

六

云春風不貼肉又喝一喝云曉起略添衣又喝云偶
雨移鞋去寒吹半面皮若人會此三喝便會得此三
句會得此三句便會得此三喝會得也成佛不會得
也成佛何故東土西天兩脚踏斷佛與衆生不勞思
笑十年黑暗一旦迸開赤日金波蓮花出現喝一喝
云一聲漁父歌聲斷烟水茫茫十萬程

解制上堂牛在山中水足草足牛出山中東觸西觸
山僧則不狀牛出山中東城西郭牛在山中南谷北
谷若人會得兩轉語則禮拜如菩薩踐蹋如糞土不
妨隨人起見處處爲緣良久云會麼嫋嫋長鞭著地

拖半肩疎雨掛春簑自從赤脚騎牛去只唱山中放
牧歌

回聖恩寺語

上堂磊磊落落山上石奇奇怪怪礪邊窠悠悠颺颺
空中絮急急寬寬寺裏鐘此四句內有一句推不向
前約不退後有一句披烟嘯月攫霧拏雲有一句自
西自東自南自北有一句本無踪跡豈有名言復云
說也說了注也注了若人會得正是無事生事若人
不會一任縱橫撩亂太誰能勞力强安排

上堂一機一境捱不入三要三玄擘不開出身白汗

支那

三峯和尚語錄卷第四

七

過這邊來中也養不中才也養不才豈是三峯沒意
智終朝嚼飯喂嬰孩黃梅舊有不平事至今遺累生
疑猜菩提樹明鏡臺果是宗門椿禍胎

上堂僧問如何是最初一句師云下床踏區蒲鞋口
僧云如何是不動尊師云朝到西天暮歸東土僧云
如何是透法身句師云天晴道路乾僧問有問有會
賓主歷歷無問無會時如何師云賓主歷歷僧云有
問有會時如何師云現在可驗僧問臨濟喝德山棒
明甚麼邊事師云明祖師西來底事僧喝一喝云明
甚麼邊事師便打云明甚麼邊事僧擬議師云臨濟

德山吟僧又擬議師連棒喝云只在這裡良久顧大眾云人間天上諸知識爭似三峰用得親

上堂良久云適來一段公案還有人舉得麼復云設有人舉又使甚麼人聽既無人舉又無人聽山僧不妨自拈自弄去也乃擲下拄杖云竄向當陽風凜凜喪身失命是何人

上堂三峰個村僧凡事盡認真頻搥塗毒鼓要使人聞諸方老禪伯各各起怒嗔橫闢了豎闢遠近咸喫驚饒你大力難抹祖師心人情有生滅毒氣亘古今奉勸善知識夢裏須惺惺卓拄杖一下云聽

支那

三峰和尚語錄卷第四

六

上堂僧問如何得不落數量師云竹杖量來難到頂僧云恁麼則古今不易也師云念日脚漢有甚長處僧問雲門花藥欄意旨如何師云直須連夜發莫待曉風吹僧云逐浪隨波蒙指示斬釘截鐵請敷揚師云休尿沸乃云彌勒未生釋迦已滅佛法何嘗付人盡學猪狗竊雲門餅真個熱大趙州茶殊少斟酌德山棒只顧行兇臨濟喝全朕尚氣逼得王老師立地賣身寶誌公無端勞面這一隊漢惡賴難名不中相與爭似山僧不入這保社

上堂乾坤之內宇宙之間中有一處無人能到日月

招臨莫及雨露滋濡無從登須彌頂不足賒遠入金

剛際未合窮荒山僧指汝諸人個提出泥途一踏便到底徑路行與不行總與山僧無預乃拈拄杖畫一畫云上乘菩薩信無疑中下之流豈能測

上堂露柱脚跟穩密燈籠眼界光明闕徧五湖禪客握草畫作黃金驀朕枕子墮落墜殺堅牢地神一向點胸點肋到此漫不關情山僧真實相告又道平地陷人喝一喝云海枯終見底人死不知心

上堂僧問如何是一句底主師云春色滿園關不住僧云如何是一句底賓師云一枝紅杏出牆來僧云

支那

三峰和尚語錄卷第四

九

如何是招師云燈籠掛露柱僧云如何是用師云拍板合門槌僧云謝師會話師云有甚虧缺上座及早說良久乃云菩薩行于非道是名通達佛道如三峰今日隨機赴感不肯露布風規建立宗綱務須脗合法印欲冀諸方玉帛從事如對桓文而談堯舜夢也不敢望你做卓拄杖下座

上堂一人所在須到半人所在須到但得針芥相投自朕隨緣得妙因地而起原因地倒果朕踏著向上開爭肯沿途入荒草

上堂剔起燈來是火力用須知徧普變生作熟只此

些續燄聯芳殊可花總是一葉分其五跨聖凌凡
超佛越祖釣竿仍藉百尺絲發機必假千鈞弩喝一
喝下座

耳圓闍黎五十請小參五十要知天命抱却鉢孟安
木柄求和尚說心地法繫緊皮靴又套毛韮昨日喫
齋今日小參空令饑腹長心貪老僧還有佛法說麼
夜來千嶂雨流出一溪寒且道闍黎壽量多少山溪
不解人間事歲歲梅花蓋太湖還有向上事麼良久
喝一喝下座

上堂終日怛怛那事無妨冬至日短夏至日長山門

支那

三峯和尚語錄卷第四

子

頭合掌佛殿前燒香晝夜精勤恐緣錯將錯就錯且
承當主人公太顛狂懊恨當年傳大士閑將文字誑
心王

上堂不許夜行投明須到不是乾矢橛便是麻三斤
鎮州蘿蔔庭前柏子忍俊不禁連聲云還有殿裏底
馬大師搖手道未也未也這漢百尺竿頭坐起自稱
不與萬法爲侶敢保渠不著更進一步別有一人
在良久顧左右云如何是那一人喝一喝卓拄杖下
座

上堂單傳心印過犯彌天而今坐在老僧身上也著

尋個替手良久云有也作麼生得彼此無傷喝一喝
云自累猶可

上堂汝等諸人盡是祖師門下客他日用作麼生喝
一喝云家醜不可外揚

上堂踞虎頭收虎尾第一句下明宗旨祇如第二第
三句下明個甚麼乃呵呵大笑云有頭無尾終是不
貴有尾無頭雖飽無力是甚麼人語良久喝一喝云
明破則不堪

上堂繞四天下行脚底人有口堪喫飯擡脚不起底
人也有張口喫個甚麼良久云問取諸方僧問卽今

支那

三峯和尚語錄卷第四

主

咨和尚師以棒拄其口云喫喫僧一喝師云黃連未
是苦

上堂盡乾坤是個解脫門把手曳不甯入不如歇去
好良久云靈利漢子捉敗老僧非甚難事有麼有麼
點得頭下我且作死馬醫以拄杖打散

上堂驀拈拄杖云拄杖有病絕見絕聞若不早救喪
却平生一僧纔出師和身打下云救不得也僧一喝
師云氣雖未斷壽命不長僧又喝師顧旁僧云拽出
門外著

上堂從緣有者始終而成壞非從緣得者歷劫而嘗

堅老僧一期借水獻花唯諸人善知時節不致兩相辜負喝一喝云敗關不止今日

上堂長慶有願不撒沙萬峰終日口吒吒宗門若不拖泥水後代如何得當家有不被人欺底出來對衆道看良久云地獄老僧下與爾不相干

辭衆上堂心休不說法骨瘦上堂艱分明都說盡湖水洗山巔喝一喝云大道絕言坐斷心路若能如是不用露布下座

三峰藏和尚語錄卷第四

支那

三峰和尚語錄卷第四

三

三峰藏和尚語錄卷第五

廣錄

吳虎丘山雲巖寺嗣法門人弘備編

安隱寺小叅妙明心中一念昏沉便是無明無明生起一分有知謂之衆生一分無知謂之山河大地明暗色空山河影現搖動知覺謂之塵知覺吸攬前塵謂之念所以生死流浪從塵念起若識得前塵本從妄念起則塵本非塵識得妄念從前塵起則念原非念非念則真心如鏡非塵則妙境歷然此猶是五蘊邊事尚落照功正是生死根本直須一時翻轉如將

支那

三峰和尚語錄卷第五

一

寶鏡覆却正與麼時謂之枯木崖前是體邊事動用不得纔動著便落明暗兩路直須向者裏看箇話頭舉竹篋云喚作竹篋則觸不喚作竹篋則背畢竟喚作什麼到者裏明歷不得沉暗不得正不得處千拶萬拶忽然拶破虛空圓梅花不解春消息漏泄南枝一點香

姑蘇北禪寺告香小叅舉昔日曾問雲門如何是塵塵三昧門曰鉢裏飯桶裏水又僧問如何是雲門一句門曰臘月二十五又僧問如何是法身門曰六不收卽此三轉語若人會得恰好許你得一槪今日大

衆告香且問如何是塵塵三昧僧出便喝師云如何是雲門一句僧又喝師云如何是法身僧作禮師便打乃云掣電乍形時薦取尚屬明根轟雷頓破處承當猶縈我執直須向威音未名父母未生以前定當則咳唾掉臂一語一默皆是向上全提處處是獅子踞地截斷衆流于萬峰空裏去來金剛山中出沒鳥語溪花裏雲生怪石邊到恁麼地何等快活何等自在又何必在者裏起模做樣告香入宰膠膠擾擾者哉其或不然只得與你箇沒底蓋底實法有出脫底話頭拈起竹篋子云喚著竹篋則觸不喚著竹篋則

支那

三峯和尚語錄卷第五

二

背不得有語不得無語如將泥團塞却七竅氣急不過自然憤之又憤疑之又疑疑得切悶得淡于穿衣喫飯處迎賓待客處屢矢送尿搬柴運米處或堂裏或堂外或出或入目前山河大地明暗色空若本性若妙心總是箇背觸不得到者裏若稍涉遲回恐落冷窟直須拌命再添一憤如太山崩虛空碎得箇前後際斷此處若不透祖家語脈便坐死處于言句上便求不得還須于言句上起叅卽如僧問雲門如何是塵塵三昧他若來得便道飛底飛走底走若問如何是雲門一句他便道滿口吐金遍地成鐵若問如

何是法身他便道就地輓若再問如何是塵塵三昧一句底法身他便劈脊一棒縱使三世諸佛亦須退身三舍歷代祖師出頭無分雖然如是若有舉著臨濟雲門堂奧中事一點不通滿目生死微細無明一齊頓發更須向師承邊溫研積稔磨光刮垢透盡七零八碎直到恁麼田地正是行到水窮處坐看雲起時方與威音未名父母未生以前一段大事相應始不負今日告香以竹篋擊案一下云直須與麼始得珍重

小叅真修行人須具一箇信字然此信字本一分際

支那

三峯和尚語錄卷第五

三

有三一者遙信二者證信三者了信所謂遙信者未能親見此事先須信得自己直下本來是佛只是聖凡情理所障動輒落在意根下東緣西緣狂心難歇直須討箇歇處纔信得有歇處便肯撒下六塵捨將三毒求箇明師指點廣叅博問看箇有疑情話頭務祈一觸一磕打破髑髏中間便從信字上先立大志任他千岐萬惑終不搖動一直到底魔來佛來總不干些子事既已立志便能鼓發浩氣其氣憤憤勃勃蓋天蓋地不可屈撓以志率氣以氣成志志氣堅凝打成一片如純鋼渾鐵一般把一箇話頭疑處通身

一迸千飛萬碎那時見得自己下落方謂之證信既證之後不疑生不疑死不疑佛祖不疑古今不疑自他不疑叅究方信得前來信字也不消得到此方謂之了信可見不發遙信無有證信不發證信不得了信三者一貫到底有等見人叅禪便道佛法全在教裏何須更走者死煞一路窮盡教義自然明却自心直下是佛便了此便是依通狐伎不發遙信者也又有雖然只在教裏發明然亦不妨坐叅一上看他有什么長處此是無遙信而隨人信處鑿壁偷光者也如此等人必不抵死拌命定無證信之理又有果然大

支那

三峰和尚語錄卷第五

四

勇大猛已得入處但道一了百了直是快活何須更有師承絡索縱然理得線索料道不過爲接人門庭多有方便耳在自己分上想無加損若然者我又何苦大費周折耶却不知一了之中止可入佛不能入魔常時空淨則相應若到千態萬狀七顛八倒用心用識處便無受用所謂涅槃心易得差別智難明無量無量塵沙無明細惑不會動著一絲毫此因遙信不淡得少爲足未能了信者也又有證信之後信有了信信有師承于師承邊連得少許窺得門戶依稀不到轉一轉田地人忘法未忘離師太蚤出頭

得快動輒在法見上四相紛然自覺得相應于相應處過日此其了信不了致成彌天過咎非遇大手眼人不能爲其抽釘拔楔也過此關方真是了信大眾若未信者于此遙信便猛叅箇竹篋子話去若已叅者便拌命求箇懸崖撒手直到證信去若已證信者務須求箇了信去大眾不妨因今日山僧苦苦勸信便卽信取以拄杖頓地便休

支那

三峰和尚語錄卷第五

五

迦而下逮于六祖三十四傳之偈其禪原無許多事若向馬祖之下輒作禪語則惡俗不可當矣余聞之憮然而返復叅一尊宿問及臨濟宗旨宿曰我不用臨濟禪我今盡欲翻掉他窟子從六祖而上直遡釋迦老漢紹其法脈耳若接臨濟源流便有賓主等法若有賓主等法便有生死矣余復爲之憮然復叅一二老宿皆貶三玄三要爲謾人語無如是事及考邇來諸尊宿語錄雖不多見然于五家宗旨槩無喫緊語未嘗不置卷長歎也竊謂五宗原非後人自立以羅籠人者乃從達磨所傳七佛諸祖之偈中拈出以

定綱宗者耳今試以釋迦一偈言之可見其槩偈曰
法本法無法無法法亦法今付無法時法何曾法
會麼者便是金剛圈栗棘蓬也柰何以意度通之曰
法之本法原無法也正以無法而爲法耳今付無法
之時則法而法者何曾法哉此不過以無爲宗邪人
說正法正法亦皆邪此輩名爲可憐憫者遂以菩提
爲本無樹狗子爲無佛性種種邪解不可枚舉而不
知偈意則不然看他說箇法本法無法無法法亦法
今付無法時法何曾法何等直截痛快正是五家
宗旨之鼻祖也試以臨濟之法逆而印之法本法無

法

三峯和尚語錄卷第五

六

法無法法亦法今付無法時法何曾法法本法無
法第一句也無法法亦法第二句也法法何曾法第
三句也法本法無法無法法亦法今付無法時法
何曾法第一句也四句一齊拋出盡其神力柰何不
得第二句也黏頭綴尾雙轉四面向上一路千聖不
傳第三句也此其爲三句也三要不必言矣四句齊
行金剛王也全威獨露踞地師子也以此驗人探竿
影艸也究竟則一喝不作一喝用也此四喝之謂也
向你道了不向你道全偈忽來逐句點出此四料簡
也會此偈否偈會也未盡情現前東說西舉此四照

用也全偈會得一句分賓主也同生同死同喝之賓
主也座中見解賓中賓也見不徹了賓中主也與你
細解你不得宗主中賓也大家面面相許主中主也
此四賓主也臨濟宗旨大略具矣法本法無法偏中
正也無法法亦法正中偏也無法者果無法乎正中
來也法本法無法無法法亦法兼中至也全偈無可
若何兼中到也此五位君臣也而五位王子亦具焉
此曹洞宗旨也法本法無法無法法亦法今付無法
時法法何曾法此函蓋乾坤也全偈則截斷衆流也
如此說法則隨波逐浪也四句乃一字關也此雲門

法

三峯和尚語錄卷第五

七

宗旨也以拄杖于空中作圓相乃云法本法無法無
法法亦法今付無法時法何曾法此爲仰宗旨也
四句全舉總相也法之與無別相也法與無兼同相
也無與法判異相也首尾輪轉成相也各各不到壞
相也此六相義而法眼宗旨具也此所謂五宗攝於
一偈而四七二三之祖莫不了了於此者也至于馬
祖之時人多情謂每墮文字故大權方便有鐘樓上
念讚牀脚下種菜等語後人溟滓其句便以爲惡俗
而不欲參之願向無邊著落以爲極則故以五宗爲
異說而欲翻掉其根謬之謬矣宗門家謂智過于師

方堪傳道智與師齊滅師半德今且不能智與師齊而欲埽盡師承之正法豎起自己之顛頂以欺後世之豪傑豈不深可痛哉是以不惜口業略爲指示以定綱宗向後倘有真人再興救得此弊雖萬死足爲諸佛報恩也卽今有信者疑者麼出來趁蚤辯取良久云諸上座彼之所謂無五家宗旨既不是我今所謂有五家宗旨也不是有亦不是無亦不是你作麼生會僧問有宗旨又不是無宗旨又不是畢竟如何師便打僧云此有宗旨也師云何不道來僧云請和尚道師又打又僧問如何是臨濟宗師云好與一棒

支那
撰述

三峰和尚語錄卷第五

八

如何是曹洞宗師云盡力說不到如何是雲門宗師云噫如何是潯仰宗師云汝只好在者圈子裏如何是法眼宗師云向汝道了也僧禮拜師下座

安隱寺小叅師豎一指云大眾會麼若向者裏會得則心不生滅心不生滅則上至佛祖下至含靈一切世間山河大地明暗色空一槌粉碎安復有我人衆生壽者等相到者裏直得一道平等復豎指云會麼舉西天三祖商那和修尊者已付法于四祖優波毼多尊者卽隱于罽賓國南象白山中後于三昧中見毼多徒衆有五百比丘其心尚有生滅于法懈怠互

和我慢乃往彼正之毼多見師至頂禮次尊者以右手手指卽有香乳自空而注問毼多曰汝識之乎毼多不測遂入三昧觀察亦不能察乃請曰是果何三昧耶尊者曰是謂龍奮迅三昧如是五百三昧汝皆未知之復曰如來三昧辟支佛不識辟支佛三昧阿羅漢不識吾師阿難三昧而我不識今我三昧汝豈識乎是三昧者心不生滅住大慈力遞相恭敬其至此者乃可識之于是毼多弟子皆伏而悔謝尊者復爲說偈曰通達非彼此至聖無長短汝除輕慢意疾得阿羅漢五百比丘聞偈已依教奉行皆獲無漏師

支那
撰述

三峰和尚語錄卷第五

九

云此西天祖師公案最爲微密當細細參味須知古人向者一指上悟去則心不生滅于不生滅中久久則不思議境自然出多三昧故前人三昧後人未知近世悟明心地者不向一指頭上入不生滅尚見有我于法懈怠不相恭敬蓋爲雖悟一指頭禪卽便走出不在裏許過日原與入處不得相應三玄三要也不相應連前所得一切廢却復豎指云大眾會麼須向者裏心不生滅住大慈力遞相恭敬始得下座小叅禪須妙悟豈有逐日長進底禪何爲妙悟禪從心識不到處忽地悟來透頂透底謂之妙悟若要妙

悟須把箇竹篋子話頭兩頭揆定馬祖所謂無門爲法門高峰所謂祖師關如此透頂透底方得一概且道既是透頂透底如何又喚做一概須知後來更有師承邊事在我今與你註解明白譬如要到長安忽地竟到此是妙悟雖到長安途路中事都不覺知與未識路者無別動輒有疑後來如何向人指示其間曲折深淺到與不到所以倒縮轉來詳盡路情務令決擇真偽不使躲根正如善財初參文殊文殊作象王回顧勢善財便得頓悟然只曉得此事便處處用他也有處用得是也有處用得不是只爲透脫不盡

藏通記

三峯和尚語錄卷第五

十一

無明處處蓋覆文殊知其師法未盡指叅妙峰見德雲比丘七日尋覓不見後至別山忽得相見便乃大悟後又有五十餘叅中間種種差別法門若不得盡師承邊事定然心驚膽戰如何度得人然而前邊若不實于文殊處得箇頓悟而竟入師法則如學算沙者祇是箇算師弟子學字韻者祇是箇切字先生有何用處所以古人道沒有逐日長進底禪如今做工夫要得妙悟須得妙悟底法譬如兩扇門關了不得踰牆挖壁定要一槌打破直透殿後堂與中事一總不知不妨再細細巡視一遍你若一層一層偷開門

路窺視家私則不得痛快不但死來用不著卽今未死遇境觸緣先喫許多生受所以我者裏無逐日長進底禪如今最要緊者在做工夫做工夫之說極多如猫捕鼠最喻得好古人曰子見猫捕鼠乎目睛不瞬四足按地諸根順向首尾一直挺無不中若是如雞伏卵喻卽有弊只爲他把者一句話頭綿密抱定止得十寒一暴未易觸發直須如猫捕鼠直下見鼠打箇筋斗不容走作始得

藏通記

三峯和尚語錄卷第五

十二

但能相續名主中主兩家主中主之語各異請問其義師豎竹篋云會麼答云會得放下竹篋云會麼答云會得師云者便是太平寰宇復以竹篋打一下云者裏便須斬却何故聲不許夜行剛把火直須當道與人看此臨濟主中主也又豎起竹篋云此是侍者放下竹篋云此是閤黎若老僧總不在者裏者裏相續便是曹洞主中主也却是再相續不來底直須相續不得處相續始得良以曹洞重操履須要操履到相續不得處然在中無根而綿密臨濟却不在操履直從頂顙徑過不落體上消停而來最初便提脫根

帶于機先無一毫影響與你蹲坐直于太平無事處冷灰豆爍如雷如霆不爲綿密所困所以妙極出于曹洞之上但是後來子孫只貴作用火氣尚存無法坐法翻不如曹洞操履實到爲病耳若果從機先提脫則操履不必言而操履出于曹洞萬萬矣真正臨濟兒孫畢竟與麼始得珍重

茶話馮白季居士請以易說法師云未下一畫以前蚤與諸人道破了也纔下一畫便有許多事有賓有主有君有臣有父有子若會得者一畫則賓賓主主君君臣臣父父子子大家聚頭喫茶有什吉凶悔吝

三峰和尚語錄卷第五

三峰和尚語錄卷第五

三

其或不然上一畫不是下一畫下一畫不是上一畫上三畫不是下三畫下三畫不是上三畫陰陽交錯形位森然吉凶悔吝見矣雖然如是須向古廟裏藏身始得只是中間者一爻不與你說破居士禮拜起師云八八六十四卦有間又云有一畫卽有三畫有一畫卽有六畫下中畫爲賓中主上中畫爲主中主只爲從主出格故爲獨坐無尊卑三爲下之上六爲上之上只因亢極危極故不可居若善抽爻換象者知得機先卽抽去一爻仍居上中之位僧出作禮師便起身

聖恩禪寺小叅做工夫不得修行斷習作二乘人見解縱使習斷不得成佛作祖只在下手處錯盡兩頭知見善惡心行善惡事相隨衆過日如牛耕田拽磨一味努力向前別無他顧自然習心輕了及至悟了便得相應謂之大修行人

晚叅生死在有心無心處輪迴在見凡見聖處出生死在翻轉面皮處看話頭在下手不得處工夫在叅不得處精進在憤然忿然處前後際斷在突然打失處開悟在倒轉杓柄處履踐在下脚不得處相應在忘法處良久云切急捷忽打失便拈出屈向者裏會

三峰和尚語錄卷第五

三峰和尚語錄卷第五

三

始得相應卽不問翻轉拈出一句作麼生道卓拄杖一下云松虛日漏竹密風來

小叅公案中竝無奇特玄妙只要斷盡根本無明微細無明不用將心性及作用知見去悟他如銷金鑪越銷越淨若是不識公案只悟得箇一了百了大是禍事

小叅竊悟一句一棒便無一法當情然此一棒正是實法繫人直須入三玄以銷盡出三要以了盡始得當知玄非奇玄之玄法乃無法之法

小叅斷人命根了人知見全在臨濟賓主句中若不

識賓主句定不能到主。主田地所云悟者皆是生死。

小叅馬祖而下尊宿之禪如乾卦石頭而下尊宿之禪如坤卦馬祖下四宗以正而剛奇其後句而捷其變化如龍如牡馬如天行之健此法中之乾元也石頭下一宗以迴互尚操履虛其父祖而馴其任載如牛如牝馬如地德之順此法中之坤元也雖然末後句正是操履不到處迴互處正是變化無象處乾坤道合未嘗欠少也。

華藏寺法雲老宿請小叅吾鄉自宋及今五百年間

三峯和尚語錄卷第五

丙

宗師之傑出者惟圓照本一人而已生于梁溪後出世姑蘇之瑞光其外來說法于華藏者惟密菴傑塗毒策演菴遁三人而密菴尤稱英特爲臨濟嫡骨之子其于本寺上堂卓拄杖一下曰迷時祇迷者箇復卓一下曰悟時祇悟者箇迷悟兩忘糞埽堆頭重添搥搔莫有向東涌西沒全機獨脫處道得一句底麼若道不得華藏自道去也擲拄杖曰三十年後老僧偶簡燈錄至此喜而拈曰未在未在直須悟始得頌曰翻成誰道還丹就蛻去懸知未是仙三醉岳陽過湖去一聲長嘯水雲天還有人會得者麼若無老僧

爲汝翻騰一上卓拄杖一下曰迷時祇迷者箇曉烟籠罩鉢盂峰又卓一下曰悟時祇悟者箇一點青浮湖水面迷悟兩忘糞埽堆頭重添搥搔三山半落青天外莫有向東涌西沒處道得一句者麼便喝若道不得華藏自道去也擲拄杖曰三十年後今晚恰直錦樹散期未在未在直須悟始得也是火上澆油翻成誰道還丹就桃花能紅李能白蛻去懸知未是仙曉溪流出碧桃花三醉岳陽過湖去者一句畱與諸仁自道始得僧出問迷悟卽不問如何是者箇師云望湖亭下水鷗閑進云恁麼則東涌西沒也師云踏

三峯和尚語錄卷第五

三峯和尚語錄卷第五

圭

水飛時浪作梯僧禮拜師便打端陽日眞淨菴主求示一語三昧愛語三昧正語三昧舉古德曰此事如端陽日瓶中滿盛蜈蚣蛇蝎蠍蟻一切雜毒汝等諸人還下得手麼師云大衆且道此是箇什麼說話指示箇什麼道理有會得者出來道看良久云一語者世出世間亘古亘今直至未來一切語言音聲出不得者語故謂之一語三昧此乃世尊觀星時見得底頓超生死涅槃更無他事卽今之一棒一喝一轉語是也雖然若不解愛語三昧祇成得箇天然外道謂之顛預佛性籠飼眞如只好一

生坐在青雲之外不來人間作無師承漢佛不印證度不得人須通得愛語三昧始與衆生氣分相接有爲人處若通得此語前邊顛預儻侗一時鍛盡此一句中具三玄要四料簡照用賓主等法是也若以此示人人人可入得者三昧箇箇了得此精淡處及盡聖凡情量如佛三七思惟重新打開舌頭上十字關不作圖圖說話十方佛現爲之印證至于作家相見與漳州人在長安市上打鄉談相似將家中枕子上語曲曲折折都明白說盡千人萬人不聞些子自亦不曾傷鋒犯手故謂之愛語三昧今人纔見問著便

支那
語述

三峰和尚語錄卷第五

六

打箇踴跳胡言漢語道是不上他機境莫落他圈續又道一棒打汝出血此等皆是不正之語會得底人因一語上鍛鍊既精出言無處不正故謂之正語三昧此三種語出于梵網經上卷世尊未降生時蚤已有此法子故七佛歷祖皆有傳法偈以法載心若無法則祖心無從傳付所以悟道更須知法珍重小叅舉永嘉大師云大丈夫秉慧劍般若鋒今金剛鏃不但空摧外道心蚤曾落却天魔膽汝等一向聞得此語無不人人嚮慕只是不得箇欄柄無從下手老僧今爲汝等指出欄柄人人得大作用超脫生死

去如何是大丈夫撐天拄地如何是秉慧劍喝一喝云二月梅花滿谷香如何是般若鋒且道者一喝意旨如何如何是金剛鏃三世諸佛歷代祖師不敢側眼覷著覷著則燎却眉毛不但空摧外道心蚤曾落却天魔膽喝一喝良久云若人會得者一喝則著著了在機先頭頭不落齒縫單提一劍快活過日諸人還會麼又喝一喝

支那
語述

三峰和尚語錄卷第五

七

斷省得拖尾叅

小叅人人有一雙眼開之則雙青合之則兩黑唯有觀音大士額上豎迸一隻不在兩眼雙青雙白處而又不妨從兩眼青白所以塵之刹之莫不皆是燦迦羅眼人人有兩隻手或合掌或開掌而菩薩手雙結雙開所以通身迸出千手不在兩手開開合合處而又不妨從兩手開合所以塵之刹之莫不皆是母陀羅手然而手眼或慈或威或定或慧刀之斧之弓之箭之或以甘露或以善言或以聲音或以色相隨波逐浪截流而行莫不處處以函蓋相應俱是普門大

作大用不出手眼而手眼自在也諸人要會大士千手眼麼須入三玄三要賓主互換始得

小叅一向無心眼對萬法不辯是非有無抹煞若人問著單刀直入不用舌頭虛空已說八面無門一槌迸血良久云屈

小叅不問時本來無事纔問著萬馬搖旗還有出得重圍者麼喝一喝云前溪淡夜櫓聲高

小叅此事如空中鳥跡雲裏電光無你著眼處無你下手處古人云狗舐熱油鑊欲取取不得欲捨捨不得直須踏碎熬盤趯翻破窰翻身大轉呵呵大笑良久

三峯和尚語錄卷第五

三峯和尚語錄卷第五

久

久喝一喝云高提三尺曉霜清歷歷青蛇出匣鳴突騎當關輕一喚竚看四海盡昇平

小叅西來大意各宜瞥地只在目前何曾虛棄會者直下承當不會更莫打算

小叅化臭腐爲新奇攪長河爲酥酪挽目前于腦後破生死作津梁皆因對壘縱擒臨機轉變祖師一句拋出當陽有是有不是譬如冰炭同途玉石共器會得者揀鐵獲金不會者拈冰是水昨日有一僧來叅聖恩問他如何是西來意僧指庭前曰柏樹子老僧回問行者行者亦云柏樹子問處未殊答處不異若

道是同泥裏有刺若道是別如何簡點卽今衆中還有會得者麼會則奮翮衝霄不會則泥途沒溺

小叅逼塞虛空不消老僧一楔大地人起當陽一杓惡水于斯明得竹密春生笋于斯不明湖淡夜沒天良久以拄杖畫一畫卓三下

吳門李子木徐九一楊維斗諸護法請就準提菴陞座吾人一向流浪生死不得出離不得自在不得受用不得作用不能卽爲佛卽爲菩薩卽爲大聖人卽廣度衆生者只爲無一時一刻不是心意識用事耳一涉心意識則有生死之畏諸患生焉惟我西方大

三峯和尚語錄卷第五

三峯和尚語錄卷第五

久

聖人出世將一切衆生心意識一時翻轉亦全將他用事而頓出生死不特出生死且不待修證而立地成佛成菩薩爲大聖人且道有何法亟能如此蓋能直將衆生墮生死處與他坐斷生死爲大作用便能若此之快便也凡夫流浪生死者見庭前柏子則言柏樹子見矢橛便言乾矢橛此非著有之生死心意識乎又有弄巧說道理者見柏子矢橛皆言是空豈非著無之心意識乎或者空有翻弄而矯亂或者空有皆非而墮空如此等見當前正是心意識用事墮一種見便害無量事故稱外道其屬有九十六種皆

知見也若要坐斷生死知見直須明取祖師家言句如僧問如何是西來意道箇庭前柏樹子如何是佛道箇乾矢橛向者裏薦得何等痛快自然具多手眼得大作用顯中有密密中有顯顯密合一如走盤珠故圓顯密相兼直示大道故通所謂是大神呪是大明呪是無上呪是無等等呪能除一切苦真實不虛此東土所授稱為禪者也西方大聖人則名之曰呪名之曰眞言如西方以水名蘇嚧巴此生死心意識之見而計名著相者也以之爲呪者則曰唵蘇嚧莎訶初無唵莎字爲之函蓋則墮生死見解今以二字

文那
想述

三峰和尚語錄卷第五

于

夾之便成呪語心意識不可到而一切作用靡不成就矣前之問如何是西來意言柏樹子問如何是佛言乾矢橛雲門家有三句律之以定宗旨曰函蓋乾坤句截斷衆流句隨波逐浪句以其函之蓋之乾坤固密便能截斷生死之流不妨隨波不沉逐浪不汨今之一句呪語云唵折隸主隸準提莎訶豈不函蓋乾坤如此一句豈不截斷生死凡有所求也則曰唵折隸主隸準提所求某事莎訶豈非隨波逐浪之句乎所以一大藏中祕密之法頗多而顯密圓通則單示準提一法爲則若已悟者得之則如龍得水似虎

靠山若未悟者得之便能于不思議境界先具佛祖菩薩大作大用聖人治世大經大濟是故南國後傑纔力咿唔咕啞已先頂禮準提大菩薩晨昏持呪若干遍而諸護法莫不見光見華見諸祥瑞而中高科登翰苑者有先大居士滙菴楊公建準提菴于桃花塢之溪處茲諸大居士廻其武復建閣鳩材集諸上善今日同會法筵請山僧拈出準提大法告衆同聞俾廣弘不息夫心意識之生死起于何處在身口意之三業耳卽今超脫生死亦在身口意三業首先以身業示大法象者如昔仰山跌坐于堂忽有梵僧飛

文那
想述

三峰和尚語錄卷第五

王

空從西天來探宗旨梵僧從東過西仰放下一足梵僧從西過東仰又放下一足梵僧從中而立仰收兩足跏趺坐梵僧作禮飛去此金剛正坐之宗旨也大凡固密之示每每握金剛拳此偏單固密堅重也至于兩手下四指交而上六指藏密表大道不言之象顯然密見矣此根本智也于此根本智中流出十六手以逐面表其差別智以爲大用夫中間正印說法印也如符如璽號令之所必行作法無不成就之密文也二手相交不音不言所說何法若干十六手上見得則熾然說無間歇如雷如風廣談不盡蓋衆生

有心意識見生見死豈得不畏今于中間印上了得則心意識頓斷故有施無畏手以表顯之衆生心識紛飛葛藤繫絆永無出期今于中印之上提起金剛王劔將生死心一截頓斷便得閑落落過日故有寶劔手以表顯之衆生卑陋餒弱氣不能勝于中印上示大光明幢卓立天表永無屈墜故有寶幢王手以表顯之于中印上便能如清淨妙蓮華王盈盈出水而因花之中早圓妙果立地成佛故有因花手佛果手以表顯之于義中出無量義于無量義復歸一義如華嚴一經從一至于不可說不可說轉又不

支那
攝述一

三峯和尚語錄卷第五

三

可說轉于此方則有河洛等數爲大作用故有數珠手以表顯之強項之奔逸也鉤之入法心識之流散也索之令一故有鉤索手以表顯之衆生頑疲牢不可破當斬關奪門以見大道故有寶鉞手以表顯之邪魔外道勢力強大非發大忿怒以震懾之不可故有跋折羅杵手以摧折之所說法如輪無端法法無礙不墮折軸故示寶輪手以流轉之衆生自心覺垢不能清淨菩薩以一呪一印一觀坐斷穢塵二門從中突出靡不蕩然清淨故有澡罐手以表顯之衆生苦惱煎炙如鐵牀之不可離也菩薩則以甘露灌之

沃之使如魚得水而快活淵躍故有淨瓶手以表顯之說法有二種一者無文字無言意說謂之呪謂之眞言謂之祖師句令人于音聲輪透悟故有寶螺手以表顯之衆生以意識求佛法若驟以螺法與之則如蠡測海萬不得已亦以言句文字開導之故有貝葉手以表顯之中手之印法妙如此求其自在莊嚴靡不圓滿殊勝所以求官者加之以黼黻榮之以簪纓爲僧者七寶莊嚴高座殊麗凡有所求靡不如意故有寶纓手以表顯之此中一印略開則十六面若細細表顯則千手萬手無窮無盡窮劫亦說不盡者

支那
攝述一

三峯和尚語錄卷第五

三

然此印中不待著眼而千手具眼照天照地毫髮不爽而此眼者非凡眼非聖眼故面上有雙開之明眼雙合之暗眼于開合外更有面門豎亞一眼卽明卽暗非明非暗而不可測識之中更不可測識矣一身各具四面以示四法合一每面各具三面以見三法變化略而示之則曰準提擴而充之則爲千手千眼大悲菩薩凡夫纔坐結印便具若許大用現前此身業之清淨也口業清淨者今人說顯則不談密說密便禁表顯殊不知顯處不密是生死語密處不顯是死句卽藏中九聖字皆有逐字解註及乎成呪便截

斷生死不可解大凡一箇唵字便如通身金鎧不可破壞一箇莎訶字便與唵字比爲函蓋中間雖卽無量講說亦是呪語中事如云唵折隸主隸準提所求何事莎訶是也故于淨法界也曰唵嚩嚩嚩莎訶于護身也曰唵嚩嚩莎訶有莎訶字者有呬字者故六字大明眞言則呬字矣于準提也則曰唵折隸主隸準提莎訶于華嚴大法界也則曰唵嚩嚩莎訶而準提九聖字中具有前說法印中之十六義三目四面等法無不皆然茲不重演此口業之清淨也意業清淨者心如輕雲徐徐過虛在山在石在樹在花不動

支那

三峰和尚語錄卷第五

五

絲毫態度而雲自在不壞故運心作觀者切莫畏其散亂沉酣但歷歷分明于字種上抹去徐徐圓滿直觀到底所謂水流心不競雲在意俱遲是也切勿疑注亂思以招餘祟首以身心既淨便于頂門高處書出嚩與字光明燦爛變成三角火輪首將身燒盡世界燒盡心于四遍亦燒盡霍然一空而不坐于空其空變作大月輪相卽相非相而不有空有相假直入中道故月輪中出一阿列字從中生起隱隱隆隆爲五音之種萬物從此化現于阿字中變現嚩嚩字之大法界法界之中起呬字而世間出世間法逐

一拈出每一法上加一唵字皆令究竟堅固然後自身成佛自身準提自手作用通身承當現大人相凡應機皆用手中四事曰慈曰威曰定曰慧之力如禦侮者用金剛劒鉤來索縛杵摧等是也此意業之清淨也已上三業既淨佛道早成大用現前經濟畢備施于日用行事之間處處合轍謂之與呪觀相應所謂見羣龍无首吉也此禪師家眞得大徹大悟操此大法掀天作用于生死門頭橫出直入單單只用一句柏樹子乾矢橛便生時如浮雲死時如月落救度衆生如觀抹去無事不辦謂之禪謂之呪皆以顯

支那

三峰和尚語錄卷第五

五

密圓通用之非別有什神通三昧奇特玄妙等怪事也茲因諸護法謬以山僧曾于祕密中有箇入頭處令陞此座義不獲辭竟以一絡索披露諸仁者前所願各各現大人相興禪隆呪普救天下蒼生咸獲法利于十六手中不亦幸之幸乎且道衆禪是持呪是乃喝一喝云唵折隸主隸準提莎訶下座

三峰藏和尚語錄卷第五

終

三峯藏和尚語錄卷第六

吳虎丘山雲巖寺嗣法門人弘儲編

廣錄

德慶禪衆請普說舉拂子云大衆會麼良久云此事自從拈花之後西天四七東土二三祖祖傳來直至臨濟老和尚向沒縫罅處盡情剖出以定綱宗千古萬古一印印定一毫移他不得只是急切難於嗣續須是得他師承邊事始得不見濟一日陞座曰汝等總學我喝我今問汝有一人從東堂出一人從西堂出兩人齊喝一聲者裏分得賓主麼汝且作麼生分

支那

三峯和尚語錄卷第六

一

若分不得已後不得學老僧喝次日濟上堂兩堂首座相見同時下喝僧問濟還有賓主也無濟曰賓主歷然復召衆曰要會臨濟賓主句問取堂中二首座大衆二首座同聲下喝且道那箇是賓那箇是主總分不得爲塗毒鼓聲耶總分得爲賓主歷然耶若總是毒鼓又歷然箇什麼若是歷然又道什麼毒鼓豎拂子云還會也無若道靈山拈花既已了却何須臨濟說箇分賓分主若臨濟說賓主須分爲什靈山拈花便了諸人試定當看若于此會得方知是句不見濟曰若第一句薦得堪與祖佛爲師若第二句薦得

堪與人天爲師若第三句薦得自救不了且道如何是三句若無人道山僧自道去也如何是第一句豎起拂子如何是第二句是拂子不是拂子如何是第三句放下拂子乃云若人識得三句則世出世間諸句無不收盡欲透三句必須會取三玄三要不然不過儻侗眞如顛預佛性而已今人一悟便了遂言臨濟只求得不受惑底人若是說玄說要便是受惑底人了也雖然透過大法底人方好掃除大法若是不透大法臨濟立地處敢保未夢見在不見濟曰一句中具三玄門一玄中具三要且道如何是第一玄復

支那

三峯和尚語錄卷第六

二

豎起拂子如何是第二玄三世諸佛向者裏絕胡種族如何是第三玄兩堂首座各出一隻手打入大洋海底至今無出頭分且道如何是三要底旨趣第一要電光作路第二要縛取虛空作寶劍第三要自己在劒刃裏穿衣喫飯作用過日又汾陽頌曰三玄三要事難分得意忘言道易親一句明明該萬象重陽九日菊花新復拈拂子云若于此見得便見臨濟一喝道理便識世尊拈花道理大衆何不宛取看又良久云自汾陽而下四傳而至雲菴雲菴傳之覺範老人覺範無傳而著臨濟宗旨以待後人迄今五百餘

載雖虎丘徑山諸家相傳未泯然自楚石無念而下
二百年來宗旨傳而不訛訛誤不少于三玄三要各
有長短竝無的據山僧十五出家十九剃髮心中耿耿
若有所失二十九歲見高峰語錄讀之隱隱如獲
故物八年之內費盡心力喫盡辛苦居海虞之三峰
虛簷罽壁草屋蘿牆牀下水流庭前草沒麥粳豆滓
掬水補衣單單看箇萬法歸一一歸何處脅不至席
無奈昏沉籠罩集諸隨侍夜懸巨板于座側分香擊
板佛聲徹夜不停憶得初出家時自期到四十歲決
然悟道至是年近四十愈參愈難轉捉轉遠思之慚

三峰和尚語錄

卷第六

三

懼因入死關方纔推上關門欲上蒲團無奈一時眩
暈吐痰斗許只得放身一睡雖則隨時喫茶喫飯亦
不知人事喫過只是齣齣打睡一睡五日如在海螺
螭裏盡情耍撞出來相似至第五日已間泯然睡熟
忽聞隔窻二僧夾籬攀折大竹如迅雷一震直見虛
空粉碎大地平沉人法俱消真無立處開眼轉來晴
日在窻竹影滿地那時要理會一法了不可得要覓
自己身徧覓無有蘇蘇湛湛如有氣死人初生孩子
至夜聞兩堂課誦覺得身徧虛空其聲都在虛空中
歷歷落落端坐一夜輕安如彈指頃自己道此是前

後際斷境界必須求悟始得盡力尋覓忽于胸中撞
出永嘉證道歌從頭至尾看一遍了然符契自覺安
樂又念道萬法歸一一歸何處他答箇青州布衫重
七斤忽然悟得祖師言句凡柏樹子乾矢橛等一一
皆了方纔放心又思高峰爲何悟得之後又看正睡
著時無夢無想無見無聞主在什麼處因此又重新
參起至夜間經行擡頭見月會得枕子落地消息從
此半年之內受用快活只在古人門庭下竭力參究
看箇三玄三要及汾陽偈子翻覆究之忽然入得臨
濟堂奧復參德山托鉢公案苦究二年雖無所加自

三峰和尚語錄

卷第六

四

覺受用非昔後赴太倉慧壽之請自念雖得些子不
如古人要求要去入火入水任運無礙因此看箇大
徹底人本脫生死因什命根不斷經二十日心不異
緣作偈曰一口棺材三隻釘聲聲斧子送平生自從
難露悲歌斷贏得朝朝墓柏青嗣後再看三玄三要
會得兩堂首座同喝意旨及披覺範所著臨濟宗旨
宛然符契如對面親賢五百年間不分延促可見參
禪不可領得些子乾淨禪便爲了當又不可入些子
堂奧不更參求有志之士直須到底始得山僧只爲
近代禪風一悟便了但得些子便爾縱橫作用不求

向上墮在有證有悟處萬不得已將平生醜拙一朝對衆供通若有問話者便請當陽拈出良久下座
普說山僧當初工夫枉屈只爲不會覓得人著所聞所見無非牽經合理以見聞覺知爲本性以不起念爲宗旨以死坐爲安禪以念佛爲參究離止合觀種種不同禪宗絕響幸得雲棲大師出世雖以念佛收盡法中英傑其實叅究一著是渠本旨故晚年於淨土戒律之外特提起此事乃刻禪關策進雪巖高峰語錄遙續祖燈山僧不知宿生那裏曾沾些子氣味揭著高峰本子瞭然如昨日背誦叅究明白底一

支那

三峯和尚語錄卷第六

五

般身心歡喜踊躍無量自念前來按尋楞嚴圓覺諸經俱有會處習天台止觀亦有得力處後修耳根圓通亦于音聲中了得身心如幻處處于世間與流雲過虛活水下石相似自謂輕安及見語錄始知與此法了不相契得此法門定是到家禰柄也爲此把前來解會一例不肖遂爾疑情結住先于靜處做工夫覺得昏悶不過因有怡山居士勸我念佛乃作六時課誦課隙看話頭率以爲常聞有達觀大師是宗門中人及至腰包往叩師已遷化因禮龕于雙徑遂過白雲山見函虛老人時虛公移單弁山圓正寺因下

白雲抵圓正政值虛公閉不語死關悵然而退聞霞霧山有無欲老人是畱心此道者乃策杖入山又值無欲遷化人言有箇慧禪是老硬禪客及乎見他亦無什說話回身向湖州訪問人道車溪有無幻老人遂搭便船往車溪舟中逢僧問著僧皆大笑呼爲張外道因此不覺睡著及乎醒來舟子已到吳江了也原來真正禪師世間人識他不出定然生謗直須親見始得回首車溪隔半日程自覺意興頗闌日色又亢不如且回本處再來無妨自歸菴中自謂行徧東浙不見有人以此類推諸方此道亦是寥寥不若就

支那

三峯和尚語錄卷第六

六

菴結關自鞭自逼乃于關中逐七進功撤去牀凳單單行走屋中掛一條匾擔若到昏悶之極就于匾擔上高展懸空而睡纔跌下來便行如此自煉煉得無昏無曉話頭轉難用力至滿百日遂脫身走到三峰愛其閑靜乃暫居之或努力于搬石磊牆之際或發狠于操鋤種地之間徹夜坐一蒲團脊梁節節相拄終日併成一句心頭滾滾騰騰疑日夜一般靜鬧無間只是昏沉作孽困頓不清努力盡情敵他不過其時政不知日夜不倒身翻爲叅禪之障自念我從十五出家便有志求開悟四十歲時必然悟道至此年近

四十轉見茫然無際乃安心入關只帶五寸濶一片板除是病發以此爲牀若身子強健便不消得發志已圓那知一入關來便痰病大作昏然睡倒五日夜如在甕中求出相似正氣悶間聞折竹聲打翻窠臼始知從前做工夫拘直作屈所以十餘年空費身心喫盡苦惱山僧今日勸諸兄弟但要下手做工夫時先須將胸中一切倒正是非魔佛等事一齊放過目前耳裏順逆善惡都總不知空淨其心不停一物不可坐禪不可閑靜或入槽廠或作諸務隨人起止信手施爲喫飯穿衣不立主宰單單求一箇真正臨濟

支那
撰述

三峰和尚語錄卷第六

七

家宗師作箇主腦話頭亦須簡別緊峭者如雲門推折足道秦時鑽及祕魔叉三頓棒竹篋子青州衫之類先令目前萬法一例喚他名字不得背他名字不得喚本性不得但是兩頭話一總不得千不得萬不得自然話頭輾成一塊今日問話也被痛打明日問話也被痛罵或推出或扭住或道是什麼或道乾矢橛麻三斤之類師家作用千奇萬怪只是要箇揚眉吐氣了不可得久久參請忽然一日一刹那間徹底觸翻了無遺剩慶快平生佗若向舌頭邊討滋味意思上沾唾沫又遇著沒眼宗師好將實法與人演些

教理帶些止觀怕人問著無得回報翻道參禪須是死坐坐要長久與他相應不得拈椎豎拂轉語機鋒此是自己不曾眞悟不知好歹只要謾人自是不知賺害後生晚學打入惡套嗚呼學道貴有師承手段毒辣無你尋香逐臭處如鐵眼抽絲夾棒敲骨不得不圓不得不死若是打掃潔淨禪堂閉門杜路閑閑地養一隊瞌睡漢把一箇念佛底是誰本來面目與本性今日也合明日也合只要默椿椿地冷坐冷到身心俱不見了即便歡喜便讚歎他好工夫便道眞相應處便道此是行到不是說到將冬瓜印子一磕

支那
撰述

三峰和尚語錄卷第六

八

磕住弄一隊野狐精貢高我慢遍歷人間云是某宗師印下底又有一輩單單鍊箇機鋒快恣口舌又有影影傍著教理如生盲人倚棒各自高他強我弱殊不知做工夫無恁麼格則不用安排只是去不得底話頭拌命疑去久久不懈日親師長一椎鍊就或有未了漸漸鍛鍊以了爲期剎那際入手復于服勤邊溫研積稔而成如或未信請細簡燈錄諸祖本傳一一透過自己眼明方知我不欺汝也珍重安隱寺普說十方同聚會箇箇學無爲此是選佛場心空及第歸諸仁者若欲得心空及第須識選佛底

道理只今安隱堂開大衆會集不選聲聞緣覺不選菩薩大乘單單只選祖選佛然選佛次第有十一者人品二者根種三者器量四者洗滌五者做工夫六者開悟七者了悟八者師法九者忘悟忘法十者養道此是學地要事其餘出世利生姑置弗舉人品者巍巍堂堂開閑落落具一段立地成佛直下承當底氣槩不爲凡下情見所轉者是根種者從來未知做工夫求悟等事驟聞祖家一言半句抑逼心路便覺過不去放不下憤然要求明白便是當家種草器量者若器皿之潔淨穩大能盛能容如瑠璃瓶堪盛獅

楞嚴經

三峯和尚語錄卷第六

九

乳大地堪任重物受香水海而不溢載須彌山而不重方堪祖佛大任如臨濟陸沉下板三年不見頭角陸州擬其可成大樹今人做工夫略有見處便不穩重自謂得入自謂了辦機鋒轉語胡喝亂喝不受人裁剗纔加鍛鍊便謂師家把住不放出頭東走西走急于求印此等便是沒器量底人只爲見小佛祖大事所以承當不起也洗滌者將從前亞在胸中底知見颺在大洋海外如高峰曰三十年二十年或叅或學尖尖滿滿壑一肚皮如臭糟瓶相似直須盡底傾出千番百番洗滌得乾乾淨淨無一點氣息無上醍

醐方堪盛受若畱一些子氣息縱盛無上醍醐亦變成一瓶惡水然洗滌知見不是無格則底下手自有方法其法何如今人六根所對底塵境根塵上所起底法卽是兩頭心識染淨情謂在凡夫則執有之善法惡法外道則執四句之對待法小乘則見苦集見滅道之凡聖法中乘則見凡夫有無明至老死之有法自見無明滅至老死滅之空法菩薩則見卽色卽空非色非空雙遮雙照等法蓋凡與聖對淨與垢對有與空對中與邊對是與非對無是非與有是非對了與不了對常與斷對上與下對長與短對妙與麤

楞嚴經

三峯和尚語錄卷第六

十

對佛與衆生對悟與不悟對因有以上對待法故有三藏十二部若凡若聖凡言可通心可到皆謂之戲論之糞心不清淨不了歇故曰知見但有兩頭礙口礙心底物當盡情一放放却兩頭心不起方爲下手做工夫地步工夫者不得坐在乾淨意地上要將以上一切對待法四句法都盧收在一竹篋子話頭上觸不得背不得兩路截斷目前萬法去不得正向去不得處盡力發憤心力合併千掙萬掙勇猛不過心識不行于聞聲見色處一逗逗斷目前萬境平沉三心不起謂之前後際斷那時不見有四大五蘊何況

生死涅槃直是快活自在。大慧曰：我到者裏却快活，更理會不得也。圓悟曰：不疑言句是爲大病。此是得體，不得用暫時光景所見之理。非正法身是法身之邊通身死水，解脫溪坑不可坐著。若坐在此等境界，光景中開口便要說者，好處全是心路，不是開悟。開悟者，卽此前後際斷處忽然會得祖師家句子，句中具有開悟底機，在犯著便和身翻轉無量劫來，知見盡底不存，便得箇轉身便硬糾糾地，蓋天蓋地，謂之得一。一極此亦未是全了。然此開悟亦非定與前後際斷分作兩截，也有斷處卽悟而知有前後際斷也有。

楞嚴經

三峰和尚語錄卷第六

土

因悟卽斷，知有悟處而忘其爲斷，也有斷是斷，悟是悟，也有悟得輕軟語脈，雖通不得痛快，受用直須重費一番周折。斷處是得體，悟處是得用，得體不得用，自己雖安穩遇事臨機卽便走作，不能自知得用不得體，則臨機雖是的當，只是自己不得穩密，用中猶有氣息，是病體中全無氣息，亦是病直須體用俱備，有氣息無氣息，無氣息有氣息，方是一極。師法者得此一極，不可坐住，坐住便成法中我相，謂之大法不明天然外道，再入深明，猶是未了。末後一句始到牢關，入得大法，盡得五家宗旨，細惑方除，若一惑不盡。

都是一分無明根本智，便用不著，須盡却師承法要，始得忘悟忘法者，以前只爲迷裏翻身，故有悟在悟，見作孽師家，乃用種種鍛藥，鍛盡所悟，此便是法，又以法路爲孽，須法法透過盡底，掀翻一法不存于此，脫盡以無可求，只得放捨，但有著衣喫飯，屙矢送尿而已。養道者無道可養，只是不出其位，如露地白牛，但喫些水草，高臥山前，一些子也不曉得如此過日，從前指望成佛作祖，至此只與畜生一般。老僧今日說箇心空及第，亦是無端何不休去珍重。聖恩寺普說叅禪貴先決擇祖師禪，如來禪祖師禪。

楞嚴經

三峰和尚語錄卷第六

土

者透十法界之外不墮如來之數，故曰出格。如來禪者，超于九種法界，墮在十法界之頂，猶是格內。欲知格內格外之分，須在一事一物上分清。十法界諸種之見，直到極頂方是如來地位。祖師禪又從佛頂上透出出格之外，又越兩種祖師外道，若是真正祖師禪，則末後一句始到牢關，是已今以格外之禪，遠之又遠，且置勿論。先將十法界之歧見在一句話頭上，次第分明不致叅到將悟處，被諸見打攪，可以一直上進，易于發悟。所謂話頭者，卽目前一事一法也。凡人平居無事，隨心任運，千思百量，正是無生死處，只。

爲將一件物事到前便生九種見解所以流浪生死無有出期故祖師家令人于一事一物上坐斷九種知見討箇出格之路故謂之看話頭師喚侍者將一片瓦來置于衆前師指瓦曰只此一片瓦則十法界至如來祖師之分歷然見矣何故聲未將瓦來人人心空無事何有生死及將瓦過來人人現量未分生死之見未成及人問道者是什麼便有無量事端起矣凡夫見之便道此是一片瓦是著相而起我見者也曰此瓦我要便與人爭甚至打殺其人奪瓦歸去以此便墮地獄又一等雖不至殺人然貪心必得重

楞嚴經

三峯和尚語錄卷第六

圭

如飢渴百計攘求以此便墮餓鬼又一等因貪盜瓦致墮畜生生生還債此因瓦而起三途惡見者也又有一等福大氣大因瓦生嗔奪瓦爲施後墮修羅一者知瓦有用惠施與人因仁義心生于人道一者以瓦蓋覆佛殿感大福報世世生天此因瓦而生三善道者也此六道之見也前者之見不脫四種見解見瓦是有卽有見見瓦是無卽無見前有後無前無後有是卽有卽無見知有是無則無之亦無卽非有非無見凡夫四句隨事轉換不能執定不名外道若外道之人巧生知見執一不變心外有法故名外道一

種因見此一片瓦便言瓦卽是我本性以我眼能見此瓦我之見性不生不死此瓦雖碎至微塵而我見瓦之見眞常不變不墮輪迴此是先尼外道見識以瓦有生滅見無生滅半生半滅半不生滅之見也又有一種言此瓦起于微塵卽是我之原體本性雖空卽有此常見外道執有者也一種言鴉物無常終歸敗壞瓦散終無成日人死畢竟歸空此斷見外道執無者也又有一種言瓦性本無無卽是瓦亦有亦無此矯亂外道也又有一種言瓦有是無其無亦無此空見外道也略說外道有此四種細查教中有九十

楞嚴經

三峯和尚語錄卷第六

圭

六種皆是各執四種之中一種見解于此瓦上墮在外道溷濫不可復救此名外道禪也今人看話頭坐到身心空處見箇歷歷分明便言是我本來面目念佛底人主人公也此卽神我之謂也又見得空空本來無物身心世界蕩然不存以此爲是卽斷見空見也又言空卽是性性卽是空卽矯亂外道也如今人看話頭類多墮此不得不爲說破又有因見此瓦問著則精進力參悞落五蘊竟墮五十種陰魔近世一種禪人厭患身心世界務要空他見人將瓦到面前心不餐采坐見身心世界與瓦齊空了無一法以此

爲得便是色蘊魔又有見瓦定中說法變化無所不至謂之剎說無情說亦是色蘊魔前是色空爲蘊此是色有爲蘊又有見前種種境界便生心領納是受蘊魔又有因好境入心不能忘置便生邪想此是想蘊魔又有因想著邪無師救正輾轉遷流是行蘊魔又有因上種種認爲佛法是識蘊魔一魔生則五魔竝到皆因邪師教他在本來面目主人公念佛底是誰等話頭上討箇本性妙心所以用慣肚皮裏想頭通身是五蘊蓋覆不能離心意識事上叅去故在事上亦落蘊界如此坐久魔業已成人若救他便嘻

支那

三峰和尚語錄卷第六

圭

嘻冷笑或罵或謗言此人不會到我者好處而不知世世墮在魔網不得出離可惜可惜此略說有五廣有千萬豈五十種而已哉此魔外二種寄在十法界中不可定指以上是世間法界之略也下則言出世間四種法界一種是聲聞小心人見此片瓦若起一念則若惡若善無非是以上諸苦極見得諦當苦因一起則世世生生堆積聚集苦中之苦不得脫離亦最諦當便乃空其見瓦之見廣修觀行務令空之此是道諦以修小道見得有餘寂滅此是滅諦此瓦上之聲聞禪也今人于話頭上看惡忽得前後際斷身

心世界蕩然一空見說一切諸法皆掃而滅之言有什三玄三要君臣賓主有什棒喝句語有什師承法要只要乾乾淨淨單說一味清淨此是聲聞氣分如空空田地空空月討什工夫驚鼻牽是也故其出語滾滾虛浮全無意旨以無師承故大豪傑人俱不免墮此數也又有一種不墮死心空滅之見見此一片瓦起于無明衆生不知故有十二輪迴今見無明本無則無老死憂悲苦惱此是緣生性空大乘之初門他因見無明本無便泊在無處快活不得入大乘道故名緣覺之鹿乘非大乘也于此更進則于一片瓦

支那

三峰和尚語錄卷第六

六

見得起于微塵鄰虛爲因水調風鍊火鍛心識虛空與見相緣和之合之假名爲瓦既解諸緣聚會而生則不壞此瓦諸緣本不相到而無瓦之自性緣卽是空空卽是緣兩下輓作一團分合不得所謂是諸法之空相不可言生不可言滅瓦見之而非垢性見之而非淨此瓦在凡不滅其性在聖不增其性兩頭相拄此是地前菩薩之禪也于此更進則因緣生而性空不得因性空而緣生不得兩頭俱斷此是八地禪前是雙照此是雙遮以上是菩薩正禪也去此而從八地死水勸進雙照被雙遮奪礙而雙照不得雙遮

被雙照奪礙而雙遮不得然又不妨雙遮即是雙照
雙照即是雙遮四法交加結角如織錦迴文竝無罅
縫到侬下手此如來禪結頂處也到此處方見是一
片瓦沒柰何地喚作瓦又觸不喚作瓦又背如銀山
鐵壁千推不能萬動不得此猶是如來禪底半箇墮
在死水全沒用處故猶在格內也侬道畢竟如何時
鴻侍者將瓦一脚踏碎師云于此見得卽入祖師格
外之初門矣如更進之則頭尾並完直至後句方是
了手若不見得則但入如來禪格外之一半出言吐
氣便要落聲聞境界未有出頭分在爲何寧以其得

文那

三峯和尚語錄卷第六

七

體不得用只爲心小要在極妙處躲根不能出得妙
處作用問頭答語分不清楚陷在坎中好好將祖師
禪枉作出格聲聞禪矣昔香巖聞擊竹大悟偈曰一
擊忘所知更不假修持動容揚古路不墮悄然機處
處無踪跡聲色外威儀諸方達道者咸言上上機滄
山聞之大喜仰山曰還須勘過仰往勘之問香巖曰
聞師弟發明大事侬試說看巖舉前頌仰再拶之又
頌曰去年貧未是貧今年貧始是貧去年貧無卓錫
之地今年貧錫也無仰曰如來禪許師弟會祖師禪
未夢見在巖復頌曰我有一機瞬目視伊若還不薦

別喚沙彌仰山曰開師弟會祖師禪也此是如來祖
師之法式今人不會此意不知如來祖師分於一點
關頭天地懸隔見我如此道使人前笑罵言難道如
來倒不如祖師麼祖師是如來弟子侬學祖師禪翻
要陵跨如來太無道理責得固是只是你不識教義
祖師是威音以前向上一著寶凡珍御窮子見之捨
而逃逝者如來是脫去珍御執持糞器狀有所畏同
彼傭人有共語分者故人但知如來高妙而不知祖
師之道更出青霄之外彼庸近逃逝又安足怪哉果
是真正出格漢子直須向格外論量始得珍重

文那

三峯和尚語錄卷第六

八

安隱寺提智證傳普說老僧于安隱凡三赴其請前
雨期上堂已委曲指示五家宗要未能徹上徹下禪
教扣印以收諸種根器今乃爲提覺範禪師智證傳
凡四十餘日至第三卷曹山三墮章中敘五家宗旨
各因其悟入從首至尾以印定綱宗蓋各家流傳密
印務在得人須透盡其法然後記爲眞子若一絲毫
有未盡處則法見未了功勳猶在還是心意識邊微
細無明不能眞到目朝雲漢萬事當前猶有禪道佛
法超生脫死自在快活等見亞在心口不能如雲之
起滅草之榮衰故師承于了手大痛快處重新設諸

鍛藥越鍛越盡畢竟于頽然無氣息處轟雷走電過日耳且道如何是臨濟宗他從黃檗三頓痛棒悟得馬祖百丈豎拂掛拂一喝耳聾道理便向大愚肋下三拳從上宗旨印定一句中三玄一玄中三要衍開大法洞然頭角撐天四蹄立地令厥後兒孫向賓主中以自己之眼付之棒頭以棒頭之眼換來額上只將石頭說法枯木生花曲盡陽春不失時候而已此臨濟家絕人于棒上裂斷棒上命根自由自在者也所以古人謂之忤逆聞雷不愁不死雜毒塗鼓喻最親切至于雲門纔踏睦州門閭便喫一推足折但聞

擬進那

三峰和尚語錄卷第六

尤

秦時轆轤鑽便會得機前一著較之臨濟更加迅毒古人謂之紅旂閃爍不待見其全師布陣而天下定矣柰何太捷難知不免源流早絕不如臨濟委曲詳盡使後人無將就傳法之弊至於瀉山從有火無火兩不可得處悟得柴上一吹便解野狐不落不昧撼門三下如斷碑橫路雖中斷而兩礙故仰山信位人位至於無位了不可得亦如濟上之棒眼雲門之機先皆拔脫身心自有一片白雲爲我捲空捲地摧山碎岳而我猶在爐邊坐臥貪芋子之香覓菜羹之熟總不知有也至於法眼聞不知最親切於地藏又兩

番豎指于同別之間將片石於心內心外沒安放處脫盡理見得一切現成便能心外無法滿目青山只剩得一雙眼孔無一些子伎倆逢人言毫釐有差天地懸隔便將墨潤朱道箇毫釐有差天地懸隔慧超咨和尚如何是佛曰汝是慧超巡人犯夜之語足發一笑以上四家是南岳馬祖兒孫著著用正唯有洞山出自青原石頭明暗挾帶從初問無情說法雲巖曰不見彌陀經水鳥樹林說法因而力叅及問百年後還邈得師真否巖良久曰祇者是師乃沉吟巖曰价闍黎承當箇事大須審細因疑注久之于過水觀

擬進那

三峰和尚語錄卷第六

王

影處見得無情說法便以影爲自己然不墮死水以渠我去來一條黑線于中開合乃有偏正回互兼至兼到合爲一位輓輓過日而其徒曹山便立三墮于不受食處任水牯牛藏頭斂尾高臥白雲堆裏自然飽餉麴地不必用在棒頭通身指出操履謂之馳書不到家已先通盡閭閻中事故率性漢子只喜臨濟雲門直截痛快不許絲來線去之綿密遂使濟上宗旨亦欲削去三玄等法單存一喝謂之直截中更加直截省事好叅我且問你只今還到不疑之地也未若也未能無疑將知從上來事不是等閑何不細心

體究看老僧因覺範爲法痛心重新拈出務使盡法
忘心將三墮眞操履復還棒子頭上使拄杖子自能
周而有餘不待氣喘喘地用盡腕中死力若人明此
等法未能直下心肯者只爲不曾實實將眼目放在
自開棒上耳爲何聲胸中猶有欲在此正是心意識
用事家親作崇諸仁者何不從今日便將木上座做
却自己將自己推在木上座頭上一向住在妙峰山
頂更不下脚人問如走馬燈中刀鎗人馬從他六亂
相殺亦不妨好看其或不然只消一口氣吹滅却燈
火自然好過下半夜元宵醉醒來時明日晚間再看

支那

三峯和尚語錄卷第六

三

珍重

普說學道人只須在一句裏藏身絕跡不涉點簡故
情不附物縱有物來只與他百雜碎自然合轍何得
推開句子去磨稜合縫惹起生死心行哉修行不會
悟得一句子情常附物遇有物來便在物上去惡從
善通身在生死裏過日不知既得一句則凡聖善惡
生死一切兩頭從竹篋子上早已坐斷且已簡點不
得了也直須入此一句通身化作一道赤光裏作日
輪懸在空裏雖則靡所不照然而一點塵埃也沾他
不上有句無句如藤倚樹又脫卸一重走在頂尖裏

去三玄又脫卸兩玄走在第三玄裏去三玄又脫卸

兩要走在末後句裏去如此離塵脫世善惡是非遠
之遠矣何可拆開竹篋重新在善惡是非上著到難
道有句無句也在情上簡點三玄要在情上簡點
末後句也在情上簡點正使簡點得來于自家本命
元辰有何交涉佛祖立法正要你提脫情量生死脚
脚踏去自然中節今仍舊將他走你簡點底路可不
從頭錯起也所以情量轉淡大事轉遠淡可憐憫山
僧特特舉揚不思議法汝等諸人若信得及便能于
思議處攪長河爲酥酪變大地作黃金一生參學事

支那

三峯和尚語錄卷第六

三

畢珍重

三峯藏和尚語錄卷第六

三峰藏和尚語錄卷第七

吳虎丘山雲巖寺嗣法門人弘儲編

廣錄

廣福院示衆叅禪悟道立地成佛畢竟著著與法相應則事事成就何爲與法相應聾盲于叅究下手處在一箇話頭上背觸兩端俱不可犯四句六路了不可得如此則善不得惡不得是不得非不得凡不得聖不得一切心路俱不可得則無情滲漏見滲漏語滲漏豈有露出心端行涉惡事者耶此于話頭上相應者也于此不可得處盡情竭力務求入手凡心頓

支那

三峰和尚語錄卷第七

二

斷聖心亦絕忽然于沒縫罅處迸出便得一句子如云如何是佛答云乾矢橛此乾矢橛是句句上絕三種滲漏如渾身鎧甲手提金剛王杵萬法當前盡皆椎碎此與句相應者也豈更有出位處耶再進之此一句上有無不得不不妨有無于一句上分賓分主雙明雙暗直如螻蛄蟲爲蟬飛向千峰萬峰溪樹之上大叫一聲就此聲中化爲大鵬扶搖九萬里外撞倒天關踏破虛空擘開大海直取龍吞此與三玄三要相應者也此一句子也再進一步前如戴角之虎此如入海泥牛了無踪跡了不可得此與大法中再進

一步相應然而不是止處于此更進向塔頂上打箇

飛脚從塔尖至地直到海底翻身雙明雙暗同生同死雙明復雙暗同生不同死所謂末後一句始到牢關把斷要津不通凡聖到者田地難道還有出位底事麼此與末後一句相應者也在祖師禪謂之話頭在儒家謂之格物格物者兩端叩竭一切善惡是非凡聖等見竝不許些子露現從此翻身直到末後句齊治均平著著與此相應則禪與聖道一以貫之矣今人類多以叅禪爲學問可以立名可以光大至于下手之話頭上雖則兩端叩竭而于一切事上仍露

支那

三峰和尚語錄卷第七

二

出善惡等兩頭心所以到底不得相應修行無驗爲可歎息老僧三度于廣福談禪禪宗要旨無不舉盡今特對衆叮嚀此事盡情道破了也下座聖恩寺示衆昔日臨濟大師在黃檗處三度問法三度被棒後去大愚肋下還取三拳道原來黃檗佛法無多子今人聞說臨濟建立許多法子便道是多事不知單單闡發得無多子底佛法何曾別有不見濟住潯沱謂普化克符曰我欲于此建立黃檗宗旨汝二人成褫我只此一句將黃檗佛法一時傾盡了也豈容更有在二人珍重下去但見唯唯諾諾誰知寒

謬謬三日後普化問三日前和尚道什麼嘆龍生龍子赤電轟雷一機脫出濟便打怕甕中走却甕那又三日後克符問三日前爲什打普化難爲兄難爲弟濟便打恰是看他父父子子君君臣臣各各有出身之路何等自在是夕小叅以料簡明之奪人不奪境開眼見青天當頭一霹靂奪境不奪人睡熟忽翻身依然還是你人境俱奪安得中山千日酒酩酊然直到太平時人境俱不奪車麟麟兮馬蕭蕭看他三問一珍重兩打以四法爲料揀如米去糠甑成熟飯方是真佛真法處處是真佛真法之真道但學語之流

文那

三峯和尚語錄卷第七

三

依他作解便千里萬里沒交涉故僧問如何是真佛真法真道濟曰佛者心清淨是佛有真有僞僞佛者如人得箇前後際斷覺得心常清淨若人拶著他便眼目定動不能清淨何故爲他不得真法故法者心光明是何爲光明只爲他全不在心上用事單單只在用上作法法得清淨故心不動搖耳道者處處無礙淨光是淨是心不動光是法有眼淨與光合故施之于事事事無礙稱之曰道三卽一皆爲空名而非實有今之一棒一喝者未嘗不是只是他細惑猶未盡除如初鑄成鏡痕垢易生也故曰達磨西來止求

不受惑底人後遇二祖一言便了豈不是佛法無多子也始知從前虛用工夫癡人以工夫爲入道之資不知工夫落五蘊須向無多子處直入既直入已便念念在直入處謂之念念心不間斷可見要得真佛全不動心常常受用全在得法何爲法聲卽是如今目前凡夫說有說無之著相事二乘小教外道之空事菩薩之卽空卽色非空非色雙雙照泯如來之四句合一極則結頂等事總是凡之與聖生死與出生死所以猶在格內若于此處一時翻轉則凡夫外道佛菩薩二乘等都成向上之言出于格外所以有第

文那

三峯和尚語錄卷第七

四

一句第二句第三句只此三句收盡世出世間法有無情三句如石頭道底水流花落是也有有情三句鵲云削鷄云是也有有言三句卽前之佛與衆生語是也且道如何是三句拈起扇子云扇子又云扇子踈跳上三十三天觸著帝釋鼻孔打一箇噴嚏噴出九龍行雲布雨今朝立秋之夜雨下三尺又搖扇子云沒有者樣事此是法中最麤未是了手直須更進始得故一句中具三玄三要實有照有用如何是第一玄只者扇子如何是第二玄以扇子撲云罪過昨夜睡中莫打殺蚊子如何是第三玄昨夜

半夜有影無影放落扇子墮地起來依舊拾著更打蚊子一發血流滿地到此與前者天地懸隔高深最上然而猶有玄在更于落地扇子上層層轉入無路之道向絕處一擊單單提著尾尖上火把子燎天燎地過日此是一句之極頭自受用三昧也若爲人則在賓主相見處今人相見你問我打我問你打不識末後了手大事謂之掠虛頭漢賓中賓也賓中主者只爲要硬見免便敲所以自己轉無出頭分主中賓者著著了在先天之外縱然奪去依舊還我主中主者垂衣拱手天下太平然須會得四喝方得到者田

支那

三峰和尚語錄卷第七

五

地何爲四喝金剛王劒你看臨濟前來父子子那箇男兒不丈夫踞地獅子誰人脚下無一塊方甄豈是單單珍重便打而已探竿影草你走到那裏去一喝不作一喝用恰是故有時先照而後用有時先用而後照照用同時緊著眼照用不同時間取三日前後此是無多子底法也老僧今日要建立臨濟宗旨汝等諸人成禪我便揮杖打散大眾歸方丈示衆從上祖師見學人于未開口前早用一推一壅直下斷人命根頓盡源底那裏有許多切切漉漉撒屎撒尿作座主態只爲後人胸中理會太多未入法

門先學一肚皮禪道佛法機鋒轉語牽經帶論貴在有知見學口邊富贍爲做人出頭張本謂之運糞入所以心塵壅塞無一隙打併得開故後之宗師萬不得已隨人顛倒下箇追截命根底法子謂之看話頭要他將窮年學來底好處一時運出向窮極不過處漆黑地追拶拶極不休自然窮則變變則通于本地上透出精光照天照地則與學人未開口前一推一壅底了無二道此正所謂入水救人沒奈何費許多周折比年以來諸方看話頭者可惜又在話頭上生出枝節輾轉難參禪病益多悟者路絕山僧憤不得

支那

三峰和尚語錄卷第七

六

已于下水救人處溪溪下水用古人開發做工夫法子細細周折一上令人先曉得話頭兩字則不被話頭枝節所轉所謂話頭者果何物耶卽千經萬論中間談空說有以至中道極則去不得底頂尖是也只是諸人日用不知一大藏教祇在人初開口處乍起念處六根門頭耀一耀底所在凡夫之人便落有念無念聖教底人便落是理非理心中釀起糞團口裏落出糞塊窮年在糞坑裏過口道我玄我妙所以千生萬劫不得出離佛祖愍之沒奈何向說不去處問他一問他便頭定眼直若是有血氣底問著去不得

只得回心轉意發猛叅究假如人從門外來宗師見之便問他你從那裏過來其人不識生死便道或南或北若東若西宗師見他已墮在凡夫坑中便呵呵冷笑放他過去直是可惜若見敎家龍象到來宗師問他楞嚴經前非後卽又道離卽離非已是極則爲什又道箇是卽非卽彼龍象便依文妙解一遍宗師見他墮在聖理坑中亦呵呵冷笑放他過去益是可惜殊不知纔一開口便落凡聖二糞坑中不開口亦落二糞坑中了無出頭時節以是之故敎人看箇話頭如僧問趙州萬法歸一一歸何處此豈不是敎家

支那

三峯和尚語錄卷第七

七

極則去不得處又如馬祖拈起胡餅曰是什麼豈不是敎家極則去不得處首山呈拳曰喚著拳則觸不喚著拳則背豈不是敎家極則去不得處以此類推則見人或道會或道是否或道嗟如此種種問人處皆是如來禪結頂去不得處經經論論只講得到者裏三世諸佛口掛壁上而已只是到此便如生盲人踏著火坑不愁你不墮不落你等諸人一日起來不知經過多少問頭都向二糞坑中跌倒過了總不識利害我今于世間法出世間法六根六塵六識十二處十八界地水火風空見識及五蘊等都盧一收收

在一問拈出箇竹篋子問你喚著竹篋則觸此是落凡見故不喚著竹篋則背此是落聖見故除却凡聖二見你向那裏安身立命只者一問便收盡世出世間一切有言無言等語故謂之話頭你若信得話頭如此該博便不敢把聽來看來死路上底經敎當箇名件我慢貢高不識好惡掉頭不顧枉過半生矣山僧因禪風太惡諸方指示話頭者恐怕註解壞了不敢開發令將一句子日日夜夜在肚皮裏念去便念出許多魔境界來魔道理來十箇五箇見人則笑嘻嘻地自覺清快活都是魔氣所鍾只爲話頭開發

支那

三峯和尚語錄卷第七

八

不明令人目前萬法一切經敎無箇交加結角去不得處流在光滑滑處生知生見所以無箇銀山鐵壁時節旣無銀山鐵壁便無卒地斷爆地折也自今開發之後便當處處去不得盡情憤去如無翼鳥奮空勿令落地奮奮不過自有消息那時跌得粉碎來見北禪方與劈頭一棒血流滿地更須踏兩踏踏做一團始得

示衆五蘊爲魔業四句爲外道惟叅禪一法頓絕魔外之門直造正法之域蓋以話頭一句絕理絕事絕聖絕凡絕生絕滅絕心意識眼見之而色不得耳聞

之而聲不得鼻艱之而香不得舌骨之而味不得身著之而觸不得意參之而法不得則色蘊等十魔從此永杜矣色聲香味觸法于話頭上既無滲漏便如木如石如銀山如鐵壁則此心無從領納矣既領不得納不入則想頭無自而起矣想無自起則心路不行矣心不行則六識無從辨別矣六識莫辨則七識無從執認矣七識不執則八識無得而含藏留種爲將來孽矣此五蘊不得而五十種陰魔無門可入者乃話頭無路之妙密使然也話頭既無路便執不得有執不得無執不得卽有卽無執不得非有非無四

微述

三峰和尚語錄卷第七

九

句法執不得則九十六種外道無從而異見矣政以話頭如金剛圈栗棘蓬吞不得吐不得要向此處力參力透所以魔外俱絕耳大矣哉無爲寂滅之光明幢也惟在師承溪得無路之路所以能教人悟無路之道但恐爲師者道眼不明妄教人看箇話頭要他在誰字上與本性合本來面目上與妙心合卽心卽佛上與有心合非心非佛上與無心合不是心不是佛不是物上與非有非無合徇子佛性有徇子佛性無上與卽有卽無合一切話頭生出計較動落四句所以日逐開却魔外門戶無事生事遂致著色相容

領納起想念逐遷流落分別一墮此套或喜或怒或悲或憂或思或恐或驚七情一形魔得其便皆因師眼不明資心自惑使然耳但能空盡心識把住話頭不生見識一味力參任他天崩地裂只恁麼參去自然魔外永絕

示衆有一輩不曾參究自己亦不信有悟門逢人便道我輩苦心持戒修懺念佛經秋歷夏萬苦千辛不能暫得一絲毫許輕安消息彼等依趙州高峰語錄所言便道七日不悟截取老僧頭去那裏有此等事竟以博地凡夫妄稱悟道罪過不淺汝等修行人決

微述

三峰和尚語錄卷第七

十

不可信諸叅禪人疑彼所說來問北禪北禪曰此輩不是不修行政是藏教修行刻苦小心人也彼但知持戒欲得作佛懺罪欲得作佛念佛往生淨土持誦欲辦一心如此行持待到純清絕點一心不亂去黑趨白以爲修行不知大心凡夫向一句子上上路頓絕無修無證直下翻轉無量劫來生死心作一把金剛王劒向萬法頭邊處處一截截斷佛心菩薩心尚不得起何況起于世間之心此圓頓妙道只在剎那際三昧入耳趙州高峰七日悟道之言猶是對中下根人做工夫者之權說也彼之不信正爲根小不足

爲怪但彼以斥鷃之高妄詆鵬鵬爲無如此事則可憐不足惜矣

示衆大都修行人不知真修方便多爲勇猛精進四字誤過一生然此四字是同所修各異有以身勇猛精進者有以心勇猛精進者晝夜坐禪執身不倒或單遣昏沉務求不睡或鍊頂燒身同于拔髮或以戒律威儀中極瑣細事日夜盤桓故南岳曰如牛駕車車若不行打牛卽是打車卽是可見捨却心地法門專于髑髏邊作佛事與出生死絕不相干假饒弄到晝夜常清坐脫立亡人天最勝大事未明有何用處

支那源流

三峯和尚語錄卷第七

土

馬祖坐禪謂之磨礪作鏡牛頭神供謂之臭肉來蠅皆因心法未忘用心混雜向有功用處作勇猛精進不知修處不精進何所進勇猛長劫亦徒爲耳嘗試論之勇者無怯也猛者不弱也精者不雜也進者不退也四字惟參禪心地法門者能之何故聲禪人一聞出生死在于徹證徹悟證悟之路在于參禪禪那無修只在絕情絕想務期親見親決便爾不顧危亡得失好友是非把佛法世法一齊放下此大勇也于放下淨盡無著力處無擬心處無入頭處無道理無明白處畢竟要于此處得力此處用心此處入頭此

處明白者箇道理此大猛也不涉雜修只于一味心地上念茲在茲茶裏飯裏喧寂不分淨穢莫辨打作一箇疑團此至精而無雜也從此直到虛空粉碎大地平沉人法雙亡一真不立更向百尺竿頭再進一步此大進也趙州曰我三十年不雜用心惟二時粥飯是雜用心處二時粥飯尚是雜用心何況髑髏邊種種瑣屑而不礙勇猛精進耶蓋兼帶修行皆落功勳位中一點修行一點道理若不拌盡總爲有勇猛而無精進矣若真正生死心切發大勇猛精進者捨參禪一事更無別路參禪人不得遣昏沉若遣昏沉

支那源流

三峯和尚語錄卷第七

土

則轉鬪轉多精神疲倦于心力極微細處不得發越籠罩殺人擔閣日子極是禍事昔高峰妙禪師三年不倒身立死限學禪日夜打坐終日輒在昏沉中愈遣愈疲話頭轉不親切雖爲狗子無字難起疑情未必不與昏沉作對所致古人曰得者一放又曰須中夜大睡一覺此豈悞人語哉參禪須到放身命處放身命處乃識心不到處也識心絕則真心出矣若於種種威儀禮節周旋無失語言酬酢照顧不差處處用心頭頭著意摩挲鉢杖裝飾几筵顧履瞻衣遮前掩後皆爲修行障礙故藥山曰我何能屑屑事布巾

耶由此觀之直到忘前失後如高峰之啓鑰不局中單如廁此真放身命處也做工夫以之

示衆單坐禪不看話頭謂之枯木禪又謂之忘懷禪若坐中照得昭昭靈靈爲自己者謂之默照禪以上皆邪禪也坐中作止作觀惺寂相傾觀理觀事雖天台正脈及如來正禪然猶假借識神用事所照卽境所以命根難斷不能透脫多落四禪八定及生五十種陰魔以識神在故也大慧一出埽空千古禪病直以祖師禪一句話頭當下截斷意根任是疑情急切千思萬想亦不能如此如彼有可著落既無著落則

支那

三峰和尚語錄卷第七

圭

識心何處繫泊令人于無繫泊處一迸則千了百當可見纔看話頭則五蘊魔便無路入矣然不得執著久坐坐久則心細而弱疑情必不猛烈永嘉曰行亦禪坐亦禪可見四威儀中不時翻換不使精神昏墮但用心親切處便是確實工夫何須執著死坐哉又不得一向在靜處靜慣則動中便失亦不得一向在鬧處鬧慣則靜中便有無限雜毛知見打攪靜慣則怕鬧鬧慣則怕靜皆工夫之病也必須靜中鬧中任緣任事只是著一段不了公案時刻要見明白而已鬧中亦不妨怕失怕失則此事愈急急極則自然發

作鬧中亦不妨知見多知見多則愈加氣力參究加

力參究則知見自退而發明矣有知見盡而發明此事者有發明此事而知見不得不盡者故樓子和尚雲峰禪師皆忙處發明可見參禪不獨坐在靜中也復有看話頭而不肯參請者又有執參請而不看話頭者皆偏枯也何不向話頭疑處著箇參請參請疑處反覆自看如此參如此看兩路夾攻不愁不得示衆古人要做工夫而悟道今人多爲做工夫翻不得悟道蓋古人聞得如何是佛答箇乾矢橛便反思道所問是佛爲什不見答箇菩提涅槃妙性真如而

支那

三峰和尚語錄卷第七

圭

單單道箇乾矢橛答不如問有何長處因此疑心頓起放意不過憑他鬧處鬧處總是此疑如萬絲結住百不能解愈思愈疑因之情絕心斷徹見答處的確謂之悟道不是今人閉眉打坐遣夜排昏不是靜歇養第八識不是穿鑿信第六識不是抱守養第七識不是無心墮死水不是悟些好光景入五蘊魔不是道理落分別今人做工夫犯此所以不悟必欲求悟單單只在觸背兩路去不得處如漫天網子兜住一味奮力求出奮奮不已東打西打忽然打破一直步去作自在人透過此著更有末後句在

示衆叅禪最忌易明易明則情不枯情不枯則入不
溪入不溪則見不徹了見不徹了則何有相應分所
以古人四指濶文字亦須按盡令人向無摸索處摸
索故大慧以其師圓悟所作碧巖集傷于剗剔欲碎
其板非徒然也自評唱出禪宗遂涉文字致令學者
有箇著力處甚至學語之流變而爲講公案東穿西
鑿把佛祖慧命都成狼藉可惜許也若非親見親證
有箇入處決不可看此等書以爲活計卽如智證傳
宗鏡錄亦然有大心者幸于自己分上求之待徹後
細簡前書不妨有大證據

支那

三峯和尚語錄卷第七

五

示衆手不攀枝脚不踏枝口敲一枝驀然樹下人問
如何是西來意若不答他却是孤負他問頭答他則
喪身失命看他說得如此話出只爲從前信得牢固
捨得見解死得心敲得住耐得久所以悟得淡說得
切實今人一箇話頭未曾叅三日兩日便爾惺然刺
發特地穿鑿壞了纔見舉話又道如此如彼苦哉苦
哉只爲見小利便要明白不肖叅求直入異路耳鳴
呼生死事大無常迅速閻老子不怕你有見解鬼符
子忽地到來你將什麼支遣不如今日休歇好話頭
敲住好耐久叅去好莫理路上著到好須盡剷除好

勿太穿鑿好便恁麼信去更勿生疑生畏回頭回腦
所以道啼得血流無用處不如緘口度殘春
示衆做工夫先須養精神精神若旺便得專志猛烈
話頭便有精彩有精彩便得躍然活潑叅情從此發
而真疑起矣真疑若起則觸不聞打不失久久自然
卒地爆地耳行人不識養神之方多生障礙障難之
起只在勤惰兩途惰者之過人皆知之固不必言勤
者之過茲當略舉一者夜不容睡則昏沉逼發不惟
夜不清爽致令日間如霧中相似經年累月轉做轉
迷精神漸疲話不親切此政不在遣昏沉爲勤也一

支那

三峯和尚語錄卷第七

六

者發猛坐香身覺安安心漸微疑情益弱坐在安
樂窟裏直須于未安貼時卽便起立立之未久卽行
行行再坐則精神不倦不昏不致凝滯沉相中自然
轉轉轉地若動若靜都有激烈氣象此又不在以坐
爲勤也一者坐得安妥不散不昏寂然入于沉相中
目前如雪耀相似話頭如逆水遊魚脫力尾搖搖而
身漸退縮越退越沉人來巡警亦不知他是沉相自
己亦不知是退屈目前便有許多作怪色相出現耳
中亦有許多聲音語言或玄或妙似夢似醒若驚若
喜魔境佛境惑亂千岐多致失心狂執此悞以寂靜

爲勤所致也一者急于求悟廣生知解將教乘極則語宗家玄妙句坐時盤桓一上夜來辨論一番明日又思索一遍意在圖度不知智門一開悟門便塞縱有開發亦是依通生死分上總無交涉此悞以知解爲勤所致也一者識得不從解入全體打開猛烈既久忽得前後際斷覓取一念了不可得話頭便不猛烈終日坐在死光影中自謂快活便爾精勤習靜恐怕失了者些好處愈入愈深不知不覺話頭懶去鞭逼所謂不疑言句是爲大病若便坐此謂之寒巖枯木死水不藏龍岐路紛然自此而起到此田地自己

支那

三峰和尚語錄卷第七

七

便無主宰必須仗此一箇話頭度過者軟洋子直至開悟方不墮落此又不在把捉光影即便住脚爲勤也一者識得此處話頭要緊猛地有箇省發或見得一切法空目前無一點障礙若身若心如空中聲如鏡中影開口便在空中靜理上著脚沒頭死水永無出期祖師一句盡力道不得縱道得相似亦是中間隱隱夾帶一段意思逢人滾滾地直是叵耐此又悞以如夢如幻及本來無一物上蹲坐爲勤者也一者透過此關便吐得一句出不能實知落處軟嫵嫵地見人便機鋒轉語種種相似勤于口頭三昧失却脚下

踐履語時尚屬法見事上亦落罅漏不肖盤桓委曲詳細自道直截好漢大是禍事此又悞以口給禦人爲勤者也一者在于一句上果得實確確地目前若銀山鐵壁如彈打鐵城終日便無箇下落處仰天俯地不可奈何直下便肩休去歇去不知更有下半節事此又悞以單提塗毒鼓爲事恐怕分擘法見翻致生情動念而慎護爲勤者也復有一等知有下半節而大法未盡開口如連麻相似以末上多一句爲得或在斷貫索處不自覺知旁觀者哂若早爲人便不滿足了也又有一等雖已透得大法而操養未淡終

支那

三峰和尚語錄卷第七

八

是未熟果子未堪摘得若此處坐住總是半塗而廢果到脚尖頭也踢出佛來一任高臥孤峰放身城市無可不可生亦得死亦得直入無功用行不干勤處坐著而于不坐著處精勤直至無悟無法無操履無習氣無作佛無利生無勤不勤然後勤如永明惰如懶殘各請自便做工夫若此始有些子氣息若到明眼尊宿門下好與三十拄杖

示衆道理不是禪世情不是禪工夫不是禪修行坐香不是禪問話答話不是禪機鋒迅疾不是禪精進勇猛不是禪但只時時憤然要明此事卽是參禪時

時要明此事則及盡一切經教祖師言句直逼塞在沒縫罅處謂之眞道理落落人前不識好惡青黃長短一任世間起伏摩盪謂之眞世情不辨是工夫非工夫是間斷非間斷祇此疑情結住不可柰何謂之眞工夫不知行住坐臥不問去就是非顛倒錯亂謂之眞坐香眞修行人去不得處逢人便問因人問處向人便答不作安排謂之眞問答撩著便轉撥著便行不作機用套子自然合轍謂之眞機鋒眞迅疾拌却身命絕却心識撇却修行道理世情談辯單單直做那事謂之眞勇猛精進忽然一憤憤著便好拍手

支那

三峯和尚語錄卷第七

九

呵呵大笑曰原來却在者裏且道如何是者裏良久云今夜臘月初七堂中稽考喫茶與汝說破示衆昔黃龍死心新禪師初叅秀鐵面已善機鋒轉語及叅晦堂堂豎拳問喚著拳則觸不喚著拳則背汝喚作什麼師罔措二年方領解然談辯益熾堂于其語銳處曰住住說食豈能飽人師窘曰某到此弓折箭盡望指箇安樂處堂曰一塵飛而翳天一芥墮而覆地安樂處正忌上座許多骨董直須死却無量劫來全心乃可耳全心一作偷心然而全字最好師趨出聞知事推行者而迅雷忽震卽大悟趨見晦堂

忘納其履卽自譽曰天下人總是叅底禪某是悟底禪堂曰選佛得甲科何可當也因號死心叟今人不曾見人開發但將一箇話頭在肚皮裏念見神見鬼種種祥瑞極是可笑又有一種學箇口頭機鋒要人唱和上一人不肯他便拂袖去道機鋒也不會殊不知死心見秀鐵面時何等來得及見晦堂于拳頭觸背上不去不得方始服膺及二年旣悟已是機辯縱橫又于說食不飽處兜住直至弓折箭盡教他死却無量劫來全心所以聞雷頓喪慶快平生切莫去念箇是誰是誰無無本來面目本來面目念出事來只

支那

三峯和尚語錄卷第七

十

于拳上背觸不得心言兩絕盡你見聞處頭頭法法一截截斷自然轉身轉過來後雖是活脫還須死盡全心直如選佛得甲科始得叅禪人不可自賺自誤示衆僧問趙州如何是西來意州曰庭前柏樹子只此一問不是等閑便是百千虎狼一時周市環布了也若無向下一答豈不死在句下可見此一問不是趙州未免說心說性將一段道理支吾他與西來意有何交涉先須識取西來意始得所謂承言須會宗勿自立規矩今人只管熱驟忙忙手舞足蹈希圖體面上好過摹倣他庭前柏樹子意度道他說柏樹子

是顯法身要牽合些子教理著些子伎倆依樣畫貓兒或道一句說一物聲一聲色一色做出千模百樣中間夾許多見處殊不知總是魔業又有一種纔見說道勿夾中間事他便作解道沒意味話但衝口便出莫要擬議此是現量中事不知沒意味語正是夾中間事了也又有纔聞有義味不得無義味不得便道柏樹子本來是無底及問爭柰柏樹子何便道無又不得也此等說話惑亂殺人祖師分上有何交涉只爲平日不肖真正盡情捨下做大死底人鎮日只要堆積些糞穢以備不時之需生怕做人不得故有

法苑珠林

三峰和尚語錄卷第七

五

許多見處潛入魔道何如百不知百不會一點頭路也無昏天黑地只有一箇話頭不知是何等語只要求他下落處然此下落處不是教乘裏有底不是事相上有底只在問答處看他如此問因什却如此答看不出如壁立千仞只在壁立千仞處看絕事理去有無離四句絕百非終日捱拶去不得處古人所謂正是好處若不如是做工夫只求箇速會轉不會矣若更別求方便更無容易方便了也大丈夫立堅固志不管一生二生百生千生按定腳頭冷冷地與一塊石頭相似高峰曰拌一生做箇癡漢去豈不是

前輩好樣子哉一點雜法不得入心只是鐵壁上捫摸亦不要你尋出箇門路來捫摸來捫摸去連身心鐵壁一時跌向火坑地獄裏化爲灰燼然後向灰飛烟滅處起來商量向上事且道灰飛烟滅阿誰起來商量向上事只向道柏樹子聲示衆當機一句是劒刃上事不得如何若纔動著已成滲漏了也雖然若守著枯椿兒有什麼用處須知動著正是動不得底正句要識正句須識有句無句然有無句有多種有有問底句有無問底句有問本合有無句須知有時却無無句無問本合無無句

法苑珠林

三峰和尚語錄卷第七

五

亦須知却有無句有問底有句與無問底有句要審是同是別無問底無句與有問底無句要審是同是別作麼生是如來禪底有無句作麼生是祖師禪底有無句如來禪祖師禪相去多少有句無句有何力用卽出生死爲什會得有無句却出不得生死爲什有一種會得有無句雖出生死未透法身如何出生死全透法身爲什麼爲山說箇如藤倚樹須識如藤倚樹底道理須向如藤倚樹處過得日子最爲切要

卷七

三峯藏和尚語錄卷第八

吳虎丘山雲巖寺嗣法門人弘儲編

頌古

七佛并西天二十八祖傳法偈

無相身心卽有無有無兩絕密交蘆迅雷不及掩雙耳夢斷遙空月自孤

世尊降生一手指天一手指地周行七步目顧

四方曰天上天下惟吾獨尊

指天指地已全提四顧周行見大機一句獨尊山岳墮現雙趺處始知歸

支那撰述

三峯和尚語錄卷第八

一

世尊觀明星廓然大悟

眩眼星明頓霍然東方羣動用機全不因溪破正三昧若箇能離十劫前

世尊一日陞座大衆集定文殊白椎曰諦觀法王法法王法如是世尊便下座

雨過空山水碓聲文殊何處著椎鳴脚頭脚底無勞問寶座從他下與陞

世尊在忉利天爲母說法優填王思佛命匠雕梅檀像及世尊下忉利天像亦出迎世尊三喚三應乃云無爲眞佛實在我身

無孔鐵椎拋一對雙雙唱出太平歌池塘月寫梅花影一任春風夜起波

世尊在忉利九十日及辭天界而下四衆八部俱往空界奉迎有蓮花色比丘尼作念云我是尼身必居大僧後見佛不如用神力變作轉輪聖王千子圍繞最初見佛果滿其願世尊纔見乃訶云蓮花色比丘尼汝何得越大僧見我汝雖見我色身且不見我法身須菩提巖中宴坐却見我法身

未動琅灰三尺雪乾坤何處不陽春千山鳥絕江溪

支那撰述

三峯和尚語錄卷第八

二

凍不見尋花問柳人

世尊一日勅阿難食時將至汝當入城持鉢阿難應諾世尊曰汝旣持鉢當依過去七佛儀式阿難便問如何是七佛儀式世尊召阿難阿難應諾世尊曰持鉢去

百花當檻媚晴絲舞罷凭闌眼睡時黃鳥一聲枝上語擡頭不柰日遲遲

世尊因有比丘問我于世尊法中見處卽有證處未是世尊當何所示世尊曰比丘某甲當何所示是汝此問

聞說瞿塘春水高今朝親上峽中橈木鷺倒岳傾湫
下幾箇長年解把篙

世尊因耆婆善別音響至一塚間見五髑髏乃
敲一髑髏問耆婆此生何處曰此生人道又敲
一曰此生何處曰此生天道又別敲一問耆婆
此生何處耆婆罔知生處

髑髏乾竭到無聲還是泥犂鬼窟生敲破世尊無見
頂人間天上任縱橫

城東有一老母與佛同生不欲見佛每見佛來
即便迴避雖然如此回顧東西總皆是佛遂以

楞嚴經

三峰和尚語錄卷第八

三

手掩面乃至十指掌中總皆是佛

避佛何如避自己伸出徐手還是徐沒頭水浸討乾
場盡大海中皆火起

無邊身菩薩將竹杖量世尊頂丈六了又丈六
量到梵天不見世尊頂乃擲下竹杖合掌說偈
云虛空無有邊佛功德亦然若有能量者窮劫
不可盡

點天棒月浪施功竹杖拋時親到頂夜溪摸著枕頭
邊被窩肩漏朔風冷

世尊在第六天說大集經勅他方此土人間天

上一切憐惡鬼神悉皆輯會受佛付囑擁護正
法設有不赴者四天門王飛熱鐵輪追之令集
既集會已無有不順佛勅者各發弘誓擁護正
法唯有一魔王謂世尊曰瞿曇我待一切衆生
成佛盡衆生界空無有衆生名字我乃發菩提
心

高眼從來不著塵阿誰奴子共殷勤嚴冬一片三江
凍萬卉千葩徧地春

世尊因外道問昨日說何法世尊曰說定法外
道曰今日說何法曰不定法外道曰昨日說定

楞嚴經

三峰和尚語錄卷第八

四

法今日何說不定法世尊曰昨日定今日不定
推出雙輪駕白牛四衢誰更敢當頭即他珍御還他
載天上人間自在遊

世尊在靈山會上拈花示衆是時衆皆默然唯
迦葉尊者破顏微笑世尊曰吾有正法眼藏涅槃
妙心實相無相微妙法門不立文字教外別
傳付囑摩訶迦葉

大地花開勝國春碧池窺洞笑相親自從惹得燕鶯
語話到于今轉失眞

世尊至多子塔前命摩訶迦葉分座令坐以僧

伽黎圍之遂告曰吾以正法眼藏密付于汝汝當護持併勅阿難副貳傳化無令斷絕而說偈曰法本法無法無法法亦法今付無法時法法何曾法爾時世尊說此偈已復告迦葉吾將金縷僧伽黎衣傳付于汝轉授補處至慈氏佛出世勿令朽壞迦葉聞偈頭面禮足曰善哉善哉我當依勅恭順佛故

拈起蓮華擲向人花房子密曇無垠蓮花服上淡淡意祖佛從來竝蒂新

文那

三峯和尚語錄卷第八

五

槃即往熙連河側娑羅雙樹下右脇累足泊然宴寂復從棺起爲母說法特示雙足化婆耆并說無常偈曰諸行無常是生滅法生滅滅已寂滅爲樂時諸弟子即以香薪競茶毗之爐後金棺如故爾時大衆即于佛前以偈讚曰凡俗諸猛熾何能致火熱請尊三昧火闍維金色身爾時金棺從座而舉高七多羅樹往反空中化火三昧須臾灰生得舍利八斛四斗

雙收雙放可憐生猫尾研椎生鐵鎖任他東擲與西拋碧眼胡兒無處認

文那

三峯和尚語錄卷第八

六

一祖摩訶迦葉尊者因阿難問師兄世尊傳金縷袈裟外別傳箇什麼祖名阿難阿難應語祖曰倒却門前刹竿著

呼參即唯便傳心指掌分明禘莫尋取瑟而歌君會否有心擊磬待知音

四祖優波毼多尊者行化至摩突羅國得度者甚衆由是魔宮震動波旬愁怖遂竭其魔力以害正法祖即入三昧觀其所由波旬復伺便持瓔珞縻尊者頸祖出定取人狗蛇三尸化爲華鬘更言論波旬曰吾此華鬘酬汝瓔珞波旬大

喜引頸受之即復三尸蟲蛆臭壞盡其神通莫能去之乃升六欲天告諸天主又詣梵王求其解免彼各告言十力弟子所作神變我輩凡陋何能去之波旬曰然則柰何梵王曰汝可歸心尊者即能除斷波旬求懺祖令自唱三皈三尸悉除

賓主相逢互獻酬清歌聲裏白歡浮自從三疊陽關後一夜西風滿目秋

二十六祖不如蜜多尊者至東印度其王堅固奉外道師長爪梵志祖至王問曰師來何爲曰

將度衆生曰以何法度曰各以其類度之梵志
卽化一大山于祖頂上勢且下壓祖指之山遽
移在彼衆頂上復以手按地地動五百外道皆
不能立梵志惶懼懺禮祖復按地地靜指山
滅

翻雲覆雨憑誰力滴滴空堦夜溜聲多少錯將神用
看踏花那箇不經行

初祖菩提達磨大師至東土武帝遣使齎詔迎
請至金陵帝問曰如何是聖諦第一義祖曰廓
然無聖帝曰對朕者誰祖曰不識帝不悟遂渡

支那
撰述

三峰和尚語錄卷第八

七

江

廓然無聖復不識踏轉機輪未端的擲得蘆花便渡
江令人萬古常相憶

有僧神光詣祖叅承祖嘗端坐面壁莫聞誨勵
值大雪光夜侍立遲明積雪過膝立愈恭祖顧
而憫之問曰汝久立雪中當求何事光悲淚曰
惟願和尚慈悲開甘露門廣度羣品祖曰諸佛
無上妙道曠劫精勤難行能行非忍而忍豈以
小德小智輕心慢心欲冀真乘徒勞勤苦光聞
祖誨勵潛取利刀自斷左臂置于祖前祖知是

法器乃曰諸佛最初求道爲法忘形今汝斷臂
吾前求亦可在祖遂因與易名曰慧可乃曰諸
佛法印可得聞乎祖曰諸佛法印匪從人得可
曰我心未寧乞師與安祖曰將心來與汝安可
良久曰覓心了不可得祖曰與汝安心竟
提刀斷臂置師前的傳來萬事全匪得將來重話
墮安心盡底再翻掀

祖顧慧可而告之曰昔如來以正法眼付迦葉
大士展轉囑累而至于我我今付汝汝當護持
併授汝袈裟以爲法信各有所表宜可知矣

支那
撰述

三峰和尚語錄卷第八

八

各有二字
最爲親切
可曰請師指陳祖曰內傳法印以契

證心外付袈裟以定宗旨
解云逐一後代流薄

疑慮競生云吾西天之人言汝此方之子憑何
得法以何證之
解云祖佛苦心可痛汝今受此衣法却

後難生但出此衣
解云此豈不是五

解云此非七佛
歷祖等傳應用以表明其化無礙至吾滅後

二百年衣止不傳法周沙界明道者多行道者

少說理者多通理者少潛符密證千萬有餘汝

當闡揚勿輕未悟一念回機便同本得聽吾偈

曰吾本來茲上傳法救迷情一花開五葉結果

自然成

三十五偈四卷經衣鉢家貲原不少又道西來一字無六番毒藥救不了

五祖弘忍大師從信大師得法知付授時至今衆說偈神秀書偈于壁曰身似菩提樹心如明鏡臺時時勤拂拭莫使惹塵埃祖曰未見本性覓無上菩提了不可得慧能亦說偈倩書曰菩提本無樹明鏡亦非臺本來無一物何處惹塵埃祖曰亦未見性祖至能踏碓處問曰米熟也未祖曰米熟也猶欠篩在祖以杖擊碓三下而

支那

三峯和尚語錄卷第八

九

去能三鼓入室祖以袈裟遮圍能即大悟一切萬法不離自性曰何期自性本自清淨何期自性本不生滅何期自性本自具足何期自性本無動搖何期自性能生萬法

新月澄溪上下圓冷雲抹盡落遙天城樓黑黑三聲鼓萬象森羅枕子邊

六祖慧能大師避難經十五載忽念說法時至遂出至廣州法性寺值印宗法師講涅槃經寓止廊廡間暮夜風颭刹旛聞二僧對論一曰旛動一曰風動往復不已祖曰不是風動不是旛

動仁者心動一衆竦然

風旛非動心何物刹頂衝天鐵鵲飛六祖自家部靠倒倩誰拈出最初機

南嶽懷讓禪師禮祖祖曰何處來曰嵩山祖曰什麼物恁麼來曰說似一物即不中祖曰還可修證否曰修證即不無污染即不得祖曰只此不污染諸佛之所護念汝既如是吾亦如是西天般若多羅識汝足下出一馬駒踏殺天下人應在汝心不須速說

衝鋒一騎突重關好手當鞍不敢攀四足風馳滿天

支那

三峯和尚語錄卷第八

十一

下幾多神駿玉蹄翻

馬祖道一禪師南嶽嗣一夕西堂百丈南泉隨侍翫月次師問正恁麼時如何堂曰正好供養丈曰正好修行泉拂袖便行師曰經入藏禪歸海惟有普願獨超物外

呈撓舞棹踏翻舟在海何人脫巨流水底有龍窺得破好興雲雨沃神州

百丈懷海禪師馬祖嗣再參侍立次祖目視繩牀角拂子師曰即此用離此用祖曰汝向後開兩片皮將何爲人師取拂子豎起祖曰即此用

離此用師掛拂子於舊處祖震威一喝師直得
三日耳聾

獅子憐兒按繡毬惹教絲線費牽抽藏頭未露翻身
術一一從他不識羞

僧問抱璞投師請師一鑑師曰昨夜虎齧大蟲
曰不謬真詮爲什麼不垂方便師曰掩耳偷鈴
漢曰不遇中郎鑑還同野舍薪師便打僧曰蒼
天蒼天師曰得與麼多口曰罕遇知音拂袖便
行師曰百丈今日輸却一半

石邊流水放教過灑灑吞聲曲曲過寄語不須頻叫

支那
撰述部

三峰和尚語錄卷第八

土

屈到頭千尺海生波

黃檗希運禪師百丈嗣問丈曰從上宗乘如何
指示丈良久師曰不可教後人斷絕去也丈曰
將謂汝是箇人便歸方丈師隨後入曰某甲特
來丈曰若爾則他後不得孤負吾丈一日舉再
叅馬祖被喝話師遂領旨丈一日問師什處來
曰大雄山下采菌子來丈曰還見大蟲麼師便
作虎聲丈拈斧作斫勢師卽打丈一摑丈吟吟
而笑便歸上堂曰大雄山下有一大蟲汝等諸
人也須好看百丈老漢今日親遭一口

舉罷全身把舌伸大機之用點來親分明學得陷虎
法一摑雄峰是箇人

臨濟義玄禪師黃檗嗣在黃檗會中行業純一
時睦州爲第一座乃問上座在此多少時師曰
三年州曰曾參問否師曰不曾參問不知問箇
什麼州曰何不問堂頭和尚如何是佛法的的
大意師便去問聲未絕檗便打師下來州曰問
話作麼生師曰某甲問聲未絕和尚便打某甲
不會州曰但去更問師又問檗又打如是三度
問三度被打師白州曰早承激勸問法累蒙和

支那
撰述部

三峰和尚語錄卷第八

土

尚賜捧自恨障緣不領淡旨今且辭去州曰汝
若去須辭和尚了去師禮拜退州先到黃檗處
曰問話上座雖是後生却甚奇特若來辭方便
接伊已後爲一株大樹覆蓋天下人去在師來
日辭黃檗檗曰不須他去只往高安灘頭叅大
愚必爲汝說師到大愚愚曰什處來師曰黃檗
來愚曰黃檗有何言句師曰某甲三度問佛法
的的大意三度被打不知某甲有過無過愚曰
黃檗與麼老婆心切爲汝得徹困更來者裏問
有過無過師于言下大悟乃曰元來黃檗佛法

無多子愚搗住曰者尿牀鬼子適來道有過無過如今却道黃檗佛法無多子你見箇什麼道理速道速道師于大愚肋下築三拳愚拓開曰汝師黃檗非干我事師辭大愚却回黃檗檗見便問者漢來來去去有什了期師曰只爲老婆心切便人事了侍立檗問甚處去來師曰昨蒙和尚慈旨令叅大愚去來檗曰大愚有何言句師舉前話檗曰大愚老漢饒舌待來痛與一頓師曰說甚待來卽今便打隨後便掌檗曰者風顛漢來者裏捋虎鬚師便喝檗喚侍者曰引者

支那

三峯和尚語錄卷第八

主

風顛漢叅堂去

層疊樓高一步登末梢撩著迅騫騰角尖迸出玄中要萬古眞師貴所承

師栽松次檗曰溪山裏栽許多松作什麼師曰一與山門作境致二與後人作標榜道了將鏤頭聖地三下檗曰雖然如是子已喫吾三十棒了也師聖地三下噓一噓檗曰吾宗到汝大興于世

曳起三江盡底傾弄潮人慣釣舟橫縱然三十還三下添箇噓噓歎大興

師半夏上黃檗山見檗看經師曰我將謂是簡人元來是描黑豆老和尚住數日乃辭檗曰汝破夏來何不終夏去師曰某甲暫來禮拜和尚檗便打趁令去師行數里疑此事却回終夏後又辭檗檗曰什處去師曰不是河南便歸河北檗便打師約住與一掌檗大笑乃喚侍者將百丈先師禪板几案來師曰侍者將火來檗曰不然子但將去已後坐斷天下人舌頭去在打趁橫流一掌行先師禪板最分明當時若與親相見不致如今歎不平

支那

三峯和尚語錄卷第八

主

師後住鎮州臨濟學侶雲集一日謂普化克符二上座曰我欲于此建立黃檗宗旨汝且成禡我二人珍重下去三日後普化上來問和尚三日前說什麼師便打三日後克符上來問和尚前日打普化作什麼師亦打三日前三日後普化克符俱漏逗如今臨濟到三峯與他一鏃三關透

至晚小叅曰有時奪人不奪境有時奪境不奪人有時人境俱奪有時人境俱不奪克符問如何是奪人不奪境師曰煦日發生鋪地錦嬰兒

垂髮白如絲符曰如何是奪境不奪人師曰王令已行天下徧將軍塞外絕烟塵符曰如何是人境俱奪師曰并汾絕信獨處一方符曰如何是人境俱不奪師曰王登寶殿野老謳歌未發雷聲電已過幾人先此絕淆訛睡中一夜春風急坐久落花簾外多

僧問如何是真佛真法真道師曰佛者心清淨是法者心光明是道者處處無礙淨光是三卽一皆是空名而無實有如真正作道人念念心不間斷自達磨大師從西土來祇是覓箇不受

支那
撰述

三峰和尚語錄卷第八

五

言意浮沉結髑髏髮尖進出海門秋從權到實照功盡處處吹毛用不留

師曰有時一喝如金剛王寶劒有時一喝如踞地獅子有時一喝如探竿影草有時一喝不作一喝用汝作麼生會僧擬議師便喝

一喝金剛王星斗避寒芒千江不敢下逆浪上瞿塘踞地獅子吼萬山絕狐狗寄語百年妖何處輕開口探竿與影草誰解聲前了掣電過長空落處斯分曉喝不作喝用霹靂下空洞犯著三日聾至今尚傳誦示衆叅學之人大須仔細如賓主相見便有言

支那
撰述

三峰和尚語錄卷第八

六

人惑底人後遇二祖一言便了始知從前虛用工夫山僧今日見處與祖佛不別若第一句中薦得堪與佛祖爲師若第二句中薦得堪與人天爲師若第三句中薦得自救不了僧便問如何是第一句師曰三要卽開朱點窄未容擬議主賓分曰如何是第二句師曰妙解豈容無著問漚和爭負截流機曰如何是第三句師曰但看棚頭弄傀儡抽牽全藉裏頭人乃曰大凡舉唱宗乘一句中須具三玄門一玄門須具三要

有權有實有照有用汝等諸人作麼生會

論往來或應物現形或全體作用或把機權喜怒或現半身或乘獅子或乘象王如有真正學人便喝先拈出一箇膠盆子善知識不辨是境便上他境上作模作樣便被學人又喝前人不肯放下此是膏肓之病不堪醫治喚作賓看主或是善知識不拈出物祇隨學人用處卽奪學人被奪抵死不肯放下此是主看賓或有學人應一箇清淨境出善知識前知識辨得是境把得拋向坑裏學人言大好善知識知識卽云咄哉不識好惡學人便禮拜此喚作主看主或有

學人披枷帶鎖出善知識前知識更與加一重枷鎖學人歡喜彼此不辨喚作賓看賓大德山僧所舉皆是辯魔揀異知其邪正上堂次兩堂首座相見同時下喝僧問師還有賓主也無師曰賓主歷然師名衆曰要會臨濟賓主句問取堂中二首座上堂僧出作禮師便喝僧曰老和尚莫探頭好師曰你道落在什麼處僧便喝又僧問如何是佛法大意師便喝僧作禮師曰你道好喝也無僧曰草賊大敗師曰過在什麼處僧曰再犯不容師曰大衆要會臨濟賓主句問

支那通

三峯和尚語錄卷第八

七

取堂中二禪客師會下有同學二人相問一云離却中下二機請兄道一句子一云擬問則失一云與麼則禮拜老兄去也一云者賊師聞乃陞堂云要會臨濟賓主句問取堂中二禪客便下座兩堂一喝互交加驀直相逢且放他到底分明向君道竊桃三度見開花示衆我有時先照後用有時先用後照有時照用同時有時照用不同時先照後用有人人在先用後照有法在照用同時驅耕夫之牛奪飢人

之食敲骨取髓痛下鍼錐照用不同時有問有答立賓立主合水和泥應機接物若是過量人向未舉已前撩起便行猶較些子截路張燈禁夜行將軍號令太嚴明機前掉臂過關去雲外飛鴻叫一聲

上堂赤肉團上有一無位真人常從汝等面門出入未證據者看看時有僧出問如何是無位真人師下禪牀把住云道道其僧擬議師托開云無位真人是什麼乾矢橛便歸方丈團旁難撈水月華當陽把住又歸家碧潭千尺夜空

支那通

三峯和尚語錄卷第八

六

冷落葉滿天誰撒沙

興化存獎禪師臨濟嗣初在臨濟爲侍者後在三聖會裏爲首座常曰我向南方行脚一遭拄杖頭不曾撥著一箇會佛法底人三聖問得問曰你具箇什麼眼便恁麼道師便喝聖曰須是你始得後大覺聞舉遂曰作麼生得風吹到大覺門裏來師後到大覺爲院主一日覺喚院主我聞你道向南方行脚一遭拄杖頭不曾撥著一箇會佛法底人你憑箇什麼道理與麼道師便喝覺便打師又喝覺又打師來日從法堂過

覺名院主我直下疑你昨日者兩喝師又喝覺又打師又喝覺亦打師曰某甲于三聖師兄處學得箇賓主句總被師兄折倒了也願與某甲箇安樂法門覺曰者瞎漢來者裏納敗缺脫下衲衣痛打一頓師于言下薦得臨濟先師于黃檗處喫棒底道理師後開堂曰拈香曰此一炷香本爲三聖師兄三聖于我太孤本爲大覺師兄大覺于我太賒不如供養臨濟先師得一低頭毒已淡和根截去更錐鍼棒從脫下回三頓開合雙眸出頂心

支那

三峰和尚語錄卷第八

九

南院慧顥禪師興化嗣問僧近離什處曰襄州師曰來作什麼曰特來禮拜和尚師曰恰遇寶應老不在僧便喝師曰向汝道不在又喝作什麼僧又喝師便打僧禮拜師曰者棒本是汝打我我且打汝要此話大行瞎漢叅堂去問僧近離什處曰襄州師曰是什麼物恁麼來曰和尚試道看師曰適來禮拜底曰錯師曰禮拜底錯箇什麼曰再犯不容師曰三十年弄馬騎今日被驢撲瞎漢叅堂去雨度拋綸問淺溪鉤頭密意有浮沉自從三十年前

定潛躍由他好縱擒

汝州風穴延沼禪師南院嗣上堂祖師心印狀似鐵牛之機去卽印住卽印破祇如不去不住卽卽是不卽卽是還有人道得麼時有盧陂長老出問學人有鐵牛之機請師不搭印師曰慣釣鯨鯢澄巨浸却憐蛙步驟泥沙陂注思師喝曰長老何不進語陂擬議師便打一拂子曰還記得話頭麼陂擬開口師又打一拂子曰牧主曰信知佛法與王法一般師曰見什麼道理主曰當斷不斷反招其亂師便下座

支那

三峰和尚語錄卷第八

十

犄角雲排靦面攻知機却陣倒鋒衝暫時左次影旗換會得翻令失變通車急急砲重重別山窺著早收功

白雲守端禪師楊岐嗣問智不到處切忌道著道著時如何師曰風吹日炙曰恁麼則無處容身去也師曰確搗磨磨曰官不容鍼私通車馬師曰可貴可賤僧彈指一下師曰恰是僧吐舌師曰家貧猶自可路貧愁殺人僧呵呵大笑師曰放過一著

萬仞崖前拋杖子何妨到底自甘休車馬私通堪貴

賤呵呵放過有來緣

昭覺克勤佛果禪師五祖嗣至眞覺勝玉泉皓金鑾信大瀉詰黃龍心東林度僉指爲法器而晦堂稱他日臨濟一派屬子矣最後見五祖盡其機用祖皆不諾乃謂祖強移換人出不遜語忿然而去祖曰待你著一頓熱病打時方思量我在師到金山染傷寒困極以平日見處試之無得力者追繹五祖之言乃自誓曰我病稍間卽歸五祖病痊尋歸祖一見而喜令卽叅堂便入侍者寮方半月會部使者解印還蜀詣祖問

三峯藏和尚語錄卷第八

三峯和尚語錄卷第八

至

道祖曰提刑少年曾讀小艷詩否有兩句頗相近頻呼小玉元無事祇要檀郎認得聲提刑應諾諾祖曰且仔細師適歸侍立次問曰聞和尚舉小艷詩提刑會否祖曰他祇認得聲師曰祇要檀郎認得聲他旣認得聲爲什麼却不是祖曰如何是祖師西來意庭前柏樹子聲師忽有省遽出見雞飛上闌干鼓翅而鳴復自謂曰此豈不是聲遂袖香入室通所得呈偈曰金鴨香銷錦繡幃笙歌叢裏醉扶歸少年一段風流事祇許佳人獨自知祖曰佛祖大事非小根劣品

所能造詣吾助汝喜祖徧謂山中耆舊曰我侍

者叅得禪也由此所至推爲上首

翠眉銀海窺簾影玉尺金釵隔壁音坐對落花明月上幾人知此斷腸心

三峯藏和尚語錄卷第八

三峯藏和尚語錄卷第八

三峯和尚語錄卷第八

至

三峰藏和尚語錄卷第九

吳虎丘山雲巖寺嗣法門人弘儲編

頌古

明州天童應菴曇華禪師虎丘嗣上堂云九年
面壁壞却東土兒孫隻履西歸鈍置黃面老子
以拄杖畫一畫云石牛攔古路一馬生三寅又
有頌云蜻蜓許是好蜻蜓飛來飛去不曾停被
我捉來摘去兩邊翼恰是一枚大鐵釘
一聲葉墮起淵龍怒雨奔雷鼓黑風捲盡雲山天色
曉三星落落日如弓

文苑

三峰和尚語錄卷第九

一

無錫華藏密菴咸傑禪師應菴嗣上堂卓拄杖
一下云迷時祇迷者箇復卓一下云悟時祇悟
者箇迷悟兩忘糞埽堆頭重添搥擢莫有向東
涌西沒全機獨脫處道得一句底麼若道不得
華藏自道去也擲拄杖云三十年後
翻成誰道還丹就蛻去懸知未是仙三醉岳陽過湖
去一聲長嘯水雲天

破菴先禪師密菴嗣上堂云不是心不是佛不
是物忍俊不禁爲諸人作箇撇脫卓拄杖一下
云流水暗銷溪畔石勸人除却是非難

雙劍峰前德士家牟尼冠子換袈裟是非一任人描
邈春盡山松處處花

無準師範禪師破菴嗣上堂云名不得狀不得
取不得捨不得只麼得且道得箇什麼三人證
龜成鼈

描出難將額眼窺三人證鼈却成龜不勞甲乙淺鑽
兆拱手垂衣過盛時

仰山雪巖祖欽禪師無準嗣上堂云電光莫追
石火猶遲擣弗及處心不可識智不可知試舉
看興化和尚示衆云今日不用如何若何便請

文苑

三峰和尚語錄卷第九

二

單刀直入興化爲你證據時旻德長老出禮拜
起便喝化亦喝旻德又喝化亦喝旻德禮拜化
云若是別人三十棒一棒也較不得何故爲他
會一喝不作一喝用汝等諸人能于興化旻德
未相見以前著得一隻眼則臨濟四喝四賓主
四照用四料揀不待舉而明矣山僧不怕諸方
簡責試爲諸人明辯看興化道今日不用如何
若何便請單刀直入興化爲你證據碧油幢下
令不虛行旻德禮拜不顧危亡起便喝金剛寶
劍化亦喝踞地獅子旻德又喝化又喝兩陣對

圍曾無勝敗晏德禮拜溪掘陷坑興化道若是別人三十棒一棒也較不得張弓架箭何故爲他受德會一喝不作一喝用收下了也是汝諸人還見得興化晏德麼若也不見聽取山僧一頌同時照用不同時權實雙行作者知有得雖然亦有失還他龍虎自交馳

碧油幢下陣雲溪作者交鋒互縱擒掘得陷坑從萬丈蚤行先聽步虛音

天目高峰原妙禪師雪巖嗣一日巖問日間浩浩還作得主麼師云作得主睡夢中作得主麼

支那

三峯和尚語錄卷第九

三

師云作得主又問正睡著時無夢無想無見無聞主在什麼處師無語巖囑曰從今日去也不要汝學佛學法也不要汝窮古窮今但只饑來喫飯困來打眠纔眠覺來卽抖擻精神看我者一覺主人公畢竟在什麼處安身立命師自誓拌一生做箇癡默漢決要著一著子明白越五載因同宿友推枕墮地作聲廓然大徹山悠悠更水悠悠一片簑衣枕石頭撲落一聲驚起後竹梢斜月半輪秋

示衆有句無句金烏吞玉兔如藤倚樹癩馬繫

枯椿樹倒藤枯一冬燒不盡句歸何處石虎當途踞呵呵大笑龍頭蛇尾捺倒爛泥裏剛刀不斬無罪之人且道鴻山過在什麼處乃呵呵大笑下座

撐天插地忽翻身火裏開花未見真無首六龍飛上下幾人劫外領陽春

大徹底人本脫生死因什命根不斷自從拽斷蓬根索一任虛舟海上帆數點野萍栽不得不勞根下更加芟

佛祖公案只是一箇道理因什有明與不明

支那

三峯和尚語錄卷第九

四

山溪通塞路逶迤一夜風雷雨斷溪識得水邊苔徑險自甘崖側結茅棲

大修行人當遵佛行因什不守毘尼

聖凡忘盡眼模糊摸得張郎喚大家醉後不知天是筵路傍潦倒倩人扶

杲日當空無所不照因什被片雲遮却

當空赤日頂門高赫奕翻令目自勞夜半閉關溪睡熟者回能數背問毛

人人有箇影子寸步不離因什踏不著

隨身自影不相離不上平橋反落溪剩有脚心開隻

眼等閑踏過頂顙西

盡大地是箇火坑得何三昧不被燒却

目前萬事燄鑪紅開眼眉毛燎已空誰把虛空翻作海爲雲爲雨夢魂中

韶州雲門文偃禪師雪峰嗣叅睦州州纔見來便閉却門師乃叩門州曰誰師曰某甲州曰作什麼師曰已事未明乞師指示州開門一見便閉却師如是連三日叩門至第三日州開門師乃拶入州便擒住曰道道師擬議州便推出曰秦時轆轤鑽遂掩門損師一足師從此悟入州

支那
撰述

三峰和尚語錄卷第九

五

指見雪峰師到雪峰莊見一僧乃問上座今日上山去那僧曰是師曰寄一則因緣問堂頭和尚祇是不得道是別人語僧曰得師曰上座到山中見和尚上堂衆纔集便出握腕立地曰者老漢頂上鐵枷何不脫却其僧一依師教雪峰見者僧與麼道便下座攔胸把住曰速道速道僧無對峰拓開曰不是汝語僧曰是某甲語峰曰侍者將繩棒來僧曰不是某語是莊上一浙中上座教某甲來道峰曰大眾去莊上迎取五百人善知識來師次日上雪峰峰纔見便曰因

什麼得到與麼地師乃低頭從茲契合溫研積稔密以宗印授焉

饒君一鏃三關破縱使紅旗閃便過轉句半提俱抹殺全提時節問如何

僧問如何是佛師答云乾屎橛

熏天觸地特拈來惹得青蠅鬧不回逼眼黑山千仞鐵幾人跳過糞灰堆

不用梅檀入細雕拈來一段妙峰高自從射得波心箭今古錢塘不起潮

淡閨百結斷離腸日憶夫君在鳳凰燈下晚妝忽相

支那
撰述

三峰和尚語錄卷第九

六

見十年愁絕一時忘

僧問樹凋葉落時如何師答云體露金風

欲得明珠覓蚌胎虛空無縫任相猜青山破後龍飛去夜雨潺潺澗水來

潭州爲山靈祐禪師百丈嗣問仰山卽今事且置古來事作麼生仰叉手近前師曰猶是卽今事古來事作麼生仰退後立師曰汝屈我我屈汝仰便禮拜

展大機輪換古今進前退後問知音夜明九曲鴛鴦線秋後平分月色淡

袁州仰山慧寂通智禪師瀉山嗣僧叅次便問和尚還識字否師曰隨分僧以手畫此○相呈師以衣袖拂之僧又作此○相呈師以兩手作背拋勢僧以目視師師低頭僧遶師一市師便打僧遂出去

雙放雙收鐵突樂胡僧側目不能看西天東土心相印圓相分明爲爾傳

師坐次見一僧從外來便問訊了向東邊叉手立以目視師師乃垂下左足僧却向西邊叉手立師垂下右足僧向中間叉手立師收雙足僧

支那

三峯和尚語錄卷第九

七

禮拜師曰老僧自住此未曾打著一人拈拄杖便打僧便騰空而去

左看成賊右看成魔覲面看來不較多拄杖不知何處落西天夜夜隔秋河

信位

如何入信位竹折初醒睡開眼滿山雲說什會不會

同相

拈出箇同相沙彌拜和尚一樣團圓頭袈裟挂肩上

異相

與君指異相晴峰天外望一般怪石頭參差千萬狀

有情類

自入有情類觸著也會會及至問將來對面翻成背

異類

翻身託異類蛇頭著鳥喙打入野狐羣真得大自在

無情類

無情復何類拈起石頭塊不作貴賤論專向人前賣

然燈前

問我然燈前一場沒意智昨夜寺門開江峰插天峙

正然燈

正是然燈時瞥爾相撞著輾轢鑽頭拋雲門一隻脚

支那

三峯和尚語錄卷第九

八

然燈後

問著然燈後林公方醉酒及至睡醒來蒼蠅滿杯缶

落處

落處果何如舌拖三丈餘箇中著隻眼慚愧隱峰噓

佛界

佛界問如何輪珠轉佛陀大顛叩齒處首座出巖阿

生界

撞著衆生界頭角分明在子胡狗子來闍黎多縮退

魔界

滾滾魔羅界紅蓮一百拜豁地倒翻身方爲清淨界

末前句

如何末前句掉手總不住縱然會得來已落第二義

日用句

如何日用句拋出木毬去縱要捉將來輓輓無尋處

末後句

末後一句子鉢歸三度指滑稽老巖頭無處尋頭底

第一句

為仰第一句拋出鐵錮鏘饒你點畫來也是閒家具

第二句

為仰第二句十指相叉住靚面忽呈來交加擎亂樹

撰文那

三峰和尚語錄卷第九

九

第三句

為仰第三句半箇礙人柱任汝舌頭長有味沒舐處

鄧州香嚴智閑禪師師有偈曰子啐母啄子覺

母穀子母俱亡應緣不錯同道唱和妙云獨脚

雲雨初收月在空冷冷秋色動微風夜深院落無人

住黃葉一聲池影中

金陵清凉院文益禪師僧慧超問如何是佛師

曰汝是慧超

一呼一唯莫誰何相見平身揖便過曉露上花香汗

洗春風吹柳綠雲梳

三峯藏和尚語錄 卷九

瑞州洞山良价悟本禪師雲巖嗣首謁南泉值

馬祖諱辰修齋泉問眾曰來日設馬祖齋未審

馬祖還來否眾皆無對師出曰待有伴即來泉

曰此子雖後生甚堪雕琢師曰和尚莫墜良為

賤次叅為山問曰頃聞南陽忠國師有無情說

法話某甲未究其微指云須向者裏參透

為曰閣黎莫記得麼師曰記得為曰汝試舉一

徧看師舉了為曰我者裏亦有祇是罕遇其人

師曰某甲未明乞師指示為豎起拂子曰會麼

師曰不會請和尚說為曰父母所生口終不為

撰文那

三峰和尚語錄卷第九

十

子說師曰還有與師同時慕道者否為曰此去

濃陵攸縣石室相連有雲巖道人若能撥草瞻

風必為子之所重師曰未審此人如何為曰他

曾問老僧學人欲奉師去時如何老僧對他道

直須絕滲漏始得師遂辭為山徑造雲巖舉前

因緣子便問無情說法什麼人得聞巖曰無情

得聞師曰和尚問否巖曰我若問汝即不問吾

說法也師曰某甲為什不問巖豎起拂子曰還

聞麼師曰不聞巖曰吾說法汝尚不聞豈況無

情說法乎師曰無情說法該何典故巖曰豈不

見彌陀經云水鳥樹林悉皆念佛念法念僧師于此有省乃述偈曰也大奇也大奇無情說法不思議若將耳聽終難會眼裏聞聲始得知師曰某甲有餘習未盡巖曰汝曾作什麼來師曰聖諦亦不爲巖曰還歡喜也未師曰歡喜卽不無如糞埽堆頭拾得一顆明珠師問擬欲相見時如何巖曰問取通事舍人師曰見問次巖曰向汝道什麼師辭雲巖巖曰什麼處去師曰雖離和尚未卜所止巖曰莫湖南去師曰無曰莫歸鄉去師曰無曰蚤晚却回師曰待和尚有住

支那
述

三峯和尚語錄卷第九

土

處卽來曰自此一別難得相見師曰難得不相見臨行又問百年後忽有人問還邈得師真否如何祇對巖良久曰祇者是師乃沉吟巖曰价閣黎承當箇事大須審細師猶涉疑後因過水睹影大悟前旨偈曰切忌從他覓迨追與我疎我今獨自往處處得逢渠渠今正是我我今不是渠應須怎麼會方得契如如

三石碗甌空裏走叫道鷹巢有好酒二人出手擡一缸醉倒如泥不知有
師作五位君臣頌曰正中偏三更初夜月明前

莫怪相逢不相識隱隱猶懷舊日嫌偏中正失曉老婆逢古鏡分明覲面別無真休更迷頭猶認影正中來無中有路隔塵埃但能不觸當今諱也勝前朝斷舌才兼中至兩刃交鋒不須避好手猶如火裏蓮宛然自有冲天志兼中到不落有無誰敢和人人盡欲出常流折合還歸炭裏坐
獨行潭影見眞風隱顯雙雙自合蹤樹老不知春在否雪中開徧五梅叢
師曰末法時代人多乾慧若要辯驗眞僞有三

支那
述

三峯和尚語錄卷第九

土

種滲漏一曰見滲漏機不離位墮在毒海二曰情滲漏滯在向背見處處偏枯三曰語滲漏宛妙失宗機昧終始濁智流轉于此三種子宜知之曾經徹悟盡情乾處處將他與衆看不合此機生向背不知淺淺有多般

師作綱要偈曰道無心合人人無心合道欲識箇中意一老一不老

一老一不老桃枝生赤棗雨露不知恩馨香隨晚蚤
撫州曹山本寂禪師洞山嗣示衆曰凡情聖見是金鎖玄路直須回互夫取正命食者具三種

墮一者披毛戴角二者不斷聲色三者不受食時有稠布衲問披毛戴角是什麼墮師曰是類墮曰不斷聲色是什麼墮師曰是隨墮曰不受食是什麼墮師曰是尊貴墮乃曰食者即是本分事知有不取故曰尊貴墮夫冥合初心而知有是類墮知有而不礙六塵是隨墮師凡言墮謂溷不得類不齊凡言初心者所謂悟了同未悟耳

分明蹄角臥長林萬樹桃花各有心水草連天雲漠漠不勞斗酒拂瑤琴

支那
源流

三峰和尚語錄卷第九

三

池州南泉普願禪師馬祖嗣與魯祖歸宗杉山四人離馬祖處各謀住菴于中路相別次師插下拄杖云道得也被者箇礙道不得也被者箇礙宗拽拄杖打師一下云也只是者箇王老師說什麼礙不礙魯云只此一句語大播天下宗曰還有不播者麼魯曰有宗曰作麼生是不播者魯作掌勢

你打我掌一場擾攘三人齊趁各分飛蓮花峰在青

天上

麻谷寶徹禪師持錫到章敬繞禪牀三匝振錫

一下卓然而立敬云是是谷又到師處亦繞禪牀三匝振錫一下卓然而立師云不是不是谷云章敬道是和尚爲什麼道不是師云章敬卽是是汝不是此是風力所轉終成敗壞

東山一抹過西洲西嶺拈來左手頭拍手呵呵向人道前溪自古水東流

廬山歸宗智常禪師馬祖嗣大愚一日辭師師問什處去愚云諸方學五味禪去師云諸方有五味禪我者裏只有一味禪愚便問如何是一味禪師便打愚忽然大悟云噯我會也師云道

支那
源流

三峰和尚語錄卷第九

內

道愚擬開口師又打趁出愚後到黃檗舉前話槩上堂曰馬大師出八十四人善知識問著箇箇扇漉漉地祇有歸宗較些子

一番雨一番雷賞處遭他罰一回教壞兒孫常向外三拳肋下被人揮

潭州龍山和尚馬祖嗣洞山與密師伯行脚見溪流菜葉洞曰溪山無人因何有菜隨流莫有道人居否乃相與撥草溪行五七里問忽見師羸形異貌放下行李問訊師曰此山無路閣黎從何處來洞曰無路且置和尚從何而入師曰

我不從雲水來洞曰和尚住此山多少時耶師曰春秋不涉洞曰和尚先住此山先住師曰不知洞曰爲什麼不知師曰我不從人天來洞曰和尚得何道理便住此山師曰我見兩箇泥牛鬪入海直至于今絕消息洞山始具威儀禮拜便問如何是主中賓師曰青山覆白雲如何是賓中主師曰長年不出戶曰賓主相去幾何師曰長江水上波曰賓主相見有何言說師曰清風拂白月洞山辭退師乃述偈曰三間茅屋從來住一道神光萬境閑莫把是非來辯我浮生

支那

三峯和尚語錄卷第九

五

穿鑿不相關又曰一池荷葉衣無數滿地松花食有餘剛被世人知住處又移茅屋入溪居因燒菴不知所如故人亦稱隱山和尚用竭機謀不出關廉纖脫盡隔重山何時倒捲珠簾上新月爲鉤挂一彎

天王道悟禪師馬祖嗣僧問如何是玄妙之說師曰莫道我解佛法好曰爭柰學人疑滯何師曰何不問老僧曰卽今問了也師曰去不是汝存泊處

客來閉戶去仍邀不待呼茶盡納交賓主分明向君

道從來施禮不共腰

烏白和尚馬祖嗣問僧近離什處曰定州師曰定州法道何似者裏曰不別師曰若不別更轉彼中去便打僧曰棒頭有眼不得草草打人師曰今日打著一箇也又打三下僧便出去師曰屈棒元來有人喫在曰爭柰杓柄在和尚手裏師曰汝若要山僧回與汝僧近前奪棒打師三下師曰屈棒屈棒曰有人喫在師曰草草打著箇漢僧禮拜師曰却與麼去也僧大笑而出師曰消得恁麼消得恁麼

支那

三峯和尚語錄卷第九

六

風風雨雨轉吞聲樹底游絲不斷情倒卷飛花上層閣美人閑把玉欄凭

浮杯和尚馬祖嗣凌行婆來禮拜師與坐喫茶婆乃問盡力道不得底句分付阿誰師曰浮杯無剩語婆曰未到浮杯不妨疑著師曰別有長處不妨拈出婆斂手哭曰蒼天中更添冤苦師無語婆曰語不知偏正理不識倒邪爲人卽禍生後有僧舉似南泉泉曰苦哉浮杯被者老婆摧折一上婆後問笑曰王老師猶少機關在澄一禪客逢見行婆便問怎生是南泉猶少機關

在婆乃哭曰可悲可痛一罔措婆曰會麼一合掌而立婆曰跣死禪和如麻似粟一舉似趙州州曰我若見者臭老婆問教伊口啞一曰未審和尚怎生問他州便打一曰爲什麼却打某甲州曰似者跣死漢不打更待幾時連打數棒婆聞却曰趙州合喫婆手裏棒後僧舉似趙州州哭曰可悲可痛婆聞此語合掌歎曰趙州眼光燦破四天下州令僧問如何是趙州眼婆豎起拳頭僧回舉似趙州州作偈曰當機覷面提覷面當機疾報汝凌行婆哭聲何得失婆以偈答

支那

三峰和尚語錄卷第九

七

曰哭聲師已曉已曉復誰知當時摩竭國篋喪目前機

一聲冤苦下滄浪爭奈前風別野航歸載月明畱下釣從教淡夜共鳴榔

趙州觀音真際從諗禪師南泉嗣到一菴主處問有麼有麼主豎起拳頭師曰水淺不是泊船處便行又到一菴主處問有麼有麼主亦豎起拳頭師曰能縱能奪能殺能活便作禮

沙之汰之瓦礫在後簸之揚之糠粃在前石門兩扇關如鐵半夜何人叩冷烟

師示衆曰此事的沒量大人出者裏不得老僧到瀉山見僧問如何是祖師西來意山云與我過牀子來若是宗師須以本分事接人始得時有僧問如何是祖師西來意師曰庭前柏樹子曰和尚莫將境示人師曰我不將境示人曰如何是祖師西來意師曰庭前柏樹子後法眼問光孝覺曰近離什處曰趙州眼曰承聞趙州有柏樹子話是否曰無眼曰往來皆謂趙州有此話上座何得道無曰先師實無此語和尚莫謗先師好

支那

三峰和尚語錄卷第九

八

庭前柏樹子先師無此語捧出一爐燒禍延覺鐵嘴又

柏樹槎牙鐵樣栽趙州臘月起轟雷至今凭取闌干看蕭瑟滿天風雨來

師問新到曾到此間麼曰曾到曰喫茶去又問僧僧曰不會到師曰喫茶去後院主問曰爲什麼曾到也云喫茶去不會到也云喫茶去師召院主主應諾師曰喫茶去

曾到呼茶不到茶分明院主是當家撥來依舊茶相款拋却繩牀坐晚霞

僧問狗子還有佛性也無師曰無曰上至諸佛下至螻蟻皆有佛性狗子爲什麼却無師曰爲伊有業識在又僧問狗子還有佛性也無師曰有曰既有爲什麼入者皮袋裏來師曰知而故犯

狗子佛性有鐵裹飯團投餓口狗子佛性無手絞虛空緝頸繩牽也得釣也得子細子胡那一隻

僧問萬法歸一一歸何處師曰老僧在青州做得一領布衫重七斤 雪竇頌云編辟曾挨老古錐七斤衫重幾人知而今拋向西湖裏下載

支那撰述

三峯和尚語錄卷第九

九

清風付與誰

一人提起一人拋冷煖人情閱轉勞挂在樹頭無用處幾人知此古風高

澧州龍潭崇信禪師天皇嗣一日問皇曰某自到來不蒙指示心要皇曰自汝到來吾未嘗不指汝心要師曰何處指示皇曰汝擎茶來吾爲汝接汝行食來吾爲汝受汝和南時我便低頭何處不指示心要師低頭良久皇曰見則直下便見擬思則差師當下開解復問如何保任皇曰任性逍遙隨緣放曠但盡凡心別無聖解

輕如柳絮重如山指出分明俯仰間曳脫布毛風裏颺鑿耕作息不知閑

鼎州德山宣鑒禪師龍潭嗣抵瀉山挾複子上法堂從西過東從東過西曰有麼有麼山坐次殊不顧盼師曰無無便出至門首乃曰雖然如此也不得草草遂具威儀再入相見纔跨門提起坐具曰和尚山擬取拂子師便喝拂袖而出瀉山至晚問首座今日新到在否座曰當時背却法堂著草鞋出去也山曰此子已後向孤峰頂上盤結草菴呵罵佛祖去在

支那撰述

三峯和尚語錄卷第九

十

兩翻騰躍逞全提依舊孤峰草裏迷臥看夜塘風雨過晚涼偏愛月明低

鄂州巖頭全叡禪師德山嗣雪峰在德山作飯頭一日飯遲德山擎鉢下法堂峰曬飯中次見德山乃曰鐘未鳴鼓未響托鉢向什麼處去德山便歸方丈峰舉似師師曰大小德山未會末後句在山間令侍者喚師去問汝不肖老僧那師密啓其意山乃休去明日陞堂果與尋常不同師至僧堂前拊掌大笑曰且喜堂頭老漢會末後句他後天下人不柰伊何雖然也祇得三

年活山果三年後示寂

鉢來鉢去足商量密啓還休未是長呪殺阿師圖痛快師徒各自顧私腸
父南子北締同心家業飄零骨恨淡多少巖居門洞窄喜看橫嶺截千尋
托出攜歸黑國圖啓來休去佛消魂昨朝不會今朝會只活三年是報恩

福州雪峰義存禪師德山嗣有兩僧來師以手拓菴門放身出曰是什麼僧亦曰是什麼師低頭歸菴僧辭去師問什麼處去曰湖南師曰我

支那

三峰和尚語錄卷第九

三

有箇同行住巖頭附汝一書去書曰一自鼇山成道後迄至于今飽不饑僧到巖頭問什麼處來曰雪峰來有書達和尚頭接書乃問僧別有何言句師遂舉前話頭曰他道什麼曰他無語低頭歸菴頭曰噫我當初悔不向伊道末後句若向伊道天下人不柰雪老何僧至夏末請益前話頭曰何不早問曰未敢容易頭曰雪峰雖與我同條生不與我同條死要識末後句祇者是

蝴蝶轉身三幅綺蜻蜓摘翼一枚釘游蜂慣宿花房

裏吟與傍人未易聽

澧州藥山惟儼禪師石頭嗣師坐次道吾雲巖侍立師指案山上榮枯二樹問道吾曰枯者是榮者是吾曰榮者是師曰灼然一切處光明燦爛去又問雲巖枯者是榮者是巖曰枯者是師曰灼然一切處放教枯澹去高沙彌忽至師曰枯者是榮者是彌曰枯者從他枯榮者從他榮師顧道吾雲巖曰是不是
一橈兩橈不足貴踏翻船子見宗風蘆花冷落秋江上多少行人話此中

支那

三峰和尚語錄卷第九

三

三峰藏和尚語錄卷第九

三峯藏和尚語錄卷第十

吳虎丘山雲巖寺嗣法門人弘儲編
頌古

舉百丈再參馬祖侍立次祖目視繩牀角拂子
丈曰卽此用離此用祖曰汝向後開兩片皮將
何爲人丈取拂子豎起祖曰卽此用離此用丈
挂拂子于舊處祖振威一喝丈直得三日耳聾
後一日謂衆曰佛法不是小事老僧昔被馬大
師一喝直得三日耳聾黃檗聞舉不覺吐舌丈
曰子已後莫承嗣馬祖去麼檗曰不然今日因

支那
二

三峯和尚語錄卷第十

二

和尚舉得見馬祖大機之用然且不識馬祖若
嗣馬祖已後喪我兒孫丈曰如是如是見與師
齊滅師半德見過于師方堪傳授子甚有超師
之見檗便禮拜又仰山曰此是顯大機大用且
道如何是大機之用

盡道英雄志可伸長驅席捲見精神胡盧谷斷燎天
火一馬爲龍得幾人

如何是大機大用

放去收來任自繇突然翻轉尾和頭曾經三峽瞿塘
險跨窺瞿兒也大愁

既有大機之用如何是大用之機

鉢下袈裟窟裏身英雄當日逞將軍蒙山去後南宗
振避石猶傳萬古勳

如何是大底道理

斷水窮山不憚煩桃花流盡見仙源自從一落漁人
眼世上相傳有浪言

馬祖而下早有賓主句矣其源蓋出于再參公
案中且道如何是百丈再參之賓中主

早施約法次關中示玦烹翁霸正雄子夜楚歌虞帳
冷千秋無面見江東

支那
二

三峯和尚語錄卷第十

二

如何是主中賓

京階先揖致殷勤北面擎觴禮讓頻去盡驕淫見眞
實從來入聖本于仁

如何是主中主

何處聲榔擊破秋掉翻輕艤擲魚鉤夜蟾不識湖溪
冷沉到龍窩極底頭

主中主從那裏得來

頽然闔外付將軍開國成家豈別人不是垂衣拱手
貴萬邦何以致來賓

舉興化在三聖爲首座常曰我在南方行脚一

遭拄杖頭不曾撥著一箇會佛法底人聖曰具箇什麼眼便恁麼道化便喝聖曰須是你始得全提劫外過春風纔見花開雨濕叢縱使青皇未零亂已看滿地是殘紅

興化到大覺覺問我聞你道向南方行脚一遭拄杖頭不曾撥著一箇會佛法底人你憑箇什麼道理與麼道化便喝覺便打化又喝覺又打明日相逢覺曰我昨日疑你者兩喝化又喝覺又打化再喝覺亦打

一回雨過一回香轉見花淡夏日長燕子尚疑春富

擬支那

三峰和尚語錄卷第十

三

貴喃喃猶自語高梁

化曰某甲于三聖師兄處學得箇賓主句總被師兄折倒了也願與箇安樂法門覺曰者瞎漢來者裏納敗缺脫下衲衣痛與一頓化于言下薦得臨濟先師于黃檗處喫棒底道理且道如何是三度痛棒底道理

洗盡胭脂素體香多知姣囑細姑娘翻思父母當年事恩大難酬只自傷

舉守廓侍者到華嚴值嚴上堂曰大眾今日若是臨濟德山高亭大愚鳥窠船子兒孫不用如

何若何便請單刀直入華嚴與你證據廓出禮拜起便喝嚴亦喝廓又喝嚴亦喝廓禮拜起曰大眾看者老漢一場敗缺又喝一喝拍手歸眾且道華嚴敗缺在什麼處

東和北拒策應高前失吞吳後棟撓八陣至今騰怒氣數堆頑石怒江濤

守廓到鹿門見楚和尚與僧話次門問楚曰你終日披披搭搭作麼楚曰和尚見某甲披搭搭搭那門便喝楚亦喝各休去廓曰你看者兩箇瞎漢隨後便喝門歸方丈請廓問云老僧適來

擬支那

三峰和尚語錄卷第十

四

與楚閣黎賓主相見什處敗缺廓曰轉見病漢門曰老僧自興化來便會也廓曰和尚到興化時某甲爲侍者記得與麼時語門曰請舉看廓遂舉興化問和尚什處來尚曰五臺來化曰還見文殊麼尚便喝化曰我問你還見文殊麼又惡發作麼尚又喝化不語和尚作禮至明日教某甲喚和尚和尚早去也化上堂曰你看者箇僧擔條斷貫索向南方去也已後也道見興化來廓曰今日公案恰似與麼時底門曰興化當時爲什無語廓曰見和尚不會賓主句所以不

語及欲喚和尚持論和尚已去也門特煎茶告衆曰叅學龍象直須子細云云且道如何是斷貫索

逢師兩喝硬如雷誰料殷勤爲汝悲縱使再三千百喝一條斷索繫頭回

如何是會賓主處

輕輕撥著萬斤椎腦後潛過夢裏雷大覺家風千古祕幾人員到玉山頽

舉臨濟兒孫從五祖與佛鑑鑑與妙喜遞代俱以爲山安有句無句如藤倚樹樹倒藤枯句歸

投文那

三峯和尚語錄卷第十

五一

何處爲山呵呵大笑歸方丈公案爲最後事五祖曰相隨來也且道如何是相隨來也底道理踏轉雙輪駕白牛四衢風氣肅三秋笑歸方丈還錢去明月團團嶺上頭

又爲山爲道吾捺倒爛泥裏有判者曰也只是館驛裏撮馬糞漢且道如何是馬糞

夜追鞭影過橋東踏著溪春柳下風欲理羈韁向人道亂絲空把月明中

舉圓悟問大慧曰踞虎頭收虎尾第一句下明宗旨如何是第一句慧曰此是第二句且道如

何是虎頭虎尾如何是踞收如何是第一句下明宗旨

樹頭樹底覓殘紅一片西飛一片東白是桃花貪結子錯教人恨五更風

舉五祖演曰牛過窻樞頭角四蹄都過了只有尾巴過不得如何是四蹄如何是尾巴如何是過不得

十指爲拳劈面椎西風颯颯起春雷霜前雪後分明事誰道一陽冬至回

三峯藏致問雲門湛然禪師曰雲巖傳寶鏡三

投文那

三峯和尚語錄卷第十

六

昧三種滲漏與洞山价還是過水觀影前事是觀影後事若是觀影後事爲何不見重叅若觀影前事爲什未悟而先傳堂奧

峻峻石室暫相逢良久淆訛囑付重眼誤自開當細見世間幾箇是真龍

問若是堂奧果可先傳又說什麼自悟

不因度水絕來甦定落然香受祖圖師法旣傳成紙墨奮龍行雨在驪珠

問若是法屬閑家具而可以先傳可以後傳又何必重于師承法乳

分符貴在合符同苟不憑符何適從只恐竊符私奔者定然三尺不相容

問若人人可以傳得爲什繩牀脚下聽去便道倒屣無及

春秋一字但誅心詭御從他傲得禽握法不嚴成自貧室中千古貴惟欽

問五位君臣既是闡揚不少爲什又說箇五位王子畢竟是兩義耶是一義耶若是一義石霜九峰料不多事若道兩義請判意旨如何

既分貴賤辯疎親密闡玄宗不厭頻面面好山披洞

支那
撰述

三峰和尚語錄卷第十

七一

府脫然蛻去邈仙眞

五位君臣曹山言正位卽空界本來無物偏位卽色界有萬象形正中偏者背理就事偏中正者捨事入理兼帶者冥應萬緣不墮諸有非染非淨非正非偏故曰虛玄妙道無著眞宗從上先德推此一位最妙最玄空界色界說理說事既是曹山語爲什大慧道說理說事教有明文教外單傳直指之道果如是否若果如是討什好曹山耶且道曹山畢竟意旨如何

東來西去共浮沉輒出圓圖格外音若向末梢烏炭

認又成擔板費沉吟

問既單取五位爲從上所推則今之悟者全在裏許安身立命爲什出語多是正中偏偏中正從來雙足走西東起坐分明不住功脫屣上牀沉睡後一輪圓月挂高穹

問大慧言四大解散時心識已昏如何回互既回互不得定闖入驢胎馬腹去也且道此時作何諦當

地閉天凝凍轉加梅因寒徹迸些花若干白處看消息大似尋春截樹丫

支那
撰述

三峰和尚語錄卷第十

八一

問景欣言見解人多行解人萬中無一箇若識不盡敢道輪迴去在且道識盡底人畢竟是見解是行解卽今日應萬事在那裏安身立命觸體乾盡生青草不借流螢一線光敲到第三隻眼直不知入地上天堂

問子歸就父又道推爺向裏頭且道推者是阿誰既是推爺向裏誰是同時不識之祖

翻轉青銅鏡背看硃砂斑厚鑛泥乾光生不用指磨舊漢製從來體自圓

問曹山立三種墮註者言師凡言墮謂溷不得

類不齊又明安言不受食是尊貴墮須知那邊
了却來者邊行履不虛此位卽墮尊貴矣且道
曹山墮意畢竟是那裏一種

者邊那邊都不得合水和泥總不知牛斷鼻繩湖草
綠牧童濃睡月低垂

問曹山回互當頭濟臨機不讓師法眼家問
如何是曹源一滴水答是曹源一滴水且道三
家落處在什麼所在

雙控俱虛直下鉞主賓推讓正全擒劈頭一撞雲消
散箇箇歸宗不用尋

三峯藏和尚語錄卷第十

三峯和尚語錄卷第十

九

問洞山問龍山老人如何是主中主答常年不
出戶又別載如何是賓中主答常年不出戶且
道是譌誤耶是各有道理耶

醉溪獨貴和衣睡未飽應憐放飭人拂子挂來何足
問君臣溷失有家珍

問臨濟祕密只貴賓主曹洞亦有賓主且道同
別在什麼處

主主應須體用分杖頭末句父歸根相叅了得方珍
重利處應知鈍已存

問曹山四禁莫行心處路不挂本來衣何須正

恁麼切忌未生時且道禁此之外又作麼生
誰人影子不隨身吹波青蓋始見真昨日看山獨倚
杖幾迴行過石麒麟

問三種滲漏中語滲漏有機昧終始明安等語
究竟未在和道如何是機始

前牽後扯浦州麻只道牽勝總是他不會牢關最後
事得來水影是蝦蟆

金粟和尚問汾陽道三玄三要事難分如何是
難分處師答之

若落難分處顛顚未足談若還分得是依舊隔千山

三峯藏和尚語錄卷第十

三峯和尚語錄卷第十

十

答金粟和尚夢溪青牯牛頌

自從鼻孔不通風水草尋常臥澗東露地不知毛色
變只緣身在蔚藍中

又

分明蹄角下瀉山鼻底無繩過石田童子經春尋不
見草溪毛色染蒼烟

又

掀翻犁耙去悠悠從此無人更可收白日亂峰堆裏
臥儼然苔石出雲頭

菩提樹狗子佛性百丈野狐總論

雙趺昔日示金棺結得兒孫世世寃能秀趙州兼百丈叢林千古訟聲喧

南泉不是心不是佛不是物是箇什麼

對面脫却孃生褲蓑蓑搥動漁陽鼓可憐後代不知音猶問當年賦鸚鵡

睡中主 和雲門

一聲枕子喚不起亘古長年在睡裏烟消火歇瓦罐香咄元來瓊瑤粥就是你

不許夜行投明須到

雷聲隱隱隔前山漲水平添過澗灣自是漁郎舟纜

文雅

三峰和尚語錄卷第十

土

穩夕陽高臥釣絲乾

又

兩關難透虎交牙擬得相應正落差鐵壁銀山齊打過回頭還是舊生涯

閻黎老僧

問聲未絕得人憎拂子拈來撼眼睛饒君縱是超羣客也向閻黎覓老僧

般若無知無所不知

雙手拏雲兩脚銍脇邊橫口瀉懸河百花枝上春何處一夜東風自哩囉

又

楚楚千峰露寶刀松聲且莫逞英豪老僧不識狸奴面抱取獅兒弄作貓

和鏡新五陰頌

一片空雲抹太虛雲銷華月正如如請從月落夜淡睡拈出當人第一機

何處寒山落鏡中明明點出隔重重者回撲破青銅塊一任芙蓉削太空

月光豈是弄波紋波月相交自起痕照盡月明非有意不妨波月兩多情

文雅

三峰和尚語錄卷第十

土

水本不流因岸見岸忘見絕自滔滔知他流到住頭處不出東瀛者一毫

百萬強魔因有主主人銷去任魔來當陽一劒兩頭截放下吹毛何快哉

自從打破桶箍子依舊分明漆一團漆到放光光照處向君拋出舊箍○

南泉斬貓

貓兒豈讓兩堂僧自解臨機噴一聲不獨南泉刀段段趙州應棄草鞋行

一色邊

雪滿空江月在天鷺鷥拳脚縮頭眠盡情撲得西風
去只在寒蘆凍草邊

宗旨頌

變脚硬手有柴無口頭尖如鑽尾大如斗若人撥著
和身筋斗

佛祖爪牙頌

晚來平地起干戈暴雨顛風捲薜蘿夜半車聲千處
歇打斜松月挂天河

答蔡雲怡學憲青州衫頌

青州吐出舌頭乾移得愚山對面安枯骨呬羹從自

支那
語錄

三峯和尚語錄卷第十

三

嘔美齋不中飽人食

答雲怡三頓棒頌

起倒通身入井泉一時三頓肋邊拳阮郎莫向車窮
哭一鶴沖雲出九天

答王聞修學憲竹篴頌

鐵門誰道雙關緊指點分明寫噉呬不用如來廣長
舌等閑消盡破晴空

有句無句頌

河源清濁分還一到海通身忽地乾卷入沃焦山脚
底鐵圍大小火成團

答周居實居士

昨夜泥牛入海濱無消息處忽耕春誰將五彩畫頭
角夢裏一犁花柳新

示顧無遮居士

玉真相別出天台七世兒孫反見猜從此無聊入山
去洞門不類昔時開

示森如

如何是佛乾矢橛舌頭大面頰赤秤錘落地活鱗鱗
打碎甕向汝說有句無句交如織織得密微塵羅不
出忽然失半夜落潭月從頭起更歇虛空卷作鐵方

支那
語錄

三峯和尚語錄卷第十

西

是實牢束三條篾依舊斧用鋤非舊日三生劫頭難
出莫將馬糞空拈掇咄跌龍頭蛇尾相蟠結乾矢橛

示王夫人濟炳

函蓋乾坤句

木毬拋出向人看輾輾如珠不在盤爲問毬中眞切
意殼堅飛出鳳凰翰

截斷衆流句

三峽奔流上界來誰攜千嶂絕天堆舟人錯認橫江
霧落盡征帆睥睨猜

隨波逐浪句

隱顯波濤半淺淡不濡涓滴任浮沉千溪萬壑從茲竭猶向空江著意尋

總頌

口中無舌語方親破盡虛空不著塵兩眼只看雲漢遠應機千說不逢人黃金鎧甲杵千斤法會何曾不現身賢劫盡時應紹位只緣今古是童真

三峰藏和尚語錄卷第十

支那

三峰和尚語錄卷第十

五

三峰藏和尚語錄卷第十一

吳虎丘山雲巖寺嗣法門人弘儲編

五宗原

序曰歲乙丑結夏聖恩禪寺之萬峰關侍開中者四上座敏致證徹也居一日俱整衣作禮而請曰嘗聞諸方尊宿欲抹殺五家宗旨單傳釋迦拈花一事謂之直提向上不知五宗之立果爲謬妄者否願賜一言以通其難於密曰命將者必以兵符悟心者必傳法印符不契卽爲奸僞法不同則爲外道自威音以來無一言一法非五家宗旨之符印也昔人證之迷

支那

三峰和尚語錄卷第十一

一

嘿契其微而不分後人似之故建立其宗以防僞抹殺五家而欲單傳者剖符銷印自便之渠魁耳豈五宗之忠臣七佛之汰將也耶嗚呼法滅天人憂政以此也可不畏哉曰昔時有燒香鍊頂密傳宗旨者大慧一榜揭出以破狐技狀則今之宗旨又何貴焉曰彼所傳者竊符假信者耳若夫法法自明心心相印豈若室中密授之死法耶蓋傳宗旨者不悟宗旨者也抹宗旨者不知宗旨者也茲當操提未破之密印以擒託僞之奸黨此政今時荷擔如來命脉之真子也豈浮濫者可混入哉因原五宗付諸四子四子稽

首謝各各願嚴符印以永真傳云

臨濟宗

嘗見繪事家圖七佛之始始于威音王佛惟大作一○圓相之後則七佛各有言詮言詮雖異而諸佛之偈旨不出圓相也夫威者形之外者也音者聲之外者也威音王者形聲之外未有出載無所考據文字以前最上事也若龍樹所現而仰山所謂無相三昧然燈以前是也圓相出于西天諸祖七佛偈出于達磨傳來蓋有所本也嘗試原之圓相早具五家宗旨矣五宗各出一面狀有正宗第一先出臨濟宗旨此

文那

三峯和尚語錄卷第十一

二

相拋出直下截斷命根于一○中賓主輒輒直入首羅眼中所謂沿流不止問如何真照無邊說似他離相離名人不稟吹毛用了急須磨是也次則雲門三句一字關也瀉仰圓相本于此也法眼譚教義于六相之外曹洞分回互于黑白之交只一○中五宗具矣其餘傍出道理極則敎家玄妙淵微莫不悉備故七佛各以一偈攝之毘婆尸佛偈曰身從無相中受生猶如幻出諸形象幻人心識本來無罪福皆空無所住蓋以身有相而無相直截痛快臨濟宗也中間微露其旨雲門宗也無相中而示圓相瀉仰宗也身

無相而具六相法眼宗也身兼無相曹洞五位之旨也其餘六佛及四七諸祖莫不皆狀但未明言顯示耳至般若多羅識曰二株嫩桂久冒昌此鉗記五宗之分從二家而始故有南嶽青原爲五宗之源也又曰震旦雖濶無別路要假兒孫脚下行金雞解銜一粒粟供養十方羅漢僧此記南嶽馬祖也南嶽生于金州馬祖出于什邡爲二株之正宗馬祖脚下當出四宗而惟臨濟一宗爲正的也及初祖至金陵武帝問造寺度僧有功德否祖曰實無功德此臨濟直截語也雲門法眼瀉仰何所不具帝問何以無功德祖

文那

三峯和尚語錄卷第十一

三

曰此但人天小果有漏之因如影隨形雖有非實豈非曹洞語乎至二祖有居士請懺罪祖曰將罪來與汝懺士良久曰覓罪了不可得祖曰與汝懺罪竟一將罪來一懺罪竟臨濟雲門宗也問荅歷歷瀉仰法眼曹洞宗也沙彌問三祖乞解脫法門祖曰誰縛汝此非臨濟雲門宗乎裁松道者問四祖曰法道可得聞乎祖曰汝已老脫有聞其能廣化邪倘若再來吾尚遲汝此語全看則臨濟雲門細開闔之則諸宗悉具五祖接盧能以杖擊碓三下非臨濟張本乎六祖問南嶽曰何處來曰嵩山祖曰什麼物與麼來曰說

似一物卽不中祖曰還有修證否曰修證卽不無染汚卽不得觀讓公說似一物卽不中語乃臨濟宗而亦雲門之旨也修證卽不無染汚卽不得寧非爲仰沩眼宗旨乎蓋四宗之源發于此也馬駒之識定于此矣及向馬師磨磚馬問磨磚作麼曰作鏡曰磨磚豈得作鏡曰坐禪豈得成佛只此一句臨濟宗旨大振矣而雲門亦具焉及問如何卽是曰如牛駕車車若不行打牛卽是打車卽是則爲仰法眼皆始于此馬祖曰藏頭白海頭黑日面佛月面佛有時喝有時打此臨濟宗也僧參次師乃畫一圓相曰入也打不

入也打僧纔入師便打僧曰和尚打某甲不得師靠拄杖休去只此一則便四宗齊收也震聲一喝于百丈挂拂之後三日耳聾于黃檗吐舌之前三頓痛棒大樹蔭天臨濟一宗岩狀五宗之頂從威音至此而乳中醍醐精極妙極馬駒踏殺天下人鍾意不在是乎是知大愚肋下三拳密闔顯開橫分豎結踏四家而獨步出三句以咸羅四料簡盡人境沩以禪其大綱三玄要卷生死關而歸于頂獨道法細分始能事心佛二三同一方可句句斷玄影草動則主在我而驗人金剛提則力在腕而破物師踞有地浮汎者

未識來繇喝本無從認真者定迷落處兩堂一喝陸遂逃入陣之圖兩處讓賓諸葛有隱遂之策二禪客賓主成于陞座四賓主機用毒于膠盆或學人先喝以挑鋒須防伏卒或知識隨奪而掠陣貴設陷坑或夫唱而婦隨或分疆而裂土相共一場懣懣放收兩換交加囊沙滅電各顧成功自縛詐降獨施冷刺昵昵囁囁而隱蠶蠱蠱歷歷而濡尾用鎔鉚于太平之後提祖印于未定之天舉頭天外誰是其人挂鏡當軒豈容魔異待心死而伏誅須切用前之照先擒下而去縛略挑用後之燈濟船筏于黑風鬼國之間開

晴霽于碧浪漁歌之外頭頭爲求格外著著要了機先了法者盡法而無民亾人者隨人而施藥撫綏絃而絕衆聲滴獅酪而迸驢乳從者裏過得向隨處安閒行雲行雨不濕仙衣驅電驅雷豈關天怒興化獎得于脫下衲衣之一頓向古廟裏藏身致使克賓于棒了處更罰錢出院南院願拈出啐啄同時失之便打終令那僧于棒折處見燈影裏行風穴沼從守廓處入玄要法門便于南院處賓主歷歷破詐道不饑領棒下無師之旨首山念于古路上不墮情狀向白兆處草賊大敗好手不冒張名見太平斬癡之略

汾州昭見象王行處絕狐踪遂到放身命處石霜圓從掩口知道出常情解道荒草裏行楊岐會截路打慈明知是般事便休辭雲竟入亂峰深處既向兩喝後禮拜復于擔荷處便行白雲端因楊岐失笑會得個中便了放手摸到萬仞崖底有時擲下拄杖有時放過一著五祖演不會興化古廟裏話因白雲一叱便解轉磨既得出身白汗大展下載清風昭覺勤盡五祖機用邊事繇演師不肯及再領柏子復證鷄鳴雖會一串穿却還合頂額添眠虎丘隆至見不及處舉拳解道竹密不妨流水過終成睡虎應菴華舉放

王支那

三峯和尚語錄卷第十一

六

泥盤處大笑解道禹力不到處河聲流向西方見真獅華藏傑以拄杖兩卓一拋道三十年後已全面目破菴先于不心不佛物處將拄杖一卓略見一斑無準範道三人證龜成驚真不欠少雪巖欽道三拳三拜是同許會三玄高峰妙以龍頭蛇尾輒作一團中峰本于脫衣一頓許你半個千岳長見鼠食猫飯碗破矣而碎甕萬峰蔚見淨瓶踢倒鈍漢已而三十寶藏持承三要印來爪牙不少東明岳賴重新悟得到底無遺寶峰瑄語若流雲出身有路天奇瑞當賓不讓去有來絲無聞聰深水裏出頭石中迸火笑巖寶

操履中兼用水裡有龍幻有傳一點燈花虛空爆破金粟悟一棒到底不提主賓三峯藏說臨濟七百年之大法頭尾宛狀水雲中飛騰隱顯何處摸索臨濟一宗至汾陽慈明而益大起明出楊岐自虎丘至雪岳高峰千岳萬峰以及笑岳之後法道復當再振已正叙其脉矣其于石霜之下出有黃龍南公者初未悟時因雲峰悅所激指見慈明明問臺山婆子話不能荅明詬罵不已龍曰罵豈慈悲法施耶明日汝作罵會那龍乃悟旨其下出有真淨文者初見黃龍不契至香城見順和尚順問什處來曰黃龍來曰

王支那

三峯和尚語錄卷第十一

七

黃龍有何言句曰黃龍近日州府委請黃檗長老龍垂語曰鐘樓上念讚床脚下種菜有人下得語契便往往持時勝上座曰猛虎當路坐龍遂令去住黃檗順不覺曰勝首座祇下得一轉語便得黃檗住佛法未夢見在淨言下大悟黃龍用處座下有慧洪覺範禪師者淨每舉玄沙未徹之語發其疑凡有所對淨曰你又說道理耶一日頓脫所疑述偈曰靈雲一見不再見紅白枝枝不著花叵耐釣魚船上客却來平地漉魚鰕真淨見而爲之助喜吾嘗參三玄之旨有深得欲求決諸方而難其人忽見師所著臨濟宗旨

及智證傳之臨濟兩堂首座同喝語今古心心如觀面相印復簡其法嗣未有續之者因願遙嗣其宗旨而現在法派則傳笑岳之後焉蓋不敢負高峰語錄之發起也因叙臨濟正脉而端志于此

雲門宗

自威音一字金圈拋出從七佛諸偈錦字文回六祖傳來一個鉢孟團圓咬嚼不得馬祖之後者個眼目淺草易爲長蘆天王惠餅崇信擎茶直下便見擬思卽差德山吹滅紙燭于龍潭正是截流雪峰胸襟流出于岳頭豈非函蓋所以韶陽折足于睦州門縫裏

支那

三峰和尚語錄卷第十一

八

溫研積稔于雪峯堂與中便道三斤麻一疋布攪鬚臭于南山脫鐵枷于頂上燭露確師而咄嗟須彌胡餅而恰好諸佛出身處東山水上行透法身之句非斗裡藏身鉢裡飯桶裡水三昧塵塵南山雲北山雨佛交露柱將三門來燈上放胡餅作饅頭晉鋒入博咄口中眉故有紅旗閃爍之品題此雲門一派所繇出也

馮仰宗

一星火爆于無有雙關之表三撼門扇于昧落兩頭之間馮山僧水牯牛腰下看取東平鏡馮山鏡手中

撲破所以凡聖兩忘見履兼盡用處則單刀直入思無則靈醖何窮揮鉞拔鉞垂脚結脚平日仰視于收放不獨一二二三而劒刃惟單兩口無舌九十六相雲興父子合宗馮仰一枝喬出

法眼宗

七佛偈意全是修多羅了義語而儼狀獨露爲臨濟雲門馮仰等旨惟曹洞回互則不待拈題而自著焉故知法眼一家全是教家極則一代皆教之眞月也達磨傳來若覓心不可得明鏡亦非臺卽心卽佛非心非佛等語至于天王聞馬祖言識取自心本來是

支那

三峰和尚語錄卷第十一

九

佛不屬漸次不假修持體自如如萬德圓滿言下便悟龍潭聞天王言汝擎茶來吾爲汝接汝行食來吾爲汝受汝和南時吾便低頭何處不指示心要師低頭王曰見則便見擬思卽差師曰如何保任王曰任性逍遙隨緣放曠但盡凡心別無聖解德山曰窮諸玄辯若一毫置于太虛竭世樞機似一滴投于巨壑此便是法眼張本也雪峯于岳頭處悟得個他日若欲播揚大教一一從自己胸襟流出自狀蓋天蓋地遂有玄沙從楞嚴經發明心地緣是應機敏捷與修多羅冥契沙問地藏曰三界唯心汝作麼生會藏指

曹洞宗

椅子曰和尚喚者個作什麼沙曰椅子藏曰和尚不會三界唯心沙曰我喚者個作什麼沙曰汝喚作什麼藏曰桂琛亦喚作竹木沙曰盡大地寬一個會佛法底人不可得藏自爾加勵及悟後住地藏問汝眼曰作麼生是行脚事眼曰不知曰不知最親切又論筆論至天地與我同根處藏曰山河大地與上座自己是同是別眼曰別藏豎二指眼曰同藏又豎二指便起太藏又問上座尋常說三界唯心萬法唯識乃指庭石曰且道此石在心內在心外眼曰心內藏曰行脚人著什來絲安片石在心頭眼窘求住藏曰若論佛

支那

三峯和尚語錄卷第十一

十一

法一切現成汝眼于是大悟所以道會得聲色問處透聲色也不難識得凳子來絲周市有餘都了慧超咨和尚如何是佛曰汝是慧超僧問如何是曹源一滴水曰是曹源一滴水正是山河在我眼裏自己只在目前易啼花落水茫茫月白風清山楚楚說甚唯心唯識豈關句裏言前六相義金絡索挂來四法界玉連環拋出總是美猢猻圈子祭鬼神茶飯何用將心湊泊頭頭釘釘膠黏不如信手拈來處處箭鋒相拄以致永明博綜于宗鏡座主彷彿于言詮此祖宗妙極而流弊痛挽之惟望後人之實證也

支那

三峯和尚語錄卷第十一

十一

威而音音而威者○五位前後事也五位無位而位者也威音以前空劫也威音至此今時也今時無空劫則非今空劫非今時即非古今古一○其為偏乎正乎正之偏乎偏之正乎偏正兼至乎正偏兼到乎吾不知而知知而適狀于威音之先矣故曰身從無相中受生猶如幻出諸形相幻入心識本來無罪福皆空無所住七佛偈旨等無有異而世尊降生一手指天一手指地周行七步目顧四方曰天上天下唯吾獨尊至臨末稍頭伸出雙趺以示迦葉一期大事

不過如此迦葉尊者因外道問如何是我我曰覓我者是汝我外曰者個是我我師我何在曰汝問我覓阿難尊者偈曰本來付有法付了言無法各各須自悟悟了無無法商那和修偈曰非法亦非心無心亦無法說是心法時是法非心法優波毘多因香眾求出家問曰汝身出家心出家曰我來出家非為身心曰不為身心復誰出家曰夫出家者無我我故無我我故即心不生滅心不生滅即是常道諸佛亦常心無形相其體亦狀毘乃度之為提多迦後說偈曰通達本法心無法無非法悟了同未悟無心亦無法彌

遮迦因一人手執酒罍逆問曰師何方來欲往何所
曰從自心來欲往無處曰識我手中物否曰觸罍而
負淨者曰師識我否曰我卽不識識卽非我婆須密
因論義謂佛陀難提曰仁者論卽不義義卽不論若
擬論義終非義論伏默密多問難提曰父母非我親
誰是最親者諸佛非我道誰爲最道者提荅曰汝言
與心親父母非可比汝行與道合諸佛心卽是後密
多說偈曰真理本無名因名顯真理脇尊者問富那
夜奢曰汝從何來曰我心非往日汝何處住曰我心
非止曰汝不定耶曰諸佛亦狀曰汝非諸佛曰諸佛

經疏

三峰和尚語錄卷第十一

三

亦非馬鳴問夜奢曰我欲識佛何者卽是曰汝欲識
佛不識者是馬鳴謂迦毗摩羅曰隱顯卽本泐明暗
元不二今付悟了泐非取亦非離摩羅謂龍樹曰非
隱非顯泐說是真實際悟此隱顯泐非愚亦非智龍
樹于座上現自在身如滿月輪○一切衆惟聞泐音
不覩祖相迦那提婆謂衆曰識此相否衆曰目所未
覩安能辯識曰此是尊者現佛性體相以示我等何
以知之蓋以無相三昧形如滿月佛性之義廓然虛
明言訖輪相卽滅復居本位提婆與外道論義外曰
我欲得佛曰我灼然得佛外曰汝不合得曰元道我

得汝實不得外曰汝旣不得云何言得曰汝有我故
所以不得我無我故自當得羅睺羅多荅僧迦難
提偈曰我已無我故汝須見我我汝若師我故知我
非我我難提聞風鈴鳴問伽耶舍多曰鈴鳴耶風鳴
耶曰非風鈴鳴我心鳴耳曰心復誰乎曰俱寂靜故
舍多將入鳩摩羅多舍羅多問是何徒衆曰是佛弟
子彼聞佛號心神竦狀卽時閉戶良久扣其門曰此
舍無人曰荅無者誰遂開門延接羅多謂闇夜多曰
汝雖已信三業而未明業從惑生惑從識起識依不
覺不覺依心心本清淨無生滅無造作無報應無勝

經疏

三峰和尚語錄卷第十一

三

負寂寂狀靈靈狀汝若入此泐門可與諸佛同矣一
切善惡有爲無爲皆如幻夢夜多謂徧行弟子曰我
不求道亦不顛倒我不禮佛亦不輕慢我不長坐亦
不懈怠我不一食亦不雜食我不知足亦不貪欲心
無所希名之曰道徧行謂摩拏羅曰泡幻同無礙如
何不了悟達泐在其中非今亦非古拏羅謂鶴勒那
曰隨流認得性無喜亦無憂勒那因師子尊者問我
欲求道當何用心曰汝若有用卽非功德汝若無作
卽是佛事師子謂婆舍斯多曰正說知見時知見俱
是心當心卽知見知見卽于今斯多謂不如密多曰

聖人說知見當境無是非我今悟真性無道亦無理
密多謂般若多羅曰真性心地藏無頭亦無尾應緣
而化物方便呼為智多羅謂菩提達磨曰心地生諸
種因事復生理果滿菩提圓花開世界起達磨東來
為此地初祖二祖慧可問初祖曰我心未安乞師安
心曰將心來吾與汝安曰覓心了不可得曰與汝安
心竟三祖僧璨懺罪亦同四祖道信逢一小兒問子
何姓曰姓卽有不是常姓曰汝無姓耶曰性空故無
度爲五祖弘忍祖欲付沘神秀偈曰身是菩提樹心
如明鏡臺時時勤拂拭莫使惹塵埃六祖慧能偈曰

妙那

三峯和尚語錄卷十一

古

菩提本無樹明鏡亦非臺本來無一物何處惹塵埃
以上皆兼叶之旨也青原思參六祖問曰當何所務
卽不落階級曰汝曾作什麼來曰聖諦亦不爲曰落
何階級曰聖諦尚不爲何階級之有石頭遷初參青
原原問子何方來曰曹溪曰將得什麼來曰未到曹
溪亦不失曰若恁麼用到曹溪作麼曰若不到曹溪
爭知不失頭又曰曹溪大師還識和尚否原曰汝今
識吾否曰識又爭識得原曰衆角雖多一麟足矣石
頭著參同契明暗回互曹洞宗旨懸起于此矣藥山
儼一日在石上坐次頭問汝在者裏作麼曰一物也

不爲曰恁麼則閒坐也曰閒坐卽爲也曰汝道不爲
不爲個什麼曰千聖亦不識頭以偈讚曰從來共住
不知名任運相將祇麼行自古上賢猶不識造次凡
流豈可明頭垂語曰言語動用沒交涉山曰非言語
動用亦沒交涉頭曰我者裏針劄不入山曰我者裏
如石上栽花雲岳晟于藥山悟後煎茶次道吾問煎
與阿誰岳曰有一人要曰何不教伊自煎岳曰幸有
某甲在上堂曰有個人家兒子問著無有道不得底
洞山价出問他屋裏有多少典籍曰一字也無曰爭
得恁麼多知曰日夜不曾眠洞山于無眼耳鼻舌身

支那

三峯和尚語錄卷十一

五

意不覺捫面問師旣聞水鳥樹林念佛猛省無情說
沘邈師真于良久覩渠面于水中跌倒幻人拾起縛
草向冷路上熱鬧于爐炭裏凝冰藏身無影只見其
聲全體現前不逢其面毒龍蟠處水偏清頑石堆頭
雲欲起銀碗盛雪冰花與火燄齊輝挾後位而攢踴
黑夜鷄鳴舜若與虛空都碎帶共功而不斷五子同
歸一父那知祖業之崇四臣咸戴一君豈謂上皇之
治五位分而盡了不了薪火旣滅世界方炎一位圓
而無圓之圓花木摧殘陽春常滿見消行起行滅道
亡睡中開眼喫茶飯後洗盂就坐鐵脊梁豎處矐矐

似夢犀牛枕倒來漠漠無天鬧市裏水流花落事忙中馬去牛來既分叶于君臣當辯賤貴于王子賤分外紹貴從內紹未識極頭進于極頭門內人趨向裏頭事是朝生之臣種歸王既識極頭擔荷極頭裏頭人不擔屋裏事是誕生之王種忘父忘父者食父而滅祖故曰內生無家者閉宮而令行故曰化生末生未知兩紹真王不類五兒貴賤俱消淺深不立石霜九峰古結章師悟老技窮相續大難豈容付授悲末世一悟便了之魔人故曰人多乾慧示將來三漏須盡之汰網當知悟餘濁智機不離位好女不著嫁

支那

三峰和尚語錄卷第十一

六

時衣見處偏枯盲兒不放雙拄杖究妙失宗休坐汰機昧終始要通宗透此者不是乾蘿蔔頭知此者猶坐水屑漉地金針雙鎖鴛鴦交頸分飛誰云玄路金鎖玄路藤樹合枝並起豈曰易道直須事理不涉電火難追展手不如吐舌一老一不老半肯半不肯擊首誰能應尾所以曹山觸毒三墮浪分瀉山水牯牛水牯牛瀉山奈何不得是國王水草非國王水草隨納非污摸破鉢盂不獨五馬不嘶抑且一牛不飲頽狀方丈不特闍黎不知抑且侍者不管閉眼伸出被底裏指頭誰云師子看山踏斷腳頭邊鞋鼻不道死

蛇故曰莫行心處路不挂本來衣何須正恁麼切忌未生時黑漆地履踐當問景欣垂衣裳致治不知堯舜奈何者未覩影而傳寶鏡才入室而伏繩牀評唱繁興首帕徧布此汰道之可悲也痛爲其宗者務使親到可耳

總結

得心于自得汰于師師有人汰之分心有本別之異根本智者自悟徹頭徹尾者是差別智者自悟之後曲盡師汰以透無量汰門者是良以師必因人人貴汰妙分宗別派毫髮不爽故傳汰之源流非獨以人

支那

三峰和尚語錄卷第十一

七

爲源流也所以六祖一華而出二枝南嶽懷讓青原行思是也讓出四葉馬祖道一一出百丈懷海海出黃檗希運運出臨濟義玄一也百丈出瀉山靈祐祐出仰山慧寂二也自馬祖出天王道悟悟出龍潭崇信信出德山宣鑒鑒出雪峰義存存出雲門文偃三也雪峰出玄沙師備備出地藏桂琛琛出泐眼文益此馬祖一枝之四葉也青原一枝出一葉自石頭希遷遷出藥山惟儼儼出雲岳曇晟晟出洞山良价价出曹山本寂此青原一枝之一葉也大矣哉威音王以前無物也威音王以後無物也無物之物不可以

言到心師也其○也彈丸迸出透頂處忤逆聞雷迅電突來過眼時紅旗閃爍裂作兩開而火見處處斷碑橫古路控成雙結而中虛遠遠馳書不到家不知自己爲何物謾道三界爲唯心滴水沓曹源滴水慧超原汝是慧超分明打劫就窠爭奈巡人犯夜羅五家之四面突臨濟之正宗所以從威音一點闢開至臨濟一囊收納雲門本出睦州于黃檗豈外濤沲瀉仰自續風穴于首山還歸慧照曹洞到浮山而率賓歸王汾眼雖入教而難逃至化惟此一事實餘二則非眞臨濟兒孫既專大任敢負前宗一悟便了而無

支那

三峯和尚語錄卷第十一

六

餘是增慢者一槌便就而莫動是淺丈夫當知大毘晚成切莫半途而廢師承在宗旨不在名字源流證悟盡差別焉可根本坐定痛快者翻成跋扈廉纖者到底纏綿纏綿尚有脫時跋扈終成異路殷勤至再叮囑萬千幸勿掃宗旨以藏拙正當究宗旨而竭情情竭細除人忘泐滅方可爲人師表紹佛先宗善自護持無令斷絕

傳衣法註

世尊至多子捨前命摩訶迦葉分座令坐以僧伽黎圍之遂告曰吾以正泐眼藏密付于汝汝當護持并

勅阿難副貳傳化無令斷絕而說偈曰泐本泐無泐無泐泐亦泐今付無泐時泐泐何曾泐爾時世尊說此偈已復告迦葉吾將金縷僧伽黎衣傳付于汝轉授補處至慈氏佛出世勿令朽壞迦葉聞偈頭面禮足曰善哉善哉我當依勅恭順佛故鶴勒那尊者謂師子尊者曰吾師密有懸記罹難非久如來正泐眼藏今當付汝汝應保護曾潤來際偈曰正說知見時知見俱是心當心卽知見知見卽于今祖說偈已以僧伽黎密付之至達磨大師謂可大師曰內傳泐印以契證心外付袈裟以定宗旨後代澆薄疑慮競生

支那

三峯和尚語錄卷第十一

九

云我西天之人言汝此方之子憑何得泐以何證之汝今受此衣泐却後難生但出此衣并我泐偈用以表明其化無闕至我滅後二百年衣止不傳泐周沙界明道者多行道者少說理者多通理者少潛符密證千萬有餘汝當闡揚勿輕未悟一念回機便同本得聽吾偈曰我本來茲土傳泐救迷情一花開五葉結果自朕成後六祖因五祖擊碓夜入祖室五祖以袈裟圍祖不令人見曰以所傳袈裟用付于汝善自保護無令斷絕聽吾偈曰有情來下種因地果還生無情既無種無性亦無生六祖問曰泐則既受衣付

何人祖曰昔達磨初至人未之信故傳衣以明得法今信心已熟衣乃爭端止于汝身不復傳也於密註曰多子塢前傳法者懸記此法祖脉佛脉兩無斷絕之時也世尊與迦葉分座者示祖佛位同佛在世即佛授法于祖佛滅度即祖受法于佛指佛以法身為重也僧伽黎圍之以授法者正法以衣相密為心印也凡有難及難信處即衣法同傳也正法眼藏者師師相傳之法眼也不言涅槃心者以人人自悟之心各各固有只在正法眼藏印定以為師法也劫阿難副貳者言展轉承化而代不乏人也偈言法本法無

支那

三峰和尚語錄卷第十一

三

法四句者指伽黎而授其法相之義也將金縷僧伽黎衣傳付于汝轉授補處慈氏佛者示前以法正授于祖茲以法一付于佛意後佛當親授祖法而後化行也達磨曰內傳法印以契證心外付袈裟以定宗旨者正以宗旨在衣上以印所傳契證之自心也却後難生但出此衣并示法偈用以表明其化無礙者蓋以人但信有自悟之門更不信師法有忘悟了心之妙故用衣以表明令人悟之又悟以盡差別智也差別盡而根本之惑始盡矣至我滅後二百年衣止不傳法周沙界者蓋悟心得法者多悟必盡法而後

已不待一一以衣表示也明道者多行道者少者言自悟者單明心道若無法曲盡差別智故不能行也說理者多通理者少者言說理者乃不悟心而但傳法者也通理者自心宗旨兩得證悟者也此丁寧得心必得法而後能行得法必得心而後實證二者不可缺一故當以法潛符密證也潛符密證千萬有餘者言世尊于多子塢前付囑無令斷絕定當心法不斷故千萬有餘也汝當闡揚勿輕未悟一念回機便同本得者言人不論根器上下但不悟耳逢人撥著一念回機便同本得本得之心與法符契即與祖佛

支那

三峰和尚語錄卷第十一

三

不二也傳法度羣迷者言傳法者不言有悟可傳人也五祖以袈裟圍六祖不令人見而傳法者正是多子塢前故事至六祖後人皆知信此實相無相之法相也皆言表信而用衣正重信有宗旨耳嗚呼宗旨其可不信乎宗旨而不信更用佛祖相傳為哉更用源流名字為哉故五宗恐其法滅也顯言宗旨以付授付受之久因不悟心者認有法可傳而學法不參心也故後之悟心豪傑欲抹殺宗旨單存悟見也此心法不同各偏之弊耳茲值註佛祖相傳之心法以示心法同傳之旨願後人信之則多子之識不誣而

千萬有餘之言始實矣若必重自悟而抹殺相傳之
法必非悟心之士也何以故以其見有法故見有法
卽與自心違故既悟見有法則所悟之心亦僞故嗚
呼自心師法不可動著動著則入地獄如箭射

三峰藏和尚語錄卷第十一 終

支那
源述

三峰和尚語錄卷第十一

圭

三峰藏和尚語錄卷第十二

吳虎丘山雲巖寺嗣法門人弘儲編

雜偈

大定偈

大定無定情根無性將情遣情鉢盂安柄無定定大
無性性有無定無性性定不守全體那伽隨事機宜
雲生古澗月落空池君今有情只緣有定一句不了
莫管動靜隨波起落與事低昂阿呵呵任運行藏
驢事馬事罵鹿驚獐一總抹殺不用商量昨日今日
幾迴飯喫問我大定雨落地濕

支那
源述

三峰和尚語錄卷第十二

偈二首

提起如熱鐵森羅萬象皆迸裂從教獅子王也須坐
斷舌不是心不是佛不是物什麼與麼太親切如何
若何沒交涉若不如何墮虛豁不是空不是有離却
四句句中走句中句外絕羅籠粉碎團圓吞一口口
吞吞口兩難判盡力道來祇一半一齊拋入毒龍湫
瞥眼風雷破霄漢更有雲收雨霽時誰敢回頭正眼
看觸著便提起兩箇石虎沒頭尾有時齊放下處處
箭鋒相共抵亦不是造作亦不是法爾一滴普潤三
千雨若人徹悟卽成迷會與不會總不許蒼天蒼天

可悲痛椎胸頓足成何用獨有山儂拄杖閑壁頭高倚無人動

平生寶愛都拋棄徹底貧來貧亦廢匣中劍去光怪銷一時喪盡英雄氣風流心苦滋味嘗徧人間無說處娥皇哭斷竹痕鮮孫登嘯罷松聲沸水上葫蘆空裏絮一生去住無拘繫橫吹短笛豎吹笙月水烟山恣游戲阿呵呵驀直去大家鼻孔都向地

示淨心居士

擲箇蒲團坐面門虛空撚出鐵團圓翻身倒向人前看郭外梅花楊柳村

三峰和尚語錄卷第三

二

又

劈面輪椎莫放輕沸湯鍋裏萬年冰當陽更有通霄路剃髮爲翁帶髮僧

又

目前萬事總干休推出明州布袋收十字街頭親放下擲掄童子鬧春秋

示懷上人

睡裏日頭俱是夢會來一喝露山河泥牛入海無消息窓外梅花春幾多

示淨禪人

開口打折你驢腰漫道一箭落雙鵬無言瀝出你脊血那許殘春瘡百舌中不立一二已絕邊竹篋子話兩劍截天速道速道栗棘金圈喫直饒絕影馳千里更有珊瑚一百鞭

示學者

不生一念還成念脫體無依未到家截斷意根敲碎骨水流千樹碧桃花

飯後

自拈自放犀牛扇誰脫誰穿臭鶻衫飯飽不知飢後事杖攜隨處看松杉

三峰和尚語錄卷第三

三

信心偈示道圓

自心本無心無心何所信信所信不及道向無心進故知道非道壁立千萬仞此心寧有無此心豈逆順屹然無縫塔虛空了無罣兩頭不可得突爾契空印回看入世情九達驟神駿又如六龍舞如獅子奮迅大道本圓融信之法始振究竟心何物頂門忽雷震

示一默成首座

狐技乍呈影後猊掌已過未聆風勁疾但見血成河雙刃芒生電全身耀滅磨空中筋斗轉密處再重科劍出鋒中銳玄玄要復羅直提尖處用放手合雙柯

問著先潛跡青龍向後拖葫蘆谷口斷星火徹天多
互換機難測縱橫妙佛魔從來獅子睡牙爪豈干戈

示學者

四大五蘊都放徹一箇話頭如鐵轆著衣喫飯總不
知起止隨人過白日萬法冰消一不存急難歸處務
歸根銀山鐵壁千萬丈退無行路進無門努力懸崖
絕攀攬千躋萬躋盡情拶忽然拶入太虛空地裂山
崩破心膽回頭不覺夢醒來水綠山青絕點埃指點
東風向人道一年一度百花開解開腰帶放心睡起
來闖入牛羊隊世上爭看癡倒人問著全無一件會

三峯和尚語錄卷第二

三峯和尚語錄卷第二

四

道人密行不可測祖佛相逢都不識獨有山前石一
堆平生伎倆頗相敵興雲布雨閑家具爭似臺山驀
直去問我工夫却與麼曉鶯啼斷花千樹

答懋存居士

一句未能乾到竭尚畱悟見死生心從今發猛竭將
去揚子江頭溪更深

又

任病應知觸處多用心解釋落如何切切說到最佳
處長舌東鄰有老婆

又

道人三業貴須清切莫清邊認是能爲要莫能翻做
濁看來只是可憐生

示休禪人

下手須絕路路絕如懸崖手足不可攬憑空用力捱
用力無用處不得寬徘徊譬諸無翼鳥直奮虛空來
忽然失脚時平地翻風雷虛空俱粉碎回身若嬰孩
切勿此中坐潔淨成塵埃直明向上句透脫亡悟胎
不人玄妙奧直截翻爲災得法法亦亡火盡飛空灰
方知主中主何用更相猜目前山色好晴光濕綠苔
冷披襤衫衣醉倒麴蘖壘有時臥繩牀有時橫土街

三峯和尚語錄卷第二

三峯和尚語錄卷第二

五

生則隨時過死則當處埋大開兩道眉一任兒推排
問我總不知相對笑哈哈原知空肚裏到處有清齋

示禪子

萬法歸一一歸何處一箇話頭把絕義路越叅越難
金剛堅固忙裏閑裏處處研捕忽然截斷廓然露布
青州衫子非新非故處處倒拈截流而渡此是菩薩
大方潤步佛頂上行爲法王父名之曰祖不存步武
若人信者便好叅去

示秀初居士

機先果何物山月冷中宵野鶴夢未醒秋風自蕭蕭

枕頭忽撲落打破方輓角拈起破沙盆千峰活卓卓
倒轉旗與鎗泥牛闌入洋杳無踪跡處處風浪捲泥漿
奔騰不可卽龍珠競全得了手不足忙起處誰知勒
讓盡復全擒三山併六岑高上須彌頂直下定拌身
句裏重爲主雙雙兩兩豎突然頂上來鐵丸迸如虎
唯此一事實撥著便拈出不用啓明光處處拋紅日

示北禪長老

斷腸只在一聲猿三峽曾過淚始乾莫向瞿塘最淺
處棄船取水下洪湍

示金山印上人

支那

三峰和尚語錄卷第七

六

印泥印水印虛空一點金山浩渺中獨有當陽無印
處南詢更向海門東

示伊圓上人

一點不獨二點不竝同起同落合三非定從左看右
以偏奪正從右看左臣將君敬頂門獨朗何處握柄
琉璃殿中苔荒夜靜兩板門開森羅圓映一齊推上
大千齊瞋豎目亞面見非凡聖三星照天是何心行
咄山樹拖雲石堂流磬

答竹菴關主

西出陽關淚轉乾千重萬疊險峰寒只因剛折一枝

柳回首聽歌鼻欲酸

又

長蛇捲尾不知頭砲火光中敵國愁江上石堆甯古
陣問君端的要相酬

又

影旂搖動鼓聲高八陣圖開不用刀陸遜縱令先主
敗亂砂飛處豈能逃

示素衲居士

祖意不可得得意皆非意明明百草頭夜來八萬偈
會得便快活不會卽叅去拈出竹篋子箇中無擬議

支那

三峰和尚語錄卷第七

七

口縫剛欲開霹靂虛空至千佛出頭來也應無立處
三問復三打請問舊臨濟放開一線道雨後山澄霽

示熊魚山明府

見離見見見不能及不及之見如提三尺我尚不有
何況佛爲太湖白白新竹離離

又

雙眸開闔非明非暗額上豎亞超此獨斷頂心心佛
佛不可到無光之光黑且至耀

又

道可見者心言之餘見此不見雷破空虛觸著便燒

山崩空裂毘盧頂上有脚不立

又

心之與性不可點著火不容蠅水不容燭一劍當軒
魔佛不前舌頭不到蒼天蒼天

答許定宇問卿

踏翻地獄與天堂蜺子林公一樣狂信手虛空輕畫
破紙爐今日又回陽

示覺宗上人

高提法印作提綱寶月寥寥出上方爲問印文無曲
處儼然空水有文章

文那

三峯和尚語錄卷第二

八

示衆

的的秋花祖意新夜來雨過濕朱唇分明一句無言
法說與無聞聽轉新

示魚山居士

人似飄蓬日轉丸一求落處便生端魚龍莫厭通身
水行得風雷不用乾

示定宇居士

看到梅花月上時箇中何處更堪思若人問著休空
放帶月還須折一枝

示童野魯居士

纔沾心性不離心隱隱從妙理尋何似劈開空一
片爲君直劄頂門鍼

又

橫刀躍馬輶冰花直突重圍見作家忘却六韜三略
事不須臨陣說囊沙

示孟卿居士

從來竿木戲逢場古鏡何須點出光靚面與君溪窵
竟一株枯桂忽生香

示果道人

凡聖路頭窄有力用不得用此無用力此力非心識

文那

三峯和尚語錄卷第二

九

心識到絕處自然有消息如何又若何叅天起荆棘
出言落有無舉心動偏側所以年復年坐久蘊胸臆
此法不真了悟處卽外道貴乎有師承尋師莫草草
工夫只如此一踏了終始請看水潦翁呵呵笑不止
笑若止前山後山烟色紫霽

示某居士

羣龍無首兀騰騰現躍飛潛有未曾不是通身都打
過如何恰與象先冥

又

十年打水不成渾撲破嬋娟又囹圄抹過明夷爻上

六文王箕子共黃昏

與禪人

三聖何孤大覺賒算來興化較些些而今拈出人前看會作當機亂撒沙

又

兩家一喝便懷懼舉起翻疑更什麼濟上宗風千古恨重生守廓待如何

又

迅捷機鋒老行婆人人解道不如他最憐澄一埋荒草哭斷蒼天恨轉多

支那
撰述

三峰和尚語錄卷第三

十一

又

生未生時亂若麻頌前頌後轉紛拏子規徹夜聲啼血喚不回頭也大差

示中興禪人

鐵牛機下印文重合合開開不可動雙金銷盡突然來八角火輪空裏縱東擲西拋帶影翻紛紛杳杳亂溪山五雲屯處不可到幾箇曾經透此關難難難大悲頂上碧螺巉

送禪者之京口

鐵甕磯邊江水聲聲喚道起叅情誰拈一粒金山

小刺破長江到眼明

示讀法華經居士

法華那句是真經七卷從頭到尾停一字一圈金粟棘滿園春草舌根青

又

是法從來示不得拈出火團燒四壁于中一猛忽推排要問此門何處出

示瑞之居士

斷山截水好商量到此須知轉處長拈取斷山還截水自身山水一時忘

支那
撰述

三峰和尚語錄卷第三

十二

示劉居士

不力的丁短當郎盧練零舌頭三尺杵拈出向君聽華梵通禪呪心言出死生西來果何意村外杏花明

示宗鏡禪人

宗無影相照不到處此中印文空水不住毫髮不爽萬象一句香在梅花第幾枝池塘夜水和春貯

示雪巢禪人

千嶺無從下脚處一巢何地覓寒松肩于直下翻長翻踏破瀾天大雪空

題果證子遺筆

并序

果證子者憚居士仲詒之仲子也幼則茹素聰穎
善屬文自言嘗憶山中叅禪習靜事以華嚴會功
德未完非早出家卽當謝去緣父母未能卽捨乃
脫然告訣焉時年甫十五也見其畱稿有西方讚
叅禪散言勸人念佛西江月弔屈子詩及幽思賦
頗有出塵之韻惜其不得親見作家爲之一點作
百丈高峰一流人以起臨濟今日也因書數偈
宿生靈骨此生心石裏琴飄隔世音爨下若逢人撥
著定爲枯木裏龍吟

又

支那

三峯和尚語錄卷第十二

三

百丈當年扭鼻時與君一樣少年姿未明哭笑先回
首孤負人間馬大師

又

屈原漁父兩俱非鼓枻歌騷各自歸會取衝天一條
路死生門戶卽禪機

偈五首

約得同心四五人海山空處問空津了知一棒無餘
事拋出尋常鐵圜圖

又

撥來未必落入機別作生涯用處微才欲若何波浪

起目前蒿箭亂蝗飛

又

八面風塵一喝消幾人于此脫凡囂如今靠倒雲門
老不敢稱稱鑑喫高

又

勒馬拖刀豈好心入他機陷便應沉不如未得便宜
處背手先將慣賊擒

又

不須全見已先完誰把研椎尾上安及至喚來還罷
去野鴻天外一聲寒

支那

三峯和尚語錄卷第十三

三

示初上人

喚得喚不得凡聖路頭窄大地與虛空萬象難名色
此身及此心本性與神識件件皆兩頭竹篋無別則
當機撥著時翻空打霹靂電影猶未收驟雨掀天黑
更有那邊句九龍山色碧迴看經教中句句有法式
無實復無虛離卽交如織雙雙鳥去時水天秋脈脈
更看機先事如何而可卽早晨方粥罷又要接禪客

示衆

鳥窠吹布毛侍者當下悟請問布毛問畢竟何分付
有付成剎法無付是絕路兩是兩不是東盼復西顧

收起玄玄思打開木木肚中間直領去了然尊貴墮
倒却斜竿拈起優鉢百丈挂拂臨濟六十一一看來
都是敗缺山僧與君說三日耳曾聾聞風爭吐舌

均上人施茶請說偈

寒施薑湯暑施茶當機著著有生涯若來撞著三峰
老毒藥逢人賣與他

參禪四十偈

大信

佛祖機關出悟迷信知一見得全提分明大事本條
直不上多門次第梯

支那

三峰和尚語錄卷第十三

五

直心

心言兩直勿思惟應事如鐘付木椎扳轉鼻頭生死
切不知面目是阿誰

持戒

滌盡唯餘潔白存才添一點是瑕痕聖凡兩路齊拋
却戒是當機狹小門

發憤

生死門頭好放拌一條血刃耀人寒者回突入重關
去不斬樓關不下鞍

去我

憎愛關頭直截平不知爾我爲誰名放教氣息通身
盡呼馬呼牛總不磨

絕情

漂沉生死只緣情一滴滔天白浪生真是攪龍金翅
鳥劈開溪水下東瀛

絕理

絲毫理路卽攀緣慶喜曾經墮梵天不是頂門心佛
呪如何到得世尊前

絕善惡

六道分岐滑似油只緣兩路定沉浮不信但看明上

支那

三峰和尚語錄卷第十三

五

座掉頭何等不風流

絕簡點

從來不做虧心事夜半敲門不喫驚若更佇思看逆
順太平草木盡成兵

絕修證

清晨禮佛把香燒飯後閑須遶數遭門外忽逢王阿
大殷勤陪送說前朝

近知識

湛堂顧命付雲門要了須參佛果勤不向迅雷行處
薦三僧祇劫下功勳

受鍛鍊

習惑從來不自知隱人胸次法如絲須向紅爐難下處百千炮煮百千椎

看話頭

空腹還吞熱鐵團四天無路不中安忍將三寸孃生氣憤出骷髏迸腦乾

勤問話

無心死水話頭遲悶處逢師急問之鐵鎖銅關敲斷後始知叅請占便宜

莫妄答

支那

三峯和尚語錄卷第十一

六

看開縱縱處有真叅

勿墮工夫窟

覺無昏散話常提穩穩蒲團念不迷末法工夫真重病自驅老象入淤泥

勿立主宰

忘前失後好工夫七識幾希主宰無正是師承施巧處莫教錯過自支吾

疑情

斷識還須用識心不隨明路逐漂沉只緣一點難分割疑到通身血迸淋

支那

三峯和尚語錄卷第十一

七

壁立萬仞

鳥飛不度目前高百尺溪潭脚未牢驀地一聲雷送尾打翻星斗出重霄

懸崖撒手

攀躋不住突然翻千里黃河徹底渾颺盡皮毛和骨節更無消息向君論

斷命根

鏡光燈影逼天寒照徹森羅絕不干不是渠儂言不會要言思去也應難

莫坐前後際斷處

當機拶著莫低徊下語須會會得來莫學今時油滑輩便將狗口向人開

便要徹

不是工夫要久長話頭綿密是災殃冤家撞著便當死拌命和他戰一場

少打坐

悟機原在四儀端莫把形骸博世觀冷坐悟遲身易病日隨昏散費盤桓

莫習靜

靜裏工夫最不堪不生毛見定沉酣大豁雙眸隨事

翻身跌入水晶宮一片寒江夢裏空岐路暫時休坐
著頂門要見日輪紅

以證悟爲期

突然狹路偶相逢果與尋常見不同惺夢昏沉齊受
用任他魔佛變無窮

更進一步

處處分明礙眼睛要憑一轉過平生若爲嫡骨親生
子不向東宮問帝京

服勤

碎身不獨報師恩要見親孃脚後跟八萬四千門透

支那
撰述

三峰和尚語錄卷第三

大

過末梢愁殺一場渾

入鍛須淡

爐椎萬徧淬仍生鍊到寒芒逼斗橫砥礪勤勤休鈍
置龍蛇轉變自成精

徧參

濟上門庭次第參五家求徧古人函翻身行脚問諸
老內外書須向後探

到家

妙高不見別峰逢歷徧南方到閣中此處安身未奇
絕更知格外有高風

住山

睡眠麻迷萬事休綠荷黃獨自春秋日長最是相親
處鋪疊青莎石枕頭

出格

三頭四臂一身全走入街頭不值錢一領青衫三頓
飯更加長帶驚腰纏

相應

四更踏著下牀鞋出戶依然地是街折脚鐺邊敲石
火半升湯粥進枯柴

不冒住

支那
撰述

三峰和尚語錄卷第三

九

問君途路力如何柳栗橫肩不顧他前有蓮花後天
目古人誰箇自淆訛

出入生死

衲衣下事去來間片片孤雲嶺上閑若問箇中真切
意一條秋水迸遙天

重法脈

七佛相傳到舉華東來毒害更如麻不因此事難分
付誰冒生生入桎枷

提振宗風

覓人須要智過師口耳休輕使自知珍重如來真命

脈莫因輕薄斷懸絲

終始重戒

入魔心在爲魔纏奇特掀騰戒不全力若未充當負
墮古人淡切有明言

總頌

歷過通身便放憨舊來方信是奇男一般碌碌塵沙
界數樹藤花斗大菴

三峯藏和尚語錄卷第十二

支那

三峯和尚語錄卷第十二

手

三峯藏和尚語錄卷第十三

吳虎丘山雲巖寺嗣法門人弘儲編

法語

示王夢叟居士

參禪一法本非世間學問亦非出世間離生死便了
當會得生死中得大自在可耳若欲得大自在者直
須真實畏生死怕升沉不知來去苦樂實際因之發
起阿耨菩提心只要預先勘破生死念頭在于何處
得其處所方好以法攻之何謂生死念頭兩端取捨
心是何謂兩端取捨心一切對待法是對待者上與

支那

三峯和尚語錄卷第十三

一

下對東與西對大與小對真與假對凡與聖對善與
惡對道與俗對貧與富對寤與寐對有與無對佛與
衆生對出生死與生死對但一念一動一語一默纔
落兩端便是取捨不知不覺時時刻刻念念刹那墮
在生死之中永不能出脫自在縱使念得佛持得咒
坐得禪修得觀作得福懺得罪亦皆從兩端心識上
流注做盡活計與向上菩提有何交涉所以達磨東
來直指人心見性成佛人心者即兩端心是成佛者
即透兩端心是了却兩端則不名人不名佛說人說
佛對衆生情謂道耳情斷則有何言說可到惟向言

說不到處說此一段大事法華經曰止止不須說我法妙難思只此兩句說盡法華之旨便是如來禪轉過卽祖師禪也柰何人不易會心識紛飛故歷代祖師千方百計要人了此念頭開箇問頭答語令人向答上頓了自馬祖而下問答處發悟者千百千萬不止傳燈一書所載之人而已唐宋以來問答者久久習成故事輕如戲論不能發悟縱有悟入亦無受用故祖師家翻出箇看話頭起疑情做工夫法子令人把古公案或問頭或答語剪取一則半則蘊在胸中把兩端意識一截截斷便去不得去不得不是了手

文那
述

三峰和尚語錄卷第三

二

政向了不得處發起勇猛忽然情見斷絕猛地撞著一聲一色一語一默一棒一喝頓明出身路子再不重來向生死過日此名快活人便不落有修證無修證等法如此了事方好親近真正識宗眼宗師十年五年依止究竟盡中間微細之惑細惑盡法見自忘方好隨隨養道自利利人所謂話頭者若昔大慧禪師把竹篋子示人曰喚著竹篋則觸不喚著竹篋則背不得有語不得無語只此四句將一箇竹篋子實實落落頓在目前于事物參去不得向心窩裏看本性妙心等楞嚴經題謂之事究竟堅固夫事上究竟得

其堅固者是從事物證之者也切忌向理上解會若理上會便是意識法華經曰是法住法位法位事也大學亦曰物格于物上透不愁不悟不了只因一向習講道理故讀此等書仍把道理會去直是可惜故叅禪貴在事上著力一事透則萬法了法了則心歇此法一了何所不會呪語符章件件洞達實非尋常人所知故禪之尊貴未易家喻戶曉以非明白法子也崇川夢叟寄語山中索祖師話頭將力叅力究作向上人行履不覺切切及此若夢叟果是他家種草未覩此卷便當付之水火隔江慢罵始得其或眼

文那
述

三峰和尚語錄卷第三

三

目稍轉便須快讀一過

示于磐鴻侍者

大都學道須求正法正法者不著有不著無不落又有又無不落不有不無不走出四句外空空不住在四句內流注左不得右不得前不得後不得中不得邊不得是不得非不得對一切萬事取捨不得放開不得把箇竹篋子話頭盡力提起千綽萬綽忽然如生龜向太虛空裏盡力一綽綽出龜殼渾身鳳毛五色絢爛飛過極樂世界與共命鳥同談般若始得

示于貽居士

問頭如兩路甲兵水陸竝進答處則非凡即聖墮鋒鎗中所以開口不開口總是生死起念休念都無避處若人于問處討得箇轉身吐氣撥轉泰山壓殺螻蟻令老胡無開眼動舌處著著虎口棒棒見血自己分上不動一旗一鎗百萬魔軍一時擒下將長蛇陣卷到結角羅紋裏頭也是飯飽弄箸何必何必

示師黃居士

見得面前山爲什不見背後壁聞得百里雷爲什不聞穀中語寤時件件明白爲什睡裏不分明且道生在者裏因什得生忽然死去爲什却死只者疑處還

三峯和尚語錄卷第三

四

可讀書明得否思量明得否問人明得否者裏既明不得如何喚作頂天立地底人若是此處放不過不得不以參禪一法直下討箇下落參者雨中著一三物夾持透不去處畢竟要透是也禪者有無中三不可得處得無所得是也下手只在兩頭去不得處務要明白朝夕六時臥起行立畢竟放不過千疑萬疑憤不過一旦心識迸斷觸境逢緣一擊粉碎將碎底倒持無物不破然後回看前來不明白處明白處都是一場好笑爲何灤青山雲出頂碧水月來波

示松陵沈居士

一物堅如鐵山搖撼不得一句重如金杵攪觸不得以不得破不得回不得作不得至于不得不得用此不用何須更見得與不得爲得不得哉居士但將此沒奈何話頭于沒奈何處極力沒奈何去以沒奈何破沒奈何復于此破破于破破作一口金剛王隨手揮弄則治天下度衆生有何難哉誠能如是操略管取一生事辦也

示岷陽居士

工夫須要心路坐絕纔有行處即是魔羅門戶譬如枯井中孤得一線光明便能走脫大凡走得脫是解

支那

三峯和尚語錄卷第三

五

脫溪坑可畏之處直向轉身不得處努力求出亦斷然不從脫處脫去惟其脫不去正好用力用力不已剗地一迸空有中間三路俱破單單用箇無孔鐵椎橫摧豎擊住手不得和身向海底裏沒頭輓去耳

示了素二禪人

大凡學道人先須具擇法眼擇法眼正則參處得力參處得力即入處真實入處真實即用處斬截用處斬截即情見語言皆無滲漏無滲漏處轉入轉溪越參越透曲盡五家宗旨閑熟五十三善知識事竭盡情理于情理處隨順情理所以欲做工夫首將世情

善惡順逆好歹是非讚罵毀譽視作空雷水棒杳無
起止然後將平生所學道理經教一總抹殺于所修
所證一切工夫境界佛地上事魔地上事都總拋家
散宅又不干拋散處立是于不立是處放開寒便加
衣饑便喫飯看箇話頭喚著竹篋則觸不喚著竹篋
則背橫來豎去壁立萬仞勿得二路上著脚勿得中
間透去勿得退後沉沒四面去不得處發大勇猛眠
不得坐不得要進進不得要罷罷不得盡力跳盡力
想只是無可奈何正在不奈何處忽然一迸因原來
是者箇道理回觀向來種種夢事總是總不是到者

支那
史述

三峰和尚語錄卷第十三

六

裏尋箇有來歷宗師拌身捨命服勤承事求箇大了
當處大轉換處大透脫處弗得離師太早直須忘盡
我相與二祖事達磨捨身求半偈相似始有後來一
段光明又勿得向傳授死法子處將就了當此最是
小人情狀大可恨者若得見處透盡行處相應無滲
漏無習氣剗得了了當當脚尖頭處處踢出佛來更
要問你大死底人既脫生死爲什命根不斷古人到
者裏住山住洞坐死關正爲此也珍重

示平休禪者

衆禪是出世最上大事先選人品德器若人品果無

作怪奇特玄妙高險居常惟不識不知泯泯在衆而
形儀挺特志氣出羣者此好人品也德器者居常戒
律不持而自淨在衆無礙而善荷負法中事此好德
器也然後令渠觀察目前事事物物勿落有無凡聖
是非好惡空假等言意一落此等便是輪迴生死之
心務在兩頭坐斷心路不行行不得處盡力求箇轉
身吐氣假如事事喚他名字不得不喚他名字不得
兩箇不得畢竟要向不得不處一棒一喝一言一
動俾世出世間萬事萬法一齊打轉橫出直入日朝
雲漢不用絲毫挂搭清風走空明月落洞更無一點

支那
史述

三峰和尚語錄卷第十三

七

疑關那時尋箇好師千鍛百鍊鍊心鍊法鍊人鍊骨
鍊到白牛露地不出其位久久當自有受用也

示儼公去疾二居士

大都聰明人學道多用心意識領荷不能自肯縱然
會得些子却與學問相似于有心湊泊處覺得也好
于無心霍亂時便覺不穩以是回頭轉腦愈參愈難
便疑佛法無什靈驗日久歲淡置之閑處竟作退道
心人而不自知其過在何處可惜許也若是真心不
退漢子不要將理會處恬靜處快活處作禪道佛法
會爲何弊以此快活恬靜等是色受想行識五蘊堆

頭事覺得身心安靜是色蘊覺得便是受想行識蘊此魔業也若以此心意意識去學禪是學魔耳非學佛也直須把前來領荷底一手推開不走者魔路只在去不得底所在研之磨之若有明路又與抹過再研再磨千不是萬不是一旦聰明心盡極力一淨自然頓斷平生識路當下自肯自肯之後須得真師良法重重鍛去法中聰明一切心盡方是得道若真得道便與尋常人等耳豈有奇特受用玄妙等魔事哉儼公居士于此有疑請決老僧適去疾居士書來法病頗同因書此與二居士并徧告法中一切聰明心

支那

三峯和尚語錄卷第三

八

學道者竝宜鍛盡知識去盡受用洗盡佛法忘盡道氣爲得也若以聰明心務要佛法有些好處則大背道階竄入惡道矣慎諸去聰明正是大聰明人不是反鈍却也

示公因居士

欲識祖師巴鼻須從前來一派發源處看透然後一切老古錐種種差別言句翻精作怪處不消一捏粉碎所謂發源者何卽從世尊降生周行七步指天指地唯吾獨尊領得便見四十九年橫說豎說字字如鐵橛子相似畢竟不落他浪罅裏沒溺此處不疑卽

于拈花一笑處不疑拈花無疑卽于倒剎竿諸傳法偈不疑偈上不疑卽于初祖無功德不識處不疑不識無疑便于身是菩提樹菩提本無樹處無疑于此便見得擊確擦牆搖櫓張網引頸受刃以鉢降龍消息見此便見磨靛消息便見馬祖舉胡餅扭鼻百丈捲席子作笑作哭消息既知者箇消息若識不透釋迦雙趺示徒溪溪密意便識不透豎拂挂拂及馬祖末後一喝消息便識不透黃檗吐舌消息若識得者箇便識得三頓痛棒道理便會兩打兩喝脫下衲衣痛與一頓識得臨濟道理便識船子覆舟德山巖頭

支那

三峯和尚語錄卷第三

九

末後句同條生不同條死句便會仰山一二三子平目復仰視香嚴獨脚頌五位君臣五位王子六相義雲門雪峰三句周遮開闔種種宗旨識得者宗旨便曉得尊貴之旨旣到尊貴便曉得瀉山大笑纔曉得石霜休歇蓮花峰不肖住高峰出世後入獅子巖此處曉得便知普化振鐸而去隱峰倒卓而逝到得與麼田地方能如泉大道躍入龍潭入得龍潭方好學他喫酒肉學布袋和尚行履學皓布衲行履所以布衲書七佛於衲上有人學之衲曰汝何人敢學我耶其人吐血而死學得皓公方好學無厭足婆須蜜

千態萬狀出不得指天指地者一指頭禪神通變化俱非作意要之不過一悟字耳今人稱悟或恐悟不盡所以千悟萬悟不怕多又恐無師承恐入邪悟夾雜不盡須仗作家鉗鎚千鍛百鍊鍊之既是久之復恐凡聖二情又作自己不知乃復再勘再鎚永不復敗屈方好離師自養亦須住山少緣淡薄無味十載二十載萬不得已龍天推出不過虛空中蕩過雲影子相似豈是實事雖然末法禪道壞已極矣不得已因時因節向窮山冷地遇人先爲指點一言半句雖聽信者少亦爲人植種此高峰先出世後入山二

支那

三峰和尚語錄卷第三

十一

祖先傳法後調心意也此語我常于室中與二三同志者說會公因居士信嚮此道遂縷縷書之令其尋常冷眼一看若得透頂透底異日于塵勞中提拔俗漢作末法種子畱爲千生萬劫佛祖眷屬庶不負靈山囑累之苦切也公因勉之

示戒初上人

參禪人第一要絕却修行道理知見洗滌到默椿椿如木如石無些子人情世態飯來即喫茶來即喫屙得屎撒得尿而已此則聖胎已辦開悟無疑若臨濟三年在黃檗會中時景象睦州知爲大樹無別奇特

學問也然後遇有手眼師友相木斷器一斷便就不費些力若不遇得好師好友只要當人自發勇猛擇箇緊峭話頭令世出世間一切心路直下坐斷如銀山鐵壁打得徹底忽然沒要緊一打打得洞然無星子存剩到此勿坐在前後際斷處做了空空外道務要如古人明取青衫柏子不得語句上生解路不得看一句作無意味話畢竟有箇大了當在句裏畢竟有箇大意旨在句裏畢竟意不在言句上畢竟意在言句上會得句又要會得語會得語又要會得句句語俱會要用處實實有力有力處不得有力用一句

支那

三峰和尚語錄卷第三

十二

中須要分出千頭萬緒果得如是活句便不墮在死處如是用得便著著在用上去切勿墮體體是心性心性便是意識謂之軟洋子直須拔脫心體立在句上方得硬糾糾地若更見得枕子頭上主人卽是到家一概也此一概謂之枯椿謂之我相正是生死根本蛇不化龍難爲雲雨到此便須看箇有句無句如藤倚樹公案果能如藤倚樹上了得一概然後看樹倒藤枯此處不可意思便了須是真正打到者箇田地地方好于呵呵大笑歸方丈處重新參起此處最難理會卽使古人大根大器亦要窒礙在此十年二

十年若得痛快明白又須從頭參起在一櫟中看一切法大凡宗家各相再無相同底須要各各不同件件分擘得清清楚楚毫無潤雜又須于大法中重新參起賓主互換與奪開合機先先機大機大用大機之用大用之機換在那裏藏在那裏半身全身有頭無頭有尾無尾此等變態一一曲盡居常只在人羣中目朝雲漢過日人來乞寶拈些子布毛砂礫度與自己決不到者裏住到此方好將三條篾牢束肚皮提一柄鉗斧子住山養道去養得白牛鼻下無繩放他東觸西觸自然水米無交不論行履是不是總是

支那
撰述

三峯和尚語錄卷第五

主

眞工夫切實處又不可見得此事將凡聖二心重來簡點照察如何可行如何不可行若一落此便已出位便已放豚便是傷他觸他小心害却大事又不可道此事不涉點簡便落放任走出兩頭墮坑落壑最爲可畏以上略舉途中曲折得其影略而已珍重

示淵充茲首座

移花接木先植其根根浮動則花木死抱法求人先辯其器器輕破則佛法危故根器有中行有狂狷中行則猛著便了狂狷則鍛盡自成惟在師有培根鑄器之手資具死心就刷之誠二者緣合不論智愚久

近靡不成果夫根者卽易所謂大哉乾元萬物資始乃統天是也蓋河圖最初未下之一點爲根本智漠然無心無物無我生生化化自此而起此正學人死心塌地如癡如兀如木如石于此一念萌動但有求道之切未有行用之能在本卦卽初九之潛龍勿用也入復卦卽天根也故此爻潛攝六位包羅餘卦故曰雲行雨施品物流行大明終始六位時成時乘六龍以御天蓋未動則爲根器既動則爲根本智未動者未悟者也動則發明根本而未有行用者也惟無用則其根剛大以無心行用故謂之龍及乎現躍飛

支那
撰述

三峯和尚語錄卷第五

主

亢亦皆無心故卦中位位少他不得潛龍者譬如臨濟在黃檗三年力役埋沒初未有識者睦州見之喜其根器如此異日定成大樹蔭人乃再三勸其問法及問著便與一頓痛棒三問三打而濟屹然不動巍巍乎大人哉所以傑出五家子孫代代如龍如猊源溪流長皆于潛龍勿用時得來者也九二見龍在田利見大人如普化與臨濟道不相上下乃甘心承事故掣風掣顛至死竭力贊化此不自出世而密應九五正以無心爲己卽潛而用者也九三君子終日乾乾夕惕若厲無咎如古人開悟得法之後事師服勤

泯泯給侍不啻童僕出不得住山養道入不得秉拂贊化棲棲焉無意于用如稍稍動輒爲出世之玷朝夕若有憂懼者然又如虛能逃難張網等亦是也九四或躍在淵无咎如汾陽閉門高臥瀾陽乞食鄉村風穴單丁法昌對本羅漢說法龍山溪入不出世可以陸沉可以贊襄可以出世其脚跟無一定之趨本心無心任緣隨遇而宗者也九五飛龍在天利見大人此如禪師出世上爲王公尊禮下爲四衆歸依荷負大法教化弘施尊居人天之上然豈其心乎上九亢龍有悔此如覺範妙喜遣南瘴之鄉棲賢民衣黃

支那

三峰和尚語錄卷第十三

古

龍下獄時乎時乎于此無心無入不自得矣此政菩薩淡自淬勵隨其位之所在無處不用其潛者也至若用九見羣龍无首吉則如酒仙蜆子大道布衲布袋浮杯之流異類中行漠然不知天地爲何物六位所不能攝八卦所不能該蕩蕩然魔佛之外至矣至矣然此一位疑澗不少狂人稍稍有見便學皓公書棍皓訶之曰爾何人斯乃敢學我吐血必矣果吐血死泉大道入得龍潭人能之乎杯渡不驚鷗人如之乎若作意神通竊欲混入便屬魔業所以乾道變化各正性命保合太和乃利貞也卽此最初未下之一

點爲元故首出庶物及乎隨遇則萬國咸寧苟人致力於此謂之天行健君子自強不息苟不致力於此則流入他卦不中不正凶咎必矣此乾元之所以純天也故曰乾元亨利貞所以凡接花果者先諦其根觀其氣味相似卽截其柯榦勿使自生枝節但取其生生不息之正氣貫達名花嘉果之移葉幡然與古本不同眞能奪天地之造化但不可授以非根耳苟非其根則花果死而枝節仍生矣根有柞槎者惡習難變不中接蒔者也又有雖非柞槎而易生枝節者縱可教可入而舊習潛發以害正者也有雖不生根

支那

三峰和尚語錄卷第十三

五

節接後搖動而死者物欲動其心縱得法擅入惡道師承不能懸救者也此皆非根之謂也法華曰在所遊方勿妄宣傳正誠爲師莫輕付授莫輕放入務在定無轉展方許住山養道去死心就接者只具木石心腸惟切求道而已培接其根者剔盡枝節纔生便削纔削又泥密不通風使其蒸蒸不息之正氣開發不已不知不覺皮骨相接氣味亦投憤然一避則繁花開而細葉茂已然後滋之以雨露煦之以日月嘔之以春風實之以陽氣生生不已而果熟矣若更生摘得便不馨香者也此黑豆換眼之手段也茲公茲

公欲成佛果須具佛根佛根無他只在不識不知赤身就鍛乾元之謂乎汝能具根弗恐老圃無蒔花果手段

示在可證首座

古人出世法緣之旺得大法嗣者以其叅方時先具三種心曰爲衆曰爲人曰爲師三種心重則如臨濟在黃檗泯泯于衆力作不露一些子頭角或如百丈一日不作一日不食或如汾陽極寒而不缺夜叅或如龍興爲師而力作佐輔此其所以源流長不致削弱也今人惟圖自悟悟後自養出世後自大此法

支那

三峯和尚語錄卷第三

六

中大病何有光大久遠哉老僧犯自悟自養之病所以住山無柴燒近水無水喫千人憎萬人恨豈不是公等今日之鑒公亦無自大之病但恐善自養而嬾爲人將何爲菩薩利生事耶法門斷絕念之念之

示聽石敏首座

問著卽下語不出礙塞殺人便合拌命叅去務要下得語出亦不是下得語便是禪道直須真正大死一番情塵脫落回轉頭來出得身通得氣下得恰好方可謂之語若是真正大死再活底人語無滯礙隨處轉輾輾地更須自辯如何是有句如何是無句爲什

麼又道如藤倚樹大是可疑不可放過者裏須要大著工夫親證如藤倚樹一番終日竟夜向裏許安身立命著衣喫飯喜怒哀樂一動一靜不得走作者一段子若識未盡或猶有走作處只在者裏捫捫最是喫緊不可便要向下句圖快直須于此相應便是一節工夫完了也古人所謂得一極謂之斷貫索出境不得再看樹倒藤枯句歸何處者裏却是來不得亦不得輕輕下一語便當了事大須仔細不可妄道曉得爲山大笑歸方丈意旨使爾狂放最要細研大透大徹方曉得馬祖喝處百丈耳聾處黃檗吐舌處德

支那

三峯和尚語錄卷第三

七

山歸方丈處又須再向托鉢公案著實叅究一番盡底無疑然後日用中看有觸犯無觸犯逆順處來得來不得見女人竝處如木石否上刀山如牀褥否坐得去否立得去否去得喚得轉否所以高峰道大徹底人本脫生死爲什命根不斷祥庵主道古人到者裏爲什不甯住石霜道一條白練去者等說話可是輕易放過底麼若是不曾真到懸崖撒手絕後再甦于再甦處徹底透過古人言句只在古人言句上討滋味零零碎碎見得透得只算得箇學來底掠虛頭漢自己若一擔領過則大妄語成墮無間獄無入代

汝生受莫言不道

示繼起儲上座

道無終窮叅無住脚曲盡大法之後正好向死心死公案撞壁撞天如高峰蓮花淡淡究取出世也如此棲巖也如此此是老僧骨裏印

示森如禪者

識得機從平地而起便須機從平地而倒向機前白雲溪處過日若見漚與便與漚滅踢翻大海乾盡髑體開開口便見舌頭轉轉身定知脚底若見道機鋒轉語有什用處定是魔說也至若三玄三要四賓主

支那

三峰和尚語錄卷第十三

大

不可不知知盡法忘方在機前過活耳

示澹忘禪人

入得一槪是功勳邊事如透過銀山倒使轟雷破山破空破破目前未許一醯雞蚊蟲相泊直是無什身心世界可當情但是者些子猶在更宜看取有無句公案盡情翻轉直向最後行履又須于師承邊曲盡諸法將禪理教理儒理俗理及與無理都做一箇鼻孔出氣舉足動步局矢撒溺無一處不是者箇道理然又一總抹殺向那邊過日在者邊尊貴雖然那裏有與麼事

示人華憚居士

義皇示至文于圈○畫一問祖師示至文于言棒表蓋圈之畫之非直圈與畫也其圈畫之間則有賓主開闔生殺彬斑互換交錯以示乎其中者也言之棒之非直言與棒也其言棒之間亦以賓主開闔生殺彬斑互換交錯以示乎其中者也故知目之所擊耳之所經足之所履手之所執無非交互之文而中在焉故其圈不圓其畫非截其言不語其棒非斷一聲一色無非大公案大圖書傾海墨不能書盡其文翹萬口不能言盡其句以物物皆中以見天物物皆未

支那

三峰和尚語錄卷第十三

尤

嘗言中與天也故圖書言棒不待更拈而草木風雲自然敷演于無窮矣此學以一貫非有二也功不浪施只在看山聽鳥處耳如是作文如是學道如是見性如是經濟撮土爲金將火作雨隨地興雷靡不具足工夫豈別有哉下手處先于中夜睡熟無夢便能伸脚縮脚次于下牀時亦能披衣整冠推牕駐山雲在石開戶掬湖光于案粥飯隨時賓主交往處處皆主中之主未曾走作如八陣圖中惟有一枝令字旗隱隱揮動雖塵沙頑石無用之物皆有彌天殺氣亘古亘今不可磨滅又如峽水怒春曲曲有力如此過

日便是真正工夫矣珍重

示持戒者

無念卽戒無心卽禪無戒無禪卽佛非佛又何言受戒言叅禪言證佛者耶雖然不戒則不得無念無念則成寒灰枯木無禪則未得無心無心則爲古井乾潭無證則落頑虛何得成佛故知證佛叅禪自持戒始旣欲持戒須識心體心體無緣如空中日一切見聞知覺緣之卽屬染污直須時時遠離不使一點黏著如出水蓮花盈盈落落中空而外潔蕩蕩然冷冷然目如懸鏡耳若空谷遇聲遇色一切平常心如木

三峯和尚語錄卷第十三

三

石相似自然絕情絕理不動不搖滾滾隨俗超超出塵動止與威儀冥合伽黎飄飄瓶鉢次第不待瑣細全體現成懸知戒是心戒本來具足豈可以持犯開遮種種名相爲律哉知心是戒何敢觸心知心是禪何更擬心知心是佛便好歇心知心本無何妨用心何妨持戒何妨叅禪何妨證佛何妨入魔何妨出世入世爲自在人去公今持戒請自無念入

示看教者

教中人叅禪最難下手只爲他平日學得底都有言路意路言思不斷動落四句法之外道不覺不知與

之沒溺蓋世尊一代時教于觀星時悟得有口難言三七思惟學得箇說法底方子卽借凡夫小乘菩薩如來五種法式打開九十六種外道之四句法影略而說故有時以人天教確確說有時以無常法確確說空有時以無明無無明說緣生無性之初空以通大乘有時說卽色卽空爲菩薩之始有時說色空雙泯爲菩薩之終此等說法不出乎有不出乎空不出乎卽有卽空不出乎非有非空外道執此四句斷斷不能相通故爲心外有法凡夫實有小乘趣寂二乘知無明行等皆屬緣生而重于無處菩薩雙有雙

無文即

三峯和尚語錄卷第十三

三

無妙在互交雖以四法破四句然四法卽四句也故經中說有處每以空遙對應之說空處每以有遙對應之說卽空卽有處常以非空非有照之于言內言外說非空非有時常以卽空卽有照應于影略之間故經旨自密言路自顯顯有言顯而意不密者尠有意密而言不顯者顯之于密非但以經呪相待而言而顯密圓通政在言詮之內柰何講者不能盡詰其祕貴在鋪文文有則談有文無則墮無有空或雙墮而爲攪亂有空或雙非而爲空見此緣不知觀星之旨動輒負墮講者之過非經過也惟如來禪則不然

非盡則卽來卽完則非到二句成則雙非二句非則雙卽是卽非卽交互礙互結互融如一箇絲初理而後亂了無頭腦結結歸一不可復解此如來邊事結頂處也若教家人看到此處方好參禪其或不然舌頭尚利不可與之說法此宗門家沒奈何處也公向游心教理必透此玄果透此玄定死句下若死句下正好看箇話頭話頭者不可看心看性看理看玄須離却心窠裏單單向事上看取謂之事究竟堅固若一落心窩便溺軟處不可救矣須實實將一件物事作表參之古人以竹篋子作話頭曰喚著竹篋子

法苑珠林

三峰和尚語錄卷第十三

重

則觸不喚著竹篋子則背不得有語不得無語畢竟喚作什麼你若纔要開口便與一掌向沒下手處參取只者一箇竹篋已收盡了世間種種法收盡心性種種法收盡凡聖諸路等法勿得生出心言惡路只是橫結目前時時件件總是箇竹篋盡力參盡力憤不可悠悠忽忽空過一生須是著急著急上天無路入地無門自然不思議境作大噴發那時相見更須喫棒在

三峰藏和尚語錄卷第十三

三峰藏和尚語錄卷第十四

吳虎丘山雲巖寺嗣法門人弘儲編

書問

復金粟老和尚

竊惟法門事大任荷自心者苟非淺得祖宗的骨之髓那可承虛接響喪我兒孫若干授受之際稍涉鹵莽如指南倒置豈獨千里萬里之謬而已此藏所以褰裳濡足于法門有臨岐至再之請耳至若中外洵洵之議何足知此血心哉今去臨濟五百餘年之遠而其堂奧之旨猶未狼藉藏嘗走問諸方老宿無有

法苑珠林

三峰和尚語錄卷第十四

一

能應其請者蓋以法門建立之密千古萬古不能撲破耳藏謂宗旨未破則臨濟猶生也那可一時以舉揚之不易承接之無人便欲越過此宗別行坦路耶覺範曰此如衣冠稱孔門弟子而毀易繫辭三兒童子皆笑之其言痛切可爲寒心此又藏之所不敢不告者也惟望和尚洞此至愚之誠鑒其玄要之請俾後世興起之人確有本據勿使狐狼野豕同獅吼則佛祖幸甚法門幸甚

上金粟老和尚

無上正法自威音一圜七佛交截四七二三雙頭獨

結而馬駒脚下三頓棒頭橫開豎合賓主之機愈玄愈實所以有雪巖之英特高峰之出羣代代智過於師霆震火烈至今綿遠振起爲萬世則師承法印之力所持也法藏夙緣何幸得獲上傳憶廿九歲揭高峰語錄宛若自語因發大心叅禪言我若大徹之後誓紹此宗萬苦千辛至四十歲于折竹邊捉得落地

枕子那時心肯早已承嗣雙髻了也及叅濟上玄要賓主溪見祖道不可草草愈入愈深既透濟宗旁叅四家兼搜河洛因見寂音尊者著臨濟宗旨遂肯心此老願宏其法自謂得心於高峰印法于寂音無復

支那

三峯和尚語錄卷第十四

三

疑矣乃復發願弘兩枝法脈合起臨濟正宗凡遇埽宗旨者力爲諍之不獨負荷滄沱將使雲門爲仰曹洞四家遙承近續令五宗再燦願世生生爲接續斷脈之種所以醞釀有年捺披不滿提持之暇屈指諸家知和尚乃高峰嫡骨正傳敢不一探堂奧向于金粟山前叨承委付然尚苦攻力辯往復數四種種具諸語錄流布諸方茲因吳門北禪之役舊叅新學一時來集咸勸乘時拈出不昧先宗藏不獲辭謹以生平願力披肝膽於侍者之前倘和尚一棒血流三翻火滅藏敬將高峰一脈與寂音臨濟佛祖威音併

老和尚向北禪堂前連瓣香炷作一爐燒却免見貽害諸方用報法乳之恩不揣下愚敬陳陋劣伏惟大慈照亮不勝企仰之至

復竹庵關主

世尊觀星悟道之後爲不明大法但得涅槃心開口不得故曰若欲說之無下口處不欲說之衆生無解脫之期三七思惟忽然悟明大法大法既明方纔入得差別智方能說三乘之法以利衆生所以古人言涅槃心易曉差別智難明善財南叅五十三善知識皆明其中事也今公所見不過象王回顧獅子嘖呻

支那

三峯和尚語錄卷第百

三

妙峰山上七日不見而別峰相見者便乃安心樂意以爲究竟而不知起脚力叅尚未萬分之一中間微細具在五宗旨趣中若臨濟三玄三要賓主料揀照用未曾入他堂奧而妄欲以一棒一喝籠侗眞如即便坐著謂之天然外道非佛弟子近世競抹宗旨幾致滅絕幸有托鉢公案守廓侍者五祖圓悟大慧等章一一備露面目何可躡等自便忤逆先聖賺害後生其罪過于殺祖殺佛某嘗力爭此事謂寧以此身入無間地獄斷不可坐在一悟便了之科非過激也香嚴獨脚頌當細細叅透再進諸家苟一處不明則

一分無明未了故不惜眉毛淡相激勸耳公若果是有人氣者必不可放過此生甘爲下賤而不入尊貴之域也

與蔡雲怡祠部

蓋世出世間法都盧作一箇問頭便如掇一箇沒量大底火坑出來擬答則四句森然三心頓起那有一人不被他燒却除實見得者一著子一向閑極無事滾滾地過日但向他拈出來撥空作火處略拈些子虛空作水與他一時烟消火滅所謂念彼觀音力還著于本人是也此事不在久久做工夫得箇前後際

三峰和尚語錄卷第四

四

斷方沒生死須知目前萬法本自硬糾糾地原沒生死以凡聖兩見妄執事理生出許多生死如今只指出目前一動一靜如雲過石似水落溪入淨入穢原來無事何等具足不犯纖塵只是動處要了拈空塞空以幻滅幻不犯鋒鏑籍沒他根種而已然此事又不可自生格則若自生格則便已多事不如看他古人當機處有言無言原有樣子如僧問雲門如何是諸佛出身處答云東山水上行圓悟別云薰風自南來殿閣生微涼看他當機輕輕吐出如百萬輪椎一齊俱發不見頭尾雖三世諸佛列代祖師一齊問及

亦奈何他不得乃至千奇萬怪變亂異常不過教人隨事了事當機息機平生只在毘盧頂額上踏過不留鞋跡而已古德云言無展事語不投機承言者喪滯句者迷又云句中無意在句中意句俱馳意句俱遣所以每出一言必須成句言不成句生死紛然古人所重只在言句上如云縱燒出舍利八斛四斗不如當初下得一轉語又云只重子之見處不重子之行履故臨濟家有三句雲門亦有三句玄沙亦有三句句中之意非語莫辯既有言句復當驗其意旨何如道得意旨句方得力若意旨不明便是掠虛野

支那

三峰和尚語錄卷第四

五

戰生死門頭全用不著尋常過日一任有念無念或妄或真但不得照察不用簡點本自了辦倘若一露頭角便用本分治之故于事到語到須識禍機處得定當定當者不過得一句之力耳句要意重意重只爲句乾得極乾得極者即是叩兩端而竭之謂也聖門大關頭亦只在好問察過處執中用中總是言句上定當也句若定當尋常只乘一口金剛寶劍露端便斬誰有不平事哉

答雲怡蔡學憲

接來札并見青州衫三頓棒等頌知于此道得箇入

路便是不退轉地喜之欲狂并聞輦上諸公頗多信
向此事而有金正希太史根性尤猛利同心斷金一
時挽復正法無憂矣惟冀不倦提持逢人下手不昧
爲有力大人耳又云每至猝然問著終未能轉蓋繇
乍見此事而一向行處猶在倒正中不能著著從腰
下截去舌頭尚涉語脈耳直須一向目朝雲漢如鐘
懸架上叩著但聞吼怒令人心膽俱喪爲得此正是
絕簡點惟用爪牙也若爾久久自然純熟脚無絆索
意氣高閑應凡俗不妨隨事了事使人不疑此是入
塵更妙處三頓棒須更進一步與再叅馬祖因緣并

撰述那

三峰和尚語錄卷第十四

六

指月錄中數則大公案多多翻閱一過若有疑處便是進趨之門從堂入奧自有大受用也

答熊魚山明府

明公夙慧再來以無我心求向上事千古一邁萬萬希有承問歷觀諸教欲蔽一言其間不曰寂照則曰定慧不曰止觀則曰空智大約根本智雖無功用而淡淡般般若自本來不可磨滅今法語中皆無片字及般若岸果頂門摩醯眼既開之後便瞎却不用抑此眼原不必開也等語正爬著山僧二十年無人問著底癢處蓋般若妙道非中根聰智所能推測山僧二

十年來所遺士大夫畱心此道者頗多功行理路從明白處推測竝無從向上頂門無眼處問著求箇出脫者爲何只爲平日于第六識上照了第七識上指認第八識上摹擬以心意意識不能一時截斷故光明尚在不得從頂門無光之光照徹天漢只得生死依稀本無而已決不能于睡中夢中正睡無夢無想處死來昏悶處跌倒悶絕處與淫怒癡正發處坦然一如自在無礙作快活人以故欲入此者有禪教之分教有如來禪禪有祖師禪如來禪有般若實相有寂照有定慧有空智實智種種名相不可盡舉祖

撰支
述邪

三峰和尚語錄卷第十四

七

師禪卽從如來禪盡處一椎謂之獨透獨露故祖師家有通教義說者有單提向上說者通教義說便有理路向上透教便無理路理有證到之理有擬到之理俱有開闔不可一途滯說所謂教者從凡入聖三乘二乘菩薩以至如來故謂之如來禪以凡夫執有三二入空菩薩則緣生以透性空故名般若之智類多破有指空空之不入四遣而入不可得得此了不可得謂之空智以緣生而本空以無性而緣起雙照雙遮皆在般若至於雙照礙雙遮雙遮礙雙照雙照融雙遮雙遮融雙照融礙交結交蘊不可測處獨

瞎有功用眼方謂之如來禪又謂之頂結又名墮頂
又名死水此等說話若欲指點只在做工夫到前後
際斷三心不可得處目前如米壺此處起手方說空
相已備在德慶普說中于此空相中行履如鳥飛空
此便雙兼然于祖師禪未夢見在若於雙雙結處看
他喚著竹篋則觸不喚作竹篋則背無門無眼此處
重下手力究忽然於纔開口處便打萬事破除不可
近傍便于作用上提脫心性過日打翻空有中道于
出格處脚下無私溪溪海底行高高山頂立而心性
了則佛心了佛心了則凡與聖始真斷所謂但了凡

支那

三峰和尚語錄卷第四

八

心別無聖解方纔醒夢一如生死無二生佛無間但
解著衣喫飯屙屎放尿喜而笑怒而罵而已寂照定
慧止觀空智實智心之與性識之與念皆是兩頭語
若到現前劈脊便打何等省事明公以出人之資超
佛之志不必問著前來途路便請向獨瞎有功用眼
處用一口金剛王劒將佛魔生物到手便斬直教閑
閑落落垂衣拱手件件惠民頭頭護法以無舌而語
不脛而走如堅翅鳥據空自在可見摩醯額眼正是
開不可開用此額眼回觀如來祖師禪淺淺般若等
名皆是無夢說夢其可得乎中間尚有說不盡處請

看指月錄中百丈上堂語自見山野不便趨風惟遙
仰止

又

承諭曩于覺師處力究旬日之間遂覺頂上摩醯眼
突然涌出以故年來於開眼瞎眼處亦覺一齊赴會
惟是習氣深重功行淺薄遇事不能兩段銷殞處較
少增長處較多等語竊謂雙眼不瞎則醯眼不開雙
眼不明則醯目不泯醯目開正爲凡聖路斷醯目泯
正爲靈悟照亡照不亡則凡聖根存路不斷則習氣
餘茂只爲當時醯眼突出猶屬照功上來功行是照

支那

三峰和尚語錄卷第四

九

照乃人心人心惟危故有覺得不覺得遇事便有照
了不照了照他兩段正屬兩頭見長見銷全屬雙眼
此處用功如煮沙爲飯倒馬策前愈難愈遠祖家正
法只在不墮兩頭自然本無習氣不用照了直用中
間習氣若中即是浩然充塞古人云養一頭水牯牛
擬向溪東牧猶是犯他國王水草溪西牧亦是犯他
國王水草不如隨分納些些總不見得如此說話何
曾道著飛空鳥跡來韓侍郎致書晦堂云昔聞和尚
開悟曠然無疑但無始以來煩惱習氣未能頓盡爲
之奈何晦堂答書曰敬承諭及昔時開悟云云然心

外無剩法不知煩惱習氣是何物而欲盡之若起此心翻成認賊爲子也從上以來但有言說乃是隨病發藥雖有煩惱習氣但以如來知見治之皆是善權方便誘引之法若是定有習氣可治却是心外有法而可盡之譬如靈龜曳尾於途拂迹迹生可謂將心用心轉見病深苟能明達心外無法法外無心心法既無更欲教誰頓盡耶可見兩頭坐斷習氣無從不露兩頭不妨於中直截矣復諭簡鄙札喜中間萬事破除不可近傍尤喜佛心了則凡與聖始眞斷從今惟有一劒當軒服之無歎若果如此前來絡索便請

支那

三峯和尚語錄卷第古

十

一刀兩段但能時時向者裏截天截地一物不可近傍久久用熟不由思議都從沒照功處著力自然如香象渡河截流而過只今且于此處研磨未宜放手又論更有疑者欲於無門無眼處重下手力究不惟究字安不上竹篋子話早安不上欲不如然又恐墮少分爲足之病恒沙細惑何由得盡此數語溪見大根大力必欲透徹宗旨凌跨古今須從臨濟門風徹細諸法一一參過汰盡見中蘊奧入佛入魔依舊著衣喫飯而已

又

鴻山與仰山曰以思無思之妙翻思靈焰之無窮思盡還源性相平等理事不二眞佛如如又僧問巖頭曰起滅不停時如何頭曰是誰起滅以是觀之人心本無不必求其無且無時之出入莫知鄉之所在但放之自然不用軌則隨事了事順水行舟所謂處處得逢渠是也若知心本無心先落得無量自在受用但在問著處則兩頭形露當一刀兩段便放他過去更有何物敢繫縛人譬如獅子坐睡遊行之次任他來去自在若有虎狼蟲豸到前或以一掌或一頓呌何事不了何物敢影現哉巖頭曰百不思時是與麼

支那

三峯和尚語錄卷第古

十

時將與麼時等破一切如敲豬狗眼赫赤纔見便敲左來右敲橫來豎敲此語太可憐生僧問雲門如何是佛答乾矢橛洞山答麻三斤山僧道驢臆子又道雨過覺清涼此等言句豈有意味在耶但要會得其中的大意無事不辦拈一莖草作丈六金身以丈六金身作一莖草投石乾海吹氣倒山在明公直下用去耳

又

圓覺經曰居一切時不起妄念于諸妄心亦不息滅住妄想境不加了知于無了知不辨眞實若此四句

輒作一句了無頭腦便是向上一行履蓋妄念者露出兩頭欹側心有箇著落處也一有著落卽是欺心不起則一任如雲如影亂起亂滅無有定見卽是居一切時不起妄念此不起心極好只因修行人向者裏妄加點簡妄加安排妄加照察所以流浪生死無有了期可惜許耳若是小乘人便要息滅他若是多知多見底人便要去了知照察他生生死死頭角拽拽不了流浪轉溪不得停止若曉無了知不用簡是好處他又妄加箇想必此樣就是真實處也如此許多用慣心識修到驢年無了手分不如一了便了

三峰和尚語錄卷第七

三峰和尚語錄卷第七

主

更不回頭轉腦直下放教亂去只是再不落他兩頭欹側處露現則自然在中不怕甕中走却鼈也若遇他人呈箇頭腦來只與從中截斷並不與他交涉所以云言無展事語不投機此要法也一落語脈便是承言者喪滯句者迷通身染污矣所以古人逢著問西來大意只道箇庭前柏樹子他安身立命處不在者裏也安身立命既不在者裏則所應一切俱是捏空爲彈破他心骨而已開口不在舌頭上也終日言未嘗言也故曰言滿天下無口過如此言而行則行滿天下無怨惡孔子曰其言也訥訥者不言也卽指

掌呼參鼓瑟擊磬無行不與天何言哉邑舉用集絃歌之治是也若會得此一絡索則千言萬語不會露一些子故其力用大耳單單握得一箇百二十斤銅鉗瓦來打瓦石來打石琉璃瓶來打琉璃瓶十丈珊瑚來打十丈珊瑚人來殺人佛來殺佛唯了而已近得雲怡居士書云途中叅青州布衫公案小有省發乃知問答句旨之妙宗家非此無以勘驗學人非此無從入手自此還看儒家眼孔與曩迴別溪知易道精微正在無文無理而著龜一法受命如響爲易之大用曰知幾曰不遠復則吾儕真實下手處也又論

三峰和尚語錄卷第七

三峰和尚語錄卷第七

主

向于大師不許點簡不用覺照之語未能無疑今始知一簡點一覺照卽傷他觸他弟子于此一事已信得十分決無岐嚮矣此便是躋實地人之初步也大道最忌奇特玄妙奇玄正是兩頭心古人不過大巧若拙大拙若巧而已故巧人多鏤木爲篆拙人常抱枯樁不知渾金璞玉聲價自重大都日用應緣只用機先一向隨事了事不要管他若是撥著頭角便與一刀兩段不可放過

答趙文度郡伯

前者山中數日相對殷勤譚一大事非有力大人豈

能淡求力究如此居士夙具殊勝種子從今觸雨生發不可遏捺真不易得也承諭宗鏡錄言三途無分別而不發業故不受報等語簡之具在七十四卷第四十葉大都俱生二字教中雖細解註終不明言故知教之人多不得力須知本明與無明元是一箇明極故不覺不覺則不守自性不守故任運起惑起惑則生明造業所以衆生流浪生死皆因無明與本明俱生俱生則業相動而轉相向外便現出現行現即智相生而分別起矣所以要出生死先斷聰明聰明通身是分別故總別俱報謂之定業斷不能避楞

友那

三峯和尚語錄卷第七

六

嚴云知見立知即無明本知見無見斯即涅槃此兩句便該括盡矣只是今人於知見處不能無見苦無下手處如人說食終不能飽耳今日叅禪正爲下手方便若一得之便終日行而不現行終日分別而非煩惱分別惑尚不起何況造業受報耶現行是明白底明白便能作主宰宗鏡亦曰主宰是任持義即我相根本主宰是第七識恒恒執我不肯打失打失即任運矣禪者任運而且斷惑業三途惑業太重俱生強盛而亦任運以任運迷極故不受總報別報是偶爾成文喻如癡人隨主人驅率便打殺人罪當坐主

以僕癡極無知不坐殺罪不過是牽連耳大力鬼打舍利弗而舍利弗是果上人其緣勝故入地獄鸚鵡聞法以法力勝故生天北俱盧洲因修癡福故感癡報謂之生長壽天是八難之一此洲癡人亦不受報大槩此輩癡極故無分別禪者透過明白故無分別故大悟底人却翻迷了此非迷悟之迷乃與佛同體無記之迷即所謂知見無見者也今要叅禪先將平生知見明白抹過一邊將去不得底話頭橫看豎看轉看轉迷悶迷悶不過于計較不得處忽地一迸便會知見無見底方便終日任運與佛無二矣草草贅

友那

三峯和尚語錄卷第七

五

語聊爲宗鏡作箇註脚居士高明自當朗鑑

答王問修廉憲

二年不接清範想居士珍重杜門必溪進此道得手札知努力大事務在必證眞入爲道自不承虛接響定當一斬一切斷直欲翻身握三尺向無面目處大用過日耳竹篋頌已到世出世間萬法交結但欠一鎚擊破于日用處大開兩眼放捨四大六根撞著虎狼獅子影未動處便與一擊一任掃踪滅迹無一星子蠅蚊影響打攪隨時應緣一任碌碌但于無米飯上敲著嚼著不輕放過久久自然有方然此力在逢

緣不借全不干主人公事奴子稟命而行便了若更回頭顧著則森然棘手也大率理路者明白會處也古人云老僧不在明白裏但貴翻身得用耳問如何是佛答乾矢橛問如何是西來意答庭前柏樹子恁麼看則得纔開口便打入門便打纔舉著便道不是不是恁麼看則得若於此等話頭看破則古人本命星官是什麼擔擔裏夫子只要小兒不哭足矣居士用心誠篤久久不愁不得只在竹篋話上問處著力得箇掀天揭地卒斷一上便好向那邊過日

答李長蘅孝廉

支那

三峰和尚語錄卷第七

去

病中工夫且歇却看話頭鬱遏費力難與病情支遣不若明明白白一看透底便自甘心休去第一先看此身凝濕動暖四大從來無有實體不是我身既非我身便不必管他好惡生死痛苦不痛苦等事一刀割斷再不來整理是初下手處其二看色身既不交涉其身外骨肉恩怨功名利養一切我所皆是虛妄亦與一刀割斷不去回頭轉腦第三看破內外色空何處更有妄心領受既不領受想緒何生想既不生思惟之行心頓歇行既歇滅分別之識何從五蘊既空從來無我無我又有何人受彼生死何人造業何

人受罪何物輪迴到此則身心世界一法無可常情當下脫然放捨便與法界平等無一塵一法不是我自已真心真心者無心也無心便當下成佛並無佛與衆生等名目作緣作對維摩經曰空其室內屏去侍者惟置一牀以疾而臥空其室內萬緣休盡也屏去侍者一念不生也惟置一牀頽然放捨于其中也以疾而臥不敢動著動著則禍生也若果如此放得盡則意無所用意無用則五官不役不役則不怕眼光落地不怕眼光落地則不怕鬼神飛揚不怕飛揚則任他到昏昧想位昏昧既得恬帖則一切善相惡

支那

三峰和尚語錄卷第七

七

相都不隨他不隨則無欣厭顛倒無顛倒則天堂地獄六道七趣收你不得安身立命自有一段任運騰騰自由自在不怕無箇著落也居士是箇中人但要直下肯耳若肯直下放手成佛不是另有

答西空居士

本諱宋覽字白民

法道可憐極矣不可不救也可憐者何益以文字禪沒溺于語言一棒一喝禪沒溺于無言無言則顛頂亂統有言則摘句尋章摘句尋章但墮外而未易墮魔顛頂亂統易墮魔而又復墮外嘗盡夜思之無法可治竊按世尊舊法列祖真宗用禪魔棟異師承千

古不易之格務在磨光刮垢滌盡奇玄便歸一實故不得已只得千方百計以救末世之弊試一論之世尊昔日觀星而悟者卽今人所悟之一棒一喝也觀星霍然豈有言說乎豈無言說乎豈有指點乎豈無指點乎此處脫然而了突然而見所得者自心而已矣此口掛壁上處也非顛頂而何在世尊眞見則不致亂統在凡夫見之則易于亂統且又有似悟而非悟者已悟而不盡者非悟而妄認者千差競起佛若無法無師何以救此一輩耶故三七思惟以一星分作四句一星分作三乘說四句以破九十六種外道

支那

三峯和尚語錄卷第十四

六

說三乘以接九十六種外道一星分三而四句破矣三句合一而一乘備矣所以十方佛現而印證之非以法爲師承杜亂統而何此法一唱則從迦葉阿難以至六祖遂有一花五葉之識正救今日之邪法也昔僧問臨濟曰如何是眞佛眞法眞道濟曰佛者心清淨是此西空老人所見身心世界一齊放下處也又曰法者心光明是此三玄三要畢竟罷不得者也

有佛無法是死佛有法無佛是無頭法故又曰道者處處無礙淨光是此心法合併處處放光事事無礙者也又曰三卽一皆爲空名而非實有若眞正學道

人念念心不間斷蓋以前後際斷一心不亂底人常居無念之地若到入魔動念處則一心遂爲間斷以其破根本無明而塵沙惑不曾動著一絲毫故也良以悟得自心正是我相我相堅固正是著有外道直須把三玄去他的有而後悟處無悟無正是落空外道又把三玄去他的無而後無悟無我人既去而衆生命根在也吾不知將何以盡之嗚呼三要之不可廢也宜矣吾知格君心之非者三玄三要也非爲奇特非爲玄妙也所謂三句者臨濟曰若第一句中薦得堪與佛祖爲師第二句中薦得堪與人天爲師第

支那

三峯和尚語錄卷第七

七

三句中薦得自救不了夫臨濟以三頓棒得來以一喝爲用豈不知棒喝之徑捷不枝而不以示人偏以三句示人哉蓋世間法出世間法難以棒喝一例收盡若單以棒喝則一切語言遂成剩法有剩法又何貴於禪爲若單重棒喝則棒喝時清淨至於語言時依舊道理玄妙等生死起也何能處處乾竭耶故以三玄要之法將一切有言無言有意無意等音聲色相一節竿乾從玄出要直至頂上如乳中醍醐單單用此頂門獨眼並不落他語言文字並不坐在顛頂亂統所謂我爲法王于法自在者此也此卽未開口

前事也此卽敲人獅子也此竹篋子之所以爲祖師關也此拈盡五宗之奇玄也正爲參話頭電閃歇足者多因地而透頂者少也最上一要決不墮于湛精之動光影之迷落白落黑牽惹情窟也玄要乃棒之眼喝之霹也正欲以鴆毒殺天下人也孝順亦死忤逆亦死何妨向兒孫父母祖禰配出但欲知其痛癢耳諸方不肖吾者以祖師不出世耳若出世則不易吾言定矣此二十年以平心冷觀而得之惟冀西空老人鑒此痛哭流涕長太息于千甍萬死中足矣何必求今人一點首也何必驚悚一時吾將質諸千佛

支那

三峰和尚語錄卷第十四

千

列祖矣寧甘粉骨碎身而此救宗旨救法救世之心必不敢退者也西空老人念之

三峰藏和尚語錄卷第十四

三峰藏和尚語錄卷第十五

吳虎丘山雲巖寺嗣法門人弘儲編

書問

答陸戡夫居士

山花野鳥爲長劒風細北牕長晝眠夢到寒山入壁後漫言毒鼓髑髏前三玄三要從古到今只得三人自悟覺範是第二人其偈曰一句中具三玄門一玄中具三要路細看卽是陷虎機忽轟一聲塗毒鼓偷心死盡眼麻迷石女夢中毛卓豎可見虎不陷則塗毒不轟心不死則女毛不豎此百歲髑髏五花舞之

支那

三峰和尚語錄卷第十五

一

謂也

復章拙生居士

當初看話頭不會在一話頭上收得身心世界盡及至轉身時又不曾在一句轉語上了得身心世界盡後來於一切事上又不曾著著令此身心世界無露現處故於事上不盡便有剎法既有剎法便將一著子放開了且在世法上滾去待有工夫再來整理殊不知一著子外更無世法淫殺盜妄總是裏許底事只要當人著著不容他兩頭有剩耳不容兩頭有剩者一箇本分如太虛空做了一箇鐵鏈終日在手裏

輪來輪去若更有一箇太虛空來便與打破不是有兩箇太虛空亦非不有兩箇太虛空只一箇本分塞盡世界就了事竝不煩動心舉念也若是拈過鉤子放出虛空更放出自己分別心箇點一箇點則絲毫也用不著用不著則不信心生而求相應心起越照察越不相應矣殊不知相應是心盡無法只用大用更不起疑耳此相應不是者箇相應若此處看不過不是退定是謗可惜許也不見圓悟大慧等聰明人都曾犯此大病耶急須重新收拾不可在已破面門處下手另尋一則公案須得一月半月對面拈接

跋語

三峯和尚語錄卷第五

二

得定如圓悟大慧方得了耳切祝切祝

又

當時二祖實爲求法心切故斷臂師前耳而初祖忙忙便與他印證道汝今斷臂求亦可在二祖見說便道我心未寧乞師與安初祖曰將心來我與汝安二祖盡其神力要覓箇自心去酬他奈何無處摸索乃曰覓心了不可得便是抱贓自首處與汝安心便是腦後一鎚處今居士斷臂力淺故印證之言亦輕居士不會真正覓心了不可得亦不會有人與汝安心故逢著五欲八風便搖動起來若當初覓到了不可

得處宵來自然五欲八風是除了不可得之心耳何復求相應耶此求相應者賊也見相應見不相應者皆賊也若道畢竟就要得箇相應則二祖覓心處早已相應何消晚年又有調心等事哉可見參禪必要參到大休大了再無疑處便知決不是相應上證佐者以相應是心路所見故不如無知之心法上處處進取進到極則處他自有一箇相應底道理與你自肖也何須途路預先卜度作不中心行哉仁者有進無退莫問那裏參好只是件件參去處處明去少不得有放身大睡時節此事決不礙舉業正好參去

跋語

三峯和尚語錄卷第五

三

復許仲謙居士

事事捉住兩頭從中斷去如握于將割葱葉耳雖老庖丁亦皆信手不費眼力習則慣熟全不以心則身口意業皆是出身大道是業隨我轉而爲道非我隨業轉而爲苦也若以靜閑一室爲道如將玻璃盞澄大江之水暫歇則月現曷能以滔天之勢興雲作雨于忘心不知之用哉忘心者以事物上能格而直用耳能格于前直用於後一知則不用再知不再則知無所用知無所用故其爲知也蓋天蓋地亘古亘今不可磨滅可見知得猛省者照察心也知有喪失者

背道心也苟于無事之時泯然不用知識不妨任其開思亂想事到之時便直下斷去以兩頭準則無錯謬之遺恨事去則放之而無追挽之思設有錯謬則悔而正之不二其過或不能著著執一端而用中則當於話頭上討箇出格久之自著著在中而有大力用也居士但於此處研磨切勿草草放過

復蔡雲怡居士

正法不許斟酌計較只是理得兩頭定當便從中一刀其餘總不管他去住以兩頭定當定無差錯也纔轉身來又不泥者裏矣但能賓主轉換落落可觀則

文那
語述一

三峰和尚語錄卷第五

四

事事千了百當此事貴在用上鋒利全身不露背面此是大神通光明之藏以力在其中不是心思上底事即用心思亦是中間不借之力不必疑也

復梁湛至居士

生死果何物而爲其所累爲我所畏哉以人心見身故畏身有生死耳夫陰陽晝夜闔闢春秋果會生死乎知生死者人心耳身果何物耶人心生死不出兩端端不起則無生端不滅則無死苟覓其心至了不可得則本無起滅何有生死雖欲不甘休不可得矣自既肯休則當任之如空中花不妨亂起亂滅身心

文那
語述一

三峰和尚語錄卷第五

五

世界於我何有但憑一雙空眼抹盡山水人物古今治亂所謂長安雖開我國宴然是也惟因一事當前則端心又起須得大作用現前于起處頓了並不經我屋裏事斯爲得力侍者耳此事若在身心上著到不但一時摸索不著而魔境萬狀古人云不疑言句是爲大病直須疑言句始得言句者識得問頭識得答語如船子所云離釣三寸如問佛而答麻三斤乾矢橛如纔問便打便挫折足便罵便喝不得以有言言不得以無語語著著有函有蓋能殺能活藏盡楚天之月騰將匣內之光斯得大用之少分矣言句既

得謂之知言知言則心不動而氣浩所以能目空定亂也前見居士筆底依稀近之但未得一回故有病夢許多疑畏茲當乘病愈閑適謝事之時細釋祖家言句務期了却勿放過好時節也得來札遠心正合佇俟面談殊爲快便

示翁季祥居士

禪是提出教之骨髓一見便向語言文字外了却心地心地了則何教不盡教是懸擬禪之影響一看便落語言文字中等覓枝葉枝葉繁則禪愈難透所以祖師家向人未啓口以前先翻箇獅子筋斗令人直

下透去何等痛快故睦州見雲門纔挨入門便與推折足云秦時轆轤鑽雲門見人問如何是佛便道乾矢橛德山見人來便棒臨濟見人來便喝不問你根器大小知教不知教識字不識字只要你向情識來不得處得箇轉身吐氣法子得此法便一向不走心意識路蓋心意識從無始迷悶以來只在兩頭語上輪轉不是善定是惡不是凡定是佛不是生定是死不是修證定是無修證有此兩頭心路則時時在生死中流浪不得出離如今若得提脫者些根蒂則佛祖頭上一例踏去討什麼生死來此便是教之骨髓

支那

三峯和尚語錄卷第五

六

也你若未信有此且向大乘教中看得明白自然拋却葛藤窠曰有心參禪矣楞嚴題曰一切事究竟堅固可見十卷經中未嘗說道理也若說理則不究竟不堅固矣何以故以其有心意識講說討論故故七處微心而覓心了不可得八還辨見而有見精隨卽云見見之時見非是見見猶離見見不能及又奪盡無遺矣心見俱奪便說箇五陰六入十二處十八界七大此等皆是事相每於一事相中微細披剝奪得盡翻轉身來又與得定當當一與一奪理路不可得則事相不可得而不妨得與之奪之心理難窮

如曰如來藏本妙圓心非心非空等乃至以是俱非世出世故卽如來藏元明心妙卽心卽空等乃至以是俱卽世出世故卽如來藏妙明心元上來一非一卽如干戈對壘了無心縫又曰離卽離非而卽與非皆不許又曰是卽非卽前則卽而與非次則離卽離非再次則是非俱卽你道理會得麼理會不得麼故曰如何世間三有衆生及出世間聲聞緣覺以所知心測度如來無上菩提用世語言入佛知見又曰汝暫舉心塵勞先起可見心思測度皆是魔業何不因教言可信隨卽下手參禪哉大慧禪師于室中提箇

支那

三峯和尚語錄卷第五

七

竹篋子示人曰喚著竹篋則觸不喚著竹篋則背正向楞嚴經提出骨髓要人一擊兩段自在去耳豈不千了萬當痛快平生居士昔從湖上受一喝之毒于齋中受一掌之冤今日向鄧尉山前重新覓箇諦當纔要開口我便劈頭一拄杖子及乎再問我已放下拄杖竚思之間我又將拄杖子拗作四折置你面前且道是教理是事理是禪道是世法你若如何若何再與三十拄杖趁出始得

離心意識說示禪者

心照生明墮在明白裏正是無明生死根本也意根

把捉墮在我相裏正是無明生死根苗也五識起明了外攬生明六識起分別內攬計著同爲無明生死枝葉也知之一字便落心意意識非縛卽脫非善卽惡非凡卽聖著相則結縛而凡離相則解脫而聖著相離相是對待法兩頭語全是生死何由出離耶若將心去離心意識則離卽心意識若將心去出凡聖路卽使離得也是法塵分別影子轉走轉惡竟入無想不入無想便落清空向清寥寥地認箇心性禪不沒在死水則沒在軟洋子裏動輒在昭昭靈靈上著到正是微細心意識之聖路也所以佛祖指示參禪

支那

三峰和尚語錄卷第五

八

向上一路全不落者格子令人向離心意識處加箇參字向出凡聖路處加箇學字于去不得處參去不得處學去不得不明白便非心意識所到凡聖路可通馬祖所謂無門爲法門是已若向通得去處思量得來便落理致全是生死故古人參問諸方見尊宿示一機一境無可明白便乃盡力參求愈求愈無路轉參轉不得故心意識忽然迸斷不墮兩頭凡聖又在尊宿答處入他語脈便是正語得入正語則心便光明意識便平等處處分別處處不落緣塵分別豈凡聖偏側之謂乎豈心性道理法身昭靈之謂乎一

機一境豈是沒意味設昧人籠侗之謂乎方知無量劫來迷淪生死無明只在今日一句子上會得便了却歇却便在一句子上過活作用以至于忘句忘法立地成佛大哉尊宿一句便能令人離心意識參出凡聖路學寧非眞參寧非絕學哉但願信此一句頓棄平生心意識之凡聖學路向者裏參去

離心意識辨示禪子

離心意識參出凡聖路學此二句是千聖不易之定論卽宗門家祖述初祖楞伽四卷之文而爲曹洞家傳嫡骨之要語也洞山問講維摩經僧曰不可以智

支那

三峰和尚語錄卷第五

九

知不可以識識云云又曰不墮凡聖曹山曰莫行心處路是也又損法財滅功德莫不由茲心意識此永嘉語也將第八識一刀兩段此大慧語也若經若論皆能言之唯歷代祖師及天下老古雖獨善用此法之鋒捷故六祖有轉識成智之語今人惑而疑議之不得不辨夫心者卽第八識之一分有知一分無知者是有知者靈靈不昧了了常知以知爲體而湛然者是無知者湛極無記在三性則不涉善惡之昏沉者是意根者卽七識恒恒執認八識謂自內我者是意識者卽第六識分別善惡二性分別非善惡性起

爲散亂者是蓋八識以未離心體未白淨故動則爲生死不動則爲生死根本在一心不生時其執認自內我者已恒恒在中故定之不繇三觀者全是我相此歇心之害非細也今之敎家或誤以爲是而喜之不足道而吾宗門中則以此爲大患故貶駁打坐爲死水此七八不相離者也六識則事事分別人皆知非不必言矣惟一事當前靈靈之我起爲分別分別既成復執認是非之影含藏田內爲種無量劫來任運出沒了不可拔所以千方萬計立轉識成智之法以度之最爲捷徑厥後法之最捷而妙者但敎人看

支那

三峯和尚語錄卷第五

十一

箇話頭纔看纔疑便頓離心意識三法如話頭云喚著竹篋則觸不喚著竹篋則背喚不得則出凡路不喚不得則出聖路以其叅情兩不可得則凡聖路已出也喚不得則分別之散亂六識已離喚著不得則七識之執認已離不喚不得則靈靈之閑坐及寂寂之沉酣已離喚著則觸不喚著則背兩路去不得兩路罷不得則六識不能分別七識不能執認一切兩頭語齊斷齊平爲平等性之質分別不得妙在疑情之不死則爲妙觀察之質故四智之中因叅話頭先得兩種質地但猶未悟故不名轉識之智耳以第六

識分別不得翻作切要疑情以自識殺自識謂之回光返照自六識絕則七識亦殺盡矣殺盡則前後際斷尚不爲到家若忽然頓悟則七識轉爲平等性智六識轉爲妙觀察智再不落兩頭凡聖語路矣此六七因中轉也八識五識雖曰果上圓然大圓鏡智之因成所作智之因無一絲毫欠少了也妙矣哉離心意識重在叅字出凡聖路重在學字以話頭之學不是有路之學話頭之叅不是有路之叅皆以叅而絕學而絕者也祖宗之法妙如此今人乃云那有離心意識叅出凡聖路學之理人之一動一靜妙賴於心

支那

三峯和尚語錄卷第五

十二

即使叅話頭亦是心意識用事若離此如何叅得禪苦哉苦哉若果具此見解不但不曾見道抑且不識心意識爲何物又且不識話頭爲何物而其自攬之禪名亦竟不知爲何物矣可怪可歎苟默而不言恐非爲法爲佛祖之公願故特表而出之以示諸子

心經說示子方

般若波羅蜜多卽此方所謂智慧是也此經六百餘卷其間骨髓盡此一篇故謂之心此義乃諸佛衆生有情無情之智慧中髓非經而何所以菩提薩埵大覺之人於智慧中不以智知而以行踐行到極處則

智慧之照皆施照絕之後見無可見鐵山忽倒了得
了無所了世界身心佛法世法一齊放盡得大自在
所謂行也放盡之行即自在之名狀相貌亦無著處
故曰觀自在菩薩行深般若波羅蜜多時照見五蘊
皆空也五蘊者即身心世界是內四大曰身即地水
火風堅濕煖動是外四大之界即山河大地虛空等
是總之曰色以身世相關障人真心而起領納故曰
受也纔領納便起想頭纔起想頭便心識流行識行
則分別好醜矣五種連珠串習而起障人絕照絕心
自在之妙用故一念纔動則有苦苦苦相屬厄不自

支那
撰述

三峰和尚語錄卷第十五

三

在今既絕照絕心虛靈放廓故五蘊空而度過苦厄
也到此即是廓然大悟時節自己了矣遂起菩薩之
心爲人不覺呼未大悟之智者而告之曰舍利子凡
人所以沒溺生死苦中者只因認身界之色爲有耳
或又見身界之色爲無耳見有見無皆爲不空吾今
于照心之量頓絕如人初睡著時不生夢想身心世
界一齊忘却時豈有忘却之亡見耶正是有無雙
絕不可名言處謂之空空而此空空何嘗離有無之
色哉何嘗非有無之色哉故曰色不異空空不異色
色即是空空即是色以有無雙絕恰好有無之中超

然有無之表正是坐斷兩頭中間路竭色既如此則
受之想之行之識之皆然矣故曰受想行識亦復如
是何以故是五蘊者乃世間法出世間法也于一法
了却便世出世法皆爲空空而空空之相以坐斷兩
頭不通心路則生之與滅垢之與淨增之與減皆爲
腰折到此則言語道斷心識行路俱絕矣超然於萬
法之中寥寥落落全是五蘊空時之初見故復告舍
利子曰是諸法空相不生不滅不垢不淨不增不減
蓋無生滅者度凡苦也無垢淨者度生佛也無聖增
凡減者度凡聖也上不見有諸佛下不見有衆生中

支那
撰述

三峰和尚語錄卷第五

三

不見有自己故曰是故空中無色無受想行識既無
五蘊則六根亦本不有六根無則無外所對六塵根
塵無則無十八界分三者既無則身心世界已絕其
根源矣豈有無始一念無明之動而輪轉耶既無無
明之動根豈有盡無明之還滅故十二輪轉之三世
生滅還滅之間兩絕矣若此則緣覺之法亦空而度
之矣故曰無眼耳鼻舌身意無色聲香味觸法無眼
界乃至無意識界之凡法無無明亦無無明盡乃至
無老死亦無老死盡之緣覺法衆生以一念之起而
爲苦根從苦入苦以至積集故聲聞修道諦以滅其

苦今既度苦則無苦集既無苦集則聲聞滅道之法亦空而度之矣故曰無苦集滅道自凡夫而二乘皆了不可得即菩薩淡般若之智亦了不可得故曰無智亦無得以無所得故故菩提薩埵依此無智無得之甚淡般若波羅蜜多得了然無心之真心自在無罣礙也無罣礙故無恐怖無恐怖則無生死涅槃之顛倒夢想而得究竟了辦也甚至三世諸佛亦依此大了當處而得無上正等正覺之妙道以此觀之不但凡夫二乘三乘了不可得即使現證此道之菩薩亦了不可得而諸佛得阿耨菩提亦了不可得蓋以

支那

三峯和尚語錄卷第十五

古

照見五蘊皆空并照俱了故也設有菩薩諸佛之道則苦復有根種矣詎能若是了辦耶至此則心不可得時時掀天揭地中皆是銀山鐵壁大作大用即密呪也然此般若可依而不可得依者放身倒處任之運之而不墮任者也故知此般若若大神而不可測識大明而不可正覷無上而不可蓋覆無可與等等而不可比方以故能除一切苦而真實不虛也上來一絡索正是心識根株衆苦由之生長者故末後爲汝一齊推倒免見法師家從此躲根即說呪曰揭諦揭諦波羅揭諦波羅僧揭諦菩提薩婆訶向者裏入祖

師禪便好力參去復說偈曰霜天月落夜初冷石室道人身未翻一聲鐘語破空落撞倒石牀脚下山

法華經說示禪者

達磨未來時此土座主判教皆以經序中無言說之正宗目爲序分而輕輕略過以有言說之方便目爲正宗而淡淡究翫相習成風今古無一人敢翻其案者自達磨西來以直提向上爲宗則有言說皆指爲外宗之教故知正宗正在經序中也何以見之如法華經序曰入於無量義處三昧身心不動此非覓心了不可得處乎以正不可坐定故六種震動而佛世

支那

三峯和尚語錄卷第十五

五

尊乃從不可得之體起大用現前故眉間白毫相光東照萬八千世界極上極下世間法出世間法靡不洞徹此非以眉爲兩頭間爲直指白毫非色而有光正從動處函蓋一切首先露出些子令人疑著者乎此與參禪從柏子青衫等大起疑情之法同也大都無疑不問無問不答無答不悟故彌勒乃卽世之子特爲之發起文殊乃大智之師特爲之酬唱援古證今直提此事所云今佛世尊欲說大法雨大法雨吹大法螺擊大法鼓演大法義者蓋以心路所到有量有義唯心路不可到之宗則無限量無義路此無限

量無義路之三昧竭盡四法坐斷兩頭只在動用中指出無非放光動地故曰經序乃真正正宗分而人所不知者也及世尊從三昧起說箇智慧門難解難入對聲聞小機便有如許忉怛已落第二義矣乃呼舍利弗云無量無邊未曾有法佛悉成就復曰止不須復說言唯佛與佛乃能究盡諸法實相所謂如是如是者也如是之法聲聞未了故舍利弗疑而請之不過又答得兩箇止字此所謂方便之正宗已非正宗之正宗矣方言豈得不說汝今諦聽及正言說處又不過道箇是法非思量分別之所能解可見以一

文那
經述

三峰和尚語錄卷第五

去

大事因緣出世單單以一光收四花以一乘收三乘耳蓋三乘四法止在一法一法若了則世間相本來常住只在拈起一法處從緣薦得便無處不相應也因設象以喻之乃以無量義處三昧爲火宅以四花爲四面火以眉間爲所燒之門以一光之火宅爲大車以四面火爲三車以火宅嬉戲爲四衢之樂盡情拋向諸子面前而作是念我雖能于此所燒之門安隱得出而諸子不知無求出意凡一法間便有有無卽有卽無非有非無四句管攝此一宅而四面火起也若悟得就此翻身何事不辦故曰出狹小門若不

解此門便欲離此四句則成走脫故曰我身手有力若以几案或以衣被從舍出之甚不爲難無如此舍惟有一門又復狹小而諸子不識墮落火中爲說苦事猶尚東馳西走墮在兩頭乃以方便指出四火假作三車云在門外使彼竟不知狹小之門猛然從不知處一推便出已于四衢道中露地而坐旣出空處乃知三車非到家田地須是回入火宅全駕火宅自在無礙方是大車作用故直示以三界萬法卽佛之受用其車高嚴交爲鈴憶以純清絕點之力迅疾馳突何法不爲作用之助耶此正如拈出竹篋云喚

文那
經述

三峰和尚語錄卷第五

去

著則觸不喚著則背纔擬著劈脊便打不許依稀脫去直教向佛頂上一踏全體作用所謂不以下劣小車爲賜而等與大車者也是爲白毫一光函蓋直截痛快平生卽此大車豈非前之火宅乎若人會得此車便知地獄卽爲淨土矣經言三千大千世界鐵圍兩山黑闇之間謂之地獄此非以兩頭黑處爲地獄乎於其四角有四大銅狗非四句乎其中苦事非四句之墮落者乎阿鼻言無遮豈非迷此無礙者乎故五逆之輩臨命終時坐此本有之車以業因緣坐火鐵上左右玉女捉斧斫身已是地獄及思清涼花樹

則本心之境還作寶樹蓮花及坐蓮花又復毒蟲火起刀劍爲林矣及思城郭山林亦復如是故知地獄黑闇卽是無量義處三昧地獄卽是一光火花卽是妙法四狗卽是三乘無遮卽是大自在快樂也苟能直下了却則何地獄之非淨土哉此正宗之不可不悟也若一落言詮則差別無量三生六十劫不能得法華之旨趣矣大衆幸各自勉力參正宗之旨老僧斫額

持準提呪說示吳闍之

一箇𠵿字如竹篋子話頭輓作一團大火聚燒盡身

支那

三峯和尚語錄卷第五

大

心世界若有若無若卽有卽無及非有非無四句都下口不得且又離脫此四句不得是則清淨無染禪家謂之有體無用浸殺死水中直須死中得活方有出頭分所以燒盡之後清淨圓滿大月輪相中復起一𠵿字此字無中造始一切音聲輪都從中出正是纔開口便打前是法身之邊此是報身之用故于𠵿字中生下悉達脚踏蓮花四面之壇周行各各七步一手指天一手指地曰天天下唯吾獨尊總不出𠵿字面目也從此擴而大之故于悉達加以寶冠著僧伽黎四面皆正趺坐壇中四面合一之頂中分十

字縫縫中湧出一𠵿字放大寶光四面分照座下千百億葉蓮中各各現出四面釋迦之相弟子圍繞分說本身之法以上本光灌各各佛頂而諸佛放光亦同注本佛之頂此一句中具三玄三要而賓主交互大法已圓滿無遺矣至若每玄每要各出手眼細顯其作用故于舍那之身轉變準提之相其相四面四面額中豎亞一目此正露三玄三要面目處也目既豎亞不同凡聖二目有光無光雙雙起落密中更密密密之旨見於說法之印交結于胸具八萬四千微妙作用不出慈威定慧故有十六臂以表之說法

支那

三峯和尚語錄卷第五

九

印中能以無畏施於衆生故有施無畏手能截斷一切生死故有持金剛王手其手不墮諸數而不妨一切數從此出算沙河洛莫不因之故有數珠手無上佛果從此圓滿故有執果手能破壞一切萬有故有持鉞手能挽收一切流走故有執鉤手能以三觀摧折魔怨故有杵手能莊嚴法身及一切殊勝莊嚴求必成就故有寶縷手其法尊勝無比表表超出故有寶幢手因中歡喜妙好必至成果無疑故有妙花手其法清淨澡雪故有澡罐手能縛一切流散故有索手其法圓轉不窮樞軸常中輓輓無礙故有輪手一

音說法不屬文字如云麻三斤乾矢橛等故有音螺
手能以甘露灌諸衆生故有餅手能分事分理廣說
五時之教故有貝葉手以上十六手各秉慈威等法
于一法中幻出各各八萬四千法門如觀世音千手
無二故豎目中亦具千眼無二一首三首亦與千首
無二皆于一字種中一棒一喝一語一默流出無窮
三昧也一面既爾四面皆然後菩薩頂上湧出巖
字廣開毘盧閣中華嚴法界于法界中各出卐字前
字湧出世間出世間種種萬法萬法皆有卐字爲金
剛堅固不可破壞此字種身手印中流出之旨也次

支那

三峰和尚語錄卷第五

千

則口中一句伽陀字字可解句句不可解處處皆顯
處處皆密凡聖字中不妨挾帶諸所祈求皆從祕密
一句禪語流出五家宗旨無量法門百千妙義靡所
不具此持呪卽禪卽觀卽密卽顯之旨也

三峰藏和尚語錄卷第十五

三峰藏和尚語錄卷第十六

吳虎丘山雲巖寺嗣法門人弘儲編

雜著

眞贊

雲中年尼世尊像贊 今生居士請

五雲影裏優曇出現中有牟尼不從見見不見見者
復是阿誰一朵優曇在五雲堆主中問主觀而相舉
今生今生我卽是汝

復輝刺血寫佛像贊

舌未動時鍼鋒先到一鏃三關佛光照耀試問復輝

支那

三峰和尚語錄卷第六

一

筆落何處佛在汝心描摹無地二人一佛一佛千億
我今贊歎本不識佛

復輝刺血摹夢中佛像贊

讀誦法華期見好相夢中暫歇佛現天上放光摩頂
身心快暢印爾衆禪超度格量因之刺血摹彼佛像
未索偈贊三十拄杖咄哉復輝跌破甕罋

復密刺血圖普賢像贊

心血灑空成六牙象我卽遍吉唯行無上手注甘露
灌沃天壤衆生霑者盡脫羈鞅惟我衆生卽我心血
我血我心及我遍吉一幅剡藤非空非實試問密公

如何是佛竭盡海流雲門矢橛

布袋和尚贊

我括其囊師放下袋豈曰同心若契其槩千古相逢
笑未休慙却肚皮良其背

觀音大士贊

聖流一入坐斷古今生滅滅已空裏玄音仲尼擊磬
伯牙撫琴迦葉起舞誰曰無心南無觀音返聞自聞

又

音不可觀水不受月名觀世音我復何說念觀音力
毒返本人毒本人者即毒觀音彼此俱毒萬事已足

支那

三峯和尚語錄卷第十六

二

大悲心中全德全福作此說者如月在水南無觀音
我聞如是

又

觀不可音音則耳旋音不可觀觀則返照照返爲聰
耳旋爲見聽見圓脫音聞如電世出世間大悲非緣
水乾月落心境歷然

又

竹風琅琅吹笙鼓簧于此直薦劃地趨方觀此觀滅
如器中鎗

又繡像贈水齋庵主

月本空輪光從何發水原無濕波因何汨輪波兩空
光交水月月月光中一鍼一線鍼線密處大士出現
水爲齋者月是其心齋心空冷百鍊精金七十餘年
空月未午大士水齋無今無古

又繡像

菩薩何在在鍼鋒上略通一線即見妙相頂葉垂垂
足花漾漾自從耳根豁開寶藏鍼鍼密密如喝如棒
儼坐當陽誰敢近傍

血寫普賢像贊

脚脚踏著無非象步頭頭恰好正是普賢若道六牙

支那

三峯和尚語錄卷第十六

三

六度還須參取諸池玉女絃歌聲裏花如雨

文殊菩薩出山像贊

智不到處智從何發惟此一句要問菩薩雙手擎拳
赤面青髮嘿然不言盡情相答

初祖達磨大師贊

汝何太直撻著便道不識攪得風昏天月黑江之南
江之北面壁九年非語嘿賊賊怪你箇覓心了
不可得恨我那時拄杖子不在側咄

又

梁皇殿上容不得五乳峰前不敢言有甚西來底消

息幾番服毒討熬煎咄改好三十大棒依舊趁往西天

又

道箇不識臨井下石打折門牙冷地逢敵六翻用毒
祖師標格何待西來九年而壁咄攜歸隻履此方安
省得生風攪八極

又

冷坐無言壓門溪雪父子相逢通身是血此處承當
不勞多說及乎再問安心千古納交敗屈屈一隻
皮鞋又重出

跋語

三峰和尚語錄卷第六

四

又

乘興東來受梁皇屈擲葦便行戰敗走脫收拾殘兵
止剩一鉢孤錫浪浪困頓溪雪早等一人一臂已失
今日兒孫氣始揚傳來一刃逢人截咄

又入室像

九年等待捕賊捉賊斷臂覓心一朝獲得五乳峰前
千古法式三鼓緩鳴入室之則代不乏人起英傑
插一瓣香頓超百億關外重關室中再効賊賊

金粟老和尚眞贊

棒頭迸血面門秉鐵不會向人肉裏抽釘倒與後昆

眼中著楔不得通翻見結千古萬古此冤難雪直須
投向火中貴得惡形消滅摑

自贊

七百年來臨濟被人抹殺無地惟有者老禿奴偏要
替他出氣惹得天下野狐一齊見影嗥吠不如自家
打殺便與劈脊一擊

序

五宗語錄序

威音王已前有無量恒河沙祖佛出世以十方世界
爲口出無量言詞談無量妙義而時人猶認三十二

跋語

三峰和尚語錄卷第六

五

相迦陵仙音爲佛眞法身故萬不得已入化火道場
遺舍利八斛四斗輪王收取建造窒堵波至級盡結
頂去不得處用千丈栴檀大數百圍從空卓下自塔
之結角交加處透頂透底聳立格外上有重重寶盤
上之更上復有銛然金頂離頂入空涌出五色寶光
一一光各現非青非黃非赤白黑歷歷而明類分不
得之象令人數盡層級看透頂尖辨析五光心識路
絕不知不覺目眩耳鳴轟然若雷之破頂自己全身
化爲舍利之光終日在太虛空中爲祥爲瑞或隱或
顯普使見聞衆生同入五光三昧此一代時教五家

宗旨之的派也何則崇高多級者五時之教義也令人心思可到受用可著者也結頂處者如來禪四句結縛三世諸佛口挂壁上大聰明人心如木石處也千丈梅檀從空破頂者祖師禪向格外轉身打翻窠臼直截痛快也重重寶盤上有金頂者轉出轉高愈結愈銳也此從迦葉破顏以至六祖兩枝各各見此面目也離頂入空放五色光者五派分宗各建旨趣之謂也色非青黃赤白黑歷歷而明類分不得者五家各出宗旨之面目也令人看到教之級盡宗之頂尖心絕聞雷化爲全身舍利之光在太虛空中爲祥

三峯和尚語錄卷第六

三峯和尚語錄卷第六

六

爲瑞或隱或顯使見聞衆生同入五光三昧者入不思議境得大自在入魔入佛處也此五宗所以爲教與宗最上一大事因緣也今之爲佛弟子者入教則不能出于多級而透結頂入宗則限于卓木而無重盤于是善出語者貴迅捷善作用者重孤硬致數五宗爲旁出正旨爲義學剖其方冊削其語言使臨濟雲門潯仰法眼曹洞之真兒孫頭破腦裂務令法無防制道可訛傳五宗埽迹方爲一大快事何更有靈山會上發願再來護持末法正宗如海昌之黎眉居士也參尋既久入法益深救法如救頭然護世如護

眼目按五家語錄梓布間浮提世間使有目者皆見塔頂放光佛身常在皆得五光任運自如三昧此居士無功之功曷可以浮圖功德爲較量者哉山僧卽於塔頂上加聚沙一掬勿使人更向五光中分無分有說是說非失取雙目

教外別傳序

老胡四十九年呢呢喁喁與有心衆生情投意接說到說不得處突然向龍尾尖上一聲雷震使大地有情一時絕倒翻身轉來便箇箇能御風騎氣與雨爲雲龍雷迅捷各各現大人相不屬文字意情領略而

三峯和尚語錄卷第六

三峯和尚語錄卷第六

七

得入正法故謂之教外別傳大略此宗之旨不出一箇別字便能攪長河爲酥酪變大地作黃金千丈舌頭談不到者裏自然粒粒拋出金剛王屑破人腸胃銷人骨肉化成一道葭管中最先陽氣不特有根者爲花爲果至若頑空怪石莫不溫煖滋潤爲之唱和矣海昌黎眉居士旣從河洛一派接續子興氏性命之宗於長者折枝處頓證拈花一脈乃集釋迦而下金色慶喜以至大鑑振起五宗迢迢千古格外之英彙其語而付之梨各各現千百億身處處說法俾人入證而了之方見黎眉通身手眼根根毛孔放光說

法爲先覺宗乘諸大老中傑出之英照映末世山僧
矢心此道力荷有年忽得居士同心始知佛祖猶有
眞血脈在法門殷憂爲之頓釋因序而流通於古今
天下

彌勒成佛經序

夫惟心者有無不可得心既盡而無物非心也唯識
者有無皆是已識所變而無法非識也身心世界明
暗色空直下是一箇靡已之已不可以識識不可以
心心如是而見則爲觀如是而行則爲定觀之定之
言思路絕而任運騰騰焉觀夫行者則撫其背顧者

則乞一文初問而放下袋再問而負之行彼長汀子
者果何人耶其於唯心識定觀之光明大三昧或有
少分相應矣是知慈氏當來世尊所感出世功德神
力國土莊嚴者以慈也慈也者茲心也茲心於有非
有於無非無達解空法心如虛空而身爲法器也夫
有無皆非何空之有既空矣何解之有此彌勒大慈
根本得清淨心從于淨命不受不著于因地中萬法
頭邊有無坐斷實處用空空處用實著著與茲心相
應故其成佛壽命身相國土莊嚴事事殊勝其國人
民以佛宿世德風故生彼國者諸根澹靜面貌端正

威相具足相視無惡林池寶華金色無垢穀豐美味
皆無外於唯心矣至若坐金剛莊嚴龍華菩提樹下
達衆生空本性相實運無緣慈三會說法廣接一切
以六度行示無上寂滅爲諸衆生斷長夜苦無非推
廣唯心識觀洗除衆生心垢而已故諸衆生身純是
法心純是法口常說法福德智慧之人充滿其國三
惡既少女無諂曲皆在忍心如地光明大三昧中故
我釋迦以僧伽黎付大迦葉授爲法印爲卽世佛蓋
慨堪忍衆生不信直指之道不能卽相得心以是預
爲驚子等拈出彌勒成佛因緣殊勝用告濁惡世中

心良苦矣二十餘年是經匿諸龍藏未能家喻戶曉
茲雄臯范汝馨居士宿同慈氏後值龍華觀長汀子
之道寥寥矢傳大士之心切切現居士身唱唯心法
敬刻此經布震旦國俾見此經者皆入光明大三昧
中爲三會同心法侶屬山僧序其端山僧不解經義
竟於直指唯心處更下箇注脚遂喝

顧子方詩集序

夫不言言而象示者圖書卦畫也言不言而象示者
聲詩詠歎也揭山雲海月禽獸草木之形以直指乎
人之本天吟山雲海月禽獸草木之韻以曲發乎人

之本天俾絕情理者豁悟其象外之旨而超乎作用之表溺情理者蕩脫其象外之趣而見乎言意之中故詩之示斯道也遠矣微矣然究其所以遠所以微以其不言也以其無意也而得其所所以切所以著者以其絕情也以其絕理也惟理絕情亡而情理得矣不言無意而言意伸矣乃曰鳶飛戾天魚躍于淵唐棣偏翻而室不遠矣三百篇之言亾道而道彌著是古詩靡間於風之變正也五七言之句泯理而道益深是唐詩之最妙於時之初盛也退則求淡而失淡求理而失微其晚唐宋學之謂乎猶伐柯而睨視也

支那

三峯和尚語錄卷第六

十

迄我明中葉氣象堂皇音聲鏗激所涵泳尚淡蓄乎不言之表近體則字句尖生華致脆薄良恐空音霞綺之飄而于不言之象遠矣余曩泊舟張涇得顧子方陳本符二居士促膝夜談初談禪既而談道續而談詩維時子方未弱冠也而其詩沉蔚奇切有子美東野之度本符以所遭少聞問而子方信道彌篤參禪受戒茹素斷酒積有歲年忽出新刻一編而其詩一變遂爲澹遠弘脫不涉今人古人口吻有唐漢三百篇言外之響以直指夫圖書卦畫之玄象其必有得于不師心而爲心之師者歟子方既不以予不知

詩而屬予序予不敢辭者欲因詩以進子方于道也子方其勉之

傳

喝石大師傳

昔死心禪師做工夫如猫捕鼠之切見知事推行者而迅雷震廓然自肯趨謂晦堂老人曰別人是禪牀角頭參底禪某是自己悟底禪堂曰遯佛得甲科何可當也此實證實悟而自肯者也近世禪師因做工夫不能如猫捕鼠之切遂無迅雷忽震之證每見得依稀相似自亦道是不敢承虛接響恒不自肯見

支那

三峯和尚語錄卷第六

十一

實證悟而自肯者則疑其爲必無是事言皆魔誑耳既具此疑則不獨疑一人遂致疑天下近世必無悟者故有但求工夫佳處勿求早悟以墮魔網之誠舉世成風而禪道遂致掃地矣欲求真實自肯者蓋難其人予于喝石大師之自肯處痛哭流涕而驗之焉師諱如奇號體玄住徑山之喝石後世仰而稱之爲喝石老人吳江人也姓方父名簡母趙氏先名臣孝孺之裔初業儒補邑庠生文筆超穎善書而詞賦兼著與抑所思白眉公友善藻思相抗館平泉陸宗伯所時禪風淪落細素英宿絕口宗門而平泉頗事參

究師因閱大慧語錄決志大事奔禮紫柏大師參竹
篋話久無所入儒冠執侍柏門風高峻每以灰鞭棘
棒日加捶楚缺眉裂額癢駁遍體獨祕重德山棒旨
慈明罵意邈不可湊周旋數年無所契退依慙山大
師子那羅延窟遂誓剃披以了此事淡領教義仍歸
紫柏而柏益峻師嘗與密藏開公同事刻方冊藏板
於五臺雙徑而藏公參德山托鉢公案有省且見禪
道難弘創臂出血作書力勸紫柏易衣入山柏不報
乃作亮座主龍山老人故事蜚遞絕影師慕之半歷
中原窮終南自川出楚不惟不見藏公且絕不見一

法苑珠林

三峰和尚語錄卷第六

圭

人致力此道乃于途中力究忽有所入道抵公安聞
中郎袁公作禪語與龍湖諸老唱和本分事因往見
之公與師見處政相契師歎曰我緇門寥落有願荷
此事者乃入軒冕中爲唱導耶喜爲盤桓幾年手錄
中郎閑時語爲珊瑚林刻行于虎林師歸雙徑時予
力參既久思訪天下畱心此道者礚礚吳越登徑山
造喝石遍問山中禪士而化儀慈音二老爲翹楚咸
謂予曰公欲覓悟道者耶悟道者古則有之今無其
人矣獨體玄公近日從楚中還日以悟道爲急務此
必魔業耳公幸勿入其保社也予始知有師遂叩之

師祕重不出一語予復叩紫柏生平指示處師與
語之不倦相看六十日別數載杳絕音問於時紫柏
罹難既寂愍師遭竄猶縈藏公絕影天下無敢言禪
者惟以淨土獨唱緇素翕然若定於一間以念佛是
誰開做淨業工夫久久要其淨思純熟而最忌者唯
悟之一字號爲魔窟焉師亦俛首說淨土更號寒灰
交弘法之心徹底灰冷昔時行履泯然著於咨嗟之
外矣後數載聞師閉關嘉禾之小東林予致書道本
分事師亦無所答後趨見於杭之蓮居見師坐淡隱
之地余結期叟江慧壽庵邀師執牛耳師攜穎夷荷

法苑珠林

三峰和尚語錄卷第六

圭

公後至寄參狗子語于無字上生解路予曰子謂無
爲休寂之實法耶否再問余曰汝問我寄問狗子
有佛性也無予拍手厲聲曰無又問予拍手厲聲曰
有于是寄有省入師熟視予曰佛法果如是乎於是
相向而笑徘徊月餘師先去次年余復往見於嘉禾
之祥符庵師曰我欲與公同住一上得否余曰固所
願也師欣然過三峰先以一關畱師而聽石梵伊澹
予盡心在可頂目六禪人陪閑其中日夕論究期一
載復入余括囊關中師年六十有七精神益壯淡究
不肖置聞儀部尚書郎小修袁公從新安入吳門期

一見師欲破關去余曰大慧十智同真頌師曾判斷否師因糊頌壁間研味久之乃往吳門僦居瑞光寺尋有書來曰近來得大痛快三十年來事今實自肯已手書自肯寮區於室中矣此師於東西南北無門入曠劫無明當下灰實證之也其於灰鞭棘棒之用則隱而未之發且不明言證處以平昔習祕重耳小修見之知其所造益玄草草別去未幾而書來告疾予以關期未完不能趨視遣聽石梵伊輩遞往給侍師於病劇時與若輩日相酬唱迅辨鋒穎脫盡生平知見張九服孝廉峽與予善且有所得自婁江別師

支那

三峯和尚語錄卷第十六

古

數載適聞師疾來問激揚機用不少遜讓擇日告行手書淨土偈示徒仍作書見遺別衆歡然而逝師生於嘉靖某年月日寂于萬曆某年月日世壽六十有九僧臘三十有二遺命茶毗建塔于徑山寂照之左岡師嗣紫柏大師而剎落於慈山得戒雲棲與袁中郎蘇雲坡吳本如黃羣玉爲友獨推中郎見處爲錄刻其語嗚呼師生法末之世值禪厄之秋仰未得親承印記之人俯未逢同唱斷金之侶余生師後幾二十載相視莫逆法門砥礪獨有同心故其末上光明幢惟余知之因略師之生平梗槩如左至若師之密

行不能盡述其臨寂時語及偈頌書問皆得大自在茲不錄贊曰詞林之穎儒冠之傑乍閱禪語參究唯切趨侍柏師棒棒見血斷髮牢山遍叅始瞥爰遇中郎心契符節及歸吳越禪燈冥滅逐浪隨波以淨土說轉入轉溪愈高愈絕六十有八春梁真鐵一旦自肯大法頓徹無明既灰剛王獨雪一生溫雅到晚始烈川駛雷奔非三寸舌臨行歡笑與禪友訣六十九年單剩一楸堪歎世間盲龜跛鼈專重工夫於悟輕蔑死來熱亂誰爲汝挈三十年後辨有明哲嗚呼喝師起懦扶蹇卓然而存爲萬世碣紫柏一枝森森不

支那

三峯和尚語錄卷第十六

五

絕

題跋

題虛室墨書法華經

六萬字在筆未點時早已寫過了也豈待黑坐政甜白光既發起模倣樣三請不止鼓兩片皮指東劃西然後謂之法華七軸哉雖然要見最後一大事因緣且看虛室上人筆塚頭上青草

題倪康侯爲母書法華經

佛無身口不解說法法絕名理不屬文字世尊于四十年中唯以虛空萬物爲身口意以風聲水月爲文

章說一部妙法華經後人結集不得不知康侯居士
向何處下筆因范孺人遺命手書全部書成屬山僧
題其後山僧曰居士于無文字處無名理處不借釋
迦身口談我佛四十年來一段大事于筆尖上點出
苦塊間無上菩提之心爲母氏開示悟入是事且道
是事如何寫得咄點點心中血灑作寶池華

跋古雪居士遺稿

古雪居士者佛心而儒行者也弱冠初不欲娶翩然
有世外想父母惜其才強之婚既受菩薩戒于雲栖
與吾徒玄穎爲方外交最密嘗問道于余聯牀旦暮

支那

三峰和尚語錄卷第十六

六

凡幾月期以剝染參究志在一第報親之後及玄穎
沒復作詩弔之甚悽惋余住三峰招之以書厥後竟
以青雲白雲趨向各別及再詢之已成千古矣歲已
已余說法九龍之錦樹庵值賈居士某古雪之高弟
也出居士生平所著詩草一帙及沉香亭記一冊吟
其詩則清響如怨鶴夜鳴石琴秋鼓眞令人灑颯欲
涕觀其自爲誌銘自爲贊傳中有云生爲博士弟子
試輒不後亦不甚前以是浮沉十餘年而竟以病廢
是則其未了之局也披覽及此不覺投卷而歎曰嗚
呼古雪居士以宿生不了之僧爲今世不了之儒復

以不了局繫之夢幻中曷若投碁翻局爲僧儒並了
之人然後不妨儒而儒了僧而僧了與世浮沉爲夢
爲幻耶居士有知當憶對牀竟夕之語矣于是跋于
詩尾爲居士作一大了局

疏

雲門募造佛牙鐵塔疏

騰蘭歸漢而金人叶夢康居至吳而設利湧光道否
而人興緣生而法震由衆生之心靈不可盡泯故古
佛之靈異不能永沉時繇於人人因於瑞俾衆生覩
瑞而窮源返本良有自耶逆思祖師禪一脈遠從七

支那

三峰和尚語錄卷第六

七

佛近自歷祖燈燈輝續至我明像法浸隆眞脈稍隱
間談及叅禪見性法門竝以爲迂罔佛祖靈骨幾于
滅沒矣嗚呼仰山續風穴於將斷之際斯多繼師子
子未刑之前有此乘願之人任彼遙囑之法宜其再
興于今之世也故雲門顯聖湛和尚者再來人也決
起曹洞一枝于將墜之秋強荷祖宗一脈于絲髮之
季唱和白雪者不無其人然而滔其源拔其墜者非
假靈瑞以證之人情未之信也由是古佛留牙于吳
門陸氏之宅相去百里現相師前旣又放光燭夜吳
人共觀遠近傳爲盛事益信老和尚半世舌頭一具

齒骨與古佛牙放光現瑞非同非異也茲將建鐵塔於雲門井和尚光明幢同豎不朽法藏觀其事仰其人喜祖法之再興敬述其靈蹟以告夫十方俾聞而興起者不獨鐵塔易成將使祖宗正脈向古佛門牙上廣宣流布於無窮劫矣復說偈曰一具門牙半夜光吳門說法不尋常要知說法真消息萬古雲門鐵塔藏

結社叅禪疏

自覺聖智從智不得有無而發興首楞嚴王於事究竟堅固而成就是以禪那在事上開悟在自心非關

文字

三峯和尚語錄卷一

九

文字語言道理覺照可到得也何故纔有理路纔可講說皆落有無生死皆不堅固故欲明無上菩提所貴叅須實叅悟須實悟此處得力方乃受用得著不然則依倚說時便有禪不說時便無禪惺惺照時便有禪睡著時便無禪生時明白便有禪死時昏悶便無禪矣蓋為自覺聖智不會真從有無不得處發興首楞嚴王不會實到究竟堅固於事上耳良以人因識路動落思惟以思而通必落有無二邊之生死故謂之邪思惟苟思而轉結必斷有無別通一路乃謂之正思惟夫禪者楞嚴所謂妙奢摩他三摩禪那是

已以奢摩他之空可思也三摩提之假可思也禪那之中可思也此猶邪思所到處也至若妙奢摩他三摩禪那以妙字一串穿起三觀三止三諦了無孔罅則事事皆如銀山鐵壁故昔人舉拳云喚著拳即觸不喚著拳即背以其即之離之皆落坑塹故若即此一事肯觸不得你向那裏安身立命於此去不得處力叅力究向死水中一迸透脫真光處處著實方始事事究竟事事堅固方始於智不得有無處發興大悲妙心如金剛王事事破除謂之般若波羅蜜而法華亦開於此示於此令人悟於此入於此也此處一

文字

三峯和尚語錄卷一

九

入不但教言入正法乃至俗間經書治世語言資生業等皆順正法而惺夢睡著生之與死皆自在受用無所疑滯不入此門皆隨福智轉去則三乘五性各各自謂成無上道不能以此菩提妙心一貫收攝而成剩法者多矣山僧住三峰十有七年與諸子日夕以此事究心邑有居士輩奮然發心將結叅禪索數語為同學策發不覺落二落三牽枝引蔓請於百草頭捉敗老僧塵埃中識取天子則臨濟之主賓洞山之君臣皆藏身無地矣叫叫無位真入是什麼乾矢橛

卷第十六終

三峰和尚年譜

吳虎丘山雲岳寺嗣法門人弘儲編

神宗顯皇帝萬曆元年癸酉

臨濟大師唐懿宗咸通八年丁亥示滅距明萬曆元年癸酉歷七百又七年矣和尚降生東震旦國古揚州無錫蘇氏蘇氏宋著族和尚曾大父隱居蘭泥鄉謔闕不能考父老皆稱為白雲尖蘇氏和尚父諱蘭母周和尚之生月紀十日紀七時紀已庚午和尚誕日下座錄法語畢笑謂弘儲曰我生在霜寒木落之時年運在癸卯亦在癸寒水堅凝

支那史述

三峰和尚年譜

一

我能合時宜乎弘儲對曰不與世心和合寂音爲今日道

二年甲戌

和尚二歲江南俗尚擅周和尚四顧不取一物唯

笑而已

三年乙亥

和尚三歲

四年丙子

和尚四歲

五年丁丑

和尚五歲方剝栗食聞父先生爲門下士講孟子至浩狀之氣投栗而起神思慨狀父先生憾狀曰恐蘇氏不能有此子父先生自號鏡湖居士

六年戊寅

和尚六歲

七年己卯

和尚七歲積雨水暴至河魚大上村墟蕩蕩成江河是年和尚始出就學論語章句家人求和尚館中不見俄見和尚乘一大龜龜緣文星斗章衝洪濤而來因迎之艇子鄉曲神之弘儲住虎丘臘夜

支那史述

三峰和尚年譜

二

與南潛語及先世告潛子曰我見世間祭廟有樂章我欲起傳法祖堂祀歷世祖至汝祖祀汝祖我欲草創禪祖樂府九章其第一章曰乘龜來汝素長樂府以我言爲當乎

狀云五歲誤

八年庚辰

和尚八歲

九年辛巳

和尚九歲日茹菜不忍傷物命爲食有蘇氏先輩見之曰孺子欲爲蓮池耶學其放生和尚因此語徧索雲棲放生襍文讀之流涕曰不異我意

十年壬午

和尚十歲

十一年癸未

和尚十一歲就醫五木德慶院德慶院僧雲居和尚從舅氏名醫也和尚嬰療疾往來德慶院其初至德慶院也方禮佛投地心如洞開宿疾忽瘳後和尚語叡侍者曰我其時如子得母如久客還故鄉不覺悲喜交集

十二年甲申

和尚十二歲是秋和尚作出家好歌有秋懊惱秋

三峯和尚年譜

三

三

懊惱青山待我回頭早之句鏡湖先生見之裂其紙和尚慟哭

十三年乙酉

和尚十三歲家居慰其父母讀書深思

十四年丙戌

和尚十四歲家居

十五年丁亥

和尚十五歲冬十月和尚辭父母出家德慶院鏡湖先生泣而從其志曰汝儒者子不能乞食道途也授之田名其田曰湯藥之田又曰灑掃弟子職

也汝羸弱慮不能荷擔爲置一行童師彌堅卽欲爲和尚下髮和尚曰茲大事我不欲同俗草草乞三年學出家泐受名泐藏

十六年戊子

和尚十六歲

十七年己丑

和尚十七歲

十八年庚寅

和尚十八歲鏡湖先生曉出突遇和尚于門先生曰歸乎和尚曰歸矣歸行冠禮入告其母卽日爲

三峯和尚年譜

四

四

和尚冠冠而拜祖先拜父母畢曰我三日後脫白矣德慶院失和尚三日矣一院疑駭午鷄鳴和尚突如來高冠峨峨見其師投地稽首曰今乞剃草矣所以歸而冠者童真入道吾教所重狀往往有未成人徑爲大僧者凌節而登終未盡善時國學薛公敷教聞而奇之爲鬻僧牒

十九年辛卯

和尚十九歲春禮部牒下得度按晉說云我十九歲剃髮德慶塵勞滿眼未知此事中心耿耿若有所失

二十年壬辰

和尚二十歲

二十一年癸巳

和尚二十一歲薛太僕敷政寓德慶院謂院衆曰此天騏驎勿累鹽車時和尚有咏蟬詩曰素志本非千露澤清標那肯混泥沙

二十二年甲午

和尚二十二歲和尚既高自負目前無當意寄適吟嘯和杜拾遺秋興和李青蓮登高丘而望遠海有海濤秋紫三山青鼎湖怒拍飛龍背之句

三峰和尚年譜

五

二十三年乙未

和尚二十三歲徧發笥中書讀之千古經訓各有參同而猶研慮于易推高發隱窮贖析微粘河圖洛書于壁嘗語人曰十河九洛象教總持須從無文字道理處求之直指錢公一本自任易學與梁谿顧端文高忠憲諸先生倡道東南品衡海內見和尚後貽書曰見公如見麟鳳後論孟參同學庸究授門人梵伊致已行世五經參同授門人憚日初

二十四年丙申

和尚二十四歲修耳根圓通

二十五年丁酉

和尚二十五歲錢薛二公一日搖艇子到門偶舉楞嚴圓覺諸經論問和尚和尚曰楞嚴云諸可還者自朕非汝不汝還者非汝而誰瞿曇如將名品荔枝和皮核太盡送在人口裏多不解吞又云但能轉物即同如來臨濟德山又豈能過之圓覺云知幻即離不作方便離幻即覺亦無漸次而今諸家浩浩說禪爭能許便捷顧二公笑曰恐當日寂音詮註二經猶不及我三段義隨問二公楞嚴中

三峰和尚年譜

六

說一人發真歸元十方虛空悉皆銷殞論語中說一日克已復禮天下歸仁試說二宗差別錢顧薛

曰議論變矣

二十六年戊戌

和尚二十六歲先是創虎谿後社于開利寺當時名彥爲作蓮社高賢後傳副之以圖傳遺存其圖圖後留三峰閣黎耳圓應未脫白見而爲弘儲言之

二十七年己亥

和尚二十七歲書汰華經矢于佛曰願早遇至人

示大藥道當是時和尚名益高四方士大夫問道者履交錯晉陵梁谿道學淵藪和尚左提右挈儒釋馳驟時會通華梵著揀異上下二篇後住萬峰夏夜乘涼蔡雲怡侍坐和尚顧諸弟子曰焚書以前聖學乃分焚書以後聖學乃絕絕而復起漢而襍至宋而盡至我明而復合

二十八年庚子

和尚二十八歲夏四月夜夢觀音大士語和尚曰我心中有一物你爲我拈卻和尚夢中應曰某甲胸中一物倩甚麼人拈卻遂覺曉起悵鬱經行山

王文那

三峯和尚年譜

七

門前樹下憮然曰宗乘中事我自問理會也理會得說也說得只是一事未在敵他生死不得遂決意腰包行脚

一十九年辛丑

和尚二十九歲走雲棲乞戒宏大師曰朝廷戒壇未開姑先受息慈戒和尚拜受命尋登雙徑晤寒灰老宿于喝石岳則紫柏老人上首也灰熟視曰此事無人做得公且持偈去持偈滿夏念非行脚初心乃造白雲會虛公移錫弁山造弁山虛閉苑關復造霞霧大山訪無欲老人又值遷化或言有

慧禪老硬禪客扣之亦復影響于是陟天目泛雲谿山巔水裔不見一人有禪者指見車谿無幻老人云是斷橋下爲同行所尼不果往旋返德慶簡囊中得雲棲新刻高峰語錄讀之如逢故物曰吾今得所歸仗矣

三十年壬寅

和尚三十歲閉關看萬法歸一一歸何處晝夜不放參

三十一年癸卯

和尚三十一歲走荆谿見禹門傳和尚夜宿龍池

王文那

三峯和尚年譜

八

下院院名白龍壁掛傳和尚像傳和尚自讚和尚題數語于後徑返

三十二年甲辰

和尚三十二歲再上雲棲乞具足戒不果按與古德汰師書云以辛丑禮大師得沙彌戒越三年求進具大師仍以戒壇未開辭求改名大師曰皇恩得度名不可改

三十三年乙巳

和尚三十三歲徧購古尊宿語錄讀之至前哲悟道機緣師資扣擊處涕泗交頤因于初祖前然臂

香誓曰倘得徹悟願不惜身命力弘祖道是年弘儲生

三十四年丙午

和尚三十四歲

三十五年丁未

和尚三十五歲新德慶大殿和尚走橋李謁岳大司馬元聲司馬嘆曰堂堂我輩中鉅人被釋門束之以袈裟信儒門澹薄耶慨朕一力爲和尚完疏和尚住蘇州北禪岳公來見累宿而後別見和尚勤苦法命近古無儔嘆曰眞天人師我二十年前

三峰和尚年譜

九

不會失卻一隻眼也

三十六年戊申

和尚三十六歲登雙徑禮大慧杲禪師塔見明月堂舊址愴然泣曰我不及與彌光萬菴輩同懷香入此室哉

三十七年己酉

和尚三十七歲古心和尚開南山泐門于金陵靈谷寺和尚始得圓具按爲蘊空律主升座云昔偕律主從靈谷受戒比時四方禪風絕響禪和子相見不敢提著本分二字又按晉說云靈谷受具回

受業鍵關把從前解會盡情推開以日及夜拈命究尋

三十八年庚戌

和尚三十八歲遊海虞寓東嶺寺一日至虞山北麓見烟一穗起深樹間和尚曰此有隱者撥草而進谿流達門鏘鏘狀古院沉寂主僧曰師氣宇非常人三峰集東南靈秀師宜住此山和尚曰我亦樂之院久廢和尚携四五苦行如風穴當年按晉說云三十八住海虞之三峰虛檐罅壁草屋蘿牆床下水流堦前草沒麥麩豆滓掬水補衣或搬石

三峰和尚年譜

十

磊牆或操鉏種地徹夜蒲團上脊梁節節相挂單看一歸何處

三十九年辛亥

和尚三十九歲五乳弟子包福明十餘人破家爲三峰成叢席時有八安僧者不知何許人耶齋自律誥和尚曰師肉人此骨山無久留向後傍水成居三百異姓子隨學公在按晉說云憶少年時言我到四十決悟道如捉得手中相似今三十九矣愈參愈難轉究轉遠便欲捲卻衣鉢不受十方茶飯

四十年壬子

和尚四十歲二月朔與朗泉大德相期入百日不語死關才上蒲團忽眩暈嘔痰一斗遂放身熟睡如墜千尺井中求出相似手足都無攀攬至第五日已間方深睡窗外二僧夾籬拘折大竹聲若迅雷頓見虛空粉碎大地平沉人法俱消一真不立盡大地覓纖毫過患了不可得無有譬喻能喻揭開從前文字但見紙墨義理了不關思端坐終夜如彈指頃無思惟中觸著趙州云我在青州做領布衫重七斤凡古柏樹子乾矢橛新婦騎驢阿家

支那撰述

三峯和尚年譜

二

牽八角磨盤空裏走至雲門扇子踣跳上三十三天種種三昧一時現前因勘破向來橫說豎說行棒行喝總未是向上全提在所以雲門道盡大地無纖毫過患猶是轉句不見一色始是半提直得如此須知更有向上全提時節倘臨濟不會見得黃檗佛沘無多子德山尚疑天下老和尚舌頭何能棒下成等正覺喝下成等正覺行者嘗白見和尚顏色異嘗問如何是和尚得力一句荅曰下床踏匾蒲鞵口

四十一年癸丑

和尚四十一歲作證心歌高峰大徹底人本脫生死頌

四十二年甲寅

和尚四十二歲昔臨濟大師上堂曰大凡演唱宗乘一句中須具三玄門一玄中須具三要有權有實有照有用汝等諸人作麼生會這副眼目自釋迦始祖全心委第一祖迦葉尊者至玄祖越二千餘年如新興化大覺見而知之風穴汾州通變不倦豈僅聞而知之至覺範隔二百餘年艱難而得之悲夫和尚既悟門廣大復深研玄要之旨從梅

支那撰述

三峯和尚年譜

三

蓓蕾閉關疽發于背不自覺推窓見黃梅墮地千門萬戶割狀天開偶抽架得覺範所著臨濟宗旨如對面親授于五百年前歎曰我以天目爲印心清涼爲印沘真師則臨濟也後名三峯之院曰清涼院

四十三年乙卯

和尚四十三歲禪者問臨濟大師有三句答和尚如何是第一句曰洗鉢盂如何是第二句曰食堂裏是粥是飯如何是第三句曰一飽便休隨舉南院問風穴曰臨濟有三句當日有問如何是第一

句臨濟曰三要印開朱點窄未容擬議主賓分風穴隨聲便喝又問如何是第二句臨濟曰妙解豈容無著問漚和爭負截流機風穴曰未問已前錯又問如何是第三句臨濟曰但看棚頭美傀儡抽牽全藉裏頭人風穴曰明破卽不堪南院深許之後神鼎譚舉云若人問神鼎如何是第一句曰蒼天蒼天如何是第二句曰有什麼驢漢如何是第三句曰近前來向你道才近前便打若恁麼會得也不孤負祖師西來若是從頭一一問過幾時得休佛汰不是磨校合縫底道理似這一脉說話須

三峰和尚年譜

五三

是久在他門風始得直是嫌佛不做嫌汰不說方可如是子細珍重三峰道譚公可謂妙得其家風者且道臨濟當年一期說話實有與麼事否若道實有成得什臨濟若道實無面目現在此三玄三要之所以建立也宗師家若以實汰與人喫土也難消若祇是個餽侗土也沒到你喫只爲學者見有差殊隨時設藥雖非有爲不是無語大師當初明明問道第一句薦得堪與祖佛爲師第二句薦得堪與人天爲師第三句薦得自救不了你道無位真人還了得也未如今菽麥不分底盡道會得

無位真人便了三峰道自救則得欲與人天祖佛爲師何異見彈思炙旣不能與祖佛人天爲師爭算得個了事人一句中具三玄則句無階梯一玄中具三要則玄絕品位以玄銷玄以要銷要三句一句一句三句皆是空名而非實有所以道識得無依佛亦無良久云還識臨濟大師麼卓拄杖三下喝一喝夏

返三峰按董宗伯其昌塔銘云厥初寺名破山隱同貧子

支那

三峰和尚年譜

五四

四十四年丙辰

和尚四十四歲張孝廉九服來請益做工夫和尚曰居士大根人不于言下悟太那復說起工夫二字山僧祇以見聞近沾著高峰習氣參話頭做工夫鈍置了十餘年九服稽首固請和尚乃令看首山竹篋子話兩日有省當是時儒林嚮往嚴天池王季和李長蘅諸公並雲棲弟子往來座下荅嚴邵武偈和錢太史佛性頌趙承德琦美扣易旨和尚示河洛究一篇後季和疾革延和尚手爲薙染也曰誓生生爲入室弟子

四十五年丁巳

和尚四十五歲示衆舉雲門大師曰禪非意想道經功勲汝等諸人怎麼生參乃云日升之時明徧天下日沒之時暗徧天下虛空死活也不知過在阿誰隨打露柱一下云諾惺惺著又舉雲門齋次將胡餅一咬曰咬著帝釋鼻孔帝釋害痛乃笑云且道三身中那一身覺痛人中來底菩薩終隔一層天中來底菩薩試道看衆無對一齊打趁云得恁不識痛癢慙山大師自五乳至雙徑旋抵海虞和尚與錢太史迎至三峯爲門人梵伊致在可證

三峯和尚年譜

五

頂目徹淨心玉輩說心地戒大師讓曰我作羯磨公爲教授本師和尚仍是迎文後名三峯草亭曰毘尼亭徑山法席久虛寒灰聞谷二老宿同諸士大夫迎和尚和尚辭二老各持書勸駕聞師書曰徑山法席爲天下名刹東南祖庭至今猶有力參者今繼峰主事與合山雲水極欲重開法席再振頤綱沉思諦審僉謂非師不能發此悲願荷此重任敢請曲循羣機垂慈慨許特爾斬新條令喚回上古風規度法堂前不致草深一丈耳寒師書見唱石集中作初祖贊示淵充滋法語

四十六年戊午

和尚四十六歲春遊廬山踐五乳大師約也由牛首金焦還三峯四方來學益衆提唱無虛日不正席不升座和尚曰威音已後不許無師恐將來未得謂得者倚我蔑古法我罪深矣寒灰老宿聞和尚道望率弟子一默頴夷輩來謁寒嗣紫柏度于五乳與袁中郎蘇雲坡吳本如董玄宰諸公同學二十九年辛丑晤于喝石品請益者也至則迎居正寢寒年已六十七矣邇居弟子列復力參逾年和尚一日舉十智同真至杲徑山頌云鬼角龜毛

與徒

三峯和尚年譜

六

眼裏栽鍊山當面勢崔嵬東西南北無門入曉動無明當下灰隨後道白玉無瑕卻有瑕寒言下豁朕會荊州袁小修邀往吳門書謝和尚云三十年來事今日自肯未幾歿于瑞光張九服書來云此老平日藏鋒末後肯用劒刃上事大是快人後請和尚作傳見寒自叙行實有末後得力三峯之句和尚抹太三峯二字爲圖一○相云我敢鈍置此老哉冬錢阜成持毘陵人士請住夫椒祥符帖來和尚以桑梓堅辭

四十七年己未

和尚四十七歲示衆舉盤山和尚云光非照境
亦非存光境俱亡復是何物乃云直得露柱立地
放尿一日到供堂左右熟視曰這堂師僧總消他
施主飯不得一齊念佛念泐作諸說會通工夫辨
禪病偈作參禪偈自大信以至服勤住山凡四十
首末總頌云歷過通身便放憨舊來方信是奇男
一般碌碌塵沙界數樹藤花斗大菴題斷崖和尚
畫像有云這回跳入死關要打高峰一百紫柏孫
半偈禪師以那梅陽居士書來請住廬山歸宗五
乳大師亦尋有書來言虞山亦人間世耳道人深

三峯和尚年譜

七

藏莫如廬阜和尚戒行錢太史以書抵半公曰敬
邑佛泐衰微賴漢師力振宗風衲子中始知有本
分下事今聞邢公與師將遂邀往匡廬一二有血
性男子空羣而行是不特撤三峯泐席并撤此方
佛泐也且匡山有憨師及吾師在龍象雲集獨不
慙遺此一老以慰虞山之靈乎復詣山堅留和尚
作辭歸宗書太史書稱漢師者和尚泐字漢月又
自號於密老人

四十八年庚申

泰昌元年

和尚四十八歲宋崇寧間寂音尊者作智證傳直
究綱宗行祖令四百年少有洞明此書者萬曆丙
辰和尚結夏三峯對衆日提一則旣而病或越四
日五日一提甚或越月至庚申病念法門強爲卒
業自言收覺範狼藉之夜光復胎明月首座聽石
敏錄成帙曰於密禪師提智證傳

天啟元年辛酉

和尚四十九歲復五乳大師書次唐人營建第三
峯詩作三峯三十咏示圓覺社泐語題釋迦出山
相初祖渡江畫像讚

三峯和尚年譜

八

二年壬戌

和尚五十歲蘇州北禪寺住持量虛惠公同山主
徐彭蠡居士將文太史震孟姚太史希孟周選部
順昌諸公疏來請和尚許以九夏示王覺我泐語
荅嚴子山南泉斬猫頌作離心意識說示參徒冬
和尚過梁溪至華藏寺慨狀曰我舊遊也留數日
五木父老相率曰蘇家四郎今巍狀爲大禪佛到
處說泐若不一到里中我屬之耻也則共迎和尚
至舊德慶院里中父老及緇白數百人羅拜請會
說和尚爲留數日而去其在德慶也說泐下座與

里父老坐父老曰禪語深不解求和尚明白幾句和尚笑曰歸笑作賓推上客不知何處是吾家還三峯和隱真子勸修偈三十首作宗旨頌像象說三年癸亥

和尚五十一歲示衆南嶽兒孫一個鼻孔時有升降左右出氣設有不準病也六祖問什麼物恁麼來南嶽曰說似一物卽不中豈不從應無所住而生其心來底正如子午交加渾狀一氣玉洞雙開江西曰卽心卽佛又曰非心非佛或左或右一龍一蛇至獨坐大雄峰底直是奇特驀狀曰靈光獨

三峯和尚年譜

九

耀迴脫根塵體露真嘗不拘文字心性無染本自圓成但離妄緣卽如如佛還知他鼻孔今日痛麼道個大機大用總是渠父子作孽會則江河無礙人之心不會佛祖有謾人之意雖狀此事不是說底你看舌頭不著地底黃檗好好問他佛恁的的大意便麓麓糙糙打了六十仔細看來大似教孫升本致令廝兒于臨濟小院裏終日喝風喝雨謂是建立黃檗宗有大覺三聖使盡偷心盡情推到興化身上紫羅帳裏撒珍珠跛脚阿師依舊說得行不得諸人試各各自看鼻孔裏還有氣息也無

良久云你等擬向三峯雨管裏討那曳拄杖便行一日室中與問石乘澹予垣淵克滋云嘗見學徒呈解吐得一句子出連忙追他是何意旨真正有個悟入處他自狀擊首知尾不說死語古人道且喜師兄會得活人句也活人句不是會得三玄三要旨趣道不得三玄三要卽一句底旨趣參學人先要識得言句差別當時水潦謂百千沩門無量妙義向一毫頭上識得根源本識得根源了又要識得百千沩門無量妙義無量妙義百千沩門世出世間大約有三種說話有聲聞一種說話有佛

五支那

三峯和尚年譜

三

菩薩一種說話有凡夫一種說話如何是佛曰麻三斤如何是諸佛出身處曰東山水上行狗子還有佛性也無曰無以至廓狀無聖新婦騎驢阿家牽雲在青天水在瓶體露金風心識不到處句身有差別用處無兩般所以一句當天八萬門永絕生死臨濟說三句是在學人見地分上說雲門說三句在師家運用上說不見道句中無意意在句中又道意不在言來機亦赴顧佇停機早成窠臼有什處所安排他今之人往往向句中作意沒溺殺人只爲不曾透過語滲漏語脉若有滲漏則情

有滲漏見有滲漏而今量遠不及古人苟或模糊放過過在阿誰是夏開戒北禪定弘戒恣儀又著梵網一線方屬藁殿中佛頂湧出異光數道貫天衆賀和尚謂是得佛心之瑞和尚呵曰三百來衲子總無個有氣息底

四年甲子

和尚五十二歲海虞令宋公賢詣和尚問道拜請曰吏事紛沓與一言自治和尚曰寡欲則簡累公顧僚佐曰頻伽音也夏舉古德諱訛公案拈頌示參徒座下如聽石斂梵伊致一嘿成問石乘在可

三峰和尚年譜

三

證頂目徹澹予垣淵克滋剖石壁碩機聖圓印海無壞汰擴南宏鏡融聞三十餘輩皆泐門龍象初毀院中襍祀立武安王護伽藍至是夢中乞和尚讚作關侯讚詔悟和尚于金粟廣慧寺請升座示臨濟宗旨來源悟和尚特上堂舉黃檗見百丈丈舉再參因緣黃檗不覺吐舌丈曰子以後莫承嗣馬祖太麼檗曰不狀因師舉得見馬祖大機之用狀且不識馬祖若嗣馬祖已後喪我兒孫丈曰如是如是見與師齊滅師半德見過于師方可傳授子甚有超師之見故臨濟三度問佛恣大意三度

被打濟後出世惟以棒喝接人不得如何若何祇貴單刀直入和尚出衆便喝悟和尚曰好一喝和尚又喝悟和尚曰汝試更喝一喝看和尚禮拜歸位悟和尚復喚顧和尚舉僧問古德朗月當空時如何德曰猶是堦下漢僧曰請師接上堦德曰月落後相見且道月落後又如何相見和尚便出堂即日請和尚居第一座制完辭行悟和尚手書從上承嗣源流并信拂付囑和尚過嘉禾衆迎至祥符寺留三日舟抵金閭湛持太史請作文信國祠堂記祠在德慶院還山荅雲門和尚書荅趙叙州

三峰和尚年譜

三峰和尚年譜

三

隆美問宗鏡書示崇川居士姜劍河莊心維李仲連恣語弘端居家時自號仲連居士法語未幾云如金剛鏡摩破萬法那時來見老僧當

二十年
給侍在

五年乙丑

和尚五十三歲春正月受吳郡鄧尉天壽聖恩寺請寺爲和尚十一世祖蔚和尚道場至有詩紀事云于岳正脉國初來聖祖恩碑石半苔列嶂擁身屏畫展具區臨檻硯池開鐘敲響雪三洲浪閣浸空香萬壑梅多世定會湖上住楚雲邀我又重回寺有聖祖碑夏著五宗原冬十一月悟和尚壽六

十和尚先受毘陵寂光請九月率弟子預上金粟衆請小參和尚辭

六年丙寅

和尚五十四歲吳郡北禪請開堂專使請命悟和尚悟和尚手書報曰漢月藏公于甲子季秋來金粟山廣慧禪寺謁老僧相見室中卽請堂中領衆爲第一座中間徵詰並不存知解窠臼已見于鄙刻中至臘八解制書從上承嗣來源并拂一枝委付返海虞三峯舊歲仲冬值老僧六旬復領徒衆來無一言惟禮拜徑太今春奉姑蘇檀越請主城

支那

三峯和尚年譜

三

中北禪特命行圓上人持書及新刻至老僧目之曾說數紙一一精明誠堪克紹至于書尾述昔年得力于古錄語下之尊宿及以老僧炷作一爐燒卻以免遺害將來老僧道祗恐不是玉是玉真大奇更復何云至期和尚曰前古尊宿開堂奉朝廷命令也今當事奉行駭聽矣辭不開堂狀提唱不廢室中握竹篋以驗方來衲子遠近咸曰三峯和尚今之汾州也荅德藩問道書荅崇明令能開元問道書示通州王夢叟居士聽石敏擴南宏泐語荅姚太史王觀察泐空長老書荅傅山六雪首座

二十問天台華頂講僧大道六問各繫以頌冬開泐杭州安隱寺始爲悟和尚拈香寺先請雲門湛和尙結制泐曰能致新北禪爲第一座我來北禪不先我不來武林護法合詞來請北禪一衆不悅和尚行和尚曰嘗以戒事請益諾之抵安隱則雲門先一日化去新之士大夫紹白爾曜曰雲門有深意

七年丁卯

和尚五十五歲金粟悟和尚專使送僧伽黎至手書云老僧年邁不能領衆說法了也舊衣一頂惠與代勞耳制解和尚上金粟禮謝留二日回北禪結夏告香入室壹依百丈舊規立澹予垣爲參首麓屏貢總院事當時參衆爾敦良祖印證四弘願

支那

三峯和尚年譜

三

具德禮于磐鴻破關扶目復圓直方偉朝宗昱後改名江月源慧超權森如朗津超拔劔石慧時權璫虐燄熾然吳郡賢士大夫都家居問道和尚垂涕曰國事日非矣諸方大法不明宗旨溷淆法運亦日下矣古人有言舍我其誰於是極力提唱忌者益深叢林幾陷返鄧山有感時詩云秋風林石總成悲烈燄滔天國勢危三百年來恩莫報空山雙淚滴穹碑是年十月付梵伊致住三峯

崇禎元年戊辰

和尚五十六歲作草堂元日詩云白日雷霆國運

崇登庸盛事喜躬逢千秋莫訝天難補四海真看
日再中二祖列宗威德在山川草木感懷同石樓
一炷香拈罷萬壑聲動曉風夏浙人士疏請安
隱寺開堂升座云新天子登極廓矣無爲舊安隱
重來頽狀尊貴夜犬吠花梢之月那識太平朝龍
噓石洞之雲豈知神用老僧祇解著衣喫飯何勞
舉拂拈槌回山高麗僧曇晦來參

二年巳巳

和尚五十七歲海虞天寧春制解四月到萬峰熊
開元調吳江建說泐堂請和尚開堂後開元居諫

三峰和尚年譜

重

垣得罪遣戍武林序和尚語錄略曰集都人士營
建說泐堂勸請老和尚不倦開演如是甚深之泐
開元獨聞孰與夫一天下人共聞萬世天下人共
聞耶和尚嘗上堂云日日東出日日西沉是
聖是凡劈脊摸那管一棒一條痕空劫已前無自
已眼目人天是什麼人上上上到最高高處望
望見青山起白雲小參云六月二十一教我如何
說良久云秋風枕上涼如拂便下座秋金粟悟和
尚入山掃祖塔和尚率門弟子頂日徹等請上堂
祖孫父子先後唱酬時趙中丞士諤周居士祇踊

躍座下曰旗鼓相當風雲各變三百年來所未見
也周留山中參旬日有省冬梁溪錦樹院開爐至
前三日付囑一嘿成問石乘在可證頂目徹翌日
士大夫舉北禪寺迦葉尊者瞬目龍山出四雄玉
兔爲付泐瑞應請上堂云四雄玉兔出龍峯泥塑
頭陀亦眼紅拂子四枝分付去好花何地不春風
是時弘儲始出家越二十五年熊開元投弘儲剃
度納戒于靈岳泐名正志字槃菴又五年得法又

三年住三峰

三年庚午

三峰和尚年譜

三峰和尚年譜

重

和尚五十八歲春正月立胤禪萃易字三開總院事耳
圓應曇舸航主院規送頂目徹住三峰歸繇鹿城
次婁江留王璽卿時敏東園三日從時敏請也卻
漢陽蕭方伯并諸士紳請住大別興國書答西空
道人問道書答王觀察志堅問道書答嚴司寇一
鵬問道書答金太史聲問道書答蔡學使懋德問
道書并十七問各繫之偈示許光祿冉臣偈及令
子之漸法語和吳儀部鍾繼四偈吳夢門人李應
昇飄飄舉身雲中而感于死生今昔者也李應昇
答陸戩夫穀三玄偈穀三玄偈答章

美臨濟綱宗書作離心意識辨作悟秋集序

四年辛未

和尚五十九歲春正月送悟和尚住鄧山回立具德禮爲參首夏山中結制江南北浙東西黑白英靈附座下者百餘人周居實憚仲升巫友湘蔣西聲王雙白莊心維保順齋白棘生保式宏徐如竹徐漢水馬楚侗金貞度顧彥英王靜宇汪子瑜咸在耆舊蘊空鑑公量虛惠公衲子則空谷了閑炎雪克宗初第中興戒初淨啟慧朗四維仁啟辨菴笠筠臨渠萬木安行古疑涵之鏡空內外省悟者

支那史

三峯和尚年譜

三

一十七人中元作蔚和尚告文復磬山修和尚書冬赴揚州天寧朗契鏡請道毘陵太守洪周祿迎入官衙升座張副院瑋董方伯承詔金孝廉印榮憚聞人日初等請天寧寺升座孫宗伯慎行來謁問道畢從容請曰早從錢薛二公知慕和尚願和尚提唱之餘不忘聖學抵揚州士庶擁道十一月浙人士復疏請開法安隱靈鑑法主到上堂云客從臨平來貽我一編雪字字古人心讀之寒凜冽喝一喝云當年第一座早已爲君徹丙寅冬制法王會領衆安云晚參弘儲出作禮和尚問萬法歸一一歸何處

儲曰今朝早是臘月初三又問古人道青州布衫重七斤與你是同是別儲曰一滴水一滴凍又問如何是奇特事適殿上開靜儲曰鍾聲敲破七條上堂秀初居士才出和尚問昔大滙道有句無句如藤倚樹你作麼生會士以手橫一橫云劃破虚空一條血路曰忽狀樹倒藤枯畢竟句歸何處士云拄杖依狀亘古今曰滙山呵呵大笑歸方丈聲士云重疊關山路和尚連打三棒曰也不屈著你良久復曰大滙空裏釘椿安隱鬼頭截角雖狀總是尋常事千古輸他手段高和尚三應安隱張秀

支那史

三峯和尚年譜

三

初馮儼公翁季祥江道闇兄弟朝夕座下秀初法名濟義後剃染納戒于靈隱繼嗣顯寧出世皐亭遷雲居今住揚州慶雲寺十二月還山答姚太史思考書薛進士宋書

五年壬申

和尚六十歲鄧尉湖山窮邃和尚雅尚高古屏絕外緣時枝葉盡退相從皆貞實之士能寒苦都似遠錄公在葉縣時有度歲偈云百僧饑看老僧關湖自青青柳自灣厨火宿留無祭粟梅花愁絕滿空山弘儲兄弟輩散廣陵嘉禾諸郡募置參禪田

暮歲得沿湖葑田三百餘畝于寺之西和尚率衆入田構茆鑿池刈榛疏澮名之曰大義庄弘儲住靈岳日作靈岳募田疏曰盛時各寺皆有欽賜田畝隆萬以來禪宗式微兩宮欽崇特摯狀慕鮮華者潛入敗羣所至叢林外克內瘠相沿百年先師三峯和尚憂之嘗作募田疏特命山僧走江淮正告海內今玄墓僧田是和尚從弘儲請自題頂相云說法不用舌齋僧不見米怪爾老禿胡赤貧真到底空著眼梅花裏那知我是你冬十月和尚誕日四來弟子慶賀悉不受別貯爲造殿爲修閣

三峯和尚年譜

五

是年邛州孝廉劉道貞參請歷二百餘日機契臨行書法語拄杖授之揚州梁孝廉有書候和尚和尚因事上堂僧出問如何是萬峯境曰庭果色驕秋半雨田禾香落夜深風問如何是萬峯人曰從人笑罵任我縱橫問人在境中境在人中曰開田說義家嘗話磊石爲龕自在窩僧問向上還有事也無曰一聲孤雁秋風遠無數亂峯寒日斜

六年癸酉

和尚六十一歲春立擴南宏總院事卻海陵天寧之請荅洪太守周祿梅邊十二間詩寄文宮詹鹽

官郭孝廉疑之請題教外別傳及五宗語錄序夏遣候天童悟和尚書荅成都吹萬長老書蔡雲怡備兵杭轄集同學□子將嚴印持嚴忍公輩請于湖南淨慈寺開堂拈香云一縷蒼烟祝聖明九州四海盡昇平南屏老漢閑無事白棒掀天破死生才就座居士劉道貞出云兩峯雲起蒼烟迴一道湖光玉鑑懸領取眼前玄要句塔輪尖上吐香烟和尚便喝貞拈香云這一瓣香熱向爐中供養本師堂頭和尚伏願逞師子之全威現大人之作略和尚合掌云曩謨無量壽佛貞云法界普薰無罅

三峯和尚年譜

三

縫縷破毘盧老面門和尚又喝明晨上宗鏡堂享永明智覺禪師是日上堂舉永明云孤猿叫落中岳月埜客吟殘半夜燈此境此時誰會面白雲深處坐禪僧會問如何是永明旨明云更添香著僧云謝師指示明云且喜沒交涉僧禮拜明云聽取一偈欲識永明旨門前一湖水日照光明生風來波浪起又問學人久在永明爲什麼不會永明家風明云不會處會取僧云不會處如何會明云牛胎生象子碧海起紅塵和尚曰老僧則不狀乃云案影落殘崖際月煤花爆盡佛前燈禪衣破薄不

禁冷多少依依暗裏曾設有問如何是南屏旨向
道晝夜一百八若言謝師指示向道串斷了也待
他禮拜起亦示一偈欲識南屏旨山頭雲乍起一
縷入錢塘微茫作海水若問學人久在南屏爲什
麼不會南屏家風向道宗鏡堂前霜葉乾更言如
何會取向道鐘過千佛閣塔下萬工池隨顧左右
云永明大師恁麼道南屏老人恁麼道且道是同
是別有判斷得出者麼道道時縑素省發者自豁
堂岳燮雲璣前後二十五人上雲棲埽宏大師塔
衆請升座和尚特示禪淨大旨梁飲光端使請汰

古文那
撰述

三峯和尚年譜

三

語荅新安汪明府萃默書汪年八十二矣宗門宿
學壬申秋在萬峰山寮力參兩日夜有省庚午禾
郡人士請和尚住長水真如寺吳門人不從至是
宋大理大啟李太僕日華諸公力懇和尚解淨慈
制住真如到寺禮斷際禪師像偈曰昔時曾受三
通棒此日重逢龕行人天下至今承大樹兒孫欲
把舊寬伸寺奉斷際爲開山祖李太僕呈解和尚
不肯午後來室中呈偈云三十年來事未平真如
喝下氣爭榮宗師與我真方便安國安家不在兵
和尚笑曰笑殺紫柏太僕曾見紫柏來制中日提

寂音尊者智證傳助顯第一義上堂法語別見有
同李九崑遊南湖一絕云筆床茶竈葑蓬落盡
丹砂遶岸楓憑誰雙画雲山衲共載江南烟雨中
題天童和尚像讚裴相讚示憚聞人日初法語示
朱大理曹侍御譚工部虞給諫項別駕諸公偈
七年甲戌
和尚六十二歲正月初五真如解制舟抵吳門大
雪留頂目徹瑞光丈室三日士大夫舊依座下者
咸集歎曰臨濟大師沒七百餘年正法眼大光明
于江浙淮海豈易得哉豈易得哉抵鄧尉西來羅

古文那
撰述

三峯和尚年譜

三

漢請上堂云十萬里來不說一字依稀像達磨仿
彿同真諦芭蕉柄上書梵字蝌蚪蟲文不相似拈
起○相問伊叉手睜睛直視老僧點頭道從前不
是這回恰是問大衆是不是良久云寧說阿羅漢
有三毒不說如來有二語便下座圓戒上堂云靜
主達賢住此山有年破屋半間蓬塵積尺行鍋無
蓋黃盃不全或七日忍饑或逢緣一飯口如木突
衣若鶉懸會圓具于先靈谷和尚茲復請說菩薩
戒法謹白問如何是釋迦如來口放戒光曰風爲
掃地使月作點燈娥問如何是孝名爲戒曰竈裏

生青草鍋中叫碧蛙問如何是亦名制止曰忍餓
長盤脚開齋過別峰問如何是向上一句曰速道
具德禮問戒光頂聚輝千古覲面相呈事若何曰
與我過盃囊來具云衣文結角交加處明眼緇流
失卻真曰二十五條拖著地具云滌盡無餘存潔
白戒珠燦爛黑光寒和尚便打具云末後令行尊
貴旨棒頭有眼招人明和尚又打四月結制興讓
社諸子一時騰踏意氣勃勃隆起和尚一日三上
堂曰萬峰不同諸方閉門入室此事如擊石火如
爆龜文機變無心吉凶立見那容低頭定奪背地

支那
史述

三峰和尚年譜

三

思量肆意綱宗有提盡古人未到處諸方益驚謗
議競起和尚作五宗哭詩上堂云觀風化物無一
定之機因語識人有差別之智會得總非死句活
人貴在通方韓獪逐塊非敢望于今日俊鵲摩霄
唯貴乘此一時解制日和尚歎曰物盛而衰固其
勢也身當後五百歲猶欲復上祖極盛時正令我
過也夫于是具德禮住靜越州剡石壁五洲山潭
吉忍潭東碩機聖江西都散處和尚戚狀念先人
墳安未安遷塋百花墩毘陵諸久參弟子張二無
瑋吳霞舟鍾巒憚道生本初顧伯平澹生憚仲詒

穀初許我調鼎元巫友湘大章蔣西聲秋憚仲升
日初王雙白廷璧顧孚尹元交朱師黃劍采許儀
吉之漸迎至白沙圩放生三日維揚梁飲光于涘
疾篤介同社姚徵君文台請升座廣福院梁如夢
而寤即愈歸萬峰濟文祝髮請上堂海岸居士黃
端伯來參請上堂和高皇帝贈無念學禪師詩荅
唐孝廉元宏書李侍御模書劉大參錫玄書時劉
自斷髮爲僧示王居士廷璧法語示金太史聲參
禪偈寄別眉方偈有老太何人不惜年之句方辛
未見和尚廣陵天寧壬申春散席易服上萬峰參

支那
史述

三峰和尚年譜

三

請六十餘日機契後住蕪湖吉祥有袁梅一葉行
世玄墓一名袁墓也乙亥和尚示滅前一月方說
偈坐化和尚歎息曰可憐生作這個太就長至日
上堂下座曰弘儲來汝具舟楫具舟楫曰將詣郡
城一院皆驚至郡視姚現聞學士疾過北禪晤量
虛長老次徐彭蠡次嚴子山兄弟次管乾三次徐
元歎次張異度次朱德陞遇舊交皆談笑竟日時
蔡雲怡李灌溪徐勿齋沈太疑劉公旦李仲木姚
文初瑞初文孫符朱彥兼請就準提菴會說顧岳
叟楊維斗各迎至其家對靈說汰十二月復天童

悟和尚書辛丑弘儲住金粟菴堯峰潛月函書云
世出世間事總非人意識所能到當你師翁復天
童老和尚書實實出不得已方七書出時不獨天
下人不知老和尚之意卽家裏人亦不知老和尚
之意只據菴磬山老和尚一書是擡你師翁是擡
你師翁林埜和尚在嘉興孫園曾對我言之闢之
一字實不出老和尚意你師翁因爲不知者有圖
悟高安之誚立言未免過激是時書成瑞光和尚
同蔡雲怡居士候問至侍寮細商之我瑞光謂兄
能止其不發我俯首曰是我意也蔡雲怡曰是不

三峯和尚年譜

三

能老人一生剛大不愛身命唱明綱宗諸方橫說
豎說總不與之較計獨爲天童諍子者祇與天日
一開雲銷霧散今若苦苦遏之不上我知老人不
能生矣且父子間無論是不是有話要說盡但使
後日不流布諸方于理原不害故瑞光與我竟不
敢驟言你師翁嘗謂我曰古人傳持道法所貴久
遠不在熱大汝輩綿遠傳太我身背上事畢矣你
師翁之意豈有他哉所以我三十年來出一語動
一步悉體你師翁之心故事事退讓諸方恐不知
者妄謂你師翁好辨當湖馬培原每讀我書輒喜

曰三峯老和尚一片大孝大慈之心非和尚幾埋
沒矣這說話我也不敢當但今之爲人後者爲師
長立言要當回心自看衆生現行無明易于流走
若勝心不除久久打入魔界不得好師好友教之
以正總不自知覺你師翁大恩我慮今生不能報
矣但願你後來立言一體你師翁之心師翁之心
佛祖之心也蔡雲怡以世間之宰官觀其一往事
你師翁我輩有愧心止據雲怡三年家居于你師
翁分上忘尊貴曲爲嘗住猶爲瑣末犯風雨寒暑
奔走道路以事你師翁你師翁示寂之先調湯藥

三峯和尚年譜

三

三

候聲息既寂之後慎法命視同門如一體甚加意
于第二世古今有幾人哉皆你師翁有以感之也
你平昔知我心你師翁這段心事今日不說起你
輩爭得知

八年乙亥

和尚六十三歲春正月吳江士大夫迎開堂聖壽
寺和尚慨狀曰臨濟大師至于今七百餘年我鞠
躬盡瘁死欲倡明其道而終不能大遂我志今老
且病安能僕僕對世人費口舌哉終不忍其請人
日到寺告香明日舉弘儲及潭吉弘忍立僧輪贊

制完還山董宗伯其昌見和尚于證心堂自陳于臨濟無位真人語有省和尚別發痛露宗伯躍狀再拜出而語弘儲曰如出雲霧四月朔命侍司佑倡衣鉢設十方會齋搥鼓爲最後辭衆上堂十二日書從上源流付囑澹予垣剖石壁于磐鴻慧刃鉅渾吉忍具德禮及不肖弘儲七人各副以衣拂頌機聖遠在西江留信衣法語命弘儲繼萬峰席成就諸入道之晚者弘儲拜辭請代後五日復議立繼席三關萃力推瑞光弘徹和尚書招瑞光作別道中居士蔡雲怡熊魚山周居實劉墨仙巫

支那

三峰和尚年譜

三

友相蔣西聲憚仲升王雙白翁季祥馮儼公張秀初江道闇北禪長老瑞光竺璠及問石弘葵書久依座下如四弘願耳圓應三關萃擴南宏曇舸航津超拔笠雲筠臨渠霞仁啟儒燮雲璣什菴叡古嶷玄逐鷗拾巨冶教冰鑑朗剖玉璞三目淵舒光曦月航緇英偉悟各囑以最後法語又以偈囑中興範利根慶湧白明明夏時劬圓琚鐸菴繩眉光正歷公舜輩當是時四方來候諸賢求一言爲終身寶者和尚雲行雨施不煩應接如憚仲升王雙白翁升宇王湛寰龔若滋延賞目見和尚步履如

嘗飲食如故皆大歡喜和尚猶無恙五月朔和尚就證心堂設苑關自榜曰歇處又自題云佛法有人說天山好自埋天山和尚晚年自號也四方一切往來書問盡委弘儲六月十一日瑞光弘徹以郡人固留入山辭明日啟關復申大司馬用懋胡度支如淳顧侍御宗孟李侍御模徐太史汧沈刺史幾書舉剖石壁繼席萬峰書囑蔡雲怡始終護泐七月初舊嘗州守洪周祿自楚黃旆使求法語和尚疾書二百二十餘字曰我自此斷世間應酬筆墨矣後葉慶繩觀風粵東尹西友宰甌閩文湛

支那

三峰和尚年譜

三

持始相各馳書萬峰候和尚悉命代荅十四日示微疾十五日早鳴寢堂鐘集衆入室隨機提撥應發不倦皆和尚平生力荷綱宗之驗也自十五日言語廿一日凌晨大風拔木疾雷迅雨泐堂崖石崩適蔡雲怡致醫來方禮拜和尚吐舌示之醫曰舌破那和尚笑不應請診視和尚出左手曰不可道手破也時至戌侍者濟曦問如何是身後事和尚曰床頭老鼠偷殘藥壁上孤燈照舊衣曦擬問和尚曰放下慢子著熟睡至初更闌黎耳圓問汾

州頌三玄語曰直出古皇前如何是古皇和尚曰
草衣木食少頃瑞光弘徹蔡雲怡居士至和尚曰
衝風雨夜來我不安言畢復鼾睡衆環擁中夜起
坐左右熟視以手撫膝泊狀而化十一月八日奉
全身塔于證心堂後夜素光從塔起直上如虹亘
天茂苑相公祭文云浩狀剛大佛祖咸在其陶鎔
動若風雲凡聖疇知其變化倒日迴天七百載宗
綱未墜茹荼集蓼六十年辛苦自知讀者以爲得
和尚生平之槩也

三峯和尚年譜終

古文部

三峯和尚年譜

无

附與毘陵人華禪師書昔人謂雲門跛師奇偉傑
茂其辨慧渦旋波險如河漢無極余嘗謂先和尚
之全機大用真不可得而名狀每中夜禱佛前願
我兄弟中有操董狐筆者載其生平成一歲譜豈
不光耀前古啟迪後昆屈指廿七年來盡寶惜不
輕出手今春宿安大已齋中聞見異嘗抵慮此案
未圓對大已唏噓哭泣倘此番不死仍復因循如
前則來生定不得生人道尚得濫廁法門故中元
後扶病七日而卒業狀以身殉法其本願力不止
呈一漏萬卽當時賢士大夫問道無虛日祇據其

事書其人而遺亡者實繁前輩如貴里沈湛源尚
寶錢梅谷司農薛又損方伯鄭太初儀部父子梁
溪何天玉太僕馬素修洗馬華鳳超選部秦圓海
觀察顧白於孝廉令子子疑子方子克鄒木石太
守叔介孝廉堵濂生孝廉海虞魏仲雪方伯叔子
孝廉趙景之太史全之刺史嚴子張樞部吳郡申
勗菴比部青門少司農汪孺石方伯文啟美中翰
嚴開之孝廉令子仲日周子佩兄弟案陵沈宏所
中丞及令侄君善孝振周季華太嘗令子安期安
仁安石麗序皇方伯吳燕勒中丞吳茂申孝廉婁

古文部

三峯和尚年譜

甲

東王閔仲父子孝廉黃子羽刺史東臯冒嵩少大
參石季玉范汝馨諸居士崇川范太蒙勲卿張完
樸大參顧元善都諫姜荆璆太守潘玉函太守陳
弗如太嘗虎林翁周埜方伯馮知白節推乃弟季
白侄去凡當湖馮茂遠孝廉武塘周君謨孝廉諸
公皆樞衣問法諦信無疑至于望影知歸確誠弘
護者又殆不可勝數座下依老師最久知老師最
深老師易簣時嘗貽書左右諄諄相托有所記憶
幸明以示我
復慶雲仁庵禪師吾宗來東方第一祖六人之中

有尼總持自後諸大老如昭穆有空室徑山有妙總妙道餘不暇悉舉先和尚出世八坐道場稱臨濟中興見鞭影而馳者四衆甚有其人去秋編集歲譜略而不見者山僧無長才有病心枯力瘁但約舉綱要而遺忘實多卽吾兄弟悟道機緣調將來輯國清祖燈錄各見諸章次故不敢屑屑於年譜中也如尊慈定光道人堂堂女中丈夫不惟見地穩實大有補于先和尚道法者此中豈一日忘哉歲譜初成之夜室中話及當年顧左右侍曰甚矣和尚法運之盛也卽如今慶雲仁公母定光

支那

三峰和尚年譜

望

道人法名弘瑤者昔天啓丙寅泰先和尚于安隱其勇進于堂中數百衲子齊艱並苦有所見老和尚不輕可道人亦不自肯迨崇禎癸酉老和尚住淨慈仁公迎和尚至飛仙里宅中齋茶次老人舉茶甌問道入喚作茶甌則觸不喚作茶甌則背速道速道道入擬進老人以茶甌劈面擲其孫元坊纔五齡從旁喚云婆婆以後不可將茶與這老和尚喫道人纔舉掌打元坊忽有省後世緣垂盡危坐自叙平生叅請始末瞋目脫去聞子媳哭聲復開目舉竹篋徧擊云恩愛斷時生死斷汝輩侍我

久猶作這去就遂手握竹篋而逝道人乃武林黃學使貞父之女也左右復問如定光道人者幾人山僧復屈指云甚多祇據一時憶得者荆溪濟廣道人吳中翰宅吳郡胡度支之姊修雲棲教叅老人于萬峰時濟廣患目老人命日以大盥貯水几上坐而注目覺一念起以箸擊水一下至第五日猛擊一下豁朕有省又湖州恭道人者吳江趙中丞蓋庵之女適閔氏精通教義往來土橋佛日歷十五年祇以大事未明同其姑隨父中丞來叅老人示以本色鉗錘二人于言下一時得大安樂齊

支那

三峰和尚年譜

望

作禮恭曰古人謂泗洲見大聖遠客還故鄉非欺我也老人勘之亦爲助喜姑則忘其名氏矣余已丑住靈品其兄欽口結冬山中長君砥之來省侍坐次舉道人已巳秋在銅井山居一日朝氣澄爽聽中丞彈琴驚謂砥之曰祖翁不能長撫子孫矣明年庚午秋中丞捐館舍豈尋嘗人哉外此如西池盧靜遠聞朗重燈若而人其事跡皆炳狀在人耳目也歲寒接手墨暢狀打合山僧一日不敢忘之心惜乎已斷手于老人降生之日定光遺事及諸道人祇有室中追歎耳至老侄讀譜而有

補天浴日之喻增予愧悚金石鴻文發揚先德老人寂光未嘗不深望于慶雲也

與靈隱禮和尚書我老和尚乘塵刹至願下生閻浮當正法艱危之日天童老人爲之父我幾兄弟爲之子夫豈偶狀六十年中河漢之口雷霆之舌佛祖之心聖賢之行躋之唐宋自稱傑祖乃弘儲幼失業眼不微經史長而四方錄錄不暇補學幸而獲侍老人于風雨寒窓朝申夕請譬如硯石堅頑小有空明之一隙以是之故平生自誓自信于古今著述之事不敢躬承祇爲我老人覲狀一生

吳文那

三峯和尚年譜

聖

道行不以此時草創編年後代子孫欲準歲月而無所憑依所以強扶枯骨觸暑成編援已寢之筆拂久栖之牘狀急于先德或疎于支裔出于胸臆或限于見聞知我罪我則聽之千秋教之誨之深望于骨肉弘儲以枯木朽株之語爲風伯爲雨師洒道揚塵前驅以待從此碑版大文麟麟炳炳使後世知天童有克家之冢嫡臨濟有振祖之真孫我兄弟有父也如此我子姪有祖也如此七百年應運之人豈弘儲所能贊一辭哉非兄誰告堯峰潛月函讀年譜復書記闕里者曰凡域中之

山皆發於崑崙至爲都會山必西峙水必東流闕里之山北南東皆山環抱若人冠冕佩玉端拱正揖惟西向郭狀淺壠平阜而水內爲沂爲洙爲泗外爲漕爲洸又外爲汶爲濟大抵皆西流會於今之濟河蓋其勢逆夫黃河排積石入中國衝潰突厥非岱嶽諸山東障則青徐之境與碣石俱淪唯山水俱逆實啓中原元氣之運故岱於五嶽稱宗而庖犧八卦始斯文孔子六經終斯文實在茲土亦萬古人心之障也我三峯老人則禪宗之岱嶽也臨濟示滅七百餘年難起之綱宗三峯老人不

吳文那

三峯和尚年譜

聖

惜肝腸塗地以力挽之其勢實逆而和尚所垂示年譜則真闕里之山水也讀年譜而得文章之訣曰提則挈本末之全也曰轉則變首尾之迹也所以善用其逆也曰縱則連其幽閒曰持則謹其樞紐所以善藏其奇也千秋萬古讀和尚之文見三峯老人之道于三峯老人之道會通從上之文此所以爲至人之文也

南嶽勒古自序

佛祖以治天下萬世之病而垂言句佛病祖病何以治之軒轅岐伯論經脈量藥石著素問靈樞壹本天道五運六氣鑒別時節因緣長桑君飲扁鵲以上池之水以此視疾盡見五臟癥結故不明乎時不知所以治不察乎隱不知所以治目宗門有頌古而後抑揚咏歎有拈古而後變化精微頌發于汾州拈發于韶陽雪竇以韶陽之孫又得汾州之意詞開句立嶽拔雲垂歷世無以尚雲峯真淨昭覺徑山諸老旗鼓振揚有動勞于宗統不小雖然古人知天下萬世病

退翁和尚南嶽勒古

退翁和尚南嶽勒古

一

之所在故能以藥藥天下萬世後之人情不知天下萬世之病與藥而尚論古人之手眼參伍古人之著作則病而已矣藥何有哉勒古之創蓋勒今以返之古也勒四十世以返之少林勒七十世以返之迦文也勒普天之下而返之正也弘儲南嶽讓和尚之三十四世宗孫也傳南嶽之源行南嶽之道履南嶽之位肅承祖意建言表微汰子堯封南潛相與戮力以告成于佛祖弘儲序其端



退翁和尚南嶽勒古

侍者警秀記

始祖釋迦牟尼佛一日見文殊在門外立乃曰文殊文殊何不入門來文殊曰我不見一汰在門外勒曰宜慎辭哉堯封潛曰個語逆耳

圓覺曰一切障礙即究竟覺勒曰三般人不會堯封潛曰無成辦之期

一祖摩訶迦葉尊者因外道問如何是我我者曰覓我我者是汝我外道曰這個是我我師我何在者曰汝問我覓勒曰取此爲是祖門佛汰堯封潛曰諸人

退翁和尚南嶽勒古

退翁和尚南嶽勒古

一

恣意早問

二祖阿難尊者一日入竹林聞比丘誦偈曰若人生百歲不見水老鶴不如生一日而得覩見之尊者因爲正之曰不然佛云若人生百歲不解諸佛機不如生一日而得決了之于是比丘以聞其師其師曰阿難老昏矣吾語是也異日尊者復經竹林見比丘誦偈如前者詰之聞述其師言因念愚痴難化入三昧求尊聖爲之證于是地爲之動光明遽發俄有一聖宿大士示現而爲之說偈曰彼者念諷偈實非諸佛意今遇歡喜尊而可依了之彼師弟子疎敬尋得二

果勒曰南方禁夏不禁冬我這裡禁冬不禁夏堯封潛曰都不希求一餐之直

三祖商那和修尊者隱于罽賓國南象白山中後于三昧中見毘多徒衆多懈慢乃往彼正之毘多見尊者頂禮次尊者以右手指卽有香乳自空而注問毘多曰汝識知乎毘多不測遂入三昧觀察亦不能測乃請曰是果何三昧耶尊者曰是謂龍奮迅三昧如是五百三昧汝皆未之知勒曰一如不作相侶堯封潛曰且與渠一升一合擔

四祖優波毘多尊者在世化導證果最多每度一人

支那

退翁和尚南嶽勒古

三

以籌置于石室其室縱十八肘廣十二肘充滿其間勒曰怕爛却堯封潛曰待我抽解了來

五祖提多迦尊者說偈付泐已踊身虛空作十八變火光三昧自焚其軀勒曰傳者以爲笑堯封潛曰莫便面赤

六祖彌遮迦尊者有一人持酒器逆而問曰師何方來欲往何所祖曰從自心中來欲往無處曰識我手中物否祖曰此是觸器而負淨者曰師識我否祖曰我卽不識識卽非我勒曰抽刀竊口斫堯封潛曰不爲人斟酌

支那

退翁和尚南嶽勒古

三

心非合亦非離勒曰此話太行堯封潛曰第一莫拱手作禪師

九祖伏陀密多尊者承八祖付囑卽起身虛空散衆寶花勒曰國有憲章三千條罪堯封潛曰當局者迷十祖脅尊者遇九祖落髮出家羯磨之際祥光囑座感舍利三七粒現前勒曰無恁麼事無恁麼事堯封潛曰如春細雨

十一祖富那夜奢尊者脅尊者從中印土來憇一樹下祖合掌前立者問汝從何來祖曰我心非往者曰汝何處住祖曰我心非止者曰汝不定耶祖曰諸佛

亦然者曰汝非諸佛祖曰諸佛亦非勒曰天寒日短夜更長錦繡鴛鴦行人難見堯封潛曰從此蹬蹬以碣碣

十二祖馬鳴尊者有外道索祖論義集國王大臣及四衆俱會論場祖曰汝義以何爲宗外道曰凡有言說皆能破祖乃指國王曰當今國土康寧大王長壽請汝破之外道屈服勒曰甚麼經裡有恁麼語堯封潛曰長長出不得

祖作性海偈曰山河大地皆依建立三昧六通由茲發現勒曰但祇用得不可執本也堯封潛曰神從空

文部
卷述一

退翁和尚南嶽勒古

四

裏來却往空裏去

十三祖迦毘摩羅尊者山行逢一大蟒祖直前不顧蟒盤繞祖身祖因與授三飯依蟒聽訖而去勒曰藝不辜人堯封潛曰弄得一出

十四祖龍樹尊者于座上現自在身如滿月輪一衆惟聞法音不見祖相勒曰大似一頭驢堯封潛曰不知聖人立言之難

十五祖迦那提婆尊者及龍樹之門龍樹以滿鉢水置于座前祖卽以一針投之勒曰一衆總念摩訶般若波羅密多堯封潛曰何不向膏肓穴上下

十六祖羅睺羅多尊者既度僧伽以右手擎鉢舉至梵天取彼香飯將飯大衆而大衆忽生厭惡之心祖曰非我之咎汝等自業卽命僧伽分座同食一衆訝之勒曰于方便中向上座道這裡合下得一轉語堯封潛曰諸方以爲口實

十七祖僧伽難提尊者攀樹化後諸羅漢欲移之不得以諸象力挽亦不動遂就樹下焚之身盡樹更鬱鬱勒曰詳觀斯集擅于理者偏于事堯封潛曰忽然非次聞之諸人盡驚愕

十八祖伽耶舍多尊者手持圓鑑直造僧伽前僧伽

文部
卷述二

退翁和尚南嶽勒古

五

問汝手中者當何所表祖曰諸佛大圓鑒內外無瑕翳兩人同得見心眼皆相似勒曰側跳上山巔堯封潛曰更不再勒

十九祖鳩摩羅多尊者泐付闍夜多已卽于座上以指爪務面如紅蓮開出大光明照耀四衆勒曰不願再見堯封潛曰問他繼嗣何人

二十祖闍夜多尊者月氏國王聞師德風躬詣問泐修敬已請開演祖曰大王來時好道去亦如來時勒曰只得七成堯封潛曰不是一劫兩劫得休

二十一祖波修盤頭尊者對闍夜多曰我憶念七劫

前承師智者月淨之誨責躬悔過以來聞諸惡言如風如響勒曰罄捨衣資設齋堯封潛曰爲人師匠大不易

二十二祖摩拏羅尊者因西印土國王得度請問法要祖曰佛汰能具七事太三物乃可學王問三物七事祖曰所太三物貪瞋癡所具七事大慈歡喜無我勇猛饒益降魔無證人所以明了不明了以此耳勒曰坐是濫食堯封潛曰拄杖頭撥着一箇會佛汰底人

二十三祖鶴勒那尊者與師子比丘語已忽指東北

又那
孫述

退翁和尚南嶽勒古

六

問曰是何氣象師子曰我見氣如白虹貫乎天地復見黑氣五條橫亘其中祖曰其兆云何師子曰莫可知矣祖曰吾滅後五十季北天竺國有難起要在汝身勒曰不負汝見別有人不肖堯封潛曰脫得觸體裡意想留他挂搭

二十四祖師子尊者與禪定師達磨達論義達磨達詞屈遂作禮曰我于學道皆虛勞耳尊者幸有以教我殷勤哀請祖曰諸佛禪定無有所得諸佛覺道無有所證無得無證是真解脫勒曰莫取次發言吐氣堯封潛曰古人所以有目睫之論

二十五祖婆舍斯多尊者當生便拳左手季二十終未能舒二十四祖觀之卽以手接曰可還我珠祖遂開手奉珠衆皆驚異勒曰決定決定堯封潛曰白日拖燈仔細看

二十六祖不如密多尊者一口與東印土王堅固同車而出嬰珞童子稽首于前祖曰汝憶往事麼曰我念往劫中與師同居師演摩訶般若我演甚深修多羅今日之事蓋契昔因祖顧王曰此大勢至菩薩也繼後出二人一人化南印土一人緣在震旦九季却返此方卽以昔因故名爲般若多羅勒曰長安道上

又那
孫述

退翁和尚南嶽勒古

七

袞袞地堯封潛曰爭出他名身身身二十七祖般若多羅尊者告菩提達磨曰如來以正法眼付大迦葉如是展轉乃至于我我今囑汝聽吾偈曰心地生諸種因事復生理果滿菩提圓花開世界起勒曰日月面佛月面佛堯封潛曰如是經百千萬億

二十八祖菩提達磨尊者寓止嵩山少林寺面壁而坐終日默然人莫之測謂之壁觀婆羅門有僧神光詣祖參承值大雪光夜侍立遲明積雪過膝立愈恭祖過而憫之問曰汝久立雪中當求何事光悲淚曰

惟願和尚開甘露門廣度群品祖曰諸佛無上妙道曠劫精勤難行能行非忍而忍豈以小德小智輕心慢心欲冀真乘徒勞動苦充聞祖誨勵潛取利刀自斷左臂置于祖前祖知是法器乃曰諸佛最初求道爲法忘形汝今斷臂吾前求亦可在遂因與易名曰慧可勒曰鹵莽底相知玲瓏底相說堯封潛曰相續也大難

慧可問從上法印可得聞乎祖曰匪從人得可曰我心未寧乞師與安祖曰將心來與汝安可曰覓心了不可得祖曰我與汝安心竟勒曰畜生畜生堯封潛

又那

選請和尚勸勒古

八

曰喏喏

又曰外息諸緣內心無喘心如牆壁可以入道勒曰這裡別有個道處堯封潛曰撥不轉個副面孔

二十九祖慧可大師鄴都化蕪四眾皈依三十四載遂韜光混跡變易儀相或入酒肆或過屠門或習街談或隨廝役或問之曰師是道人何故如是祖曰我自調心非關汝事勒曰堂中祇空第二位堯封潛曰難更改

三十祖僧璨大師謂道信曰有人借問慎勿道我處得來勒曰此是第三段義堯封潛曰蓋千季餘矣

又信心銘末曰信心不二不信心言語道斷非去

來今勒曰爭傳誦之堯封潛曰禪子相尋而來

三十一祖道信大師因唐太宗嚮師道味欲瞻風彩詔赴京祖辭謝前後三返第四返命使曰如果不起取首來使至山諭旨祖乃引頸就刃神色儼然使回以狀聞帝彌欽重勒曰決定不流至第二念堯封潛曰更勿疑也

三十二祖弘忍大師既以衣法付六祖末上囑曰所謂受衣之人命如懸絲也勒曰還具見聞覺知否堯封潛曰黃河如帶泰山若礪

又那

選請和尚勸勒古

九

三十三祖慧能大師印宗問曰久聞黃梅衣法南來莫是行者否祖曰然印宗作禮請衣鉢出示大眾令瞻禮宗復問曰黃梅付囑如何指授祖曰指授即無惟論見性不論禪定解脫勒曰借一路過那邊還得否堯封潛曰扶得起好手

七月八日謂門人曰吾欲歸新州汝等速理舟楫大眾哀留甚堅祖曰諸佛出現猶示涅槃有來必去理亦常然吾此形骸歸必有所衆曰師從此去早晚可回祖曰葉落歸根來時無口勒曰風高月冷堯封潛曰不能入拔舌地獄

三十四祖南嶽懷讓禪師入室弟子總有六人師各印可曰汝等六人同證吾身各契其一一人得吾智善威儀常一人得吾眼善顧盼達智一人得吾耳善聽理坦然一人得吾鼻善知氣神一人得吾舌善譚說嚴一人得吾心善古今道勒曰齧草含煙堯封潛曰龍鍾橫集

師一日問衆曰道一在江西爲衆說法否衆曰已爲衆說法師曰總未見人持個消息來衆無對因遣一僧太囑曰待伊上堂時但問作麼生伊道底語言記將來僧太一如師旨回謂師曰馬師曰自從胡亂後

又那
歷述

退翁和尚南嶽勒古

十一

三十季不曾少鹽醬師然之勒曰如何斯言獨能見欺堯封潛曰舉目有江河之異

三十五祖江西道一禪師僧問爲甚麼說卽心卽佛師曰爲止小兒啼曰啼止後如何師曰非心非佛曰除此二種人來如何指示向伊道不是物曰忽遇其中人來時如何曰且教伊體會大道勒曰將無播朱紫之豔色堯封潛曰登城不指

僧問如何是西來意師便打曰我若不打汝諸方笑我勒曰三揖而後至階堯封潛曰不獲侍座

三十六祖百丈懷海禪師謂衆曰有一人長不喫飯

不道餓有一人終日喫飯不道飽勒曰恤病討貳堯封潛曰爭免口過

一日僧問抱璞投師請師一鑑師曰昨夜南山虎咬大虫曰不謬真詮爲甚麼不垂方便師曰掩耳偷鈴漢曰不遇中郎鑑還同野舍薪師便打僧曰蒼天蒼天師曰得與麼多口曰罕遇知音拂袖便行師曰百丈今日輪却一半勒曰豈例是沙門堯封潛曰是玉真大奇

三十七祖黃檗希運禪師一日捏拳曰天下老和尚總在這裏我若放一線道從汝七縱八橫若不放過

又那
歷述

退翁和尚南嶽勒古

十二

不消一捏勒曰師徒不煩堯封潛曰所以平生親舊唾聞諱見

一日上堂曰閤黎不見馬大師下有八十四人坐道場得馬大師正法眼者止兩三人廬山歸宗和尚是其一勒曰便須露布個道理堯封潛曰尚忍言之

三十八祖臨濟義玄禪師住鎮州臨濟學侶雲集一日謂普化克符二上座曰我欲于此建立黃檗宗旨勒曰無由造敬堯封潛曰三月護生

師應機多用喝會下叅徒亦學師喝師曰汝等總學我喝我今問汝有一人從東堂出一人從西堂出兩

人齊喝一聲這裏分得賓主麼勒曰兩頭三緒堯封
潛曰如今論季論月

麻谷問大悲千手眼那箇是正眼師搗住曰大悲千
手眼作麼生是正眼速道谷拽師下禪牀却坐師問
訊曰不審谷擬議師便喝拽谷下禪牀却坐谷便出
勒曰不由至公大義而起堯封潛曰古有之乎

三十九祖興化存獎禪師有時喚僧應諾師曰點
卽不到又喚一僧僧應諾師曰到卽不點勒曰中人
已下指其迹堯封潛曰使天下歛手慄股以伺顏色
師謂克賓維那曰汝不久爲唱導之師賓曰不入這

支那

退翁和尚南嶽勒古

十三

保社師曰會了不入不會了不入曰總不與麼師便
打曰克賓維那汰戰不勝罰錢五貫設饋飯一堂次
日師自白椎曰克賓維那汰戰不勝不得喫飯卽便
出院勒曰道自是難復堯封潛曰就之以中庸
四十祖南院慧顥禪師上堂曰諸方祇具啐啄同時
眼不具啐啄同時用僧便問如何是啐啄同時用師
曰作家不啐啄啐啄同時失勒曰提其身而命之耶
堯封潛曰亦不敢自出意見

一僧纔入方丈以手指曰敗也師乃拈拄杖度與僧
僧纔接師便打勒曰禮不筋力老于敢侮堯封潛曰

驅而率之

四十一祖風穴延沼禪師上堂曰若立一座國家興
盛野老顰蹙不立一座家國喪亡野老安恬于此明
得闍黎無分全是老僧于此不明老僧却是闍黎闍
黎與老僧亦能悟却天下人亦能瞎却天下人欲識
闍黎麼右邊一拍曰這裏是欲識老僧麼左邊一拍
曰這裏是勒曰當得任山事也無堯封潛曰茫乎前
聖已遠

一日示衆曰夫參學眼目臨機直須大用現前莫自
拘于小節設使言前薦得猶是滯殼迷封總饒句下

支那

退翁和尚南嶽勒古

十三

精通未免觸途狂見勸汝諸人應是從前依他見解
明昧兩歧凡聖疑情一時埽却直教個個如師子兒
哮吼一聲壁立萬仞誰敢正眼覲著覲著卽瞎却渠
眼勒曰患泓渾水投土益之堯封潛曰大抵賢聖發
憤之所爲作也

四十二祖首山省念禪師常作綱宗偈曰咄哉拙郎
君巧妙無人識打破鳳林關着靴水上立咄哉巧女
兒瘋梭不解織看他闍鷄人水牛也不識背陰山子
向陽多南來北往意如何若人問我西來意東海東
面有新羅勒曰螭首龜趺揭于天衢堯封潛曰七世

之廟可以觀德

四十三祖汾陽善昭禪師上堂曰夫說法者須具十智同真若不具十智同真邪正不辨縑素不分不能與人天爲眼目決斷是非如鳥飛空而折翼如箭射的而斷弦弦斷故射的不中翼折故空不可飛弦壯翼牢空的俱微作麼生是十智同真與諸上座點出一同一質二同大事三總同參四同真智五同徧音六同具足七同得失八同生殺九同音吼十同得入又曰與甚麼人同得入與阿誰同音吼作麼生是同生殺甚麼物同得失阿那個同具足是甚麼同徧音

支那

退翁和尚南嶽勒古

五

何人同真智孰能總同參那個同大事何物同一質有點得出底麼點得出者不吝慈悲點不出來未有參學眼在切須辨取要識是非面目見在不可久立珍重勒曰爛膿吐氣堯封潛曰癸甲迴輪節目張四十四祖石霜楚圓禪師平生以事事無碍行心凡聖所不能測室中晏坐橫刀水盆之上旁置艸鞋使來參叩者下語無有契其機者勒曰未詳利害之原也堯封潛曰已徧天下也

四十五祖楊岐方會禪師室中問僧栗棘蓬你作麼生吞金剛圈你作麼生透勒曰必速戾于厥躬堯封

潛曰三角九尾四肩六足

四十六祖白雲守端禪師示衆曰若端的得一回汗出來也向一莖草上便現瓊樓玉殿若未端的得一回汗出縱有玉殿瓊樓却被一莖艸蓋却且道作麼生得汗出太勒曰敢輒布區區堯封潛曰切忌濫觴時

四十七祖東山泐演禪師僧問如何是佛師曰露胸跣足曰如何是法師曰大赦不放曰如何是僧師曰釣魚船上謝三郎勒曰惡情惊堯封潛曰寧貧賤輕世而肆志

支那

退翁和尚南嶽勒古

五

一日僧問如何是臨濟下事師曰五逆聞雷曰如何是雲門下事師曰紅旗閃爍曰如何是曹洞下事師曰馳書不到家曰如何是潯仰下事師曰斷碑橫古路師曰何不問泐演下事師曰畱與和尚師曰巡人犯夜勒曰昭昭其永垂堯封潛曰人腰水心之劍家給火耕之田

四十八祖昭覺克勤禪師入東山演祖室通所得呈偈曰金鴨香消錦繡幃笙歌叢裏醉扶歸少季一段風流事祇許佳人獨自知祖曰佛祖大事非小根劣品所能造詣吾助汝喜勒曰五日觀于春山之上堯

封潛曰將謂有車轍馬跡

一日到首座寮因說密印長老四年前見他恁麼地乃至來金山陞座也祇恁麼地打一個回合了又打一個回合祇管無收殺如何爲得人恰如載一車寶劍相似將一柄出來了又將一柄出來祇要搬盡若是本分手段拈得一柄便殺人去那裡祇管將出來弄勒曰一衆遠立堯封潛曰懷安敗名

四十九祖虎丘紹隆禪師僧問古人到這裡因甚不肯住師曰老僧也恁麼曰一刀兩段時如何師曰平地神仙勒曰打硬作模作樣堯封潛曰換副舌頭

選錄和尚語錄古

一六

五十祖天童曇華禪師上堂曰見聞覺知無障礙聲香味觸常三昧眼見如盲口說如啞蘇州人歎常州人打野大宋國裡只有兩個僧川僧浙僧其他盡是子淮南子江西子廣南子福建子豈不見父慈子孝道在其中矣勒曰取次用心堯封潛曰經三大阿僧祇劫

五十一祖天童咸傑禪師上堂曰一個葫蘆纔倒地滿地葫蘆盡傾倒欲識單傳直指禪今日闢湊得恰好勒曰入粟受爵者難構堯封潛曰膈膈膊膊雄鷄鳴磊磊落落垂天星

五十二祖臥龍祖先禪師上堂曰如何是禪闍浮樹在海南邊撐天拄地拄地撐天巧說不得只要心傳畢竟如何是禪禪勒曰悔不剩得堯封潛曰父前子名君前臣名

五十三祖徑山師範禪師上堂曰若論此事直是省要易會多是諸人自作艱難自作障礙所以有時東廊西廊見諸人和南問訊山僧便乃低頭相接其實無他只要諸人識得長老是西川隆慶府人氏勒曰當舉衡石以正輕重堯封潛曰曆數在躬

五十四祖仰山祖欽禪師住龍興上堂曰一見便見

選錄和尚語錄古

選錄和尚語錄古

一七

一得永得展手曰撒開兩手大家看畢竟明明是何物潭州內外有一十八座城門白日行人千萬萬一任東西南北勒曰政有所伸也堯封潛曰洪範九洛風角鳥鳴

五十五祖天目原妙禪師普請上堂曰禪不在參道不在悟動轉施爲山嶽鼓舞孟八郎漢便恁麼太爭似西峰搬石運土勒曰不有怨也堯封潛曰追維疇昔如何可忘

五十六祖天目明本禪師示衆曰瞻在前忽在後竹鷄晝啼華鯨夜吼未了聽一言如今誰動口勒曰殊

出而共趨也堯封潛曰刻玉符者也

五十七祖聖壽元長禪師上堂曰貴買廬陵米大做鐵餒餒普請諸禪流堂中自吞啗阿呵阿聊表殷勤莫嫌冷淡勒曰以其能相勝乎堯封潛曰古者不下堂而見諸侯

五十八祖萬峰時蔚禪師久參三不是因緣一日聞舉瀉山踢倒淨瓶忽悟乃曰當日若還親看破如何不進劈胸拳勒曰厥功懋哉堯封潛曰得其人則振之也

五十九祖萬峰普持禪師一日問慧岳心不是佛智

文册

退翁和尚南嶽勒古

大

不是道汝云何會岳近前問訊叉手而立師呵曰在此許多時還作這個見解勒曰亦非人之能也堯封潛曰不知有漢無論魏晉

六十祖東明慧岳禪師呈解偈曰一拳打破太虛空百億須彌不露踪借問個中誰是主扶桑湧出一輪紅勒曰輒生惆悵堯封潛曰敢稽首布之

六十一祖東山永慈禪師于岳和尚兩掌下開悟乃展具珍重禮三拜而立岳曰居古道山三十載今日祇見得這僧勒曰不必關黎堯封潛曰使客舍灑掃以待

六十二祖高峰智瑄禪師久參東山慈和尚付添偈未有殺活拈來總現成之句勒曰二時上堂不得咬破一粒米堯封潛曰日精月華吞霞服氣

六十三祖金陵本瑞禪師參瑄和尚瑄問曰甚處人師曰四川瑄豎起拳曰四川還有這個麼師曰無瑄曰因什却無師曰非我境界瑄曰如何是你境界師曰不識瑄曰汝豈不是著空師曰終不向鬼窟裏作活計瑄曰西天九十六種你是第一種師拂袖便出勒曰老硬作禪和堯封潛曰一日復一日

六十四祖玉泉明聰禪師一日問馬嘶豁然大悟乃

文册

退翁和尚南嶽勒古

士

曰如斯之事如來明見無有錯謬勒曰敢不遠千里望風以來堯封潛曰何必華山之騷耳

六十五祖圓通德寶禪師上堂拈起拄杖曰有麼有麼一僧作禮師劈脊便打曰多口作麼曰某甲一言未措師復打曰再犯不容勒曰如斯爭奈何堯封潛曰豈是磨稜合縫底道理

六十六祖禹門正傳禪師常舉門前冷落車馬稀老大嫁作商人婦辨驗方來三十年衲子士大夫罕契其機勒曰迸散十斛堯封潛曰是風之始也

六十七祖天童圓悟禪師僧問如何是佛瀉的的大

意師搔頭曰老僧頭癢□□有奇特也無師展兩手
勒曰絕毫絕釐如山如□□封潛曰震旦無別路
六十八祖三峯瀉藏禪□□衆曰機先一向是汝諸
人安身處先機一着是□□人立命處其間左之右
之或伸或縮是汝諸人踏脚處末後一句是汝諸人
出頭處汝等諸人作麼生會勒曰若人辨得天下橫
行堯封潛曰不圖東天一隻西天一隻

退翁和尚詩集

三

退翁自銘

序曰崇禎八年乙亥四月先師三峰和尚定臨濟正
宗記付弘儲而記之曰藏于龍雲用出師吼貴宗有
有繼而起也命名弘儲命字繼起爲臨濟荷擔之嫡
子晚而自號退翁退者何於法運於自揆皆不宜進
而宜退故以退爲安曰翁自老之也物老而衰衰將
至而自老之者自悲之也自銘者何門弟子爲翁
營歸藏之地而翁憂其身後之文之不獲翁心也故
自銘蓋自世有諛墓之文于是有諛塋之文身後之
文往往文過其實翁恥之况槁立山林不應煩當世

支那

退翁自銘

一

大位君子經畫筆墨臨濟歿七百餘年綱宗未墜于
地弘儲躬承祖父提命不敢惜肝腦自暇自逸憂勞
四十年上觀千載下觀千載如印印空庶幾無慚稱
南岳宗孫爲三峰嫡子當臨濟三十二世生平無他
伎能銘不餘及銘曰

達磨之孫	不重禪定	解脫匪存	廟貌嚴靚
塋勢雄尊	弗關性命	循末討論	夙夜惴惴
羸立疲奔	請觀前聖	直截本根	四顧空淨
橫豎併吞	天衢絕徑	蕩蕩不痕	大機全勝
大用雲噴	斷際超倫	提祖父令	旋乾轉坤

鴻仰聲應 五宗始藩 我祖秉正 照用煌燁
機對飛橫 則有雲門 兩支雙動 同源崑崙
洞水澄泳 綿密粹溫 心王顧命 法眼開屯
藥因救病 茶苦戴盆 天闢不近 大哉宗原
單提古政 東國赤幡 多羅懸證 河注重翻
霧罷開暎 手拂朝暎 視者徒瞪 扼要弗煩
大方無諍 大文無倫 大聲無競 上報師恩
吳山青亘 具區可捫 向當斯定 爰有後昆
心心智證 乃真達磨之孫 辛亥夏孟 于雷
感軒 自銘瑤覽

退翁自銘瑤

二

南嶽勒古後序

二萬五千九百二十年天日交差一周天地開闢久
矣其經歷二萬五千九百二十年者凡幾若使創者
必在前襲者必在後則時遷而降各循前跡鴻荒以
後天地何賴伏羲以上非無文字至于伏羲而文字
立故伏羲文字天地之一開闢也軒轅以上非無甲
子至于軒轅而甲子定故軒轅甲子天地之一開闢
也當堯之時日在元枵九州波濤于是整頓名山大
川禹貢乃作故陶唐治水天地之一開闢也此以明
創者不必在前襲者不必在後也震旦禪宗少室創

退翁

退翁和尚南嶽勒古

二

之大機大用江西創之自臨濟創統汾州十智一創
東山昭覺法式各一創至我天童三峰埽蕩建立各
一創天下靈岳身集大成法運開闢前起丙子至于
今三十年拓萬古之心胸達磨以來震旦第六創而
南嶽勒古則又一創也南潛涼薄慄然懼不能少裨
益前人而命之同勒承命慚惕敬以禪宗之重賴于
開闢者告天下後世為法準任堯封寶雲院嗣法門
人南潛謹書



三峯藏和尚語錄後序

身中有生老病死念上有生住異滅荆山汴水堽火斷雲何故何新何憂何慮有截斷天下人舌頭底手脚不能教無舌人解語入不得夾山眼況我臨濟門風高多少濶多少三賢十聖望影神迷諸佛祖師聞聲膽碎你道甚麼人纔能于中自在縱橫神通游戲我三峯師翁所以未離天上天上震驚纔下人間人間搖動咳唾修羅絕種掉臂佛影無踪尚有葷鈍根阿師道棒喝闡佛祖之機玄要絕狐狼之跡我師翁笑倚長案閑臨寒水濟濟威儀蕭蕭動止六門虛靜

支那

三峯和尚語錄後序

一

心月孤圓萬法咸舒神珠炳煥如此說添豈有言路可尋如此利生那來功勳可立千古爲物作則惟此法王大寶歲辛丑八月望堯峯嗣法孫南潛稽首拜言

後序

三峯師翁開物成務之功振興摧闢之力發諸語言被諸行事嶸狀以應身大士來支臨濟其無師樂說之智辨如雲門其始終化迹又如雲菴雲菴天縱自狀定宗旨於黃龍師翁欲振起楊岐乃定名於金粟其悟門廣大說法如雲涌川決筆記者莫能殫書狀猶哀聚成錄得法語三十卷廣錄五十卷顧命時親持藁本以結集囑我和尚我和尚再拜而受秘重大法藏笥篋者二十餘年庚子中秋住雲岳慨狀念淳沱大宗定于隆祖隆祖得真子應菴與妙喜並驅不

支那

三峯和尚語錄後序

一

再傳漸見衰落其間雖有仰山天目崛興爲一代龍門瞿狀視其後終不甚昌大逮金粟悟祖與我師翁一虎步于前一龍驤于後從上綱宗致廣大而盡精微莫之有加今據大宗之庭宜事結集卷軸浩繁摘要四編曰三峯和尚語錄蓋取渾金璞玉不事雕鐫應物垂慈楷模百代若夫險崖慣授鍊壁孤撐或渺狀如雲漢之高或浩狀若江湖之決波騰浪覽魚龍盡逃其方地轉天迴鷹隼旋失其勢海水一滴全用百川于此人門堂奧斯在嗚呼我和尚之心亦苦矣雲岳當四街八達之衢接納煩劇未竟既諸今辛丑

夏來金粟始克成之命予小子叙其後不敢辭乃再
拜稽首志其歲月靈岳嗣汾孫曉青盥沐敬書于金
粟首座寮

文淵閣
藏書

三峯和尚語錄
卷之二

晦臺元鏡禪師語錄

明

•

覺 晦
浪 臺
道 元
盛 鏡

編 撰

東苑鏡禪師語錄序

予昔與袁石公兄弟論唐宋風之盛何元及我明如此寥落之甚石公云彼時禪宗之初人皆以發明生死大事爲急沿於元明之間則人皆以操弄機鋒拈頌竊取師承出世以爲教外別傳之心法止是耳如葉公好龍安在有真龍之可好哉予以爲至論然於宗旨諸訛偷心起滅而此真疑終未頓豁亦未免因循其歲月矣去年遇龍湖浪大師因請益五家門庭宗旨及壽昌和尚中興祖道之事師肆口所談縱橫自在開廓幽隱目無全牛至於末後畢竟拶予到偷心路絕八面無門處予乃恍然神解直欲一拳拳倒黃鶴樓也師復以東苑和尚語錄示予曰公看我師之宗旨與作略何如予反覆其意句之微手眼之別乃知真正師資授受之際的有活意決不畫地爲牢令人參繫驢橛予與一等捏怪機鋒鹵莽棒喝賺誤後學者同而能使人憤地悟入也蓋其過關之作手自能應機接物著著有轉身通氣或致之八達衢頭或致之懸崖萬仞使彼自尋出路自斷命根其徹

困相爲有如此者豈似近世相襲故套而互相鈍置者哉噫予今日乃知東苑有壽昌爲真父有龍湖爲真子將見石頭鉗斧重破天荒而嵩岳曹溪之山高水長矣是爲序

崇禎丙子佛誕日楚黃學人李長庚拜題

建陽東苑晦臺鏡禪師語錄

浦城夢筆山嗣法門人 道盛 集

泰昌元年庚申冬於建陽一枝山開堂結制

師拈香云此一瓣香端爲祝延

今上皇帝聖壽無疆 皇后齊年 太子千秋恭願
皇圖鞏固帝道休明四海雍熙萬拜和協此一瓣香
奉爲先檀越主泗泉余翁期主繼泉猶龍及諸護法
伏願福等須彌無有上究竟本來成佛道此一瓣香
奉爲虎嘯騰空杲和尚潭陽豫齋趙居士用報當年
同識金鱗猶未變翻波躍浪却神奇大衆且道末後
者一瓣香從何處得來從諸佛頂門得從諸祖鼻孔
得曠古至今用之不盡專爲供養

中興洞上正宗江西壽昌無明經公本師老和尚用
酬當年把守玉關語禁度獨許白雲自去來乃攝衣
就座維那白椎師良久云還有會者一椎者麼僧問
第一義諦已蒙和尚開示畢竟作麼生是今日出世
一句師云一江風正孤帆度萬里無雲片月清進云
如何是建化門庭一句師云天涯靜處無征戰金氣
銷爲日月光進云如何是接待諸方一句師云天花
雨不盡處處鳥銜飛進云如何是勘驗諸方一句師
云借問承恩者雙蛾幾許長僧禮拜余繼泉居士問
臨濟道第一句中薦得堪與佛祖爲師第二句中薦
得堪與人天爲師第三句中薦得自救不了請和尚
指示如何是第一句師云咬破鐵崑崙進云如何是
第二句師云空王腦劈裂進云如何是第三句師云
正月朔夜看圓月居士欲禮拜師云且從容我亦有
三問若答得許你半開眼若答不得此事莫作等閒
看士云請和尚舉師云作麼生是無始劫來一念不
生底士云三七二十一師云作麼生是二六時中受
用底士云長安風月貫今昔師云作麼生是生死關

頭打破的士舉拳云齊漚師云不親切更道士云請
和尚自道師云你一一問將來士云如何是無始劫
來一念不生的師云的當又的當進云如何是二六
時中受用的師云分明甚分明進云如何是生死關
頭打破的師云莫作夢士云也只好八成師云老驥
伏櫪志在千里烈士暮年壯心不已士禮拜師云古
木林中多異獸爭似當陽獅子兒又一居士出問如
何是末後一著師呵呵大笑士沉思師叱云擬議即
不堪我者裏更有勘驗方來底句你試道看作麼生
是關內句作麼生是關外句作麼生是非內非外句
作麼生是內外兼收句作麼生是未過關一句作麼
生是已過關一句作麼生是翻身跳出一句士擬議
師揮尺一下士無語師云傷心江上客不是故鄉人
又一士出問法華云治世語言資生產業皆順正法
祇如弟子眼見耳聞色空明暗盡屬見聞覺知乃至
上代祖師棒喝交馳擎拳豎指瞬目揚眉總是鬼窟
活計如何是正法請和尚直指師云滿瓶白沸湯那
知皆毒氣士無語師云念汝不是作家饒汝三十棒

士禮拜師云。道法本無多。南辰貫北河。都來三七字。降盡鬼神魔。乃良久顧衆云。會麼。老瞿曇。一生黃金高北斗。買不得箇人一笑。及至末後一枝花。惹發飲光特地觀。破却將從上祖宗家產。一時俱籍沒。却究竟有甚麼風流。正恁麼時。我試問你。英靈男子。自有本分。不爲人欺瞞。底活計。又當何如。咦。使下座。

結制上堂。偈問重開壽昌爐。轉新拈東苑。鍵鎚風。既高猛。烈難近。設有不入保社之維那。自叩牙關之首座。到來和尚當作麼。生處分師云。無欵。目招承。且置門牆下。進云。今日乃親見黃龍峰。別出一枝真奇特。也師云。孟八布衫未穿。張三瘦肘已露。僧禮拜曰。小出大遇也。師微笑。乃拈拂子。拂云。諸兄弟。快著些精采好。爲他閒事長無明。兩兩三三爭遠程。不許夜來剛把火。大家吹滅暗中行。正當恁麼時。汝等還自知此落處麼。還可自瞞與瞞人得麼。不見趙州問投子。大死底人。却活來時如何。投子云。不許夜行投明須到祇者。兩占佛一箇。侯白一箇。侯黑直饒到病僧門下。且教酌水獻花。緩緩與他箇節度符子去。乃知

一枝別有家法。在何故。橫按鎮邪傳。正令太平寰宇斬癡頑下座。

上堂。師囑一囑云。此是西來碧眼胡。無端留下者種毒。唐宋之間。不知害殺了多少人。爭奈遭他毒氣。不能拔近世。忽然突出壽昌老風狂。播弄一番。今又沒不識當年何所歸。還有知碧眼胡與老風狂底面孔者麼。復囑一囑云。莫認驢鞍。驕作阿爺下領下座。冬至上堂。召衆云。還有知天地間底司命所在者麼。咦。節候今朝是冬至。一陽之氣內生。羣陰之氣外發。正當嚴冬時也。大家意作麼。生備禦去。若論世間富貴之人。則紅爐煖閣。去狐裘美酒。去且我等法門弟兄。喜生閭中溫煖之地。靜則破衲蒙頭。密室宴坐。去瀟灑則三五圍爐茶話。去復相借問。貴人出使外國。富人作客他鄉。或在半途時。如何生。在邊地下賤時。如何。卽今罪人關在牢獄。無衣無食。時如何。乃至陽受福盡。墮在寒氷地獄時。如何。此是慙念他苦。猶緩一步設身處地。當不易。大家莫自相瞞。謂此等苦我輩無分。現今套在金剛圈子裏。儘力跳不出。能免六

道輪迴乎。且道畢竟作麼生。便得出此牢籠去也。有現在圈子裏。不爲寒暑往來苦樂所干者麼。也有現在圈子裏。而能遍諸國土。作佛事者麼。若有恁般奇特事。當何所在。可令得見。汝豈不信。西天波羅提尊者。爲異見王說的偈乎。彼道得甚明。在胎爲身。處世爲人。在眼曰見。在耳曰聞。在鼻辨香。在舌談論。在手執提。在足運奔。遍現俱該。法界收攝。在一微塵。識者知是佛性。不識喚作精魂。師復云。者老漢抖擻此屎腸。堪作何用。祇如今日。如何又重搜此毒氣。嚮下交長。且聽來曰。

臘八上堂。釋迦牟尼佛於此日。悟道。普見一切衆生。成佛。正當是時也。諸人還曾見也。無若說見好與三十棒。若只色見。我以音聲求我。是人行邪道。不能見如來。作麼生說見。若說不見也。好與三十棒。若人欲了知三世一切佛。應觀法界性。一切惟心造。何法非心。何見非佛。作麼生說不見。畢竟作麼生得不喫棒去。雖然路逢死蛇。莫打殺。無底籃子。盛將歸。若會此意。莫與此棒商量。汝若不會。到來函谷愁中。月歸去。

磻溪夢裏山下座

除日上堂。僧問。壽昌老和尚。臨七十歲。夜示衆云。今年只有斯時在。試問諸人。會也。無此莫便是。老漢先分付底。末後句。否。師云。杓卜聽虛聲。睡熟饒。語進云。在新長老分上。又作麼生。師卓拄杖云。擊破寒潭月。癡猴何處窺。進云。作家親父子。別有不傳傳也。師云。靴頭綻線。脚指何知。僧禮拜。師乃云。百歲翁翁失却父。當堂獨坐沒尊卑。東邨王老夜燒錢。打鼓小兒失却。槌到者裏。生死誰知。折合性命。作何所歸。蛙盆打破。嗽嗽。聞莊周夢蝶。亂飛飛。噫嘻。燈籠露柱。護自依稀。

天啓元年元日上堂。師云。會麼。今朝有三般勝事。大衆須當慶贊。非常且道。是那三般勝事。恭惟今上皇帝。至聖至明。新登寶位。正當元正。啓祥萬物咸新。是爲第一般勝事。我等正當山呼天子萬年。與日月同其悠久。是爲第二般勝事。其第三般勝事。卽今一枝法道。大與往昔不同。昔者每勸一切行人。捨此身命。勤修六度。萬行度脫。衆生經無量劫。直至一切功。

完滿莊嚴方成佛道。今則不然。但教諸昆仲不離當念。卽得備行。不可說不可說。佛刹微塵數諸大菩薩。種種清淨妙行。乃至滅度無量無數無邊衆生。寔無衆生得滅度者。何以故。乃彈指云。一元和二佛。陀自餘是甚碗。隨丘一等瓠瓜茄子。那知與大唐天子。只三人乎。良久云。將謂則有奇特。噫。有則有。說破不值半文錢。祇好山呼賀萬年下座。

上元日上堂。師良久云。祖意分明漏洩。誰能直下承當。若欲別通一線。便落第二門牆。離境未嘗自得。對境又多錯忙。未可怪諸散誕。及居鄰城隍。其能不逐風景。轉且似今日上元。又值春回。良爲世間歡樂未央。假使今夜月明星燦。兼照百千燈。無限佳人才子。及諸流人。同時遊玩。金吾且喜不禁。玉漏誰爲主張。不待遊人情興盡。眼前景物已銷亡。得意翻成寂寞。孰能到此悟無常。我今慰爾諸人。謾躊躇可細思量。還剩得明歷歷者。點孤光。被他日月燈明佛。特地瞞頂一上。還有心不負人面。無慚色者麼。咄。田庫奴喫茶去。便下座。

壽昌諸法屬請上堂。師顧左右云。起動諸耆舊了也。呵呵。呵渠儂失却五輪半。隔壁幾曾上筭盤。此處無銀三十兩。何妨千古弄痴。酣未容易莫輕談。世間多少鑿壁偷光。借影過關。與有節度使符子底。有甚相干。惟我此中。以法爲親。底自能如揚修之見。幼婦不容已。于喜歡下座。

上堂。師良久云。還會麼。千古萬古事。當不得我眉毛。縱一縱當不得我額頭。點一點當不得我拄杖子。卓一卓當不得我震聲。喝一喝。你若不會。燈籠露柱。替你下涅槃堂。且道爲甚麼如此。噫。立地死漢。有甚麼救處。下座。

上堂。師召云。大眾。正當恁麼時。誰不全身都在裏許。乃伸手云。爲甚麼汝等性命。在老僧手裏。衆無對。師又云。爲甚麼釋迦老子性命。在汝等腳跟下。衆又罔措。師乃撫掌云。風煖鳥聲碎。日高花影重。解制辭衆入山上堂。孤亭獨望春山遠。九曲清清日夜行。且喜風光流不盡。垂楊堤畔月初生。大眾一結一解。原是千古風規。一住一行。要且機緣有自。山僧

今日對衆分付拄杖子。欲向千萬峰頭去也。大衆再四勸請。爲法久住。師曰。大衆向我拄杖頭邊。道得一句來。山僧卽住。衆擬議。師卓一卓曰。從來共住無人識。長嘯一聲歸去來下座。

小參度九曲之蛛絲。驥驥不如小蟻。採羣芳之花密。鸞鳳不及微蜂。以故聖人能各任天下之才。而全造物生成之德。須知更有向上一機。在祇如乾峰云。舉一不得。舉二放過。一著落在第二意。旨作麼生。不見雲門道。昨日有人從天台來。今日却往徑山去。若向者裏會去。則明日典座不得。普請正如函蓋相應。若是不會。直饒衆流截斷。依舊南斗七。北斗八。木馬加鞭。橫兩腿。鐵牛買索。莽低頭參。

小參古人道。從天降下則貧。窮從地湧出則富。富貴的不值一文。貧窮者萬金不換。山僧生平赤骨律。不曾見有從天降從地湧。只有一雙空手。不論是富貴是貧窮。到來者與他一擲。何故我旣賞罰分明。他自萬機寢息。

會心園示衆師云。誰曾會得心來。以手左邊拍一拍。

云。可惜許復云。心又作麼生。會以手右邊拍一拍云。可惜許復云。今日山僧到者裏。又作麼生。與諸公話。會乃豎起拳云。可惜許。張居士問。好箇可惜許。爭奈知音者少。師云。月上千峰暗。又明。士云。穿却人鼻孔也。師云。何得自招。士云。且放過。大師師云。山僧罪過。士禮拜云。黃龍峰頭親切句子。還肯示人麼。師云。居士也是杓卜聽虛聲。士云。大師又怎麼去也。師云。何故把髻投衙士云。太爪牙生。師云。低頭看星斗。士禮拜。

靜觀堂示衆溫陵黃孝廉問。大師還曾過洛陽橋也。未師云。拄杖頭邊看取。廉云。怎麼則作家慣弄者。條蛇也。師云。也須防他始得。士云。大善。知識不放過處。正是恁麼。師云。不必分斤較兩。師乃云。洛陽橋上太煞風流。拄杖頭邊誰能慣弄。不須防處而入得切忌。較兩分斤。就中別有希奇。還他傍觀具眼。祇如柯居士適間問達觀老人。園中公案。還有人判斷得者麼。山僧重爲下轉語去。祇爲分明極。翻令所得遲。黃華示衆。舉韓文公參大顛於三平。言下有箇入處。

師云。文公饒湯無冷處。欲求一杓清涼。大顛於劍樹挨身開一綫活路。三平却於門牌子上刻老虎駭他。癡人文公又於急水灘上打毬子。總是滾去果的。的能於生死結交處。一眼覷破許他。把手並行。不則瞎聽逐大隊徒自墮坑落壑。且道如何是生死結交處。一眼覷破。彈指一下云。料掉沒交涉。

壽昌先和尚忌日示衆。師召大衆云。當知此老生前無甚奇特處。利有四般骨董。名馳天下。爭奈如今落在貴公子手。却將方竹杖。規員古銅瓶。鍍金水墨畫彩粧。斷紋琴。漆過若使時人看見。不妨精美。但不可使作家見。作家見時。如何隱便歸方丈。

拈頌偈贊

舉世尊初生。一手指天。一手指地。周行七步。目顧四方。作師子吼。曰。天上天下。唯我獨尊。後雲門云。我當時若見一棒打殺與狗子喫。貴圖天下太平。

拈云。果恁麼。那見怪不怪。其怪自敗。可笑後世尙有向虛空著檝者。

頌云。天下無端却有端。橫拈拄杖獨盤桓。分明舉

似渾多事。千古其誰不自甘。

舉世尊於雪山六年苦行。臘月八夜。觀明星豁然大悟。

拈云。初生時。目顧四方。祇應是瞎。不然何到此夜始見星。直饒見得個。便分明。正是瞎處。

頌云。不向龍床放脚眠。却於雪嶺夜觀天。誰知換斗移星手。賺殺古今眠不全。

舉世尊於靈山會上。拈花衆皆罔措。獨迦葉破顏微笑。世尊云。吾有正法眼藏。涅槃妙心。實相無相。法門付囑於汝。

拈云。大小世尊。歷事已多。豈不知天下利器。不可以示人。而且不善藏其用。

頌云。磨劍生平未敢輕。終年始遇一豪英。脫然分付。堪何用。天下從茲不太平。

舉世尊集會畢。各散。獨一女子得近佛座。文殊不知。問佛。佛令文殊出其定。自問之。文殊極盡神力。不能出。佛云。下方有罔明大士。能出之。須臾罔明至。以一臂指女子。即出定。

拈云者一隊漢大似沒奈無事何却乃各自賣弄作消遣法也。噫爛泥中有刺我若見女子出定便問汝入底是甚麼定待女子擬對便一喝云者野狐精更在者裏作怪那教他立地尿出始快。

頌云困人天氣半晴陰。窗外黃鸝送好音。睡起不開梳洗事。却於花下拭瑤琴。

舉達磨大士西來面壁於嵩山少林九年六遭服毒不死遇神光立雪斷臂以求法。師憫之因名慧可。可問弟子心未寧乞師爲我安心。師云將心來爲汝安。可曰覓心了不可得。師曰爲汝安心竟久之。師知機緣時熟乃命諸門人各言所得。獨可於末後作禮三拜依位而立。師云汝得吾髓。

拈云西來面壁不妨令人疑著。末後分皮分髓者一場敗闕。又誰能救得。

頌云夜來獨自上西樓。却喜新秋月正幽。試把玉簫吹一曲。惹他多少客心愁。

舉青原見六祖問當何所務。卽不落階級。祖曰曾作甚麼來。曰聖諦亦不爲。祖曰落何階級。曰聖諦尙不

爲何階級之有。祖曰如是如是。善自護持。

拈云一箇氣字如王。一箇乾坤坐斷不免把手。上山脚跟被人一眼覷破。我若作六祖見他問當何所務。卽不落階級。卽喝云者擔糞桶漢在者裏作麼。若作青原見六祖云曾作甚麼來。便撫掌云者老漢猶作寐語。在豈不使曹溪一路別有風光。頌云自憐炤盡體無依。轉入曹溪話祖機。相對清風拂白月。庭前花落鳥銜飛。

舉青原命石頭往南岳下書頭到南岳卽問不慕諸聖不重已靈時如何。岳云子問太高生何不向下問。頭云寧可永劫墮沉淪。不從諸聖求解脫。拂袖便歸。青原問見讓和尚何如。曰書亦不通信亦不達。去時曾蒙和尚許一鉏斧子住山。卽今便請原垂下一足頭便禮拜。

拈云師子教兒別有拋擲者。箇鉏斧何處摩挲。然青原南岳二老皆有放過處。我於不慕諸聖不重已靈時如何。下代南岳便與劈脊一棒云你還熱碗鳴聲在使他別作生涯去。又於子問太高生何

不向下問下代石頭即大喝云者爛冬瓜老漢堪作甚麼如此則不待歸來使青原鉏斧更不露鋒芒也

頌云纔出龍門入虎房男兒到此自昂藏歸來奪得阿爺斧劈破東西一路荒

舉南岳見馬祖在庵前石上打坐乃以瓢在彼處磨祖問岳磨磚作麼岳曰作鏡祖曰磨磚如何作得鏡岳問上座在此作麼祖曰坐禪岳曰坐禪圖箇甚麼曰圖作佛岳曰我磨磚既不可作鏡汝坐禪豈可作佛祖乃問如何即是岳曰如車不行打車即是打牛即是更示以如下種子及彼天澤機緣合故自見其道云云祖乃徹悟

拈云良駒曾出廐不妨鞭影重重若較之日後棒喝交馳早已周由者也不少雖然彼時宗門創發大機固已如此一等專取於莽鹵迅捷一路又何能跂及古人

頌云磚既磨兮車已行馬駒心眼自精明界然踏殺人無數可笑西天識恁靈

舉德山一日飯遲自托鉢向僧堂去雪峰見曰鐘未鳴鼓未響者老漢托鉢向甚麼處去德山不語歸方丈峰舉似巖頭頭云大小德山未會末後句在德山令侍者問巖頭汝不肯老僧那頭密啓其意明日德山上堂果與尋常不同巖頭向法堂前撫掌云且喜老漢會末後句雖然如是也只得三年活山果三年示寂

拈云天下事不皆如此好看他父子利害處頌云樓巢之恨其來久底定豈應尚未消聖智從來資竊盜不將符印作良謀

舉趙州因僧舉臺山有一婆子凡問臺山路向甚麼處去婆云蘆直去僧纔行婆云者箇師僧又恁麼去州云我爲汝勘破者婆子州亦到彼處如此問婆亦如是答州乃歸舉似云我爲汝勘破了也

拈云者箇臭老婆不特捉敗天下行脚衲僧即諸方坐曲彘牀底老漢無不捉敗也且道趙州自謂勘破還出得者婆子圈橫麼逢人不得錯舉頌云百城煙水各深參何似臺山一指南趙老不

辭重下。概大家無地著羞慚。

舉洞山已悟。無情說法。欲別雲巖。因問此去有人問。還選得師真也。無作麼生答他。雲巖良久云。祇者是。山沉吟巖云。价闍黎承當箇事。大須仔細。後因過水。觀影乃大悟玄旨。

拈云。雲巖老漢。滿口毒氣。觸著即喪身失命。爭奈鈍置不少。何不待洞山問。便推出去。洞山若是箇猛烈漢。見他良久。便掀倒禪牀大笑而出。則此後更不作怎麼去也。

頌云。眼裏聞聲已隔津。機前觸忌更傷神。護身符子俄拋却。拈得龜毛殺活人。

舉太陽已付囑多人。皆先化去。而浮山原嗣葉縣亦久得師法。太陽乃以頂相皮履及偈付浮山。爲代求人續此洞宗。山果得投子青深契宗旨。卽以太陽頂相皮履偈及自作偈有須彌立太虛。口月輔而轉羣峰。漸倚他白雲。方改變少林風起叢曹溪。洞簾卷金鳳宿龍巢。宸苔豈車輾以囑之。爲太陽之嗣。

拈云。接木生花。妙於種性。春力浮山一賽。兩彩處。

看他金鳳宿龍巢之旨。何奇特非常。

頌云。放去收來有大機。到頭底定最危微。空中推出須彌頂。風卷嵩簾洞上暉。

舉壽昌初參廩山。舉金剛經有省。山曰。宗眼不明。未爲究竟。後因閱僧問興善。惟寬禪師如何。是道寬曰。大好山。僧云。某甲問道。師何云。大好山。寬曰。汝只知道好山。何嘗達道。昌頓發疑情。八閱月。偶搬石不能舉。乃盡力搬動。忽然大悟。曰。欲參無上菩提。道急急疏通。大好山知道。始知山不好翻身。跳出祖師關。卽呈似廩山。山再勘驗之。乃爲印可。

拈云。者老漢山有甚麼好。若不是者大好山與你。怎麼敢保。驢年也未夢見在。

頌云。白蛇當路果能誅。赤眼英雄別一圖。一自鴻門離虎穴。暴秦強楚爲先驅。

五位正偏頌

正中偏。鷲地轟雷震。九天石火電光追不及。阿誰頓悟觸骸前。

偏中正。相逢不許看秦鏡。儼然把手上刀山。是甚那。

伽常在定

正中來木人石女舞三臺萬國謳歌忘帝力將軍印

劍絕烽埃

偏中至入魔入佛全悲智太平寰宇長擬頑鐵牛耕

盡黃金地

兼中到尊貴天然誰敢道相續從來也大難同時不

識祖宗妙

三立三要頌

第一立那知東土與西天少林謾自分皮髓鐵壁銀

山也教穿

第二立赤肉團邊下痛尖推去無端乾矢橛茫茫何

處著恩冤

第三立紫羅帳裏不輕傳當機拶著無逃處捉敗原

來不值錢

第一要古佛留心不得妙相隨來也有些些異類中

行無朕兆

第二要本分何勞尋草料信手拈來殺活奇擬議承

當俱失炤

第三要朱點印開成別調機前陷虎那容看死盡偷
心須發笑

因僧問洞山爲甚麼立此五位師云也是閒
家具進云如何又以他爲宗旨師云你道佛
祖之釘橛是誰出得復示以頌

選得真來何正偏好於功位揀邪禪非功不破羣迷
執無位何銷衆智權功位轉來明體用正偏兼到別
幽立當鋒殺活誰能構向上機關不可傳

僧又問臨濟爲甚麼立此三立三要師云也
是開眼尿牀進云悟此立要旨者如何師云
吹毛劍在甚麼處亦示以頌

喫得棒來何要立應於照用展機權言前得意超立
旨句下明宗出要詮人境奪來全體露主賓薦去大
機旋衝流度刃適時變棒喝從茲有別傳

上壽昌老和尚七旬大誕頌

箇赤窮身無賣處祇應滯貨到驢年逆兒設法不能
供潦倒那堪更壓拳

別東苑歸隱武夷

十年幽夢不能成。一片寒心空自盟。長嘯數聲歸去也。奇峰六六杖頭生。

盛子於壽昌有故遁去

來沒頭兮去沒尾。斯兒箇是白拈賊。平生慣向鋒刃行。性命幾希誰識得。

盛子寄子有藥將留毒達磨句因示之

包藏禍心終自毒。於今那討彼流支。平地風波空自湧。誰能折葦浪頭吹。

寄示黃巖法海量子

幽棲固是多閒日。幾度看山青又黃。記取峨峰好言語。莫教者等過時光。

虎嘯洞先師龐公創也師沒卽藏其靈骨于

洞巖之麓今特以洞囑吾盛子棲之

三十六峰峰不儔。巖巖虎嘯獨高幽。先師靈骨今猶在。洞上風光子好放。

馬枕蒼竹嶺閒吟

我無故友閒而憶。雖有古人憶亦閒。不若提鋤栽竹子。看他蒼漪拂蒼顏。

石屏巖新構室

平生不識龜藏六。偶爾身同木石游。一片浮雲無住著。今朝又挂碧山頭。

甚矣吾衰不復歎。歸與小子孰盤桓。峰前喜有耆痕月。足使清光萬古看。

猶龍居士偕諸友過訪

博山前日有何示。請試如今舉似看。微笑不言還當否。機先莫被舌頭瞞。

示周弟

父母非親誰是親。不能相待果何人。擬前問我隨聲喝。驚地打交快轉身。

示道延參主人公

分明是你向人討。火是燈兮知不早。吹教滅時又若何。夜半龍潭難報曉。

晤福唐臺山葉相國

昔曾親訂此商量。特地相逢笑一場。灼灼髣髴珠誰自肯。宛陵千古發幽光。

偕丘文學過能始曹觀察石倉

六六峰前已展眉。扣舷曾和隱屏詩。聽泉閣上重敲唱。賺殺浮山一局棋。

偕盛子寓鳳皇亭中有真覺大師像

古榕城畔倚孤筇。俯仰惟思老雪峰。三箇木樵誰解弄。怪他船上釣魚翁。

遊羅山法海寺有感

常懷昔日羅山老。把斷巖頭也大奇。不肯兩師當路虎。箭穿紅日許阿誰。

登烏石山

老觀當年誰叩門。雪峰拶入幾忘魂。望州亭子今相見。多少禪流此躲跟。

遊平遠臺示支提僧

五百天冠門口稱。當頭一棒不容情。天台牛跡誰曾見。孤負寒山草裏行。

舟泊延津喜遇壽昌來僧得聞老和尚消息

來自西江不問他。黃龍老子近如何。鰲頭比日偏多力。百丈風流奈若何。

芝城會張存三柯賓明二居士於靜觀堂

久已神交有二公。碑文白字更誰同。霞從海岳尋知已。楊李如今占上風。

戴今梁觀察過訪

庭前花夢莫相瞞。何事靈山笑裏看。一曲玉樓山月曉。是誰無語試春寒。

晤曾心藥太史於沈園

道學頭巾笑卓吾。才高氣俠謾相摹。大蟲兩箇今相敵。捉敗還他老赤髭。

偕柯氏伯仲登黃華山譚及蘇眉山事

莫疑今人與古人心。心聖者此精神。眉山不解生毛角。應看柯亭誰鳳麟。

寓柘浦會心園張存三黃心鏡二居士過訪

柘浦久傳肯肯堂。高懸心鏡是今龐。張公喫酒黃公醉。吸盡西江誰不降。

重晤故人識源師於夢筆

僊亭山上笑何奇。七歷星霜復展眉。多你看花非是夢。剎竿別有好風吹。

題茶山人張存三居士九九山房

前三三與後三三存此三三何處安牛頭沒忽馬頭
南無著文殊讓對談假鷄聲韻難瞞我未肯糊塗放
過關如何是不肯放過處呼張居士喫茶去

示盛子弟張季玉瑋秀才

出世性命難爲兄處世孝友難爲弟吾道儼然一貫
之誰云真諦非俗諦眉分八也雙眼開胸藏正兮中
心契牟尼莫逆於仲尼共乳同胞斯可據

禮慶山老祖蘊空忠老和尚塏

秋山曉日古木寒鴉與嵩少青黯處指點何異於宗
鏡老拄杖去誰辨話訛返擲三千里外故園春暖飛
花鼓弄箇裴行者如獍獠猛利拗折卮黃龍角能別
出爪牙阿呵呵不肖兒孫漫撒沙灼然債有主兮冤
有家新豐一曲丹霄遠千古吁江發浩歌

禮壽昌本師經老和尚塏

嗚呼蒼天昔年拜別付囑儼然信知卮著末句尤玄
策霜筇而獨返念風木以何憐詎意祖庭不弔推我
好山倒焉泣血奔命踢破飛鳶分明指示九鼎絲縣
不禁逆兒後至此跌還自露尖換手提胸誰忍痛鷄

足峰頭啼夜猿嗚呼蒼天

壽昌老和尚真贊

掀翻大明國中那討者般閒漢只提一把鐵頭逢著
教他兩斷卽有不用命者奪其機終是無因難作伴
如今又供養渠作麼生正要留與兒孫冷眼細見得
慣

董巖雲陽老和尚真贊

壽堂一脈來自斗峰道覺接之以及雲翁於董巖開
勸保社臨濟眼光久已落地猶踉蹌跳在不知瞎驢
逐大隊若箇親逢

虎嘯巖麗空老和尚真贊

師資相遇兩何所圖就中一點不敢相孤武夷置之
城高幾乎悞落九溪却能激我轉身去千里橫行端
在初

潭中趙豫齋老居士贊

學出良知修身爲本作倡建南言行深穩全家荷負
董巖遠近盤搖珠滾撥轉不二關頭千古誰能標準

余泗泉老居士小像贊

創出僊亭一枝。迥來南海香像。發機於紫臺。老疑問風幡。受命在壽昌翁親喫喝棒。只知良賈深藏。正是誨人大匠。看他脚下兒孫。却也當仁不讓。

自題

生平一無所長。心上偏多傷感。一肚不合時宜。誰能狐媚鼠碗笑他。與賊過梯。何曾於魔作悍。不如高臥山丘。獨自歌此單板。便是老儂行狀。無待後人結款。

又

祇有蒼漢庶幾與老儂知己。而老儂又何待知己。君不見嵩山一片面壁石。儘教千古。人與他註脚。何曾死在千古。人註脚裏。

予方隱武夷盛子請予自題真

二十年來我自己討面。孔不著。直至於今。成得箇孟八郎。當無依無泊。無端撞著你者。沒巴鼻浪子。向我面前摸索我。呼你。速道你。却奪我拄杖。喝我一喝。更是沒有下落。唳錯錯。

余道綱繼泉居士圓相贊

咄。者是那裏得來。豈容憑空胡寫。賺殺三教渠儂。討

甚之乎者也。到此不能捉敗。只恐家有白澤之圖。偏惹許多妖怪。相假借。

附壇銘

武夷第一代禪祖東苑鏡公大師壇銘并序

宗門獨貴。具擇法眼。而能得人。傳雖久不絕也。初祖西來。分皮析骨。得一神光。爲此方法。髓黃梅不付秀上座。而授能獠。獠南岳。激一馬駒。踏殺天下青原。接一石頭。滑殺天下五大。宗師皆拔於非常中。故能建立門庭。自我作祖。風穴懼議。將止不許。鶻鳩樹上。歸而肯動。容揚古路。太陽憂嗣。不繼。乃以頂相囑遠公。代焯楊廣。山頭草。濟洞二宗。於是乎懸絲可續。使仰山雲門。法眼三宗。下皆能得人。何致今日。祇見二株之久。昌昌耶。近世濟洞。雖微。尙有人。至於能使洞水逆流。如壽昌。而又得人。傳其眞眞。而必可久者。誠千古中興之祖也。自壽昌掃絕流弊。獨唱祖機。而諸方尊宿。聳耳而驚。乘風而起者。駸駸然。首得博山。繼得東苑。如圓悟之有杲。有隆。一顯一晦。其東苑亦瞋睡虎之難窺。手師諱元鏡字晦。臺別號湛靈。閩建陽馮

氏子生于萬曆丁丑六月廿五日。師天資穎拔。年七歲。習詩書。篤于孝友。厭聞名利事。少慕姚江。良知之學。因謁趙豫齋居士。得開發性命事。參董巖諸老。甲辰年。禮虎嘯麗空杲公。剃落深究楞嚴。知見無見之旨。遂求決于寶方無明和尚。呵爲墮大險坑。乃驚良知之學。無知之見到者。裏用不著也。於是奮極參尋。五燈宗旨。苦幾死。及閱維摩至此室。何以空無侍者。而諸佛國土亦復皆空。言下大徹。復於行解不相應處。忽起諸礙。因讀圓覺。隨順覺性。章乃疑情永拔。是年庚戌。竟往壽昌。求質正于和尚。復呈偈曰。識破不值半文錢。可憐摸索許多年。宗流盡是欺心漢。說甚祖師別是禪。昌以趙州何處。勘破婆子話。再驗之。師云。和尚莫作怪。昌大笑曰。參禪要到者。一著子。始不受人牢籠。因囑曰。子從此深隱去。自有機緣成就。若強出爲人。便可惜也。卽付偈曰。正印相持時刻。慎逢人唯勘印。其心弗依軌範。通消息。祇驗生機。是志真。上下來因無忽略。始終去就有誠明。天然未具通方眼。決勿私饒。冒感承向後逢人。當依此旨。師拜受而

歸乙卯年。博山來公入閩。大仰開堂。師特訪之。相見。次山曰。禮佛著師。端立山又曰。禮佛著師。把住曰。那箇是佛。山曰。者是那裏來的。師拓開曰。者是那裏來的。山就座。師大笑。便出。復曰。不可草草。再具威儀。相見。茶次。山曰。聞師兄親見壽昌。且道壽昌和尚當年命根。斷在什麼處。所師壁面一掌曰。在甚麼處。所山不對師。便出。山乃曰。可惜放過三十棒。山卽日上堂。師將出。衆山卽呼曰。晦臺。復曰。誰叫。你師出。震聲一喝。山曰。取棒來。師曰。此是宿食。不必拈出。且道馬祖一喝。百丈三日耳聾。是那三日。山曰。秋風多帶殺。秋露愈加寒。師拂袖歸。衆山曰。你只學得走。師不顧。丙辰。覺浪盛公。因董巖親依博山。大師受具。後特往江西。參壽昌和尚。道經書林。訪故人余繼泉。因遇師。師問曰。公在董巖。曾聞博山拈提維摩經不。曰。曾聞。師曰。彌勒得一生受記。作麼生。曰。大有人疑著。師曰。你又恁麼去。盛公異之。向火次。因學僧問古尊宿劫火洞然者。箇壞不壞。有云。壞有。云。不壞。此意如何。師曰。你又恁麼來。盛公遂折節。過冬時。方病苦欲死。師親

調藥餌療之有間。師輒細究其平生參證處及徵詰五家門堂差蒞之旨。盛公披其所見。師感歎曰。不期子乃能深入此秘密法門。吾壽昌者。枝慧命。屬子大振去也。因以壽昌宗派并書偈付之。盛公拜受。用年隨師往慶壽昌和尚七十歲。昌特勘驗而印記之。亦自深喜。末年得此托囑。復示師偈曰。信知自有那一著。直候機緣純湊。泊不假思議。聖凡安樂。忘斟酌受用。寬廓明年戊午正月。昌示寂。師向因書林弟子余繼泉。延居東苑靜室間。亦來往武夷虎嘯城。高繼泉弟太學。猶龍率諸檀護及門人道量等。曰。壽昌既沒。東苑當出世矣。時庚申冬。力請師于僊亭一枝庵開堂。師強起說法。四衆驚服。解制卽歸隱武夷石屏巖。誓不出山間。有衲子撥草參求者。師佯爲不采。如癡如狂。自歌自咏。或有逼拶不得已者。師喝曰。你者禿厮。失了魂在者。裏作麼。又策杖絕險處。蹲坐。僧曰。和尚在者。裏作甚麼。師召曰。你上來見者。靡不望崖而退。其作略酷類慈明大愚。嗚呼。當此末法。孰能構附。又孰能感此痛切之機用哉。師每多病。至是疾大作。

二行者在側曰。和尚癯瘦不食。病甚危也。有何施主弟子有何親友。鄰居可速呼來。分付後事。師曰。我從來無親友。亦無後事。分付行者。驚曰。我等如何區區。師指靜室前石屏巖下曰。此處可以埋我。曰。設使死了埋了。又如何分發。師大嘯一聲曰。恰好也。再問已蛻去矣。時崇禎庚午七月十三日子夜。世壽五十四。坐二十六夏有語錄一卷。西陵李冢宰作序。已刻行。外山居詩集一卷。詳見盛公所述行實。予丁丑秋從武林丁艱歸。壽昌曾盛公主先和尚法席。機鋒橫發。如德山雲門。并讀諸語錄著作。妙盡佛聖秘旨。乃大感慨。曾爲之序。我先壽昌初得師與盛公人未之奇。於今乃知此宗非具眼得人。何以傳且久哉。自是予時得盛公之激勵。因以新城福山及廬山國通諸刹致之。復尋公於閩。隨到武夷掃塋。定議師爲山中第一禪祖。況盛公自師滅度後。開法于京都大邑及名山古刹。爲諸薦紳先生與諸方耆宿衲子歸敬大振。世出世法。此一瓣香。計今已十六度拈出而東苑之鼻孔。揀天毒氣滿世。他日中其毒而發作者。則處處

皆師舌相眉毫不可掩匿也。孰知師於大好山中過
脈處微而受幹氣之王於震旦正當昌大也。予於此
有三世法乳之深不容不奉盛公之命之爲銘也。銘
曰

拈花微笑	法眼斯傳	此一人兮	東西稟焉
少林得髓	曹溪止衣	五宗角立	殊途同歸
三枝不競	二株久昌	一濟一洞	起伏非嘗
好山突出	洞水逆流	寶鏡披光	渠我全收
師纔墮坑	便能作怪	奪父牢關	劫兄嶮寨
一枝高唱	雙蛾幾長	傷心江上	恰遇同鄉
火裏浪生	藥中毒發	斷佛祖命	全施殺活
石屏巖巖	不可攀仰	鳥沒雲飛	高踞其上
六六之奇	三三之曲	誰不失魂	來此相續
一聲長嘯	撒手便行	千古兒孫	聞之震驚
武夷僊長	晦菴儒宗	師標禪祖	三教凌風
鼎定其巔	出世獨尙	我作斯銘	當仁不讓

賜進士承德郎禮部儀制司主事豫章弟子黃端伯
撰文

杭州徑山萬壽禪寺嗣法門人道盛立石

東苑晦臺鏡禪師語錄終

建昌廩山忠公傳

杭州徑山嗣法曾孫 道盛 撰

建昌廩山蘊空常忠禪師本郡人少時習姚江良知之學嘗以自有別見當揭明之一日客金陵下鎮江游鶴林古寺遇老宿中州人號古溪者曾參月舟和尚偶談空宗深有所感乃從剃落事之甚謹老宿病師善爲開慰至於燒臂宿異之曰子旣出家可往徧參母虛度歲月當今少林小山書和尚道風響著速宜扣謁不可後也卽腰包走嵩山參書公山問上人來爲何事師曰爲求出離生死法山曰生死在何處你要出離師擬對山搖手曰且去務下著一日師又問如何得見性成佛山曰你喫餅也未曰已喫了山曰還要借人口麼師曰如何得成佛山曰佛是乾屎橛汝要成他作麼師擬再拿山復推出曰是不是

師心益耗。乃辭往五臺燕都參諸老宿。無當意者。復返嵩少。值山外出。師迎而問曰。達磨面壁石在甚麼處。山指曰。阿那青黯黯處。師曰。東指西話。作麼。山曰。南方杜撰。禪如麻似粟。師曰。者老野狐。在者裏。魔魅人。那山以拄杖便打。師禮拜。山遂令偕歸。會山謝事少林主。北京宗鏡師服勤三載。深得其旨。山每勘驗機鋒。警敏皆當仁。不讓。乃辭歸山。以偈囑曰。宗鏡門下一株松。長年占斷白雲封。人間未許閒相識。一棧進出。唉春風。師歸建昌。隱于從姑山。終日危坐。人或顧問。師搖手曰。汝不會我語。曰。師試爲我說看。師曰。南城城外水滔滔。向北流。問者目證。師曰。向道汝不會我語。人莫測識。到覆船山。見紹隆大師。故蹟乃題簫曲峰。屋壁曰。覆却船兮賺雪峰。渠無生死太遼空。玉簫聲斷千山冷。誰聽啼猿夜月中。黎川有廩山八面秀。拔因結茆棲。焉有山居偈云。折脚鐙兒。幸自憐。烹風煮月。亦何便生。平底事誰相委。磨得青萍倚石眠。師二十年刀畊火種。不與世接。往來衲子參尋。亦閉關高枕。拒之諸縉紳名士。過訪唯相對默坐。客退。

侍者進曰。貴人達士相顧和尚。無一言啓迪之。師曰。彼且多知多解。肉飽酒醉。來尋長老。消閑予粥鉢。僧那有許多力氣。與他搔皮寬肚。取人爽快。圖人讚嘆也。獨與大參羅近溪。汝芳徵君。鄧潛谷。元錫二公。相與論性命之學。間拈金剛圓覺發揮宗門大意。及舉向上事。剖決良知。掃除知解。皆超出情見。以經有教。眼禪有綱。宗壽昌。經和尚。白衣時。嚮師道行。特求出家。授戒。師曰。出家須出五蘊家。當究明此事。薙染尙不爲遲。歸戒須歸自心。豈必三壇爲戒耶。你知十六沙彌。廣額屠兒。立地繼燈成佛麼。如是出家。是真大丈夫事。昌又問入道法要。師曰。但能精進。不肯自欺。便是徹首徹尾工夫。昌一日與諸同參論金剛經義。甚快。師聞之。呵曰。宗眼不明。非爲究竟。昌大驚。便問如何。是宗眼。師振衣而起。昌益疑之。復請益玄沙虎趙州狗子話。師曰。我不如你。你自會得。昌後隱峩峰。閱傳燈見僧問與善寬禪師。如何是道。寬曰。大好山語。下有悟走廩山。呈解。師曰。悟則不無。更要受用得。若受用不著。祇是箇承銀禪。因舉南泉王老師。

賣身話問昌子試道南泉是何意旨昌曰者老漢沒蓋載待你頭出角著師喝出又問甘贊行者請念誦南泉打破鍋古人意在甚麼處昌曰拂袖便行鈎有餌鍋兒打破玉無瑕師駭之又舉南泉與陸亘大夫論王居何處殿荅生話曰此深與洞上君臣偏正妙叶昔份祖親見南泉明亦曾深得其旨昌曰不然五宗雖則各設門庭而所立宗旨皆超越三世諸佛所說法式祇如洞山問龍山賓主又何嘗不與玄要主賓沼合師深領之師又曰古人悟後全在解行相應亦要去見人始能曲盡堂奧差別惜乎海內明眼人多岩居穴處亦須搜尋之如臨濟托鉢錫陽尙遇婆子發藥子何可自限昌曰祇如二祖不往西天達磨不來東土從上宗乘中事還曾欠少麼師愕然昌曰三十年用底今日捉敗了也師曰吾宗到汝當大興於世將來於牧牛場上重建剎竿昌於是復返峨峰師一日告衆曰我有件要了底大事汝等須知衆茫然莫知所指乃亟命澡浴整衣端坐豎拳曰會麼衆莫敢加對復以拳揮案曰吽吽爲汝了去遂趨寂

焉茶毗得頂骨牙齒不壞塏於本山師生平言行鎮密如美玉在璞非有眞爲法人拒而不見恐枉法也見人談某於何處有省悟何處有證入輒作色呵之曰子何所見敢以此證據人耶打破大明國尋不出一人能眞參實究你敢乃爾作大妄語以未悟謂悟未證謂證耶當嘉隆間寓內宗風多以傳習爲究竟師疾時矯弊志欲匡扶大法而力未迨以故終身韜晦鄧徵君服膺師深信別傳之旨嘗有詩挽其出世云入海泥牛不見蹤龍山太煞喪家風誰知別有密移處唱出新豐韻不窮師見之咲曰公可謂知得老僧一半也及師示寂後經和尚出世峨峰公亦親訪讀其住山偈曰野獅不噉人間食十二巫峰得自繇養就縱橫無礙力崑崙翻轉作瀛州乃大喜曰何期垂老得飲醍醐乃於今日益見廩山老師之不謬雖不出世而能得此峨峰眞子當必大興洞上宗風也師生於正德甲戌終於萬曆戊子世壽七十五僧臘五十及昌住寶坊乃移塏於寶坊後黃端伯及諸弟子復遷歸廩山之麓有塏銘以表建化之蹟